

प्राकृत ग्रन्थ परिषद् ग्रन्थाङ्कः ४१

सिरिसोमप्पहायरिय-विरइयं

सुमइनाहचरियं

संपादक

डॉ. रमणीक शाह

द. मा. प्राकृत ग्रन्थ परिषद्

अहमदाबाद

ई.स. २००४

Prakrit Text Society Series No. 41

General Editors

Dr. N. J. Shah

Dr. R. M. Shah

**SIRISOMAPPAHĀYARIYA-VIRAIYAM
SUMAINĀHACARIYAM**

Edited by

Dr. RAMANIK SHAH

D. M. PRAKRIT TEXT SOCIETY

AHMEDABAD

2004

Published by :

Ramanik Shah, Secretary
D. M. PRAKRIT TEXT SOCIETY
Shree Vijay-Nemisurishvarjee
Jain Swadhyay Mandir,
12, Bhagatbaug Society,
Sharada Mandir Road, Paldi,
Ahmedabad - 380 007.

First Edition : 2004**Price Rs. 250/-****Available From :**

1. Saraswati Pustak Bhandar, Ratanpole, Ahmedabad-1.
2. Parshwa Prakashan, Zaveriwad, Relief Road, Ahmedabad-1.
3. Motilal Banarasi Das, Delhi, Varansi.

Printed by :

Mayank Shah
Laser Impressions,
215, Gold Souk, Off. C.G.Road,
Ahmedabad-380 015

प्राकृत ग्रन्थ परिषद् ग्रन्थाङ्क : ४१

सिरिसोमप्पहायरिय-चरियं
पाइयभासाबद्धं

सुमइनाह-चरियं

: संपादक :

डॉ. रमणीक शाह

द. मा. प्राकृत ग्रन्थ परिषद्
अहमदाबाद
ई. स. २००४

प्रकाशक :

रमणीक शाह, सेक्रेटरी

द. मा. प्राकृत ग्रन्थ परिषद्,

श्री विजयनेमिसूरीश्वरजी जैन स्वाध्याय मंदिर,

१२, भगतबाग सोसायटी, शारदामंदिर रोड, पालडी,

अहमदाबाद - ३८० ००७

प्रथमावृत्ति : जनवरी २००४

मूल्य : रू. २५०/-

मुद्रक :

मयंक शाह

लेसर इम्प्रेसन्स,

२१५, गोल्ड सौक, सी. जी. रोड,

अहमदाबाद - ३८० ०१५



सायदेव श्री सुमतिनाथ भगवान् (मातर)

त्रिबल्लोकद्वयोर्निर्वाणप्रसथस्मात्तारणमहास्त्वत्तावद्वत्तामुसाविकः श्रीसुनिवंदस्वरूपश्रीमानहवधसु॥ इति
 प्यारक्षितहवधतिथसिद्धः॥ स्वरिसमशुणरत्ननिषवत्तद्वोतिथदेडिकमल्लुभिद्वाराज्ञोत्प्रादिवश्रुतरसातरसावब
 धा॥ १ श्रीदेवस्विधसुखावद्वरत्नपितृव्यादप्याज्ञहेसाः॥ यद्यप्यवाधरविरेकितानानालोकमित्रोसुदप्रोततान॥ इति
 ज्ञारदेशिणामाणरीजतहवस्वरिपुत्रार्विनयतिलताः॥ अवहितयसिद्धसुरियुक्तः॥ जगत्रयविजृतिविमलनीलवर्मो
 हृतव्यान्दिनैकदोषनस्मरज्जोरियदीयमन॥ ४॥ युतास्त्वस्यपदात्ताज्ञधमादात्मदधीरपि॥ श्रीमान्नाम्नामवसात्रार्थेष
 रित्रसुमतर्वोक्षित॥ पाग्वारावयस्मगरदुरसमपुङ्गवः॥ दाम्नीसूक्तसुधमिश्रनमजनिश्रीणाननामाशमान्॥ याना
 कात्ररकायरेजितमतिः॥ साहस्यदिद्यारतिः॥ श्रीसिद्धाधि
 प्रारणान्तपतिषीतः॥ परेधोमतासुतेसः॥ क्रविदक्रम
 यकारकरुणासिजन्यसद्युक्तमादोः॥ स्रणः॥ कलितकुले
 रणादिनपाटका॥ निश्रुसुदमिदेश्वाकपरमार्थसमार्थ॥ ७॥ अनात्तागाकिंचिन्मपिमतिवक्तव्यतरगतः॥ केनाप्योसु
 क्यनेस्मृतिविरहादाषणाकर्मोपासाद्यासुत्रशास्त्रयदिदकिमीप्यप्यक्तमखिलरूपतोधीमज्ञसदसमदयाजसदृश्या॥
 ए॥ एवयथाग्रसदृशए॥ शतद१२॥ ४॥ इति सुमतिनावधरिवंसमन्ते॥ ४॥ श्री॥ ४॥ श्री॥ ४॥ श्री॥ ४॥ श्री॥ ४॥

विमलगच्छ उपाश्रय, अहमदाबाद की हस्तप्रत का अंतिम पत्र

प्रकाशकीय

प्राकृत ग्रंथ परिषद्-ग्रंथमाला के ४१वें पुष्प के रूपमें सुमतिनाथचरित (सुमतिनाथ-चरित)का प्रकाशन करते हुए हमें हर्ष अनुभव हो रहा है। प्राकृत गद्य-पद्यबद्ध सुमतिनाथ-चरित आचार्य सोमप्रभसूरि की रचना है। आचार्य सोमप्रभसूरि श्वेताम्बर परम्परा में ४३वें पट्टधर थे। गूर्जरनेश कुमारपाल एवं आचार्य हेमचन्द्रसूरि के समकालीन आचार्य सोमप्रभसूरि प्रतिभावंत कवि भी थे। उनकी प्रसिद्ध रचना 'कुमारपाल प्रतिबोध' गायकवाड ओरिएण्टल सिरीज़ में प्रसिद्ध हो चुकी है। सुमतिनाथचरित अद्यापि अप्रकाशित था। कुमारपालप्रतिबोध की तरह यह भी एक उपदेशात्मक कथाओं का कोश है। प्राकृत भाषा, जैन धर्म और दर्शन, लौकिक कथापरंपरा और समसामयिक सांस्कृतिक सामग्री के अध्ययन के लिए सुमतिनाथचरित एक महत्वपूर्ण ग्रन्थ है। प्राकृत ग्रंथ परिषद् के मंत्री एवं प्राकृत भाषा-साहित्य के विद्वान डॉ. रमणीक शाहने इसका संशोधन-संपादन किया है। डॉ. शाह को प्राकृत ग्रंथ परिषद् की ओर से मैं धन्यवाद देता हूँ।

इस ग्रंथ के प्रकाशन के लिए पूज्यपाद आचार्यदेव श्रीमद् विजयनरचंद्रसूरिश्वरजी म. सा. के उपदेशसे हसमुखलाल चुनीलाल मोदी चेरिटेबल ट्रस्ट, मुंबई ने रु. ८०,०००/- दिया है। एतदर्थ प. पू. आचार्यश्री एवं दाताश्री के हम आभारी हैं। सुचारु मुद्रांकन के लिए श्री मयंक शाह को धन्यवाद।

द. मा. प्राकृत ग्रन्थ परिषद्

अहमदाबाद - ३८० ००७.

दिनांक : १-१-२००४

नगीन शाह

अध्यक्ष

:

अनुक्रमणिका

संपादकीय	७-२१
मूल सुमइनाह-चरियं	१-५१३
पढमो पत्थावो	१-२४
बिइओ पत्थावो	२५-४८
तइओ पत्थावो	४९-६८
चउत्थो पत्थावो	६९-१२४
पंचमो पत्थावो	१२५-२१४
छट्ठो पत्थावो	२१५-२४८
सत्तमो पत्थावो	२४९-३२७
अट्ठमो पत्थावो	३२८-३८४
नवमो पत्थावो	३८५-४९४
दसमो पत्थावो	४९५-५१४

संपादकीय

‘कुमारपालप्रतिबोध’ जैसी विशिष्ट कृति के रचयिता, राजा कुमारपाल एवं आचार्य हेमचन्द्रसूरिके समकालीन, आचार्य सोमप्रभसूरि विरचित प्राकृतभाषाबद्ध अनुपम चंपूरचना सुमइनाह-चरियं (सुमतिनाथ-चरित) यहाँ प्रथमबार संशोधित-संपादित करके प्रकाशित करते हुए अत्यंत आनंद अनुभव कर रहा हूँ ।

स्व. आगमप्रभाकर पूज्य मुनिराजश्री पुण्यविजयजी ने इसकी नकल अहमदाबाद के ‘लवारनी पोळ जैन-ज्ञान-भंडार’ की हस्तप्रत पर से करवाई थी और दूसरी तीन हस्तप्रतों से पाठान्तर भी लिखवाये थे । उसी सामग्री की सहाय से प्रस्तुत संपादन किया गया है । परम पूज्य आचार्यश्री प्रद्युम्नसूरिजीने यह जानकर की मैं इस ग्रंथका संपादन कर रहा हूँ, महती कृपा करके दूसरी दो हस्तप्रतों की झेरोक्ष नकलें मुझे दी । ग्रंथका संपादन कार्य पूर्ण होने आया था अतः इन दोनों हस्तप्रतों के पाठान्तर तो मैं लिख नहीं पाया, किन्तु मूल में आते अपभ्रंश अंश की शुद्धि करने के लिए ये दोनों झेरोक्ष कापियाँ मुझे अत्यंत सहायभूत बनी ।

उपरोक्त सभी प्रतियों का परिचय इस प्रकार है—

(१) ल. प्रति :-

‘लवारनी पोळ जैन ज्ञान भंडार’, अहमदाबाद की १८० पत्रों की कागजी प्रत । कविप्रशस्ति के अंत में लिपिकार-प्रशस्ति इस प्रकार है—

॥ ग्रंथाग्रं ९८२१ ॥ छ ॥ इति सुमतिनाथपुस्तकं लिखितं समाप्तमिति ॥ छ ॥ शुभं भवतु ॥ कल्याणमस्तु ॥ चिरंजीवी ॥

(२) पा. प्रति :-

पूज्यपाद मुनिराज पुण्यविजयजी ने इस प्रति के पत्रों की संख्या २३६ दीखाई है (इन में पत्र १०८ दुबारा लिखा गया है)^१

ग्रंथ के अंत में लिपिकार-प्रशस्ति इस प्रकार है—

एवं ग्रंथाग्रं सहस्र ९ शत ६२१ ॥ छ ॥ सुमतिनाथचरित्रं समत्तं ॥ छ ॥ श्री ॥ शुभं भवतु ॥

१. यह हस्तप्रत हेमचंद्राचार्य ज्ञान मंदिर, पाटन के संग्रह की प्रत नं. १६६२ होने की संभावना है ।

यादृशं पुस्तके दृष्टं तादृशं लिखितं मया ।
 यदि शुद्धमशुद्धं वा मम दोषो न दीयते ॥
 भग्नपृष्ठि कटि ग्रीवा बद्धमुष्टिरधोमुखे ।
 कष्टेन लिखितं शास्त्रं यत्नेन परिपालयेत् ॥

॥ छ ॥ संवत् १६५४ वर्षे पोस शद १० शं. लिखितम् ॥ छ ॥

(३) रा. प्रति :-

यह प्रति राधनपुर(गुजरात) के किसी भंडार की होने के पू. पुण्यविजयजी के उल्लेख के अलावा अन्य कुछ विगते मिली नहीं हैं ।

(४) दे. प्रति :-

इस प्रति अहमदाबाद के 'देवशानो पाडो ज्ञान भंडार' की प्रत होने का स्व. पूज्य मुनिजी ने लिखा है, इसके अलावा कुछ विगते प्राप्त नहीं हैं ।

(५) हे. प्रति :-

पूज्य आचार्यश्री प्रद्युम्नसूरिजी से प्राप्त दो झेरेश में से एक यह प्रत पाटन(उ. गुज.) के हेमचन्द्राचार्य ज्ञानभंडार की १५६५७ नंबर की प्रत है । उसका आदि-अंत इस प्रकार है—

आदि :-

॥६०॥ ॐ नमो श्री वीतरागाय ॥ ॐ नमो श्री सारदायै नमः ॥ ॐ नमो श्री गुरुभ्यो नमः ॥

जयइ जयकर्णरुखो पढमजिणो जस्स खंधसिहरेसु ।

सउणाण वत्तहा बालवत्तरी सहइ सिद्धिफला ॥१॥

अंत :-

ग्रंथाग्रं ॥ ९८५१ ॥ श्री सुनतिनाथ पुस्तकं लिखितं, समाप्तमिति ॥छ॥ संवत् १८४४ रा वर्षे काती वदी १० दिने लिखतं । पं. दौला ॥ श्री पाटणमध्ये ॥

(६) वि. प्रत :-

पूज्य आचार्यश्री प्रद्युम्नसूरिजी से प्राप्त झेरेश कापियों में से दूसरी २०५ पत्र की यह कागजी प्रत श्रीमत् पंन्यास श्री दयाविमलजी गणी शिष्य पंन्यासजी सौभाग्यविमलजी गणी ज्ञानभंडार, कालुशीकी पौळ, विमलगच्छ उपाश्रय, अहमदाबाद की है । उसका नं. ३३८० है ।

आदि :-

॥द०॥ ॐ नमः श्री सुमतिजिनाय ॥

जयइ जय कप्परुक्खो पढम जिणो जस्स खंधसिहरेसु ।

सउणाण वल्लहा वालवल्ली सहइ सिद्धिफला ॥१॥

अन्त :-

कवि-प्रशस्ति के अनन्तर प्राप्त लिपिकार-प्रशस्ति निम्न है-

एवं ग्रंथाग्रं सहस्र ९ शत ६२१ ॥ छ ॥ इति सुमतिनाथचरित्रं समत्तं ॥ छ
॥ श्री ॥ छ ॥ श्री ॥ छ ॥ श्री ॥ छ ॥ श्री ॥ छ ॥ श्री ॥ छ ॥ श्री ॥ छ ॥

संपादन-पद्धति

इन हस्तप्रतों में ल., ग. और हे. प्रतों के पाठ समान हैं और पा., दे. तथा वि. प्रतों के पाठ समान हैं। इस तरह इनमें दो पाठ-परंपरा प्राप्त होती हैं। किन्तु दोनों परंपरामें पाठभेद नगण्य ही हैं।

ग्रंथकार ने मूल ग्रंथ को पूर्वार्ध-उत्तरार्ध स्वरूप दो भागों में ही विभाजित किया था। पूर्वार्ध में सुमतिनाथ तीर्थंकर के पूर्वजन्म के दो भवों का निरूपण किया गया था और उत्तरार्धमें तीर्थंकर-भव का। प्रस्तुत संपादन में पूर्वार्ध-उत्तरार्ध दोनों को पाँच-पाँच प्रस्तावों में विभाजित कर कुल दश प्रस्तावों में समग्र ग्रंथ विभाजित किया गया है। प्रत्येक प्रस्ताव के पाठान्तर प्रस्ताव के अंत में दिये गये हैं। पद्यों के क्रमांक नये सिरे से दिये गये हैं।

आ. सोमप्रभसूरि और उनकी कृतियाँ

सुमतिनाथचरित्र के रचयिता आचार्य सोमप्रभसूरि राजा कुमारपाल और आचार्य हेमचन्द्रसूरि के समकालीन थे। सुमतिनाथचरित्र की प्रशस्ति(प्रस्तुत ग्रंथ, पृ. ५१३-५१४) में उन्होंने अपनी गुरु-परंपराका एवं अपने समकालीन अन्य महानुभावों का ब्योरा दिया है। प्रशस्ति का अनुवाद इस प्रकार है-

“विशाल वृद्धगच्छ(चन्द्रगच्छ)स्वरूप गगनमण्डलके चंद्र और सूर्य समान, पृथ्वी के कर्णाभूषणरूप, धर्मरूपी रथ के दो धौरेय समान, संपूर्ण जगत के तत्त्वका अवलोकन करनेवाले दो नयन के समान, निर्वाणरूप महालय के तोरणद्वार के दो महास्तंभ समान थे श्रीमुनिचन्द्रसूरि और दूसरे श्रीमानदेवसूरि। उन दोनों के शिष्य, समग्र गुणरत्नों के निधि समान, प्रसिद्ध आचार्य हो गये अजितदेवसूरि, जिनके चरणकमलमें मुनिगणरूपी भ्रमर-पंक्ति श्रुत-रस के आस्वाद के लिए लगी रहती थी।

श्रीदेवसूरि प्रमुख अन्य भी उनके चरणकमलों में हंस समान आचार्य हो गये, जिनकी निराबाध स्थिर सत्यपूर्ण मैत्री प्रमोद का विस्तार करती थी ।

विशारद-शिरोमणि अजितदेवसूरि-प्रभु के विनयतिलक समान विजयसिंह गुरु हुए जिनके मन को विमल शीतरूप कवच से आवृत होने के कारण कभी भी तीनों जगत के विजेता कामदेव के शर भी भेद नहीं पाये थे ।

ऐसे गुरु के चरणकमल की कृपासे मन्दबुद्धि होने पर भी श्रीमान् सोमप्रभाचार्य ने सुमतिनाथचरित्र की रचना की ।

प्राग्वाटवंशरूप सागर की वृद्धि करने में चन्द्र समान, असाधारण प्रज्ञावाले, कृतज्ञ, क्षमाशील, वाग्मी, सूक्ति-सुधानिधि श्रीपाल नामक कवि हुए ।

उनके लोकोत्तर काव्यों से प्रसन्न, साहित्य और विद्या के रसिक श्री सिद्धराज इस कवीन्द्रतिलक को भ्राता समान मानते थे ।

उनके पुत्र कविचक्रमस्तकमणिरूप, बुद्धिमानों में अग्रणी, श्री सिद्धपाल हुए, जो कुमारपाल नृपति के प्रीतिपात्र थे । परोपकार, करुणा, सौजन्य, सत्य, क्षमा, दाक्षिण्य आदिसे युक्त उनको देख के लोक कलियुग में कृतयुग का आरंभ हुआ मानते थे ।

अणहिलपुर-पाटनकी उनकी पौषधशाला में रहते हुए यह परमार्थ-समर्थित चरित की रचना मैंने की है ।

कुछ अज्ञान के कारण, कुछ मतिमंदता के कारण, कुछ अति उत्सुकता के कारण और क्वचित् स्मृति दोष के कारण मैंने शास्त्र-विरुद्ध जो कुछ भी कह दिया हो, तो मुझे सब दयापूर्ण हृदयवाले बुद्धिमान जन क्षमा करें ।”

इस प्रशस्ति से दो निर्देश प्राप्त होते हैं—

(१) सोमप्रभसूरि चन्द्रगच्छ के आचार्यद्वय मुनिचन्द्रसूरि-मानदेवसूरि के शिष्य अजितदेवसूरि (जिनके गुरुबंधु देवसूरि-प्रसिद्ध वादिदेवसूरि थे) के शिष्य विजयसिंहसूरि के शिष्य थे ।

(२) प्रसिद्ध चौलुक्य राजा सिद्धराज जयसिंह के मित्र कवि श्रीपाल का पुत्र कवि सिद्धपाल राजा कुमारपालका मित्र था । उनकी पौषधशाला में अणहिलपुर पढ़न में रह कर सोमप्रभाचार्य ने सुमतिनाथचरित की रचना की थी ।

सोमप्रभाचार्य की दूसरी प्रसिद्ध रचना ‘कुमारपालप्रतिबोध’ की प्रशस्ति से भी यही तथ्य उजागर होते हैं । वहाँ पर कर्ता ने कुमारपालप्रतिबोध-अपरनाम जिनधर्मप्रतिबोध-का रचना समय विक्रम संवत् १२४१ (ई. स. ११८५) बताया है । अर्थात् कुमारपाल के अवसान वर्ष वि. सं. १२३० (ई. स. ११७४) के ग्यारह वर्ष के बाद इसकी रचना हुई थी ।

सोमप्रभाचार्य के किसी शिष्यने आचार्य के शतार्थ काव्य में गुरुस्तुतिरूप जो पद्य जोड़ दिये हैं, उन से उनके पूर्व जीवन पर थोड़ा प्रकाश पड़ता है—

“मंत्रियों में मुकुटरूप प्राग्वाट जाति के जैन श्रावक जिनदेव थे। उनके सज्जन-शिरोमणि पुत्र सर्वदेव थे। सर्वदेवके पुत्र सोमप्रभने कुमारवस्था में जिनदीक्षा ली थी। वे शास्त्रोंके पारगामी, तर्कपटु, शीघ्रकवि और उत्तम व्याख्याता थे।”^१

सुमतिनाथप्रभुचरित्र-भाषांतर की अपनी प्रस्तावना में पू. मुनिश्री रवीन्द्रसागरजी ने सोमप्रभसूरि के जीवन के बारेमें लिखा है— “वि. सं. १२३८ महा सुदी ४ शनिवार के दिन आचार्यश्री के करकमलों से प्रतिष्ठित चतुर्विंशति जिन मातृका-पट श्री शंखेश्वर तीर्थ में विद्यमान है।

वि. सं. १२८३ का चातुर्मास बडाली में करके, चातुर्मास पूर्ण होने पर छठी पालक संघ के साथ वि. सं. १२८४ में सिद्धाचल की यात्रा आचार्यश्री ने की थी। वि. सं. १२८४ का चातुर्मास अंकेवालिया में किया, उसी चातुर्मास समयमें ही आचार्यश्रीका स्वर्गवास हुआ।”^२

उपरोक्त तथ्यों के स्रोत का मुनिजी ने उल्लेख नहीं किया है। यदि उपरोक्त उल्लेख सही हैं, तो हम सोमप्रभसूरि का जीवन-काल विक्रमीय १३वीं सदी के प्रारंभ से वि. सं. १२८४ तक का मान सकते हैं।

इस तरह आचार्य सोमप्रभसूरि अपने समय के एक समर्थ प्रभावक आचार्य थे। उनका तत्कालीन जैन आचार्यों से एवं अन्य विद्वानोंसे घनिष्ठ संबंध था। उनके

१. प्राग्वाटान्वयनीराशिरजनीजानिर्जिनार्चापरः

संजातो जिनदेव इत्यभिधया चूडामणिर्मन्त्रिणाम् ।
यस्यौदार्य-विवेक-विक्रम-दया-दाक्षिण्यपुण्यैर्गुणैः
साध्यं लब्धुमर्हनिशं जगदपि क्लिश्यन् विश्राम्यति ॥
तस्याऽऽत्मजः सुजनमण्डलमौलिरत्न-
मुज्जृम्भितेन्द्रियजयोऽजनि सर्वदेवः ।
एकस्थसर्वगुणनिर्मतकौतुकेन
धात्रा कृतोऽयमिति यः प्रथितः पृथिव्याम् ॥
सुनुस्तस्य प्रथमकमलादर्पणः पुण्यकायः
कौमारेऽपि स्मरमदजयी जैनदीक्षां प्रपन्नः ।
विश्वस्यापि श्रुतजलनिधेः पारभासाद्य जज्ञे
श्रीमान् सोमप्रभ इति त्वत्कीर्तिराचार्यवर्यः ॥
यो गृह्णाति समश्रुतं वहति यस्तर्केऽद्भुतं पाटवं
काव्यं यस्त्वरितं करोति तनुते यः पावनीं देशनाम् ।

२. सुमतिनाथप्रभुचरित्र, भाग-२, अनुवादक मुनि रवीन्द्रसागरजी, आत्मानंद जैन सभा, भावनगर, प्रस्तावना पृ. १२ ।

समय के गूर्जरनरेश कुमारपाल आदि भी उनका बहुमान करते थे। उन्होंने अपनी विशिष्ट कविप्रतिभासे कई संस्कृत, प्राकृत ग्रंथों की रचना की थी।

वे भगवान महावीर से चलनेवाली अपने गच्छ की पट्टपरंपरा के ४३वें पट्टधर आचार्य थे। उनके बाद उनकी पट्ट-परंपरा में ४४ वें पट्टधर आचार्य जगन्मन्त्रसूरि हुए, जिन्हें प्रकृष्ट तपश्चर्या के कारण उदयपुर के राणा ने 'तपा' बिरुद दिया था। उन्हीं के समय से बृहद्गच्छ 'तपगच्छ' नाम से प्रसिद्ध हुआ।

सोमप्रभसूरिकी कृतियाँ —

सोमप्रभसूरि की पाँच रचनाएँ — (१) सुमतिनाथ चरित्र (२) सूक्ति-मुक्तावली, (३) शतार्थ काव्य, (४) शृंगारवैराग्यतरंगिणी, (५) कुमारपालप्रतिबोध मिलती हैं।

सोमप्रभसूरिकी पाँच प्राप्त रचनाओं में सुमतिनाथचरित प्रथम रचना है और संभवतः वह कुमारपाल के शासनकाल में रची गई थी। अंतिम रचना कुमारपालप्रतिबोध वि. सं. १२४१ (ई. स. ११८५) में लिखी गई होने का उल्लेख खुद कर्ताने किया है। अन्य रचनाएँ इन दो रचनाओं के मध्य में रची गई थी। इनमें क्रमशः सूक्तिमुक्तावली, शतार्थकाव्य तथा शृंगारवैराग्यतरंगिणी का समावेश होता है।

सुमतिनाथचरित्र का विस्तृत परिचय देने से पूर्व दूसरी रचनाओं का साधारण परिचय दिया जा रहा है।

(२) सूक्तिमुक्तावली^१ —

१०० संस्कृत श्लोक प्रमाण यह रचनाका दूसरा नाम 'सिंदूरप्रकर' है। भर्तृहरि के वैराग्यशतक की शैली से रची गई इस कृति में अहिंसा, सत्य, अस्तेय, शील, सौजन्य, क्षमा, त्याग, वैराग्य आदि के बोधक सरल एवं सरस सुभाषितों का संग्रह है। हृदयहारि कोमल पदावली के कारण जैन एवं जैनेतरों में भी यह सूक्तिसंग्रह ने स्थान बनाया था। कर्ता सोमप्रभ की सौ पद्योंकी कृति होने के कारण इसका 'सोमशतक' नाम भी प्रचलित था। 'सिन्दूरप्रकर' शब्द से प्रारंभ होने के कारण इसका 'सिन्दूरप्रकर' नाम अधिक प्रसिद्ध हुआ।

(३) शतार्थ-काव्य^२ —

शतार्थ काव्य आचार्य की तृतीय कृति है। इस चमत्कृतिपूर्ण रचना में एक सौ अर्थ जिसमें निहित हैं ऐसे एक श्लोक की रचना करके उस पर आचार्य ने अपनी टीका लिखी है। श्लोक इस प्रकार है—

१. कुमारपाल-प्रतिबोध— संपा. आ. जिनविजयजी, प्रस्तावना।

२. अनेकार्थ-साहित्य-संग्रह, प्राचीन साहित्योद्धार ग्रंथावली, पुष्प-२, अहमदाबाद से प्रकाशित।

कल्याणसारसवितानहरेक्षमोह कान्तरवारणसमानजयाद्यदेव ।

धर्मार्थकामदमहोदयवीरधीर सोमप्रभावपरमागमसिद्धसूरे ॥

वसंततिलका छंद में रचे गये इस एक श्लोक की टीका में उन्होंने उस एक पद्य के १०६ विभिन्न अर्थ निकाल के दिखलाये हैं, जिनमें २४ तीर्थंकर, ब्रह्मा, विष्णु, महेश तीन हिन्दु देव तथा चौलुक्यनृप जयसिंह, कुमारपाल, अजयपाल आदि परक अर्थ शामिल हैं । शतार्थ काव्य की रचना के कारण सोमप्रभ का 'शतार्थिक' उपनाम भी हो गया था ।^१

(४) शृंगारवैराग्यतरंगिणी^२ —

इसमें विविध छंदों के ४६ पद्यों में नैतिक उपदेशोंका संकलन है । इसमें कामशास्त्रानुसार स्त्रियों के हाव-भाव व लीलाओं का वर्णन कर उनसे सतर्क रहने का उपदेश दिया गया है । इस पर आगरा के पं. नन्दलाल ने संस्कृत टीका लिखी है ।

(५) कुमारवाल्मजिबोध^३ —

कुमारपालप्रतिबोध-इसे जिनधर्मप्रतिबोध और हेमकुमारचरित भी कहते हैं । इसमें पाँच प्रस्ताव हैं । यह प्रधानतः प्राकृत में लिखी गद्य-पद्यमयी रचना है । पाँचवाँ प्रस्ताव अपभ्रंश तथा संस्कृत में है । इसमें ५४ कहानियों का संग्रह है । ग्रंथकारने दिखलाया है कि इन कहानियों के द्वारा हेमचन्द्रसूरि ने कुमारपाल को जैनधर्म के सिद्धान्त और नियम समझाये थे । इसकी अधिकांश कहानियाँ प्राचीन जैन शास्त्रों से ली गई हैं । इसमें श्रावक के १२ व्रतों का महत्त्व सूचित करने के लिए तथा पाँच-पाँच अतिचारों के दुष्परिणामों को सूचित करने के लिए कहानियाँ दी गई हैं । अहिंसाव्रत के महत्त्व के लिए अमरसिंह, दामनक आदि, देवपूजा का माहात्म्य बताने के लिए देवपाल-पद्मोत्तर आदि, सुपात्रदान के लिए चन्दनबाला-मृगावती आदि, द्युतकीडा का दोष दिखलाने के लिए नल, परस्त्री-सेवन का दोष बतलाने के लिए द्वारिकादहन तथा यादवकथा आदि कथाएँ दी गई हैं । अन्तमें विक्रमादित्य, स्थूलभद्र, दशार्णभद्र की कथाएँ भी दी गई हैं । अपने समय में प्रचलित कई लोककथाओं का भी कर्तानि कुशलतापूर्वक धर्मबोध के लिए विनियोग किया है ।

१. "सोमप्रभोमुनिपतिर्विदितः शतार्थी" । - मुनिसुन्दरसूरिकृतगुर्वावली,

"ततः शतार्थिकः ख्यातः श्रीसोमप्रभसूरिणाद् ।" - गुणरत्नसूरिकृत क्रियाखसमुच्चय ।

२. निर्णयसागर प्रेस, मुंबई, ई.स. १९४२ ।

३. श्री सोमप्रभाचार्य - विरचितः कुमारपालप्रतिबोधः - संपा. मुनि जिनविजय, गायकवाड ओरिएन्टल सिरीज़, बरोडा, १९२० ।

इसकी रचना सोमप्रभसूरिने वि. स. १२४९ में की थी ।^१ आचार्य हेमचंद्रसूरि के शिष्य श्रीमहेन्द्रमुनि और वर्धमानगणि एवं गुणचंद्रगणि ने इस ग्रंथ का श्रवण ग्रंथकारके मुखसे किया था ।^२

उपरोक्त रचनाओं के उपरान्त एक 'लघुत्रिषष्टि'की रचना सोमप्रभ की होने का उल्लेख मेघविजयकृत 'लघुत्रिषष्टिशलाकापुरुषचरित्र'की गुजराती प्रस्तावनामें पं. मफतलालने किया है ।^३

शान्तिनाथ पर एक लघु रचना सोमप्रभकी होने का उल्लेख जिनरत्नकोशमें (पृ. ३८०)में मिलता है ।^४

सुमतिनाथचरित

सुमतिनाथचरितं(सं. सुमतिनाथचरितम्) सोमप्रभसूरिकी प्रथम कृति मानी जाती है । पंचम तीर्थंकर भगवान सुमतिनाथ के जीवनचरित्र का आलेखन करनेवाली समग्र प्राकृत-संस्कृत साहित्य की यह प्रथम कृति है । ९८०० से अधिक ग्रंथाग्र प्रमाणकी यह कृति महाराष्ट्री प्राकृत भाषामें रची गई है, तथापि पंचम प्रस्तावमें आठ कर्मों के प्रभाव के वर्णनमें संस्कृत गद्य का प्रयोग किया गया है (पृ. १२५-१२७) और नवम प्रस्तावमें नमस्कार-विषयक पुलिंद-मिथुन की कथा में संस्कृत गद्य-पद्य दोनों का प्रयोग किया गया है (पृ. ४७१-४८५) । सप्तम प्रस्ताव में जिनभक्ति-विषयक सुंदरकथा नामक विस्तृत कथा अपभ्रंश पद्यमें लिखी गई है । तदुपरांत एकाधिक स्थानोंमें संस्कृत और अपभ्रंश पद्य प्राप्त होते हैं ।

आचार्य का संस्कृत, प्राकृत और अपभ्रंश तीनों भाषाओं पर समान प्रभुत्व है । अक्षरवृत्त और मात्रावृत्त दोनों प्रकार के छंद में भी उनकी निपुणता प्रत्येक पद में दिखाई देती है ।

९८२१ ग्रंथाग्र के इस ग्रंथमें ३७०७ पद्य हैं । अर्थात् एक तृतीयांश से अधिक भाग पद्य है ।

ग्रंथ का नाम एवं केन्द्रवर्ती विषय सुमतिनाथ तीर्थंकर का चरित है, किन्तु ग्रंथ एक प्रकार का कथाकोश ही बन गया है ।

१. शशिजलधिसूर्यवर्षे शुचिमासे रविदिने सिताष्टम्याम् ।
जिनधर्मप्रतिबोधः क्लृप्तोऽयं गूज्जरिन्द्रपुरे ॥ (कुमारपालप्रतिबोध- प्रशस्ति)
२. हेमसूरिपदपङ्कजहंसैः श्रीमहेन्द्रमुनिपैः श्रुतमेतत् ।
वर्द्धमान-गुणचन्द्र-गणिभ्यां साकमाकलितशास्त्ररहस्यैः ॥ (कुमार. प्रति.- प्रशस्ति)
३. जैन साहित्य का बृहद् इतिहास, खंड - ६, पृ. ७९ ।
४. जैन साहित्य का बृहद् इतिहास, खंड - ६, पृ. ८५ ।

कवि ने इस रचना का हेतु दिखाते हुए कहा है— “न कवियश के लिए, न पूजा-स्थान बनूं ऐसी बुद्धि से और न लोक के चित्त में चमत्कार पैदा करूं ऐसी इच्छा से इस प्रबंध की रचना मैं करता हूँ, केवल आंतरिक दुश्मनों के चक्र को नष्ट करनेवाले श्रीसुमतिप्रभु के चरितांश के किर्तन से मैं स्वयं को प्रसन्न करूं ऐसा सोचके इस कथा-प्रबंध की रचना करने को उद्यत हुआ हूँ। ऐसा करने पर दूसरों को भी लाभ हो तो अधिक अच्छा है।” (पृ. ३, गा. ३६-३८)

इस तरह पंचम तीर्थंकर सुमतिनाथ के जीवनचरित्र को केन्द्रवर्ती विषय बनाकर ग्रंथकारने चालीस से अधिक रसप्रद उपदेश कथाओं द्वारा जैन धर्म और दर्शन के अनेक तत्त्वों को अत्यंत मधुर प्रांजल भाषामें कौशल्यपूर्ण रीति से पेश किया है।

इन कथाओं में ग्रंथकार ने अपनी कल्पना से रची कथाओं के साथ लोक-साहित्यमें प्रचलित कथाओं का विनियोग भी किया है।

संक्षिप्त कथासार

प्रस्ताव १ (पृ. १-२४)— प्रथम तीर्थंकर ऋषभदेव, पंचम तीर्थंकर सुमतिनाथ, तेइसवें तीर्थंकर पार्श्वनाथ और अंतिम तीर्थंकर भगवान महावीर तथा शेष जिनों को वंदन करके (पद्य १-५) एवं श्रुतदेवी, गुरुजनों, गौतम गणधर को नमस्कार करके (५-९) ग्रंथकार कथाका प्रारंभ करते हैं, जिनधर्मकी प्रशंसा करके निर्जरा हेतु सुमतिनाथ भगवान के तीन भवों में बद्ध चरित्र की रचना का संकल्प करते हैं (१०-२७), फिर सज्जन-स्तुति आदि करके कथाप्रबंध का प्रारंभ करते हैं (२८-३८)।

भगवान सुमतिनाथ के तीन भवों में प्रथम भव पुरुषसिंह नामक राजकुमार का था। पुरुषसिंह-भवकी कथा प्रथमार्धमें अतिविस्तार से दी गई है।

पुरुषसिंह के पिता शंखपुर नगर के राजा विजयसेन थे। विजयसेन की सभा में एकबार सुमंगल नामक एक सार्थवाह आता है। वह बताता है कि गंधपुरनगर के राजा तारापीठकी पुत्री राजकन्या सुदर्शना विजयसेन राजा को वरण करने के लिए सार्थ के साथ आ रही थी तब रास्तेमें कोई अदृष्ट तत्त्व द्वारा उसका अपहरण हो गया है। इस से राजा आनंद और दुःख दोनों का भाव अनुभव करता है। शुभ शकुनों द्वारा इस कन्या से विजयसेन का वरण होगा ऐसा आश्वासन मतिसागर मंत्री राजा को देता है।

एकदा मृगया के लिए निकले विजयसेन को अश्व उठा के एक अरण्यमें ले गया। वहां एक सरोवर के किनारे पहुँचा तब किसी स्त्री का सहाय के लिए शब्द सुना। वहां पहुँचने पर एक सुंदरीने उसके पास भोग के लिए प्रार्थना की। शीलवान राजा ने उसे इनकार कर दिया। सुंदरीरूप धारण करनेवाली व्यंतरी ने अपने पति

पिंगलाक्ष नामक व्यंतर को असत्य कहकर उसके विरुद्ध उकसाया । व्यंतर के साथ राजाका युद्ध हुआ, शील के कारण राजाकी जीत हुई, व्यंतरने उसे चमत्कारिक महा हार और औषधि दी ।

आगे चलते राजा का रथनूपुरचक्रवाल नगर के विद्याधर चक्रवर्ती महेन्द्रसिंह के पुत्र मणिचूडके साथ मिलन होता है ।

प्रस्ताव - २ (पृ. २५-४८)— मणिचूड अपने पूर्वभव की कथा सुनाता है । उनके साथ भी वैसी ही घटना घटी थी । विजयसेन और मणिचूड मित्र बन गये । राजाने मणिचूड को सुदर्शना की शोध का कार्य सौंपा । दोनों विमान विकुर्वित करके निकल पडे ।

प्रस्ताव - ३ (पृ. ४९-६८)— इधर सुदर्शना का अपहरण करके क्षुद्र व्यंतरीने उसे भयंकर अटवी में छोड़ दिया । वहां उसे कायोत्सर्ग स्थित चारणश्रमण का दर्शन हुआ । उनके द्वारा धर्मोपदेश और पंचपरमेष्ठि मंत्र की प्राप्ति करके उसके प्रताप से वह निर्भय बनके आगे चली । हाथी पकड़ने के लिए वन में आया हुआ चक्रपुर नरेश सिंहराजा उसे अपने नगरमें ले जाता है, उससे बलात् विवाह करने का प्रयत्न करता है इसी बीच विजयसेन और मणिचूड वहां आ पहुंचते हैं । आत्महत्या करती हुई राजकुमारीको विजयसेन बचाता है, सिंह के साथ उसका युद्ध होता है, सिंह को परास्त कर सुदर्शना के साथ विवाह करके मणिचूड द्वारा विकुर्वित विमानसे राजा विजयसेन स्वनगर में आ पहुंचता है । नगर में आनंदोत्सव मनाया जाता है ।

प्रस्ताव - ४ (पृ. ६९-१२४)— जीवानंदसूरि नामक आचार्य का नगर में आगमन होता है । राजा द्वारा सुदर्शना के लिए प्रश्न पूछने पर आचार्य ने उसके पूर्वजन्म का वृत्तांत सुनाया । पूर्वजन्म में विजयसेन जंबूद्वीप के भरतक्षेत्र में कुशपुर नगर में दत्त नामक धर्मपरायण वणिक था, व्यंतरी उसकी पद्मा नामक कुशील भार्या थी और सुदर्शना उसकी भद्रा नामक धर्मिष्ठ भार्या थी । मुनि के उपदेश से विजयसेन और सुदर्शना को जातिस्मरण ज्ञान हुआ और दोनों श्रावक व्रत का पालन करते हुए अनेकविध धर्मकार्य करने लगे ।

एक दिन उद्यानयात्रा के लिए राजा-रानी गए हुए थे तब रानी सुदर्शना को पुत्र न होने का दुःख हुआ । अविवेकी मंत्री द्वारा पुत्र-प्राप्ति के लिए माणिभद्र नामक यक्ष को पशुबलि आदि चढ़ाने का सूचन हुआ, परंतु राजा द्वारा इनकार होने पर माणिभद्र यक्ष द्वारा अनेक उपसर्ग किये गये । किन्तु राजा निश्चल रहा । मतिसागर मंत्री द्वारा पुत्र प्राप्ति के लिए पुण्योपार्जनकी आवश्यकता समझा के पुण्योपार्जन के लिए धार्मिक उपायका सूचन किया गया । धार्मिक उपायों से पुण्योपार्जन के कारण देवलोकसे च्यवित होकर रानी के गर्भ में एक देव का पुत्र रूपमें आगमन हुआ । वही भगवान सुमितनाथ का जीव था । पुत्र का

पुरुषसिंह नाम दिया जाता है । क्रमशः कुमार युवास्थाको प्राप्त होता है ।

एकदा कुमार ने वधनिमित्त ले जाते हुए चोर को दयाके कारण छुड़वाया । राजाने उसे उपालंभ दिया । अपमान समझकर कुमार गृहत्याग कर देता है । परिभ्रमण करता हुआ कुमार श्रीपुर नगर पहुँचता है । वहाँ के राजा पुरंदरकी पुत्री चंद्रलेखा पुरुषद्वेषिणी थी, किन्तु कुमार को देख उसे प्रेम करने लगी । कुमार द्वारा राजहस्ती को वश करने के पराक्रम को देखते हुए राजा ने उसके साथ चंद्रलेखा का विवाह कर दिया ।

तत्पश्चात् पुरुषसिंह कुमार अनेक नगरोंमें घुमता हुआ, अनेक पराक्रम करता हुआ, अनेक राजकन्याओं के साथ विवाह करता है— सिंहपुर नगर-सिंहविक्रम राजा-जयावली देवी की कन्या मदनलेखा, कंचनपुर नगर-राजा वैरसिंह-रानी नयनावली की राजकन्या कनकावली, विजयपुर नगर-अरिदमनराजा-जयश्री रानी की कन्या रत्नावली, हस्तिनापुरनगर-नरसिंह राजा-विलासवती महारानी की पुत्री राजकन्या लीलावती, मदनपुरनगर-विद्युत्वेग विद्याधर राजा-विद्युन्मालिका रानीकी कन्या कमलावती, पोतनपुर नगर-श्रेष्ठ राजा-सौभाग्यसुंदरी रानी की पुत्री सौभाग्यमंजरी — इस तरह अनेकों कन्याओं को प्राप्त करके अंतमें विद्याधर सैन्य के साथ युद्ध करके रत्नपुर नगर की रत्नमंजरी नामक कन्या का पाणिग्रहण करके, पिता विजयसेन द्वारा भेजे गए पुरुषों के प्रयत्न से शंखपुर नगर पुनः आया और प्रियाओं के साथ अनेकविध विनोदों से अपना समय पसार करने लगा ।

यहां पर प्रहेलिका प्रश्नोत्तरादि का विशद वर्णन(पृ. ११६-१२२) दिया गया है ।

प्रस्ताव - ५ (पृ. १२५-२१४)— इसी मध्य विनतानन्द और विनयनन्दन नामक दो आचार्य पधारे । उनका मनुष्य जीवनमें आठ कर्मों के प्रभाव विषयक हृदयस्पर्शी व्याख्यान सुनकर पुरुषसिंह कुमारने महाव्रत-ग्रहणका निश्चय किया, माता-पिताकी अनुमति ली और भार्याओं से निवेदन किया । उस समय एक के बाद एक भार्याने उनको अपनी बातका समर्थन करते हुए दृष्टांत के साथ यह आग्रह छोड़ने को कहा । कुमारने प्रत्येक दृष्टांत के विरुद्ध अपने दृष्टांत रखे । इस तरह इस प्रस्तावमें छोटी बड़ी १६ रोचक कथाएँ दी गई हैं—

[दुग्गय १ चिंतामणी २ चूय ३ कूयनर ४ ससुर ५ सूरसेण निवा ६ ।

वरदत्तो ७ जयवम्भो ८ कज्जो य ९ कुबेरदत्तो य १० ॥१२७१॥

अक्का ११ समुद्दत्तो १२जंबुग १३ मित्ततिय १४ अक्क १५ वणिपुत्ता १६ ।

भज्जाहिं कुमारेण य कहियाओ कहाओ एयाओ ॥१२७२॥]

(१) दुग्गय - प्रियतमा चन्द्रलेखा द्वारा अधीरता के विषय में पुण्यहीन श्रावक की कथा (पृ. १३०-१३२)

- (२) चिन्तामणी - कुमार द्वारा प्रमाद विषय में चिन्तामणि प्राप्त करके गवर्निवाले वणिक्पुत्र की कथा (पृ. १३३-१३६)
- (३) चूय - मदनरेखा द्वारा अविचारी कृत्य विषयक सहकारछेदक नरेन्द्र की कथा (पृ. १३६-१४४)
- (४) कूयनर - कुमार द्वारा विषयकामना से दुःख विषयक मधुबिंदु दृष्टांत (पृ. १४५-१४८)
- (५) ससुर - कनकावली द्वारा परिणाम का विचार करके कार्य करने के लिए मित्रवती के श्वसुर की कथा (पृ. १४८-१५३)
- (६) सूरसेण निव - कुमार द्वारा राज्यलोभ के कारण जीववध करनेवाले को नरकप्राप्ति विषयक शूरसेन की कथा (पृ. १५४-१६१)
- (७) वरदत्त - रत्नावली द्वारा अविचारिता विषयक वरदत्त की कथा (पृ. १६१-१६६)
- (८) जयवर्म - कुमार द्वारा स्त्रीचरित्र-गहनता विषयक जयवर्म की कथा (पृ. १६७-१७१)
- (९) कज्ज - लीलावती द्वारा अतिलोभ विषयक कार्यश्रेष्ठि-कथा (पृ. १७१-१७४)
- (१०) कुबेरदत्त - कुमार द्वारा संबंधों की विचित्रता विषयक कुबेरसेन-कुबेरसेना कथा (पृ. १७५-१७७)
- (११) अक्का - कमलावती द्वारा अतिलोभ विषयक कुट्टिनी कथा (पृ. १७७-१८६)
- (१२) समुद्रदत्त - कुमार द्वारा संबंधों की कुटिलता विषयक समुद्रदत्त-कथा (पृ. १८८-१९१)
- (१३) जंबुग - सौभाग्यमंजरी द्वारा लोभविषयक जंबुक-कथा (पृ. १९१-१९५)
- (१४) मित्रतिय - कुमार द्वारा अन्याय-उपार्जित धन विषयक तीन मित्रों की कथा (पृ. १९७-१९९)
- (१५) अक्का - रत्नमंजरी द्वारा अतिलोभ विषयक कुट्टिनी की कथा (पृ. १९९-२०५)
- (१६) वणिक्पुत्र - कुमार द्वारा स्नेह की निरर्थकता विषयक वणिक्पुत्र-कथा (पृ. २०६-२०८)

इस वार्तालाप के अंतमें सभी वधूएं संविग्न हुई, सभीने महाव्रतग्रहण का संकल्प किया ।

महादान के बाद कुमार और सभी भार्याओंने दीक्षा ली । तत्पश्चात् कुमार अनेकविध तपश्चर्या करके, एकवींश स्थान द्वारा तीर्थकर कर्म उपार्जित करके, संलेखनापूर्वक समाधिमरण प्राप्त करके वैजयंतविमान में देवरूप में उत्पन्न हुआ ।

यहां पर कर्ताने ग्रंथ के पूर्वार्ध के पूर्ण होने की सूचक गाथा दी है (गाथा १३१४, पृ. २१२) — श्रीसोमप्रभसूरि विरचित सुमतिस्वामीचरितमें तीर्थकर कर्म अर्जन-प्रवर नर-सुर-भवोंका वर्णन पूर्ण हुआ ।

प्रस्ताव - ६ - (पृ. २१५-२४७) - पुरुषसिंह का जीव वैजयंत विमान से च्यवित होकर अयोध्या नगरी के राजा मेघ की महारानी मंगलादेवी के गर्भ में पुत्र रूप से अवतीर्ण हुआ। पुत्र जब गर्भ में था तभी मंगलादेवी के जीवन में एक अद्भुत घटना घटी। एक पुत्र के लिए लड़ती दो माताओं में से सच्ची माता का निर्णय मंगलादेवी ने अपने बुद्धिकौशल्य से कर दिखाया (पृ. २२०-२२१)।

पुत्रजन्म के बाद कुमारका सुमति नाम दिया जाता है। देवों द्वारा स्नानादि उत्सव किए जाते हैं। बचपन, शिक्षा और परिणयन के वर्णन के पश्चात् पिता मेघ की श्रमणदीक्षा और सुमति द्वारा राज्यसंचालन का वर्णन आता है। स्वयंबुद्धत्व, केवलज्ञानप्राप्ति, उपदेश, चमरप्रमुख मुनिगण, चमर गणधर इत्यादि के वर्णन के साथ प्रस्ताव पूर्ण होता है (पृ. २३०-२४७)।

प्रस्ताव - ७ (पृ. २४९-३२७) - यहां से गणधर चमर द्वारा दिए गए उपदेश का वर्णन आता है। इस उपदेश के अंतर्गत विविध उपदेशात्मक कथाएं आती हैं-

- (१) जिनभक्ति विषय में सुन्दर-कथा (पृ. २४८-२५९)
- (२) विधिदान विषयक सुदत्त-कथा (पृ. २६२-२७२)
- (३) शील विषयक शीलवती कथा (पृ. २७३-२८१)
- (४) तपश्चरण विषयक निर्भाग्य-कथा (पृ. २८४-३२०)
- (५) भावना विषयक क्षुल्लकादि कथा (पृ. ३२०-३२६)

प्रस्ताव - ८ (पृ. ३२८-३८४) -

- (१) अहिंसा विषयक देवप्रसाद-कथा (पृ. ३२८-३४०)
- (२) सत्य विषयक कुलाल-कथा (पृ. ३४१-३५०)
- (३) अस्तेय विषयक नागदत्त-कथा (पृ. ३५०-३५६)
- (४) शील विषयक रणवीर-कथा (पृ. ३५७-३६८)
- (५) परिग्रहविरति विषयक देवदत्त-कथा (पृ. ३६८-३८३)

प्रस्ताव - ९ (पृ. ३८५-४९४) -

- (१) आगम-विराधना-आराधना विषयक नरसुरराज-कथा (पृ. ३८५-३९३)
- (२) उत्तम-सेवा विषयक दिवाकर-कथा (पृ. ३९३-३९८)
- (३) गुरु-आराधन विषयक विमलमति-कथा (पृ. ३९८-४०८)
- (४) क्रोध-उपशमन विषयक कपिल-केशव-कथा (पृ. ४०९-४४७)
- (५) मानविपाक विषयक लीलावती कथा (पृ. ४४९-४५४)

(६) मायानिग्रह विषयक शंख-कथा (पृ. ४५५-४५७)

(७) लोभ-विपाक तथा जयाजय विषयक सुरासुर-कथा (पृ. ४६०-४६७)

(८) नमस्कार विषयक पुलिन्द-मिथुन कथा (पृ. ४६८-४९३)

इस प्रकार चमर गणधरने मोक्षमार्ग के अठारह सोपानरूप अठारह कथाओं द्वारा अनुपम धर्मदेशना की ।

प्रस्ताव - १० (पृ. ४८५-५१४) - तीर्थंकर भगवंत सुमतिनाथ का विहार एवं साकेत नगर में समवसरण का वर्णन । वहां के राजा निधिकुंडल के प्रश्न के उत्तर में भूत एवं भविष्य विषय का कथन, पुनः विहार ।

निर्वाण-समय समीप जानकर भगवान् समेतशिखर गिरि पधारते हैं, देवों का आगमन होता है, समवसरण एवं धर्मदेशना के बाद १,००० मुनियों के साथ भगवंत का सर्वोपरि शिखर पर आरोहण एवं अनशनपूर्वक निर्वाण होता है । ३२ इन्द्रों द्वारा अग्निसंस्कार किया जाता है और चमर गणधर द्वारा संघ का अनुशासन प्रारंभ होता है ।

ग्रंथकार-प्रशरित के साथ ग्रंथ समाप्त होता है ।

* * *

आज से करीब पच्चीस वर्ष पूर्व भावनगर (सौराष्ट्र) स्थित जैन आत्मानंद सभा ने मुझे सुमतिनाथचरित के गुजराती भाषान्तर का कार्य सौंपा था । संस्था के पास सुमतिनाथचरित की एक प्रेसकापी थी, जो वहां के किसी ज्ञानभण्डार की हस्तप्रत के आधार से लिखी गई थी और अत्यन्त अशुद्ध थी । मुझे भाषान्तर उसी के आधार से करना था । अत्यन्त कठिनाई से मैंने एक खंड का भाषान्तर कर दिया, जो १९८० में प्रकाशित हो गया । भाषान्तर करते समय मुझे मूल ग्रन्थ के संशोधन-संपादन की आवश्यकता महसूस हुई । आदरणीय स्व. पं. दलसुखभाई मालवणिया से इस बारे में बात हुई तो उन्होंने प्राकृत ग्रन्थ परिषद के संग्रह में सुरक्षित स्व. पू. आगमप्रभाकर मुनिश्री पुण्यविजयजी द्वारा करवाई गई सुमतिनाथचरित की नकल मुझे दी । प्रस्तुत संपादन के लिए मैंने उसी नकल का उपयोग किया है । आज कई वर्षों के बाद यह ग्रन्थ प्रकट हो रहा है तब मैं स्व. पू. आगमप्रभाकर मुनिश्री पुण्यविजयजी और स्व. पं. दलसुखभाई दोनों महानुभावों का स्मरण करके हृदयपूर्वक कृतज्ञता व्यक्त करता हूँ । अपने पास की सुमतिनाथचरित की दो हस्तप्रतों की झेराक्स नकलें बिना मांगे ही मुझे देकर और इस संपादनकार्य में रस दिखाकर जो प्रेरणा दी है इसके लिए परम पूज्य आचार्यश्री ब्रह्मसूरीजी म. सा. के प्रति भी वंदनपूर्वक आभार व्यक्त करता हूँ । बार-बार संपादनकार्य शीघ्रता से सम्पन्न करने का आग्रह करके प्रेरित करने के

लिए प्राकृत ग्रन्थ परिषद के अध्यक्ष डॉ. नगीनभाई शाह का भी यहाँ आधार मानता हूँ । जिनकी प्रेरणा से इस ग्रन्थ के प्रकाशन खर्च की व्यवस्था हो सकी वे परम पूज्य आचार्यश्री नरचन्द्रसूरिजी म. सा. के प्रति भी वंदनापूर्वक आधार व्यक्त करता हूँ ।

अनेक दृष्टि से महत्वपूर्ण इस ग्रन्थ की विस्तृत अभ्यासपूर्ण प्रस्तावना लिखने की इच्छा होने पर भी अनेक कार्यों में व्यस्त होने से अभी लिख नहीं पाया हूँ इस लिए विद्वज्जनों का क्षमाप्रार्थी हूँ ।

दि. २५-१२-२००३
अहमदाबाद

- रमणीक शाह

सिरि-सोमप्पहसूरि-विरइयं सुमइनाह-चरियं

पढमो पत्थावो

जयइ जय-कप्परुक्खो पढम-जिणो जरस्स खंध-सिहरेसु ।
सउणाण वल्लहा वाल-वल्लरी सहइ सिद्धि-फला ॥१॥
महिउण मोह-जलहिं लद्धं केवल-सिरिं च जो जाओ ।
पायडिय-सत्त-तत्तो तं अच्चह अच्चुयं सुमइ ॥२॥
पासो पियंगुकंती फणि-फण-मणि-किरण-रंजिय-सरीरो ।
पल्लविओ कप्पतरु व्व कुणउ मण-वंछियं मज्झ ॥३॥
दंसिय-सिवपुर-मग्गं सुरिंद-मणि-मउड-मसणिय-कमग्गं ।
पसम-सुहामय-मग्गं नमामि वीरं गुणसमग्गं ॥४॥
असमे वि सम-समिद्धे अमए वि हु बहुमए बुहयणरस ।
संग-रहिए वि निग्गहिय-संगरे नमह सेस-जिणे ॥५॥
परिणमउ पवयणामयमेयं मह मोह-विस-विणासखमं ।
लेसं पि जरस्स पाउण पाविया निव्वुइं विबुहा ॥६॥
कवि-चक्क-चित्त-रयणायरेसु पसरंति वयण-कल्लोला ।
जीइ मुहचंद-दंसणवसेण सा जयउ सुयएवी ॥७॥
जेसिं तुट्ठिं लट्ठिं व लहिय मंदो वि अखलिय-पएहिं ।
विसमे वि कव्व-मग्गे संचरइ जयंतु ते गुरुणो ॥८॥
जत्तो दुवालसंगी गंग व्व हिमालयाओ संभूया ।
सुरसत्थ-सेवियपया तुंगं तं गोयमं नमह ॥९॥
कविपुंगवाण वाणी मयंक-जोणह व्व निम्मला जयइ ।
नवनव-कविचक्क-चगोर-पिज्जमाणा वि अपमाणे ॥१०॥
इत्थं थोयव्व-पयत्थसत्थ-संश्रव-गलत्थियाणत्थो ।
वित्थारिय-परमत्थं पत्थुयमत्थं पवक्खामि ॥११॥

जरस पुरिसत्थ-साहणपररस पुरिसरस जंति दियहाइ ।

मणुयत्तणाइ-लाभं सहलं तरसेव बिति बुहा ॥१२॥

तत्थ वि समत्थ-पुरिसत्थ-मत्थय-मणी समत्थिओ धम्मो ।

संपज्जंते जम्हा सेसा सव्वे वि धम्माओ ॥१३॥

सो उण परिविखुण्णं गहियव्वो कंचणं व कसवट्टे ।

अन्नह विसंवयंतो कज्जे संजणइ संतावं ॥१४॥

धम्मो न नाम-तुल्लत्तणेण सव्वो वि वंछियं कुणइ ।

दुद्धं ति भणिय पीयं किमक्खछीरं दिहिं जणइ ? ॥१५॥

चंदो गहाण मेरु गिरीण चिंतामणी मणीण जहा ।

तह जिणवरिद्ध-धम्मो सिरोमणी सेस-धम्माणं ॥१६॥

जह वा जल-जलणाणं पीऊस-विसाण तेय-तिमिराणं ।

जिणधम्म-सेसधम्माणमंतरं तह इहं नेयं ॥१७॥

मण-वाया-काएहिं छक्काय-वहो न जम्मि कायव्वो ।

सो मोक्ख-सुक्ख-हेऊ जह जिण-धम्मो न तह सेसा ॥१८॥

ता उज्झिउण सेसे भवाडवी-भमणहेउणो धम्मे ।

कल्लाण-वल्लि-जलकुल्ल-तुल्लमल्लियह जिणधम्मं ॥१९॥

सग्गो ताण घरंगणं सहयरी सव्वा सुहा संपया,

सोहग्गाइ-गुणावली विरयए सव्वंगमालिंगणं ।

संसारो न दुरुत्तरो सिव-सुहं पत्तं करंभोरुहे,

जे सम्मं जिणधम्म-कम्मकरणे वट्ठंति बद्धायरा ॥२०॥

जम्हा जिणेण वुत्तो कित्तिज्जइ तो बुहेहिं जिणधम्मो ।

एसो वि जह जिणेणं पन्नत्तो भवियसत्ताण ॥२१॥

जह तेणावि जिणत्तं पत्तं काउण कम्म-निम्महणं ।

सम्मत्त-नाण-चारित-पगरिसारोहण-कमेण ॥२२॥

तं सव्वमिणं सम्मं जाणिज्जइ जिणचरित-सवणेण ।

जंपेमि अओ चरियं जिणरस सिरि-सुमइनाहरस ॥२३॥

तं पुण जह- सो भयवं पुव्वभवे पाविउण सम्मत्तं ।

सव्वविरइं पवज्जिय समुवज्जिय-तित्थयर-कम्मो ॥२४॥

पत्तो य वेजयंतं विमाणमणुभविय तत्थ सुर-रिद्धिं ।
 तत्तो चुओ समाणो सुमइ-जिणिंदो समुप्पन्नो ॥२५॥
 गाढंतरंग-रिउवग्ग-निग्गहुप्पन्न-केवलन्नाणो ।
 पडिबोहिउण भुवणत्तयं पि निव्वाणमणुपत्तो ॥२६॥
 तं तह समग्गमेयं संखेवेणं सुयाणुसरिण ।
 ति-भव-ग्गहण-निबद्धं विरइज्जइ निज्जरा-हेउं ॥२७॥
 एत्थावसरे जं सज्जणाण कइणो कुणंति थुइवायं ।
 तत्थ न दोसो ति अओ अहमवि तं किंपि काहामि ॥२८॥
 सुयणा जयंतु ते जाण माणसे माणसे व्व विमलम्मि ।
 पिसुण-घण-रसिय-नट्टा हंस व्व गुणा निलीयंति ॥२९॥
 जं दुज्जणाण कीरइ दोस-समुक्खित्तणं महापावं ।
 तं कह करेमि फुडमप्पणो वि पिसुणत्त-संजणणं ॥३०॥
 सो कह न दुज्जणो दुज्जणाण जो दोस-पयडणं कुणइ ।
 परदोस-भासणं चिय चवंति जं दुज्जण-सरूवं ॥३१॥
 जइ दुज्जणो न हुंतो सुयणो वि लभेज्ज तो न माहप्पं ।
 छाया आयव-तवियाणं होइ सुहया विसेसेण ॥३२॥
 पिसुणाण सज्जणाण व जं कीरइ पत्थणा न तं उचियं ।
 जं पत्थिया वि पिसुणा कुडिल चिय कसिण-सप्प व्व ॥३३॥
 सुयणा अपत्थिया वि हु परगुण-बहुमाणिणो मह पबंधं ।
 जइ पेच्छिहंति सगुणं तो गिण्हिरसंति सयमेव ॥३४॥
 अह निग्गुणं मुण्हिरसंति ते इमं तो न आयरिरसंति ।
 तह वि न होही मह एस निप्फलो नूणमारंभो ॥३५॥
 न कइ ति कित्तिकामो न होमि पूयापयं ति कयबुद्धी ।
 जणचित्त-चमक्कारं काहं ति न वा विहियवंछो ॥३६॥
 किंतु सिरिसुमइ-पहुणो पहीण-सयलंतरारि-चक्करस ।
 चरियलव-कित्तणेणं विणोयमहमप्पणो काहं ॥३७॥
 इय चिंतिउणं काउं कहापबंधं इमं पयट्ठो हं ।
 एवं कए परेसिं पि जइ गुणो होज्ज ता भइं ॥३८॥

सुरसेल-कणय-कलसं जलनिहि-नीलंबराभिरामं तं ।

भुयगिंद-रुंद-दंडं छत्तं व महीयलं सहइ ॥३९॥

तत्थऽत्थि वित्थिन्न-लवणोयहि-महल्ल-कल्लोल-पेल्लणु-
ल्लसिय-महग्घ-रयणुवकेर-किरण-दिप्पंत-पेरंतो पुब्बिमा-मयंको व्व
संपन्न-परिवेस-मंडलो जंबुदीवो नाम दीवो । तम्मि य पुव्वविदेहा-
वयंसय-सरिच्छ-सुकच्छविजय-वसुंधरालंकारकप्पं, कप्पिय-पयत्थ-
पयाण-^६ कप्पद्दुम-समाण-माणव-समूह-भूसियं, सियकर-किरण-
संभार-भासुर-सुरागार-सिंगार-गारवियं, वियड-कूव-वावी-सरोवर-
सहा-सहस्स-संकुलं, कुलभवणं व कला-कामिणीणं, उप्पत्ति-पयं पिव
संपयाणं, आगरो^७ व्व गरुयच्छेरय-रयणाणं, विस्सामद्वाणं व धम्मस्स,
पडिबिंबं व पुरंदरपुरस्स, असंख-तरुसंड-मंडिय-परिसरं संखउरं नाम
नयरं, जं च संचरंताणेग-गोरी-महेसर-पलोयण-कुउहलागएण हिमाल-
एणेव फलिहसिला-संघाय-घडिएण तुंग-पायारेण परिविखत्तं, निस्सीम-
सामुदियवाणियाणीय-नाणारयणरासि-लोभागएण 'गयणग्ग-लग्ग-
पायार-प्पडिरुद्ध-प्पवेसेण, पारावारेणेव परिहा-वलएण अतुच्छ-
सच्छ-सलिल-संपुब्बेण परिवेदिय-पेरंतं ।

तासो कुसुद्ध-रयणेषु अरिद्ध-सदो भूमिरुहेसु सुरधाम-सिरेसु दंडो ।

केसेसु बंधणविही कलहोवलंभो नेहम्मि भूमिवइणो न जणेषु जम्मि ॥४०॥

मंजु-लवल-रमणिज्जा असोगजुत्ता^८ पियाल-वण-पवरा ।

बाहिं जत्थाऽऽरामा सहंति रामा-गणा मज्झे ॥४१॥

तं पालए पणयभूव-पडंत-चूडा-माणिक्क-चक्क-टिवडिक्किय-पायवीदो ।

पच्चत्थि-पत्थिव-वहू-वयणारविंद-चंदुग्गमो विजयसेण-महानरिंदो ॥४२॥

तरला वि रज्जलच्छी जरस भूयालाणखंभ-मूलम्मि ।

निबिड-गुणेहिं निबद्धा करणि व्व थिरत्तणं पत्ता ॥४३॥

^९भुवणवणं पल्लवियं व सहइ जरस प्पयाव-पिंजरियं ।

चंदकिरणुज्जलेणं जसेण धवलं कुसुमियं व ॥४४॥

गयवाहणाओ हयपरियराओ हारावरुद्धकंठाओ ।

^{१०}दीसंति जरस अंतेउरीओ रिउसुंदरीओ य ॥४५॥

सो य राया निय-^{११}सुंदेरिमोहामिय-मयणो सयल-कलाकलाव-
कुलहरं परकलत्त-पलोयण-परम्मुहो, महत्थ-पसत्थ-सत्थ-परिकम्मिय-
मईसु मइ-माहप्प-निज्जियामरगुरुसु सामिकज्ज-साहणाहीण-
जीवियव्वेसु मइसायर-प्पमुह-महामंतीसु समारोविय-रज्जभारो, कयाइ
मंजु-गुंजंत-पणव-वेणु-वीणा-खाणुगय-गेय-मणहरं बहुपयार-चारु-
चारी-करणंगहार-हीरंत-लोय-लोयणं^{१२} रभसभर-भमिर-भूयवल्लि-
वेल्लिर-रणंत-कणय-कंकणं पणंगणाण नटं पलोयए, कयाइ
करकमल-कलियंकुसो मत्त-करि-कंधराधिरुढो गाढ-विम्हय-रसाउत्त-
नर-नारी-नयण-नीलुप्पल-मालोरुमालिज्जमाण-मुहकमलो विउल-
रायमग्गमोगाढो कीला-सोक्खमणुहवइ, कयाइ सुहासियामयरस-परवसो
कवियण-वयणाइं सवणगोयरीकरेइ, कयाइ पइक्खणं पेक्खगज्जण-
जणिय-साहुवाओ तुरंगवग्ग-वग्गण-विणोयमणुचिद्धइ, कयाइ पसत्थ-
धम्मसत्थ-वियारमायरइ ।

इय पुव्वभवज्जिय-पुब्ब-पगरिसागरिसियं गरुय-सोक्खं ।

सेवंतरस्स नरिदस्स वासरा तरस्स वोलंति ॥४६॥

अब्बया अत्थाणसहा-सुहनिसब्बस्स राइणो रयणकुट्टिम-मिलंत-
मउलिणा पणमिउण विज्जतं पडिहारेण-‘देव ! देव-दंसणाभिलासी
सुमंगलो नाम सत्थवाहो दुवारे चिद्धइ ।’

राइणा भणियं-‘सिग्घं पवेसेह ।’ तओ पविट्ठो समं पडिहारेण ।
पणमिओऽणेण राया । उवणीयं पहाण-पाहुडं । उचियासण-निसब्बो य
भणिओ राइणा-

‘तुह सत्थवाह ! सागयमेण्हिं सव्वत्थ वट्टए कुसलं ? ।

अक्खलिओ ववहारो चिराओ दिट्ठो सि वा कीस ?’ ॥४७॥

सत्थवाहेण भणियं-

‘तुह पाय-कप्पपायव-छायं सेवंतयरस नरनाह ! ।

सव्वं पि सिद्ध-मणवंछियत्थसत्थस्स सुत्थं मे ॥४८॥

जं पुण चिरदंसण-कारणं तं सुणेउ देवो-

‘एगाया रयणी-विराम-समय-समत्तनिदस्स समुप्पन्ना मणम्मि मे
चिता जहा-

जो न कुणइ काउरिसो धणज्जणं जोव्वणम्मि वट्ठतो ।
 छगल-गलत्थण-जुयलं व जीवियं निप्पलं तरस्स ॥४९॥
 किंच नरेण मइमया न चेय चित्तम्मि चित्तियव्वमिणं ।
 संते महंत-विहवे किमिह^{१५} विहवज्जणेण जओ ? ॥५०॥
 पइदियहं पूरिज्जइ जइ कहवि न निन्नया-सहरसेहिं ।
 ता सुसइ च्चिय अइरा गरुओ वि तरंगिणीनाहो ॥५१॥
 एवमवट्ठिज्जंतो नवनव-दविणज्जणा-पयारेहिं^{१६} ।
 विलयं वच्चइ नूणं बहुओ वि हु विहव-संभारो ॥५२॥

तओ गुणी वि गुण-वज्जिओ, मणहरो वि ^{१७}रुवुज्झिओ, बुहो वि
 गयबुद्धिओ, ^{१८}नयपरो वि उव्वेवओ, पियं पि पभणंतओ कडुपयंपिरो
 गिज्जे, तणं व लहुयत्तणं लहइ दव्वहीणो नरो । तथा,

विगुणमवि गुणहं रुवहीणं पि रम्मं,
 जडमवि मइमंतं मंदसत्तं पि सूरं ।
 अकुलमवि कुलीणं तं पयंपंति लोया,
 नवकमलदलच्छी जं पलोएइ लच्छी ॥५३॥

लद्धूण धणं सहलं कायव्वं पत्तदाण-भोगेहिं ।
 एवं ^{१९}अकरेमाणे संतं पि असंतसारिच्छं ॥५४॥
 जे उण ^{२०}लद्धं पि धणं न दित्ति पत्ते सयं न भुजंति ।
 ते तं परोवभोगं रक्खंति अवित्ति-कम्मयरा ॥५५॥

किं च,

जो न नियइ परिभमिउं महिलयमणेग-कोउगाइन्नं ।
 सो कूव-दट्ठुरो इव सारासारं न याणेइ ॥५६॥

ता "गंतूण देसंतरं करेमि सविसेस-दविणज्जणं" ति । तओ
 काउण समग्ग-सामग्गिं पउर-पाइक्कचक्क-परिवुडो, खर-करह-वसह-
 वेसर-विसरारोविय-वियड-कयाणगो पत्थिओ पसत्थे^{२०} दियहे पुव्व-
 दिसाए । कइवय-पयाणगेहिं लंघिउणाणेग-गामाऽऽगर-नगर-गिरि-
 सरि-सरोवर-विरायमाणं मेइणिं पत्तो महग्घ-मणिमयामर-मंदिर-सुंदेर-
 पराभग्ग-सग्ग-सोहग्ग-गळवं गंधपुरं नाम नयरं ।

जरिसें पंकरुहाइ कोसविगमं पावति मित्तोदए
विच्छायं कुमुयं मयंक-किरणा दोसागमुल्लासिणो ।

उच्छालाणवसंगया^{११} मयगला दुव्वासणासंगिणो
गोवग्गा तरुणा करप्पियसुरा-मंसा, न सेसो जणो ॥५७॥

तम्मि काउण सत्थ-सन्निवेसं ठिओ बाहि । गहिउण पाहुडं पत्तो
नयरब्भंतरं । गओ राय-भवणं । पडिहार-निवेइओ पविट्ठो रायत्थाणं ।
पणमिओ मए महंत-सामंत-मंति-मंडलिय-लोय-मज्झवत्ती पुब्बिमा-
मयंको व्व तार-तारय-परिवारो तारावीट्ठो नाम राया । उच्चियासणोवविट्ठो
य पुट्ठो राइणा-‘सत्थवाह ! सागयं ते !’ । मए भणियं-‘तुम्ह दंसणेण’ । पुणो
वि रत्ता पयंपियं-‘भइ ! कत्तो तुमं समागओ ?’ । मए भणियं-‘देव !
संखउराओ’ ।

एत्थंतरे समागया तत्थ समत्त-लोय-लोयणाणंद-संदोहदाइ-दंसणा
सुदंसणा नाम निरुवम-रुवरेहाए सुर-रमणीणं पि कयावत्ता रायकत्ता ।

जसु सलूण-लोयणाइं पंलोइवि लज्जियइं^{१२}
गय वणि हरिण नाइ जलि कुवल्लय मज्जियइं^{१३} ।

नं जसु निरुवम-रुवु निरुविवि लज्जभरि,
गउरि हरंगि निलुक्की लच्छ^{१४} किवण-घरि ॥५८॥

एत्थंतरे विजयसेण-रत्ता चित्तियं-अहो ! अच्छरियं ।

सवण-विसयं पि पत्ता जा कुणइ पमोयमेरिसं बाला ।
सा दिट्ठिगोयर-गया किं मह काही ? न याणामि ॥५९॥

जइ सउणाण त पक्खा विणिम्मिया होज्ज माणुसाणं पि ।
कीरव्व तत्थ गंतुं ता^{१५} सहलं नयण-निम्माणं ॥६०॥

एवं चिंततेण रत्ता भणियं-‘सत्थवाह ! तओ तओ ?’ । सत्थवाहेण
जंपियं-‘देव ! सा रायकत्ता पणमिउण रायाणं निसत्ता तत्थेव । तं
सव्वंगमालोइउण भणिओ रत्ता मइसार मंती-

एसा असरिस-रुवा विहिणो विज्जाण-पगरिसो एस ।
तं नूणमित्तियं चिय दलं इमा जेण निम्मविया ॥६१॥
ता^{१६} होज्ज किं इमीए उचिओ रुवाइएहिं कोइ वरो ? ।
इय चिंता संतावइ वियंभमाणा मणं मज्झ ॥६२॥

एत्थंतरे चिंतियं मए-‘समग्ग-समर-संरंभ-लद्धविजये विजयसेणे
 २५‘महारायम्मि निरुवम-रुवरेहोहामिय-मयणे विज्जमाणे’ २६ किं राइणो चिंता
 संतावमुप्पाएइ ?’ ।

मंतिणा भणियं-‘देव ! २७‘अलमित्थ चिंताए । निउणो विही ।

जेणेसा ओहामिय-मयणवहू निम्मिया मयंकमुही ।

सो च्चिय विही इमीए वरमुचियं काउमुज्जमिही ॥६३॥

जुणहा तुसार-किरणे रयणायरम्मि

मंदाइणी जलहरम्मि वि विज्जुलेहा ।

जम्हा परस्स किमु कस्सइ पत्थणाए,

संजोइया भयवया चउराणणेण ? ॥६४॥

अवि य- संखउर-सामिणो विजयसेणस्स अहरिय-रइरमण-
 रम्मत्तण- गुणुक्करिसो रुव-पगरिसो सुणीयइ, ता सत्थवाहो ‘अवितहमेयं न
 व ?’ ‘ति पुच्छीयउ’ । तओ ‘साहु मंती संलवइ’ति जंपिउण भणियं रत्ता-
 ‘सत्थवाह ! संखउर-सामिणो केरिसी रुव-संपय ?’ति । सत्थवाहेण
 भणियं- देव !

नूणं अणन्नसम-रुव-पसंसणम्मि,

अन्नं मुहं महइ जस्स उउम्मुहो वि ।

एक्केण तस्स किमहं मुह-पंकएण,

कित्तेमि कितिनिहिणो नणु रुव-सोहं ॥ ६५॥

तहावि एत्तियं भणामि-

तेलोक्के वि तमत्थि वत्थु न परं जं तस्स सव्वप्पणा,

पाविज्जाऽखिल-लोय-लोयण-सुहासारस्स तुल्लत्तणं ।

जे पंकेरुह-कुंद-चंद-पमुहा ते तस्स तेयस्सिणो,

एक्केक्करस्स वि अंगयरस्स पुरओ दीसंति दासा इव ॥६६॥

एसा वि समत्त-रमणि-मत्थय-माणिक्कभूया धूया, ता देव ! एवं
 तवकेमि-

जइ सयल-तिलोए’ २९ लोयणच्छेरभूयं,

कहवि मिहुणमेयं नो विही संघडेजा ।

अइसय-रमणिज्जं रुवमेयम्मि ३०काउं,

नणु विहलपयत्तो नूण सव्वो य होही ॥६७॥

लच्छीए जह केसवो तिनयणो सेलंगयाए जहा.
पोलोमीएँ जहा सहस्सनयणो कामो रईए जहा ।

मुत्तुं संखउराहिवं सुरवहू-अब्भत्थणिज्जं तथा,
को अब्भो उचिओ इमीइ रमणी-चूडामणीए वरो ?' ॥६८॥

तओ रत्ना पहहु-मुहपंकएण भणियं-'सत्थवाह ! ववगय-चिंताभारं
च कयं तुमए मह मणं, ता गिन्हसु तुमं इमं तुट्ठिदाणं' ति भणिऊण'^{११}
समप्पियं नियंग-लग्गमाभरणं, मुक्कं सुक्कं, समप्पिओ पवरावासो । रत्ना
विसज्जिओ हं गओ नियावासं । एवं पइदिणं रायसमीवं वच्चंतस्स
गरुय-सम्माणेण रत्ना संभारिज्जमाणस्स मे वोलंति दियहा ।

अन्न-दियहम्मि हक्कारिऊण सिणेहसारं भणिओ हं रत्ना-'सत्थवाह !
तुमाहिंतो विजयसेण-नरनाहस्स ^{१२}निरुवम-खवलावन्नाइ-गुण-पगारि-
समायन्निऊण संजाय-गाढाणुराया रायकन्ना संपन्ना, ता सिग्घमेव ^{१३}तत्थ
पसत्थ-दियहे पेसिस्सामि, तुमए य तत्थ-गएण तह कह वि पयंपियव्वो
विजयसेण-राओ जहा पडिवज्जइ एयाए पाणिग्गहणं, पिच्छए सिणिद्ध-
लोयणेहिं, न कयाइं कुणइ पणय-भंगं, न दंसए सुविणे वि माण-
खंडणं । किं बहुणा ? एसा अम्ह जीवियाओ वि सारभूया, सुविणे वि
अलंघणीय-वयणा, मणसा वि अखंडिय-पणया तहा दट्ठव्वा जहा न
सुमरइ अम्हाणं, न खिज्जए'^{१४} सहियण-कए । जओ-

परिहरिय-जम्मभूमीण माइ-पिउ-पमुह-बंधु-रहियाण ।

मुत्तूण पइं परघर-गयाण कन्नाण को सरणं ? ॥६९॥

जरस्स कए सयण-गणं मोत्तूण'^{१५} तिणं व जंति परएसं ।

जइ सो वि पिओ विमुहो महिलाण हयं तओ जीयं ॥७०॥

मए भणियं-'महाराय ! अलमित्थ चित्त-संतावेणं । एसा खु
रायकन्ना अणन्न-सामन्नेणं निय-गुण-कलावेणं चेव महग्घत्तणमुवगया न
करस्सइ सोयणिज्जा । न खलु करस्स वि पत्थणाए अग्घंति महग्घ-
रयणाइं ।' तओ रत्ना सम्माणिऊण विसज्जिओ हं ।'^{१६} कया मए समग्ग-
सामग्गी, पउणीकयाइं विविह-कयाणगाइं । तओ संवच्छरिय-
विणिच्छिय-पसत्थ-दियहे'^{१७} महया हरि-करि-करह-रह-जोह-संवाहेण
कोस-कोट्ठागार-सामग्गीए य परिगया अंतेउर-पुरंधि-परिवुडेण

तारावीड-राएण अणुगम्ममाणा पत्थिया रायधूया वि । तओ कित्थियं पि भूमिभागमागतूण रत्ता अणुसासिया सुदंसणा जहा-

जंपिज्ज पियं, विणयं करेज्ज, वज्जिज्ज पुत्ति ! परनिदं ।

खंडिज्ज मा कयावि हु सव्वरस वि उचिय-पडिदत्ति ॥७१॥

रिद्धिं पत्ता वि हु मा वहेज्ज सुविणे वि माणलेसं पि ।

तह निक्खलंक-सीलं पाण-पणासे वि पालेज्जा ॥७२॥

जलणो वि जलं, जलही वि गोपयं, पन्नगो वि रज्जुसमो ।

जायइ विसं पि अमयं सील-समिद्धाण भुवणम्मि ॥७३॥

एवमणुसासिऊण धूयं सोय-संगलंत-बाहजल-पज्जाउल-लोयणेण अंतेउरेण समं नियत्तो राया । तओ "पडिहत्थिऊण जणय-सिक्खं, पणमिऊण जणणि-जणयाण पाय-पंकयाइ पयट्ठा आगंतुं रायधूया । अहं पि तयणुमग्ग-लग्गो समागच्छामि ।

एवं च कइवय-पयाणभेहिं पत्ताइ महंतमणेग-सावय-गणाइन्नमरन्नमेगं । तत्थ पवणुवेल्लिर^{११}-महल्ल-कल्लोल-मालुम्मा-लियस्स पप्फुल्ल-कमल-परिमल-मिलंतालि-जाल-मुहलस्स सरोवरस्स आसन्न-पएसे दिब्बो आवासो । निसाए ^{१२}समुच्छलिओ अक्खंद-सद-गब्धिओ हाहारव-रउदो रायसुयाए आवासम्मि कोलाहलो । 'हा ! किमेयं ?' ति आउलीहूओ सयल-लोओ, पहाविया पहरण-हत्था सुहड-सत्था, मिलिया मंति-सामंताइणो । अहं पि सन्नद्ध-पउर-पाइक्क-चक्क-परिवुडो गओ तत्थ । पुट्ठो मए रायलोओ - 'किमेयं ?' ति । कहियं तेण जहा- एत्थ सहीहिं सह विविह-कहाओ कुणंती 'हा ताय ! माय ! एसा असरणा अहं निज्जामि' ति पलावपरा केणइ अदिट्ठेण अवहडा रायधूया ।

एत्थंतरे विजयसेण-राओ फुरंत-कोववस-विसप्पमाण-भिउडि-भीम^{१३}-भालवट्ठो 'अरे ! को एस दुरप्पा ? करस वा सुमरियं कयंतेण ? जो मह पिययमं अवहरइ ?' ति भणंतो कयंत-जीहा-कराल-करवालमायट्ठिऊण उट्ठिओ सीहासणाओ । सत्थवाहेण चलणेषु लग्गिऊण भणिओ- 'देव ! वित्त-वुत्तंत-कहणमेयं, तो पसायं काऊण देवो आसणमलंकरेउ ।' तओ उवविसिऊण सविलक्खं जंपियं रत्ता- 'सत्थवाह ! एवमेयं, परं पेम्म-परवस-माणसतणेण मए सक्खं पिव लक्खियं ।' सत्थवाहेण वुत्तं- 'तओ रायधूया-गवेसणत्थं पयट्ठा समंतओ

सामंताइणो. परं पभूयकालेणावि पउत्तिमेत्तं पि नोवलब्धं । तओ
विसन्नचित्ता नियत्ता सव्वे वि ते । अहं पि समागओ एत्थ । ता महाराय !
एयं मे चिर-दंसण-कारणं । तओ राया गरुयाणुराय-रायधूयाए
तहाविहमवत्थं निसामिउण महंतं चित्त-संतावमुव्वहंतो भणिउं पवत्तो-
'सत्थवाह ! दिव्ववसा विसमा कज्जगई । जओ-

अन्नह परिचित्तिज्जइ कज्जं हरिसिय-मणेण मणुएण ।
परिणमइ अन्नह च्चिय दुव्वारो दिव्व-वावारो ॥७४॥
अहवा न जेहिं सुकयं समज्जियं होज्ज पुव्व-जम्ममि ।
नूणं न तेसिं होज्जा मणवंछिय-वत्थु-संपत्ती ॥७५॥

एत्थंतरे अन्नत्थ केणइ पढियं-

हीरंतीओ नीउन्नएहिं जइ वि हु वलंति सय-वारं ।
सायर ! तह वि हु ठाणं महानईणं तुमं चेव ॥७६॥

तओ मइसायर-मंतिणा भणियं- 'देव ! सोहणं निमित्तमेयं एसा
रायधूया देवस्स चेव घरिणी होहि ति सूएइ ।' सत्थवाहेण भणियं- 'देव !
अहं पि निय-मइ-माहप्पेण एवं संभावेमि-

एसा नरिद-धूया निरुवम-रूवाइ-गुण-गण-महग्घा ।
अन्नस्स घरिणि-सइं न पाविही वज्जिउं देवं ॥७७॥
पंचाणणं विमुत्तुं सिंहिणिमक्कमिउमेत्थ को सक्को ? ।
किं च विणा कमलवणं रमइ मणं रायहंसीए ? ॥७८॥
जीए पउत्ति-मेत्तं पि नोवलब्धइ नरिद-धूयाए ।
तीए सह संगमो दुल्लहो ति एयं न वत्तव्वं ॥७९॥

जओ-

जं दुल्लहं ति काउं मणोरहाणं पि न विसयमुवेइ ।
तं माणुसस्स सव्वं संपाडइ *दिव्वमणुकूलं ॥८०॥
तेसिं नीरनिही वि गोपयमसिच्छेओ वि दिव्वोसही ।
पायालं पि बिलं विसं पि अमयं, सेलो वि भूमियलं ।
दूरत्थं पि हु पाणिपंकय-गयं, सत्तू वि मित्तं परं,
दुरस्सज्झं पि सुसज्झमेव, दइवं जेसिं सपक्खं भवे ॥८१॥

दीहं नीससिऊण भणियं रत्ना-‘सत्थवाह ! तहा वि सा वराई रायकन्ना केणइ खयरेण देवेण वा अवहडा कं पि विसम-दसं अणुहवइ ति महंतो मे चित्त-संतावो ।’ सत्थवाहेण भणियं-‘देव ! अलमेत्थ चित्त-संतावेण । एसा खु रायधूया निय-पुब्ब-पभाव-पडिहयाऽनिट्ठप्पसरा विसमं पि वसणं लंघिस्सइ ति ममाभिप्पाओ ।’ मइसायर-मंतिणा भणियं-‘देव ! सोहणं संलवइ सत्थवाहो ।’ तओ रत्ना वत्थाऽऽभरण-प्पयाणेण सम्माणिओ सो ।

‘एत्थंतरे पढियं काल-निवेयणेण -

सूरस्स तेय-लच्छी देव्ववसा विहडिया वि संघडइ ।

मा कुणह खेयमेवं कहइ रवी भुवण-मज्झत्थो ॥८२॥

काउं देवच्चण-निच्च-किच्चमज्जेह पुब्ब-पब्भारं ।

पुब्बेहिं हुंति मण-वंछियाइ अच्चब्भुयाइं पि ॥८३॥

तओ उट्ठिओ राया सिंहासणाओ । कय-तक्कालोचिय-कायव्वो तं चेव^१ चंद-सुंदर-मुहिं रायधूयं विचिंतयंतो भवणे वणे वा आसणे सयणे वा दिणे रयणीए वा निव्वुइं न पावेइ । एगया राईसर-सेणाहिव-पमुह-पहाण-जण-परिणओ निग्गओ रायवाडीए । उवणीओ तक्खणं चेव मंदुरावालेण सव्व-लक्खणालंकिओ रवि-रहाउ व्व वसुहमोइब्बो तुरंगमो । तं सो कोऊहलेण आरुहिऊण वाहिउं पवत्तो । तुरगो वि केणइ कारणेण ^२‘वाहिज्जमाणो तं वेगाइरेगमुवगओ, जेण चक्क-चडियं पिव भमतं भावियं भूवलयं भूवइणा, कय-चलण-चंकमणा सम्मुहमागच्छंत व्व लक्खिया^३ भूरुहा, दोलायमाण-सिहर व्व मुणिया गिरिणो । तओ थेव कालेणावि लंघिऊण दीहमद्धाणं पत्तो अरन्नं राया । रत्ना वि निव्विज्जेण विमुक्का हत्थाउ वग्गा । ठिओ तेहिं चेव एहिं तुरंगमो । मुत्तूण तं निसब्बो वडविडविच्छायाए राया । तुरगो वि अकज्जकारि ति व्व मुक्को तक्खणं^४ पाणेहिं । तओ राया चित्तिउं पवत्तो-

विहि-परिणामस्स नमो जरस्स पसाएण^५ रिद्धि-वित्थारो ।

संघडइ असंतो वि हु, संतो वि हु विहडइ खणेण ॥८४॥

जं न विसओ मणस्स वि, सुविणस्स वि जं न गोयरमुवेइ ।

सुहमसुहं वा पुरिसस्स दावए तं विही सव्वं ॥८५॥

विसमं पि वसण-रन्नं सुहेण लंघति हुंति जे धीरा ।
कीबा उ विसय-पिसाय-परवसा लंघिउं न खमा ॥८६॥

तओ वीसमिऊण मुहुत्तमेत्तं संसार-सरूवं व आवया-सय-समाउलं,
रयणी-मुहं व दीसंत-बहु-दीवियं, सरय-समयं व समंतओ भमंत-मत्त-
करि-सयं महारन्नं पलोयंतो पत्तो राया महंतं सरोवरं; जं च
रायाणमागच्छंतं पेच्छमाणं व पफुल्ल-कमल-लोयणेहिं, आलिंणमणं व
दूर-पसरिय-तरंग-बाहाहिं, कयग्घदाणं पिव मरगय-^{१०}“थालीयमाण-
पउमिणी-पत्त-परिट्ठिय-सलिल-मुत्ताहलुप्पीलेण, कयमंगल-गीयं व
गंधलुद्ध-मुद्ध-^{११}“फुल्लंधय-धोरणी-रणिएहिं, कुसलमाभासंतं व सारस-
चगोर-चक्खवाय-कलहंस-कुल-कूजिएहिं । तओ तम्मि ^{१२}“जल-कीला-
सोक्खमणुभविऊण सरस-कंदफल-जणिय-पाणविक्की चिंतिउं पवत्तो
जहा- संपयं मज्झान्न-समओ वट्टइ, तहा हि -

करस न दहंति देहं दूहव-महिला-कर ठ्व संलग्गा ।
संपइ किरणा नीसेस-भुवण-दुदंसणा रविणो ? ॥८७॥

मज्जंति ^{१३}“कास-रसयाइं सरोवरेसु,
किच्छेण ठंति विहगा निय-नीड-लीणा ।
रोमंथ-मंथर-मुहाइं महीरुहाण,
^{१४}“छायं कुरंगय-कुलाइं ^{१५}“निसेवयंति ॥८८॥

‘ता निरंतर-तरुण-दल-नियर-निरुद्ध-दिणयर-करप्पवेसं
पविसिऊण तमाल-तरु-^{१६}“निउंजमियमइवाहेमि मज्झण्ह-समयं’ ति
चित्तिंऊण जाव तत्थ पविसइ ताव ‘परोवयारेक्ख-रसिय ! सयल-
जियलोय-वच्छल ! परदुक्ख-विमोक्खणक्खम ! महापुरिस ! रक्ख रक्ख
मम’ ति करुण-सदं सुणेइ । तओ निक्खिवेण केणावि का वि वराई
पीडिज्जइ ति चित्तयंतो करुणारसाउन्न-हियओ सिग्घयरं तरु-निउंजम्मि
पविट्ठो । कं के ल्लि-पल्लवारुण-कर-चलणाए कयलि-वखंभ-
विब्भमोरुजुयलाए सुरसरि-पुलिण-विसाल-नियंब-भर-मंथरंगीए
तिवलि-रेहंत-मुट्ठिगेज्झ-मज्झाभागाए थोर-थणवट्ट-घोलंत-महंत-
मुत्ताहलहाराए कमलदल-दीह-नयणाए संपुन्न-मयंक-समाण-वयणाए
रयण-कुंडलुल्लिहिय-गंडलेहाए रमणीए कयब्भुट्ठाणो तीए चेव
नवपल्लव-विरइयासणम्मि ‘उवविससु’ ति भणिए निसब्भो नरिंदो ।

ભણિયં રન્ના- 'ભદે! કુઓ ભયં ?' તીએ ભણિયં- 'સયલ-સુરાડસુરિંદ-સિર-સમુઠ્ઠવૂદ-સાસણાઓ કુસુમ-સરાસણાઓ । જત્તો આરબ્બ તુમં નયણ-ગોયરં ગઓ તયણંતરં ચેવ પંચબાળો વિ સહરસબાળો વિવ મયણો મં પીડેહ, તા તુમં ચેવ મે સરણં ।' તિ ભણિઁણ સાણુસાચા દિઠ્ઠીએ પલોહં પવત્તા ।

રન્ના ધિંતિયં- 'અહો ! કેરિસં સંકડમાવડિયં ? જઓ નિમ્માણુસાડવીએ એસા કા વિ જુવઈ દિઠ્ઠવજોણિ-સંભવા સંભાવીયહ, પત્થણા-ભંગ-જણિય-કોવા ય કિં પિ વિપ્પિયમુપ્પાહંડં ખમા, પત્થણાએ ય કીરમાણીએ* સપ્પુરિસ-સમ્મગ્ગ-ચાગો । જઓ -

જે પરદાર-પરમ્મુહા, તે વુચ્ચહિ નરસીહ ।

જે પરિંભહિ પર-રમણિ, તાહં ફુસિજ્જહ લીહ ॥૮૭॥

નિઠ્ઠવડિય-સુહડ-ભાવાણ તાણ કો વહડ એત્થ સમસીસિં ? ।

પર-રમણિ-સંકડે નિવડિયા વિ ન મુયંતિ જે મેરં ? ॥૯૦॥

'તા સઠ્ઠવાહાડણુચિયમેયં મહાપુરિસાણ પર-રમણિ-સેવણં' તિ ધિંતિઁણ ભણિયં- 'ભદે ! *પરિત્થિયા તુમં, તા કહં તએ સહ વિસયાસેવણ-મહિલસામિ ? । તીએ વુત્તં- 'વિયવ્વણ ! પુરિસરસ પરા ચેવ ઇત્થિયા હોહ' । રન્ના ભણિયં- 'તહાવિ તુમં ન મે પરિવ્ગહે વટ્ઠસિ ।' તીએ વુત્તં-

એસ નિજો એસ પરો તિ તુચ્છચિત્તા નરા વિચિંતંતિ ।

વિઠલાસયાણ સયલો જિયલોઓ ચેવ સ-કુડુંબં ॥૯૧॥

તા કહં ન પરિવ્ગહે હં ? ।'

રન્ના ભણિયં- તહા વિ તએ સહ વિસયાસેવણં ઉભયલોગ-દુહાવહં ।

તીએ ભણિયં- મયણ-સર-સલ્લિયંગીએ ગાઢાણુસા-રસિય-હિયયાએ ય મએ સહ વિસયાસેવણં સ-પરોવચાર-સંભવાડ કહં ઉભયલોગ-દુહાવહં ? ।

તઓ 'કિં તએ સહ વયણ-કલહેણ ? સઠ્ઠવાહા પરરમણિ-સંગમં ન સમાયસામિ' તિ ભણંતો નિવ્ગઓ તમાલતરુ-નિગુંજાડ રાયા । કીલંતો કલહંસ-ચક્કવાય-ચક્ક-ચંકમણ-રમણિજ્જ-પરિસરેસુ સરેસુ, વીસમંતો ચારુ-ચૂય-ચંપયાડસોય-સરલ-કયલિ-સોહા-સુહાવણેસુ વણેસુ, મજ્જમાણો રન્નલચ્છિ-વચ્છયલ-હારસરિયાસુ સરિયાસુ, પલોયંતો સુરય-કેલિ-કીલંત-કિન્નરમિહુણ-સુંદરાડ નિરિકંદરાડ જાવ રન્નભૂમી-સચ્છંદ-

पयार-सुहमणुभवइ ताव निरालंब-गयण-गमण-सुद्धिय-देहो ठव
दियहनाहो वीसामत्थमत्थगिरि-सिहर-काणणमल्लीणो ।

काउमसक्को भीमाइवीए निवडिय-निवरस पडियारं ।

लज्जावसेण मित्तो मित्तो ठव अदंसणं पत्तो ॥१२॥

*संझारायभरेणं पल्लवियं, कुसुमियं उडुगणेण ।

तिमिरेहि भमर-रुद्धं वणं व गयणं पि रमणिज्जं ॥१३॥

खणेण य -

रिक्खट्टिमाल-भारी विलुलिय-तम-केसओ नह-कवाले ।

संझब्भ-राय-रुहिरं पियइ पओसो पिसाओ ठव ॥१४॥

तओ *राया चित्तिउं पवत्तो-रज्जं खु महंतं परवसत्तणं, जओ-

स-समय-नियमिय-भोयण-सयणाऽऽसण-रमणि-संग-ववहारो ।

दढ-रज्ज-रज्जु-बद्धो सच्छंद-सुहं जियइ न निवो ॥१५॥

परिवार-रुद्ध-सच्छंद-विहरणे पर-जणाणुवित्तिपरे ।

अवियाणिय-परमत्था रज्जे रज्जंति न हु कुसला ॥१६॥

अहं च असहाय[भूओ] वीर-चरिया-रसिय-चित्तो ।

अणुकूल-विहि-वसेण य तुरंगमेणेह पक्खित्तो ॥१७॥

अच्छेरय-सय-समाइन्नमरन्नमेयं, दिव्व-दंसणं पि एत्थ संभावीयइ,
पओस-समओ य वीर-पुरिस-परक्कम-कणय-कसवट्ठो, जइ वि
चिरमणुचिय-चलण-चंकमण-जणिय-खेओ हं, तहावि केच्चिरं पि कालं
सच्छंद-वण-विहरण-सुहमणुहवामि ति । तओ वियरिउं *पवत्तो राया ।
जाव केत्तियं पि भूमि-भायं वच्चइ ताव दिट्ठा राइणा भूरि-भेरव-
रवाऊरिय-नहंगणा पुरो परिभमंता भूयगणा, किलिकिलंता
माणुसाऽऽमिसासणुत्ताला वेयाला, पसप्पंत-रोइऽट्ठहास-भरिय-
भुवणब्भंतरा जोट्ठिग-जक्ख-रक्खसाइ वंतरा । पयंपमाणा य परोप्परं-

रे रे ! धावह गिन्हह भिंदह भक्खह य मंस-रुहिराइं ।

भक्खण-निमित्तमम्हाणमेस पविसइ वणे को वि ॥१८॥

तओ राया तं तारिसं पेच्छिऊण 'अरे ! खुद्द-रयणीयरा एए मं
संखोभेमउम्भुज्जया, अहं एए चेव भेसयामि ति चिंततो पसरंत-कंति-
जाल-करालं करवालमायट्ठिऊण तेसिं चेव सम्मुहं सिग्घयरं पहाविओ ।

ते वि असंखुद्ध-माणसं रायाणमागच्छमाणमालोइऊण 'एसो अप्पडिहय-
प्पहाव-भयंकरो को वि पुरिसो, एयरस नव-मेह-लेहा-लसंत-
विज्जुल्लयालोय-दुरवलोया दिट्ठी, पलय-काल-मायंड-मंडल-पहा-
पसर-दूसहा तेय-लच्छी, कुविय-कयंत'^{१०}-कडवख-छडाडोव-दुदंसणा
'निसियासिलट्ठी । ता पलायम्ह पलायम्ह' ति पलवमाणा पलाणा ।

राया वि तहेव गंतुं पयटो । पुणो वि तालतरु-तुंग-जंघं, जमदंड-
चंडिमुब्भड-भुयं, जलण-जाला-पलित्त-फाल-फार-जीहं, पलयकाल-
दिप्पंतानल-फुलिंग-पिंग-लोयणं, चिबिड-वंक-फोक्क-नासं, तडितंतु-
भासुर-सिरीयरुद्धमुद्धदेसं, हिमकर-कला-कुडिल-दाढा-^{११}कराल-
विरलिय-मुह-कुहरं, उब्भड-भिउडि-भीसण-भालवट्टं, सुराभंड-
पलंबोयरं, मसि-महिस-मासरासि-सन्निगासच्छविं, अविरल-विगलंत-
रुहिर-धारा-बीभच्छ-मयगलऽच्छ-विच्छाइअंगं, फार-फुंकार-मुक्क-
विसकणुक्केर-कन्ह-पन्नग-पिणद्ध-चमूरुचम्म-निवसणं, विसमुन्नय-
पंसु[लि]यंतर-पसुत्त-सरड-सरीसिवं, कसिण-सप्प-कय-कन्नपूरं,
वाम-कवख-निक्खित्त-मणुय-मडयं, वाम-कर-कलिय-कवाल-ट्टिय-
सोणियाऽऽसव-वसा-पाण-लालसं, गल-पलंबमाण-नरमुंडमालं,
दाहिणकरुग्गीरिय-गरुय-करवालं, घोरट्टहास-पूरिय-दिसाचक्कवालं,
पावपुंजं व मुत्तिमंतं, कयंतं व ख्वंतर-परिणयं, 'अरे रे ! हीणसत्त !
पुरिसाहम ! महा-सुहडवाय-गव्विर ! पलायसु पलायसु, ममं वा सरणं
पवज्जसु, अन्नहा नत्थि ते जीवियं' ति पयंपमाणं पिसायं पासइ ।
गरुय-सत्तयाए य तं अवहीरिय राया जाव तहेव परिसक्कइ तो पुणो वि
भणिउं पयटो-अरे दुन्नय-निहाण ! निहीण-पुरिस-पोरुसाभिमाण-
विनडिय ! न गणेसि मह वयणं ?'

तओ ईसि हसिऊग कुंददल-धवल-दंतपंति-पसरंत-किरणुक्केर-
विद्धंसियंधयारेण राइणा'^{१२} भणियं- 'अहो निसायर ! सत्तगुण-रयण-
सायर ! तुममेव पुरिसुत्तमो जो जीवियमविक्खमाणो माणुसमेत्तरस वि न
मे समीवमल्लियसि, दूर-देस-ट्टिओ चेव वग्गसि, अहं च आजम्मं न
सिक्खिओ कुओ वि पलाइउं, न याणामि'^{१३} करसइ सरणं वा पवज्जिउं,
ता कहं पलायामि ? कहं वा तुमं सरणं पवज्जामि ? ।'

पिसाओ वि 'अरे दुस्सिक्खिय ! कुविय-कयंत-कडक्खिय ! ममं

उवहससि ? ता दंसेमि ते दुन्नयस्स फलं, तालफलं व तड ति तोडेमि ते सीसं' ति भणिऊण समुग्गीरिय-खग्गवग्ग-हत्थो पत्थिओ पत्थिवाभिमुहं महावेणेण ।

तओ नरिदस्स पवर^{११}-पुन्न-पब्भारस्स प्पभावेण पडिहय-माहप्पो समीव-देसं “ अक्कमिउं असक्कमाणो 'अहो ! महच्छरियं एसो ^{१२}अनन्न-सामन्न-सत्ती को वि महापुरिसो, न पागय-नरो व्व अम्हारिसेहिं खोभिउं तीरइ' ति चिंततो लज्जावस-विलवख-वयणो उवसंहरिऊण सयल-डंबरं, पडिवज्जिऊण जणिय-लोयणाणंदं अमंद-रयणाळंकार-किरण-करंबियंबरतलं पसंत-रूवं भणिउं पयट्ठो- 'भइ ! सप्पुरिस ! पराभूय-सयल-सत्तं तुह सत्तं, विजिय-जियलोय-दप्पं माहप्पं, अविमुक्क-नयक्कमो विक्कमो, जयस्स वि अजेयं तेयं, सयल-तेलोक्क-तिलयभूओ तुमं, जरसेवविहा परमहिल-परम्मुहा मई, सव्वहा सच्चरिएण पवित्तिया तुमं धरणी, अहं पि किं पि संपइ पवित्तो जाओ जेण तुमं दिट्ठो सि' ।

अह विम्हिएण भणियं रत्ता- 'भो महायस ! को तुमं ? न पच्चभिजाणामि भवंतं, साहेसु ।'

पिसाएण भणियं- 'अहं पिंमलवखो महिद्धिय-वंतरो, इहेव रत्ते कीलामि । संपयं पिययमाए मह पुरओ रुयंतीए वागरियं जहा- 'हं तमालतरु-निगुंजे वट्टमाणा माणवेण इमिणा पत्थिया^{१३} अणेगप्परारं, न य पडिवन्नं मए तव्वयणं, तओ तेण रुट्ठेण इत्थमित्थं च कंठे घेतूण निच्छूढा, असब्भ-वयणेहिं खरंटिया, एवं ठिए य जइ^{१४} तुमं इमं न निगिण्हसि ता नाह ! नाहं तुह भज्जा, न तुमं मह पई ।' इमं च सुच्चा तक्काल-कलिय-कोवावेस-परवसन्णेण अविभाविय-कज्जमज्झो पुव्वं निय-परिवारं पेसिऊण तुमं विद्विउं पयट्ठो हं । परिवारो वि मज्झ तुब्भ तेयमसहमाणो तव्वखणा जेप्पुन्नय-पुरिस-ववसाओ व्व अकय-कज्जो नियत्तो । पच्छा सयमेव समुद्धिओ हं । परं तुह अच्चब्भुय-पभाव-पडिहयप्पयावो समासन्न-देसं पि अक्कमिउं^{१५} असक्को म्हि, किं पुण पहरिउं ?। तओ मए 'सच्च-सोय-रहियाणं पर-महिलाहिलास-लालस-माणसाणं माणुसाणं माहप्पमेरिसं न संभवइ, ता किं जं पिययमाए जंपियं तं सच्चं न व ?' ति चिंततेण विभंगबलेण नायं जहद्धियं तुह सखवं, निच्छियं पिययमा-पलत्तरस अलियत्तणं, तुट्ठो य ते जणिय-सप्पुरिस-

पहरिसुक्करिसेण दुद्धरिस-धीरत्त-सत्तसारेण इमिणा सच्चरिएण । ता सप्पुरिस ! पत्थेसु किं पि जेण संपाडेमि समीहियमत्थं ।”

रत्ना भणियं- ‘किमन्नं पत्थेमि ? संपाडियमेव सव्वं मणोरह-सएहिं पि दुल्लहं दिव्व-दंसणं दिंतेण तुमए ।’

तओ ‘सप्पुरिस-चूडामणी उदारचित्तो एस न किं पि पत्थेइ, ता सयमेव किं पि संपाडेमि’ति चित्तिउण भणियं पिसाएण- ‘भद्द ! अमोहं दिव्व-दंसणं,’ ता गेहसु आरोग्गोदग-समुद्द-संभूयमेयं महाहारं, एसो य जरस कंठ-कंदलमलंकरेइ न तस्स विसमा वि सत्थप्पहास सरि सिकमंति, इमस्स य ओहलण-सलिलेण सित्त-गतस्स तवखणा पुव्वलग्गा दि रुज्झंति’ ति पयंपमाणी गयणत्थो चेव नरनाह-कंठदेसम्मि पविखविउणं तं महाहारं पत्तो अदंसणं पिसाओ ।

तओ रत्ना चित्तियं- चिर-चरण-संचरण-रीण-देहस्स मे निदाए मिलंति व्व लोयणाइ, *ता कहिंचि वीसमिउण रयणिं गमेमि ति । तओ जाव केत्तियं पि भूमिभागं वच्चइ ताव दिट्ठं नयरमेक्कमुव्वसं । पविट्ठो तत्थ राया । कोउगक्खित्त-माणसो तं पलोयंतो पत्तो तम्मज्झा-संठियं तुंग-मणहरं रायभवणं । आरुढो तम्मि दंतवलभियं । दिट्ठो तत्थ पहाण-‘तल्लंको । नुव्वन्नो तत्थ राया । समागया निदा । उद्ध-रयणीए य किंचि निदाविगमुम्मीलिय-लोयणेण दिट्ठो भेसणट्ठमुव्वट्ठिओ नाइ-दूरट्ठिओ विगराल-खवो रवखसो । तओ अवन्नाए भणिओ रत्ना-‘पाए पमदसु’ ति । पयट्ठो तहेव काउं सो । पुणो पसुत्तो राया । पभायप्पायाए रयणीए पबुद्धेण रत्ना दिट्ठो पाए पलोदंतो रवखसो, भणिओ य- भद्द ! चिरकालं किलेसं कारिओ सि, कहसु को तुमं ? किं वा नयरमेयमुव्वसं ?

तेण भणियं- महाराय ! एय-नयर-सामी लोहियक्खो नाम जक्खो अहं । एगया गय-राग-दोसो दसविह-समणधम्म-धुरा-धरण-कयतोसो चरित्त-रयणकोसो दुक्कर-किरियाकलाव-किलामिअ-काओ काउसग्गेण ठिओ इमस्स नयरस्स परिसरे महा-तवस्सी ।

पविसंत-नीहरंतो नयरजणो तं मुणिं महासत्तं ।

हणइ अहम्मत्तणओ कस-लट्ठी-^१लेट्ठ-घाएहिं ॥११॥

धूलिं खिवइ सिरम्मि तहवि मुणी मुणिय-सयल-परमत्थो ।

सम्ममहिंयासयंतो चित्तम्मि विचित्तए एयं ॥१००॥

रे जीव ! तए नरए अणंतसो जाउ तिब्ब-वियणाओ ।
 पत्ताओ पुव्वजम्मेसु ताउ को वव्वित्तं तरइ ? ॥१०१॥
 तिरियत्तणम्मि तुमए अणेग-जाईसु जायपुव्वेण ।
 दुक्खं तितिविखयं जं को तस्स करेज्ज परिमाणं ? ॥१०२॥
 *तदवेक्खाए तं दुक्खं थोवमिणं ता गिरिंद-धिर-चित्तो ।
 सम-सत्तु-मित्त-भावो होऊण तुमं सहसु सम्मं ॥१०३॥
 एवं विसुद्ध-भावो स महप्पा मासखमण-पारणए ।
 भिक्खट्ठा पविसंतो सणियं सणियं नयर-मज्झे ॥१०४॥
 पारद्धि-पत्थिएणं दिट्ठो दुस्सासणेण नरवइणा ।
 अवसउणो ति किलिट्ठाभिसंधिणा हियय-देसम्मि ॥१०५॥
 भुयदंड-कुंडलीकय-कोयंड-विमुक्क-चंड-कंडेण ।
 तह कह वि ताडिओ जह पंचत्तं सो मुणी पत्तो ॥१०६॥
 एवमसमंजसं पेच्छिऊण रुहेण सो मए निवई ।
 *हणिउं तलप्पहारेण भासरासीकओ सहसा ॥१०७॥
 साह्वसग्गकारि ति नयर-लोओ मए अग्निद्विउं ।
 पारद्धो भीयमणो दिसोदिसं तो पलाणो सो ॥१०८॥
 एण कारणेणं संजायं उव्वसं नयरमेयं ।
 संपइ नरिद ! तुज्झ* वि उवसग्गं काउमादत्तो ॥१०९॥
 किंतु तुह पउर-पुब्बप्पभाव-पडिहय-पयाव-माहप्पो ।
 मणसा वि विप्पियमहं नरिद ! काउं न सक्केमि ॥११०॥
 तुट्ठो तुह सत्तेणं संपइ ता भद ! किं पि पत्थेसु ।
 तुह वंछियत्थ-करणा होमि कयत्थो अहं जेण ॥१११॥
 तो नरवरेण वुत्तं जइ एवं ता तुमं तहा कुणसु ।
 जह निवसंति पयाओ नयरम्मि इमेण(?इमम्मि) खेमेण ॥११२॥
 एवं काहं ति पयंपिऊण जक्खो अदंसणं पत्तो ।
 तत्तो तं भूअपुरं तप्पभिइं वसिउमादत्तं ॥११३॥

अह समुग्गए समग्ग-तिमिरभर-हरण-पच्चले चंडसुमंडले निग्गओ
 नयराओ राया । वच्चंतो य पत्तो कयलि-कयंब-जंबु-जंबीरंब-निकुरंब-

निरंतरं वर्णंतरं । तम्मज्झादेस-ओसंठिय-सर-तीरम्मि दिट्ठो राइणा
गाढप्पहार-नीहरंत^{३३}-रुहिरधारा-सित्त-सव्व-गत्तो भू-विलुलिय-
केसपासो मुच्छावस-नट्ट-चेयणो^{३४} निमीलिय-लोयणो धरणिवट्ट-
निवडिओ एगो तरुण-पुरिसो । तओ गंतूण समीवं सम्मं निरुविओ जाव
'जीवइ' ति । तओ करुणारसाइन्न-हियएण 'हा ! कहं महासत्तो को वि
एस जुवाण-पुरिसो एरिसं विसम-दसं गओ ?' ति चिंतंतेण
अणप्पमाहप्पं शयणावलिमोहलिउण सलिलेण सित्तो सव्वंगं जाव
उम्मिलिय-लोयणो उवसंत-वेयणो समागय-चेयणो सत्थीहुय-हियओ
समुट्ठिउण महीवट्ठाओ भणिउं पवत्तो-साहु महापुरिस ! साहु, सोहणो
ववसाओ^{३५}, अपुव्वो करुणारसो, अच्छब्भूयं चरियं, अकित्तिमा मेत्ती^{३६},
विसुद्धा परोवयार-बुद्धी, किं च-

विहिणा विणिम्मिओ खलु सव्वंग-परोवयार-करणत्थं ।

तुम्हारिमाण जम्मो जयम्मि चंदण-दुमाणं व ॥११४॥

जइ न हु निहणिज्ज रवी तिमिर-समूहं स-कज्ज-निरवेक्खो ।

ता कह वट्टेज्ज जयं तम-नियर-निरुद्ध-दिट्ठिपहं ? ॥११५॥

अणवेक्खिय-निय-कज्जा^{३७} वरिसंति घणा जहा महियलम्मि ।

तह उवयरंति नूणं परेसिं निक्कारणं सुयणा ॥११६॥

ता ^{३८}सप्पुरिस ! निक्कारण-बंधुणो तुज्झ पुरओ न याणामि किं पि
जंपिउं, सव्वहा तुहायत्तं मे जीवियं ।

तओ राया सलज्जं खणमेक्कमहोमुहो ठाऊण भणिउं पयत्तो^{३९}- भइ !
जइ न रहस्सं ता कहेहि को तुमं ? केण वा निमित्तेण एयमवत्थंतर-
मुवगओ^{४०} ? ति ।

तेण भणियं- 'सप्पुरिस ! कुल-कलंकभूयं उभय-लोय-गरहणिज्जं
अणाइक्खणीयमेव मह चरियं, तहावि तुह जीवियदायगतणेणालंघणीय-
वयणस्स पुरओ निवेएमि, किंतु इओ वणनिउंजाओ पुरओ पवर-पासाओ
चिट्ठइ, ता तत्थ गच्छम्ह ।'

गया तत्थ । समारुहिउण पासायं निसन्ना सुहासणेषु । कहिउं
पवत्तो जुवाणो । तं जहा-

अत्थि गयणवग-लवग-^{४१}सिंग-सिंगार-गारविओ निरंतर-झरंत-

मिज्झरण-पसरंत-सीयरासार-सीय-सुरहि-पवण-पीणिज्जमाण-
सुरयविखिन्न-किन्नरमिहुण-सणाह-काणणोवेओ वेय्हो^{५५} नाम पव्वओ ।

दिवसम्मि पज्जलंतीहिं सूरिओवलसिलाहिं किर जत्थ ।

रत्तिं महोसहीहिं दीसइ दीवूसवो निच्चं ॥११७॥

तम्मि “पइ-भवण-मज्झ-इज्झन्त-कालागरु-धूव-धूमंध-
यारेणाकाले वि कालब्भ-विब्भममुब्भावयंतं, नाणा-रयण-विणिम्मिय-
पासाय-पंतिप्पहा-पूरेण सक्कचाव-चक्कवाल-संकुलं नहयलमुवदंसयंतं,
गयण-मग्ग-वग्गंत-विज्जाहर-रमणि-माणिक्काभरण-संभारेण विज्जु-
पुंज-संभवं संभारयंतं रहनेउरचक्कवालं^{५६} नाम नयरं । तत्थ पणमंत-
विज्जाहर-नरिद-मउलिमालोवलीद^{५७}-पायवीढो, दस-दिसावहू-विहूसण-
समुज्जल-जसकुसुम-समूह-महारामो, पररामा-रमण-परम्महो महासत्त-
पत्तलीहो महिंदसीहो नाम विज्जाहर-चक्कवट्ठी ।

बंधुं पि बंधणं पिव जो नाय-परम्महं परिच्चयइ ।

नय-तप्परं परं वि^{५८} हु बहुमन्नइ निद्ध-बंधुं व ॥११८॥

तरस मयरद्धय-महाराय-रायहाणी, अहरिय-रइ-खव-सोह-
सोहग्ग-गुण-रयण-खाणी, कमल-कोमलारत्त-पाणी, महुमास-मत्त-
कोइलाराव-रमणिज्ज-वाणी, विणयप्पवित्ति-पणरमणि-रंगसाला
रयणमाला^{५९} नाम देवी । तीए य राइणा सह “विसयसुहमणुहवंतीए
रयणचूड-मणिचूडाभिहाणा समुप्पन्ना दुवे पुत्ता । समए य कय-
कलागहणा साहिय-बहु-विज्जा, “पत्ता कुसुमसर-पसर-लीलावणं
जोव्वणं, काराविया विसुद्ध-वंस-समुप्पन्नाणं निरुवम-खव-लावन्नाणं
खयरयाय-कन्नाणं करग्गहणं । तत्थ कुलहरं कलाकलावरस, संकेयट्ठाणं
विसिद्ध-चिट्ठाणं ति मुणिऊण निवेसिओ विज्जाहरिंदेण जुवराय-पए
रयणचूडो । मणिचूडो वि कुमारभावम्मि वट्टमाणो अविवेय-वस-
विसप्पमाण-जोव्वण-वियारो नाणा-कीलाहिं कीलंतो कालं गमेइ ।

अन्नया पुव्वनिकाइयाऽसुहकम्मोदएण रयणमाला-देवीए समुप्पन्नो
महाजरो, पणट्ठा छुहा, उवट्ठिया “सरीरम्मि दाह-वेयणा, नाऽऽगच्छइ
खणं पि निट्ठा, विट्ठाणं वयण-कमलं । निजुंजिया तच्चिकिच्छाकए रण्णा
बहवे^{६०} विज्जा । कीरंतेसु वि तेहिं विविहोवयारेसु असंजाय-पडीयारा^{६१}
विमुक्का जीवियव्वेण देवी । तओ अंसुजलाविल-लोयणो मुक्ककंठं ‘हा

देवि ! कमलदल-दीह-नयणे ! हा चंद-चारु-वयणे ! हा विट्ठम-
मणोहराहरदले ! हा कंकिल्लि-पल्लवारुण^{११}-कर-चलणतले ! हा कुंद-
सुंदर-दसणमाले ! रयणमाले ! कहीं पुणो^{१२} दहव्वा सि ? तुमए विणा
तिहुयणं पि सुन्नं व पडिहाइ^{१३} ति पलवमाणो ^{१४}रोविउमाढत्तो खयर-राओ
रयणचूड-मणिचूडेहिं समं ।

तहकहवि खयरनाहो अक्कंतो गरुय-सोग-सेलेण ।

जह सुखदुख-निसदिवस-खुहपिवासाउ न मुणेइ ॥११९॥

परिचत्त-रज्जकज्जो निरुद्ध-नीसेस-कायवावारो ।

जोगि व्व वट्टमाणो मंतीहिं इमं समुल्लविओ ॥१२०॥

देव ! न जुत्तं तुम्हाणमेरिसं सोयकरणमविरामं ।

जेण विसीयइ सव्वं तुम्हाण विचित्तयाए जगं ॥१२१॥

उप्पत्ति-पलय-कलियं सव्वं खयरिंद ! तिजय-संभूयं ।

जं किं पि चराचरमत्थि वत्थु ता किमिह सोगेणं ? ॥१२२॥

इच्चाइ-पन्नविओ वि विओग-दुखभरक्कंतो कत्तो वि निव्वुइम-
पावंतो जाव चिट्ठइ तावाऽऽगओ गयणलद्धि-संपन्नो विमलोहिनाण-
नाय-सव्वभावो भव-दुह-दवग्गि-दाह-पसमणो समणो मणिप्पभो नाम
नयरुज्जाणे, गओ वंदणत्थं तरस खयरसरो समं कुमारेहिं । परम-
परिओसमुव्वहंतो पणमिउण मुणिं निसन्नो उचियासणे । भणियं च
मुणिणा-

भो भो ! चिट्ठह किं विसाय-वसगा वामोह-पज्जाउला ?

किं नाविदखह जीव-लोयमखिलं माइंदजालोवमं ? ।

जम्हा को वि किमित्थ अत्थि भविही भूओ मुहं मच्चुणो

पत्तो पावइ पाविही व न हु जो मुत्तूण मुत्तिंगए ? ॥१२३॥

वाउद्धुय-धयग्ग-चंचलमिणं जीयं, कडक्खच्छडा-

सारिच्छं पिय-संगमं, गिरिनई-कल्लोल-लोलं सिरि ।

तारुन्नं करि-कन्नताल-तरलं, संझब्भ-रागोवमं

^{१००}लायन्नं मुणिउण धम्म-विसए मा होह मंदायरा ॥१२४॥

पाठांतर :

१. ०विरयं पव० ल. रा ॥ २. थुइवाई । ल. रा. ॥ ३. वदति पा. ॥
 ४. आयवभावेण होइ ल. रा ॥ ५. इय कयबुद्धी काउं ल. रा. ॥ ६. कप्पतरु स०
 दे. पा. ॥ ७. आगरु व्व ल. रा ॥ ८. गयणं गलग्ग० ल. रा ॥ ९. असो गकलिया पि०
 दे. पा. ॥

१०. भुवणवणं पल्लवियं व रेहए रंजियं पयावेण ।

जरस जसप्पसरेणं धवलियमेयं कुसुमियं व ॥४४॥ दे. पा. ॥

११. जरसंतेउरिणीओ सहंते रिउसुंदरीओ य ॥ दे. पा. ॥ १२. सुंदरिम०
 ल. रा. ॥ १३. ०लोयणं हरिसिभर० दे. पा. ॥ १४. किं मह पा.; किमह दे. ॥
 १५. ०पयारेण । ल. रा ॥ १६. रुववज्जिओ रा. ॥ १७. नइपरो दे. पा. ॥
 १८. अकीरमाणो दे. पा ॥ १९. लद्धं पि दे. पा. ॥ २०. पसत्थदियहे दे. पा. ॥
 २१. ०या गयघडा दु० दे. पा. ॥ २२. लज्जिययं ल. रा. ॥ २३. मज्जिययं ल. रा. ॥
 २४-२५. ता दे. पा. ॥ २६. महाराए दे. पा. ॥ २७. विज्जमाणमि दे. पा. ॥ २८. अलमेत्थ
 दे. पा. ॥ २९. ०तिलोये ल. रा. ॥ ३०. ०मेयं ति काउं दे. ॥ ३१. ०ऊण दिब्बं नि०
 दे. पा. ॥ ३२. निरुवमला० दे. पा. ॥ ३३. तत्थ पेसिरसामि दे. पा. ॥ ३४. खिज्जये
 ल. ॥ ३५. मुत्तूण तणं दे. पा. ॥ ३६. ०हं । काऊण कयाणगाइसामग्गिं संचलिओ
 संवच्छ० दे. पा. ॥ ३७. ०पसत्थमुहुत्ते दे. पा. ॥ ३८. पडिहत्थिऊण ल. रा. ॥
 ३९. पवणव्वेल्लिर० ल. ॥ ४०. समुत्थलिओ ल. ॥ ४१. भीम-निडालपट्टो ल.
 रा. ॥ ४२. देवमणु० दे. पा. ॥ ४३. चेय दे. पा. ॥ ४४. वाहेज्जमाणो तु० ल. ॥
 ४५. ०आ तरुणो, दो० दे. पा. ॥ ४६. तवखण ल. रा. ॥ ४७. ०एण सयलवित्थारो ।
 दे. पा. ॥ ४८. ०थालायमाण० दे. पा. ॥ ४९. ०फुल्लंधुयधो० दे. पा. ॥ ५०.
 जलकीलासुख० दे. पा. ॥ ५१. तामरसयाइं ल. रा. ॥ ५२. ०रुहाण मूले कु० दे.
 पा. रा. ॥ ५३. निवीसमंति दे. पा. ॥ ५४. ०निउंजमियमयमइ० दे. पा. ॥ ५५.
 कीरमाणए दे. पा. ॥ ५६. परिच्छिया ल. ॥ ५७. नक्खतेहिं कुसुमियं, पल्लवियं
 बहल-संझाराएण । ल. रा. ॥ ५८. राओ दे. रा. ल. ॥ ५९. पयत्तो दे. ल. ॥ ६०.
 ०कयंतवखडवखच्छडा० ल. रा. ॥ ६१. निसाया० दे. पा. ॥ ६२. ०लविवलियमुह०
 दे. ॥ ६३. रायणा ल. रा. ॥ ६४. याणेमि ल. रा. ॥ ६५. पउरपुन्न० दे. पा. ॥ ६६.
 ०देसमक्कमिउमसक्क० दे. पा. ॥ ६७. अनन्नसत्ती दे. पा. ॥ ६८. पच्छिया दे. पा. ॥

६९. जइ इमं न रा. पा. ॥ ७०. ०उ न सक्को ल. रा. ॥ ७१. तो ल. रा. ॥ ७२. तो
 दे. पा. ॥ ७३. ०लेहु-पाएहि ॥ ल. ॥ ७४. तव काए तं ल. रा. ॥ ७५. हणिओ तलं
 ल. रा. ॥ ७६. तुळभ ल. रा. ॥ ७७. ०नीहरेत ल. ॥ ७८. चेयणो दे., ०चेअणो रा. ॥
 ७९. ०साओ अच्चळभूयं रा. ॥ ८०. मित्ती ल. रा. ॥ ८१. ०कज्जं वरि० ल. रा. ॥ ८२.
 सुपुरिस ल. रा. ॥ ८३. पवत्तो पा. ॥ ८४. ०मुवागओ सि । तेण दे. पा. ॥ ८५.
 ०सिंगसंगओ नि० दे. पा. ॥ ८६. वेयड्ढो पव्वओ दे. पा. ॥ ८७. पयभवणम० ल.
 रा. ॥ ८८. वालं नयरं दे. पा. ॥ ८९. ०मालावलीढ रा. ॥ ९०. परं पिहु ल. रा. ॥
 ९१. ०माला देवी दे. पा. ॥ ९२. सह दिव्वसुह० ल. रा. ॥ ९३. पत्ता सुमसर० ल.
 रा. ॥ ९४. ०ड्डिया सरीरम्मि दाह० ल. रा. ॥ ९५. बहवो दे. पा. ॥ ९६. पडियारा
 ल. रा. ॥ ९७. ०रुण चलणतले ल. रा. ॥ ९८. पुणोऽवदहव्वा पा. ॥ ९९. रोदिउं
 ल. रा. ॥ १००. लावन्नं ल. रा. ॥

• • •

बिड़ओ पत्थावो

एत्थंतरे खयरेसरेण भणियं- 'भयवं ! तुम्ह दंसणमेत्तेणावि पण्हो 'सोग-संतावो मे, विहसियं हियाएण, तुम्ह मुहकमल-पलोयण-लालसाण लोयणाण सोको वि परिओसो संजाओ जो कहिउं पि न तीरइ, ता किमत्थि तुम्हाणं मम य पुव्वभविओ को वि संबंधो न व ?' ति ।

गुरुणा वागरियं-अत्थि ।

खयरेसरेण वुत्तं-करेह तक्कहणेणाणुग्गहं ।

मुणिणा वागरियं-निसामेह ।

भारहे वासे कुसत्थल-संझिवेसे विसिद्ध-रूव-लावन्नावगन्निय-मयणो 'मयणो नाम कुलपुत्तओ । तरस्स बालत्तणओ वि पढिय-सिद्धविज्जाओ 'दोन्नि भज्जाओ । पढमा चंडा, अवरा पयंडा । तासिं च कलहं पेच्छिऊणं पयंडा ठविया समीववत्ति-गामंतरे । कओ मयणेण तासिं समीवावत्थाण-दिण-नियमो । एगया केणइ कारणेण पयंडाए समीवे दिणमहिगमेगं ठाऊण गओ चंडा-समीवं सो । तओ तीए चंड-कोवावेस-वस-विसप्पंत-भिउडि-भीम-भालवट्टाए घरे पविसंतस्सेव तरस्स पक्खित्तं मुसलमभिमुहं । तं समागच्छंतं पेच्छिऊण सत्तह-पयाइ ओहट्ठिऊण ठिओ मयणो । 'तं भूमिं पत्तं मुसलरूवं मुत्तूण जाओ भीम-भुयंगमो । सो पहाविओ मयणाभिमुहं । पलाणो भीयमणो मयणो पच्छाहुत्तं । अंतरा नइ-पुलिणम्मि भुयंगममासन्नं पेच्छिऊण पक्खित्त-मुत्तरिज्जं । विलग्गो तत्थ भुयंगमो खणं । पत्तो पयंडाए घरं मयणो । दिट्ठो अणाए सासाऊरिय-हियओ भयव्वभंत-नयणो, भणिओ य- 'अज्जउत्त ! किमेवं आउलो व्व लक्खीयसि ?' सिट्ठो य तेण सकोव-चंडा-पक्खित्त-मुसल-वुत्तंतो । तीए हसिऊण वुत्तं- एत्तियमेत्तं चेव ते भय-कारणं ? ता मुंच भयं । विम्हिओ मयणो । ताव फडाडोव-भयंकरो भक्कणंगणमागओ भुयंगमो दिट्ठो अणाए । सरीरमुव्वट्टमाणीए उव्वट्टण-वट्ठीओ खित्ताओ तयभिमुहं । जायाओ ताओ नउलरूवाओ । 'रुद्धो समंतओ नउलेहिं भुयंगो । तं खणेण खंडाखंडि काऊण गया दिसोदिसं नउला !

अह अच्चब्भुय-चरियं दोणह वि दहूण विम्हिओ मयणो ।
सप्प-^१भय-चत्त-चित्तो चित्तिउमेवं समाढतो ॥१२९॥

चंडाए सकोवाए सरणं जाया इमा पयंडा मे ।
जइ पुण करेज्ज कोवं इमा वि ता होज्ज को सरणं ? ॥१२६॥

पियकारिणो वि मह विप्पिएण केण वि इमा वि कुप्पेज्ज ।
पियमप्पणो वि तीरइ पए पए केत्तियं काउं ? ॥१२७॥

सो नत्थि विप्पियाइं अवगणितं गणइ जो सुकयमेव ।
एक्केण दुक्कएणं 'सुकय-सहस्सं फुसइ लोओ ॥१२८॥

ता भुयगीहिं व भयंकराहिं एयाहिं दोहिं वि अलं मे ।
इय चित्तिउण चित्ते गेहाओ विणिग्गओ मयणो ॥१२९॥

पत्तो परिब्भमंतो कमेण मणि-निम्मियामर-निवासे ।
वासवपुर-संकासे संकासे पवर-नयरम्मि ॥१३०॥

तो कुसुम-गंध-लुब्धालि-जाल-मुहलम्मि परिसरज्ज्जाणे ।
कंकेल्लितरुस्स तले विस्साम-निमित्तमुवविट्ठो ॥१३१॥

तावाऽऽगंतूण इमं भणिओ सो भाणुदत्त-^१गिहवइणा ।
भो मयण ! सागयं ! भद ! एहि नयरम्मि पविसामो ॥१३२॥

कह मुणइ मज्झा नामं इमो ? त्ति अह विम्हयं परिवहंतो ।
संचलिओ सो तेणं नीओ निय-मंदिरमुदारं ॥१३३॥

महया संरंभेणं कारविओ पहाण-भोयणाईयं ।
भणिओ य तदवसाणे सप्पणयं भाणुदत्तेणं ॥१३४॥

विज्जुलया-नामेणं मह धूया अत्थि कमल-दल-नयणा ।
सुरसुंदरि-सम-रूवा पाणिग्गहणं कुणसु तीसे ॥१३५॥

तो विम्हिएण मयणेण जंपियं मह अदिट्ठपुव्वस्स ।
कह मुणसि तुमं नामं ? कह वा अमुणियकुलस्स ममं ॥१३६॥

देसि तुमं निय-धूयं ? महंतमिह कोउगं महं हियए ।
तो भणइ भाणुदत्तो इत्थऽत्थे कारणं सुणसु ॥१३७॥

भद ! चउण्हं पुत्ताणमुवरि एसा मणोरह-सएहिं ।
संजाया मह धूया समग्ग-भुवणच्छरिअभूया ॥१३८॥

पत्ता य जोव्वणमिमा पाणेहिंतो वि वल्लहा मज्झा ।
 खणमित्तं^{१०} पि इमीए विरहं सोढुं न सक्को हं ॥१३९॥
 एसा विवाह-जोग्गा वट्टइ संकडमिमं समावडियं ।
 इय चिंताभारेणं गरुण अहं समक्कंतो ॥१४०॥
 ववगय-छुहा-पिवासो सुन्न-मणो चत्त-सयल-वावारो ।
 वट्टामि मज्झ-रत्ते अलद्ध-निदा-सुहो जाव ॥१४१॥
 ताव कुलदेवयाए भणिओ हं भद्द ! मा कुणसु चित्तं ।
 अज्जं नयरुज्जाणे असोगतरुणो तल-निसन्नं ॥१४२॥
 पिच्छिहिसि पुरिस-रयणं विसाल-कुल-संभवं कला-कुसलं ।
 दिवसरस पहर-समए मयणं नामेण गुणवंतं ॥१४३॥
 पच्चक्खं पिव मयणं तरस तुमं दिज्ज कन्नगं एयं ।
 कुलदेवया मए तो नमिउं भणिया इमं वयणं ॥१४४॥
 धूया-वरप्पयाणेण देवि ! तुमए अहं समुद्धरिओ ।
 चिंता-समुद्धमग्गो तो सा वि अदंसणं पत्ता ॥१४५॥
 तत्तो रयणीसेसं गमिउं काउण गोस-किच्चाइं ।
 उज्जाणमागओ हं ता चक्खुपहं तुमं पत्तो ॥१४६॥
 एएण हेउणा ते मुणामि नामं इमं च दाहामि ।
 विज्जुलयं निय-धूयं करेसु ता मज्झ वयणमिणं ॥१४७॥
 पडिवन्नमिणं मयणेण सुह-मुहुत्ते करग्गहण-लग्गे ।
 वित्ते पसत्थ-वत्थाऽलंकार-^{११}सुवन्नमाईहिं ॥१४८॥
 सम्माणिउण मयणरस भाणुदत्तेण अप्पियं भवणं ।
 तो विज्जुलयाए सह^{१२} तत्थ गओ कीलइ जहिच्छं ॥१४९॥
 अमुणिय-कुल-सीला वि हु जत्थ व तत्थ व गया वि सप्पुरिसा ।
 पावंति पुव्व-पुब्बोदएण मणवंछियं सोक्खं ॥१५०॥
 ता जइ महल्ल-कल्लाण^{१३}-कामिणो माणवा इहं तुब्भे ।
 ता कुणह तह पयत्तं जह पुन्नं पावए ^{१४}वुहिं ॥१५१॥

अह भाणुदत्त-दत्त-दविण-विणिओग-संपज्जमाण-मणवंछिय-
 त्थरत्थरस मयणरस गएसु कइवय-वच्छरेसु कयाइ पयट्ठो पाउसारंभो ।

जत्थ विरहग्गि-डज्झंत-विरहिणी-हियय-समुल्लसिय-धूमलेहाहिं व
 मेह-मालाहिं सामलीकयं गयणयलं, जलय-पिययम-समप्पियं
 कणयमयाभरणं पिव विज्जुलयालोयं वहंति दिसि-वहूओ, पाउस-
 महाराय-स्ज्जघोसणा-डिडिमो व्व सव्वत्थ-वित्थरिओ घण-गज्जिरवो,
 माणिणी-माण-खंडण-पयंड-खग्ग-धाराओ व्व निवडंति सलिल-
 धाराओ, 'महि-महिला-हार-सरियाओ व्व सरिआओ पसरियाओ ।
 एवंविहे य तम्मि ओलोयण-मयस्स मयणस्स नयण-विसयं समागया
 समासन्न-घरंगण-गया रुयमाणी रमणी पउत्थवइया, सुया य
 सावहाणेण होऊण किं पि पलवमाणी । जहा-

हा नाह ! अणाहं मं मुत्तुं देसंतरं तुमं पत्तो ।

संपत्तो घण-समओ जइ वि तुमं तह वि नो पत्तो ॥१५२॥

घणगज्जि-विज्जुतट्ठा ! सरणं रयणीसु कं पवज्जिस्सं ।

गलइ कुडीरं पि इमं निवडंते नीर-पूरम्मि ॥१५३॥

निट्ठिय-चिरंतण-धणा किं देमि अहं रुयंत-डिंभाणं ? ।

अहह ! विहिणा अहं चिय विणिम्मिया दुक्ख-कुलभवणं ॥१५४॥

तओ चित्तियं मयणेण-'हा ! वराईओ रमणीओ पइ-विरहे एवंविहं
 दुत्थावत्थं अणुभवन्ति, चंडा-पयंडाओ वि मह विरहे महंतं दुक्खमावव्वाओ
 भविस्सन्ति' ति सोग-संगलंत-जलेण तरंगियाइं नयणाइं मयणस्स ।
 भणिओ सो विज्जुलाए-'नाह ! किमेवमुव्वेय-कारणं ? ।' निब्बंधे य
 सिट्ठो अणेण पुव्व-भज्जा-संभरण-वइयरो । दूमिया इमा चित्तेण ।
 अदंसिय-वयण-वियाराए भणियमणाए-नाह ! जइ एसियं हियय-दुक्खं
 तो तत्थ गंतूण किं न कीरइ रई तासिं ? मयणेण भणियं-पिए ! जइ तुमं
 विसज्जेसि । तीए भणियं-संपयं पंक-दुग्गमा मग्गा, विसमाओ
 गिरिजईओ, ता न तीरइ गंतुं, वित्ते पाउसे वच्चिज्जासि । तव्वयणेण
 ठिओ सो । अह पयट्ठे फुटंत-कंदोट्ट-संघट्टे भमंतालि-थट्टे विसट्टंत-
 दोघट्ट-मरट्टे सरय-समए विज्जुला-समप्पिय-करंबय-पाहेज्जं घेतूण
 निग्गओ कुसत्थलाभिमुहं । वच्चंतो य पत्तो कमेण दिवस-पहर-दुग-
 समए नाममेक्खं । वीसंतो तत्थ सरोवर-तीर-तरु-तले । तओ
 पक्खालिय-कर-चलणो' कय-देव-गुरु-सुमरणो 'भोत्तुमणो चित्तिउं
 पवत्तो-

जइ एज्ज को वि अतिही चक्खुपहं मे इमम्मि समयम्मि ।

ता सुकय-लेसमज्जेमि तरस्स दाउण गासद्धं ॥१५९॥

एक्केण गुणेण जियं जयं पि काएण निग्गुणेणावि ।

काउं परेसि सद्धं जो भुंजइ थेव-भवखं पि ॥१५६॥

ते च्चिय जयम्मि धन्ना ताण गया पाणि-पल्लवे लच्छी ।

जे अतिहि-संविभागं काउण सया वि भुंजंति ॥१५७॥

एवं चित्तयंतेण तेण दिट्ठो पासवत्ति-देवउलाओ निग्गओ गामं पइ पत्थिओ भास-समुद्धूलियंगो जडा-मउड-वेढिय-सिरो पुडिया-वावड-करो तवस्सी । तओ पहट्ठ-हियएण वाहरिउण दिट्ठो तरस्स करंबओ । 'पज्जतं' ति तरस्सेव सरोवरस्स तीरे कयावस्सगो भोत्तुमारद्धो सो । मयणो य भोत्तुकामो कवलं करे कुणइ जाव, ताव केणइ च्छीयं । तओ संकिय-मणो पडिवालिउं खणमेक्क जाव ताव सो तवस्सी करंबय-प्पभावेण जाओ तवखणा उरणो । पहाविओ संकास-नयराभिमुहं । 'कहिं वच्चइ ?' ति विम्हिय-माणसो मयणो लग्गो तरसाणुमग्गेण । पत्ता दो वि नयरं । गया तयळभंतरं । पविट्ठो विज्जुलाए भवणं उरणो । इयरो य 'किमेसो करेइ?' ति पच्छन्नं पेच्छंतो ठिओ बाहिं । दिट्ठो य उरणो विज्जुलाए । तओ खडक्कियं ढक्किउण पारद्धो पुव्वावलिय-वत्थ-लउडेण हणिउं । तं च विरसमारसंतं सोउण मिलिओ लोगो । तेणावि करुणावन्न-मणेण वारिया विज्जुला । तीए वि सो सित्तो मंताभिमंतिय-जलेण जाओ तवस्सी । तओ विम्हओफुल्ल-लोयणेण लोएण पुट्ठो सो-भयवं ! किमेयं ? ति । सिट्ठो तेण निय-वुत्तंतो । तओ लोणेण भणियं-

सच्चमिणं संजायं पसिद्धमाहाणयं जए सयले ।

खायइ करंबयं जो सो सहइ विलंबयं पुरिसो ॥१५८॥

इमं च दहूण सव्वमुव्विग्गमणो मयणो चिंतिउं पवत्तो- अहो ! एयाए विज्जुलाए इमिणा निय-चरिएणं निज्जियाओ चंडा-पयंडाओ, ता कुसलकामिणा माणवेण दूरेण वज्जणिज्जाओ महिलाओ महंत-अणत्थ-सत्थेक्कसरणीओ,

दिहं पि चित्त-संतास-कारणं जाणमेरिसं चरियं ।

ताओ वि महइ मूढो महिलाओ ही ! महामोहो ॥१५९॥

अवराह-पयं थेवं पि पाविउं तह कहं पि कुप्पंति ।
 जह अच्चंत-पियस्स वि पाण-पणासं पकुव्वंति ॥१६०॥
 अन्नं चवंति अन्नं कुणंति अन्नं वहंति हियाण ।
 जाउ रमणीउ मइमं कह तासु करेज्ज विस्सासं ? ॥१६१॥
 एवं विभावयंतो नयराओ निग्गओ परिब्भमंतो ।
 पत्तो कमेण मयणो पवर-पुरीए हसंतीए ॥१६२॥
 गोरीओ पइ-मंदिरं, पइ-पयं दीसंति जत्थेसरा ।
 लच्छीओ पइ-माणुसं, पइ-वणं रंभाण संभावणं ।
 एक्केक्केण इमेण पावियमयं पासाय-पंति-प्पहा-
 पूरेणं अमरावइं हसइ ॥१६३॥
 तत्थ कुसुमावयंसुज्जाणस्स विभूसणम्मि जिण-भवणे ।
 कणयमय-खंभ-कलिए मरगयमय-कुट्टिम-तलम्मि ॥१६४॥
 कह वि पविट्ठो मयणो जुगाइदेवरस्स पेच्छिउं पडिमं ।
 निप्पडिमख्व-पिसुणिय-पसम-दयं ॥१६५॥
 जं दिट्ठी करुणा-तरंगिय-पुडा एयस्स, सोमं मुहं
 आगारो पसमागरो, परियरो संतो, पसन्ना तणू ।
 तं मन्ने जर-जम्म-मच्चु-हरणो देवाहिदेवो इमो,
 देवाणं अवराण दीसइ जओ नेवं सरूवं जए ॥१६६॥
 जायं मज्झ मणुरस्स-जम्म ॥१६७॥
 संपन्नो हम्मिं पि लोयण-जुयं पत्तं कयत्थत्तणं ।
 पारं भीम-भवन्नवरस्स दुलहं लद्धं मए संपयं,
 जं एसो भयवं भवक्खयकरो चक्खूण लक्खं गओ ॥१६८॥
 एवं भणंतो पणमिउण जुगाइदेवं निसन्नो तत्थेव मयणो ।

एत्थंतरे समागओ तत्थ धणदेवो ॥ नाम वणियपुत्तो । सो वि
 जयगुरुं नमंसिउण निविट्ठो मयण-समीवे । पुट्ठो अणेण सिणेहसार-
 वयणेहिं मयणो-भइ ! कत्तो समागओ सि ? किं वा कारणं जं
 हिययब्भंतर-फुरंत-दुक्खो व्व लक्खीयसि ? तओ मयणेण 'सिणिद्ध-
 बंधु व्व को वि महप्पा एस ममं समुल्लवइ' ति चित्तिउण भणियं-भइ !
 संपयं संकास-नयराओ समागओ म्हि, जं पुण हियय-दुक्ख-कारणं तं

जइ वि लज्जणिज्जं तहा वि तुह पढम-दंसणे वि पयासियाणप्प-
सिणेहत्तणेण परम-बंधुभूयस्स पुरओ सीसइ । तओ सिद्धो जहद्धिओ
सव्वो वि निय-वुत्तंतो । धणदेवेण वुत्तं-केत्तियमेत्तमेयं जइ मह भज्जाण
वुत्तंतं सुणेसि ? । विम्हिय-मणेण मयणेण वुत्तं- भद ! कहसु तुमं पि
निय-भज्जा-वुत्तंतं । तओ धणदेवो कहिउमादत्तो । तहाहि-

इहेव नयरीए जिणधम्म-^{२१}किच्च-निच्चल-मणो^{२२} मुणिजण-
पज्जुवासणपरो परोवयार-निरओ धणवई सेट्ठी । तरस्स य सयल-गुण-
कलाव-कुलभवणं भवणंगण-संचारिणी मुत्तिमई लच्छि व्व लच्छी नाम
भज्जा । ताणं च उभय-लोगाविरुद्धवितीए वट्टंताण जाया ^{२३}दोन्नि पुत्ता-
पढमो धणसारो, इयरो धणदेवो । समए कराविया दो वि कला-गहणं ।
जोव्वणारूढा य परिणाविया विसिद्ध-खव-लावन्नाओ वणिय-कन्नाओ ।
अह निय-निय-कम्म-संपउत्ताणि सव्वाणि कालं वोलंति ।

अन्नया मरण-पज्जवसाणयाए जीवलोयस्स, पइसमय-विणस्सर-
सखवत्तणेण आउकम्मुणो मुणिय-निय-जीवियावसाण-समओ सम-
सत्तु-मित्त-भावो भव-विरत्त-मणो कय-सठव-सत्त-खामणो
पंचपरमेट्ठि-मंत-सुमरणपरो परलोय-पहं पवन्नो धणवई । तओ पइ-
विओग-सोग-सलिल-पज्जाउलच्छी लच्छी वि निच्छिउण सुसाणं व
भीसणं घरवासं विसय-वासंग-विमुही महंत-तव-विसेस-सोसिय-तणू
पंचत्तमुवगया । अह अम्मा-पिउ-मरण-रणरणय-दूमिय-मणा मणां पि
निव्वुइमपावंता परिचत्त-सयल-कज्जा धणसार-धणदेवा अणुसासिया
तक्कालागय-मुणिचंद-मुणिंदेण-

भो भो ! किमेवमच्चंत सोग-संभार-निब्भरा तुब्भे ।
गमह दिवसाइ ? जं नो परिभावह भव-सखवमिणं ॥१६८॥
जं किं पि चराचरमत्थि वत्थु सयलम्मि जीव-लोयम्मि ।
खणभंगुरस्सखवं सव्वं ता किमिह सोगेण ? ॥१६९॥

पाणेषु निच्च-पहिएसु चले सररि,
तारुन्नयम्मि तरले, मरणे धुवम्मि ।
धम्मं जिणिंद-भणियं चइउण ^{२४}इक्कं
जंतूण ताणमवरं नणु नत्थि किंचि ॥१७०॥

તઓ મંદીકય-સોગા સગિહ-કજ્ઞાઈ ચિંતિતં પયટ્ટા । કયાઈ કલહમાણીઓ ઘરિણીઓ પેછિઠ્ઠણ વિભત્ત-ઘરસારા ઠિયા ભિન્ન-ભિન્ન-ઘરેસુ । અહ વચ્ચંતેસુ વાસરેસુ ભણિઓ ધણસારેણ લહુભાયા-કિમેવમુલ્લિગ્ગ-માણસો વ્વ દીસસિ ? ધણદેવેણ ભણિયં-ન મે ઇમીએ ઘરિણીએ ઘરવાસો સંભાવિજ્ઞાઈ । જેટ્ટેણ વુત્તં-કિમન્નં કલ્લગં પરિણાવેમિ ? ઇયરેણ ભણિયં-એવં કરેસુ । તઓ જેટ્ટેણ વિસિટ્ઠ-વાણિયગં મલ્લિઠ્ઠણ પરિણાવિઓ ધણદેવો દુહય-દહયં । ભવિયવ્વયાવસેણ સા વિ તહાવિહા ચેવ । ન ચિત્ત-સંતોસ-નિબંધણં ધણદેવસસ ।

તેજેગયા ભારિયા-ચરિયં પલોહુકામેણ કવડેણ ભણિયાઓ ભજ્ઞાઓ, જહા - સજ્જેહ સેજ્જં, સીયજ્જર-બાહિજ્ઞમાણો ન તરામિ ઠાતં । તઓ પગુણીકયા સેજ્ઞા । નુવલ્લો ધણદેવો । ચિત્તાપિ ઉવરિં પડર-પાવરણાઈં । અહ ^{૨૬}અત્થમુવગઓ ગયણમણી । ઓત્થરિયા સમગ્ગ-દોસ - પચ્છાયણી રયણી । ઘોર-સદ્-પયડિય-કવડ-નિદો ધણદેવો જાવ ચિટ્ઠાઈ ^{૨૭}તાવ જિટ્ઠાએ ભણિયા ઇયરી - હલે ! સિગ્ગં પગુણીહોસુ । તઓ તુરિયં કય-ગેહકિચ્છા ^{૨૮}પગુણીહૂયા સા । અહ ગેહાઓ નિગ્ગંતૂણ ગયાઓ દો વિ ઘરુજ્ઞાણે । આરુદ્ધાઓ મહંતં ^{૨૯}સહયાર-પાયવં । પવત્તાઓ મંત-સુમરણં કાતં । ધણદેવો વિ સણિય-સણિયં તયણમગ્ગ-લગ્ગો નિગ્ગંતૂણ તમ્મિ ચેવ ચૂય-પાયવે ઉત્તરિજ્જેણ અપ્પાણં બંધિઠ્ઠણ થુડ-વિલગ્ગો ઠિઓ । ખણેણ ય અર્ધિત-સામત્થયાએ મંત-માહપ્પરસ પયટ્ટો ગયણેણ ગંતું ચૂય-તરુ । લંધિઠ્ઠણ અણેગ-તિમિ-મગર-ગાહ-રડદં સમુદં પત્તો રયણદીવાવયંસભૂયં પભૂય-રયણખંડ-મંડિય-પસંડિ-પાસાય-સયસહરસ-સોહિયં રયણપુરં નામ નયરં ।

તરુણ-જણ-સમૂહો જમ્મિ રુવાભિરામો,

વિયરહ પડિવલ્લાણેગમુત્તિ વ્વ કામો ।

અવિ અમુણિય-વિજ્ઞો જત્થ વિજ્ઞાહરાણં,

કુણઈ જુવઈ-વગ્ગો દંસણેણાવિ થંભં ॥૧૭૧॥

તત્થ પરિસરે ઠિઓ મહીએ ચુય-દુમો । મુત્તૂણ તં દૂરીભૂઓ ધણદેવો । તલ્લભજ્ઞાઓ અવયરિઠ્ઠણ પવિટ્ઠાઓ નયરં, તયણમગ્ગ-લગ્ગો ધણદેવો વિ ।

ઇઓ ય તત્થ સિરિપુંજો સેટ્ઠી, તરસ ચડણહ પુત્તાણમુવરિ વર-રુવ-લાવલ્લેહિં તેલોક્ક-તિલયભૂયા સિરિમઈ ધૂયા । દિલ્લા ય સા વસુદ્ધત-

सत्थवाहपुत्तरस । तम्मि समए य पयट्ठो महया रिद्धि-वित्थरेण विवाह-महूसवो । विविह-नेवच्छ^{१०}-सच्छाय-देहच्छवीओ फुरंत-रयणालंकार-किरण-कडप्प-कप्पिय-सुरिद-सरासणाओ नच्चंति चारु-तरुणीओ । तओ मुणियमेयाण चरियं नियत्तमाणीओ इमीओ पुणोवि अणुसरिस्सं ति चित्तिउण धणदेवो तं चेव विवाह-महूसवं पलोयंतो ठिओ सिरिपुंज-घरदुवारे ।

एत्थंतरे तुरंगमारूढो वसुदत्त-पुत्तो सिरिपुंज-घरे पविसंतो कुऊहलाकुलिय-मिलिय-लोय-सम्मद-पणुल्लिय-तोरण-विणिग्गयाए तिवखधाराए तलियाए भवियव्वयावसेणं 'तड' ति तोडिउत्तमंगो ^{११}पंचत्तमुवगओ । तओ वसुदत्तो सपरियणो सोग-संरंभ-निब्भरो रोवमाणो पत्तो निय-घरं ।

सिरिपुंजो वि तहाविहमयंड-डमरं उवट्ठियं दट्ठं ।

'हा ! कहमिन्हिं धूया होहि' ति विसायमावब्भो ॥१७२॥

तो घर-जणेण भणिओ संतावो कीस कीरई एवं ? ।

अन्नस्स कस्स वि इमा दिज्जउ कन्ना किमब्भेण ? ॥१७३॥

तत्तो सिरिपुंजेणं आणत्ता तवखणं निय-मणुरस्सा ।

आणेह कं पि पुरिसं गवेसिउं राय-मग्गम्मि ॥१७४॥

एयं वयणं पडिवज्जिउण पुरिसा वि निग्गया जाव ।

ता दिट्ठि-पहं पत्तो धणदेवो दिव्व-रूव-धरो ॥१७५॥

नीओ य घरे 'पेच्छामि विहि-विलसियं इमं' ति चितंतो ।

तवखण-न्हाय-विलित्तो परिहिय-बहुमुल्लय-दुगुल्लो ॥१७६॥

परिणाविओ य धूयं तत्थ पयट्ठो तहेव आणंदो ।

धणदेवो उ सचिंतो चिट्ठइ बाहिं पलोयंतो ॥१७७॥

ता आगयाओ ताओ भज्जाओ कीलिउण सेच्छाए ।

दट्ठण विवाहमहं जेट्ठाए जंपिया इयरी ॥१७८॥

अज्ज वि गरया रयणी महूसवं तो पलोइमो एयं ।

पडिवज्जमेयमियरीए दो वि तो दट्ठमादत्ता ॥१७९॥

अह लहुईए भणिया इयरी- पेच्छ सुरमिहुणं व मणहरागार-वहूवरं, नवरं वरो अज्जउत्तो व्व लक्खीयइ । जेट्ठाए भणियं - हले ! मुद्धा तुमं,

अज्जउत्त-सरिसो अन्नो को वि एसो. सो पुण सीयज्जर-परिणओ मेहे मुक्खो कहमिहागओ ? एवं खणमेक्खं ठाऊण चलियाओ ताओ । धणदेवो वि सिरिमईए वत्थंचले कुंकुम-रसेण-

कहिं हसंति ? कहिं रयणउरु ? कहिं नह-हिं डणु भूउ ? ।
धणदेवह धणवइ-सुयह विहि सुहकारणु हूउ ॥१८०॥

एयं लिहिऊण केणावि मिसेण निग्गओ । तब्भज्जाओ आखढाओ तं चेव चूय-पायवं । इयरो तहेव अप्पाणं बंधेऊण विलग्गो थुडे । उप्पइओ चूय-पायवो, पत्तो खणमेत्तेण हसंतीए । ठिओ तत्थेव घरुज्जाणे । धणदेवो मुत्तूण चूयं पविट्ठो भवणब्भंतरं । णुवन्नो सयणिज्जे पाउय-पउर-पावरणो कणंतो ठिओ । इयरीओ चूयाओ अवयरिऊण पविट्ठाओ भवणं । दिट्ठो पसुत्तो धणदेवो । पसुत्ताओ खणमेक्खं ।

अह पभाया रयणी । समुग्गओ समग्ग-तिमिरभर-हरण-पच्चलो चंडकरो । धणदेव-भज्जाओ य सेज्जाओ मुत्तूण लग्गाओ स-कज्जेसु । अह लहुईए दिट्ठो कह वि पावरण-बाहिं विणिग्गओ विवाह-कंकण-सणाहो धणदेव-करो, दंसिओ जेट्ठाए-किमेयं ? ति । जेट्ठाए भणियं-सच्चं तया तए संलत्तं 'जहेस वरो अज्जउत्तो व्व दीसइ' ति, ता इमिणा अम्हे लक्खियाओ ति । न भेयव्वं, करेमि इमस्स दुस्सिक्खियस्स सिक्खं ति भणंतीए बद्धो चलणम्मि मंतेण अभिमंतिऊण दोरो । तप्पभावेण जाओ धणदेवो सुगो ।

खित्तो य पंजरे सो सुदीण-वयणो दिणाइं वोलेइ ।

भवणं बंधुयणं परियणं च निययं पलोयंतो ॥१८१॥

अह चुल्लि-निवेसिय-थालिगाए पक्खित्त-वेसवाराए ।

विहिय-छमक्कारं भज्जिगाए पागं कुणंतीए^{३२} ॥१८२॥

ताओ य तं सुगं भेसयंति धरिऊण सत्थ-धाराए ।

न हि भज्जिया-छमक्केण मुणसि अरे ! इय वयंतीओ ॥१८३॥

एवं आरोविज्जइ पइ-दिवसं जीय-संसय-तुलाए ।

सो कीरो कलुण-मणो ताहिं दुरायार-भज्जाहिं ॥१८४॥

इओ य रयणपुरे सिरिपुंज-सेट्ठिणा गवेसिओ सव्वत्थ धणदेवो । न दिट्ठो कत्थ वि । तओ विसन्न-चित्तेण पभाए य वत्थंचल-लिहियक्खर-

निरिक्खणाओ नायं, जहा- 'एस हसंती-वत्थव्वओ सेट्ठिपुत्तो धणदेव-नामो' ति । पहिद्व-चित्तेण सिट्ठिणा संठविया निय-धूया ।

एगया सागरदत्त-सत्थवाहो पत्थिओ अत्थोवज्जणत्थं हसंती-नयरीए, तरस सिरिपुंज-सेट्ठिणा समप्पिओ महग्घ-रयणालंकारो जामाउग-जोग्गो । संदिद्वं च- सिग्घमागंतूण निय-भज्जा संभाल-णिज्जा । सो य सागरदत्तो पवहणेण समुदं लंघिउण पत्तो हसंतीए । पारद्धो कयाणग-कयविक्कयं काउं । कयाइ गओ धणदेव-गेहं । दिट्ठाओ तब्भज्जाओ, भणियाओ- कहिं धणदेवो सेट्ठिपुत्तो ? ताहिं भणियं-कज्जवसेण देसतरं गओ । तओ 'रयणउर-वत्थव्वएण सिरिपुंज-सेट्ठिणा पट्ठविओ जामाउग-जोग्गो इमो' ति भणंतेण सत्थवाहेण समप्पिओ रयणालंकारो, सिट्ठो य पुव्वुत्त-संदेसो । ताहिं भणियं- सोहणं कयं सिरिपुंजेण, जओ धणदेवो अच्चंतं तदंसणूसुग-मणो सयं चेव वट्ठइ, परं अणइक्खमणिज्जयाए कज्जरस देसंतरं गओ, गच्छंतेण य तेण भणियमेयं- 'जइ को वि रयणपुराओ एज्जा तो तरस हत्थे सिरिपुंज-कब्बा-कीलणकए कीरो 'एसो समप्पियव्वो' ति, ता एयं गेण्हसु । तओ गहिउण कीरं तं कीरंताणेग-मंगलो पवहणमाख्खो सागरदत्तो सागरमुल्लंघिउण संपत्तो रयणपुरं । समप्पिओ णेण सिरिपुंजरस कीरो, सिट्ठो य सव्व-वुत्तंतो, तेणावि निय-धूयाए । तओ सा पहिद्व-हियया गहिउण तं कीरं कीलावए विविहप्पयारेहिं । एगया कीरस चरण-बद्धो दोरओ 'मलिणो' ति काउण उच्छोडिओ तीए । तक्खणे जाओ सहावत्थो धणदेवो । विम्हिय-मणाए भणियमणाए- अज्जउत्त ! किमेयं ? ति । तेण भणियं- जं पेच्छसि तुमं ति । नायमेयं सिरिपुंज-सेट्ठिणा । सम्माणिओ^{१५} धणदेवो । समप्पिओ पवर-पासाओ । भुंजए सिरिमईए समं भोए । करेइ दविणज्जणं ।

कयाइ सुविणिंदयाल-विब्भमतणओ जीवलोयरस परलोय-मग्गमोगाढे सिरिपुंजमि भाउज्जायाण अणवखरं किं पि सोउण सोयभर-गग्गिर-गिराए भणिओ सिरिमईए धणदेवो- अज्जउत्त !

तिविहा हुंति मणुरसा उत्तिम-मज्झिम-जहन्नया लोए ।

कित्तिज्जंता पिइ-माइ-भज्जनामेहिं जहसंखं ॥१८५॥

जइ वि तुमं गुणवंतो कलासु कुसलो धणज्जण-समत्थो ।
 तह वि सिरिपुंज-जामाउगो ति गिज्जसि ११जणेणित्थ ॥१८६॥
 तत्तो जइ उत्तम-पुरिस-मग्गमोगाहिउं तुहं वंछा ।
 ता जम्मभूमिमणुसरसु नाह ! भणिण किं बहुणा ? ॥१८७॥
 ११तो धणदेवेण वुत्तं एयमहमवि मुणामि किंतु महं ।
 ते भज्जिया-छमक्का अज्ज वि हियए ११चमक्कंति ॥१८८॥

तीए वुत्तं- अज्जउत्त ! केरिसा ते भज्जिया-छमक्का ? । तओ तेण
 सिहो सव्वो वि निय-कलत्त-वुत्तंतो । ईसि हरिसउण तीए वुत्तं-
 केत्तियमेत्तमेयं ? । दावेसु निय-दइयाओ, जेण जाणामि तासिं सामत्थं ।
 तव्वयणावलंबिय-साहसो धणदेवो वित्थिन्नमत्थजायं घेतूण सिरिमईए
 समं ११समुदं लंघिउण संपत्तो हरंतीए । दीणाणाहाण वियरंतो दाणं
 कुंजरो व्व पविट्ठो स-भवणं । तओ 'अहो ! तहाविहावत्थगओ वि
 समागओ !' ति सविमहयाहिं अब्भुट्ठिओ भज्जाहिं । कय-मंगलोवयारो
 निविट्ठो आसणे । जेह्वा-वयणेण पक्खालिया लहुईए धणदेव-चलणा ।
 चलण-पक्खालण-जलं च जेह्वाए गहिउण तह कहं पि अच्छोडियं
 ११धरणि-वट्ठे अचित्त-मंत-माहप्पेण ११जह पवट्ठिउमादत्तं । तओ धणदेवेण
 भउब्भंत-लोयणेणं पलोइयं सिरिमईए मुहं । तीए वि वुत्तं- मा भाहि ।

सलिलं पि तं कमेणं पवट्ठियं तह कहं पि गेहम्मि ।
 जह बुद्धा चलणा तयणु जाणुणो कडियडं तत्तो ॥१८९॥
 तत्तो वि उरं तो कंठ-कंदलं तयणु नासिया बुद्धा ।
 तो धणदेवेण विसाय-निब्भरं सिरिमइ भणिया ॥१९०॥
 एत्तो परं तुमं किं पिए ! करिरससि ? कएण पज्जंतं ।
 बुद्धाए नासिगाए किमुवरि बुडइ ण हत्थसयं ॥१९१॥
 तो सिरिमईए तं सलिलमेक्क-धुंटीकयं तहा सव्वं ।
 जह तवखणेण खोणीयलमि दीसइ न बिदू वि ॥१९२॥
 ता पुव्व-भारियाओ लग्गाओ सिरिमईए चलणेसु ।
 अम्हे जियाओ तुमए सत्तीए इमं भणंतीओ ॥१९३॥
 सो धणदेवो अहमेव दुक्कलताण संकडे पडिओ ।
 चिट्ठामि किं करेमी हय-विहि-दुव्विलसिय-वसेण ॥१९४॥

एवं सिणेह-सब्भाव-गळ्भं परोप्परं घयंपमाणाण मयण-धणदेवाण
तत्थ समागओ समग्ग-सग्गापवग्ग-मग्ग-देसओ दसविह-सामायारी-
निरओ निरयंध-कूव-निवडंत-जंतु-^{५१}संताण-ताणप्पयाण-हत्थावलंबो
^{५२}विमलबोहो नाम सूरी । वंदिऊण जय-गुरुं जुगाइदेवं निविट्ठो तत्थेव ।
मयण-धणदेवा वि निवडिया गुरुणो चलणेसु । निसब्बा तस्स पुरओ ।
भणिया य नाण-मुणिय-तच्चरिएण गुरुणा-

एवमकल्लाण-महल्ल-वल्लि-पल्लवण-सलिल-कुल्लाओ ।

निरयगइ-वत्तणीओ खणदंसिय-पेम-कोवाओ ॥१९५॥

कवड-कुडुंब-कुडीओ विवेय-मत्तंड-मेहलेहाओ ।

परिहरह बालवालुंकि-वालकुडिलाओ महिलाओ ॥१९६॥

^{५३}आसु पसत्ता सत्ता विसयाऽऽमिस-लुद्ध-मुद्ध-मइपसरा ।

अगणिय-कज्जाकज्जा कुणंति पावाइं विविहाइं ॥१९७॥

तव्वसओ संसारे चउगइ-परियत्तणाइं कुणमाणा ।

माणस-सरीर-गुरु-दुक्खभागिणो हुंति चिरकालं ॥१९८॥

ता भो महाणुभावा ! विसय-सुह-विरत्त-माणसा होउं ।

सव्व-विरइं पव्वज्जिय समुज्जमह धम्म-कज्जम्मि ॥१९९॥

कुणह कसाय-विणिग्गहमिंदिय-दुद्धम-तुरंगमे दमह ।

सेवह गुरुकुल-वासं उवसग्ग-परीसहे सहह ॥२००॥

जेण भवजलहिमुल्लंघिऊण जर-जम्म-मरण-कल्लोलं ।

सयल-किलेस-दिमुक्कं निव्वाण-सुहं लहुं लहह ॥२०१॥

एवं सोउं संविग्ग-माणसा दो वि मयण-धणदेवा ।

नमिऊणं मुणिनाहं जंपिउमेवं समादत्ता ॥२०२॥

भयवं ! भवंधकूवम्मि नूणममहाण निवडमाणाण ।

दिक्खा-हत्थालंबण-दाणेण अणुग्गहं कुणसु ॥२०३॥

गुरुणा वि तओ दिब्बा दिक्खा ताणं पहिट्ठ-हिययाणं ।

तो सिक्खिय-मुणि-किरिया अहिज्जिया सेस-सुत्तऽत्था ॥२०४॥

कय-तिव्व-तवच्चरणा परोप्परं पणय-निब्भरा निच्चं ।

एक्क-गुरुवास-वसिया पज्जंते तह कयाणसणा ॥२०५॥

मरिउणं सोहम्मे एक्क-विमाणम्मि दो वि *उववन्ना ।
 तत्थ वि पुव्व-सिणेहेण सयल-कज्जाइ कुणमाणा ॥२०६॥
 पंच-पलिओवमाइ परमाउं पालिउं तदवसाणे ।
 तत्तो चुया समाणा संजाया जत्थ तं सुणसु ॥२०७॥

तत्थ मयण-जीवो इहेव विजये विजयपुरे नयरे समरसेणस्स रत्ना
 महादेवीए जयावलीए* पुत्तो मणिप्पभो नाम संजाओ । अहिगय-
 कलाकलावो संपत्त-जोव्वणो कय-दार-परिग्गहो पलिय-पलोयण-
 पबुद्ध-जणय-समप्पिय-रज्जभारो उभय-लोगाविरुद्धं विसम-साहस-
 वसीकयासेस-सामंत-मउलि-मणि-मसणिय-पायवीढं रायलच्छि-
 मुवभुंजंतो कालं वोलेइ ।

तेणेगया गय-कंधराधिरूढेण रायवाडिया-निग्गएण गयणं व दिट्ठं
 दिप्पंत-तारागण-परिगयं पफुल्ल-कमलसंड-मंडियं महा-सरं । 'अहो !
 अच्चंत*'-चारुत्तणमिमस्स' ति चिंतयंतेण सुदूरं निज्झाइयं । पाइक्क-
 हत्थाओ आणाविउण *गहियं कमलमेक्कं । तओ गओ अग्गओ राया ।
 नियत्तो तेणेव मग्गेण । दिट्ठं उच्चिय-सयल-कमलं पमिलाण-पुव्व-सोहं
 तं सरं । तओ 'हा ! किमेयमेरिसं जायं ?' ति पुट्ठं रत्ना । भणियं
 परियणेण- देव ! एक्केक्कं कमलमवणिंतेण लोएण एवं कयं । रत्ना
 चितियं-

एयं सरोवरं जह कमल-विमुक्कं न पावए सोहं ।
 पुरिसो वि रेहए तह न रज्ज-रिद्धीए परिचत्तो ॥२०८॥
 रिद्धी असासय च्चिय सुविणय-माइंदयाल-सारिच्छा ।
 किंपाक-तरु-फलं पिव परिणामाऽणत्थ-हेऊ य ॥२०९॥
 इच्चाइ चिंतयंतो चित्ते जा वच्चए महीनाहो ।
 ता दिट्ठो उज्जाणे नामेण जिणेसरो सूरी ॥२१०॥
 धम्मकहं कुणमाणो पयमूले तरस्स देसणं सोउं ।
 सुय-संकामिय-रज्जो पडिवन्नो संजमं राया ॥२११॥
 कमसो तिव्व-तवच्चरणवस-समुप्पन्न-गयण-गम-सत्ती ।
 विमलोहिनाण-विन्नाय-सव्वभावी इमो सो हं ॥२१२॥

सोहम्माओ चुओ पुण धणदेव-जिओ तुमं समुप्पन्नो ।

तुह बोहणत्थमिन्हिं समागओ हं खयरनाह ! ॥२१३॥

जं पुव्व-भवे समगं गहियवया एक्क-गुरुकुले दो वि ।

एक्क-विमाणे वसिया तुह मम य स एस संबंधो ॥२१४॥

एयमायन्निऊण ईहाऽपोह-पयट्ट-माणसो महिंदसीह-विज्जाहरसाया जाय-जाईसरणो भणितं पवत्तो- भयवं । सव्वमवितहमेयं, ता भयवं ! कओ तुमए महंतो ममाणुग्गहो, जं एवं अपार-संसार-महन्नव-निवडिओ समुद्धरिओ हं, संपयं रज्ज-सुत्थं काऊण तुम्ह पयमूले पव्वज्जं पडिवज्जिस्सं ।' ति भणित्तुण समागओ निय-गेहं । तक्काल-पगुणीकय-कलहोय-कलस-मुह-विणिग्गय-सलिलेहिं अणिच्छंतो वि अहिसिंचित्तुण निवेसिओ रज्जे रयणचूडो । पणिवइओ मंति-सामंत-पमुह-पहाण-परिगएण खयररन्ना भणिओ य- वच्छ !

तुह जइ वि असेस-गुणागरस्स सयमेव गहिय-सिक्खस्स ।

सिक्खवणिज्जं थेवं पि नत्थि तह वि हु भणामि इमं ॥२१५॥

थेवो वि एस विहवो विवेगवंतं पि तरलए पुरिसं ।

किं पुण मण-सम्मोहुप्पायण-पवणा नरिद-सिरी ? ॥२१६॥

ता वच्छ ! जह इमीए छलिज्जसे नेव रज्जलच्छीए ।

जह खिप्पसि करण-तुरंगमेहिं विसमेहिं न कुमग्गे ॥२१७॥

विसएहिं वसीकिज्जसि न जहा जीयंत-करण-दच्छेहिं ।

तह वट्टेज्जसु चिर-पुरिस-मग्ग-लग्गो नय-समग्गो ॥२१८॥

भणिओ मणिचूडो वि हु अविवेयं किं न मुंचसे वच्छ ! ।

कीस अणायारपरो होउं लहुएसि अप्पाणं ? ॥२१९॥

न कलेसि कुलं न गणेसि गुरुयणं अवेवखसे [य नो] सिक्खं ।

नाऽऽसंकसे अवजसं परलोय-भयं वहसि न मणे ॥२२०॥

पावेसु जं पयट्टसि अकित्ति-वल्ली-विसप्पण-जलेसु ।

परलोय-विरुद्धेसु विसुद्ध-जण-गरहणिज्जेसु ॥२२१॥

सयल-गुण-रयण-रयणागरस्स अहिगय-कलाकलावस्स ।

ससिकर-विसुद्ध-कुल-संभवस्स भवओ न तं जुतं ॥२२२॥

તા કરણ-નિગ્ગહપરો પરિચત્ત-કુમિત્ત-વગ્ગ-સંસગ્ગો ।

સંપહ પસંત-ચિત્તો વટેજ્જસુ સંત-મગ્ગમ્મિ ॥૨૨૩॥

એવમણુસાસિય-સુઓ સુયણ-વગ્ગ-સક્કાર-પુરરસરં જણિય-
જિણિદ્ધ-મંદિર-મહાપૂઓ પવન્નો પરમ-વિભૂઈએ મણિપ્પભ-મુણિ-સમીવે
સમણ-દિવ્વં *‘‘સ્થેયરેસરો ।

રયણચૂડો વિ સાહિય-સયલ-વિજ્ઞો વિજ્ઞાહર-નરિદ્ધ-સંદોહ-
સેવિજ્ઞમાણ-ચરણ-કમલો કાલં વોલેહ ।

મણિચૂડ-કુમારો વિ હુ પિઝ્ઞા અણુસાસિઓ વિ તહ સમ્મં ।

વિસય-પિવાસા-વસગો નિયય-સહાવં અમુંચંતો ॥૨૨૪॥

અગણિય-કજ્ઞાકજ્ઞો અણવેવિચ્ચિય-ચત્તધમ્મ-કુલધમ્મો ।

વિયરહ જાએ જહિચ્છં નિરંકુસો મત્ત-નાગો વ્વ ॥૨૨૫॥

અન્નયા મહુ-સમાગમ-સમુપ્પન્ન-પમોણ વ પણચ્ચમાણાસુ દાહિણ-
પવણ-પહલ્લિર-પલ્લવ-કરેહિં વણલયાસુ વમ્મહ-મહારાય-રજ્જ-
ઘોસણાસુ વ સુણિજ્ઞમાણાસુ પહ-તિગ-ચઠ્ઠ-ચચ્ચરં ચારુ-ચચ્ચરીસુ,
માણિણી-માણ-મોયણોવેસ-પેસુ વ પયદેસુ પહ-વણં *‘‘કોઇલ-
કુલાલાવેસુ, પયદે વિસદ્દંત-તરુણિ-નદે મયણ-મહૂસવે, પાસાય*‘‘-
ઉવરિદ્ધિયાએ દિદ્ધો પગિદ્ધ-રૂવ-જોવ્વણ-ગુણાભિરામાએ સ્થયર-રામાએ
રાયમગ્ગમ્મિ સંચરમાણો મણિચૂડો । *‘‘પલોહો સિણિદ્ધ-દિદ્ધીએ । કુમારો
વિ તવ્વયણ-પંકયાણુસારિણીએ મહુયરીએ વિવ*‘‘ દિદ્ધીએ પુણો પુણો તં
પલોચંતો પત્તો નિય-ભવણં ।

કયાહ એગંત-ઠિયરસ મણિચૂડરસ સમીવમાગયા *‘‘સંગમી નામા તીએ
વયંસિયા નિવહિઠ્ઠણ ચલણેસુ ભણિં પયત્તા*‘‘ - કુમાર ! સુણસુ વિન્નતિયં ।
મણિચૂડેણ ભણિયં - ભણસુ । તીએ ભણિયં-

અત્થિ એત્થેવ વત્થવ્વયરસ *‘‘જયસેહર-વિજ્ઞાહરસ ધૂયા સયલ-
સ્થેયરીચક્ક-ચૂડા-માણિક્કભૂયા કણગપૂરાહિવહ્ણા કણગકેઝ-વિજ્ઞાહરેણ
પરિણીયા કણગાવલી નામં । તીએ ય પાસાય-સિહરદ્ધિયાએ રાયમગ્ગ-
મોગાદે ગાદ-સોહગ્ગ-લચ્છિ-કુલમંદિરમ્મિ તુમમ્મિ નિવહિયા દિદ્ધી ।

તુહ દંસણ-પરવસ-માણસા ય મયરદ્ધેણ બાણેહિં ।

ભિત્તૂણ મચ્છરેણ વ તહ કહ વિ કયત્થિયા બાલા ॥૨૨૬॥

दिट्ठिपहमइक्कंते तुमम्मि जह "मोहमुवगया बाढं ।

महिवट्ठम्मि निवडिया सहस ति निमीलियऽच्छिपुडा ॥२२७॥

तओ 'हा ! जयसेहर-धूए ! हा कणगकेउ-दइए ! किमकज्जमिणं ववसिया सि ?' ति भणंतीहिं 'जा न कोइ एयावत्थं इमं पेक्खइ ता उप्पाडिउण अन्नत्थ नेमो' ति चिंतिउण नीया सहीहि गूढट्ठाणं । कय-सिसिरोवयारा य जाया विगय-मुच्छ । भणिया य तीए कयाइ रहसि अहं- 'सहि संगमिए ! जाणसि च्चेय तुमं मह मोह-कारणं, सरीरमित्त-भिन्नाए य तुब्भ पुरओ किं वा पच्छाएमि ? तो गंतूण तुमं तह कहवि तं पयंपेसु सोहग्गामय-मयरहरं मणिचूड-कुमारं जहा ममं पडिवज्जइ, तव्विरह-"वेयणा-पज्जाउल-मणा य न पारेमि पाणे वि धारिउं' ति भणिउण पेसिया तुह पासमहं ।

ता सुहय ! तं मयच्छिं विरह-हुयासण-पलित्त-सव्वंगं ।

निव्ववसु संगमामयरसेण काउण कारुन्नं ॥२२८॥

तहा गिन्हसु कुमार ! तीए समप्पियं" कप्पूर-पारी-परिगयं कक्कोल-फल-सणाहं तंबोलं, "एयं स-हत्थ-गुत्थं बउलमालं च ति भणंतीए उवणीयं तंबोलाइ । मणिचूडेणावि अविणयसीलयाए कुमारभावस्स, वियार-कारणयाए वम्महस्स, मोहबहुलयाए अविवेयस्स, दुज्जययाए इंदियवग्गरस्स, पइम्म(?) -मज्झत्थयाए विसयसेवणस्स, अगणिउण जणाववायं, अणाकलिउणं कुल-कलंकं, अपरियाणिउण कज्ज-परिणामं, अविमरिसिउण गुरुयणोवएसं, अविभाविउणं उभयलोग-दुहावहतं पडिवन्नं तव्वयणं, गहियं तंबोलाइ । 'कुसुमसुंदरज्जाणे तए तीए सह मे संगमो कायव्वो' ति भणंतेण स-कंठ-कंदलाओ उत्तारिउण समप्पिओ तीए हत्थे हारो । सा वि 'महंती पसाओ' ति भणिउण गया कणगावली-समीवं । सव्वमावेइयं तीए । संतुट्ठा हियएणं सा । कय-पवर-सिंगारा य अत्थमिए कमलबंधवे, वियंभमाणासु भमरमाला-सामलासु तिमिर-लहरीसु गया संगमी-समेया कुसुमसुंदरज्जाणं । मणिचूडो वि रयणीए निग्गओ खग्ग-सहाओ, पत्तो कुसुमसुंदरज्जाण-मंडणं मयण-देउलं" । खणमेक्कं पलोइउण तत्थ गीय-नट्टाइ जाव कुसुमसुंदरज्जाणम्मि परिसक्कइ ताव सुणिउण महिला-संलावं 'नूणं स च्चेय कणगावली सहीए सह किं पि मंतेइ, ता

किमेसा मंतेइ ? ति लयंतरिओ चेव सुणेमि'ति चित्तिउण्ण ठिओ तहेव तुण्हिक्को । तओ कणगावलीए भणियं - सहि संगमिए ! मयणसर-पसर-सल्लिय-मणा न सक्केमि काल-विलंबं खमिउं । संगमीए भणियं - सामिणि ! परिच्चयसु पज्जाउलत्तणं । कणगावलीए भणियं- सहि ! मुहिया^१ खु तुमं, महं पुण दंसिय-पाणावसाणं वसणं, सो य अज्ज वि न दीसइ सुहय-चूडामणी, ता गवेससु तं कहिचि । तओ गवेसिउं पयत्ता^२ संगमी । कणगावली वि 'सुरसुंदरी-पत्थणिज्ज-दंसणस्स दंसणं मह मंदपुन्नाए दुल्लहं पिव संभाविज्जइ, ता दइयंग-संगम-मणहरेण हारेण चेव तुमं हियय-निव्वुइ वहसु ति भणंती पुणो पुणो हिययम्मि हारं निवेसेइ । मणिचूडेण चित्तियं- अहो ! निब्भराणुराय-रसिय-हियया एसा । ^३एत्थंतरम्मि समुग्गओ कुसुमाउह-महाराय-रज्जाभिसेय-कलसो व्व निसानाहो । तन्निग्गएण गयण-वित्थारिणा थोर-किरणपूरेण दिहं ^४दुद्धोवहि-जलुप्पीलेण पलावियं पिव पविभाइ भुवणयलं । वियसिया कुमुइणी । मणिचूडेणावि सम्मं दहूण कणगावलिं चित्तियं- अहो ! विरहदसा-दूसिया वि दंसणिज्जा पिययमा, किंसा वि ^५निसायर-कला किं न लोय-लोयणाणंदमावहइ ? । कणगावली वि चंदमुदिसिय- 'पीऊसकिरण ! निक्करुण ! कीस जलण-कण-वरिसणेण तुमं पि ममं कयत्थेसि ?' ति जंपइ । मणिचूडो वि 'अओ परं न एसा उवेक्खिउं जुज्जइ' ति पत्तो तीए समीवं । सा वि तं दहूण अमय-समुद-मग्गं व अमंदाणंद-सुदरं देहमुव्वहंती भणिउं पयत्ता-

तइया दिट्ठो सि तुमं नयण-दुवारेण ^६पविसिउण्ण मणे ।

लूडिय-सुह-सव्वरस्सो नीहरिओ पुण न दिट्ठो सि ॥२२९॥

मणिचूडेण भणियं-पिए ! मा किं पि खेयमुव्वहसु,

अणुराय-रूव-जोव्वण-गुणेहिं संदामिउण्ण मयणेण ।

सुंदरि ! निदेसकरो आमरणमहं कओ तुज्झा^७ ॥२३०॥

इच्चाइ सुह-संकहाहिं गमिउण्ण केच्चिरं पि कालं घेत्तूण तं संपत्तो स-भवणं मणिचूडो, पवट्ठिओ परोप्परं पणओ । थोव-दिण-मज्झे य समुच्छलिओ 'अकज्जं कयं कुमारेण'ति जणाववाओ । जओ-

थोव-दिणेहिं अकज्जं गोविज्जंतं पि पायडं होइ ।

तिण-संछल्ली वन्ही पच्छन्नं केच्चिरं ठाइ ? ॥२३१॥

अन्नया नाय-वृत्तंतेण वृत्तो सो रयणचूडेण रङ्गा - वच्छ ! विसुद्ध-
बुद्धिणा पुरिसेण सया उभय-लोमाविरुद्धवित्तिणा होयव्वं. कायव्वो
गुणब्भासो, पयट्ठियव्वं उत्तम-निर्दसणेण, न समप्पियव्वो अप्पा जोव्वण-
मयरस, रक्खियव्वो विवेयंकुसेण कुसलमग्गमइक्कममाणो मण-करी, न
लंघियव्वा गुरुयणोवएसो, न दायव्वो दोस-गणरसावगासो,
निरंभियव्वो निरग्गलं वग्गंतो करण-वग्गो, मोत्तव्वा कुमित्त-संसग्गी, न
परिहरियव्वो संत-मग्गो, जइअव्वं अणप्प-दप्प-कंदप्प-सप्प-विसप्प-
सरप्पसमणे, मणागं पि वज्जेयव्वो जणाववाओ; सव्वहा तं किं पि कायव्वं
जेण न विरुज्झए धम्मो, न संपज्जाए परलोय-हाणी, न दूसिज्जाए गुण-
गणो, न मालिन्नमालंबए कित्ती, न विस्ज्जंति सज्जणा, नावगासं पावंति
पिसुण-जणा; जं पुण पवट्ठणं कुल-कलंकरस, अत्थ-पव्वओ पयाव-
दिणयरस, “परोह-वसुहा विरोह-वीरुहाणं, दवानलो विमल-कित्ति-
वल्लरीणं, संकेयट्ठाणं सयलाणत्थ-सत्थाणं, अत्थाणं दुब्बय-निवरस,
राहुमुहं सच्चरिय-चंदमंडलरस, घणागमो गुणकलाव-कलहंसाणं, खेत्तं
अखत्तऽधम्म-धन्नरस, दुवारं दुग्ग-दुग्गइ-गेहरस; तं सव्वहा परिच्चयसु
पर-“महिलाहिलासं । न जुत्तमेयं विसुद्ध-वंसुब्भवरस भवओ, न सरिसं
सरयब्भ-सुब्भरस तुह गुण-संदब्भरस, अणुचियं चंद-किरणानुगारिणो
तुह विवेयरस । मणिचूडेण भणियं-बंधव ! एरिसो च्चेव चत्त-खत्तधम्मो,
धम्माऽधम्म-वियार-रहिओ^०, उवएस-परम्मोहो, मुह-महुर-विसय-सुह-
सेवणासत्तो, सत्तहीणो, हीण-जण-जोग्ग-वावार-निरओ, रयणिनाह-
निम्मल-कुल-मालिन्न-मूल-कारणमहं विणिम्मिओ विहिणा; जो अविसओ
विसुद्ध-वासणाए, अभायणं गुरुयणोवएसामयरसरस, अट्ठाणं विसिट्ठ-
चिट्ठाणं, अपत्तं पवित्त-चित्तवित्तीए, अजोग्गो सग्गाऽपवग्ग-सुह-
संसग्गरस । ता एयम्मि वइयरे न किंचि वत्तव्वं, अन्नं किं पि आणवेह तुब्भे
जेण तं दुक्करं पि करेमि । जओ-

कीरइ सुदुक्करं पि हु विसम्भक्खण-जलण-जल-पवेसाइ ।

तीरइ निवारितं न हु मणम्मि मयणो वियंभंतो ॥२३२॥

जइ वि मणिचूड-कुमरो ससिणेहं रयणचूड-राएण ।

^०सिक्खविओ तह वि न सा मुक्खा कणगावली तेण ॥२३३॥

जओ-

ता लज्जा ता माणो ताव च्चिय तत्त-चित्ता बुद्धी ।
जाव न कंदप्प-सरा पसरंति विवेय-जीयहरा ॥२३४॥

अनियत्तमणं मुणिउं मणिचूडं *वड्डमाण-मण-खेओ ।
खेयरवई ठिओ तो काउं मोणं रयणचूडो ॥२३५॥

कयाइ कणगावलीए भणिओ मणिचूडो - पिययम ! एत्थहियाणं
*खलयाणो अवन्नवायं कुणइ, ता अन्नत्थ गच्छामो । सो वि तन्नेह-
मोहिय-मणो पडिवज्जिऊण तव्वयणं, मुत्तूण सिणिद्ध-बंधुवग्गं,
अवगणिऊण गुण-रयण-खाणिभूयाओ खयरराय-धूयाओ समागओ
एत्थ रत्ते । ठिओ विउट्ठिऊण पवर-पासायं । किं च-

तरस कणगावलीए मुहकमल-पलोयणं कुणंतस्स ।
सुरलोयाओ अहियं सुब्बं रत्तं पि संपब्बं ॥२३६॥

सो य मणिचूडो अहं । अज्ज पुण पभाय-समए मम बाहिगयस्स
समागओ एक्को विज्जाहरो । दिट्ठो समागएण मए तीए सह संलवंतो ।
पुट्ठा य सा मए-पिए ! को एसो ? ति । तीए भणियं-मह जणणीए
पेसिओ पउत्ति-निमित्तमेस मे बंधवो ति । सो वि खणमेक्कं ठाऊण
कणगावलीए सह किं पि जंपिऊण गओ । खणंतरे य भणिओ हं तीए-
पिययम ! आसन्नज्जाणम्मि कीलासुखमणुभविउं गच्छामो ति । तओ
गयाइ दो वि तत्थ, पयट्ठाइ कीलिउं । पुणो वि *भणिओ कणगावलीए-
पिययम ! संपयं मज्झण्ह-समओ, ता एयम्मि सरोवरे जलकीलं करेमो
ति । तओ तव्वयणमणुल्लंघंतो गंतूण तत्थ मोत्तूण वारि-तीरे तरवारि
पयट्ठो कीलिउमहं सह तीए । तओ तवखणा *समुवखाइय-खग्गो 'अरे
खेयराहम ! कणगकेउणो मह महाविज्जा-साहणुज्जयस्स भज्जमवहरिय
कहिं वच्चसि ?' ति भणंतो समागओ एक्को खयरो । अहं पि दट्ठण तं
पहाविओ खग्गाभिमुहं जाव न गिण्हामि खग्गं ता पहणिऊण खग्ग-
पहारेहिं निवाडिओ महीवट्ठे । तओ पहसियमुहीए भणियं कणगावलीए-
पिययम ! सोहणं कयं जमेवमेस पहओ, दुरायारो खु एसो । बला
अणिच्छमाणी गहियम्हि । ता पुणो वि आहओ खग्गेण, मओ ति मुत्तूण
मं घेत्तूण कणगावलिं गओ सो । अओ परं तुमं पि जाणसि ति । *तो
एयं मे एयाए अवत्थाए कारणं । एवं तक्केमि-तीए कणगावलीए पहाय-
समए समागय-खयरेण समं मह विणासणत्थं संकेओ कओ । अहं च

खग्गहत्थो दुस्सज्जो त्ति कलिउण उज्जाण-जलकीला-ववएसेण खग्गं
मोयाविओ । ता सच्चमेयं-

न घेप्पइ सुसिणेहिं न विज्जहिं न य गुणिहिं,
न य लज्जाहिं न य माणिण न य^{१०} चाडुय-सइहिं ।
न य खर-कोमल-वयणि न विहवि न जोव्वणिण,
दुग्गेज्जं मणु महिलहं चित्तह आयरिण ॥२३७॥

तहा धिरत्थु मे अणज्जचरियस्स ।

लज्ज वज्जिय मुक्क मज्जाय अवगन्निय निय-सयण,
जीइ कज्जे चत्तउ कुलक्कमु ।
मइ न गणिउ भव-भमणु माणु मलिउं खंडिउं परक्कमु ।
तसु महिलह नेहतणू दिहं पज्जवसाणु ।
हारिय कोडि कवडियह मइ वंचिउं अप्पाणु ॥२३८॥

हा ! कुंदिदु-समुज्जलो कलुसिओ तायस्स वंसो मए,
बंधूणं मुह-पंकएसु य हहा दिन्नो मसी-कुच्चओ ।
हा ! तेलोक्कमकित्ति-पंसु-पसरेणुद्धूलियं सव्वओ,
हद्धी ! भीम-भवुब्भवाण भवणं दुवखाण अप्पा कओ ॥२३९॥

जं विसय-परवस-माणसेण न कया गुरूणमुवएसा ।
तं मज्झ हियय-मज्झे सल्लइ विस-दिद्ध-सल्लं व ॥२४०॥
जं गुरूयण-वयण-वइक्कमेण ^{१०}दुब्बय-पहे पयट्ठोहं ।
तस्स फलं संपत्तं फुडमेयं संपयं पि मए ॥२४१॥

अहवा कित्तियमेत्तं अणज्जचरियस्स तस्स फलमेयं ।
अज्ज वि तित्तिविखयव्वं नरए पत्तो अणंतगुणं ॥२४२॥

रत्ता भणियं- भद् ! एरिसं चेव विरसावसाणं परद्वारा^{११}-हरणं ।
परिहरणिज्जं सुपुरिसाणं । अचिंतणिज्जं सचेयणाणं । अणायरणिज्जं
उभयलोय-हिएसीणं । महिलाओ वि नीसेस-दोस-भुयंग-करंडियाओ
वसण-सय-^{१२}संपायण-पंडियाओ खण-रत्त-विरत्ताओ करस सयन्नरस
न निव्वेय-कारणं ? मणिचूडेण भणियं-

संपइ कहेह तुब्भी किं नयरं तुम्ह विरह-दुवखेण ।
विहुरीहयं कज्जेण केण वा एत्थ^{१३} आगमणं ? ॥२४३॥

तो रत्ना वागरियं अहं खु संखउर-नयर-वत्थव्वो ।
 विवरीय-सिक्ख-तुरएण अवहडो एत्थ संपत्तो ॥२४४॥
 भणियं मणिचूडेणं अणन्नसम-लक्खणेहिं लक्खेमि ।
 सयल-जय-पयड-किन्ती नूण तुमं विजयसेण-निवो ॥२४५॥
 ता वसणं पि हु एयं महूसवो मज्झ जेण संजाओ ।
 तुमए सह संबंद्धो गुण-निहिणा पुरिस-रयणेण ॥२४६॥

एत्थंतरे संवुत्ता संज्ञा, कय-तक्कालकिच्चा पसुत्ता दो वि रयण-
 पल्लंकेसु । पहाया रयणी, विरलीभूयमंधयारं, जायाइं विविह-
 विहंगकुल-कोलाहल-संकुलाइं दिसा-मंडलाइं ।

आसन्न-दिणेशर-दइय-संगमा अरुण-पयडियारुणिमा ।
 कुंकुम-कयंगराय व्व रेहए पुव्वदिस-वहुया ॥२४७॥
 चिर रुद्धं दिणवइ-दइय-दंसणूसरिय-कमल-वयणाण ।
 नीहरइ कमलिणीणं भमरउलं सोय-तिमिरं व ॥२४८॥
 घण-तिमिर-पंक-खुत्तं समग्ग-भुवणं पलोईउं रविणो ।
 सव्वत्थ वि वित्थरिया करा समुद्धरिउंकामस्स ॥२४९॥

पबुद्धो राया, कय-गोसकिच्चो भणिओ मणिचूडेण- 'संपयं
 महाराय ! देहि^{४२} ममाएसं, जेण दुल्लहं पि संपाडेमि' । तओ सुदंसणाए
 गवेसणं काउकामेण भणियं रत्ना- भद्द ! नाणाविह-देस-दंसणम्मि मे
 महंतं कीउगं । ता तह करेसु जहा तं संपज्जइ । तओ तक्खणा मणिचूडेण
 विउव्वियं विउल-मणि-तोरण-किरण-पुंज-पिंजरिय-गयणंगणं,
 अणेग-खंभ-सय-सन्निविट्ठ-रयण ^{४३}सालभजियाभिरामं रणंत-कणय-
 किंकिणी-जाल-मुहलं विमाणं । समारुहिउण तम्मि चलिया दुवे वि ।

• • •

पाठांतर :

१. सोगसंभवो रा. ॥ २. मयण कुल० दे. पा. ॥ ३. दुङ्गि दे. पा. ॥ ४. ०वं । तओ ल. रा. ॥ ५. तं च भूमिपत्तं दे. ॥ ६. खट्ठो दे. ॥ ७. ०भयवित्तरिओ दे. ॥ ८. सुकइसहरसं दुसइ दे. पा. ॥ ९. ०गहवइणा । दे. पा. ॥ १०. ०मेत्तं दे. ॥ ११. ०सुवन्नपमुहेहि ॥ दे. पा. ॥ १२. समं ल. रा. ॥ १३. ०कल्लाणमालियं महह माणवा तुब्भे दे. रा. पा. ॥ १४. वह्णिं ॥ दे. पा. ॥ १५. महिमहेलाहा० दे. पा. ॥ १६. ०चरणो ल. रा. ॥ १७. भुत्तुमणो दे. पा. ॥ १८. सा सच्चं हसंती० दे. पा. ॥ १९. भणिउ० ल. रा. ॥ २०. सफलं ल. रा. ॥ २१. ०देवो वणिय० दे. पा. ॥ २२. ०किच्चलालसमणो दे. पा. ॥ २३. ०मणो समणजणपयपज्जु० दे. पा. ॥ २४. दुङ्गि दे. पा. ॥ २५. एक्कं दे. पा. ॥ २६. अत्थंगओ दे. पा. ॥ २७. ता जेद्दाए दे. पा. ॥ २८. पगुणीभूया दे. पा. ॥ २९. साहारपा० पा. ॥ ३०. ०नेवत्थस० दे. पा. ३१. पंचत्तं गओ दे. पा. ॥ ३२. कुणंतीओ दे. पा. ॥ ३३. एस दे. पा. ॥ ३४. ०णियो धण० ल. रा. ॥ ३५. जेणेजेत्थ दे. पा. ॥ ३६. तो धणदेवेण पलत्तमेय० ल. रा. ॥ ३७. हियए वक्कमंति रा. ल. ॥ ३८. समुद्मुल्लं० दे. पा. ॥ ३९. धरिणी दे. ॥ ४०. जलं ल. रा. ॥ ४१. ०संताणप्पयाण० रा. ॥ ४२. विमलवाहो सूरी दे. पा. ॥ ४३. एय पसत्ता दे. पा. ॥ ४४. उप्पन्ना दे. पा. ॥ ४५. ०लीए मणिप्पभो नाम जाओ ल. रा. ॥ ४६. ०तं चारु० पा. ॥ ४७. गहियं पउममेक्कं दे. पा. ॥ ४८. खयरेसरो दे. पा. ॥ ४९. ०लकुलारावेसु ल. रा. ॥ ५०. पासाओवरि० दे. पा. ॥ ५१. पुलोइओ दे. पा. ॥ ५२. ०यरीए व ल. रा. ॥ ५३. संगमा तीए दे. पा. ॥ ५४. पवत्ता दे. पा. ॥ ५५. जयसेहरस वि० दे. पा. ॥ ५६. मोहपरिगया दे. पा. ॥ ५७. ०वेयणाए पज्जा० रा. ॥ ५८. ०यं कुमारपारी० ल. रा. ॥ ५९. एसा सहत्थगुत्था बउलमाला ति ल. रा. ॥ ६०. ०देवउलं दे. पा. ॥ ६१. सुहिया ल. रा. ॥ ६२. पवत्ता दे. पा. ॥ ६३. ०तरे समु० दे. पा. ॥ ६४. दुद्धोवहि० ल. रा. ॥ ६५. ससहरकला दे. पा. ॥ ६६. पविसिय मणम्मि । ल. रा. ॥ ६७. तुब्भ ॥ ल. रा. ॥ ६८. पारोह० पा. ॥ ६९. ०महिलाहिलसणं. न दे. पा. ॥ ७०. ०रहिओ. हिओवएस० रा. ॥ ७१. सिक्खिविओ ल. रा. पा. ॥ ७२. वद्धमाण० ल. रा. ॥ ७३. स्थलयगण

ल. ॥ ७४. भणियं दे. पा. ॥ ७५. समुक्खइय० दे. पा. ॥ ७६. तमेयमेयाए अव० ल.
 रा. ॥ ७७. न इ चा० पा. ल. रा. ॥ ७८. दुन्नइपहे ल. रा. ॥ ७९. ०दारावहरण० दे. ॥
 ८०. ०संपाडण० दे. पा. ॥ ८१. इत्थ दे. पा. ॥ ८२. देह ल. रा. ॥ ८३. ०सालिभं०
 ल. पा. ॥

• • •

तइओ पत्थावो

इओ य सा सुदंसणा तओ रन्नप्पएसाओ तप्पएसवासिणीए
खुद्वंतरीए पुव्वभवावेस-वस-विसप्पमाण-मच्छराए उविखत्ता
पल्लंकाओ, पविखत्ता समंतओ भमंत-मत्त-मायंग-मयजलासारसित्त-
भूमिभागाए' रउद्द-सद्द-सद्दल-दलिय-सारंग-मुक्क-विरसाराव-भीसणाए,
सरल-साल-हिंताल-ताल-तमालप्पमुह-विडवि-संकडाए भीमाडवीए ।
तओ तरु-निगुंज-मज्झा-गया मुच्छा-निमीलिय-लोयणा गमिऊण
कित्तिं पियं वेलं सिसिर-समीर-संसग्ग-समागय-चेयणा दिसामुहाइं
पलोयमाणी सुन्नारन्न-गय-अप्पाणं पेच्छिऊण 'हा ताय ! हा माय !
किमेयमयंडे चिय' अतक्कियमसंभावणिज्जमावडियं' ति चिंतयंती थी-
सहाव-सुलभ-भय-कंपंत-हियया रोविउं पवत्ता ।

एत्थंतरे मयंको अत्थमइ पणह-तेय-पब्भारो ।

करस वि न हुंति विहिणो वसेण वसणाइं जियलोए ? ॥२५०॥

वियलिय-तारय-थोरंसुएहिं परिल्लहसिय-तिमिर-धम्मिल्ला ।

रुयइ व रयणी दहुं तयवत्थं पत्थिवंगरुहं ॥२५१॥

काउं असमत्था दुत्थियाए पत्थिव-सुयाए पडियारं ।

लज्जाभरेण' नूणं तुरियं रयणी अवक्कंता ॥२५२॥

उदयगिरि-मत्थयत्थो कहइ व पसरिय-करो सहरसकरो ।

'मा कुणसु खेयमुदयं पाविहिसि तुमं पियं तम-विगमे ॥२५३॥

तओ रायधूया उट्ठिऊण सुविणमिव मण्णमाणी अणवरयं पयट्ठ-
बाहप्पवाह-पज्जाउल-कवोला, कक्कस-कुसग्ग-संसग्ग-दूमिज्जंत-
चलणतला, दिणयर-किरण-कलाव-किलंत-कोमल-तणू, पत्थिया
पुव्वदिसाहुतं ।

कत्थइ भुयंग-भीया कत्थइ सद्दल-सद्द-संतट्ठा ।

कत्थइ कुविय-कयंताउ व्व कुंजराउ पलायंती ॥२५४॥

विदाय-दीण-वयणा इओ तओ सुन्न-रन्न-परिभमिरी ।

भय-कायर-तरलच्छं पिच्छंती सयल-दिसिवलयं ॥२५५॥

तो कह वि दिव्ववसओ पसंतमुत्ति गिरिद-धिरकायं ।
काउरसग्गोवगयं पेच्छइ विउले सिलावट्टे ॥२५६॥

भुवणेक्कमल्ल-कंदप्प-दप्प-कप्परण-परम-माहप्पं ।
धम्मं व मुत्तिमंतं चारणसमणं महासत्तं ॥२५७॥

तो जाय-जीवियारा भत्तिवसुल्लसिय-बहल-रोमंचा ।
गंतुं समीवमेयं विणएण नमंसए बाला ॥२५८॥

मुणिणा वि निक्कारण-करुणारस-पारावारेण पारिऊण 'काउरसग्गं
सिलावट्टोवविट्ठेण धम्मलाभ-दाण-पुव्वं विणओणयमुही महुर-वयणेहिं
संभासिया रायसुया—

'भदे ! मा संतप्पसु । एस एरिसो चेव सुविणिंदयाल-विब्भमो खण-
दिह-नट्ठी सयल-जियलोओ । अप्पडिहय-प्पसरो सुरासुर-पहूणं पि
पहुप्पइ पुव्व-कय-कम्म-परिणामो । अकय-सुकयाणं^९ संभवन्ति पाणिणं
पए पए वसणाइं । अओ कुसलकामेण कायव्वो धम्मे समुज्जमो'।

इम च सोच्चा भणियं सुदंसणाए— भयवं ! इमाए अवत्थाए
उचिअ-धम्मोवएस-वियरणेण करेह मे^{१०} अणुग्गहं । मुणिणा भणियं—
भदे ! संपयं विसेस-धम्मकिच्च-करणे असमत्था तुमं । ता 'भयत्त-सत्त-
संताण-ताणप्पयाण-पवणं पाव-पायव-पावयं पवज्जसु पंचपरमेट्ठि'^{१०}-
मंतं । एयप्पभावेण न संभवन्ति इह-भवे वि खुट्ठोवदवा, संपज्जन्ति
समीहियत्था, लंघिज्जन्ति विसमाओ वि आवयाओ, परभवे य समग्ग-
सग्गापवग्ग-सुह-संसग्ग-भायणं भवन्ति जीवा'^{११} । तहा-

खुट्ठोवदव-धंत-धंस-तरणी दोगच्च-सेलासणी,
धम्मज्झाण-हुयासणेक्क-अरणी कल्लाणमाला-खणी ।
निव्वाणावसहप्पवेस-सरणी तेलोक्क-चिंतामणी,
धन्नाणं परमेट्ठि-पंचग-नमोक्कारो चमक्कारओ ॥२५९॥

हरिसुप्फुल्ल-लोयणाए भणियं रायधूयाए— भयवं ! पयच्छसु तं
परमिट्ठि-मंतं । दिब्बो मुणिणा । पणमिऊण गहिओ अणाए, भणियं च—
केच्चिरं कालमेवं सुन्नारन्नगयाए मए वसणमेयमणुभवियव्वं ? मुणिणा
भणियं— एयरस पंचपरमेट्ठि-मंतरस पइ-समय-सुमरणाणुभावेण थोव-
दिणब्भंतरे चेव विसमं पि वसणमेयं लंघिऊण सयलमणिच्छिय-

कल्लाणभाइणी भविरससि ति । अहं पुण संपयं सुरसेल-सिहर-
परिद्वियाणं सासय-जिणपडिमाणं नमंसणत्थं वच्चिरसामि ति भणंतो सो
उप्पइओ तमाल-दल-सामलं गयणयलं । रायसुया वि चारणमुणि-
विइन्न-धम्मोवएस-वसेण वसण-समुदाओ नित्थिन्नं व अप्पाणं मन्नमाणी
पंचपरमेद्वि-मंत-संभरणेण पडिहयासेस-दुद्ध-सावय-भया कंदमूल-
फल-जणिय-पाणवित्ती चलिया एग-दिसाए ।

अह तीए रायधूयाए^{१२} पंचपरमेद्वि-मंतमच्चंतं ।

एगग्ग-मणाए भत्ति-निब्भरं संभरंतीए ॥२६०॥

कोववस-सज्जिय-कमो वि कुडिल-दाढा-कडप्प-दुप्पिच्छो ।

पंचाणणो न सक्को समीव-देसं पि अक्कमिउं ॥२६१॥

मयगंध-लुद्ध-रोलंब-रोल-बहिरिय-समग्ग-दिसयक्कं ।

तडुविय-करं कुद्धं पि करि-कुलं दूरमोसरइ ॥२६२॥

धूमज्झामलिय-दिसो महंत-जालालि-लिहिय-गयणग्गो ।

पासमपत्तो विज्झाइ वणदवी अकय-संतावो ॥२६३॥

विप्फारिय-फार-फणा-फुंकार-विमुक्क-विसकणुक्केरा ।

पसरंत-रोस-विवसा वि विसहरा पहरिउं न खमा ॥२६४॥

दिद्विप्पयाण-मेतेण पडिहयाणप्प-दप्प-माहप्पा ।

रक्खस-भूयप्पमुहा परम्मुहा ठंति दूरेण ॥२६५॥

पल्लव-सयणिज्ज-गया पंचनमोक्कार-चित्तणपरा सा ।

रयणिं पि अणेगावाय-संकुलं गमइ खेमेण ॥२६६॥

अह कइवय-दिणावसाणे तत्थ हत्थि-बंधत्थमुवागओ चक्कपुर-
सामी सिंह-नरिदो, दिद्दा य तेण विम्हय-वसुण्णुल्ल-लोयणेण लावन्न-
पुन्न-सठ्वंगावयवा रायधूया । लक्खिया य आगारमेत्त-दंसणेण जमेसा
अणणुभूय-पाणिग्गहण-वइयरा का वि कन्नग ति । तओ सो कुसुमचाव-
चक्कलिय-कोदंड-मुक्क-कंडप्पहार-विहुरिय-चित्तो चित्तिउं पवत्तो—

मयणघरिणी नूणं दासीदसं पि न पावए,

तिणयण-पिया पत्ता लोए तणं व लहुतणं ।

सलिलनिहिणो धूया धूलीसमा वि न सोहए,

अमर-महिला हीलाठाणं इमीएँ पुरो भवे ॥२६७॥

दुदंतिदिय-वग्ग-निग्गहपरं देहाणवेत्तुं मए,

झाणारुद्ध-मणेण दुक्कमणुद्वाणं समासेविउं ।

नूणं पुव्व-भवम्मि किंपि सुकयं संपुज्जमावज्जियं,

११ बाला जं सहस ति लोयण-सुहा वुद्धि व्व दिट्ठा इमा ॥२६८॥

तओ ११तिहुयण-सिरि-समद्धासियं व अप्पाणं मन्नमाणो घेत्तूण तं समागओ स-नयरं । मुक्का य कयलि-कयंब-जंबु-जंबीरंब११-चुंबियंबरतलस्स कुसुमगंध-लुद्ध-मुद्ध-११फुल्लंधुयारावरुद्ध-दिसियक्कस्स भदसालाभिहाणस्स पमयवणस्स मज्झे देसालंकारभूए विमल-फलह-सिला-संघाय-घडिय-भित्तिभागे कणय-खंभ-निम्मविय-वियड-सालभंजियाभिरामे मरगय-मणि-विणिम्मिय-कुट्टिमे तुंग-सिहरग्ग-भग्ग-रवि-रह-तुरंग-मग्गे ११पसंडिपासाए । तओ अणुलोमवित्तीए तं उवयरिउमादत्तो । तह वि सा वाम-करयल-पल्हत्थिय-वयण-कमला, दीहुन्न-नीसास-विसोसियाहरा, अणवरय-नयण-नीहरतंसुसलिला, दिणावसाण-समए समवयाहिं रायनिउत्त-महिलाहिं कह वि काराविया वियार-कारणाहार-परिहारेण किं पि भोयणं । संभासिया महर-वयणेहिं रन्ना— 'देवि ! कहसु कस्स नरिद-चूडामणिणो नहयलं व मयंकलेहाए ११सयल-लोय-लोयणाणंद-संदोह-दाइणीए तुमए कुलमलंकियं नियय-जम्मेण ? केण वा निमित्तेण करि-कुरंग-केसरि-सरह-सूयर-तरच्छ-५च्छभल्ल-संकुलाए अडवीए निवडिया सि ?' ।

तओ 'अलं मह मंदभग्गाए जंपिएणं । समत्त-सत्त-अकप्प-कप्परण-परायणं दइवं पुच्छसु' ति भणंती अव्वत्त-सदं रेविउमारद्धा रायधूय ! । रन्ना वागरियं— 'देवि ! किं इमाए अणिट्ठ-चित्ताए ? आगार-मित्तेण वि विसाल-कुल-संभवा संभावीयसि तुमं । ता मए भिच्च-भावमुवगाए११ मणसा वि न को पि तुह अणिट्ठं काउं ११तीरइ । तओ कीस संतावमुव्वहसि ? किं न परिहरसि संखोहं ? विमुंचसु दीण-वयणं११, पलोएसु मं अमंदाणंद-संदोह-मंदिरेहिं इंदीवर-दल-दीहरेहिं निय-लोयणेहिं, करेसु करग्गहणेणाणुग्गहमिमस्स मयणसर-सल्लिय-मणस्स जणस्स । तओ असुयपुव्वं सवण-दुरसहमेयमायन्निउण विजयसेण-महारायं मुत्तूण मह जलणो चेव सरणं ति कयनिच्छया विविह-घडु-कम्म-परायणं रायाणं तणं व अवगणंती अदिन्न-पडिवयणा मोणमवलंबिउण

ठिया रायधूया । तह वि गरुयाणुराय-निब्भरेण रत्ना सव्वहा मए एसा परिणेतव्व ति निच्छिउण काराविया विवाह-सामग्गी । रायधूया वि पयट्ठा पंचपरमेट्ठि-मंतमणवरयमणुसुमरिउं^{२२} ।

^{२१}अन्न-दिणे पडिहारी तीए पासे निवेण पट्टविया ।

तीए वि हु पन्नविया सुदंसणा णेम-जुत्तीहिं ॥२६९॥

मुद्धे ! किं अवमन्नसि देवं देवं व सुंदरायारं ?

पडिवज्जिउण एयं भुवणस्स वि सामिणी होसु ॥२७०॥

जइ वि मयच्छि^{२३} ! न इच्छसि तह वि हडेणावि परिणिउण तुमं ।

मण-वंछियं करिस्सइ सीहो सीहो व्व दुव्वारो ॥२७१॥

जइ होइ हसंताणं रोयंताणं च सुयणु ! पाहुणओ ।

तत्तो वरं हसंताण किं न एयं सुयं तुमए ? ॥२७२॥

तो जंपइ रायसुया मुणसि तुमं जुत्तिसंगयं वोत्तुं ।

किंतु अहं निय-पिउणा तारावीडेण नरवइणा ॥२७३॥

दाउं परिणयण-कए पट्टविया विजयसेण-रायस्स ।

अणुरागेण मए वि हु तस्सेव समप्पिओ अप्पा ॥२७४॥

होउण तस्स घरिणी परिणेमि अहं कहं परं पुरिसं ? ।

रविणा विणा कमलिणी विहसइ कं ^{२४}पिक्खिउं अन्नं ? ॥२७५॥

जं पुण हडेण मं परिणिउण मणवंछियं इमो काही ।

तमजुत्तं जेणाहं तणं व पाणे परिहरिस्सं ॥२७६॥

तो पसरिही कलंको इमस्स लोए अहं पि न भविस्सं ।

ता भक्खिए वि काए ^{२५}न य सो अजरामरो होही ॥२७७॥

इय सोउं पडिहारी सुदंसणा-वइयरं कहइ सव्वं ।

सीह-नरिदस्स तहा कयंजली विन्नवइ एवं ॥२७८॥

देव ! देवस्स निय-बुद्धि-पगरिस-विमरिसियासेस-जुत्ताजुत्त-वियारस्स पुरओ किं सीसइ ?, सयं चेव मुणइ देवो, जं गुरुयण-अदिब्बाए अपिच्छंतीए य कब्बाए करग्गहणं कीरइ न एस संत-मग्गो । परकलत्तं खु एसा जा निय-पिउणा पेसिया सयं च ^{२६}गरुयाणुराय-परवस-माणसा पयट्ठा विजयसेणस्स रत्नो परिणयणत्थं । ता कहं

करगहणं इमीए कुसला सलाहंति ? को वा इमीए पुरिसंतर-विदेसिणीए उवरि देवरस वामोहो ? जओ—

अङ्गासत्ते पेम्मं खणं पि अकुलीण-लोय-संसग्गं ।
 मा देज्ज दिव्व ! अम्हं जइ रुहो होसि सय-वारं ॥२७९॥
 ता काऊण पसायं परिहरियव्वो असग्गहो एस ।
 जइ सोवन्निय-छुरिया हंतव्वो किं तओ अप्पा ? ॥२८०॥
 तह वि नरिदो कंदप्प-सप्प-विसवेग-छिन्न-चेयन्नो ।
 अमुणिय-जुत्ताजुत्तो न मुयइ दूरं दुरभिसंधिं ॥२८१॥
 जओ—

उदाम-काम-झामल-पविलुत्त-विवेय-चक्खुणो मणुया ।
 खुप्पंति मग्ग-चुक्का^{२९} अकिच्च-पंकम्मि किं चोज्जं ? ॥२८२॥
 विसमाउह-बाण-पहार-जज्जरे माणुसरस मण-कलसे ।
 ठाइ कहं निविखत्तं थेवं पि परोवएस-पयं ? ॥२८३॥
 तो वज्जिऊण लज्जं सीह-नरिदो पयंपए एवं ।
 जाणामि सव्वमेयं सविसेसमहं परं किंतु ॥२८४॥
 दुस्सह-मयण-हुयासण-जालावलि-कवलियंगमप्पाणं ।
 बालाए इमीए विणा खणं पि सक्केमि न हु धरिउं ॥२८५॥
 तत्तो मए इमीए पाणिग्गहणं अवरस-कायव्वं ।
 पच्छा जं रुच्चइ तं करेउ दइवो किमन्नेण ? ॥२८६॥

^{२९}इओ य विजयसेण-महाराओ मणिचूडेण समं विमाणारूढो
 अणेग-नग-नगर-गामाऽऽगर-तरुसंड-सोहियं मही-मंडलं पलीयंतो
 पत्तो तं चेव चारु-मणि-खंड-मंडिय-पसंडि-पासाय-पंतिप्पहा-पहय-
 तिमिर-पूरं, धरणि-रमणी-मणि-कन्नपूरं, तिय-चउक्क-चंकम्ममाण-
 रमणिज्ज-रमणि-चक्कं चक्कपुरं । तं दहूण कोऊहलऽविखत्त-चित्तेण वुत्तो
 रन्ना मणिचूडो— 'इमं किं पि नयरं निय-रम्मत्तण-निव्वत्तिय-तियसपुर-
 पराभवं, ता पलोएमो' ति मोत्तूण विमाणं मणिचूडेण समं समोइन्नो महीए
 महीनाहो । दिट्ठं च तत्थ पारद्ध-महूसवं रायभवणं । तओ पुट्ठो रन्ना एक्को
 पुरिसो— 'भइ ! किं महूसव-कारणं ?' ति । पुरिसेण वुत्तं 'सोम ! सुण,
 अत्थि एत्थ चक्कपुरे पच्चत्थि-पत्थिव-हत्थि-मत्थय-कयत्थण-सीहो

सीहो नाम नरवई । तेजेगया गय-बंधणत्थं गएण दिट्ठा भीमाडवीए एगा कन्नगा । आणिया ^{३०}एत्थ विवाहत्थमभत्थिया अणेगप्पगारेहिं । सा अणिच्छंती वि परिणेउमारद्धा तेण । 'अओ महूसवारंभो' । तओ रत्ना विजयसेणेण साहिलासं पुट्ठो इमो— 'भद ! सा कत्थ चिट्ठइ ?' पुरिसेण वुत्तं— 'भद ! भदसालाभिहाण-पमयवण-मंडणे पासाए राय-महिलाहिं परिणयणत्थं पण्णविज्जमाणा चिट्ठइ' ।

तओ गओ राया मणिचूडेण समं पमयवणे । तत्थ बहल-दलावली-विलुत्त-दिणयर-करप्पसरं सरस-कयलीहरयं जाव पेच्छए ताव पच्यासन्नं करग्गहण-लग्गं ति महंतं चित्त-संतावमुव्वहंती मरणं सरणं ति मन्नमाणा विवाह-कज्ज-पज्जाउलत्तणेण परिणयस्स किंचि अंतरं लहिउण्ण निग्गया पासायाओ सुदंसणा, पविट्ठा पमयवणभंतंरं । पत्ता असोग-पायवतलं । दिट्ठा लयंतरिण रत्ना विमहयवसुप्फुल्ल-लोयणेण, भणियमणेण— वणदेवया किमेसा परिसक्कइ निय-वणे स-इच्छाए ? किं नागकन्नगा काणणस्स दंसणकए पत्ता ? किं विज्जाहर-रामा समागया महियले गलिय-विज्जा ?, किं वा सकोव-वासव-सावब्भट्ठा तियस-रमणी ? । एवं पयंपमाणो राया जाव चिट्ठइ ताव तीए विमुक्क-दीह-नीसासं समुल्लवियं— 'हा ! मे मंदभग्गाए उदग्ग-सोहग्ग-भग्ग-सग्गीस-खव-मडप्फरो फार-समुज्जल-जस-पसर-भरिय-भुवणभंतरो न ताव दिट्ठि-विसयं पि संपत्तो विजयसेण-महाराओ । तह वि तरस्स समप्पिओ मए अप्पा । संपयं पुण एस दुरप्पा सीहो मज्जायमुज्झिउण मं परिणेउमब्भुज्जओ । नत्थि अवरो कोइ उवाओ जेण इमाओ रक्खसाओ व्व रक्खेमि अत्ताणयं । तओ मरणं मे अभग्गसीलाए सलाहणिज्जं । जओ—

जीवंत च्चिय वुच्चंति सुद्धसीला मया वि जियलोए ।

जीवंता वि मय च्चिय जीवा सीलेण परिहीणा ॥२८७॥

सो च्चिय जयम्मि धन्नो तरस्स च्चिय चंद-निम्मला किंती ।

अविभग्ग-निय-पइन्नेण जेण मरणं पि पडिवन्नं ॥२८८॥

ता इमस्स असोग-तरुणो साहाए उबब्धेमि अप्पाणं ति ।

एत्थंतरे मणिचूडेण भणियं— 'नाह ! न एसा वणदेवयाइण मज्झे का वि, किंतु एसा तुहाणुराइणी रायकन्ना' । तओ सुदंसणाए कंठेण सह साहाए बद्धो पासओ । 'भो भो वणदेवयाओ ! मे असरणाए जम्मंतरे वि

વિજયસેણ-રાઓ ભક્તા ભવિજ્જ' । તિ ભણંતીએ મુક્કો અપ્પા । તઓ મણિચૂડેણ ભણિયં - 'એવં' ^૧'વિવજ્જમાણા' ઇમા વરાઈ ન ઉવેવિહિતં જુજ્જઈ તિ । તઓ રક્ખા વિજ્જુવિહિત-કરણેણ ^૨'ઉપ્પહિત્તં વામભુયા' તં ધરંતેણ હિયય-દેસે દાહિણ-કર-કલિય-કરવાલેણ છિન્નો પાસઓ, તં ઉચ્છંમે ધરંતો નિસન્નો સિલાયલે રાયા, સંવાહિયાઈ તીએ અંગાઈ રક્ખા, પરામુહં સેય-જલ-બિંદુ-દંતુરં ભાલવહં, વીહિયા કયલીદલેણ, સત્થીહુયા એસા ભણિયા ય— 'સુયણુ ! કહેહિ કો તે સંતાવમુપ્પાએઈ ? જેણ તં નિગ્ગહેમિ ।' અહ સુદંસણા અતક્કિયામુવાગયં તં પલોહિત્તં ^૩'સંભમ્ભંત-લોયણા ચિંતિતં પવત્તા— કો એસ મહપ્પા સિણેહ-સંભાવ-ગંભ-મુલ્લવહ ? કીસ વા એયસ્સ વયણ-પંકય-હુતં પુણરુત્તં વલહ મે દિઢી ? , કેણ વા નિમિત્તેણ એયસ્સ સંલાવ-^૪'સવણમેત્તેણ વિ વિહસિયં મે હિયયં ? કિં વા ઇમસ્સ પાણિ-પલ્લવ-ફરિસમુવલભ્ભ પીઠ્ઠસ-રસ-સિતાઈ પિવ પમોય-પગરિસં પત્તાઈ મહ ગત્તાઈ ? , કિમેસ સો ચેવ મહ હિયય-વલ્લહો અજ્જઉત્તો ? એવં ચિંતા-પવન્ન-માણસા ભણિયા રક્ખા— 'દેવિ ! કીસ સંસયાઉલ-મણા ચિદ્ધસિ ? એસો સો હં તુહ મણ-કમલ-વિયાસણેક્ક-દિવસેણો વિજયસેણો રાયા તુહ પુન્ન-પગરિસાગરસિઓ સમાગઓ તિ । તઓ તઠ્ઠવયણેણ નિય-હિયય-સંવાણ ય વિણિચ્છિય-તયાગમણા રાયસુયા 'પદમં દંસણં' તિ સસજ્ઞાસા, 'સદ્ધા લલિયયં સવ્વમણેણં' તિ ^૫'સવિલિયા, 'અતક્કિયાગમણો' તિ સવિમ્હયા, 'વિરહ-જલણ-જાલા-પલિત્ત-ગત્તાએ ચિરાઉ દિઢો' તિ સઠ્ઠકંઠા, 'પરમ-નિવ્વુહં પત્ત' તિ સાણંદા, 'કિમેયસ્સ એવંવિહ-વિસમ-દસંગયા કરેમિ ઉચિયં ?' તિ સચિંતા, 'સુકય-મિત્ત-સહાઓ' તિ સાસંકા— એવં અણેગ-રસ-સંકિલ્લં અણાહિવલ્લખિજ્જં અણણુભૂયપુલ્લં રસંતરમણુહવંતી તક્કાલુપ્પન્ન-પમોય-લજ્જા-સંરંભ-રુભંત-કંઠવલ્લંત-વયણા જંપિડં પવત્તા— 'સાગયં અજ્જઉત્તસ્સ । હિયણ નેહ-ભર-નિભ્રેણ ગૂઢો સિ ^૬'એતિયં કાલં, સંપહ પસત્થ-^૭'સુકય-ઉદ્દણ નયણેહિં સચ્ચવિઓ વિમલ-ગુણ-રયણ-નિહિણો, કરેમિ સંપહ કિમજ્જઉત્તસ્સ એવંવિહ-વિસમ-દસં સંપત્તા ઉચિય-કરણિજ્જં' ? રક્ખા ભણિયં- 'દેવિ ! મા કિં પિ સેયમુવ્વહસુ' ।

સવ્વં કયં જમેવં સંભાવ-સમપ્પણં કિમન્નેણ ? ।

જો દેહ સિરં સુંદરિ ! સો કિં મન્ગિજ્જાએ નયણં ? ॥૨૮૭॥

रायधूयाए भणियं- 'अज्जउत्त ! खग्गमित्त-सहाओ तुमं ति कंपइ मे हिययं'। रब्बा भणियं- 'मा भाहि, किं न सुयं तए एक्को वि केसरि-किसोरो मत्त-करि-घडा-विहडणं कुणइ ?' ति । ता कहसु कहिं सो दुरप्पा नरिंदाहमो संपइ^{१५} वट्टइ ? जेण तं निग्गहेमि' ।

एत्थंतरे तुरिय-तुरियं करग्गहण-करणसुयमणो पासायतल-मुवागओ^{१६} सिंह-नरिंदो । तम्मि रायधूयमपिच्छंतो कहिं गया मह पाणवल्लह ? ति संभंतचित्तो^{१७} पत्तो पमयवणब्भंतरे गवेसेउं^{१८} । समागओ तं पएसं । दिहा य असोग-तरु-तले विजयसेण-राएण समं समुल्लवंती रायधूया ।

तत्तो तक्काल-वियंभमाण-कोवेण सीह-नरवइणा ।

उग्गीरिउग्ग-खग्गेण जंपियं - 'को अरे ! एस ? ॥२९०॥

मह पिययमाए सद्धिं संलवइ ? वियालियं विसेणेस^{१९} ।

को कुणइ दुरप्पा ? करस वा सुमरियं कयंतेण ? ॥२९१॥

को वा सकोव-कसिणाहितुंड-कंडूयणेण निरसकं ।

अहिलसइ अयंडे मरणमप्पणो एस मूढमई ? ॥२९२॥

ईसि हसिउण तत्तो पयंपियं विजयसेण-नरवइणा ।

^{२०}पेच्छह दूरं दुस्सिक्खियाण धिद्वत्तणं गरुयं ॥२९३॥

मज्जाय-वज्जिया जं अकज्ज-करणुज्जया वि होउण ।

लज्जंति नो परेसिं दावंता अप्पणो वयणं ॥२९४॥

जंपंति दप्पवसया अज्ज वि असमंजसाइं वयणाइं ।

पेच्छंति^{२१} नेव निययं दुच्चरियमहो ! महामोहो ॥२९५॥

निय-दुच्चरिएण हयाण ताण हणणं न जुज्जए जइ वि ।

तह वि भुयंग व्व न ते उवेक्खिया सुहयरा हुंति ॥२९६॥

एत्थंतरम्मि भणियं नग्गायरिएण केण वि स एस ।

सिरि-विजयसेण-राओ जयइ जए पायड-पयावो ॥२९७॥

सोउण इमं किमणेण ? वीरभुज्जा धर ति जंपंतो ।

सुहड-समूह-समेओ सीह-निवो पहरिउं लग्गो ॥२९८॥

पडिपहरिउं पयट्टेण भिउडि-भीसण-निडालवट्टेण ।

सिरि-विजयसेण-रब्बा फुरंत-रोसारुणऽच्छेण ॥२९९॥

कंठ-पहोलंत-पिसाय-दिन्न-वर-हार-गुरु-पभाव-वसा ।
 पडिखलिय-सरीर-समुत्थरंत-खग्गाइघाएण ॥३००॥
 को वि हओ करवालेण कुलिस-कढिणेण मुट्टिणा को वि ।
 को वि हु चंड-चवेडाए को वि पण्हि-प्पहारेणं ॥३०१॥
 एक्केण वि नीसेसो सुहड-जणो गह-गणो व्व सूरैण ।
 काउं हयप्पयावो दिसोदिसं नासिओ सहसा ॥३०२॥
 एक्को च्चिय सिंह-निवो पुरो ठिओ निबिड-दप्प-दुप्पेच्छो ।
 गलगज्जिं कुणमाणो खग्ग-पहारे विमुंचंतो ॥३०३॥
 सो वि विजयसेणेणं पावसु दुब्बय-फलं ति बित्तेण ।
 हणिउणं खग्ग-दंडेण पाडिओ धरणिवट्ठमि ॥३०४॥
 मुच्छा-मिलंत-नयणं सीह-निवं निवडियं निएउण ।
 गाढप्पहार-पह-नीहरंत-रुहिरारुणिय-वसुहं ॥३०५॥
 सिरि-विजयसेण-रत्ना कारुन्नाउन्न-माणसेण तओ ।
 आणत्तो मणिचूडो सिग्घं आणेसु सलिलं ति ॥३०६॥
 तेणाऽवि नियड-कीलावावीओ विसाल-पउमिणी-पत्ते ।
 सहसा तमाणिउणं समप्पियं भूमिनाहस्स ॥३०७॥
 रत्ना वि कंठ-कंदल-पलंबमाणं अचित्त-सामत्थं ।
 वरहारं ओहलिउं सित्तो सलिलेण सव्वंगं ॥३०८॥
 तस्सामत्थेण तओ सत्थ-सरीरो समुट्ठिओ सिंहो ।
 सुत्तो व्व तक्खण-परुढ-गाढ-खग्ग-प्पहार-वणो ॥३०९॥
 वुच्छिन्न-समरवंछो पाय-पणामं तओ कुणंतो सो ।
 धरिउं करम्मि रणभंग-भीरुणा विजयसेणेण ॥३१०॥
 भणिओ य सिंह नरवर ! पत्थुय-विग्घं किमेवमायरसि ? ।
 तुह तुल्लो एत्थ जए न को वि दिट्ठो मए सुहडो ॥३११॥
 तो मुत्तूण विसायं पिसायमिव दूरओ पुणो सज्जो ।
 रण-कज्जे भवसु करे करिउण कराल-करवालं ॥३१२॥
 अहवा वज्जिय-खग्गाइ-पहरणा दो वि बाहुजुद्धेण ।
 जुज्झामो जेण महं महई तुही तुह रणेण ॥३१३॥

सीह-नरिदेण तओ भणियं उवयार-कारण तए ।

जणगेण व कह सद्धिं जुद्धं काउं महं जुत्तं ? ॥३१४॥

दीसंति जए पुरिसा उवयारपरं जणं उवयरंता ।

उवयरइ तुमं व कए वि अवगुणे को वि सप्पुरिसो ॥३१५॥

अदि य महासत्त ! परमोवयारी तुमं, जेण तुमए मुक्क-मज्जाओ वज्जिय-लोयलज्जो, अणवेदिखय-खत्तधम्मो, अकज्ज-करणुज्जय-माणसोऽहमेवमणुसासिओ, एवं कुणंतेण रक्खिओ हं निरयंध-कूव-निवडणाओ, निवारिओ सरय-रयणीयर-किरण-कलाव-निम्मलं निय-कुलं कलुसयंतो कलंक-पंकेण, ठाविओ उभयलोय-सुहावहे संत-मग्गम्मि । किं बहुणा ? तिहुयणे वि तं नत्थि वत्थु जं तुह परमोवयारिणो दाउण, मन्नामि कयत्थं अप्पाणं । तो विरम इमाओ रणज्झवसायाओ । पसायं काउण गेण्हसु अणेण-करि-करह-रह-तुरंग-रंगंत-सोहं, कोस-कोट्टागार-गरुय-रिद्धि-समुद्धुरं रज्जमेयं । विजयसेणेण वुत्तं— भद्द ! पालेसु निय-कुलक्कमागयं रज्जं । उत्तम-पुरिसो तुमं । किमितिण^५ वि संतावमुव्वहसि ? । गाढप्पहार-विहुरिय-सरीरस्स रणंगणावणि-निवडणं सुहडस्स भूसणं, न उण दूसणं । सीहिण भणियं— नाहं उत्तमो, किंतु अहमो जो एवंविह-वसण-समागमेण अकज्जायरणाओ नियत्तो म्हि । जओ—

सयमेव नियत्तंती उत्तम-पुरिसा अकज्ज-करणाओ ।

मज्झा परोवएसेण वसण-लाभेण पुण अहमा ॥३१६॥

एत्तिय-कालं कालुरस्स-दूसिय-मइणो मयण-वसवत्तिणो तिण-तुल्लावगणिय-गुणिजणोवएसरस्स विसएसु चेव मे परमत्थ-बुद्धी आसि । संपयं पुण नियत्ता विस-विसम-विसय-वासंग-वासणा, विरत्तं भीम-भवचारयाओ चित्तं, अवगयं जहावद्विय-रमणि-सरीर-सख्व-निख्वण-^५निवारणं काम-झामलं ।

सरिसव-मेत्त^५-सुहकए कणयगिरीओ वि गुरुरो अजसो ।

हा हा ! मए विदत्तो अकज्जमिणमायरंतेण ॥३१७॥

ता परलोय-सुहावहमुत्तमपुरिसाणुचिन्न-मग्गमहं ।

सेविरसामि किमिमिणा अवजस-कलुसेण जीएण ? ॥३१८॥

एवं पयंपमाणो सीह-नरिंदो पुराओ नीहरिउं^{५८} ।
 वारंतस्स वि लोयस्स तावसासममिमो पत्तो ॥३१९॥
 तावस-वयं पवन्नो तत्तो सिरि-विजयसेण-राएण ।
 महया विच्छडेणं तत्थेव य भद्दसाल-वणे ॥३२०॥
 तम्मि य पासाय-तले विवाहिया सीह-पत्थिव-कयाए ।
 तीए सामग्गीए सुदंसणा रायधूया सा ॥३२१॥
 तओ—

महंत-मंति-सामंत-मंडलिय-लोय-परिगओ, गय-कंधराधिरुद्धो^{५९},
 धरिय-धवलायवत्तो, धुव्वंत-चंद-चारु-चामरुप्पीलो, पए पए
 कीरंताणेग-मंगलो मागह-समूह-पडिज्जमाणो, मणिचूडेण सुदंसणा-
 देवीए य समं पविट्ठो रायभवणं । निसन्नो पसरंत-कंति-कडप्प-
 कप्पियाणप्प-सक्कचाव-चक्कवाले, अप्पमाण-माणिक-चक्क-चिंचईए
 कणय-सिंहासणे^{६०}, अहिसित्तो समत्त-मंति-सामंतेहिं । पणमिओ पहाण-
 रायलोएण । कयाइं मंगलाइं, पणच्चियाओ चारु-चामीयर-कडय-
 केऊर-थंभिय-भुयाओ पल्लविय-लोय-लोयणवभुयाओ पणंगणा-
 चक्क-चूडामणीओ रमणीओ । रत्ना वि जोग्गयाणुसारेण सम्माणिओ
 महग्ग-वत्थालंकार-तंबोलप्पयाणाईहिं पणइ-लोओ । उचिय-समए य
 विसज्जिऊण मंति-सामंत-सिद्धि-सेणावइ-पमुह^{६१}-पहाण-पणइ-वग्गं,
 समुट्ठिऊण कयं देव-गुरु-पाय-पंकय-पूया-पुरस्सरं सरस-रसवईए
 भोयणं । तदवसाणे ठिओ राया रयण-पल्लंके, निसन्नो सज्जिहि-निहित-
 कणयमयासणम्मि मणिचूडो, सुदंसणा-देवी वि पायंत-निसद्ध-विसिद्ध-
 विट्ठर-निविट्ठा पुट्ठा पहिट्ठ-परिपुट्ठ-कंठ-कोमल-गिराए रत्ना— 'देवि !
 कहसु केण तुमं अवहरिया^{६२} ? । कहं वा तुमए मइंद-मायंग-कुल-
 संकुला अडवी नित्थिन्न ? ति । तओ—

केण वि अलक्खिएणं पक्खित्ता जह वणे समुक्खिविउं ।
 जह तत्थ चारण-मुणी पलोइओ परिभमंतीए ॥३२२॥
 धम्मोवएस-संगय-गिराहिं अणुसासिऊण जह तेण ।
 पंचपरमेट्ठि-मंतस्स संसियं पवर-माहप्पं ॥३२३॥
 सो वि परमेट्ठि-मंतो जह गहिओ तस्स सुमरण-वसेण ।
 जह लंधिया लहुं चिय सीहाइ-उवदवा सव्वे ॥३२४॥

जह सीह-नरिदेणं आणीया नयरमेयमिच्छाई ।

तह देवीए सव्वं सवित्थरं साहिअं रब्धो ॥३२५॥

रब्धा भणियं— 'अहो ! निक्कारण-करुणारस-परवसत्तणं तरस्स चारण-मुणिरस्स, जेण दिब्धो सग्गापवग्ग-मग्ग-देसओ समग्ग-दुग्गोवसग्ग-संसग्ग-^१निग्गहणपच्चलो पंच-परमेद्धि-मंतो* । जरस्स सुमरणेण सयलोवदव-विदावणं संपत्ता तुमए, इहावि महल्ल-कल्लाण-परंपरा । तारिसा य साहुणो सयल-जियलोय-वच्छला, मोक्ख-पंथ-सत्थवाहकप्पा, कप्पदुम ठ्व दमगाण दुल्लहा अकय-सुकयाण पाणीणं । ततो

गुण-रयण-निहीणं मोक्ख-कज्जुज्जयाणं ।

जइ कह वि गुरुणं संगमो मज्झ होज्जा ।

चलण-कमल-मूले ताण सव्वद्दु-धम्मं ।

पयडिय-सिव-सम्मं ता पवज्जामि सम्मं ॥३२६॥

जओ—

परलोयाणुद्दाणं समईए दुक्करं पि कीरंतं ।

सुगुरु-वयणं विणा होइ निप्फलं कास-कुसुमं व ॥३२७॥

धज्जाणं ^२गुणि-गुरुणो गुरुणो वियरंति सम्ममणुसट्ठिं ।

न कयावि रयण-वुट्ठी रोरस्स घरंगणे होइ ॥३२८॥

गुणसागराण सुगुरुण संगमं इह लहंति कयपुब्बा ।

किं चडइ करंबुरुहे चिंतारयणं अहज्जाणं ? ॥३२९॥

मणिचूडेण भणियं— 'पुव्वभवुब्भव-पुब्बपब्भार-पाउब्भवंत-मणवंछियत्थसत्थरस्स देवरस्स सुगुरु-संगमो अचिरेणं चेव संभाविज्जइ' । इच्छाई-परोप्पर-संकहाक्खित्त-माणसो खणमेक्कमइक्कमिउण राया रज्ज-कज्जाइं चिंतिउं पवत्तो । अह भणिओ मणिचूडो रब्धा— 'भइ ! मह तुरंगावहार-संभाविय-वसणो सोय-सायर-निमग्गो संखउर-लोओ दुक्खेण वट्टइ ति संभावेमि । ता तग्गमणेण निव्वुइं करेमो तरस्स' । तओ जुत्तमेयं ति भणमाणेण मणिचूडेण विउव्वियं फारफुरंत-कंति-कडप्प-दिप्पमाणं महप्पमाणं मणिमयं विमाणं । राया वि रज्जसुत्थं काउण मणिचूड-सुदंसणादेवीहिं ^३सद्धिं समाखढो तम्मि, चलिओ चक्कपुराओ

संखपुराभिमुहं ।

अहं संखपुरे तम्मि समयम्मि नरनाह-विरह-विहुरस्स लोयस्स महा-
वसणं जं जायं तं निसामेह । तहाहि— तुरगावहरिए रायम्मि अणुमव्ग-
लव्गं पहावियं पहाण-सामंत-सेणावइ-सुहड-संकिन्नं सेन्नं । पयट्टं रत्तो
गवेसणाए सुन्नारन्नम्मि इओ तओ परिब्भमंतं भूवइणो पउत्तिमित्तं पि
अपावमाणं मणम्मि महंत-संतावमुव्वहंतं तं पत्तं पउमसर-समीववत्ति-
तमालतरु-निउंजं, तत्थ य दिट्ठि-“गोयस्सुवगया एगा इत्थिगा करुण-
सरेण रुयमाणी, पुहा य— भदे ! का तुमं ? कीस वा सुन्नारन्नगया एवं
रोयसि ?। तीए भणियं— वणदेवया हं, जं पुण रोइयव्व-कारणं तं
सुणह—

‘एत्थ अइक्कंत-दिवसे कत्तो वि समागओ मणहर-नेवच्छ-सच्छाय-
कायच्छवी, अच्चंत-सुंदरागारो, गरुयसत्तो, रायलक्खणाणुगओ एगो
पुरिसो । सो य एयम्मि सरोवरे जल-मज्जणं काउण छुहा-किलंतो कंद-
मूल-फल-पलोयणत्थं पयट्टो, “तो एयस्स पुरिसरयणस्स देव्व-दुव्वार-
वावार-वसा विसम-दसंगयस्स करेमि उवयारं ति चित्तिउण पत्ता [हं]
कणयसेल-तल-परिट्ठिय-कप्पतरु-फलाणयण-निमित्तं । घेतूण ताणि
जाव समागच्छामि ताव सो महाणुभावो कुडिल-दाढा-कडप्प-कप्परिय-
काओ कयंतणेव अमुणियागमेण पंचाणणेण पंचत्तमुवणीओ । तओ हं
तम्मरण-दुक्ख-दूमिय-मणा हा ! मए मंदभग्गाए न कयमेयस्स किं पि
उचियं, हा ! मह वणमुवागओ इमो मरणमणुप्पत्तो ति संतप्पमाणा एवं
रोएमि’ ।

इमं च सोच्या“ अच्चंत-सोग-सरंभ-निब्भरं सेन्नं समागयं निय-
नयरं । तओ विन्नाय-वुत्तंतो मिलिओ नयर-लोगो, बहुप्पयारं पलवमाणं
मरणद्वमुवट्ठियं अंतेउरं । उग्गीरिय-निक्खिव-किवाणिणो अप्पाणं हणंता
कट्टेण निसिद्धा वेलावित्तया, सोगावेग-संगलंतंसु-जलाविल-लोयणो
पायालं पविसिउकामो व्व हेट्टामुहो ठिओ रायलोओ । परिचत्तं बालेहिं पि
पाण-भोयणं । एवं असमंजसे पयट्टे समग्ग-नयरम्मि मइसागर-मंतिणा
भणियं— ‘भो भो ! किमेवमाउलत्तणं कीरइ ? जओ अज्ज मए पच्चूसे
चेव सुविणम्मि समुत्तुंग-सेल-सिहर-समाखदो समहिय-तेयसा जलंतो
दिट्ठो देवो, तओ सुविणाणुमाणेण एवं संभावेमि जहा- कुसलसालिणो

देवरस विसेसऽबभुदय-लाभेण होयव्वं, न य अतुलबल-परक्कमो केसरिमित्तेण धरिसिउं पारीयइ देवो । जं पुणं अरन्नगयाए वंतरीए जंपियं तमन्नहा वि संभाविज्जइ । खुदपगइणो वंतरा किं न असमंजसमायरंति ? ता धीरत्तमवलंबिउण पडिवालेह केत्तियं पि कालं ।

एत्थंतरम्मि पत्तो राया नयरं, जं च नरिंदागमणुप्पन्न-पमोएण पहसंतं व पासाय-परंपराणं सरयब्भ-संदब्भ-सुब्भ-कंतीहिं, पणच्चमाणं पिव पवणुद्ध्य-^१“धयवडघाएहिं, मंगलुग्गार-मुहलं व धयग्ग-लग्ग-वग्गंत-कणय-किंकिणी-कलरवेणं, विम्हय-वसुप्फुल्ल-लोयणेण लोएण पलोइज्जमाणो विमाणाओ अवयरिउण राया निसज्जो ^२“सीहासणे, मणिचूडो सुदंसणादेवी वि उचियासणेसु उवविट्ठा, पणमिओ परमप्पमोय-वस-^३“विसप्पमाण-माणसेण सेणावइ-सामंत-मंति-सेट्ठिप्पमुह-महायणेण, रत्ना वि संभासिओ जहोचियं सव्वलोओ ।

पायवडिण तेणं वुत्तमिमं देव ! कत्थ तुब्भेहिं ।

एत्तिय-दिणाइं गमियाइं कहह अइकोउगं अम्ह ॥३३०॥

अम्हेहिं ताव तुम्हे अडवीए गवेसियाओ सव्वत्थ ।

दिट्ठा परं न कत्थ वि केवलमेक्खा करुणसदं ॥३३१॥

रुयमाणी रमणी तत्थ दिट्ठिविसयं समागया अम्ह ।

पुट्ठा य सा किमेवं भदे ! रोयसि तुममरन्ने ? ॥३३२॥

तो ^४“तीए असंबद्धं भणियं तं जं न सोउमवि सक्खं ।

तत्तो सविसेसं सोय-परिगया आगया नयरं ॥३३३॥

नयरस्स समग्गरस्स य जाओ सो कोइ चित्त-संतावो ।

जं सक्खो वि न सक्खइ कहिउं किं पुण ^५“जणो सेसो ? ॥३३४॥

इच्चाइ-सव्वमावेइउण भणियं पहाण-लोएण ।

संपइ निय-चरिय-कहा-कहणेण अणुग्गहं कुणह ॥३३५॥

अह अप्प-चरिय-कित्तण-लज्जोणय-कंधरे धरणिनाहे ।

मणिचूडेण असेसो सिट्ठो नरनाह-वुत्तंतो ॥३३६॥

तओ विम्हय-रसावहिय-हियएण पयंपियं पहाण-लोएण—

अणन्न-सामन्न-पुन्नपब्भार-भायणं देवो निय-गुण-माहप्प-संपज्जमाण-मणवंछियत्थो सुविणे वि न वसणेहि अक्कमिज्जइ । जओ—

“दिव्वरस्स दुव्विलसिएण सठाण-भंसं,

पत्ता वि हुंति सुहिणो गुणिणो गुणेहिं ।

चंदो समुद्ध-विरहे वि हरस्स सीसे,

कणहरस्स कोत्थुह-मणी वसई उरम्मि ॥३३७॥

एत्थंतरे पढियं काल-निवेयगेण—

गंतूण ठाणंतरमंसुमाली,

देवो व्व काऊण परोवयारं ।

पुणो वि संपत्त-“पभूयतेओ

समागओ रेहइ लीय-मज्झे ॥३३८॥

मज्झिन्न-संझासमओ त्ति समुद्धिओ राया, सुदंसणादेवी वि पवेसिया गरुय-विच्छडेण अंतेउरं । रब्बो पुब्ब-पगरिस-गुणुक्कित्तणं कुणमाणा जहागयं पडिगया सामंताइणो । राया वि मणिचूडेण समं कय-तक्खालोचिय-कायव्वो, संभालिय-करि-तुरगाइ-रज्जंगो स-समय-समणुयत्तिय-पेच्छणगाइ-किच्चो पसुत्तो रयणीए । कमेण जाए पहाय-समए समुग्गए गयण-लच्छि-मणिकुंडले तरणि-मंडले, महिवट्ठ-निविट्ठ-मत्थएण पणमिऊण विज्जतं उज्जाणपालेण-देव ! कुसुमसुंदरुज्जाणम्मि समोसढो कुमय-कमल-मउलणिक्क-चंदो निक्खारण-करुणा-वल्लि-कंदो, कंदप्प-दावानल-पलित्त-भुवणवण-निव्ववण-कंदो, अमय-नीसंदो, जणिय-जण-मणाणंदो, विमलोहिनाण-नाय-सयल-वत्थु-परिप्फंदो, जीवाणंदो नाम सूरि । तओ राया पारितोसियं तरस्स दाऊण पमोयभरापूरिज्जमाण-माणसो, मणिचूडेण सुदंसणादेवीए य समं समत्त-सामंत-मंति-परिगओ गय-कंधराधिरुढो पत्तो कुसुमसुंदरुज्जाणं । दिट्ठो तत्थ तियस-कय-कणय-कमल-निलीणो मुत्तिमंतो व्व समणधम्मो धम्मं वागरमाणो मुणीसरो । तिपयाहिणा-पयाणपुव्वं पणमिऊण भयवंतं सेस-साहुणो य निविट्ठो महिवट्ठे ।

तो वागरियं गुरुणा राहावेहोवमाए दुल्लंभं ।

लद्धूण कंहं पि हु माणुसत्त-खेत्ताइ-सामग्गिं ॥३३९॥

पुरिसेणं बुद्धिमया धम्मम्मि समुज्जमो विहेयव्वो ।

नर-सुर-सिव-सोवखाणं धम्मो च्चिय कारणं जेण ॥३४०॥

घण-विरहे जह न जलं जल-विरहे जह न जायए सरस्सं ।
तव्विरहे जह न पया धम्मणे विणा तहा न सुहं ॥३४१॥

मूलं महद्दुमस्स व पासायस्स व दढं पइहाणं ।
धम्मस्स तस्स मूलं सम्मत्तं कित्तियं समए ॥३४२॥

अहरीकय-कप्पद्दुम-चित्तमणि-कामधेणु-माहप्पं ।
देव-गुरु-तत्त-सदहण-लक्खणं बित्ति सम्मत्तं ॥३४३॥

जिय-राग-दोस-मोहो मयण-महामल्ल-“पेल्लण-समत्थो ।
सव्व-“जगज्जीव-हिओ अरहं देवो न उण अन्नो ॥३४४॥

जे चत्त-सव्व-संगा पंच-महव्वय-भरुव्वहण-धीरा ।
गय-“रोसमणा समणा ते चिय गुरुणो न उण सेसा ॥३४५॥

पुव्वावराविरुद्धं पमाण-सुपइद्वियं जिणुदिहं ।
जीवाजीवाईयं तत्तं न उणो कुत्तिथिमयं ॥३४६॥

अहवा निव्वाण-सुहाण साहणं किं पि जं अणुद्वाणं ।
सुद्धं दाणाईयं तं तत्तं बित्ति जगगुरुणो ॥३४७॥

जं दुक्खियं सयं चिय न होइ दुक्खं परस्स न करेइ ।
तं दाणमेत्थ सुद्धं न उणो गो-लोहमाईयं ॥३४८॥

सव्व-जग-पयडमेयं जं जीव-वहेण होइ अहम-गई ।
सो वि सुगइ-कामेणं कह कीरइ ? ही महा-मोहो ॥३४९॥

धम्मच्छलेण पावस्स कारणं जीव-घाय-संजणं ।
नइ-जल-ण्हाणाई जं मोहस्स वियंभियं तं पि ॥३५०॥

“धम्मो य दुहा भणिओ जिणेहिं जर-जम्म-मरण-मुक्केहिं ।
पढमो जईण धम्मो गिहत्थ-धम्मो भवे बीओ ॥३५१॥

खंताइ-दसपयांरो जइ-धम्मो वन्निओ जिणिदेहिं ।
साहसधणाण सुकरो सुदुक्करो कायराणमिमो ॥३५२॥

एसो महल्ल-कल्लाण-वल्लि-पल्लवण-अमयरस-सेओ ।
सग्गापवग्ग-पुर-पह-पत्थिय-जण-सत्थ-सत्थाहो ॥३५३॥

भीम-भवन्नव-निवडंत-जंतु-संताण-तारण-तरंडो ।
“कम्मद्दुम-खंड-खंडण-पयंड-धारुक्कड-कुहाडो ॥३५४॥

पंच य अणुव्वयाइं गुणव्वयाइं* हवन्ति तिन्नेव ।
 सिक्खावयाइं चउरो सावग-धम्मो दुवालसहा ॥३५५॥
 संकप्पपुव्वयं जं तसण जीवाण निरवराहाण ।
 दुविह-तिविहेण रक्खणमणुव्वयं बिंति तं पढमं ॥३५६॥
 जं गो-भू-कन्ना-कूडसक्खि-नासावहार-अलियस्स ।
 दुविह-तिविहेण वज्जणमणुव्वयं बिंति तं बीयं ॥३५७॥
 जं चोरंकारकरस्स खत्त-खणणाइणा पर-धणस्स ।
 दुविह-तिविहेण वज्जणमणुव्वयं बिंति तं तइयं ॥३५८॥
 जं निय-निय-भंगेहिं दिव्वाणं माणुसाण तिरियाणं ।
 परदाराणं विरमणमणुव्वयं बेति तं तुरियं ॥३५९॥
 दुपय-चउप्पय-धण-धन्न-*खेत्त-वत्थ-रुप्प-कणय-कुप्पाण ।
 जं परिमाणं तं पुण अणुव्वयं पंचमं बेति ॥३६०॥
 दससु दिसासुं जं सयल-सत्त-संताण-ताण-कयमइणो ।
 गमण-परिमाण-करणं गुणव्वयं बेति तं पढमं ॥३६१॥
 उवभोगाणं विलयाइयाण भोगाणं भोयणाइणं ।
 जं परिमाण-विहाणं गुणव्वयं बिंति तं बीयं ॥३६२॥
 अवझाण-हिंसदाणाऽसुहो वएसऽप्पसायखवे जं ।
 विरमणमणत्थदंडे गुणव्वयं बिंति तं तइयं ॥३६३॥
 जं समणस्स व सावज्जजोग-वज्जणमरत्तदुट्ठस्स ।
 तं समभाव-सरुवं पढमं सिक्खावयं बिंति ॥३६४॥
 सव्व-वयाणं संखेव-विरयणं जं दिणे निसाए वा ।
 देसावागसियं तं बीयं सिक्खावयं बिंति ॥३६५॥
 वावारा-ऽऽहारा-ऽबंभ-देहसक्कार-चायखवं जं ।
 पव्वेसु पोसहं तं तइयं सिक्खावयं बिंति ॥३६६॥
 भोयण-वत्थाइहिं साहूणं संविभागकरणं जं ।
 तं अतिहिसंविभागं तुरियं सिक्खावयं बिंति ॥३६७॥
 एत्थ य गिहत्थ-धम्मे वए वए पंच पंच अईयारा ।
 मोक्खत्थमुज्जएणं परिहरियव्वा पयत्तेणं ॥३६८॥

सव्वविरइस्स खवस्स साहुधम्मस्स जं अवेक्खाए ।
 देसेण एत्थ विरई अओ इमा देसविरइ ति ॥३६९॥
 एसा य साहुधम्म-प्पासायारोहणाऽसमत्थेण ।
 सेवेयव्वा सट्ठेण पढम-सोवाण-सारिच्छा ॥३७०॥
 पुव्व-परिकम्मिया चित्तकम्म-जोग्गा जहा भवे वित्ती ।
 एयाए कयब्भासो मुणिधम्म-खमो तहा होइ ॥३७१॥

भणियं च—

एसा य देसविरई सेविज्जइ सव्वविरइ-कज्जेण ।
 पायमिमीए परिकम्मियाण ईयरा थिरा होइ ॥३७२॥
 देसविरई-पवन्नेण विसय-विवसत्तमप्पणो मुणिउं ।
 कायव्वो विबुहेणं बहुमाणो समणधम्मम्मि ॥३७३॥
 धन्ना ते च्चिय मुणिणो बालत्ते वि हु पवन्न-सामन्ना ।
 आजम्मं दुव्वहमुव्वहंति जे बंभचेरभरं ॥३७४॥
 कइया संविग्गाणं नीयत्थाणं गुरुण पयमूले ।
 कय-सव्व-संग-चाओ चारित्त-धुरं धरिस्सामि ॥३७५॥
 वज्जिय-कुसमय-कुसुमो जिणमय-मयरंद-पाण-तल्लिच्छो ।
 कइया गुरु-पयकमले छप्पय-लीलं विलंबिस्सं ॥३७६॥
 पंचसमिओ तिगुत्तो जिइंदिओ जिय-परीसह-कसाओ ।
 *पवणो व्व अपडिबद्धो कइया सव्वत्थ विहरिस्सं ॥३७७॥
 'कत्थाऽऽगओ सि ? अज्ज वि सिज्जइ रे मुंड ! वच्च घर-बाहिं ।
 इय धिक्कारिज्जंतो कइया भिक्खं भमिस्सामि ॥३७८॥
 कइया पडिम-पवन्नो थंभो व्व थिरो पलंब-भुयजुयलो ।
 वसह-परिघट्टणं नयर-चच्चरे हं सहिस्सामि ॥३७९॥
 इच्चाइ मणोरह-कुसुम-मालियालंकिओ गिहतथो वि ।
 सुहणो व्व कडक्खिज्जइ कमेण चारित्त-लच्छीए ॥३८०॥

इच्चाइ धम्म-कहं कुणमाणो मुणिंदो पुट्ठो नरिंदेण— भयवं !
 सुदंसणादेवी केण सुब्बाऽरन्ने पक्खिता ? किं वा विरोह-कारणं तस्स ? ।
 गुरुणा भणियं— सोम ! सुण ॥

पाठांतर :

१. भूभागाए ल. ॥ २. चेय रा. दे. ३ लज्जावसेण नूणं दे. पा. ॥ ४. चय
सुयण ! खेय० दे. पा. ५. ०दिसवलयं दे. पा. ॥ ६. काउसग्गं ल. रा. ॥ ७. ०याण
भवन्ति ल. रा. ॥ ८. मेऽणुग्गहं दे. पा. ॥ ९. भयत्तसंताण० दे. पा. ॥ १०. ०परमिडि०
दे. पा. ॥ ११. जीवा खुदो० ल. रा. ॥ १२. रायसुयाए पा. ॥ १३. जं बाला सहस ल.
रा. ॥ १४. तिहुयणिसिरि समप्पियं व दे. पा. ॥ १५. ०रंबधुवियंवर० दे. पा. १६.
०फुल्लंधयाराव० ल. रा. ॥ १७. पिसंङि० दे. पा. ॥ १८. सयललोयणा० दे. पा. ॥
१९. ०मुवागए दे. पा. ॥ २०. तरइ ल. रा. ॥ २१. ०वयणयं, पलो० दे. पा. ॥ २२.
०मणसुमरिउं ल. रा. ॥ २३. अन्नदिणे पडिहारी तीए निवेयणट्ट पट्टविया । ल. रा. ॥
२४. मइच्छि रा. ॥ २५. पेक्खिउं पा. ॥ २६. न इमो अज० दे. पा. ॥ २७. गुरुयाणु०
दे. पा. ॥ २८. भागचुक्का दे. पा. २९. इओ वि० ल. रा. ॥ ३०. इत्थ ल. रा. ॥ ३१.
विज्जमाणा ल. ॥ ३२. उप्पाईउण ल. ॥ ३३. पलोएउण ल. रा. ॥ ३४. ०सवणमित्तेण
ल. रा. ॥ ३५. सव्रीडिता ल. ॥ ३६. इत्तियं ल. रा. ॥ ३७. सुकओदएण दे. पा. रा. ॥
३८. संपयं ल. ॥ ३९. ०तलमागओ दे. पा. ॥ ४०. पवत्तो दे. पा. ॥ ४१. गवेसिउं दे.
पा. ॥ ४२. विसेण को ल. रा. ॥ ४३. पिच्छह ल. रा. ॥ ४४. पिच्छंति दे. पा. ॥ ४५.
किमेत्तिएण दे. पा. ॥ ४६. ०निवारणं ल. रा. ॥ ४७. ०मित्त० ल. रा. ॥ ४८. नीहरिओ
ला. ॥ ४९. ०रामारुद्धो दे. पा. ॥ ५०. ०सीहासणे दे. पा. ॥ ५१. ०महापहाणाइ ल.
रा. ॥ ५२. अवहडा ल. रा. ॥ ५३. ०निहण० ल. रा. ॥ ५४. गुणगु० ल. रा. ॥ ५५.
०हि समं समा० दे. पा. ॥ ५६. ०गोयर गया दे. पा. ॥ ५७. तओ ए० दे. पा. ॥ ५८.
सुच्चा दे. पा. ॥ ५९. ०धयवडयाएहि रा. ॥ ६०. सिंहासणे दे. पा. ॥ ६१.
०विसप्पमाणरसेण से० ल. रा. ॥ ६२. तीइ ल. रा. ॥ ६३. जणा सेसा दे. रा. ॥ ६४.
०रस पुळ्वलसिएण ल. रा. ॥ ६५. ०पहूयतेओ दे. पा. ॥ ६६. ० पेल्लण० दे. पा. ॥
६७. ०जगजीवहिअओ ल. ॥ ६८. गयरागरोससमणा रा. पा. ॥ ६९. धम्मो खलु दुहा
ल. ॥ ७०. कम्महुम-संड-विहंडणेक्क-धारुक्कड-कुठारो ल. रा. ॥ ७१. ०व्वयाइ च हुंति
तिन्नेव । ल. रा. ॥ ७२. -खेत्त-घर-रुप्प- ल. रा. ॥ ७३. ०णो व्वडप्पडि० रा. ॥

. . .

चउत्थो पत्थावो

इह जंबुदीव-भरहे मज्झिम-खंडमि कुसउरं नयरं ।
जत्थ रणो सद्दो च्चिय मयणो च्चिय वुच्चए मारो ॥३८१॥
तत्थ जिण-चलण-भत्तो वर-सत्तो साहु-सेवणासत्तो ।
नीसेस-दोस-चत्तो दत्तो नामेण आसि वणी ॥३८२॥
तरस्स य भज्जा पउम ति बाल-वालुंकि-वाल-कुडिल-मणा ।
सो तीए सह विसए सेवंतो गमइ दियहाइं ॥३८३॥
तीए न अत्थि पुत्तो दुम्मइ हिययम्मि तेण सो दत्तो ।
तत्तो मायंदिपुरी-वत्थव्वय-माणिभदस्स ॥३८४॥
धूयं निखवम-रूवेण तिलयभूयं समत्त-रमणीणं ।
जिण-धम्म-वासिय-मणं भदं नामेण परिणेइ ॥३८५॥
सा विसय-वासणा-संगया वि विसएसु न दढमणुरत्ता ।
परलोय-तत्ति-वज्जिय-मणा वि परलोय-तत्ति-परा ॥३८६॥
कालेण समुप्पन्नो भद्दाए सयल-गुण-जुओ पुत्तो ।
तह वि पउमाइ पणयं बहुययरं दंसए दत्तो ॥३८७॥
सा उण अतित्त-चित्ता भद्दाए उवरि मच्छरं वहइ ।
सित्ता वि हु दुद्धेणं कडुय च्चिय तुंबिणी जम्हा ॥३८८॥
सुभगो ति वहइ गव्वं एक्को च्चिय मच्छरो जए सयले ।
हिययाओ खणं पि न जो ओसरइ समग्ग-रमणीणं ॥३८९॥
चित्तेइ इमं पउमा संपइ मह देइ पिययमो माणं ।
सुय-जणणि ति पमाणं कमेण होही तह वि भद्दा ॥३९०॥
ता जह न होइ एसा पमाणभूया तहा करिस्सामि ।
तत्तो कवडपहाणा रहसि परिव्वाइया तीए ॥३९१॥
सम्माण-दाण-पुव्वं भणिया भयवई ! इमं उवाएण ।
मह 'हियय-सल्ल-तुल्लं घराओ निस्सारसु सवत्ति ॥३९२॥
तीए वि हु पडिवन्नं तव्वयणं दव्व-लोह-विवसाए ।
अविवेक-विहुर-हियया किमकज्जं जं न कुव्वंति ? ॥३९३॥

अह दत्तस्सुप्पन्नो दाहजरो पुव्व-कम्म-दोसेण ।
 न नियत्तए कहं पि हु सयण-गणो आउलीहुओ ॥३९४॥
 पव्वाइयाइ पासे पुच्छइ किं-संभवो इमस्स जरो ? ।
 कह वा नियत्तिही ? कहसु भयवइ ! अणुत्तहं काउं ॥३९५॥
 सा वि हु पवंच-निउणा परमदखर-सुमरणं च काउण ।
 जंपइ न रुसियव्वं सव्वमिणं देवया कहइ ॥३९६॥
 एयस्स लहुय-भज्जा पर-पुरिस-पसंग-लालसा-लुब्धा ।
 निद्धम्मा कवडपरा निक्करुणा चिंतए एवं ॥३९७॥
 सच्छंदमणिच्छिय-सुवख-विग्घभूयं हणामि^३ दत्तमिणं ।
 सुय-जणणि त्ति अहं चिय पच्छा घर-सामिणी होहं ॥३९८॥
 निस्सारिउं सवत्तिं भुंजिस्सं हियय-वंछिए भोए ।
 तत्तो कत्तो वि इमीइ सिक्खिउणं कयं जंतं ॥३९९॥
 तव्वसओ दुव्विसहा जाया एयस्स दाहजर-पीडा ।
 जइ पत्तियह न एयं तत्तो दंसेमि पच्चक्खं ॥४००॥
^१पव्वाइयाइ नीसेस-कवड-कुसलाइ^४ चुल्लि-पासम्मि ।
 सयमेव पुव्व-निदखयमुखणिउं दंसियं जंतं ॥४०१॥
 सयणेहिं इमा भणिया भयवइ ! पउणं करेसु दत्तमिणं ।
 पव्वाइयाए^५ वुत्तं जं तुब्भे भणह तं काहं ॥४०२॥
 नवरं एसा भदा वसइ घरे जाव ताव न हु दत्तो ।
 पउण-सरीरो होही ता निस्सारह इमं सिग्घं ॥४०३॥
 तो पावे ! पइघाइणि ! मा दंससु नियय-वयणमुज्झा घरं ।
 इय गरहिउण बहुसो सयणेहिं घराओ निच्छूढा ॥४०४॥
 पत्ता पुरस्स बाहिं बाह-जलाउलिय-लोयणा भदा ।
 पइ-पुत्त-विरह-हुयवह-जालावलि-डज्झमाण-मणा ॥४०५॥
 जीव ! तए इह-जम्मे तहाविहं किं पि दुक्कयं न कयं ॥
 निक्कारणं च कस्सइ न को वि उप्पायए दुक्खं ॥४०६॥
 ता पुव्व-भवारोविय-दुक्कम्म-दुमस्स फलमिणं नूणं ।
 एवं विचिंतयंती जा चिट्ठइ चूय-तरु-मूले ॥४०७॥

दिहा 'मायंदी-पत्थिएण धणधम्म-सत्थवाहेण ।
 महर-वयणेहिं पुढा का सि तुमं कत्थ वा चलिया ? ॥४०८॥
 रोयंतीए तीए वुत्तं पडिकूल-विहि-निओगेण ।
 चलिया 'वणिय-सुया हं 'मायंदिपुरीइ पिउ-पासे ॥४०९॥
 बहिणि ति तेण पडिवज्जिउण भणिया तुमं पराणेमि ।
 खेमेण तत्थ तत्तो तेण समं पत्थिया भदा ॥४१०॥
 अह अडवीए मज्झे निसाइ आवासियस्स सत्थस्स ।
 सुत्ता पयाण-समए गिलिया भदा 'अयगरेण ॥४११॥
 एयं अपिच्छमाणो सत्थवई आउलत्तणं पत्तो ।
 जा सव्वत्थ गवेसइ 'अयगर-मग्गं तओ नियइ ॥४१२॥
 वच्चंतो तम्मग्गेण पेच्छए 'अयगरं गरुय-कायं ।
 आहणइ लेट्ठणा तं सो भदं झति उग्गिरइ ॥४१३॥
 जीवन्ति तं 'घेत्तुं मिलिओ सत्थस्स अग्गओ जाइ ।
 बीय-स्यणीए' सत्थे जणस्स निदा-पवन्नस्स ॥४१४॥
 हण हण 'हण ति भणिरा पडिया पहरण-भयंकरा चोरा ।
 तेहि समं सत्थवई सपरियरो जुज्झिउं लग्गो ॥४१५॥
 घाएहिं 'पाडिओ सो बद्धो सत्थो य लूडिओ सव्वो ।
 गहिया अणेहिं भदा नेउण समप्पिया पहुणो ॥४१६॥
 तं दडुं सो तुट्ठो चित्तइ चित्तेण अणंग-विहुरंगो ।
 रइ-रंभ-प्पमुहाओ वहन्ति दासित्तणमिमीए ॥४१७॥
 भदाए मणहरणत्तणेण मयणस्स दुज्जयत्तणओ ।
 अमुणिय-कज्ज-विवागेण चोर-जाहेण सा भणिया ॥४१८॥
 सुंदरि ! पसीय पसयच्छि ! पेच्छ मं पेम्म-पुण्ण-नयणेहिं ।
 पडिवज्जसु मं दईय-सुखं विलससु सुरवहु व्व ॥४१९॥
 मह भूय-पंजर-गया सेवन्ती विसय-सुखमवखंडं ।
 मा बीह कयन्ताओ वि किं पुण सामन्न-मणुयाओ ? ॥४२०॥
 चित्तइ मणम्मि भदा मुत्ताहल-थूल-बाह-बिंदूहिं ।
 सोयानल-पज्जलियं निय-हिययं निव्ववन्ति व्व ॥४२१॥

हा ! दिव्व दुट्ठ ! तुमए अलिय-कलंको सको वि मे दिन्नो ।
निव्वासिया घराओ जत्तो धिक्कार-पुव्वमहं ॥४२२॥

पत्ता पइ-पुत्ताणं विओगमडवीइ अयगरग्गसणं ।
धणधम्मस्स य पडिवन्न-भाउणो बंधणाइ दुहं ॥४२३॥

अज्ज वि तुमं न तित्तो मह दुसहं दुक्खमित्थियं दाउं ।
सील-रथणं पि अवहरिउमिच्छसे तं पुण न जुत्तं ॥४२४॥

अवहरसु वरं जीयं महंत-संताव-कुलहरं मज्झा ।
स्वखेसु सील-रथणं दोगच्च-विणारसणं एच्चं ॥४२५॥ जओ—

आणं ताण कुणंति जोडिय-करा दास व्व सव्वे सुरा,

मायंगाऽहि-जलऽग्नि-सीह-पमुहा वट्ठंति ताणं वसे ।

होज्जा ताण कुओ वि नो परिभवो सग्गाप^{१६}वग्गस्सिरी,

ताणं पाणितलं ^{१७}उवेइ विमलं सीलं न लुपंति जे ॥४२६॥

इय चितंती बाला विसन्न-चित्ता न देइ पडिवयणं ।

चौराहिवेण तत्तो समप्पिया नियय-जणणीए ॥४२७॥

भणिया अणेण जणणी पसाइयव्वा तहा इमा अंब ! ।

पडिवज्जाए जहा मं दढाणुराएण हरिणच्छी ॥४२८॥

तीए वि इमा भणिया भदे ! पत्तासि भत्तुणा विरहं ।

एत्थंतरम्मि छीयं केण वि तो चित्तियमिमीए ॥४२९॥

नूणं न मज्झा विरहो पइणा होहि ति तो सउण-गंठी ।

वत्थंचलम्मि ^{१८}बद्धा भद्दाए विहिय-हरिसाए ॥४३०॥

ता संपइ पडिवज्जसु भत्तारं मज्झा नंदणं एयं ।

एयम्मि^{१९} अणुकूले समग्ग-सुह-भायणं होसि ॥४३१॥

एयम्मि उ पडिकूले निरप्पणो पाण-संसओ तुज्झा ।

एवं पन्नविद्या वि हु न जाव पडिवज्जाए किं पि ॥४३२॥

तावागओ कसमुप्पाडिउण हंतुमुज्जओ चोरवई जाव कसप्पहारं न
देइ ताव अहासन्निहियाए गुण-पक्खवाइणीए देवयाए मुच्छा-
निमीलियच्छो पाडिओ धस ति ^{२०}धरणियले । आउलीहूया तज्जणणी,
विसन्नो परियणो, कया सिसिरोवयारा, न जाओ को वि विसेसो, ठिओ
कट्ठं व निच्छिहो सो, उट्ठिया गयणंगणे वाणी— जइ इमीए महासईए

चलण-पक्खालण-जलेण सिच्चइ इमो ता पक्खए चेयन्नं, अब्बहा मरइ ति । तज्जणणीए पक्खालिया भदाए चलणा, सित्तो तेण जलेण नंदणो, उम्मीलिय-लोयणो पक्खो चेयन्नं । जणणीए कहिय-वुत्तंतो भदाए चलणेसु लग्गिउण जंपिउं पक्खो—

खमसु महासइ ! एक्कं अवराहं मज्झ दीण-वयणस्स ।

दिहो तुज्झ पभावो पुणो वि एवं न काहामि ॥४३३॥

अओ परं मे तुमं भइणी ता कहसु किं करेमि ? । तीए वुत्तं— पडिवन्न-बंधुणो सत्थवाहरस्स मं अप्पेसु । विगय-बंधणो आणिओ सत्थवाहो, भणिओ चोरवइणा— जहा इमा ते बहिणी तहा ममावि । कहिओ निय-वुत्तंतो । ता गिण्हह इमं महासइं निय-विहवं च । सम्माणिउण विसज्जिओ सो, चलिओ भदा-समेओ ।

इओ य जाओ पउण-सरीरो दत्तो । पुहो अणेण परियणो— कहिं भद ? ति । पव्वाइया-वुत्तंत-कहण-पुव्वं कहियं तेण निव्वासिय ति । अणेण वुत्तं— अजुत्तं कयं । जओ—

अमयाओ वि होज्ज विसं जलण-कणे ससहरो वि मिल्हेज्ज^१ ।

तीए महासइए दुच्चरियमिणं न संभवइ ॥४३४॥

एत्थंतरे डक्का उक्कड-विसेण सप्पेण पउमा मुक्का जीविएण । संजाय-पच्छायावाए पव्वाइयाए वुत्तो दत्तो—

“पावु अपावह माणुसह जो चित्तेइ दुरप्पु ।

इहं लोइ वि तं तसु पडइ जिंव तुह भज्जह सप्पु” ॥४३५॥

दत्तेण भणियं— कहमेयं ति ? । कहिओ तीए जहट्ठिओ सव्व-वुत्तंतो । ‘भदं धेत्तूण मेहे पविसामि’ ति कयपइन्नो निग्गओ दत्तो । मिलिओ धणधम्मस्स । तेणावि ^२अयगर-चोराहिव-वुत्तंत-कहण-पुव्वं महासइ ति परंसिउण समप्पिया भदा । धेत्तूण तं पत्तो दत्तो कुसउरं, दोवि सविसेस-धम्मपराणि परिपालिउण जीवियं पज्जंते समाहिणा कालं काउण सोहम्म-देवलोए देवत्तं पत्ताणि ।

तत्तो चूओ समाणो दत्त-जीवो महाराय ! तुमं समुप्पन्नो । भदा-जीवो पुण सुदंसणादेवी जाया । जा उण पउमा सा अट्टज्झाणोवगया मरिउण समुप्पन्ना नाणाविहासु हीण-तिरिक्ख-जोणीसु । तत्थ वि

तितिविखिऊण तिवख-दुक्ख-लक्खाइ कह वि पत्ता सालूराभिहाणग्गामे
 दालिदोवदुयस्स दाणाभिहाणस्स कुडुंबिणो मंदिरे दोहग्ग-कलुसिय-
 मित्थीभावं, जोव्वणारूढा परिणीय-मिता चेव परिचत्ता भत्तुणा,
 २१वेरग्गोवगया पवन्ना तावसी-वयं, काऊण कट्ठाणुट्ठाणं मया समाणी
 समुप्पन्ना खुद्वंतरी, सरोवरासन्न-रन्न-प्पएसे सुदंसणं देविं दहूण
 कीलमाण्णी संजाओ तीए पुव्वभवब्भासवसेण मच्छरी । तओ उक्खिविऊण
 पक्खित्ता तीए भीमाडवीए देवी । महाराय ! तुमं पि तुरंगमेण
 अवहराविऊण नीओ पउमसरासन्नं रन्नं २२ । निरुवमंगचंगत्तण-
 गुणावलोयण-परव्वसाए विसय-सुह-सेवणत्थं च पत्थिओ तुमं, न
 पडिवन्नं तए तव्वयणं । ता महाराय ! धन्नो तुमं जरसेरिसी परित्थि-
 पत्थणा परम्मुहा सेमुही ।

एएण कारणेणं भूय-पिसायाइ-वंतर-गणेण ।
 खुदेण वि विद्विउं न सक्खिओ तुममरन्नम्मि ॥४३६॥
 किं च विसेस-महब्भुदय-लाभ-संजाय-चित्त-संतोसो ।
 रज्ज-परिब्भट्ठो वि हु पुणो वि पत्तो सि रज्जसिरिं ॥४३७॥
 देवी सुदंसणा वि हु सलाहणिज्जा न कस्स जियलोए ? ।
 जीए तणं व गणिओ पत्थितो पत्थिवो सीहो ॥४३८॥
 जं पालियमकलंकं सीलं सयलोवसग्ग-निग्गहणं ।
 तेण इमीए जाया मणवंछिय-२३सोक्ख-संपत्ती ॥४३९॥
 इय एकस्स वि सीलव्वयस्स मुणिउं अणप्प-माहप्पं ।
 सेस-वएसु वि जत्तो कायव्वो कुसल-कामेण ॥४४०॥
 अह पुव्व-भवं सोउं दोहिं वि संजाय-जाइसरणेहिं ।
 सिरि-विजयसेण-रन्ना देवीए सुदंसणाए य ॥४४१॥
 भणियं भयवं ! तुब्भेहिं अक्खियं जं इमं तयं सच्चं ।
 कर-कमल-कलिय-मुत्ताहलं व जायं पयडमहं ॥४४२॥
 एत्थंतरम्मि भणियं संविग्गमणेण अवसरं लहिउं ।
 मणिचूड-खेयरेणं भयवं ! न विरुद्ध-वितीए ॥४४३॥
 वट्ठियपुव्वा एसा पुव्व-भवम्मि वि सुदंसणादेवी ।
 एइए वंतरीए तो से अनिमित्तओ कीवो ॥४४४॥

तरस वि इमो विवागो जे उण अम्हारिसा विसय-गिद्धा ।
 विप्पिय-करणेण परस कोवमुप्पाययंति सया ॥४४५॥

ताण गई का होहि ति जइ परमिणं मुणंति मुणिनाहा ।
 ता भीम-भव-समुब्भव-विडंबणा-वुल्ल-हिययरस ॥४४६॥

पहु ! तुम्ह चलण-जुयलं मुत्तुं अन्नं न अत्थि सरणं मे ।
 तो अत्थि जोग्गया जइ भयवं ! ता देहि मह दिक्खं ॥४४७॥

तो दिक्खिओ गुरुहिं मणिचूडो भव-विरत्त-चित्तो सो ।
 गरहंतो गुरु-सक्खं पुणो पुणो नियय-दुच्चरियं ॥४४८॥

अह विजयसेण-राएण जंपियं गुरुय-कम्मणो अम्हे ।
 अज्ज वि संसार-महन्नवम्मि भमियव्वमम्हेहिं ॥४४९॥

गुरुणो तरंड-तुल्ले लद्धुं जाणंतया वि जिण-धम्मं ।
 विसय-परव्वस-हियया न संजमं जे पवज्जामो ॥४५०॥

एसो उण मणिचूडो धन्नो कयउन्नओ महासत्तो ।
 तुम्ह पयकमल-मूले पडिवन्ना जेण जिण-दिक्खा ॥४५१॥

भयवं ! अम्ह वि वियरसु सावग-धम्मं अणुग्गहं काउं ।
 तो गुरुणा नरवइणो देवीए सुदंसणाए य ॥४५२॥

आरोवियं जिणागम-विहिणा सम्मत्तमुत्तमं पढमं ।
 सावय-वयाइं बारस पच्छा दोणहं पि दिज्जाइं ॥४५३॥

तो नमिउण मुणिंदं राया संजाय-तिजय-रज्जो व्व ।
 कयकिच्चं अप्पाणं मन्नंतो निय-गिहं पत्तो ॥४५४॥

ठाणे ठाणे जिण-मंदिराइं कंचणमयाइं कारंतो ।
 तेषु ठवंतो मणि-निम्मियाओ सव्वब्बु-पडिमाओ ॥४५५॥

ताणं पुण कुणमाणो तिसंझमहप्पयार-पूयाओ ।
 सव्वत्थ वित्थरंतो जिण-रहजत्ताओ जत्तेण ॥४५६॥

सेवंतो मुणि-निवहं तयंतिए जिण-मयं निसामंतो ।
 सामाइयमणुदियहं गेणहंतो पोसहं पव्वे ॥४५७॥

इय जिण-धम्मं राया करेइ बाढं तमेव देवी वि ।
 जम्हा कुलंगणाओ पइ-मग्गं चेव सेवंति ॥४५८॥

एतो य समागओ २४सरय-कालो विरह-वेगु व्व जो भूरि सासावहो.
रूववंतो व्व सोहंत-निम्मल-नहो, पुन्न-पुंजो व्व वडंत-कमलोदओ,
कमल-संडो व्व सव्वत्थ-सच्छप्पओ ।

जहिं पक्क निरंतर सालिखेत्ता, ढिक्कंति चउदिसि वसह दित्ता ।
सत्तच्छय-परिमल-वाउलाइं, वियरंति वणंतरि अलिउलाइं ॥४५१॥
गोवीयण दिंति २५पहिट्ठ रास, दीसंति दिसासु सहास कास ।
दीवूसव-इंदमहाइ पवर मह, महिइं हुंति कय-हरिस-पसर ॥४६०॥
नं चंडकिरण-किरणोह-तत्त सरवर धरंति सयवत्त-छत्त ।
धवलऽब्भ कहंति जणस्स एउ, निय-रिद्धिहिं दाणु विसुद्धि देउ ॥४६१॥
संपत्त-अहिय-जुण्हा-पवाहु, निव्ववइ महीयलु रयणिनाहु ।
जो अहव होइ विमलरसहावु, सो कुणइ न नूण परोवयावु ॥४६२॥
मयमत्त वणंतरि तरुण दंति, भंजंत महदुम संचरंति ।
मलिणाहं रिद्धि अहवा अवस्सु, संपज्जइ दुह-कारणु परस्सु ॥४६३॥
लद्धुं गुरु-वित्थारं पत्ताओ तणुत्तणं गिरिनईओ ।
महिहर-समुब्भवाणं रिद्धीण कहंति अथिरत्तं ॥४६४॥
कलुसं ति जं न पीयं पच्छा सच्छं जणेण पिज्जंतं ।
तं पि जलं कहइ इमं सव्वो सच्छो पिओ होइ ॥४६५॥
वासासु आसि हरिसो सिहीण हंसाण संपयं जाओ ।
सासूए के वि दिणा के वि वहुए इमं सच्चं ॥४६६॥
तडिगुण-तंती-परिगय-सुरिद्धधणु-पिंजणेण नह-भवणे ।
धवलऽब्भ-रूय-पडलं सरय-सिरी पिंजइ व्व दढं ॥४६७॥
तम्मि सरय-काले आगंतूण अत्थाण-मंडवे निसब्भो विव्वत्तो
विजयसेण-राओ २६उज्जाणपालेण । जहा—

वर-सरि-पुलिण-नियंब-बिंब पंकय-वयण,
सारस-मिहुण वणथलि हंसावलि-दसण ।
सरय-सिरी तुह नरवर ! दंसणमभिलसइ,
पइ अनियंत-समीरिण दीहं नीससइ ॥४६८॥

ता गंतुं उज्जाणे एसा निय-दंसणामयरसेण ।

२७आसासियउ वराई जा अज्ज वि नो अइक्कमइ ॥४६९॥

एयं सोऊण रङ्गा नायं, जहा— संपयं पयट्ठो सरय-समओ ति ।
तओ आणतो नयरलोओ जहा— उज्जाणजत्ता कायव्व ति । सयं च
संचलिओ गुरु-^{१०}विभूर्इए । तं जहा—

सुरवहु-समाण-कामिणि-कर-चालिय-चारु-चामर-समूहो ।

धरिय-धवलायवत्तो मयंध-गंधगय-खंधगओ ॥४७०॥

कणयमय-चलिय-रहचक्क-घणघणाराव-रुद्ध-दिसियक्को ।

वियरंत-मत्त-मयगल-मयजल-संसित्त-महिवीढो ॥४७१॥

नाणाविह-सत्थ-विहत्थ-हत्थ-पाइक्क-चक्क-परियरिओ ।

हय-लक्ख-खुरुक्खय-खोणि-रेणु-नियरेण रुद्ध-नहो ॥४७२॥

इय चउरंग-बलेणं अवरोहेणं च परिगओ राया ।

सविलासं वच्चंतो पत्तो कुसुमागरुज्जाणं ॥४७३॥

जत्थ—

गायंति व्व तरुवरा राय-समागमण-जाय-गुरु-तोसा ।

मयरद-पाण-परवस-भमंत-भमरावलि-खेण ॥४७४॥

नच्चंति व्व समीरण-हल्लंत-महल्ल-पल्लव-करेहिं ।

पहसंति व्व विसट्ठंत-धवल-केयइ-तरु-दलेहिं ॥४७५॥

जंबीरंब-कयंब-जंबु-कयली-कप्पूर-पूणीफला,

खज्जूरऽज्जुण-सज्ज-मल्लइ-समी-नग्गोह-सोहंजणा ।

कक्कोली-कुवली-लवंग-लवली-नोमालिया-मालई-

सग्गाऽसोय-तमाल-ताल-तिलया रेहंति निद्धा दुमा ॥४७६॥

तत्थ एवंविहम्मि उज्जाणे सन्निहियाए सुदंसणादेवीए ^{११}विजयसेणो
गओ अणिमिसाए दिट्ठीए पिच्छमाणो वणलच्छिं कीउगऽक्खित्त-परियण-
देसिज्जमाण-मग्गो सायरं— पसीय देव ! पिच्छ, इओ विरायंति
पफुल्ल-कमलसंड-मंडियाइ सच्छ-सलिल-संपुब्बाइ महासरोवराइ, इओ
कीलंति सहरिस-सहयरी-समप्पिज्जमाण-मुणालदलाइ हंस-जुयलाइ,
इओ संचरंति कुरुल-सद-संदीविज्जमाण-माणिणी-मयण-पसराइ
सारस-मिहुणाइ, इओ सेविज्जंति कुसुमगंध-लुद्ध-फुल्लंधय-धोरणीहिं
सत्तच्छय-वणाइ, इओ कवलिज्जंति कीर-उलेण विउल-नियंब-भर-
मंधरंगीणं तुंग-थोर-थणमंडलामिलंत-करतल-तालाणं तरलतरच्छं

पेच्छिरीणं पि पामरीणं सालिमजरीओ, इओ गिज्जंति सालिखेत-
 संरवखणुज्जय-गोवीजणेण निच्च-निच्चलासन्न-कुरंगकुल-सुव्वमाणाइं
 महाराय-चरियाइं । एवं कंचुइणा निदंसिज्जमाण-सरयलच्छि-विच्छड्ढो
 विविह-काणणंतरेसु वियरइ सहरिसं राया ताव सुदंसणादेवीए दिट्ठा
 विसिह-नेवच्छ-विच्छाईकया सेस-रमणी-गणा रमणीयत्तण-
 तिणीकयाऽणंगघरणि-रूवाहिं समवयाहिं भिन्न-भिन्न-नरविमाणाख्खाहिं
 अणुगम्ममाणा रायहंसि व्व कलहंसियाहिं, चंदलेह व्व ताराहिं, कप्पलय
 व्व चंपय-लयाहिं, नरविमाणगया महया रिद्धि-समुदण पवर-महिला ।
 विमहयवसुप्फुल्ल-लोयणाए अणाए पुट्ठो कंचुई— भद ! का एसा सीय
 व्व महानईणं, चिंतामणि व्व मणीणं, सद्विज्ज व्व सेस-विज्जाणं,
 'सहयार-मंजरि व्व सेस-तरु-मंजरीणं, मालइ व्व कुसुमजाईणं,
 धम्मकह व्व कहाणं, अळभमु व्व करिणीणं, अवर-रमणीणं रूव-
 सोहम्म-रोहा'^{११} -गव्वमवहरंती पुरओ परिसक्खइ ? । काओ वा इमाओ
 निरव्वगल-निसव्वग-सोहव्वगाओ इमीए अणुमव्वग-लव्वगाओ वियरंति ?
 ति ।

तेण वुत्तं— 'देवि ! अत्थि एत्थ-वत्थव्वओ परमत्थ-संपायण'^{१२}-
 समारद्ध-रित्थव्वओ, बंधव-कमल-दिवायरो, गरुय-गुण-रयण-
 सायरो, समव्वग-मव्वगण-सिंहंडि-मंडल-मणुल्लास-वारिवाहो नंदिसेणो
 नाम सत्थवाहो । तरसेसा विणिद्वारविद-सुंदर-वयणा, लीलुप्पल-दल-
 नयणा, निय-दंसणामय-समुज्जीविय-मयणा, महव्वघ-रयणालंकार-
 किरण-करंबिय-गयणा, इयर-विलया-विलव्वखणा सलव्वखणा पणइणी ।
 तीए य सिणेह-सव्वभाव-गव्वभं भत्तुणा समं विसयसुहं सेवमाणीए
 सुरकुमाराणुगारिणो, सयल-कलाकलाव-कोसल्लधारिणो जाया दुवे
 जण-मणाणंदणा नंदणा । तेहिं च परिणीयाओ चत्तारि चत्तारि समाण-
 कुल-सीलसालिणीओ, गुरुयण-चलण-तामरसालिणीओ, सयल-
 जियलोय-लोयणच्छरियभूयाओ वणिय-धूयाओ ।'

इय कंचुइणा कहियं सोऊण इमं सुदंसणा देवी ।

वाहजल-भरिय-नयणा ससोग-वयणा विसन्न-मणा ॥४७७॥

अइ-गुरु-निरवच्चत्तण-कलंक-दुसिय-तणू तणप्पायं ।

अप्पाणं गिच्छंती'^{१३} जंपिउमेवं समादत्ता ॥४७८॥

धन्नाओ कयत्थाओ महिलाओ ताओ जीवलोयम्मि ।
 ताणं चेय^{१६} सुलद्धं नूणं माणुरसयं जम्मं ॥४७९॥
 निय-कुच्छि-पसूयाइं समम्मणुल्लावगाइं डिंभाइं ।
 थण-दुद्ध-लुद्धयाइं लुलंति वच्छत्थले जाण ॥४८०॥
 नव-कमल-कोमलेहिं करेहिं घेत्तूण ताणि धन्नाओ ।
 ठविऊण निय-उच्छंगे चुंबंति मुहं अवच्चाणं ॥४८१॥
 एक्का अहं अहन्ना विलक्खणा निग्गुणा अकयपुब्बा ।
 एगरस्स^{१७} वि नो जीए जायस्स पलोइयं वयणं ॥४८२॥ जओ—
 लोयम्मि लहइ सोहं पुत्तवई जारिसं कुरूवा वि ।
 लक्खंसेण वि कत्तो निरवच्चा तं सुखवा वि ॥४८३॥
 सोहग्गमुदग्गं खवमणुवमं सुंदरो य सिंगारो ।
 सुय-वज्जियाण सव्वं पि निप्पलं कास-कुसुमं व ॥४८४॥
 विविह-मणि-कणय-भूसण-जुया वि जुवई विणा अवच्चेण ।
 न विरायइ वल्लिर-पल्लवा वि वल्लि व्व फलहीणा ॥४८५॥
 विसयाण विसदुम-सन्निहाण अमओवमं फलं ^{१८}इक्कं ।
 जं गुण-रयण-निहाणस्स होइ तणयस्स संपत्ती ॥४८६॥
 एवं अवच्च-विसयं खेयं काउं सुदंसणादेवी ।
^{१९}सयमवि विवेय-मग्गे संठविउं कहवि निय-चित्तं ॥४८७॥
 भणिउं पुणो पयट्ठा धिद्धी मे मंतियं इमं सव्वं ।
 पेच्छह मह केरिसयं भवाभिनंदित्तणं जायं ॥४८८॥
 जाणिय-जिण-वयणाए विही-महामोह-विलसियं मज्झ ।
 अहह अविवेयवसओ पम्हुट्ठमिणं मए सव्वं ॥४८९॥ जहा—
 परलोए जीवाणं पुत्तेहिं न होइ कोइ साहारो ।
 निय-सुकय-दुवकयाइं जम्हा भुंजंति तत्थ गया ॥४९०॥
 दोगच्च-^{२०}गत-पडिओ ^{२१}सयंकय-कुक्कम्म-पेल्लिओ संतो ।
 नित्थारिज्जइ जीवो न कोइ पुत्तेहिं परलोए ॥४९१॥
 इह-लोए वि सुएहिं न तारिसो को वि होइ पडियारो ।
 संतेहिं सुएहिं जओ कम्मवसा दुत्थिया के वि ॥४९२॥

के वि पुणो पुन्नवसा अवच्च-विरहे वि सुत्थिया हंति ।
 कूडाभिमाण-नडिओ सुय-कज्जे खिज्जाए मूढो ॥४९३॥
 सोऊण सव्वमेयं विचितियं विजयसेण-राएण ॥
 उचियमिणं देवीए अवच्च-विसयम्मि जं खेओ ॥४९४॥

जओ—

निक्खवड-विक्खमे पुव्व-पुरिस-वंसप्परोह-^{४९}मूलसमे ।
 वेरि-कुल-कमल-मउलण-चंदे गुण-गण-कयाणंदे ॥४९५॥
 पुत्तम्मि समारोविय-रज्जभरा धम्म-मग्ग-पडिवन्ना ।
 इह परभवे य पावंती निव्वुइं के वि कयपुन्ना ॥४९६॥

इमं च दुल्लहं जओ, मम एत्तिय-काले वि पउरासु वि पणइणीसु न
 एक्कस्स वि कुलालंकरणस्स पुत्तस्स संपत्ती जाया । ता अच्छउ सेसं ।
^{४९}एवं चिट्ठिए किं करेमि ? कं समाराहेमि ? कत्थ वच्चांमि ? कस्स
 साहेमि ? को वा उवाओ ? त्ति खणं किंकायव्वयावमूढ-माणसो होऊण
 तक्कालमेव अंगीकय-सत्तभावो परिभाविउं ^{४९}पवत्तो—

परलोय-पवव्वाणं जइ वि सुएहिं न होइ साहारो ।
 जम्हा मयाण उवरिं गओ वि न गओ दुहं कुणइ ॥४९७॥
^{४९}तहवि हु पुव्व-नराहिव-संताणुच्छेय-दुवखमविखवइ ।
 मज्झा मणो पुव्व-नरिद-रविखयं खोणि-वलयं व ॥४९८॥

एत्थंतरे तरणि-मंडलमत्थगिरि-मत्थयत्थमालोईउण समागओ स-
 भवणं राया । अणप्पसुओवाय-वियप्प-कप्पणा-परिगय-मणरस रज्जो
 वोलीणा रयणी, जायाइं सिंहंडि-कारंडव-चउर-चक्क-कीर-कुल-
 कोलाहलाउलाइं दिसामुहाइं, वियलंत-पहापसरो विच्छाईभूओ तारया-
 नियरो, पसरिया सिंदूर-पूर-सच्छहा सूर-सारहिं-पहा, पहायाइं माणिणी-
 माण-^{४९}निम्महणसूराइं पहाय-मंगलतूराइं । समुग्गओ कमेण कमलवण-
 निदलण-पव्वल-पहा-पसरो दिणयरो ।

^{४९}तो उट्ठिऊण राया रयण-विणिम्मविय-वासभवणाओ^{४९} ।
 कय-पाभाइय-किच्चो, पहाण-परियण-परिविखत्तो ॥४९९॥
 अत्थाण-मंडव-तलं गंतूण अणेग-मणिगणाइन्ने ।
 सूरु ओव पुव्व-पव्वय-सिहरे सिहासणम्मि ठिओ ॥५००॥

ततो ठियाओ चामरकराओ तरुणीओ उभय-पासेसु ।
 सामंत-मंति-सुहडा निय-निय-ठाणेसु उवविह्वा ॥५०१॥
 तो विउल-पाहुडाइं पडिच्छमाणो पहाण-राईणं ।
 कय-रज्ज-कज्ज-चितो सया ठाऊण खणमेळं ॥५०२॥
 ततो विसज्जियाखिल-सेणावइ-सत्थवाह-सामन्तो ।
 कइवय-पहाणलोएण परिवुडो रहसि विणिविहो ॥५०३॥
 पुव्वुत्तं वुत्तंतं मइसायर-पमुह-मंति-वग्गस्स ।
 सव्वं पि संसिऊणं पुच्छिउमेवं समारद्धो ॥५०४॥
 भो मंतिणो ! सया वि हु तुब्भे निसुणेह समत्त-सत्थाइं ।
 सेवह विज्जा-सिद्धे *मुणह तहा मंत-तंताइं ॥५०५॥
 सुविसुद्ध-बुद्धिविहवा वि वेयह सयं पि गुविल-कज्जाइं ।
 ता कहह कहं सुय-लाभ-चिंता-जलहिरस्स पारम्मि ॥५०६॥
 वच्चिस्सामि ति तओ खणंतरं चिंतिऊण मंतीहिं ।
 संलत्तं देव इमो समुज्जमो सुहु सुहाणे ॥५०७॥
 देवस्स पुरा वि वयं इणमहं आसि विन्नविउकामा ।
 संपइ देवेण सयं पि साहिए सोहणं जायं ॥५०८॥ किंतु—

अम्ह देवो उवायं पुच्छइ । एस अत्थो दिव्वनाण-नयणाणं दंसण-
 गोयरो, ता कमुवायं एत्थ साहेमो ? किं वा पच्चुत्तरं देमो ?
 आयारिं गिय-गइ-भणिइ-गोयरमत्थं मुणंति अम्हारिसा । इमम्मि पुण
 दिव्वनाण-गम्मे न कमंति अम्हाण मईओ । एत्तियं तु जाणेमो जं उवाय-
 विरहे वि जीवा सकय-कम्माणुखव-ठाणेसु पुत्तत्तेणुववज्जंति । तओ रब्बा
 हसिऊण भणियं—‘जइ एवं ता किं न गयणंगणाओ पइक्खणमुव-
 वज्जंति ? ति ।

कम्म-पहाणत्तणओ ता मा एगंत-पक्खमणुसरह ।
 जं दव्व-खेत-काला वि कारणं कज्जसिद्धिम्मि ॥५०९॥
 ततो भालयल-मिलंत-पाणिकमलं जमाणवेइ देवो ।
 तं अवितहं ति मंतीहिं इति बहुमन्नियं सव्वं ॥५१०॥
 अह संलत्तं अविवेय-मंतिणा देव ! अत्थि तुम्हाणं ।
 कुलदेवय ति पयडो जक्खो सिरि-*भाणिभदो ति ॥५११॥

વરગંધ-ધૂવ-નેવેજ્જ-કુસુમ-નિવહેહિં પૂઈઓ સંતો ।
 સંતુદ્ધ-માણસો સો કરેઈ પુત્તે અપુત્તાણં ॥૭૧૨॥
 દેઈ ધળત્થીણ ધણં આરોગ્ગં કુણઈ વાહિ-વિહુરાણં ।
 કરિ-તુરય-રહ-સમિદ્ધં રજ્જત્થીણં જણઈ રજ્જં ॥૭૧૩॥
 કિં બહુણા ભણિણં ? જયમ્મિ જં જરસ વંછિયં કિં પિ ।
 પૂયાએ તોસિઓ સો સંપાડઈ તરસ તં સવ્વં ॥૭૧૪॥
 તો દેવ ! તરસ પૂયં કાઠં કુસુમાઈએહિં પવરેહિં ।
 ઇચ્છિ(અચ્છિ)જ્જાત મહિસ-સયં તુદ્ધો સો દેઈ જેણ સુયં ॥૭૧૫॥
 પિહિં કરેહિ કબ્બે સંતં પાવં તિ વાહરંતેણ ।
 રક્ખા ભણિયં *મા ભણ અમ્હ પુરો એરિસં વયણં ॥૭૧૬॥
 જિય-રાગ-દોસ-મોહં સવ્વબ્બં જિણવરં વિમુત્તૂણ ।
 ન કરેમિ પરસસ અહં *પણયં પિ હુ કિં પુણો પૂયં ? ॥૭૧૭॥
 જં પુણ જીવ-વહેણં હવિજ્જ મણ-વંછિયત્થ-સંપત્તી ।
 સંસાર-દુવ્વખભર-કારિણીએ તીએ અલં મજ્ઞા ॥૭૧૮॥
 તો મહિસાયર-મંતી વાગરઈ જિણિંદ-ધમ્મ-નિહિઅ-મણો ।
 દેવેણ અહો ! એયં પયંપિયં ઉભય-લોય-હિયં ॥૭૧૯॥
 દેવરસ વિ સુદ્ધો બુદ્ધિ-પગરિસો અસરિસો વિવેગ-રસો ।
 નિઘ્ઘારણા ય કરુણા ચરિયં કઈજણ-મહચ્છરિયં ॥૭૨૦॥
 સવ્વુત્તમો અ ધમ્મે સમુજ્જમો નિમ્મલા મણોવિત્તી ।
 જુતાજુત્ત-વિમરિસં કાઠમલં કો વિણા દેવં ? ॥૭૨૧॥ જઓ—
 જીવાણ જાયઈ ફુડં પુન્નેહિં મણિચ્છિયત્થ-સંપત્તી ।
 અન્નહ સવ્વં સવ્વરસ હોજ્જ અણિવારિયપ્પસરં ॥૭૨૨॥
 *સવ્વ-જગ-જીવ-હિઅઓ સવ્વબ્બૂ રાગ-દોસ-મય-મુક્કો ।
 જો દેવો તરસ નમંસણેણ સંભવઈ તં પુન્નં ॥૭૨૩॥
 જે નિગ્ગુણા સયં ચિય નિઘ્ઘરુણા રાગ-દોસ-પડિબદ્ધા ।
 કહ તાણ વંતરાઈણ પૂયણે જાયએ પુન્નં ? ॥૭૨૪॥
 જીવાણ અહમ્મેણં વિહમ્માએ* ઇચ્છિઅત્થ-સંપત્તી ।
 જીવ-વહે કીરંતે સો ય અહમ્મો દદં હોઈ ॥૭૨૫॥

तत्तो मणवंछिय-वत्थु-सत्थ-सिद्धिं समीहमाणेणं ।

तह कह वि वट्टियव्वं जह पुब्बं पावए वुट्ठिं ॥५२६॥

ता देव ! कीरंतु जिणिंद-मंदिरेसु महा-पबंधेण महिमाओ, प्हविज्जंतु जिण-पडिमाओ घण-घुसिण-घणसार-सिरिखंड-रस-मिस्स-सलिलेहिं, पूइज्जंतु पप्फुल्ल-मल्लिआ-कमल-मालई-पमुह-कुसुमेहिं, परिहाविज्जंतु विचित्त-चिणंसुय-पटंसुएहिं, भूसिज्जंतु विविह-सुवन्न-रयणालंकारेहिं, दोइज्जंतु ताण पुरओ परिषक्क-फल-सणाहाइं अणवज्ज-खज्ज-भोज्ज-पुन्नाइं विसाल-थालाइं, निम्मविज्जंतु जंतुगण-मणोहराइं महुर-गीयाणुगयाइं नच्चंत-चारु-“तरुणि-चंगाइं पेच्छणगाइं, पयट्टिज्जंतु सव्वत्थ-वित्थरेण जिण-रहजत्ताओ, सम्माणिज्जंतु समण-संघा, सक्कारिज्जंतु साहम्मिय-समूहा, वियरिज्जंतु“ ठाणे ठाणे अनिवारियप्पसराइं महादाणाइं, निवारिज्जंतु सव्वायरेण सव्व-जीव-हिंसाओ ।

सुह-कम्मोवचएणं पुव्व-कय-कुक्कम्म-ववगमेणं च ।

एवं कए भविरस्सइ मणिच्छियं निच्छियं “तुम्ह ॥५२७॥

अह कह वि असुह-तिव्वयर-कम्मवसओ न वंछियं होइ ।

तह वि परलोय-मग्गे नूणं आराहिओ होइ ॥५२८॥

तो रक्खा आणत्तो मंती सव्वं पि कारवेसु इमं ।

आएसो ति भणित्ता तहेव तेण वि कयं सव्वं ॥५२९॥

राया सयं पुण ठिओ काउं आहार-चायमट्ठदिणे ।

पडिवन्न-बंभवेरो परिहरिय-सरीर-सक्कारो ॥५३०॥

दियहे जिणिंद-पूयं मुत्तुं परिमुक्क-सेस-वावारो ।

पडिवन्न-पोसहवओ निसाए सज्झाय-झाण-रओ ॥५३१॥

देवी सुदंसणा वि य तहेव सव्वं पि काउमारद्धा ।

अट्ठम-दिवस-निसाए रब्भो सज्झाण-निरयस्स ॥५३२॥

सो माणिभइ-जवखो करालखवं पयासितं गयणे ।

तिवखग्ग-खग्ग-पाणी पयंपितुं एवमाढत्तो ॥५३३॥

नरनाह ! तुज्झ रज्जरस्स चिंतगो माणिभइ-जवखो हं ।

पुव्व-निवपुंगवेहिं तुम्ह कुले अच्चिओ निच्चं ॥५३४॥

संपइ तुमं न कुणसि मज्झा पणामं पि तेण तुह कत्तो ।
 मणवंच्छियत्थ-लाभो होही चित्तसु इमं सव्वं ॥५३५॥
 जइ महिस-सएण ममं पूयसि तह वंदणं कुणसि निच्चं ।
 तत्तो थेव-दिणब्भंतरम्मि तुह वंछियं देमि ॥५३६॥
 अह ईसि विहरिउणं नरवइणा सो पयंपिओ जक्खो ।
 जं लब्भइ जीव-वहेण तेण मह वंछिएण अलं ॥५३७॥
 न य नमइ मज्झा सीसं जिणं विणा राग-दोस-मय-मुक्कं ।
 पंच-महव्वय-जुत्ते गुत्ते साहू य अन्नस्स ॥५३८॥
 एवं पयंपिए पत्थिवेण विप्फुरिय-कोव-दुप्पिच्छो ।
 जंपइ जक्खो जइ एस निच्छओ "तुज्झा रे दुट्ठ ! ॥५३९॥
 ता लंघिय-पुव्व-कुलक्कमस्स तुह कूडधम्म-निरयस्स ।
 दंसेमि दुब्बय-फलं इमिणा तिवखग्ग-खग्गेण ॥५४०॥
 जप्पभिइं परिणीया सुदंसणा विगयलक्खणा एसा ।
 तप्पभिइं परिचत्तं तुमए मह पूयणाईयं ॥५४१॥
 तत्तो पढमं तीए दुट्ठ-महेलाइ छिंदितं सीसं ।
 पच्छा तुमं पि पत्थिव ! कयंतभवणातिहिं काहं ॥५४२॥
 इय भणिउं उप्पइओ जक्खो गयणंगणम्मि वग्गंतो ।
 धोरट्ठहास-पूरिय-दियंतरो खग्ग-वग्ग-करो ॥५४३॥
 वाम-कर-गहिय-केसं सुदंसणं दंसितं निवं भणइ ।
 जइ अप्पणो इमीए य जीवियं रे ! तुमं महसि ॥५४४॥
 ता कुणसु मज्झा पूयं जहुत्त-विहिणा तओ भणइ राया ।
 जइ जीवियं न तुट्ठं ता न हणिज्जइ तए को वि ॥५४५॥
 अह तं कहमवि तुट्ठं ता जाए अन्नहा वि मरियव्वे ।
 को मइलइ जिण-धम्मं पत्तमणंताओ कालाओ ॥५४६॥
 तो अमरिसेण जक्खो देवीइ सरीरगं निवरस्स पुरो ।
 खग्ग-निवाडिय-सीसं विउव्विउणं पयासेइ ॥५४७॥ ततः—
 अप्रार्थितानि दुःखानि यथैवाऽऽयान्ति देहिनाम् ।
 सुखान्यपि तथैवेह दैन्यमत्रातिरिच्यते ॥५४८॥

एवं विचिंतयंतो तह १०वि हु राया अखुद-मइपसरो ।
 जिण-धम्म-निच्चल-मणो निय-नियम-धुरं न लंघेइ ॥५४९॥
 देवी वि तज्जिया तेहिं तेहिं वयणेहिं तेण जक्खेण ।
 थेवं पि दढपइन्ना तह वि न चलिया ११सधम्माओ ॥५५०॥
 तो सविसेसं कुविण्ण तेण जक्खेण रुयल-नयरस्स ।
 उवरि सिला महई विउव्विया चूरणट्टाए ॥५५१॥
 भणिओ य निवो इहिं नयर-समेओ तुमं विणस्सिहसि ।
 जइ पुण मह वयणं कुणसि देमि तो वंछियं तुज्झ ॥५५२॥
 तो रत्ता वज्जरियं पर-जीव-वहेण अप्पणो रक्खं ।
 नाहं कयावि काहं जं रुच्चइ तं तुमं कुणसु ॥५५३॥
 जक्खेण तओ भणियं जइ जीव-विणास-पावभीरु-मणो ।
 न कुणसि महिस-सएणं मह पूयं मा कुणसु ततो ॥५५४॥
 तह वि हु पणाम-मितं मह निच्चं कुणसु जेण तुह रज्जे ।
 १२सव्वं करेमि सुत्थं पुत्तं च मणोरमं देमि ॥५५५॥
 विणएण तोसिओ हं हणेमि विग्घं करेमि कल्लाणं ।
 मणवंछियं पयत्थं इति पयाणं पयच्छेमि ॥५५६॥
 तम्हा मुत्तूण ममं को अन्नो तिहुयणे वि किर देवो ।
 जरस्स कए अप्पाणं भुल्लो एवं विडंबेसि ? ॥५५७॥
 तो पत्थिवेण वुत्तं दयापरोऽहं न देमि तुह महिसे ।
 सा उण जीवदया जेण मज्झ देवेण उवइट्टा ॥५५८॥
 देवरस्स तरस्स विरएमि पूयमहमेस किंकरो तरस्स ।
 जो उण तुमं सयं धिय महिसे पत्थेसि वह-हेउं ॥५५९॥
 सो सयमपुब्बवंछो परस्स पूरेसि वंछियं कतो ।
 न हि अप्पणो दरिदो अन्नस्स दलेइ दालिदं ॥५६०॥
 अन्नं च वंछियत्थो ज्ञणस्स सुकयाणुभावओ होइ ।
 सुकयं च वीयरायस्स पूयणे न उ सरायस्स ॥५६१॥
 जइ रागदोस-वसमाण पूयणे होज्ज सुकयलेसो वि ।
 पूइज्ज को न सुलहे ता कामुयमच्छवहगाई ॥५६२॥

रागी य तुमं जो निग्गुणं पि मन्नसि गुणह्मप्पाणं ।
 पणएसु पक्खवायं वहसि तहा रागचिंधमिणं ॥५६३॥
 अम्हारिसेसु कुप्पसि ससंक-विमले जिणिंद-धम्मे य ।
 उव्वहसि जो पउसं सो कह दोसी न होसि तुमं ? ॥५६४॥
 गय-राग-दोस-मोहं नमिउण जिणं नमेइ को अन्नं ।
 लद्धं कप्पदुमं को साहोइतरं समल्लियइ ? ॥५६५॥
 मज्झा पुरओ पसंससि अप्पाणं गरुय अंतरे चुल्लो ।
 न हि सुद्ध-दुद्ध-सद्धा नियत्तए कंजियाईहिं ॥५६६॥
 “जइ सि तुमं चिय देवो जइ वा विज्जंति तुज्झा देव-गुणा ।
 ता कीस अप्पणा मं हदेण पाएसु पाडेसि ॥५६७॥
 तेसिं चियच्छेओ जे नमंति न तुमं समीहियत्थकरं ।
 कप्पतरुणो न नरसइ किंचि जणा जं न सेवंति ॥५६८॥
 इय जुत्ति-हेउ-संगय-वयणेहिं निरुत्तरीकओ रत्ता ।
 फुरिय-विवेगो संहरिय-डंबरो जंपए जक्खो ॥५६९॥
 धन्नो तुमं सुलद्धं तुह जम्मं तुज्झा जीवियं सहलं ।
 जरसेवं निवपुंगव ! जिण-धम्मे निच्चलं चित्तं ॥५७०॥
 संपइ असंसयं वीयराय-देवो मए वि पडिवन्नो ।
 तव्वुत्तागमसरणा य साहुणो हुंतु गुरुणो मे ॥५७१॥
 जीवदया-रम्मे चिय धम्मे मह माणसं समल्लीणं ।
 साहम्मिओ महायस ! अज्जप्पभिई तुमं मज्झा ॥५७२॥
 किं च तुह सीह-सिविणय-सूईय-गुणविस्सुओ सुओ होही ।
 जिण-धम्म-पभावेणं विहुणिय-नीसेस-विग्घस्स ॥५७३॥
 इय जंपिउण जक्खो तिरोहिओ दिणयरोदए जाए ।
 राया वि पोसहवयं पारइ परिओसमावन्नो ॥५७४॥
 पत्तो सुदंसणाए पासे तं कुसलसालिणिं द्ढुं ।
 पारियपोसहमालवइ नरवई महुर-वयणेहिं ॥५७५॥
 कहिउं निसि-वुत्तंतं वद्धावइ इच्छियत्थ-लाभेण ।
 “देवी वि भणइ धम्मेण इच्छियं निच्छियं होइ ॥५७६॥

समए सुरलोगाओ चविऊण सुरो महिहिओ को वि ।
 हंसो व्व माणसरसरे गळभे देवीए उप्पन्नो ॥५७७॥
 खणीए सुहपसुत्ता *सीहं सिविणम्मि पिच्छए देवी ।
 पडिबुद्धा गरुय-पमोय-निळभरा कहइ तं रन्नो ॥५७८॥
 सो भणइ जवख-अक्खिय-सीहसिविण-पच्चएण तुह पुत्तो ।
 सीहो व्व सत्तु-मयगल-मय-खंडण-पच्चलो होही ॥५७९॥
 देव-गुरुणं पय-पंकयाणुभावेण होउ एवमिणं ।
 इय जंपइ पइ-पुरओ सुहेण अह गळभमुव्वहइ ॥५८०॥
 जिण-वंदण-पूयण-साहुदाण-जीवाभयप्पयाणेहिं ।
 पडिपुन्न-दोहला सा पसवइ समए पवर-पुत्तं ॥५८१॥
 पसरंत-देह-किरणुक्खरेण दस-दिसमुहाइ पयडंतं ।
 विच्छाइय-दीवसिहं तं दहुं हरिसिया चेडी ॥५८२॥
 नामेण पियंवइया गंतुं वद्धावए महीनाहं ।
 सो वि निययंग-लग्गं वियरइ आहरणमेईए ॥५८३॥
 आणवइ निउत्त-नरे करेह नयरे महा-विभूईए ।
 वद्धावणयं तेहिं वि तहेव तं इत्ति पारच्छं ॥५८४॥
 *तहा हि—

अवखवत्तेहिं पूरिज्जमाणंगणं,
 ठाणाठाणेषु नच्चंत-वारंगणं ।
 पुलइय-कंचुई वग्गंत-कंचुइगणं,
 भूरि-धण-दाण-तोसविय-बहु-मग्गणं ॥५८५॥
 घुसिण-सिरिखंड-रस-सित्त-नरवइ-पहं,
 सयल-पुर-ठविय-वर-केउ-पूरिय-नहं ।
 सव्व-जिणभवण-निम्मविय-पूयामहं,
 खुज्ज-वामणय-कय-नट्टहासावहं ॥५८६॥
 घरघरुत्तंभित्तुंग-घण-तोरणं,
 गंधगय-खंधगय-भमिर-आधोरणं ॥
 वज्जिराउज्ज-निग्घोस-भरियंबरं,
 लोय-दिज्जंत-तंबोल-पवरं वरं ॥५८७॥

अवि य—

नाएण पालयंतस्स तरस्स रज्जं न को वि अवराहं ।
 काउं पत्तो बंधं जो मुच्चइ गुत्तिगेहाओ ॥५८८॥
 मासम्मि गए सिविणाणुसारओ तरस्स पुरिससीहो त्ति ।
 नामं ठवइ नरिंदो आणंदिय-सयल-जियलोय ॥५८९॥
 अह वट्ठिउं पवत्तो लोय-मणोरह-सएहिं सह कुमरो ।
 निरुवद्वं कणयसेल-काणणे कप्परुवखो व्व ॥५९०॥
 समए कला-कलावं गहाविओ तह कमेण संपत्तो ।
 तारुन्नमुन्नय-थणत्थलीण रमणीण मणहरणं ॥५९१॥
 सा का वि अंगसोहा वियंभिया जोव्वणे कुमारस्स ।
 जं दहुं लज्जाइ व वहइ अणंगत्तणं मयणो ॥५९२॥
 तइंसण-रहस-पहाविरीण तरुणीण तुट्ट-हारेहिं ।
 “रेहंति तिय-चउंक्काइं दिन्न-मुत्तिय-चउंक्काइं ॥५९३॥
 तं चिय झायइ गायइ पुणरुत्तं चित्तपट्टए लिहइ ।
 पेच्छइ दिसासु वम्मह-विहुर-मणो रमणि-संघाओ ॥५९४॥

कयाइ कुमारे मारणत्थं निज्जमाणं रासहारुद्धं सिरोवरि-धरिय-
 छित्तरं रत्तकणवीर-कुसुम-कय-मुंडमालं गलोलंबिय-लोइं विरस-
 डिंडिमाराव-मिलिय-निव्विवेय-लीयं, रायपुरिस-परिक्खित्तं इओ तओ
 पक्खित्त-विसन्न-सुन्न-नयणं नयर-मग्गे तक्करमेक्कमवलोइऊण
 करुणारसाऊरिज्जमाण-माणसो मिल्लावेइ । इमं च वइयरं सोच्चा नीइ-
 मग्ग-बहुमाणिणा जणाणुराइणा राईणा अत्थाण-सहा-सुहासीणो
 भणिओ कुमारे— वच्छ ! न जुत्तमायरियं जं सो तक्करो तए मोइओ ।
 यतः—

दुष्टस्य दण्डः सुजनस्य रक्षा, न्यायेन कोशस्य च संप्रवृद्धिः ।

अपक्षपातो निज-राष्ट्र-रक्षा, पंचैव यज्ञा नृप-पुङ्गवानाम् ॥५९५॥

ता पुणो न तए एवं कायव्वं । रायतणओ अभिमाणधणत्तणओ
 इत्तियं पि पराभवं मन्नमाणो जणणि-जणयाणं पि अकहिऊण निग्गओ
 नयराओ ।

परिळभमंतो य पत्तो धरणि-रमणी-मणिनेउरं तरुणिअण-

रुवोहामिअ-मयणतेउरं सिरिउरं नाम नयरं । तत्थ पबल-परबल-जलहि-
निम्महण-मंदरो नट्ट-पडिववख-कामिणि-कुडुंब-संकडीकय-सयल-
सेल-कंदरो पुरंदरो नाम राया । तरस्स निरुवम-रुव-निरुंभिय-रंभा,
सरंभाउर-सोहग्ग-विजिय-रंभा रंभा नाम गुण-संभार-भरिया भारिया ।
ताणं च लायन्न-पुन्न-देहा लोय-लोयण-चउर-चंदलेहा चंदलेहा नाम
धरणिगतल-तिलयभूया धूया ।

पुरिसं अपिच्छमाणा रुवाइ-गुणेहिं अत्तणो सरिसं ।
न खिवइ पुरिसे दिट्ठिं न सहइ नामं पि पुरिसस्स ॥५९६॥
परिणयणं पि न मन्नइ केणावि समं नरिदपुत्तेण ।
तो जणइ पुरिसविदेसिणि ति जणयाण सा चित्तं ॥५९७॥

तीए नर-विमाणारूढाए नयरुज्जाणाओ नियत्तमाणीए सो
पुरिससीह-कुमारो रायमग्गे परिब्भमंतो पलोइओ पुणो पुणो सिणिद्ध-
दिट्ठीए, लक्खिओ से भावो धावीए, तओ विसिद्धो को वि पुरिसो एस
इमाए अणन्नसरिसाए आगिईए लक्खिज्जइ, अओ चेव रायपुत्तीए पुणो
पुणो पलोइओ । कमलायरं विणा अण्णत्थ न रमइ रायहंसि ति चित्तिउण
को कहिं वा एस ठिओ ति वियाणणत्थं पट्टविया निय-धूया इमीए ।
गया “सा तुरियं । ठिओ एस देवउल-गववखणे । कओ अणेण आसण-
परिग्गहो, आदत्तो सिलोणं लिहिउं—

अनीहमानो पि बलाददेशओ पि मानवः ।
तत्र स्वकर्म-वातेन नीयते यत्र तत्फलं ॥५९८॥

अद्धलिहिए य सिलोए पडियं से खडिया-खंडं । पसारिओ अणेण
हत्थो । पणामियं तं से चित्त-पुत्तलियाए । इमं च दट्ठं विम्हिया धावि-
धूया । कहियं तमच्चब्भुयं तीए धावीए । तीए वि रायधूयाए । पुच्छिया य
एसा— किमेयं ? ति । तीए भणियं— रायपुत्तो खु एसो आसन्न-रज्जो
य । न अन्नस्स एरिसी सहावओ विणयपरिणया । धावीए भणियं— न
एत्थ संदेहो जेण तए वि सो पलोईओ रायलच्छीए । रायधूयाए भणियं—
किं तेण लिहियं ? ति । गवेसिउण धावीए संवाईयं । रायधूयाए
भणियं— आसन्नं च से फलंतरं इमिणा एवंविह-लिहणेण । धावीए
भणियं— तक्केमि तुमं परिणइस्सइ ति । किमन्नं फलंतरं ? । तत्तो सा
लज्जिया रायधूया ।

एत्थंतरे वियरिओ रायहत्थी, कयमसमंजसमणेण, अद्धभग्गो कन्नंतेउरावासो । आउलीहूओ राया । भणियमणेण— अरे ! जो सक्कइ एयं सो गिण्हउ ति । एयमायन्निय आगओ पुरिससीहो । सो वि विज्जुक्खित्त-करणेण^{११} चडिओ रायहत्थिम्मि, बद्धमासणं, गहिओ य अंकुसो, वसीकओ हत्थी, नग्गायरिएण पच्चभिजाणिऊण उग्घुट्ठं पुरिससीह-नामं, पलोईओ रायधूयाए साहिलासं । परितुट्ठो राया । कओ उचिओवयारो । भणाविया रायधूया— पुत्ति ! तुह एस उचिओ ति । तुण्हिक्का ठिया रायधूया । 'अप्पडिसिद्धमणुमयं' ति चित्तिऊण रत्ता दिन्ना पुरिससीहो ति । वत्तो^{१२} विवाहो विभूईए । जाया परोप्परं पीई ।

अन्नया अकहिऊण निग्गओ पुरिससीहो पेच्छंतो य नग-नगर-सर-सरिया-सय-संकुलं महीयलं पत्तो जुन्न-देवकुलालंकियं एगं वण-निगुंजं । एत्थंतरे अत्थगिरि-सिहरमल्लीणो रवी । पसरिया तमाल-दल-सामला तिमिर-रिखेली । पसुत्तो रायपुत्तो देवउले । मज्झरत्त-समए य सुओ रायपुत्तेण रुयमाणीए रमणीए करुण-सद्दो । तओ संजाय-करणेण उवसप्पिऊण सम्मं निरुवियं जाव दिट्ठं रत्त-कणवीर-कुसुमच्चियं चउदिसिं पक्खित्त-मंस-सोणिउवहारं, पेयंत-पज्जलंत-दीवयं मज्झाट्टिय-तिकोण-कुंड-दिप्पंत-हुयासणं मंडलं । तत्थ कयासण-परिग्गहो, नासग्ग-निम्मिय-दिट्ठी, समीव-निहिय-कराल-करवालो दिट्ठो दुट्ठ-विज्जासाहगो । तरस्स य पुरओ निविट्ठा दिट्ठा तत्थ हरिणी-विलोल-लोयणा, अच्चंत-मणोहरागारा, गरूय-भय-कंपंत-समत्त-गत्ता एगा जुवई । सा य उग्गीरिय-खग्गेण भणिया विज्जासाहगेण— 'सुदिट्ठं कुण जीवलोयं । जीवियं भोत्तूण पत्थेसु किं पि पत्थणिज्जं । एय पज्जवसाणो जीवलोओ ।

तओ 'हा ! पुरिससीह रायपुत्त ! परिन्तायसु ममं असरणं' ति [भणमाणी] न किं पि पत्थेइ ।

एत्थंतरे पुरओ होऊण

'विज्जासाहग ! रे नराहम ! भउब्भंतच्छियंकेरुहं,

सुन्नारन्नगयं वरायमबलं बालं वहंतो इमं ।

अंगे जाणि वसंति पंच भवओ भूयाणि नो लज्जसे ?

किं ताणं पि अणत्थ-सत्थ-भवणं हा दुट्ठ ! भे चिट्ठियं ! ॥१११॥

गयसुचरियपाणे पाव-कम्मप्पहाणे,

जइ वि हु पहरंतो तुज्झ एयम्मि अंगे ।

करडिदलण-सज्जो लज्जाए मे क्वाणो,

तह वि जुवइ-रक्खं काउमेवं पयट्ठो ॥६००॥

एवं भणंतेण हक्खिओ कुमारेण विज्जासाहगो । तेणावि पउत्ता थंभणि-विज्जा । पबल-पुब्लत्तणेण न पभवइ सा पुरिससीहरस, *विलक्खीभूओ विज्जासाहगो निवडिओ चलणेसु । पुट्ठो कुमारेण— भइ ! किमेयं उभयलोग-विरुद्धमायरणं ? तेण भणियं— एईए सब्ब-लक्खणालंकियाए रायकब्बाए हुणणेण सुर-सिद्ध-विज्जाहर-नरिंद-रमणी-वसियरण-मंत-सिद्धी । कुमारेण वुत्तं—

किं मंतसिद्धीए विसुद्ध-धम्म-पंचत्थिभूयाए इमाए ? भइ ! ।

समग्ग-लोगागम-निंदणिज्जो इत्थीवहो कीरइ जत्थ एवं ॥६०१॥

केणावि तुमं तह कूडबुद्धिणा मुद्ध ! विप्पलुद्धो सि ।

जं पत्थसि इत्थि-वहेण सयल-इत्थीण वसियरणं ॥६०२॥

इत्थीओ वि एत्थ अणत्थ-सत्थ-पायव-परोहभूमिओ ।

नरय-गरुय-वत्तिणीओ विउसाण वि वज्जणिज्जाओ ॥६०३॥

ता उभयलोय-दुह-कारणाओ संजणिय-पाव-पसराओ ।

विरम दुरज्झवसायाओ भइ ! एयाओ तुममिहिं ॥६०४॥

विज्जासाहगेण भणियं— महापुरिस ! परमोवयारी तुमं, जेण नियत्तिओ हं अकज्जायरणाओ । सब्बहा परिचत्तमेयं मए । परं पत्थेमि किं पि, अत्थि मे पडियसिद्धं गारुडं थंभणिविज्जा य, ता अणुग्गहं काऊण गिण्हसु दुवे वि इमे । इमेहिं पि परोवयारं करिस्ससि तुमं । कुमारेणावि पत्थणा-भंग-भीरुणा गहिओ गारुड-मंतो थंभणि-विज्जा य । पणमिऊण गओ विज्जासाहगो । कुमारेणावि आसासिया रायसुया महुर-वयणेहिं पुच्छिया य— का तुमं ? केण वा पयारेण इहाणीया ? को वा पुरिससीहो जो तए सरणं ति वज्जरिओ ? । तीए य एय-वयणा-मयरसेण सित्ताइं ऊससंति मे गत्ताइं, एय-वयण-पंकए पुणो पुणो चलइ मे दिट्ठी, ता नूणं सो चेव पुरिस-चूडामणी एसो पुरिससीहो ति चित्तयंतीए भणियं—

अत्थि सीहपुरं नयरं । तत्थ सीहविक्कमो राया । तरस्स जयावली
 देवी । ताणं सुया हं मयणलेहा । कयाइ जोव्वणे वट्टमाणी गया पिउ-
 पाय-पणमणत्थं अत्थाण-मंडवे, तत्थ *मागहगणेहिं कित्तिज्जमाणं सुयं
 मए विजयसेण-महाराय-सुयस्स पुरिससीह-कुमारस्स *गुणुक्कित्तणं ।
 तओ हं तप्पभिइ तम्मि परोवखाणुराय-परवसा जाया । इमं च नाउण
 पुरिससीहस्स चेव तुमं दायव्व ति पडिवन्नं जणणि-जणएहिं । अज्ज
 संझाए पुण अणेण विज्जासाहगेण पासाय-तलोवरि कीलंती विज्जाबलेण
 इहाणीया । तहा,

जइ वि हु तुमं पि मुणिओ मणेण सो चेव पुरिससीहो ति ।

तह वि हु तुह वयणेणं एस जणो जाणित्तं महइ ॥६०५॥

तो कुमरेणं भणियं सच्चं तं तुह मणेण जं नायं ।

जम्हा संदेहपए *गुरुयाण मणं चिय पमाणं ॥६०६॥

एत्थंतरे पहाया रयणी अह बहल-संझराएण ।

रेहइ पुव्वदिसा नववहु व्व कोरुंभ-वत्थ-जुया ॥६०७॥

कयावराहो व्व पणट्ठो तिमिरभरो, परोवयारपरो व्व उदयं गओ
 सूरु । परगुण-दंसणे सुयण-मुहाइं व वियसियाइं कमल-संडाई । इओ
 य तम्मि समए समागया तमुदेसं धावी सपरियणा । दिट्ठा तीए कुमारी ।
 अंसुजल-भरिय-लीयणाए अणाए गाढमालिंणिउण निवेसिया उच्छंगे,
 भणिया य— वच्छे ! तुह अवहरणाणंतरमेव उच्छलिओ कन्नंतेउरे अक्कंद-
 सट्ठो । विसन्नो देवो । पयट्ठो तुह सव्वत्थ-गवेसणत्थं रायलोओ । अहं पि
 विसन्न-मणा भमिउण सयल-रयणिं अणुकूल-विहि-निओगेण इहागय
 म्हि । ता कहसु तुमए किमणुभूयं ? ति । रायधूयाए कहियं— एणेण
 *विज्जाहराहमेण अवहरिय गुरुय-सिद्धि-निमित्तं इह मंडलगे
 मारिज्जमाणी मह भागधेयाऽऽगरिसिएण इमिणा महापुरिसेण रक्खिय
 म्हि । धावीए पुट्ठं— *को एसो महप्पा ? । रायधूयाए भणियं—

जस्स मए पुव्वं पि अणुरायपराए अप्पिओ अप्पा ।

सो एस पुरिससीहो पुत्तो सिरि-विजयसेणस्स ॥६०८॥

धावीए तओ भणियं- जं सयमवि संगओ तए एसो ।

तं नूण मम य वुट्ठी अब्भेहिं विणा इमा जाया ॥६०९॥

एतो य कह वि विन्नाय-रायकन्नोवलंभ-वुत्तंतो ।
 परिओस-वियसिय-मुहो राया वि समागओ तत्थ ॥६१०॥
 रन्ना *मुणिओ धावी-मुहेण सयलो वि रयणि-वुत्तंतो ।
 तो करि-कंधारुद्धो कुमरो नीओ नियं नयरं ॥६११॥
 परिणाविओ य धूयं वसिओ सोवखेण तत्थ कइ वि दिणे ।
 अण्ण-दिणे करस्स वि अकहिऊण नयराउ निवखंतो ॥६१२॥
 पत्तु पारद्ध-गुरुदेव-चलणच्चणं,
 पवण-संजणिय-जिणभवण-धय-नच्चणं ।
 सयल-जण-दूरपरिहरिय-परवंचणं,
 दीण-बंदियण-दिज्जंत-धण-कंचणं ॥६१३॥

कंचणपुरं* नयरं । तत्थ वेरि-करि-घडा-विहडणेक्क-सीहो
 *वइरिसीहो राया । तरस्स कमल-दल-दीह-नयणा नयणावली देवी ।
 ताणं च केण वि अकखंडिय-पणया गुरुयण-पाय-पणया, निय-काय-
 कंति-विणिज्जिय-कणया कणयावली तणया । सो य राया रयणीए
 सुहपसुत्तो कह वि डक्को सप्पेण । वाहरिया गारुडिया । न संजाओ को
 वि गुणो । विसन्नो नयर-लोओ ।

दहूण तं कुमारो नयरं पडिसिद्ध-तूर-गीय-रवं ।
 कय-विक्कय-रहियं सोय-सलिल-संपुन्न-जण-नयणं ॥६१४॥
 पुच्छइ तहाविहं कं पि पुरिसं किं इमं पुरमसेसं ? ।
 सो कहइ रुयंतो सप्प-दह-निव-वईयरं सव्वं ॥६१५॥
 तओ सो च्चिय सलाहणिज्जो तेण सुलद्धो इमो मणुय-जम्मो ।
 जरस्सोभयलोग-हिए परोवयारम्मि रमइ मई ॥६१६॥
 इय चित्तिय कुमरेणं भणिओ सो अत्थि गारुडो मंतो ।
 तं विन्नासेमि अहं जाणावसु मंति-पमुहाणं ॥६१७॥
 तेण वि तह त्ति विहिए गंतूणं पुरिससीह-कुमरेणं ।
 जीवाविओ नरिंदो गारुड-मंत-प्पभावेण ॥६१८॥
 आणंदियं समग्गं नयरं राया वि गरुय-हरिसेण ।
 परिणावइ कुमरं तं दाउं कणगावलिं धूयं ॥६१९॥

विसय-सुहमणुहवंतो तीए “सहा जाव चिट्ठइ कुमारो ।
ता एक्केण नरेणं आगतुं रहसि विन्नतो ॥६२०॥

देव ! सुण अत्थि नयरं विजयपुरं नाम तत्थ अरिदमणो ।
राया तस्संतेउर-तिलयसमा जयसिरी देवी ॥६२१॥

तीए गब्भपसूया धूया रमणी-सिरोरयणभूया ।
पिय-वयणा ससि-सुंदर-वयणा रयणावली नाम ॥६२२॥

सो वि हु दिव्ववसा विजयकेउणा गोत्तिएण पबलेण ।
समर-भरे जिणिऊणं पुराओ निव्वासिओ सहसा ॥६२३॥

पव्वय-पच्चासन्नं पल्लिं सो वि हु अहिट्ठिऊण ठिओ ।
निय-परिवार-समग्गो वहमाणो अमरिसं गरुयं ॥६२४॥

अन्नया पुट्ठो तेण एगो नेमितिओ— किं पुणो अम्ह निय-रज्ज-
संपत्ती भविरसइ ? ति । तेण सम्मं निरुविऊण भणियं — भविरसइ ।
रज्जा भणियं— कहं ? तेण वुत्तं— एयं रयणावलिं जो परिणिरसइ सो
तुमं पुणो वि रज्जे ठविरसइ ति । रज्जा भणियं— सो कहं नायव्वो ? ।
तेण वुत्तं— जो सप्प-दढं वेरिसीह-रायं जीवाविरसइ ति । ता देव ! तुह
कित्तिं सोऊण पेसिओ हं निय-“पइणा । ता तत्थागमणेण पसाओ
कीरउ ति । कुमारो वि कस्सइ अकहिऊण परोवयार-करणुज्जयत्तणेण
तेणेव समं पत्तो पल्लीए । बहुमन्निओ निवइणा, परिणाविओ निय-धूयं
रयणावलिं । तओ कुमारेण वुत्तो राया— चलसु निय-रज्जग्गहणत्थं ।
चलिओ सो समग्ग-सामग्गीए । पत्तो निय-नयरासन्नं । जाणिओ
विजयकेउणा, निग्गओ चउरंग-बल-समेओ संमुहं ।

मिलियाइं जाव दोन्नि वि बलाइं अवरोप्पर-पहरण-पब्वलाइं ।

कायर-नर-भय-करणेक्क-सूर अप्फालिय-गहिर-निनाय-तूर ।

रण-करणुच्छाह-रसुब्भडेहिं, अब्भिडिय सुहड सहं परभडेहिं ।

रवि-रह-तुरंगम-समविब्भमेहिं, अब्भिट्ठ तुरंग तुरंगमेहिं ।

विलसंत-विविह-पहरण-भरेहिं, संजोईय रहवर रहवरेहिं ।

पर-पव्व-पराजय-कारणेहिं, सहं लग्गा वारण वारणेहिं ।

रण-कोड्ड-पलोयण-तप्परेहिं, संरुद्ध गयणु सुर-खेयरेहिं ।

उच्छलिय तिरोहिय चंद-सूर, हय-घट्ट-खुरुव्वय-रेणु-पूर ।

[यत्ता]

इय दोण्ह वि सेब्रह, कोव-पवन्नह, झति पयट्टइ समर-भरि ।

अरिदमण-नरिं दिण, गरुयाणंदिण, कुमरह “मुहु जोइउ नवरि ॥६२॥

तओ कुमारेण थंभियं सयलं पि पर-सेन्नं थंभणि-विज्जाए, चित्त-
लिहियं व ठियं निच्चलं । ‘जयइ महप्पभावो पुरिससीह-कुमारो’ ति
उच्छलिओ गयणंगणे साहुवाओ । चित्तियं विजयकेउणा— एयरस
“सुपुरिसरस पभावो एस, न पुरिसयार-मित्तेण” लंघितं तीरइ । तओ
एयरस सरण-पवज्जणं चेव जुत्तं । संपयं पुण वोत्तुं पि न किंचि सक्केमि ।
ता किं करेमि ति दीण-वयणो “उत्थंभिओ कुमारेण, लब्धो आगंतूण
चलणेषु, विन्नत्तं अणेण— गिण्ह तुमं इमं रज्जं । अहं पुण परलोय-मग्गं
साहिस्सं ति भणिऊण निग्गओ । गओ तवोवणं । अरिदमणो वि
कुमारेण समं पविट्ठो निय-नयरं, अहिट्ठियं रज्जं । कुमारो वि रयणावलीए
सह विसय-सुहं भुंजंतो चिट्ठइ । अन्नया कीला-निमित्तं गओ
पमदुज्जाणं । दिट्ठा तत्थ असोय-रुक्ख-साहाए विहिय-उब्बं धणा
मज्झिम-वए वट्टमाणी ‘हा सप्पुरिस ! रुक्ख मम’ ति पलवंती एगा
इत्थिगा कुमारेण । तओ करुणारस-पूरिज्जमाण-माणसेण विज्जुविखत्त-
करणेण उप्पईऊण गयणंगणे गहिऊण तं वामभुयाए दाहिण-करेण
छुरियाए छिन्नो पासओ । इत्थिगाए वि गाढमालिं गिऊण अवहरिओ
रायपुत्तो । नीओ एक्कम्मि वण-निगुंजे, विविह-वर-रयण-निम्मविय-
कुट्टिम-तले, फलिह-मणि-घडिय-चउभित्ति-भागुज्जले, कणयमय-थंभ-
संभावियाडंबरे, पवण-धुय-धयवडावरुद्धांबरे ।

एवंविहम्मि मुक्को पासआए सत्त-भूमियतलम्मि ।

रयणमए पल्लंके निसाए सुत्तो सुहं कुमरो ॥६२॥

कयमणाए कुमारस चलण-सोयं । संवाहियाइं नवकमल-कोमलेहिं
करयलेहिं अंगाइं । पलोट्टमाणीए चेव तीए गमिया रयणी । उग्गओ
अंसुमाली, विउद्धो कुमारो । भणियं च तीए—

जं तुमए निच्च-परोवयारिणा पबल-सत्तु-गहियं पि ।

अरिदमणरस पुणो रज्जमप्पियं तेण पत्थेमि ॥६२॥

अत्थि इओ नाइदूर-देसे संकेयट्ठाणं सयलाण वि उउसिरीणं,
कीलाभूमी सिद्ध-गंधर्व-विज्जाहर-जक्ख-किन्नर-मिहुणाणं, निवासो

मय-मयाहिव-पमुह-सावय-गणाणं, आलओ सयल-नारंगाइ-फलाणं,
महि-महिलाए सेहरो, अणवरय-ज्झारंत-निज्झरण-ज्झंकार-मणहरो
गयणग्ग-लग्ग-सिहरो रयणकूडो नाम महीहरो । तरस्स अहिट्ठायगो
गीयरइ नाम वणयर-देवो । देवी य तरस्साहं गंधव्वमाला नाम । निय-
परियण-परिवुडाइ जहासुहं एत्थेव चिट्ठामो । अत्थि य एयरस्स गिरिस्स
गब्भे अहोगयं गूढ-दुवार-देसं तियसाण वि अगम्मं, अच्चंत-रम्मं,
रमणीय-मणि-विणिम्मियं, विविह-कीलापएस-सोहियं, सन्निहिय-
सयल-भोगोवगरण-समुदयं, दिप्पंत-रयण-किरण-भासुरं, सुरभवण-
प्पायं पायाल-भवणं ।

अन्नया मरण-पज्जवसाणयाए जीवलोगस्स पेच्छंतीए चेव वाय-
विहुय-दीवओ व्व विज्झाओ मज्झ पिययमो । तओ हं पसरंत-
सोयानला वि असारं संसार-सखवं, अप्पडियारो मच्चू, नत्थि
परलोयपत्तस्स वि पडिआगमणं ति संठविय हिययं निय-ठिइपरा संवुत्ता ।
कयाइ कीला-निमित्तं निग्गया पायालभवणाओ, कीलिऊण गिरि-
कंदर-सर-सरिया-काणणेषु पुणो वि पायाल-भवणं पविसंती कह वि
दिट्ठा अवहरिय-रायकन्ना-रयणेण केणावि विज्जाहरेण । अणुपयमेव
पविट्ठो एसो दिव्वं पायाल-भवणं, चित्तियमणेण— अहो ! देवाण वि
अगम्मं रम्मं च इमं । तओ अवलोइयं मम मुहं साहिलासाए दिट्ठीए,
भणियं च—

कामरस्स सव्व-सुर-मत्थय-बुब्भमाण-

आणरस्स बाण-निवहेण हणिज्जमाणो ।

दुग्गं व देवि ! थणवट्ठमिमं तुमाए,

तुंगं समारुहिउमिच्छइ एस लोओ ॥६२८॥

तो कय-दुप्पेच्छ-निडालवट्ठ-भिउडीइ सो मए भणिओ ।

आ पाव ! दुट्ठचिद्विय ! निल्लज्ज ! इमं पि किं न सुयं ? ॥६२९॥

सीहह केसर सईहि ऊरु सरणागओ य सुहडस्स ।

मणि मत्थइ आसीविसह नो धिप्पइ अमुयरस्स ॥६३०॥

ता किं हयास तुममिह समागओ तुरियमेव निग्गच्छ ।

मम भवणाओ इमाओ तो रोसारुणिय-नयणेण ॥६३१॥

‘फेडेमि सईवायं इमीए’ इय जंपिऊण गहियमिहि ।
 निक्करुणं तेण सहाव-कीमले कुंतल-कलावे ॥६३२॥
 धरणीए पाडिऊणं पण्हि-पहारेहिं पहणिया बहुसो ।
 अक्कोसंती पुण पुण पायालघराओ निच्छूढा ॥६३३॥
 पायालघरमहिद्वियमणेण अहयं तु तत्थ न पवेसं ।
 पावेमि ता महायस ! उद्धरसु इमाओ वसणाओ ॥६३४॥
 तो करुणामय-मयरायरेण कुमरेण जंपिया देवी ।
 मह पाणेसु धरंतेसु को तुमं अंब ! परिभवइ ? ॥६३५॥
 मुंच विसायं पडिवज्ज धीरयं मज्झा अंब ! अवलंबं ।
 दंसेहि खेयरं तं तदप्पं जेण अवणेमि ॥६३६॥
 इय जंपंतो कुमरो समुद्धिओ देवयाइ तो भणिओ ।
 सो सिद्ध-पबलविज्जो गुरु-विक्कम-दप्प-दुप्पिच्छो ॥६३७॥
 ता तुममवि सन्नाहं कुणसु तओ जंपिया कुमारेण ।
 ईसि हसिऊण देवी ! मुंच भयं अंब ! भव धीरा ॥६३८॥
 करि-कुंभत्थल-दलणामि केसरी किं करेइ सन्नाहं ? ।
 तिमिर-मुसुमूणे दिणयरो वि किमवेक्खए किं पि ? ॥६३९॥

तओ अहो धीरया ! अहो महासत्तया ! अहो निरवेक्खया ! अहो
 गंभीरालावया ! सव्वहा सव्वमणुखवमेयरस^{४४} ति चिंतयंती पयट्ठा
 वणदेवया । तयणुमग्गेण य कुमरो हक्कारिज्जंतो व्व पायवाणं पवण-
 पणोल्लिय-पल्लव-करेहिं, आलिंगिज्जंतो व्व कीमल-साहा-भुयाहिं,
 विइन्न-अग्घो व्व समीरणाहरिय-सुरहि-कुसुम-वरिसेण, विविह-
 उवायणो व्व ओणय-लया-पेरंत-फल-भरेणं, कय-सागय-संमाणो व्व
 कलयंठ-कुल-कलरवेणं पत्तो गिरिवरं कुमरो, वणदेवया-दंसिय-दुवारं
 पविट्ठो पायाल-भवणं ।

हा खत्तिय-कुल-नहयल-मयंक ! महा-पुरिससीह ! वर कुमर !
 अलियं होही नेमित्तियस्स वयणं पि किं इण्हिं ? ॥६४०॥
 इय विलवंती तम्मि उ दिट्ठा रमणी अणेण रमणिज्जा ।
 तो विमिओ निविट्ठो गंतुं कणयासणे कुमरो ॥६४१॥

दहूण कुमारं सा वि संभमुब्भंत-लोयणा बाला ।

पुणरुत्त-थणोवरि-ठविय-उत्तरिज्जा ल्हसिय-नीवी ॥६४२॥

उक्खिविय-भुयलयाओ पुण पुण संजमिय-कुंतल-कलावा ।

कर-फुसिय-बाहसलिला कहमवि विरमेइ सयणाओ ॥६४३॥

भणिया य कुमारेण वणदेवया— पुच्छसु एयं बालियं का सि तुमं ? कत्तो वा कहं वा केण वा आणीया ? । कीस व रुयसि ? ति । पुढा सा वणदेवयाए, सगग्गयक्खरं कहिउं पवत्ता—

अत्थि हत्थिणपुरं नाम नयरं । तत्थ नरसीहो नाम राया, विलासवई से देवी । तीए कुक्खि-संभूया लीलावई नाम धूया अहं, जोव्वणत्थं ममं दहूण पुढो ताएण नेमितिओ— कस्सेसा दिज्जउ ? ति । कहियं तेण— संखउराहिव-विजयसेण-रायपुत्तरस्स पुरिससीहस्स पत्ती भविस्सइ ति । इमं सोऊण परोक्खाणुराय-परव्वसाए मए वि तस्स समप्पिओ अप्पा । अन्नया उज्जाणे कीलंती केणावि खयराहमेण इहाणीया । सो य ममं अपिच्छमाणिं पि परिणेउमिच्छंतो विवाहोवगरण-निमित्तं गओ । ता अहं मंदभग्गा अपडिपुन्न-मणोरहा नेमित्तिय-वयणं पि किमलीयं भविस्सइ ति सवियक्खा रुयामि । तओ वणदेवयाए भणिया जहा—

भदे ! मुंच विसायं नेमित्तिय-वयणमवितहं होही ।

होहिंति तुह वि सहला मणोरहा संपयं चेव ॥६४४॥

जेणेस पुरिससीहो तुह हिययाणंदणो महासत्तो ।

तुह पुन्न-पेरियाइ व मए स-कज्जेण आणीओ ॥६४५॥

इओ य विवाहोवगरण-सणाह-हत्थाए कमलावइ-नामाए खयरीए समं समागओ खयरो । तओ भय-वस-वेविर-हियाए भणियं वण-देवयाए— 'कुमार ! एस एइ सो दुरायारो' । कुमारेण भणियं—

'अंब ! धीरा होहि, पेच्छ निय-तणयस्स विलसियं' ।

लीलावईए वि भउब्भंत-लोयणाए चित्तियं—

छलप्पहाणो खयरो दुरप्पा, इमो कुमारो उण उज्जुसीलो ।

हद्धी न याणीयइ किं पि होही ? ता मज्झ संतप्पइ माणसं ति ॥६४६॥

तओ कुमारो खयरेण दिट्ठो पासट्टिया सा वणदेवया य ।

वियंभिउदाम-वियार-लीला लीलावई सा वर-कन्नया य ॥६४७॥

लोउत्तर-फुरंत-तेओ को वि एसो ? ति चितयंतो खयरो खुहिओ वि हियएण अक्खुहिओ व्व जंपिउं पवत्तो— अरे रे ! को तुमं चोरो व्व सुन्न-परघरे पविट्ठो ? । किं दुरायार ! न मुणसि जं परघरे परित्थियाहिं समं संवासो विरुद्धो ति ? । ता सव्वहा चत्त-साहु-समायारो वि तुमं विमुक्को मए करुणारए[ण] । जीवियं घेतूण तुरियं पलायसु । सम्मुहो वा होसु । तओ ईसि हरिस-वस-विसप्पंत-दंत-पंति-कंतिणा कुमारेण वुत्तं— अरे ! कालपत्तस्स च ते चलिया धाउणो तेण पलोयसि सव्वं पि पीय-धत्तूरओ व्व विवरीयं^{१०} । तं मज्झ परघरमिणं तुह उण पिउ-संतियं एयं ?

एयाओ इत्थियाओ मह चेव परित्थियाओ नो तुज्झ ? ।

एयाहिं सह विरुद्धो वासो मह “चेव नो तुज्झ ? ॥६४८॥

गय-साहु-समायारोहमेव न तुमं ति केण सिक्खविओ ? ।

वोत्तुमिमं पुव्वुत्तं ता न मुणसि दुट्ठ ! अप्पाणं ॥६४९॥

अहवा अहिट्ठिओ तुमं एयाहिं अलिय-सो'डीर-“मेत्त-गुण-मोहियाहिं, अपेच्छंतीहिं तुज्ज अणायारं विज्जादेवयाहिं तेण तुह एयं खमिज्जइ । पूयणिज्जाओ सव्वाओ वि मज्झ देवयाओ । ता अज्ज वि चेयसु अत्ताणयं ति । मुंचसु अणायारं ।

एत्थंतरि हरिस-विसट्ठ-वयण, पसरंत-कंति-कंदलिय-गयण ।

वर-हार-विराईय-वच्छदेस, अलि-कज्जल-सामल-कुडिल-केस ।

नीलुप्पल-पत्त-सव्वत्त-नेत्त, सप्पुरिस-चरिय-रव्वंत-चित्त ।

मणि-कुंडल-लीढ-कवोल-फलय, भुय-वल्लि-पहल्लिर-कणय-वलय ।

वियसंत-कुंद-दिप्पंत-दंत, मणि-नेउर-रव-मुहलिय-दियंत ।

रणझणिर-रयण-रसणा-कलाव, विलसंत-अणंत-महप्पभाव ।

इय विज्जादेवय दिव्वरूय सहस ति तिज्झि पच्चक्खहूय ।

करवाल-विज्ज बहुखविणी य तइया गयणंगण-गामिणी य ॥६५०॥

भणियं चऽणाहिं— ‘कुमार ! ^{१०}एत्तिय-कालं सो'डीर-मेत्त-गुण-मोहियाहिं अपेच्छंतीहिं-अणायारं अहिट्ठियमिमस्स सरीरं । संपयं पुण जाणियं अकज्जकारित्तणं । तओ एय विरत्त-चित्ताओ मुत्तूण इमं तुह लोउत्तर-चरिय-रंजियाओ तुमं चेव अल्लीणाओ अम्हे, अन्नस्स किलेसेण सिज्झामो । तुज्झ उण अचिंतणिज्ज-गुणावज्जिय-हिययाओ सयमेव

सयंवर-विलयाओ व्व समागयाओ, ता पडिवज्जउ कुमारो अम्ह एयं पत्थणं' ति । कुमारेण भणियं— जं तुब्भे भणह तं कीरइ । तओ करव्वगहण-मित्तेण समरंगणे समग्ग-रिवग्ग-निग्गहकरं गेणहाहि एयं ति भणंतीए सम्पियं खग्गदेवयाए खग्ग-रयणं, अहिट्टियं कुमार-सरीरमियराहिं । इमं वइयरं पेच्छिउण विम्हिया वणदेवया । हरिसिया लीलावई । कमलावई वि साहिलासं एयस्स चेव असरिस-गुण-गण-माहप्प-सिद्धविज्जरस सच्चरिय-महानिहिणो घरिणी-सदं वहिस्समहं एवं चिंतिय सिणिद्धाए दिट्ठीए कुमार-वयण-कमलमवलोइउं पवत्ता । लक्खिया खेयरेण । सो य खेयरो विज्जादेवया-वज्जिओ लज्जिओ सव्वहा गलिय-पोरुसाक्किमाणो दसणेहिं गहिउण पंच वि करंगुलीओ पडिओ कुमार-चलणेसु, भणितं पवत्तो— 'कुमार ! पवन्नो हं तुज्झ भिच्च-भावं, सरणागय-वच्छलो य तुमं, खमसु एयमवराहं, करेसु मह जीवियप्पयाणेण पसायं । कुमारेण भणियं— 'भद ! भदागिइ दीससे तुमं, ता न जुत्तमणायाकरणं' । खयेण भणियं— 'एय-पज्जवसाणो मम अणायारो' । कुमारेण भणियं— 'विमुक्खाणायाराणं अन्नाण वि निरुवहयमेव जीवियं, विसेसओ तुज्झ । किंतु सच्चपइन्ना खु महापुरिसा हवन्ति । ता न तए अन्नहा कायव्वं' ति ।

तओ खयेण 'जं कुमारो आणवेइ' ति भणंतेण विन्नतं— 'अत्थि वेयड्ड-पव्वए दाहिण-सेदीए मयणपुरं नाम नयरं । तत्थ विज्जुवेगो नाम विज्जाहर-राओ, विज्जुमालिआ से भारिया । ताणं पुत्तो अहं पवणवेगो । मह कणिट्ठभइणी एसा कमलावई नाम । ताएण य अणेग-विज्जाहर-कुमार-रूवाणि चित्त-पटिआसु लिहाविउण आणावियाणि, दंसियाणि य इमीए, परं न कत्थ वि मणं वीसमियं । तओ ताओ को वरो इमीए भविरसइ ति चिंताउरो जाओ । संपइ पुण तइ दिट्ठिगोयरं गए 'गरुयांणुराय-रसिय व्व दीसइ इमा, ता इमिणा चेव विवाहोवगरणेण इमीए पाणिग्गहणेणं अणुग्गहं 'कुणउ कुमारो, जेणाहं कयत्थमप्पाणयं मन्नेमि । ताओ य वर-चिता-समुदाओ नित्थारिओ होइ ।

एत्थंतरे वणदेवयाए विन्नतं— कुमार ! मह ताव तए पायाल-भवण-सम्पणेण एक्कं पओयणं कयं, संपयं पुण बीयं पि कुणसु । कुमारेण भणियं— जं तुमं आणवेसि ।

वणदेवयाए भणियं—

जइ एवं ता लीलावईए ^{११}गरुयाणुराय-कलियाए ।
इति करगहणेणं कीरंतु मणोरहा सहला ॥६५१॥

कुमारेण भणियं— जं भे ^{१२}रोयइ । तओ-

दोणहं पि करगहणं नरिंद-विज्जाहरिंद-कन्नाणं ।
गंधव्व-विवाहेणं कयं कुमारेण सुमुहुत्ते ॥६५२॥

पवणवेग-विज्जाहरो वि पणमिऊण कुमार-चलणे भइणि-विवाहेण
कयत्थमप्पाणयं मन्नंतो गओ सट्ठाणं । कुमरो गमणूसुयमणो वि
वणदेवया-वयणेण ठिओ केत्तियं पि कालं, देवीए य संपाडिज्जमाण-
मणिंदियाणुकूल-सयल-भोगोवभोगोवगरणो ताहिं समं विसय-
सुहमणुहवइ ।

अह ^{१३}केत्तियम्मि काले वोलीणे पुरिससीह-कुमरस्स ।
जाया मणम्मि चिंता किमेवमहमेत्थ^{१४} चिट्ठामि ? ॥६५३॥

जइ वि हु पायालघरं समग्ग-भोगोवभोग-रमणिज्जं ।
तह वि हु एयं पडिहाइ मज्झ णाळभासय-सरिच्छं ॥६५४॥

जओ—

जं विक्कमेण चाएण दीण-दुहिओवयार-करणेण ।
नर-जम्म-फलं जस-धम्म-अज्जणं वज्जरंति बुहा ॥६५५॥

तं नत्थि ^{१५}एत्थ पायालमंदिरे मज्झ संवसंतस्स ।
अप्पंभरिणो निच्चं कायरस्स व विहल-जीयरस्स ॥६५६॥

इय चिंतिऊण कुमरो कयाइ वणदेवयाइ विरहम्मि ।
लीलावइ-कमलावइ^{१६}-भज्जाणं सुहपसुत्ताणं ॥६५७॥

अमुणिय-^{१७}पय-संचारं पायालघराओ इति निक्खंतो ।
तं लंघिऊण रन्नं गिरि-सरिया-तरुवर-खवण्णं ॥६५८॥

पुहइं परिभ्रमंतो गामाऽऽगर-नगर-गोउलाइन्नं ।
कालेण कित्तिएणं पत्तो एगम्मि गामम्मि ॥६५९॥

उवविट्ठो देवउले, बंदिणमेक्कं पलोइउं पुरओ ।
पुच्छइ महायर ! तुमं कत्तो कत्थ व पयटो सि ? ॥६६०॥

भणियं अणेण हत्थिणपुराओ पोयणपुरम्मि चलिओ म्हि ।
 कुमरेण तओ भणियं तत्थ तुमं केण कज्जेण ? ॥६६१॥
 तो मागहेण वुत्तं तुमए पयडं पि किं न मुणियमिणं ? ।
 कुमरो पयंपइ तओ किं तं ? अह बंदिणा भणियं ॥६६२॥
 भद्द ! सुण एत्थ पोयणपुरम्मि पुरिसोत्तमस्स नरवइणो ।
 सोहग्गसुंदरीए देवीए गब्भ-संभूया ॥६६३॥
 सोहग्गमंजरी नाम कल्लया अंग-चंगिम-गुणेण ।
 रइ-रंभ-रूव-पयारिस-संरंभ-निरुंभण-पवीणा ॥६६४॥
 जीए निम्मल-मुह-कमल-कंति-कवलिय-समग्ग-सोहग्गो ।
 सकलंको लज्जाइ व'चंदो संचरइ रयणीए ॥६६५॥
 जीए लोयण-^{१००}लावन्न-लच्छिमवलोइउं व अब्भहियं ।
 लज्जावसेण नीलुप्पलाइं सलिले निलुक्काइं ॥६६६॥

तीए य कला-कलाव-कोसल्ल-समुल्लसंत-गत्ताए कया पइन्ना—
 'जो मं वीणा-विणोएण जिणइ सो चेव मं परिणेइ' ति । तओ राइणा
 काराविओ सयंवरा-मंडवो, हक्कारिया सव्वे वि रायतणया । अहं पि
 कोउगवसेण तत्थेव पयट्ठो । कुमारेण भणियं— जइ एवं ता अहं पि
 तुमए समं गंतूण पेच्छामि ^{१०१}अच्छेरयमिणं । तओ बंदिणा 'किमजुत्तं ?' ति
 भणंतेण भणियं— 'कुमार ! उवलविखओ मए संखउर-सामिणो
 महाराय-विजयसेणस्स नंदणो पुरिससीह- कुमारो तुमं' ति । कुमारेण य
 लज्जोणय-वयणेण दिन्नं कडय-जुयलं बंदिणो । तओ चलिया दो वि,
 पत्ता पोयणपुरं । जं च—

कंचण-घडिय-पायार, पुरिसत्थ-वित्थरणपर,
 पुरिससत्थ-संचरण-मणहरु हरिणच्छि संकुलु,
 विउल-वावि-कूव-आराम-सरवरु ।
 जहिं सुरघर-गणु गरिम-गुण-रंभिय-रवि-रह-मग्गु ।
 फलिह-सिहर-किरणावलिहिं सहइ हसंतु व सग्गु ॥६६७॥

ते य दो वि हु तत्थ पेच्छंति—

नीसेस-दोसागयह रायसुयह बहु-रिद्धि-डंबर ।
 आवास पइ पवर-पवण-विहुय-धय-चुंबियंबर ॥६६८॥

तग्गुणकित्तणु तहिं सुणिहि बंदियणिहिं किज्जंतु ।

तह पडिरव-पूरिय-भुवणु तूर-निवहु वज्जंतु ॥६६९॥

इंत-जंतेण रायलोएण केणावि वर-हय-गय(ए?)ण केणावि मत्त-मयगल-निविट्ठेण, केणावि संदण-बिट्ठेण केण वि सुह-सुहासण-बइट्ठेण अग्गइ आसि जि रायपह सुह-संचर-वित्थिन्न ते तहिं समइ समग्ग हुय दुरसंचर-संकिन्नउ । तह वि वज्जिय-अवर-वावार कोऊहल-हरिय-मण रमणि-चंद्र-आबद्ध-मंडललावन्न-संपुन्न-तणु दिप्पमाण-मणि-कणय-कुंडल, काओ वि अट्टालय-चडिय, काओ वि हट्ट-पवन्न, काओ वि भवण-गववख-गय, काओ वि मंच-निसन्न,

इय जा बहुप्पयारं जण-वावारं पुरम्मि पेच्छंता ।

वच्चंति ता सयंवर-मंडवमह ते पलोयंति ॥६७०॥

जो रयण-विणिम्मिय-तारिआहिं पसरंत-कंति-निवहाहिं ।

तारय-नियरं दिवसे वि दंसयंतो व्व पडिहाइ ॥६७१॥

मणि-सालभंजियाहिं कंचणमय-खंभ-सज्जिविहाहिं ।

कोउगवसागयाहिं जो छज्जइ अच्छराहिं व ॥६७२॥

मुत्तावचूल-कलिओ जो रेहइ सेअ-चमर-मालाहिं ।

निवडिर-धारा-निवहो बलाय-पंतीहिं मेहो व्व ॥६७३॥

तत्थ य महा-विछट्ठेण पविसंतेसु रायकुमरेसु कुमारो बहुरूविणीए विज्जाए वामणग-रुवधारी तेण बंदिणा समं पविट्ठो । वामणग-रुवधारिणो वि दट्ठूण अउव्वं सोहा-समुदयं तस्स लोएहिं दिन्नो मग्गो रंग-मज्झे । दिट्ठो इमो पुरिसोत्तम-राएण । तओ मणहर-दंसणो को वि एसो ति संजाय-संभमेण रत्ता दाविआसणे उवविट्ठो कुमार, पिट्ठओ अ बंदी । दिट्ठो कुमारो पडिवण्ण-सरीरो व्व रइवल्लहो सोहग्गमंजरीए । चितियं च—अजुत्तं मए ववसिअं, जं पइन्ना कया

वीणा-विणोअ-विन्नाण-वज्जिओ वि हु इमो पुरिस-रयणं ।

परिणेतव्वो सोहग्ग-गुण-निही निच्छएण मए ॥६७४॥

तं चेव नियइ तं चेव चितए पत्थए य तं चेव ।

जाया खणमेत्तेणं सा कुमरी तम्मया तइया ॥६७५॥

तओ जहारिह-कय-संमाणेसु निसज्जेसु रायतणएसु मिलिए

कोऊहलेण सयल-लोए उवरिहिएसु सुर-सिद्ध-विज्जाहरेसु उट्ठिऊण
एणेण विअद्ध-कंचुइणा महया सदेण भणियं—

भो भो नरिद्ध-तणया ! एआए एत्थ रायधूयाए ।
सुगुणाणुरागिणीए कया पइण्णा इमा पुव्वं ॥६७६॥ जहा—
सव्व-कलाणं पवरा वि लोभणिज्जा य सव्व-जीवाणं ।
विक्खाय-गुणा लोए एणा वीणा-विणोअ-कला ॥६७७॥
जो एआइ कलाए अहिओ मे को वि इह कुमाराणं ।
सो चेव मज्झा दइओ होउ न अत्थिइत्थ संदेहो ॥६७८॥
ता पयडेह नियं खलु विन्नाणं एत्थ जरस्स जावंतं ।
पावेह जेण एयं विजय-पडायं व कामस्स ॥६७९॥

एणेण अईव-कला-गव्विएण मग्गिया वीणा । अप्पिया य
सोहग्गमंजरीए । आसारिया अणेण । धरिओ पच्चासङ्गे मत्त-मयगलो ।
तओ मणहर-सरेण वाईऊण वीणं सोविओ मयगलो । जाओ
साहुवाओ । पुणो वि चित्तियं सोहग्गमंजरीए 'हद्धी न याणीयइ किं पि
भविस्सइ ? एए वि रायतणया अईव-कला-कुसला दीसंति । ता जइ
अभग्ग-पइन्ना पावेमि हिअ-इच्छियं दईयं ता सोहणं हवेज्ज' ति ।
एत्थंतरम्मि गहिया अन्नेण वीणा, धराविओ पच्चासङ्गे विरहो नाम तरु ।
तओ वाईऊण वीणं फुल्लाविओ विरहओ । अन्नेण गहिया वीणा ।
वाईऊण मणहरं दूर-देसहिओ वि आगरिसिओ हरिण-जुवाणओ । तओ
गहिया अन्नेण, दिन्नो गयवरस्स इह-कवलो । वाईऊण वीणं मोयाविओ
सो अद्धभुत्तं कवलं । ^{१०२}एवमाइ अन्नाणि वि अणेगप्पयाराइं दंसियाइं
अन्नेहिं वि कुमारेहिं कोऊहलाइं । जाओ सव्वेसिं पि साहुवाओ । तओ
गहिया सोहग्गमंजरीए वीणा । वाईआ अणाए जाव परसुत्तो तवखणा
गयवरो, वमिओ चिरकाल-भुत्तो कवलो, दूराओ चलण-मूले पत्तो मुद्ध-
कुरंगओ ^{१०३}, आमूलाओ वि फुल्लिओ विरहओ । किं बहुणा ?

तह कहवि तीए वीणा तइया कुमरीए वाईआ तत्थ ।
समं चिय जायाइं कुमार-कय-कोउगाइं जहा ॥६८०॥
एयं पुण अब्भहियं जाओ सव्वो वि रंगजण-नियरो ।
जं वज्जिय-वावारो चित्तालिहिओ व्व खणमेक्कं ॥६८१॥

तो विम्हिया कुमारा लज्जीणय-वयण-पंकया सव्वे ।
जाया मुक्कतयासा चिंतिउमेवं समारद्धा ॥६८२॥
अत्थि इमा रइरूवा निरुवम-सोवखाण कारणं जइ वि ।
जरहर-तक्खय-चूडामणि व्व दुलहा तह वि नूणं ॥६८३॥
राया वि विसन्नमणो चिंतइ एवं कए वि जइ कह वि ।
लहइ न निव्वुइमेसा धूया ता देव्व ! किं कुणिमो ? ॥६८४॥
अह पेम्म-परवसाए सविलास-वलंत-तार-नयणाए ।
कुमरीए मणेण समं कुमरस्स समप्पिया वीणा ॥६८५॥
महुर-सरा गुण-पवरा कर-गेज्जा तुंबयत्थणी वीणा ।
कंठ-विणिवेस-जोग्गा गहिया कुमरि व्व कुमरेण ॥६८६॥

भणियं अणेण— 'सुंदरं रायसुयाए विन्नाणं, किंतु वीणा न सुंदर'
ति । रत्ना भणियं— कहं चिय ? कुमरेण भणियं— जओ न सुद्धो
सरो । रत्ना भणियं— केरिसो सुद्धो होइ ? कुमरेण भणियं— दढं
सुइ-सुहंकरो । रत्ना भणियं— एसो वि एरिसो चेव । कुमरेण भणियं—
अओ वि सुंदरो होइ । रत्ना भणियं— को पुण इह पच्चओ ? कुमरेण
भणियं— वीणाए चेव सोहियाए उवलब्भइ । रत्ना भणियं— को एईए
दोसो ? कुमरेण भणियं— दंडो मज्झ-पविट्ठ-कक्करग-संबंधेण
सकलंको, तंती वि गब्भिणी वुड्ड-वालेण । निरुवावियं रत्ना । जाव तहेव
संजायं, विम्हिओ राया । संठविऊण आसारिया कुमरेण वीणा । एत्थंतरे
भणिया बीअ-हिअयभूयाए भद्दाभिहाणाए पिय-सहीए सोहग्गमंजरी
जहा— पियसहि ! यासारो(?) चेव अउव्वो, उवलविज्जमाण-पयड-
भेयं सर-मंडलं, विचित्तो गाम-राग-प्पवेसो, हिअयहारिणो
मुच्छणुब्भेआ । ता सव्वहा अहिओ एस एयाए कलाए तिहुयणस्स वि
भविस्सइ ति लक्खीयइ । कओ य तए पइन्ना-विसेसो । कुसंठाणो एस
वामणगो । ता किमित्थ कायव्वं ? । सोहग्गमंजरीए भणियं—
असंबद्धपलाविणि ! न एस वामणगो किंतु तुमं^{१०५}तिमिरंतरिय-नयणा एवं
पेच्छसि, ता पडिक्खसु खणं, सुणसु ताव एयं सवणामयं ति ।

एत्थंतरम्मि लोओ निच्चल-नयणो विमुक्क-वावारो ।
वीणा-मणहर-झंकार-मोहिओ सुविउमादत्तो^{१०६} ॥६८७॥

तओ तं सव्वं पि वीणा-रव-मोहियं सुन्न-मणं रंग-जणं
 निरुविउण बहुरुविणीए विज्जाए कयाइं कुमरेण^{१०६} बहूणि रूवाणि, तेहिं
 वि भमिउण रंग-मज्झे गहियाओ सोहग्गमंजरीए करंगुलीहिंतो पंच वि
 मुद्धियाओ, ^{१०७}पुरिसोत्तम-पत्थिव-हत्थाओ कणय-कडगो, अज्जेसिं पि
 रायतणयाईण संतियं गहिअं असेसं पि कुंडलाईयं^{१०८} आभरणं । न
 लक्खियं केणावि । कओ रंग-मज्झे आभरण-पुंजो ।

तओ खणंतरं वाईउण ठिओ कुमारो । विउद्धो रंग-लोओ । दिट्ठो
 आभरण-रासी । विम्हिओ सव्वो वि जणो । उल्लसिओ साहुवाओ—
 अहो ! अच्छेरयं ति भणंतेहिं गयणट्टिएहिं सुर-सिद्ध-विज्जाहरेहिं मुक्खा
 कुसुमंजली उवरि कुमरस्स । केवलं वामणयरूवत्तणेण विसब्भो सव्वो वि
 रंग-जणो, भणितं पवत्तो जहा— जइ एयरस्स कला- कोसल्लाणुरूवं
 रूवं भवेज्ज ता को अग्घं करेज्ज ति । इमं च सुणंती विसण्णा
 सोहग्गमंजरी । चिंतेइ जहा— मए नायं 'एसा चेव सही मह भाव-
 वियाणणत्थं एयं वामणगरूवं वाहरइ । जाव न केवलं, एस सव्वो वि
 रंगजणो वामणगरूवं एयं साहेइ । अहं पुण अमरकुमारोवम-रूवं
 पेच्छामि । ता किमेयमिंदयालं^{१०९} ?' ति सोयवस-पमिलाण-वयण-
 कमलमालोइउण रायकल्लं कयं साहावियं रूवं कुमरेण, दिट्ठं सव्वेण वि
 रंगमंडव-जणेण, भणियं च— अहो ! कुमारस्स कला-कोसल्लं, अहो !
 रूव-संपया, अहो ! सोहग्गं, अहो ! सव्व-गुणाणं पि पगरिसो ति । इमं
 च सव्व-रंगजणुल्लावमायन्नित्थं तुट्ठा सोहग्गमंजरी । तओ वियसिय-
 मुहकमलाए सविलासमुट्ठिउण ईसि ^{११०}सज्झसवस-वेविरंगीए गहिउण
 कोमल-कर-पल्लवेहिं परिमल-मिलंत-मुहलालि-जाला वरमाला
 पक्खिता पुरिससीह-कंठे । जयजयावियं मागहेहि । कुमर-मागहेण वि
 पढियं—

विजयसेण-वसुहाहिव-नंदणु,

सयल-भुवण-जण-नयणाणंदणु ।

पुरिससीहु महि-मंडल-मंडणु ,

जयइ कुमरु रिउ-राय-विहंडणु ॥६८८॥

'अहो ! सुचरियं' ति उग्घोसियं सयल-लोएण । महर-गंभीर-सर-
 तूर-समकालं पणच्चियं पणंगणाहिं, पारद्धो अविहव-विलयाहिं धवल-

सदो, कीरंति कोउगाइं, आगच्छंति वद्धावया, पविसंति अक्खवत्ताइं,
आयरिज्जंति लोयाण उचिओवयारा, सम्माणिज्जंति सम्माणणिज्जा,
दिज्जंति महादाणाइं, पयहो नयरम्मि ^{११}महूसवो, कयाओ हट्ट-सोहाओ,
पइधरं बद्धाइं तोरणाइं, सोहणे ^{१२}मुहुते सोहग्गमंजरीए पाणिं गाहिओ
कुमारो । सम्माणिऊण विसज्जिया सन्वे वि सेसा नरिद-तणया ।
पुरिससीह-कुमारो उण गंधसिंधुर-कंधराधिरूढो सन्निहिअ-करेणु-
आरूढाए सोहग्गमंजरीए समं सम्माणिज्जंतो नयर-लोएणं, नच्चंतेणं
विलासिणी-सत्थेणं, वाइज्जंतेणं मंगल-तूरेणं, पढंतेण बंदि-विदेण, पए
पए किज्जंत-मंगलोवयारो पत्तो रायभवणं । तओ महाराय(राएण)
समप्पियं पवर-पासायं । तम्मि सम्माणिज्जंतो य राइणा नाणाविह-
विणोएहिं कीलंतो कालं गमेइ ।

इओ य सो मागहो कुमार-कय-संमाणो पत्तो संखपुरं । तत्थ य
तेण कुमार-जणणि-जणयाणं नायरगाणं च कुमार-विरह-जलण-
जाला-पलित्ताइं वीणा-विणोअ-गुणावज्जिअ-पुरिसोत्तम-रायसुया-
परिणयण-वुत्तंताऽमयरसेण निव्वावियाइं हिययाइं । विजयसेणेणावि
कुमार-दंसणूसुय-मणेण सिक्खविऊण पेसिया पहाण-पुरिसा, पत्ता
पोयणपुरं, दहूण कुमारं पणया चलणेसु । तेणावि गाढमालिंणिऊण
सुहासणत्था पुच्छिया जणयाण कुसल-वुत्तंतं ।

तेहिं वि सगग्गयक्खरमंसु-जलोहलिय-लोयणजुएहिं ।

भणियं कुमार ! विरहम्मि तुज्झ जणयाण किं कुसलं ? ॥६८९॥

जम्हा कुणमाणा वि हु जणोवरोहेण रज्ज-कज्जाइं ।

चिंताइं अणिमिसच्छो देवो देवो व्व पडिहाइ ॥६९०॥

देवीए रुयंतीए उरत्थले थूल-बाह-बिंदूहिं ।

निवडंतएहिं निच्चं विहिओ हारावलि-विलासो ॥६९१॥

किं बहुणा ? तुह विरहे नयर-जणो सोय-गलिर-नयण-जलो ।

धाराहर-धीउल्लिय-तुल्लो जाओ असेसो वि ॥६९२॥

संदिहं च तेहिं —

आराहणेणं बहु-देवयाणं,

लद्धो तुमं भूरि-मणोरहेहिं ।

अम्हेहिं रोरेहिं निहि व्व पुळ्वं,
न दीससे दिव्ववसेण इण्हिं ॥६९३॥

कुमर ! तुह विओए सोय-वज्जप्पहार-
प्पडिहय-हिअयाणं जं दुहं जायमम्हं ।
तणुअ-तणुअ-मंतेणेव तेणग्गलेणं,
अहरगइ-गएणं दुक्खिया नारया वि ॥६९४॥

तुह विरह-मुग्गर-हयं हिअयं अम्हाण एतियं कालं ।
फुट्टं जं न तुह च्चिय गुणेहिं बद्धं ति तं नूणं ॥६९५॥
ता वच्छ ! दयं काउं एज्ज दुअं, जंपिएण किं बहुणा ? ।
जीवंता पेच्छामो जेणऽज्ज वि तुज्झ मुह-कमलं ॥६९६॥
तो पुरिससीह-कुमरो गुरु-नेह-समुल्लसंत-अणुतावो ।
बाहजल-भरिय-नयणो चित्तिउमेवं समादत्तो ॥६९७॥
गुण-दोस-वियार-वियक्खणेण जइ गुरुजणेण तइया हं ।
सिक्खविओ ता किं एतिएण जाओ म्हि अन्नमणो ॥६९८॥
यतः—

धन्यस्योपरि निपतत्यहित-समाचरण-धर्म-निर्वापी ।
गुरु-वद्वन-मलय-निसृतो वचन-रसश्चन्दन-स्पर्शः ॥६९९॥
गुरुवयण-अंकुसो नत्थि वारओ जाण वारणाणं व ।
उम्मग्गगामिणो ते कुळ्वंति अणत्थ-वित्थारं ॥७००॥
पेच्छंति सुणंति य सुद्ध-वण्ण-रयणुज्जलाइं वयणाइं ।
जणणि-जणयाण निच्चं धन्न च्चिय रयणि-विरमम्मि ॥७०१॥
इय चित्तिउण कुमरेण जंपियं जं पियं पिउजणस्स ।
तं कायव्वमवरसं मए किमब्बेण बहुएण ? ॥७०२॥
इय भणिउं सह तेहिं वि पत्तो पुरिसुत्तमस्स नरवइणो ।
अत्थाण-मंडवे जाव अप्पणो मोयण-निमित्तं ॥७०३॥
रायाणं विन्नवइ ता पुरिसोत्तम-निवो पणमिउण ।
पडिहारेण उरत्थल-फुरंत-हारेण विन्नत्तो ॥७०४॥

देव ! देवदंसणूसुआ दुवारे दुवे तावस-कुमारया चिह्णंति । रत्ना

भणियं— सिग्घं पवेसेहि । 'आएसो' ति भणंतेण पवेसिया तेण । उचिय-पडिवत्ति-पुव्वं निवेसिया आसणेसु । पुट्ठा य रत्ना— 'अवि सपरिवारस्स कुसलं कुलवइणो ? निव्विग्घं निव्वहइ तवोकम्मं ? तावसकुमार-कर-कय-सलिल-सेय-निच्च-सदला निरुवदवा आस-मदुमा ? वुट्ठ-तावस-समप्पियनीवारा अनिवारा भमंति मण-पमोअया तवोवण-हरिण-पोयया ? । केण वा कज्जेण निय-पय-पंकएहिं पवित्तियं ठाणमेयं ?' ति । तेहिं भणियं— 'चउरासम-गुरुणो महारायस्स पभावेण सव्वत्थ कुसलं, केवलं—

कत्तो वि आसमपए संपत्तो अत्थि करिवरो एगो ।

जो वित्थिन्न-समुन्नय-कुंभत्थल-तुलिय-गिरिसिहरो ॥७०५॥

सव्वंग-लक्खणधरो दीहकरो दसण-दलिय-दुमविसरो ।

दुव्वार-गइप्पसरो मयगंध-भमंत-भमरभरो ॥७०६॥

सो य महाराय-जोग्गं हत्थि-रयणं । अन्नं च— किं चि आसमदुमाणं विद्वं करेइ ति पेसिया अम्हे कुलवइणा । रत्ना भणियं - 'महंतो अणुग्गहो कओ अम्हं' । ति सम्माणित्तुण ते विसज्जिया । पत्थिओ य हत्थि-गहणत्थं पत्थिवो । एत्थंतरे विन्नत्तो पुरिससीह-कुमारेण— 'देह मह आएसं, जेणाहमेव गहिउण समप्पेमि तं महारायस्स' । दिट्ठो रत्ना आएसो । नियत्तो सयं राया । चलिओ तुरंगमाखुदओ कइवय-पहाणजण-परिवारो कुमारो । पत्तो तमुदेसं । दिट्ठो अणेण महिवलय-गयगंध-रायगंध-महमहंतो सग्गाओ समागओ सुरगओ व्व गयवरो । मोत्तूण तुरंगं अग्गओ होउण हक्किओ सो कुमारेण, धाविओ तयभिमुहं । संविल्लित्तुण पुरओ पविस्सित्तमुत्तरिज्जं अणेण, परिणओ तत्थ हत्थी । कुमारो वि दंत-मुसलेसु दाउण चलणे चडिओ हत्थि-खंधे, बद्धमासणं अणेण, अप्फालिओ कुंभत्थले करी करयलेण । एत्थंतरे परियणस्स पेच्छंतरस्स चेव उप्पईओ हरगल-गवल-सामले गयणंगणे, गओ य अगोयरं नयणाणं, पत्तो खणेण वेयइ-पव्वयं । ठिओ तत्थ तरुण-तरुसंड-मंडिउज्जाण-मज्झाभागे, सो य कुंजरख्वं मोत्तूण जाओ फुरंत-मणिकुंडलो विज्जाहरो ।

नमिउण तेण भणियं कुमार ! कंकेल्लि-तरुतले एत्थ ।

वीसमसु खणं एक्कं जाव अहं रयणपुर-पहुणो ॥७०७॥

रयणप्पह-विज्जाहर-रायस्स कहेमि तुज्झ आगमणं ।
 इय जंपिऊण पत्तो खयरो अह चिंतए कुमरो ॥७०८॥
 हरिओ म्हि किमिमिणा खेयरेण ? किं वा इमीए चिंताए ? ।
 दिव्वं चेय पमाणं जणाण सुह-दुवख-संजणणे ॥७०९॥
 पेच्छामि ताव संपइ पगाम-रमणिज्जमेय-उज्जाणं ।
 तो वियरंतो पत्तो तमाल-तरु-मंडवं कुमरो ॥७१०॥
 सोऊण तत्थ इत्थी-संलावं पेच्छए लयंतरिओ ।
 कुसुम-सयणिज्ज-संठियमेक्कं कब्बं सही-सहियं ॥७११॥
 तो चिंतए कुमरो का वि इमा कमल-दल-विसालच्छी ।
 विरह-दसाइ उदग्गं कस्स वि साहेइ सोहग्गं ॥७१२॥ जओ—
 इमीए मुह-पंकयं कय-समत्त-नेत्तूसवं,
 कलंक-परिवज्जिअं पुलइउं ससी लज्जिओ ।
 विसेस-सिरीययं समुवलद्धुकामो धुवं,
 नडाल-नयणानलं तिणयणस्स संसेवए ॥७१३॥
 अह कब्बाए भणियं सहि चूयलए ! गिहं विमोचूण ।
 उज्जाणमागया हं महु-समय-विसेस-सिसिरमिणं ॥७१४॥
 कुसुमाउहेण सुलहेहिं कुसुम-बाणेहिं भिज्जमाणाए ।
 मह उज्जाणं एयं पि पज्जलंतं व पडिहाइ ॥७१५॥ तहाहि-
 जालाहिं पिव मंजरीहिं हिययं दूमंति चूयहुमा,
 इंगाल व्व न दिंति लोयण-सुहं कंकिल्लिणो पल्लवा ।
 संतावंति तणुं पलास-कुसुमुक्केरा फुलिंग व्व मे,
 भिंगालीउ वि संहरंति हरिसं धूमावलीओ विव ॥७१६॥
 कयं कयलि-वीयणं, कुसुम-सत्थरो सज्जिओ,
 विणिम्मियमुरुत्थले, बहल-चंदणालेवणं ।
 भुयासु वलयावली विरइया मुणाली तए,
 तहा वि न नियत्तए सहि ! सरीर-दाहो महं ॥७१७॥ किं च,
 पंचसरो वि हु मयणो सर-लक्खं मज्झ हियय-लक्खम्मि ।
 जं मिल्लइ तेण मए लक्खिज्जइ एस लक्खसरो ॥७१८॥

सुहयस्स दंसणं तरस्स दुल्लहं मज्झ मंदभग्गाए ।
 ता इण्हिं मङ्गे हं मरणं चिय अप्पणो सरणं ॥७१९॥
 सोऊण इमं कुमरो चित्तइ तरसेव जीवियं सहलं ।
 जम्मि अणुरत्त-चित्ता खिज्जइ एवं इमा बाला ॥७२०॥
 कब्बा सहीहिं भणिया 'सहि ! मा उत्तम्म धरसु धीरत्तं ।
 हरिणच्छि ! निच्छियं ते 'होहिंति मणोरहा सहला ॥७२१॥
 पोयणपुरम्मि जम्हा पट्टविओ पुरिससीह-कुमरस्स ।
 आणयणत्थं ताएण अज्ज विज्जुप्पहो खयरो' ॥७२२॥
 अह निय-नामं सोउं फुरंत-हरिसो विचित्तए कुमरो ।
 नूणं इमीए बालाए कारणेणाहमाणीओ ॥७२३॥
 एत्थंतरे उवितं दहुं विज्जाहराण संघायं ।
 कुमरो नियत्तिऊणं पत्तो कंकेल्लि-तरु-मूले ॥७२४॥
 उचिय-पडिवत्ति-पुव्वं पवेसिओ तेहिं रयणउर-नयरे ।
 ठविओ विउलम्मि विमाण-मणहरे रयण-पासाए ॥७२५॥
 भणिओ समए रयणप्पहेण खयराहिवेण सप्पणयं ।
 'सुण रायपुत्त ! अवहार-कारणं अप्पणो एयं ॥७२६॥
 अत्थि चउण्हं पुत्ताणमुवरि मे रयणमंजरी धूया ।
 अहिगय-कलाकलावा संपत्ता जोव्वणं सा वि ॥७२७॥
 मह पणमणत्थमत्थाण-मंडवे जणणि-पेसिया पत्ता ।
 तीए रुवाइसयं दहुं भणियं मए एवं ॥७२८॥
 सो नत्थि नरो मङ्गे इमीइ रुवेण जो वरो जुग्गो ।
 तत्तो विज्जाहर-मागहेण इक्केण संलत्तं ॥७२९॥
 सिरि-विजयसेण-रायस्स नंदणो रुव-तुलिय-कंदप्पो ।
 नीसेस-कला-निलओ नामेणं पुरिससीहो ति ॥७३०॥
 पोयणपुरम्मि चिट्ठइ संपइ पुरिसोत्तमस्स पासम्मि ।
 सो रयणमंजरीए देव ! इमीए वरो उचिओ ॥७३१॥
 इय सोऊणं तीए तहाणुराओ तुम्मि संजाओ ।
 जह विज्जाहर-कुमराण सहइ नामं पि कह वि न सा ॥७३२॥

कत्थ वि रइमलहंती अपत्त-निदा-सुहा निसासुं पि ।
 करयल-कलिय-कवोला चिह्नइ तुह संकहक्खित्ता ॥७३३॥
 एयं नाउण मए कुमार ! आणाविओ तुमं एत्थ ।
 ता रयणमंजरिं परिणिउण मह कुणसु परिओसं ॥७३४॥
 कुमरो जंपइ 'जं आणवेसि सज्जो म्हि तत्थ किं बहुणा ? ।
 न कुलीण-जणो जाणइ गुरुण पडिकूलमायरितं' ॥७३५॥
 ता रयणमंजरीए पाणिग्गहणं कराविओ कुमरो ।
 गुरु-रिद्धि-पबंधेण रयणप्पह-खेयरिदेण ॥७३६॥
 तह संजाया दोणह वि परोप्परं ताण निब्भरा पीई ।
 ताणि जह विरह-दुक्खं न खमंति निमेसमेत्तं पि ॥७३७॥
 अह रयणमंजरीए समं कुमारो मणोरमुज्जाणं ।
 संपत्तो तत्थ वि तस्स निब्भरं कीलमाणस्स ॥७३८॥
 केणावि खेयरेणं अवहरिया रयणमंजरी भज्जा ।
 तव्विरहम्मि कुमारो विलविउमेवं समाढत्तो ॥७३९॥
 'हा चंद-चारु-वयणे ! वयणं दंसेसु अत्तणो हसिरं ।
 हा देवि ! दीह-नयणे ! सिणिद्ध-नयणेहिं मं नियसु ॥७४०॥
 हा अमय-महुर-वयणे ! पडिवयणं देसु मज्झा दीणस्स ।
 हा कुंद-धवल-दसणे ! धवलसु मं दसण-जुणहाहिं ॥७४१॥
 हा सरल-मिउ-भुयलए ! परिरंभसु भुय-लयाहिं मज्झा ति ।
 हा कत्थ गयासि तुमं मुद्धे ? मुद्धं जणं मोत्तुं ॥७४२॥
 इय विलवंतो कुमरो संठविओ ससुर-पमुह-खेयरेहिं ।
 पट्टवइ खेयरे तीइ सुद्धि-कज्जेण सव्वत्थ ॥७४३॥
 अन्न-दियहम्मि तेसिं मज्झाओ खेयरो सुवेगो ति ।
 वेगेणाऽऽगंतूणं इमं कुमारस्स विन्नवइ ॥७४४॥
 तुम्ह निओगेणाहं उत्तर-सेदीए^{१४} खयर-नयरेसु ।
 देविं गवेसमाणो संपत्तो सूरपुर-नयरं ॥७४५॥

दिट्ठं च तं सव्वमेव उव्विग्ग-जणं सव्वाययण-संपाइय-पूओवयारं
 दिसि दिसि खिप्पंत-बलि-सगड-सहरस्स-संकुलं, चच्चर-समारद्ध-

संतिकम्मं । पुच्छिओ मए एगो विज्जाहरो— भद ! किमेयं ? तेण वुत्तं सखेयं— पहुणो दुब्बय-पायवरस कुसुमुग्गमो ति । मए भणियं— कहं चिय ? तेण भणियं— सुण, अत्थि इत्थ वज्जवेगो विज्जाहर-राओ । तेण मयण-वसवत्तिणा करस वि सप्पुरिसरस पिययमा अवहरिऊण इहाणीया । भणिओ इमो नयरदेवयाए 'भो भो ! अजुत्तं तुह एयं संपत्त-विज्जाहरनरिद-सदरस काउरिस-चरियं ।' तहा वि जाव न मिल्लए^{११} तयणुरागं ताव संजाओ भूमि-कंपो, निवडियाओ उक्काओ, समुब्भूओ निग्घाओ । तओ संजायासंकेहिं पारद्धं नायरएहिं संतिकम्मं । मए भणियं— कहिं पुण सा चिद्धइ ? तेण भणियं— नरिद-मंदिरज्जाणे तिलय-तरुणो तले । तओ मए गंतूण गयणयल-गएण दिहा सखेया खेयरी-वंद्ध-मज्झ-गया देवी रयणमंजरी, भणिया य— 'देवि ! नाया तुमं । न तए खिज्जियव्वं । देवीए वज्जरियं— अज्जउत्त-^{१२} घरणी-सद्धमुव्वहंतीए को मह खेओ ? । तओ तं पणमिऊण समागओ हं । विज्जाय-वुत्तंता मिलिया विज्जाहर-नरिंदा । कुमारेण भणियं— 'सामपुव्वगमेव जायणत्थं तरस पेसेह कं पि दूयं' । मेहघोसेण भणियं— 'स-भज्जाणयणे वि दूय-पेसणं अउव्वो सामप्पओगो !' । संगामरीहेण वुत्तं— 'तरस वि दूय-पेसणं महंतो मे अणक्खो ।' घणघोसेण भासियं— 'न संपन्नमभिलसियं' । सुघोसेण जंपियं— 'देवो जाणइ' ति । विहसियं सीहरहेण, उताडियं मणिप्पहेण^{१३}, पयंपियं घणरहेण, नीससियं सूरतेण, न चलियं अनिलवेगेण । तओ ^{१४}सुहडत्तणेण वरिक्करसाणं असंमओ वि खेयरणं । एसा ठिइ ति पडिबोहिऊण ते पेसिओ सिक्खिविऊण विज्जुप्पभो दूओ । गओ सूरपुरं, पतो वज्जवेग-विज्जाहर-राय-समीवं । भणिओऽणेण सो जहा-आणत्तं पुरिससीह-कुमारेण—

जे हुंति उत्तम-नरा उत्तम-मग्गेण ते पयट्ठंति ।

न हि कइया वि समुद्दा निय-मज्जायं विलंघंति ॥७४६॥

जेण भुवणे अकिंती पसरइ लहुयत्तणं लहइ अप्पा ।

हिम-हय-कमलाइं पिव सुयण-मुहाइं मिलायंति ॥७४७॥

जेण पणस्सइ बुद्धी उवहासो तह वियंभए लोए ।

लहिऊण य अवगासं सत्तुणो होइ तुहमणो ॥७४८॥

तमुभय-लोय-विरुद्धं सप्पुरिसा आयंरंति न कयावि ।

परभज्जा-हरणं पुण विरुद्धमिणमुज्झा मा मुज्झा ॥७४९॥

ता झति समप्पसु रयणमंजरि पुरिससीह-कुमरस्स ।

तुह अब्बहा भविस्सइ सदेहो जीवियव्वे वि ॥७५०॥

एवं विज्जुप्पहेण भणिए ^{११७}गुरुय-रोसावेग-विगय-हियाहिय-
वियारो वज्जवेगो वुत्तुं पवत्तो— 'कहं धरणिगोयरो भविय मज्झा आणं
पेसेइ ?, ता न पेसेमि रयममंजरि । साहेसु जरस्स साहियव्वं' ति ।

^{११८}निव्वूढो विज्जुप्पहो समागओ पुरिससीह-समीवे ।

पणमिउण विन्नत्तोऽणेण पुव्वुत्त-वुत्तंतो ॥७५१॥

एयं सोऊण खुहिया खेयर-भडा वियंभमाणाऽमरिसवसेण ।
हुंकारियं मेहघोसेण, रण-रहसुच्छाह-समुच्छलिय-पुलएण अप्फालिओ
भुओ संगामसीहेण, रोस-रज्जंत-नयणेण खग्गम्मि निवाडिया दिट्ठी
सुघोसेण, रिउप्पहार-विसममुब्भामियं वच्छत्थलं घणघोसेण, कोवानल-
जलिणं पि अंधारियं मुहं सीहरहेणं, उव्विल्लिउद्ध-भुयजुयं वियंभियं
मणिप्पहेण, पयंपिय-पुव्वयं समाहयं धरणितलं घणरहेण, आसन्न-समर-
परिओस-फुट्टवणमुहेण ऊरससियं सूरतेएण, भरिय-नीसेस-गिरिगुहा-
कंदरं हसियं अनिलवेगेण ।

तओ भणियं पुरिससीह-कुमारेण— आसन्न-विणिवाओ, पणट्ट-
बुद्धिविहवो य सो तवरसी, तो अलं तम्मि संरंभेण । चिट्ठह तुब्भे, अहं
पुण खग्गदुइओ इओ गंतूण दंसेमि से भूमिगोयर-परक्कमं । विज्जाहरेहिं
भणियं— कुमार ! असमत्थो सो तुम्ह भिच्चस्स वि परक्कमं पेक्खित्तं, किं
पुण तुम्हाणं ? ति । एत्थंतरे मिलियं विज्जाहर-बलं, उवणीयं विमाणं,
आरूढो तम्मि कुमारो, समाहयं मंगलतूरं, अणुकूल-पवण-पणच्चमाण-
धवल-धयवडं चलियं विज्जाहर-बलं, समुच्छलिओ जयजया-रवो,
निवाडिया कुरुम-वुट्ठी, समुब्भूओ आणंदो ।

एवं च वच्चंतं पत्तं सूरपुरासन्नं सयलं पि सेन्नं । मुणियं वज्जवेगेण ।
अवब्बाए पेसिओ अणेण वीरसेणो सेणावइ, समागओ महया विज्जाहर-
बलेण । आगयं पवर-बलं ति कुमारसेन्ने उच्छलिओ कलयलो । आहया
समर-भेरी, पवत्ता सन्नहिउं विज्जाहरा, गहियं कुमारेण खग्ग-रयणं ।
एत्थंतरे समागओ दूओ, भणियं च तेण— 'भो भो विज्जाहरा !

वज्जवेग-सामिणो सेणावइणा वीरसेणेण पेसिओ हं, आणत्तं च तेण जहा भूमिगोयरं पुरओ काउण तुम्ह अप्पडिहयप्पयावेण देवेण वज्जवेगेण सह समरसद्धा, पयट्ठा य तुब्भे देव-रायहाणिं, ता किं इमिणा किलेसेण ?, सज्जा होह । समाणेमि अहं देवस्स एग-भिक्ष्यो तुम्ह विग्गहं' ति । एयं च सोउण 'वज्जवेगो नागओ' ति विमुक्कं कुमारेण खग्ग-रयणं, सेणावइ आगओ ति मउलियं विज्जाहर-बलं, 'अहं पि इह सेणावइ' ति उट्ठिओ सीहरहो, धाविओ वीरसेणाभिमुहं, पवत्तमाओहणं । मेहजालेण विअ च्छब्बमंबरं सर-नियरेण, निग्घाया विअ परोप्परं पडंति खग्ग-प्पहारा । मिलिया सेणावइणो, लग्गं गया-जुज्झं, अवरोप्पर-कयप्पहारा रुहिरमुग्गिरंता पडिया दो वि धरणिवट्ठे, मुणिय-वुत्तंतेण वज्जवेगेण दवाविया समर-भेरी । आणत्तं च— रएह गरुड-वूहं । तओ सन्नहिउं पवत्तं वज्जवेग-बलं । कहं ?—

दोइज्जंति भडाणं सन्नाहा जच्च-कणय-रयणमया ।

दिप्पंतोसहि-वलया, समंतओ सेलकूड व्व ॥७५२॥

भड-रुहिर-लालसाओ जम-जीहाओ व्व खग्ग-लट्ठीओ ।

दुज्जण-वाणीओ विव भल्लीओ भेय-जणणीओ ॥७५३॥

वेसाओ व धणुहीओ गुण-बद्धाओ वि पयइकुडिलाओ ।

पर-मम्म-घट्टणपरा पिसुण-पबंध व्व नाराया ॥७५४॥

तत्थ—

एवमुवणेज्जमाणे रणोवगरणम्मि केणइ भडेण ।

सन्नाहो न कओ च्चिय दइया-थण-फरिस-लुद्धेण ॥७५५॥

केणावि समरसद्धा-निबद्ध-गाढग्गहेण अवगणिया ।

थोरंसुय-सित्त-थणी निय-दईया रोयमाणी वि ॥७५६॥

अन्नेण सिढिल-वलया वियलिय-कंधी गलंत-बाहजला ।

एसोऽहमागओ इति एवमासासिया दइया ॥७५७॥

अन्नस्स अप्पियं पीयमाणमवि पाणवट्ठयं भरियं ।

घोरंसुएहिं उवरिद्विया इहइ आइसुदुयरं ॥७५८॥

मुच्छाए चेव अन्नस्स दंसिओ पिययमाए अणुराओ ।

दइयाइ कयं मंगलमवरस्स विलक्ख-हसिएण ॥७५९॥

इय विविह-वियार-पिआ-पयडिय-पणएहिं खेयर-भडेहिं ।
सहिओ विणिग्गओ वज्जवेग-विज्जाहर-नरिंदो ॥७६०॥

कुमार-सेन्ने वि ताडिया कुविय-कयंत-हुंकार-सन्निभा वज्जप्पहार-
फुटंत-गिरि-सद-भीसणा संगाम-भेरी, रण-रहसुब्भडाणं विज्जाहर-
भडाणं उच्छलिओ कलयल-रवो । दिज्जंत-विलेवणं, विअरिज्जंत-
कुसुममालं, पिज्जंत-पवरासवं, सम्माणिज्जंत-सुहडं, वज्जिज्जंत-
पडिवक्खं, उब्भिज्जंत-भडचिंधं, पलंबिज्जंत-चामरं, रइज्जंत-वूहं,
मंडिज्जंत-छतं, संमाणिज्जंत-गमणमंगलं, उग्घोसिज्जंत-जयसदं, सुवंत-
पुन्नाहघोसं, सन्नद्धं कुमार-सेन्नं । निवेसिया चक्कवूह-रयणा । ठिओ
वूहरस अग्गओ घणरहो, वामेण कणयप्पभो, दक्खिणेणं मणिप्पभो,
पच्छिमेण मेहघोसो, मज्झे अनिलवेगो, सयं पि कुमारो विमाणासुढो
रयणप्पहप्पमुह-विज्जाहर-परिणओ ठिओ गयण-मज्झे । आसन्नीहूयं
वज्जवेग-बलं ।

पुच्छिओ कुमारेण परबल-राईणं नामाईं विज्जुपहो । भणियं च
तेण— देव ! तुंडे ठिओ गरुडवूहरस सुदाढो, वामपासे विज्जुमुहो,
दाहिणपासे मेहमुहो, मज्झे अग्गिमुहो, पिहओ वज्जवेगो । परबल-दंसण-
पहिहं चलयं कुमार-बलं । वज्जंत समर-तूराईं, वग्गंत-विज्जाहराईं,
उग्घोसिज्जंत-पुव्वपुरिस-गोताईं, विमुक्क-सीहनायाईं, कर-कट्टिय-
करवालाईं, चंड-भुयदंड-कुंडलिय-कोयंडारोविय-कंडाईं, उग्गीरिय-
गरुअ-मोग्गराईं, फुरंत-कराल-कुंतवग्ग-हत्थाईं, उप्पाडिय-सेल्ल-
भल्ल-वावल्ल-पट्टिस-मुसंडि-भीसणाईं, अद्धचंद-छिन्न-छत्तचिंधाईं,
कोउगेण खुरुरूप-कप्पिय^{१२१}-विवक्ख-सीस-केसाईं, मिलियाईं दो वि
बलाईं ।

तओ पुरिससीह-कुमारो किरणजाल-उज्झोइय-सयल-दिसिचक्कं
देवया-विइन्नं खग्गरयणं करे काउण परबलरस पुरओ ठिओ । असि-
रयण-पभावेण खयर-भडाणं झाड ति पडियाईं सत्थाईं पायवाणं पवणेण
व पक्क-पत्ताईं । ^{१२२}ता सुर-सिद्धेहिं नहंगणाओ मुक्काओ कुसुम-वुट्ठीओ
तुट्ठेहिं कुमर-उवरिं । जय-जय-सदो य उग्घुट्ठो ।

अवि य—

निवडिय-पहरण-निवहा सव्वे खेयर-भडा गलियदप्पा ।
 सुत्तं पिव मत्तं पिव मयं व मञ्जति^{१३} अप्पाणं ॥७६१॥
^{१३}ता वज्जवेण-खयरो पभावमच्चब्भुयं कुमारस्स ।
 दद्धं कंठ-निवेसिय-परसु य कंबलय-पावरणो ॥७६२॥
 महि-निहिय-सिरो नमिउण अग्गओ रयणमंजरि काउं ।
 विन्नवइ जोडिय-करो कुमार ! मह खमसु अवराहं ॥७६३॥
 गिणहसु निम्मल-गुण-गुंफ-संगयं रयणमंजरि देवि ।
 अमिलाण-सील-परिमल-मणोरमं कुसुम-मालं व ॥७६४॥
 तह पडिवज्जसु रज्जं वच्चांमि तवोवणं अहमियाणि ।
 इय जंपिउण सव्वं तहाकयं वज्जवेणेण ॥७६५॥
 कुमरो वि हु रयणसिहं रयणप्पह-जेट्ठ-नंदणं ठवइ ।
 सयल-जण-सम्मएणं रज्जपए वज्जवेगरस्स ॥७६६॥
 तो रयणमंजरि गिण्हिउण परिओस-पसर-पडिपुञ्जो ।
 रयणपुरं संपत्तो विज्जाहर-नियर-परिअरिओ ॥७६७॥

ठिओ तत्थ कंचि कालं । तओ जणणि-जणय-संदेसयं सुमरंतो
 दिप्पंत-मणिमय-विमाणमाला-संछाइय-नहयलो रयणप्पह-रयणसिह-
 विज्जुप्पह-पमुह-महाविज्जाहर-वंद^{१४}- परिगओ रयणमंजरीए समं पत्तो
 पोयणपुरं । ^{१४}पुरिसोत्तमस्स रत्नो धूयं रयण-कणयाहरण-विहिय-सोहं
 सोहग्गमंजरि पिउ-पेसिय-पहाण-पुरिसे य विमाणमारोविउण पत्तो
 रयणकूड-पव्वयासन्नं पायालभवनं । तयब्भंतरे पट्टविय-विज्जाहर-
 वयण-विज्जाय-वुत्तंताए वणदेवयाए पवर-पाहुड-प्पयाण-पुव्वं
 समप्पियाओ दुवे लीलावइ-कमलावइ-पियाओ । घेतूण चलिओ पत्तो
 विजयपुरं । तत्थ अरिदमण-रायस्स धूयं नाणाविह-रयणाहरण-
 किरणुक्केर-कप्पिय-सक्कचाव-चक्कं रयणावलिं घेतूण पत्तो कंचणपुरं ।
 तत्थ ^{१५}वइरसीह-नरवइणो धूयं कणय-रयणालंकियं कणयावलिं घेतूण
 गओ सीहपुरं । तत्थ सीहविक्कमस्स रत्नो धूयं निरुवम-रुवरेहं मयणलेहं
 घेतूण पत्तो सिरिउरं । तत्थ पुरंदरस्स रत्नो धूयं मणहर-रयण-
 सुवन्नाहरण-चिंचइय-देहं चंदलेहं घेतूण पत्तो संखउरासन्नं ।

गयणंगणाओ किं पबल-पवण-उप्पाडिओ पुणो पडइ ।
 एसो असेस-रयणायराण रयणाण उप्पीलो ॥७६८॥ किं च—
 निरालंबण-गयण-मग्ग-चंकमण-खेय-निव्विज्जं ।
 एयं धरणीवल्लयम्मि सयलमोअरइ गहचक्कं ॥७६९॥
 पुब्बफल-विसय-संदेह-विहुर-हिययाण धम्मिय-जणाणं ।
 पच्चय-निमित्तमेसो किं वा सग्गो सयं एइ ? ॥७७०॥
 एवं वियप्पमालाउलेहिं लोएहिं सच्चविज्जंती ।
 पत्ता विमाण-पंती रयण-वियाणं व पुरमुवरिं ॥७७१॥

तओ विज्जाहरेहिं अग्गओ आगंतूण कुमारागमणेण वद्धाविओ
 विजयसेण-महाराओ । तेणावि परिओसवस-विसप्पंत-हियएण आणत्तो
 नयरे महूसवो ।

तो ठांवि ठांवि निम्मविय मंच, वित्थरिय विविह-रयणप्पवंच ।
 नच्चंत-विलासिणि विजिय-रंभ, कय कयलियलंकिय कणय-खंभ ।
 नीसेस-लोय-नयणाणुकूल, ओलंबिय मणि-मुत्तावचूल ।
 पल्लविय गयण-पटंसुओह, सव्वत्थ पयट्टिय हट्ट-सोह ।
 कुसुमोवहार पइ पइ विमुक्क, घरि घरि विइज्ज मोत्तिय-चउक्क ।
 पहि पहि निबद्ध तोरण-महंत, जणि जणि पिणद्ध आभरण-कंत ।
 पडमंडव विरइय छत्तसूर, गंभीर-घोस वज्जंत तूर ।
 उल्लासिय धय गयणग्ग-लग्ग, कुंकुम-रसि सिंचिय रायमग्ग ।

[घत्ता]

इय हरिस-समुब्भवि कयइ महूसवि पवरि पढंतइ बंदियणि ।
 विप्फारिय-नयणिहिं दिट्ठउ रमणिहिं कुमरु पविट्ठउ निय-भवणि ॥७७२॥

निवडिओ जणणि-जणयाण पय-पंकए । तेहिं परिरंभिओ य
 चुंभिओ मत्थए । अट्ट वहुयाओ पणयाओ । तयणंतरं धरणितल-लुलिअ-
 सिर-हरिस-भर-निब्भरं पिउ-गिराए निसज्जो सुवण्णासणे । दसए
 खयर-पणमंत-मणि-भूसणो, महुर-वयणेहिं जणएहिं संभासिओ सव्व-
 वुत्तंतो कहइ सो हरिसिओ । तं सुणेऊण वियसंत-लोअण-जुआ

जणणि-जणया य संजाय-विम्हय-जुया भणहिं— ता वच्छ ! एयं पि
जुतं कयं दंसियं जं चिराओ वि मुह-पंकयं ।

अम्ह पउराण तह तुज्झ विरहग्गिणा, डज्झमाणेण सव्वंग-संसग्गिणा,
उण्ह-सासेहिं जेसरवरासोसिया, पुणविनयणंसु-सलिलेणतेपोसिया ॥७७४॥

भणइ तो कुमरु जं तुम्ह दूरं गओ, वंचिओ तं अहं चेव निब्भग्गओ ।

चत्तु चिंतामणी जेण गुणगामणी, सो य वंचिज्जे न उण चिंतामणी ॥७७५॥

एवं पणय-निब्भर-परोप्परालावेहिं कंचि कालं ठिया जणय-
तणया । रत्ना विसज्जिओ कुमारो गओ नियावासं । कुमारेणावि
संमाणित्तण विसज्जिया विज्जाहर-नरिंदा, गया सट्ठाणं । कुमारो वि
अट्ठहिं पणइणीहिं समं सुर-कुमारो व्व अच्छराहिं विसयसुहमणुहवइ ।
अन्नया मज्झण्ह-समए मणिमय-गवक्ख-गओ भणिओ भज्जाहिं—
अज्जउत्त ! चिरं कीलियं सारिज्जेण, संपयं कुणसु पण्होत्तर-विणोयं ।
कुमारेण वुत्तं— 'किमजुत्तं ?'

तओ चंदलेहाए पढियं—

तुरयस्स कं पसंसंति ? साहुणो किं तवेण विहुणंति ? ।

किं वंछइ कामियणो ? तिन्नि वि भण एग-वयणेण ॥७७६॥

कुमारेण कहियं— रयं । वेगं, बज्झमाण-कम्मं, निहुवणं च । संपयं
मम सुणसु—

कं चंदो ? कं हत्थी ? किं तुच्छो वहइ ? कं च मरुदेसो ? ।

किं देइ पहू तुट्ठो ? पंच वि भण एग-वयणेण ॥७७७॥

चित्तिउण भणियं चंदलेहाए— मयं । हरिणं, दाणं, अहंकारं, करहं,
वंछियं च ।

[ढे एकालापके ।]

मयणलेहाए पढियं—

कीटशो दंदशूकः स्यात् ? कः संग्रामे भयंकरः ? ।

भर्तुर्वियोगमापन्ना कीटशी दश्यतेऽङ्गना ? ॥७७८॥

कुमारेण कहियं— विषादंती । विषा-विषवान्, दंती-हस्ती, विषादं
कुर्वती च ।

इण्हिं मम सुण—

को धातुः प्राप्त्यर्थो, वदन-पदं कीदृशं वनं ब्रूते ? ।

कं वीक्ष्य तुष्यति शिखी ? वृद्धत्वे स्यान्मुखं कीदृक् ? ॥७७९॥

मयणलेहाए कहियं— नीरदं । नीर्धातुः १, अदं=दकार-रहितं २, नीरदं मेघं ३, विगतदंतं च ४ । [व्यस्तसमस्ते ।]

कणगावलीए पढियं—

किं न विजेतुं शक्यं ? प्राणभृतः कं विना न जीवन्ति ? ।

वव्वन्ति केरिसं वा तवस्सि-वव्वं ? कहसु कुमरु ॥७८०॥

कुमारेण कहियं— खमाहारं । खं-इन्द्रियं, आहारं-भोजनं, खंति-भोयणं च ।

इण्हिं मज्झा सुण—

कीदृग् दृष्टापराधस्य भर्तुर्वक्त्रं प्रियां प्रति ? ।

केरिसं बिति संसारसिंधुं ? कणगावलीए कहियं— ॥७८१॥

अलसदुत्तरं । अस्फुरत्प्रतिवचनं । अलसेहिं = मंदेहिं, दुत्तरं = दुल्लघं च । [भाषाचित्रके ॥]

रयणावलीए पढियं—

कीदृग् मुनिः सुहृदि वैरिणि वा ? ।

नृणां कः क्षेमंकरस्त्रिजगतोपि भयंकरः कः ? ।

स्वैरांगना निशि किमिच्छति कांतपार्श्वं

यांती ? परस्य न करोति कदर्थनां कः ? ॥७८२॥

कुमारेण कहियं—

सदयतमः । समः = सदृशः । दमः = इन्द्रियजयः । यमः = कृतांतः । तमः = तिमिरं । अतिशय कृपालुश्च ।

संपथं मे सुण—

वहति करभः कं ? कं तुष्टो ददाति पतिः ? ।

नृणां द्रविणरहितं प्राहुः कं ? कं बिभर्ति भुजंगमः ? ।

हिमगिरिसुता-कंठाश्लेषप्रियं प्रवदन्ति कं ? ।

भजति सुमतिर्मत्वा कीदृग् जिनेन्द्रमतीषधं ? ॥७८३॥

रयणावलीए कहियं—

भवरोगहरं । भरं = भारं । वरं = प्रसादं । रोरं = ^{१२०}दरिद्रं । गरं=विषं । हरं=शंकरं । कर्मव्याधि-विध्वंशकं च [मंजरी] ॥

^{१२०}कमलावईए पढियं—

भवति किं सुकृताद् ? हरिराह कश्चरति खे ? किमु वाजि विभूषणं ?।

भरत-भाषित-गीत-कलाविदां स्फुरति चेतसि कः ? (कुमारेण ^{१२१}कहियं) - **स्वरविस्तरः ॥७८४॥**

'स्वः' = स्वर्गः । हे 'अ!' = विष्णो । 'विः' = पक्षी । 'तरः' = वेगः । षड्जादीनां स्वराणां विचारश्च । ममावि सुण—

कीदृग् चक्रं ? कति दर्शनानि ? माताह कीदृशो धर्मः ?।

तं भजतः स्यात् कीदृशः ? (^{१२०}कमलावईए भणियं) - **कलुषडंबरमणीयः ॥७८५॥**

कं=मस्तकं लुनाति कलु । षट् संख्यानि । हे अंब = जननि । रमणीयः= रम्यः । कलुष डंबरं = पापस्फूर्जितं, अणीयः अल्पतरं [लिंगचित्रे]

^{१२१}लीलावईए पढियं—

क्षपायां विरहात्पक्षी को दुःखार्तो भवेदिति ।

प्रश्नं विदधदत्रैकः कीदृशं प्रापदुत्तरं ॥७८६॥

कुमारेण कहियं — **कोकः ।** कोऽकः = सुखरहितः इति प्रश्ने उत्तरं । **कोकश्चक्रः ।** ममावि सुण—

कामिनां का मनोज्ञेति प्रश्नो यः केनचित् कृतः ।

तस्मिन्नेवोत्तरं तेन लेभे कथय कीदृशं ? ॥७८७॥

^{१२२}लीलावईए कहियं— **कामधुरा ।** का मधुरा = मनोज्ञेति प्रश्ने उत्तरं **कामधुरा** = कामस्य स्मरस्य धुर्भरः । [सदृशोत्तरे ।]

सोहगमंजरीए पढियं—

कः स्थैर्यं नैति ? को वध्वाः पूर्व कान्तेन गृह्यते ? ।

भारं वहति कः ? को वा स्त्रीणां गुरुपमां व्रजेत् ? ॥७८८॥

कुमारेण कहियं— **करभः ।** को = वायुः । करः = पाणि ।

करभ = उष्ट्रः । मणिबंध = कनिष्ठिका मध्यं च । ममावि सुण—

किमभिलषति लोकः ? कीदृशं ब्रूत धातु—

विहगमिह ? तुरंगरस्यानने न्यस्यते किं ?

वदत सलिलशून्यां निम्नगां कीदृशीं ? कां

विदितसकलशास्त्रोप्यश्रुते नाल्पपुण्यः ? ॥७८९॥

सोहग्गमंजरीए ^{११३}भणियं—

कविकलां । **कं** = सुखं । **कविं** । **कस्य** = ब्रह्मणो । **विं** = पक्षिणं ।

कविकं = तुरगमुखस्य लोहबंधनं । **क-विकलां** = केन = पयसा,

विकलां = उन्नां । **कवीनां कलां** च ।

स्यणमंजरीए पढियं—

ऋषभस्य कीदृशौ भरतबाहुबलिनौ ? प्रभुर्वदति केन ? ।

ज्वलति शिखी, कस्मैकेन किं वितीर्णं शिवाय स्यात् ? ॥७९०॥

कुमारेण कहियं—

नंदनौ विभवेधसा । **नंदनौ** = पुत्रौ । **हे विभो** = प्रभो । **एधसा** =
इंधनेन । **साधवे** = मुनये । **भविना** = संसारिणा । **ओदनं** = भक्तं ॥

ममावि सुण—

तन्वइय्यास्तनुजां तां वीक्ष्य कामी किं वक्ति तां प्रति ? ।

ब्रूते दर्प्पवतां श्रेणिः का वैराग्यनिबंधनं प्रति ? ॥७९१॥

स्यणमंजरीए कहियं—

राजते तनिमा तव । **राजते** = शोभते । **तनिमा** = कृशता । **तव** =
भवत्याः । **बत** कोमलामन्त्रणे मानिनां । **तते** = पंक्तौ । **जरा** = वृद्धत्वं ।
[गत प्रत्यागते ।]

इत्यादिभिर्नानाविधैर्विनोदैर्निमेषानिव दिवसान्, दिवसानिव
मासान्, मासानिव ^{११४}संवत्सरान् निर्वाहयामास कुमारः ।

• • •

पाठांतर :

१. हियइसल्ल ल. रा. ॥ २. हणेति दे. पा. ॥ ३. पव्वाइयाए रा;
 परिव्वाइयाए ल. ॥ ४. ओकुसलाए ल. ॥ ५. परिव्वाइयाइ ल.; पव्वाइयाइ रा. ॥ ६. ८.
 माइंदी ल. रा. ॥ ७. वणिसुया ल. रा. ॥ ८. अइगरेण ल. ॥ १०. अइगरमग्गं ल. ॥
 ११. अइगरं ल. ॥ १२. धित्तुं ल. रा. ॥ १३. ओरयणीइ दे. पा. ॥ १४. हणिति ल. रा. ॥
 १५. पाडिउं सो दे. पा. ॥ १६. ओपवग्गा तथा दे. पा. ॥ १७. उविति वि० दे. पा. ॥
 १८. बद्धो रा. दे. ॥ १९. एयस्सिं रा. पा. ॥ २०. धरणीयले दे. पा. ॥ २१. मिल्लेज्ज
 दे. पा. ॥ २२. अइगर-० ल. रा. ॥ २३. वेरग्ग संगया दे. पा. ॥ २४. ओसन्नरत्नं ।
 दे. पा. ॥ २५. ओसुक्ख० ल. रा. ॥ २६. सरइकालो ल. रा. ॥ २७. पहट्ट ल. रा. ॥
 २८. उज्जाणवालेण ल. रा. ॥ २९. आसासिज्जउ दे. पा. ॥ ३०. ओविभूर्इओ ल. रा. ॥
 ३१. ओसेणराओ अणि० दे. पा. ॥ ३२. साहारमं० दे. पा. ॥ ३३. सोहगव्व० ल. रा. ॥
 ३४. ओसंपाडण० ल. रा. ॥ ३५. पिच्छंती ल. रा. ॥ ३६. चेव ल. रा. ॥ ३७. एक्कस्स
 दे. पा. ॥ ३८. एक्कं दे. पा. ॥ ३९. सयमवि विवेयमग्गे ठवियं कहवि नियचित्तं ॥ ल.
 रा. ॥ ४०. ओगइ प० ल. रा. ॥ ४१. सयं कयकम्म० ल. रा. ॥ ४२. ओमूलगमे । ल.
 रा. ॥ ४३. एवं ठिए दे. ॥ ४४. पयत्तो ल. रा. ॥ ४५. तहवि य पुव्व० ल. रा. ॥ ४६.
 निम्महणसहाइ ल. रा. ॥ ४७. ता ल. रा. ॥ ४८. ओविणिम्मविअ भवणाओ ल. रा. ॥
 ४९. सुणह ल. रा. ॥ ५०. माणभदो ल. रा. ॥ ५१. मा भणसु तुमे अम्ह पुरे दे. पा. ॥
 ५२. पणइ पा. ॥ ५३. सव्वजगज्जीवहिओ दे. पा. र. ॥ ५४. ओम्मए वंछियत्थ० दे.
 पा. ॥ ५५. ओतरुणिवंदाइ पे० दे. पा. ॥ ५६. ओतु खणेखणे ल. रा. ॥ ५७. तुमए ॥
 ल. रा. ॥ ५८. तुळल ल. ॥ ५९. ओवि अ राया ल. रा. ॥ ६०. ओया सुधम्माओ ॥ ल.
 रा. ॥ ६१. रज्जं ल. रा. ॥ ६२. जइ य तुमं दे. पा. ॥ ६३. देवी भणइ दे. पा. ॥ ६४.
 सीहं सुवि० ल. ॥ ६५. तथाहि ल. ॥ ६६. रेहिदि दे. पा. ॥ ६७. सा तुरियतुरियं ठिओ
 रा. ॥ ६८. ओतरं तो लज्जिया रा; ओतरं तो सा लज्जिया दे. पा. ॥ ६९. ओणेण चडिओ
 राय० दे. पा. ॥ ७०. ति । कओ विवाहो ल. रा. ॥ ७१. ओक्खीहूओ दे. ॥ ७२. मागहेण
 कित्तिज्ज० दे. पा. ॥ ७३. गुणकित्तणं दे. पा. ॥ ७४. गरुयाण पा. ॥ ७५.
 विज्जासाहणेण अवहरिउण गरुय० दे. पा. ॥ ७६. को एस ? धूयाए ल. रा. ॥ ७७.
 सुणिओ दे. ॥ ७८. ओपुर नयरं रा. ॥ ७९. वयरसीहो दे. पा. ॥ ८०. समं ल. रा. ॥
 ८१. ओपहुणा रा. पा. ॥ ८२. मुह दे. पा. ॥ ८३. सप्पुरिसस्स दे. पा. ॥ ८४. ओमित्तेण
 ल. रा. ॥ ८५. उट्ठंभिओ ल. ॥ ८६. ओरुयमेयरस्स ल. रा. ॥ ८७. ओरीयं. तह मज्झा दे.

पा. ॥ ८८. चेव नो तुज्झ ? ल. रा. ॥ ८९. ०मित्त० ल. रा. ॥ ९०. एत्तियं कालं ल. ॥ ९१, ९३. गुरुया० ल. रा. ॥ ९२. कुणसु कुमारो ल. ॥ ९४. रोएइ रा. ॥ ९५. केत्तिए ल. रा. ॥ ९६. ०मित्थ ल. रा. ॥ ९७. इत्थ ल. रा. ॥ ९८. ०वइ उभयाणं सुह- ल. रा. ॥ ९९. ०पइसंचारं ल. रा. ॥ १००. ०लायन्नलच्छिमविलोइउं ल. रा. ॥ १०१. अच्छरिय० ल. रा. ॥ १०२. कवलं । इच्चाइ अण्णाणि दे. पा. ॥ १०३. ०कुरंगो दे. पा. ॥ १०४. तिमिरभरियनयणा ल. रा. ॥ १०५. माढत्तो ॥ ६८७ ॥ तं सव्वं ल. रा. ॥ १०६. कुमारेण दे. पा. ॥ १०७. पुरिसुत्तम० दे. पा. ॥ १०८. ०ईअ आभ० दे. पा. ॥ १०९. ०मिदियालं ल. रा. ॥ ११०. ०सब्भमवस० ल. रा. ॥ १११. महोसवो ल. ॥ ११२. सोहणमु० दे. ॥ ११३. होहेत्ति दे. पा. ॥ ११४. ०सेटीइ दे. पा. ॥ ११५. मिल्हए ल. रा. ॥ ११६. ०घरणिसद० दे. पा. रा. ॥ ११७. ०प्पभेण रा. पा. ॥ ११८. सुहडभावेण ल. रा. ॥ ११९. गरुय० पा. ॥ १२०. णिच्छूदो दे. पा. रा. ॥ १२१. ०कप्परिअवि० दे. पा. ॥ १२२, १२३. तो दे. पा. ॥ १२४. ०वंद्वपरि० दे. पा. ॥ १२५. पुरिसुत्तमस्स दे. पा. ॥ १२६. वेरिसीह० ल. रा. ॥ १२७. दलिद्वं दे. पा. ॥ १२८, १३०. लीलावईए दे. पा. ॥ १२९. भणियं दे. पा. ॥ १३१, १३२. कमलावईए दे. पा. ॥ १३३. कहियं दे. पा. ॥ १३४. ०रान-तिवाहयामास दे. पा. ॥

• • •

पंचमो पत्थावो

अन्यदा उद्यानपालकेन प्रणिपत्य विज्ञप्तो यथा— कुमार !
कुसुमाकरोद्याने स्वर्गापवर्ण-पुर-मार्गस्पन्दनश्चारुचारित्र-चमत्कृत-
संक्रन्दनः सकल-जगज्जय-जातदर्प-कंदर्प-निष्कन्दनः, शुभोपदेश-
वचन-शैत्यगुणाऽवगणित-हरिचन्दनः पक्षिराज इव विनतानन्दनः श्री
विनयनन्दन-सूरिराययौ । तं निशम्य गदितं मुदितोऽस्मै पारितोषिक-
मदत्त कुमारः । गन्ध-सिन्धुरमसावधिरुदस्तस्य वन्दन-निमित्तमगच्छत् ।
वीक्ष्य सूरिमवतीर्य करीन्द्रात् पर्वतादिव मृगेन्द्र-किशोरः, भूरि-भक्तिभर-
निर्भर-चेताः स प्रणम्य निषसाद पुरस्तात् ।

सूरिरुब्रभवदावसमुत्थं विप्लवं प्रशमयंस्तनुभाजां ।

कर्तुमारभत मन्द्र-निनादो देशनाममृत-वृष्टिभिवाब्दः ॥७९२॥

आर्य देश-कुल-रूप-बलाऽऽयु-बुद्धि-सङ्गतमवाप्य नरत्वं ।

नात्मनोदितविधौ यतते यः पोतमुज्झति पयोधिगतः सः ॥७९३॥

आधि-व्याधि-विसर्पि-दंश-मशके मोहांधकारावृते,

राग-द्वेष-कपाट-संपुट-घने संसार-कारागृहे ।

आत्मा सैष कषाय-कुड्य-कलिते रुद्धो हठादष्टभिः,

कर्म-प्राहरिकैश्चतुर्गति-महाकोण-स्थितः पीड्यते ॥७९४॥

तत्राऽऽद्यः प्राहरिको ज्ञानावरण-नामा पञ्चभिर्मति-श्रुता-ऽवधि-
मनःपर्याय-केवलावरण-स्वरूपै रूपैरुपेतः पीडयति सर्वजन्तून् १ ।
द्वितीयो दर्शनावरण-नामा नवभिर्निद्रा-निद्रानिद्रा-प्रचला-प्रचला-
प्रचला-स्त्यानर्द्धि-चक्षुरचक्षुरवधि-केवलदर्शनावरण-लक्षणी रूपैः
कदर्थयति देहिनः २ । तृतीयो वेदनीय-नामा द्वाभ्यां राताऽसात-
स्वभावाभ्यां रूपाभ्यां विडम्बयति सत्त्वान् ३ । चतुर्थो मोहनीय-नामा,
तत्र मिथ्यात्व-मिश्र-सम्यक्त्वैस्त्रिभेदो दर्शन-मोहः, क्रोध-मान-माया-
लोभैः प्रत्येकमनन्तानुबन्ध्यप्रत्याख्यान-प्रत्याख्यानावरण-संज्वलन-
रूपैः षोडशभिः कषायैः रूपा-पुं-नपुंसकवेद-हार्य-रत्यरति-शोक-
भय-जुगुप्सारूपैर्नवभिर्नो कषायैश्च पञ्चविंशति रूपधारित्र-मोह
इत्यष्टाविंशत्या रूपैः संसार-कारागाराग्निःसरन्तं निवारयत्ययमात्मानं ४।

पञ्चमः पुनरायुर्नामा सुर-नर-तिर्यग्-नारकायुष्क-प्रकरिः^१ रूचै-
 रुद्धर्वाधःकोण-चतुष्टये निक्षिपति प्राणिनः ५ । षष्ठो नाम-नामा, तत्र-
 १ गति-२ जाति-३ शरीराङ्गोऽपाङ्ग-४ बन्धन-५ संघात-६ संहनन-७
 संस्थान-८ वर्ण-९ गन्ध-१० रस-११ स्पर्शा-१३ ऽऽनुपूर्व्य-१४
 विहायोगति-लक्षणाश्चतुर्दशपिण्डप्रकृतयः, त्रस-स्थावर-बादर-सूक्ष्म-
 पर्याप्ताऽपर्याप्त-प्रत्येक-साधारण-स्थिराऽस्थिर-शुभाऽशुभ-सुभग-
 दुर्भग-सुस्वर-दुःस्वरादेयाऽनादेय-यशःकीर्त्ययशःकीर्ति-लक्षणा
 विंशतिः सेतराः प्रकृतयः, अगुरुलघूपघात-पराघाताऽऽतपोद्योतोच्छ्वास-
 तीर्थकर-निर्माण-रूपा अष्टौ प्रत्येक-प्रकृतयः सत्त्वा द्विचत्वारिंशत् ।
 यदि वा सुर-नर-तिर्यग्-नारक-लक्षणाश्चतस्रो गतयः १ । एक-द्वि-
 त्रि-चतुःपञ्चेन्द्रियलक्षणाः पञ्चजातयः २ । औदारिक-वैक्रियाऽऽहारक-
 तैजस-कर्मणानि पञ्चशरीराणि ३ । औदारिक-वैक्रियाहारक-रूपाणि
 त्रीण्यंगोपाङ्गानि ४ । शरीराख्यानि पञ्च-बन्धनानि ५ । पञ्च-
 संघातनानि च ६ । वज्रर्षभनाराच-नाराचा-ऽर्द्धनाराच-कीलिका-
 छेदस्पृष्टानि षट् संहननानि ७ । समचतुरस्र-न्यग्रोधमण्डल-सादि-
 वामन-कुब्ज-हुंडानि षट् संस्थानानि ८ । सित-पीत-रक्त-नील-कृष्णाः
 पञ्च वर्णाः ९ । सुरभिरसुरभिश्च द्वौ गन्धौ १० । कटु-तिक्त-कषायाऽम्ल-
 मधुराः पञ्च रसाः ११ । शीतोष्ण-स्निग्ध-रूक्ष-गुरु-लघु-मृदु-कर्कशा
 अष्टौ स्पर्शाः १२ । चतस्रः सुर-नर-तिर्यग्-नारकानुपूर्व्यः १३ ।
 शुभाऽशुभे द्वे विहायोगती १४ । इत्येवं पिण्डप्रकृतीनां पञ्चषष्ट्या भेदैः
 पूर्वोक्ताः अष्टाविंशत्या च त्रिनवतिः । यदि वा बन्धन-संघातनानां
 शरीरग्रहणेन ग्रहणात् दशके । वर्ण-गन्ध-रस-स्पर्शानां विंशति भेदानां
 भेदत्यागेनैकैकग्रहणात् षोडशके चापनीते त्रिनवतेः सप्तषष्टिः । यदि वा
 बन्धनस्य पञ्चदशभेदत्वादधिक-दशवृद्ध्या त्रिनवतिरभ्युत्तरं शतं
 भवतीत्येवंरूपैरनेकसंख्यैरयं विडम्बनारूपद्वयता परिणामयति तनुमतः ६ ।
 सप्तमो गोत्रनामा उच्च-नीचाभ्यां द्वाभ्यां रूपाभ्यामुच्चैर्नीचैश्च स्थापयन्
 प्राणभाजो विजृम्भते ७ । अष्टमः पुनरन्तराय-नामा दान-लाभ-
 भोगोपभोग-वीर्याणां विघ्नभूतैः पञ्चभिः शरीरैः प्रगल्भते ८ ।

इत्यष्टभिः प्राहरिकैः प्रचण्डैः कदर्थ्यमानं भवचारकेऽस्मिन् ।

यः स्वं पुमान्मोचयितुं यतेत स एव पुंस्त्वं बिभृते न शेषः ॥७९५॥

अत्रान्तरे संसृतिगुप्तिगेह-बिभ्यन्मना राजसुतो जगाद ।
 आत्मैष तेभ्यो भगवन् विमोच्यः कथं ? ततः सूरिरिदं बभाषे ॥७९६॥
 अस्ति क्षमायां प्रथित-प्रतिष्ठं श्रेयःपुरं जैनजनाभिरामम् ।
 सदा सदाचार-विशालशालं, जिनेश्वराज्ञा-परिखा-परीतं ॥७९७॥
 तत्रोऽस्ति विध्वस्त-विषक्षवर्गश्चारित्रधर्मो नृपतिर्महीयान् ।
 तस्योद्भटाः सन्ति भटाः प्रबोध-संवेग-वैराग्य-विवेक-मुख्याः ॥७९८॥
 चारित्रधर्मस्य नृपस्य सेवां चिकीर्षसि त्वं यदि राजसूनो ! ।
 तदा प्रयुक्ते स्वभटानऽयं तान् संसार-कारागृह-भञ्जनाय ॥७९९॥
 निघ्नन्ति ते प्राहरिकान् जवात् त्वां चारित्रधर्मस्य नयन्ति पार्श्वं ।
 दौर्गत्यविध्वंसकरं समर्प्य, स्तनत्रयं सोऽपि सुखीकरोति ॥८००॥

तओ 'भयवं ! जणणि-जणए आपुच्छिऊण तुम्ह चलण-कमले
 चारित्त-धम्मं सेविस्सामि ।' सि भणित्तण समागओ स-गिहं कुमारो,
 पणमिऊण विन्नत्ता अणेण जणणि-जणया—'अज्ज मए वंदिया गुरुणो,
 सुया धम्मदेसणा, विरत्तं मे भवचारयाओ चित्तं, ता पसायं काऊण
 अणुजाणह तुब्भे जेण गुरु-पायमूले चारित्त-धम्म-सेवाए माणुसत्तणं
 सहलीकरेमि ।' तेहिं भणियं— 'वच्छ ! मणोरह-सएहिं देवयाराहणेण
 लब्धो तुमं अच्चंत-पाणप्पिओ अम्हाणं, ता कहं अणुजाणेमो ?' कुमारेण
 वुत्तं— 'जइ अहं तुम्ह पाणप्पिओ ता जम्म-जरा-मरण-रोग-सोगाइ-
 वसण-सय-संकुलाओ संसाराओ नीसरंतो सुद्दुयरं अणुमन्नियव्वो, जओ
 विविह-कयत्थणा-पगाराओ [संसाराओ] निग्गच्छंतं, पज्जलंत-जलण-
 जालाकलाव-कवलिज्जंत-जंतु-संताणाओ पत्तीवणाओ पलायमाणं,
 फुरंत-फारफुंकार-भयंकर-विसहराओ विसमंध-कूव-कुराओ नीहरंतं,
 अच्चंत-दुग्गमाओ अगाह-कदमाओ निक्खमंतं, समुल्लसंत-महल्ल-
 कल्लोल-माला-रउदाओ समुदाओ नित्थरंतं कहं पि पियजणं अप्पणा
 तव्वसण-लंघणासमत्थो को नाम सकन्नो निवारेइ ?' जणएहिं
 भणियं— 'वच्छ ! जुत्तमिणं पव्वज्जा-गहणं, किंतु दुक्करं, जओ एत्थ
 वोढव्वो दुव्वहो पंच-महव्वयभरो, आयरियव्वं सरीरमत्ते वि निम्ममत्तं,
 परिहरियव्वं राइभोयणं, भोत्तव्वो बायालीस-दोस-विमुद्धो पिंडो,
 तपियव्वं तिव्व-तवच्चरणं, पालणिज्जाओ पंच-समिईओ, न मोत्तव्वाओ
 तिन्नि गुत्तीओ, कायव्वं अकिंचणत्तं, वहियव्वो मासाईयाओ पडिमाओ,

गहियव्वा दव्व-खित्त-काल-भावाभिग्गहा, वज्जणिज्जं जावज्जीव-
मज्जणं, सईयव्वं भूमि-सयणेण, लुंचियव्वा ससोणिया केसा, करणेज्जं
निप्पडिकम्मत्तणं, वसियव्वं गुरुकुल-वासे, सोढव्वा 'छुहा-पिवासाईया
परीसहोवसग्गा, वट्टियव्वं लद्धावलद्ध-दिक्खि, खणं पि न परिच्चइयव्वो
अट्टारससहस्स-सीलंग-भारो, तमिणमणुट्ठाणं लोहमय-चणय-चव्वणं व,
निरसाओ 'वालुया-कण-कवलणं व, निसिय-करवाल-धारा-चंकमणं
व, जलंत-जलणजाला-जालपाणं व, भुयाहिं अपार-पारावार-तरणं व,
तुलाए तियसगिरि-तोलणं व, 'सुरतरंगिणी-पडिसोय-संचरणं व,
एगागिणा पबल-परबल-दलणं व, राहावेह-विहाणं व दुक्करं' । कुमारेण
भणियं— 'दुक्करं कायराणं, न उण धीराणं । जओ—

पविसंति रणं लंघंति जलनिहिं गिरिवरं पि तोलंति ।

तं नत्थि जए वित्थिन्न-साहसा जं न कुव्वंति' ॥८०१॥

जणएहिं भणियं— 'कुमार ! तुह सुकुमारसरीरस्स मालईदामस्सेव
मुसल-मुसमूरणमणुचियमिणमणुट्ठाणं ।

नहि नीलुप्पल-दल-धाराए कट्ठ[स्स] कट्ठणं कीरइ ।

ता वच्छ ! दुक्ख-बहुला पव्वज्जा न तुह जोग्ग' ति ॥८०२॥

कुमारेण भणियं— 'ताय !

नारय-तिरिय-नराऽमर-गइ-सरुव-संसार-समुब्भवाणं दुक्खाणं
अणंत-भागे वि न पव्वज्जाए दुक्खं । तहा हि—

अच्छि-निमीलिय-मित्तं नत्थि सुहं दुक्खमेव अणुबद्धं ।

'नरए नेरईयाणं अहोमिसं पच्चमाणाणं ॥८०३॥

तिरियाण वि जं दुक्खं अंकुस-कस-पहार-पमुहेहिं ।

तं सयल-जयप्पयडं को वण्णइ एक्क-जीहाए ? ॥८०४॥

चारग-निरोह-वह-बंध-रोग-धणहरण-परिभवाईहिं ।

पडिपुन्नाणं दुक्खेहिं माणुसाणं पि नत्थि सुहं ॥८०५॥

ईसा-विसाय-पियविप्पओग-पेसत्त-चवण-पमुहेहिं ।

विनडिज्जंति सुरा वि हु विविहेहिं दुक्ख-लक्खेहिं ॥८०६॥

संसारिय-दुक्खाणं नत्थि इमाणं विमोक्खणीवाओ ।

अन्नो जयमि मोत्तुं 'इक्कं जिण-अक्खियं दिक्खं ॥८०७॥

दिक्खाए दुहं जं पयंपिअं मोह-मोहिय-मणेहिं ।
तं पि सुहज्झाण-हेउत्तणेण दुक्खं चिय न होइ ॥८०८॥

जओ-

देवलोग-समाणो उ परियाओ महेसिणं ।
स्याणमरयाणं च महा-नरयसालिसो ॥८०९॥
तथा,

नैवास्ति राजराजस्य तत्सुखं नैव देवराजस्य ।
यत्सुखमिहैव साधोर्लोकव्यापाररहितस्य ॥८१०॥

इय कुमर-वयणमायन्निऊण जणएहिं जुत्तिजुत्तं ति ।
अणुमन्निओ कुमारो वय-गहणत्थं विणा वि मणं ॥८११॥

तओ पणमिऊण जणणि-जणए गओ *नियमंतेउरं, अब्भुट्ठिओ सहरिसं पिययमाहिं, निसब्भो सुवन्नासणे, जहारिहं निविट्ठाओ अट्ठ वि पणइणीओ । भणियाओ कुमारेण— 'अज्ज विणयनंदणसूरि-समीवे धम्मदेसणं सुणिऊण 'विरत्तं मे भवचारयाओ चित्तं, नियत्ता विसय-तण्हा, उल्लसियं जीव-वीरियं, समुब्भूओ चरण-परिणामो । तोडिऊण पासं व घरवास-वासंगं, उज्झिऊण जुब्ब-रज्जुं व रज्जं, वज्जिऊण विसं व विसय-सोक्खं, पव्वज्जं पडिवज्जिस्सामि ।' एयं च असुयपुव्वं सवण-दुस्सहं सोऊण गरुय-दुक्ख-समुच्छलिय-मुच्छा-निमीलियच्छीओ धस ति धरणियले निवडियाओ सव्वाओ । हाहारव-गब्धिभणं *अंगपरिचारिगाहिं कय-सिसिरोवयाराओ सत्थीभूयाओ इमाओ । भावि-वियोग-सोग-^१संगलंत-बाहप्पवाहाउल-लोअणाओ सगग्गय-गिरं भणिउं पवत्ताओ—

'हो अज्जउत्त ! गरुयाणुराय-रसियाओ तह विणीयाओ ।

किं उज्झिऊण अम्हे समुज्जओ संजमं काउं ? ॥८१२॥

अम्हेहिं किमवरद्धं ? कहेसु काउं अणुग्गहं सुहय ! ।

तुमए विणा अणाहाण नाह ! अम्हाण की सरणं ? ॥८१३॥

एत्थंतरे भावि-पिय-विप्पओ ग-दुक्खंतरिय-लज्जाए संलत्तं समुल्लसंत-महंत-सिणेहाए चंदलेहाए—

पुरिसेणं बुद्धिमया आरंभतेण गरुय-कज्जाइ ।

मुत्तूण ऊरुसुयत्तं थिरत्तणं होइ कायव्वं ॥८१४॥

अथिरत्तणेण रहसग्गलेण कज्जाइ जाइ कीरंति ।

परिणामे विहडंताइ ताइ पच्छा दुहं दिति ॥८१५॥ यतः—

अत्तरा सर्वकार्येषु त्वरा कार्यविनाशिनी ।

त्वरमाणेण मूर्खेण मयूरो वायसीकृतः ॥८१६॥

कुमारेण भणियं— 'को सो मुक्खो ? ।

तीए भणियं— सुण, खिइपइहिए नयरे सागरो वाणियगो आसि । तरस य सावगो ति कलिउण्ण समप्पियं सेस-सावगेहिं चेइय-दव्वं । भणिओ सो— 'चेइय-करणुज्जयाणं सुत्तहाराईणं तए दायव्वमेयं' । सो वि लोभ-दोसेण न तेसिं रोक्कदव्वं देइ । 'तम्मि दायव्वे एत्तिओ वि मे लाभो होउ ।' ति धन्न-गुल-घयाईणि तेसिं दाउं पवत्तो । एवं कुणंतेण तेण बद्धमबोहीबीय-लाभंतरायं कम्मं । तक्कम्मदोसेण मओ समाणो सागरो नाणाविह-वेअणाओ सहमाणो भमिउण्ण अणेगासु हीणजोणीसु तक्कम्मसेसयाए समुप्पन्नो वसंतउरे वसुदत्तस्स वसुमईए भारियाए गबभम्मि 'पुत्तताए । तओ गबभदीणाओ आरब्भ वसुदत्तस्स धणं खिज्जिउमादत्तं । जाए य तम्मि जम्म-दियहे चेव मओ वसुदत्तो । तओ पुन्नहीणो ति खिंसिओ लोणेण, पच्छा तरस पुन्नहीणो ति नामं पसिद्धिं गयं । अट्ठवारिसियस्स य मया माया । पच्छा परघरेसु दमग-वित्तिं कुणमाणो कालं गमेइ । अन्नया नीओ निय-घरं माउलणेण भणिओ य — वच्छ ! निच्चिंतो चिद्धसु मह घरे ति । सो वि पुण्णहीणो विणयं कुणंतो वि, महुरं पयंपंतो वि, नीयं चंकम्मंतो वि पुव्वकम्म-दोसेण न सुहावहो लोयस्स । अण्णया तक्करेहिं मुट्ठं तरस माउलगस्स घरसारं । पच्छा लोगो पुन्नहीणमुद्दिसिउण्ण भणिउं पवत्तो —

'वरु सयणासणु खाणु पाणु धणु परियणु घोडओ,

पुन्नवंतु जणु जाइ जत्थु तहिं जेहो उडओ ।

पुन्नहीणु पुण जत्थ होइ तहिं सव्वु विघोडओ,

तक्खणि सुक्कइ तं जि डालु जहिं चडइ कवोडओ' ॥८१७॥

इच्चाइ दुव्वयणाइ जणाओ सोउमचयंतो निग्गओ तओ ठाणाओ परिब्भमंतो महाकिलेसेण पत्तो तामलित्तिं । तत्थ विणयंधर-''सेट्ठि-गिहे

वुत्ताणतयं कुणंतो ठिओ । थोव-दिण-मज्झे य पलीवियं तरस्स
घरमग्गिणा । पुब्बहीणो त्ति सो निव्वासिओ परियणेण, चिंतिउं पवत्तो—

“हा जीव ! तए पुव्वं कीस न कम्मं सुहं कयं किं पि ।

जेणेरिसं “जणाओ विडंबणं नेय पावंतो ॥ ८१८ ॥

बहुजण-धिक्कारहया पए पए “भज्जमाण-मणवंछा ।

पुव्वकय-पावकम्मा पावंति पराभवं पुरिसा ॥ ८१९ ॥

“ता किं करेमि ? कत्थं व वच्चामि ? मरामि संपयं किं वा ?।

मह पुव्वकम्म-दोसा न होइ सुकयं कयं किं पि ॥ ८२० ॥

जइ वि एवं तहावि नरेण ववसाओ न मोतव्वो । जओ -

‘महुमहणस्स न वच्छे न चेय कमलायरे सिरी वसइ ।

ववसाय-सायरेसु पुरिसाण लच्छी फुडं वसइ’ ॥ ८२१ ॥

इच्चाइ चिंतिऊणं पुण्णहीणो गओ समुदतीरं । तम्मि चेव द्वियहे
चलिओ परतीरं पवहणेण धणावहो नाम नाइत्तगो मिलिओ तरस्स, वुत्तो य
तेण— ‘आगच्छ मए समं ’ ति । सुह-मुहुत्ते य पेल्लियं पवहणं, पत्तं
परतीरि । उवज्जियं किं पि धणं पुण्णहीणेण, नियत्तमाणस्स य तरस्स तेणेव
नाइत्तगेण समं विवन्नमंतरा जाणवत्तं । पत्तं पुब्बहीणेण भवियव्वया-
निओगेण फलह-खंडं, तम्मि विलग्गो उत्तिन्नो सत्त-रत्तेण समुदाओ, पत्तो
य तीर-संठियं गाममेच्छं । ओलग्गिउं लग्गो गाम-ठक्कुरं । अन्नया
अतक्खिया चेव पडिया तम्मि सत्तु-धाडी, विणासिओ गाम-ठक्कुरो,
बंधिऊण गहिओ पुब्बहीणो, नीओ निय-पल्लिं, वुत्तो य किं तरस्स तुमं
होसि ? ति । तेण भणियं— देसंतरागओ वणिय-पुत्तो हं धणत्थी
ओलग्गो । पच्छा तेहिं मुक्खो । परिब्भमंतो य पत्तो महाडविं, दिट्ठो य
पुब्बहीणेण तत्थ बिभेलगो नाम जक्खो । तओ—

सो नत्थि धण-निमित्तं आढत्तो जो मए न ववसाओ ।

कास-कुसुमं व सव्वो संजाओ निप्फलो नवरं ॥ ८२२ ॥

तहा वि सपाडिहेर-जक्ख-पडिममाराहेमि ।’ ति चिंतिऊण
सम्मज्जिया भूमी, सित्ता सीयल-जलेण, पक्खालिया जक्ख-पडिमा,
‘पूइया सुरहि-कल्हार-कुसुमेहिं, पडिऊण पाएसु विन्नविउं पवत्तो
पुब्बहीणो—

भमिऊण धणत्थी दुत्थिओ अहं पुहइमंडलं सयलं ।

अप्पत्त-वंछियत्थो संपइ तुह पासमल्लीणो ॥८२३॥

ता सामि ! मं पलोयसु करुणाभर-मंधराए दिट्ठीए ।

जेण समणंति इभाइं मज्झा दालिद-दुवखाइं ॥८२४॥

तओ कारुन्न-रसाउन्न-हियाण भणियं जवखेण— 'भद ! संझाए मह पुरो नट-पयट्टरस मोररस गलियमेक्केक्कं सुवन्न-^{११}'पिच्छं गहिज्जसु' ति । 'पसाओ' ति भणंतेण पडिवन्नं पुन्नहीणेण । समागया संझा, संपत्तो सिही, वित्थारिऊण कलावं पयट्टो नच्चिउं । नच्चंतस्स य गलियमेक्कं ^{१२}'पिच्छं । अदंसणीहूओ सिही । गहियं ^{१३}'पिच्छं पुन्नहीणेण । दुईय-तईय-दिवसेसु वि एवं । चउत्थ-दियहे— 'सुन्नारन्न-गएण'^{१४} मए केत्तियं कालं ठायव्वं ? ता वरं एक्क-मुट्ठीए चेव गेणहामि' ति चिंतिऊण ठिओ संझाए खंभंतरिओ पुन्नहीणो । नच्चंतस्स य सिहिणो सव्व-^{१५}'पिच्छाणि एक्क-मुट्ठीए चेव गहिउं पवत्तो । सो वि सिही सिहि-रूवं मोत्तूण करकर-सद-कयत्थिय-कन्न-जुयलो वायसो संवुत्तो । पुव्वगहिय-^{१६}'पिच्छाइं पि पणट्ठाइं । तओ विसन्नो पुन्नहीणो । किमूसुगत्तणं मए कयं ति पच्छायावमुव्वहंतो जाव चिट्ठइ ताव भणियं केणावि अदिट्ठेण—

'भणउ वयणु महरवखरु लुहडुवखड करउ ।

तरउ जलणिहि, पहु सेवउ देवय तोसवउ ।

करस वि को वि सतंतु न दायगु अरि पहिय ।

मेल्लिवि भालि जि संठिय अक्खर विहि-लिहिय' ॥८२५॥१॥

^{१७}'तो सामि ! तुमं पि उरुसुगत्तणं काऊण मा पच्छायावमेवमुव्वहसु' ति ।

^{१८}'कुमारेण संलत्तं—

^{१९}'लब्धूण दुल्लहमिणं कहं पि चिंतामणिं व मणुयत्तं ।

हारेमि कहं मूढो पमायओ वणिय-तणओ व्व' ॥८२६॥

चंदलेहाए भणियं—

नाह ! पसायं काऊण कहसु मे को इमो वणिय-^{२०}'तणओ ? ।

पत्तो वि जेण चिंतामणी पमाएण हारविओ ॥८२७॥

कुमारेण वुत्तं— सुण,

'अत्थि तुंग-मणिमय-अमर-मंदिर-पहापूर-पल्लविय-गयणाभोगं
भोगपुरं नाम नयरं । तत्थ निय-कुल-समायार-परिपालण-पवणो
विउलधणो धणावहो नाम सेट्ठी । तरस्स विसिद्ध-विणयाइ-गुणमंदिरं
गुणमई भज्जा । दो वि पुठवभवावज्जिय-पुब्बपगरिसाणुरुवं
विसयसुहमणुहवंताणि कालं वोलंति । अन्नया अणेगोवाइय-सएहिं
समुप्पन्नो गुणमईए पुत्तो । आणंदिय-माणसेण य ^९सेट्ठिणा सद्दाविउण
पुच्छिओ नेमितिओ— भद्द ! कहेसु केरिसो एस सुओ होहिति ? ।
तेणावि परावत्तिउण निमित्तसत्थं , आलोचिउण जम्म-लग्ग-गह-
नक्खत्त-होराइ-बलं, संवाइउण सुयस्स सामुदिय-लक्खणाइं भणियं—
'भद्द ! जइ सच्चं वत्तव्वं ता सयल-कला-कलाव-कुलहरं समग्ग-गुण-
संकेयट्ठाणं भविस्सइ ते सुओ । नवरं जोव्वणत्थो दालिद-दुक्ख-भायणं
होहि' ति । तओ विसन्नो सेट्ठी । पूईउण विसज्जिओ नेमितिओ । कयं
उचिय-करणेज्जं । पइट्ठियं नामं बालयस्स पुब्बसारो ति । कमेण जाओ
अट्ठवारिसिओ । समप्पिओ कलायरियस्स । गहियाओ तेण अकिलेसेण
सयलाओ कलाओ । सरिउण नेमित्तिय-वयणं विसेसओ सिक्खाविओ
रयण-परिवृत्तं सेट्ठिणा^{१०} । परिणाविओ पसत्थ-वासरे बंधुदत्त-धूयं
बंधुमइं । सयल-कज्ज-समत्थो ति नाउण निउत्तो सेट्ठिणा कुडुंब-
चिंताए । सेट्ठी वि सयं ठिओ ^१परलोय-कज्ज-करणुज्जओ । अन्नया
मरण-पज्जवसाणयाए जीवलोयस्स मओ सेट्ठी । पुब्बसारो काउण
पिउणो पेयकिच्चं पयट्ठो कुडुंब-कज्जे । नवरं पुव्व-कय-कम्म-दोसेण
थेव-दिणब्भंतरे च्चिय खीणधणो संवुत्तो । जओ—

एगत्थ वसइ सुइरं अखंड-पुब्ब-गुण-नियलिया लच्छी ।

तुट्ठमि तम्मि पुण मक्काडि व्व कत्थ वि थिरा न भवे ॥८२८॥

सो य पुब्बसारो निद्धणो ति न बहुमन्निज्जइ रायलोएण, न
^{११}सम्माणिज्जइ सयण-समूहेण, नाणुगम्मए मित्त-वग्गेण, किं बहुणा ?
सव्व-जण-परिभव-भायणं संजाओ ।

गुण-वज्जिओ वि पुरिसो सो च्चिय संमाण-भायणं भुवणे ।

नयणेहि नेहभर-निब्भरेहिं जं पेच्छए लच्छी ॥८२९॥

अलियं पि जणो धणइत्तयस्स सयणत्तणं पयासेइ ।

आसन्न-बंधवेण वि लज्जिज्जइ इीण-विहवेण ॥८३०॥

गुणवं पि निगुणो च्चिय गणिज्जए, मुच्चए परियणेण ।

पावइ दविवण-विहीणो पए पए परिभवं पुरिसो ॥८३१॥

एवं च दालिद-दुक्खाभिभूओ चित्तिउं पवत्तो पुब्बसारो— 'हा ! किं मह मंदभग्गरस्स धण-विरहियस्स स-परोवधार-करण-सुब्बस्स छगली-गलत्थणेण व निप्फलेण जीविएणं ति? ता केणावि उवाएण पुणो वि समज्जणेमि धणं, पुरेमि निय-मणोरहे, पूएमि गुरुजणं' ति । एत्थंतरे पत्थिओ तत्थेव वत्थव्वओ सुत्थिओ सत्थवाहो बोहित्थेणं परतीरं । मिलिओ गंतूण तस्स पुब्बसारो । भणिओ अणेण सुत्थिओ— अहं पि धणत्थी तुमए समं समुद-परतीरं दद्दुमिच्छामि । सुत्थिएण भणियं— 'भइ ! को दोसो ? आगच्छसु' ति ।

तओ पसत्थ-वासरे पेल्लियं पवहणं । अतुच्छ-मच्छ-पुच्छच्छडा-डोवुच्छलंत-महल्ल-कल्लोल-माला-भीसणं सायरं लंथिऊणं लग्गं रयण-दीवे । उत्तरिऊण लोगो लग्गो निय-निय-वावारेसु । पुण्णसारो वि आदत्तो रयणाणि खणित्तं । किंचूणं छम्मासावसाणे नियत्तिउकामेण सुत्थिएण दवाविओ पडहो, उग्घोसावियं— 'इओ सत्तम-दिणे निय-देसाभिमुहं पवहणं पेल्लिज्जिस्सइ' ति । एयं सोऊण पुब्बसारो समागंतूण सुत्थियस्स पुरओ जंपित्तं पवत्तो— 'सत्थवाह ! तुज्झ सन्नज्झेण आगओऽहमित्थ, ठिओ एत्तियं कालं, अज्ज वि एत्थेव चिट्ठिस्सामि । सुत्थिएण भणियं— 'कीस तुमं नागच्छसि ?' । पुब्बसारेण भणियं— 'अज्ज वि न मे वंछियत्थलाभो संजाओ' । सुत्थिएण भणियं— 'इयाइ पवर-रयणाइं गिण्हसु । तत्थगयस्स पंचवीसं सहस्सा दीणाराणं ते भविस्संति' । तेण भणियं— 'विउला मे मणोरहा' । सुत्थिएण वुत्तं— 'जहाजुत्तमणुचिट्ठसु' । पयट्ठो सुत्थिओ निय-देसाभिमुहं, ठिओ पुब्बसारो रयणाणि खणंतो ।

कइवय-दिण-पज्जवसाणे य वुत्तो रयणदीव-देवयाए— 'भइ ! कीस न अज्ज वि ते कुदाल-घाओ विरमइ ?' । तेण भणियं— 'न मे मणोरहा पुब्ब' ति । देवयाए भणियं— 'केरिसा ते मणोरहा ?' तेण वुत्तं— 'चित्तारयण-लाभत्थी अहं' । देवयाए भणियं— 'न ते एत्तियाणि भागधेयाणि जेण चित्तारयण-संपत्ती हवइ' । तेण भणियं— 'तम्मि अलद्धे न विरमिस्सं' । तिरोहिया देवया । ^१कइवय-दिणावसाणे पुणो वि

वारिओ देवयाए । तहा वि न विरमइ । एवं तइय-वारं पि । ताहे देवयाए चितियं— निच्छओ खु एसो । ^{१०}तओ अन्न-दिणे खणंतस्स दंसिओ चिंतामणि, दहूण तं हरिसिओ पुन्नसारो । अवधारियाइं तरस्स लक्खणाइं, संठाइयाइं रयण-परिक्खा-सत्थेण । सविसेस-आणंदिय-मणो गओ ^{११}नियावासं । पूइऊण जहाविहिं तम्मि दिणे ठिओ निराहारो । 'जइ सच्चं एसो चिंतामणी ता ^{१२}सुवन्नस्स लक्खस्सोवरिं ^{१३}हविज्ज' ति काऊण पणिहाणं पसुत्तो रयणीए, पभाए तहेव पिच्छिऊण हरिस-निब्भरो संवुत्तो । अन्न-दिणे निय-नयरं गंतुकामेण उब्भिओ भिन्न-पोयद्धओ ।

इओ य धणदेव-नाइत्तगेण समुद-मज्झे भोगपुरं गच्छंतेण दहूण तं पेसिया निय-पुरिसा । भणिओ अ तेहिं— 'भद ! पेसिया अम्हे धणदेव-नाइत्तगेण, भणिया य - 'को वि एस महासत्तो भिन्नपवहणो चिट्ठइ । ता एयं गेपिहऊण आगच्छह' ति, ता तुमं समारुहसु बेडियं । तओ समारुढो पुन्नसारो, भणिओ य तेहिं— 'भद ! अत्थि ते किंचि ?' तेण भणियं - 'अत्थि इमो सुवन्न-लक्खो' । तओ पयट्ठो गंतुं तेहिं समं, मिलिया धण-नाइत्तगस्स, वुत्तो अ पुन्नसारो अणेण— भद ! कत्थ गंतव्वं ? तेण भणियं— 'भोगपुरे' । नाइत्तगेण भणियं 'अम्हे वि तत्थ वच्चिस्सामो । सोहणं संवुत्तं जं तुमए सह संगमो, ता सुहं समागच्छसु । आगच्छंताण य समुद-मज्झे मज्झा-रत्त-रुमए सरय-पुन्निमाए पुन्नसारो सरीरचिता-निमित्तं उट्ठिओ, ठिओ जाणवत्त-तड-गवक्खगे, ^{१४}पासिऊण सयल-^{१५}दिसि-वहू-वयण-विब्भम-दप्पणं चंद-मंडलं हरिसवस-विसंथुल-चित्तो चित्तिउं पवत्तो— 'अहो रमणिज्जया चंद-मंडलस्स ! एयप्पहा-निउरुंब-करंबिओ लवणम्बुरासी वि दुद्धोअहि व्व पडिहाइ । जारिसं एयं तारिसं किमन्नं पि किंचि अत्थि वत्थुं ति चिंतयंतरस्स ठिओ से चित्ते चिंतामणी । उट्ठियाए कट्ठिऊण तं निवेसिऊण करयले पलोइउं पवत्तो— 'अहो ! ससिणो चिंतामणिरस्स य सव्वहा सरिसत्तणं' ति चिंतयंतरस्स पयंड-पवण-पणोल्लिय-पवहणंदोलणेण गलिओ करयलाओ चिंतामणी । तओ हाहारव-गब्भिणं 'मुट्ठो मुट्ठो हं धरेह भो जाणवत्तं'ति पलविउं पवत्तो । तं सोऊण पज्जाउल-मणेण नाइत्तगेण निज्जामगेहितो धरावियं जाणवत्तं । ^{१६}महा-किलेसेण ठिए तम्मि पुट्ठो नाइत्तगेण- 'भद ! किं पलवसि ?' । तेण वुत्तं सोगभर-गग्गय-गिरेण - 'करयलाओ मे गलिओ चिंतामणी एत्थ, ता तं निभालेह' । नाइत्तगेण भणियं— 'जत्थ पुव्वमक्कंदिअं तुमए

तग्गयट्ठाणाओ अणेगाइं *१जोअण-सयाइं समागयं जाणवत्तं, अत्थाहं च सलिलं, ता कहां निभालिज्जउ ?' ति । तओ विलक्ख-वयणो संवुत्तो पुब्बसारो ॥२॥

ता 'भदे ! नाहमेरिसो जो सयल-चित्तिवत्थ-संपायणं पाविउण चिंतामणिं व माणुसत्तणं पमाय-परवसो हरेमि' ।

तओ भावि-दइय-दुस्सह-विरह-दुह-दूमिज्जमाण-देहाए भणियं मयणलेहाए—

'जं निउणमईए विआरिउण कज्जं विहिज्जइ नरेण ।
परिणामो तरस्स चिय सुहावहो होइ लोयम्मि ॥८३२॥
इहरा विसंवयंतम्मि तम्मि कज्जम्मि जायए गरुओ ।
पच्छायावो सहयार-छेयणे जह नरिदस्स ॥८३३॥

कुमारेण भणियं— 'को सो सहयार-छेयणो नरिदो ?'

मयणलेहाए भणियं— सुण,

*२अत्थि परत्थ-समत्थण-कयत्थ-पुरिसोह-सोहियं नयरं ।
ललणाभरण-पहापडल-पाडलं पाडलउरं नयरं ॥८३४॥

तत्थ पुहइराओ राया

रिरुमणि-नयण-नीरप्पवाह-संबंध-लद्धमाहप्पो ।
रेहइ समुज्जलो जरस्स जस-भरो रायहंसो व्व ॥८३५॥

तरस्स सुतारा देवी

मयरद्धय-मयरायर-दूर-समुच्छलिय-लालसा जीए ।
नरसंति(?छिज्जंति)मच्छ-रिछोलि-सच्छहाअच्छि-विच्छोहा ॥८३६॥

तत्थ अवगय-सयल-कलासत्थ-वियारत्तणेण विन्नाय-नाय-सारो,
नीसेस-देसभासा-वियक्खणत्तणेण विहिय-विविह-देसागय-वणिय-
ववहारो रयणसारो सेट्ठी । तरस्स विमल-सीलालंकार-सुंदर-सरीरुव्वूढ-
लज्जा अणवज्ज-कज्ज-सज्जा रज्जा भज्जा ।

दीणेसु दिन्न-वित्तो तत्तत्थ-वियार-निहिय-निय-चित्तो ।
देव-गुरु-पाय-भत्तो, ताण सुओ अत्थि धणदत्तो ॥८३७॥

अह सो कय-सिंगारो निय-बंधव-मित्तवग्ग-परियरिओ ।
 वियरिय-समग्ग-मग्गण-धणनिवहो विवणि-मग्गाम्मि ॥८३८॥
 केण वि नरेण दहुं पसंसिओ जह 'इमो च्चिय कयत्थो' ।
 एअस्स च्चिय सहलं जम्मं जीयं तथा विहवो' ॥८३९॥
 अन्नेण तओ भणियं- 'न तुज्झ एसो पसंसिउं जुत्तो ।
 जो विलसइ पुव्वनरोवज्जिय-द्विणेण काउरिसो ॥८४०॥
 जो विलसइ जियलोए निअय-भूओवज्जिएण द्विणेण ।
 सो च्चिय सलाहणिज्जो चंचापुरिसो व्व न हु सेसो' ॥८४१॥
 इय सोउं धणदत्तो चिंतइ 'एएण जंपियं जुत्तं ।
 ता देसंतर-गमणं करेमि द्विणज्जण-निमित्तं' ॥८४२॥

कहिओ तेण मित्ताण निय-मणोरहो । 'सप्पुरिस-चरियमेयं'ति
 पसंसिओ सो तेहिं, गओ जणय-समीवं, निवडिऊण चलणेसु जंपए
 जहा— 'ताय ! विसज्जेहि मं जेण देसंतरेसु गंतूण विद्वेमि धणं ।
 अवहरिय-सव्वस्सेणेव विसण्ण-माणसेण भणियं सेट्ठिणा— 'पुत्त ! तुह
 अत्थि पुव्वपुरिसागओ सयल-भोगोवभोग-समत्थो अत्थो । तो तेण
 कुणसु विलासे, पूरेसु मग्गण-गण-मणोरहे' । धणदत्तेण भणियं—
 ताय !

पुरिसस्स भोग-जोग्गा सिसुत्तणे च्चिय कमागया लच्छी ।
 जणणि व्व पालणिज्जा तारुव्वं पुण पवन्नस्स ॥८४३॥
 ता मं विसज्ज सिग्घं एत्थत्थे मा करेह मे विग्घं ।
 विद्वेमि दव्वजायं गेण्हामि य जेण जसवायं ॥८४४॥

सेट्ठिणा वुत्तं— वच्छ ! कुणसु जं जुत्तं । पुत्तेण 'पसाओ'ति
 भणिऊण आढत्ता गमण-सामग्गी । तओ गणिज्जंति गणिमाइं,
 तोलिज्जंति धरिमाइं, मविज्जंति मेयाइं, *परिच्छिज्जंति पारिच्छेज्जाइं,
 दिज्जंति सुक्काइं, पउणिज्जंति पाहेआइं, रइज्जंति गुरुदेवयाणं पूयाओ,
 किज्जइ पडहएण आघोसणा, जहा 'जो धणदत्तेण समं वच्चइ तरस्स पूरेइ
 सव्वं जं मग्गियं धणदत्तो ।' तओ बहवे भट्टचट्टाणो चलिया सत्थेण
 समं । निवेसिओ नयर-बाहिं सत्थो । सयं च दाऊण दाणं काऊण
 सयण-सम्माणं पहाण-लग्गे जणएण अणुगम्ममाणो बंधूहिं परिवारिओ

पवर-रहारुद्धो चलिओ धणद्धतो ! नियत्तमाणरस य पिउणो पडिओ चलणेसु । विहिय-करकमल-कोसो य अणुसासिओ पिउणा, जहा—
 'वच्छ ! सुहलालिओ तुमं, अच्छंत-सरलो य पयईए, दूरं देसंतरं, विसमा दिव्वगइ, दुग्गमा मग्गा, दुप्परिपालणीयं भंडजायं, निक्कारण-कुद्धा चोर-चरडा, वंचण-पवणा धुत्ता, मायाविणो वाणियगा, ता सब्बहा कयाइ पंडिएण, कयाइ मुरुक्खेण^{५५}, कयाइ दयालुएण, कयाइ निग्घिणेण, कयाइ सद्दयेण, कयाइ सुहडेण, कयाइ कायरेण, कयाइ चाइणा, कयाइ किवणेण^{५६}, किं बहुणा ? सायरेणेव परेहिं अलद्ध-मज्झ-हियएण होयव्वं'ति भणिऊण नियत्तो सेट्ठी । धणद्धतेण वि दिट्ठं पयाणयं । एत्थंतरे सत्थियाणं पयट्ठाया^{५७} आलावा—

रे रे जोत्तसु सगडं लायसु मग्गेण मा चिरावेसु ।
 महिसेसु तडंगाइं जल-पडिपुन्नाइं संठवसु ॥८४९॥
 लदेसु वर-बइल्ले कोक्कसु करहे, रहेसु खणमेक्कं ।
 जाव चडावेमि अहं वक्खरमेयं असेसं पि ॥८४६॥
 पउणीकरेसु खर-वैसरे य आरोविऊण गोणीओ ।
 पल्लाणेसु तुरंगे निय-जव-निज्जिय-पवणवेगे ॥८४७॥
 इय^{५८} विविहालावयरं सत्थं संवाहिउं असेसं पि ।
 धणद्धतो जाइ पहे ^{५९}पहूय-पाइक्क-परियरिओ ॥८४८॥
 धरणी नाणाविह-भूरि-भंड-संभार-भार-अक्कंता ।
 रसइ व्व सखेआ सगड-चक्क-चिक्कार-सदेण ॥८४९॥
 भूरि-भरक्कंता वि हु करहा मग्गाम्मि संचरंता वि ।
 विलिहंति तरुणं अग्ग-पल्लवे वालियग्गीवं ॥८५०॥
 रेहंति रयवसालवख-चलणपाया समुच्छलंतीहिं ।
 पास-दुग-ट्टिअ-गोणीहिं वेसरा जाय-पक्ख व्व ॥८५१॥
 कज्जलवन्ना जलभर-संपुन्न-तडंग-वाहिणो महिसा ।
 छिंदंति तिसं लोयाण पुन्न-आयट्ठिय व्व घणा ॥८५२॥

वच्छंतो य सत्थवाहो कमेण पत्तो सिरिउर-नयर-बाहिं, आवासिओ तत्थ । एत्थंतरे सासभराऊरिज्जमाण-वयणो, खलंत-वयणो, इओ तओ पडिक्खित्त-सुन्न-नयणो, तुरिय-पय-निक्खेवो, भय-कंपंत-सव्वंगो,

'सरणागओ अहं तुज्झ'ति भणंतो पत्तो एगो पुरिसो सत्थवाह-पडकुडीए । तओ सत्थवाहेण 'मा बीहसु' ति भणंतेण दवावियमासणं, तयणुमग्गे लग्गा य उग्गीरिय-पहरणा कोदंड-समारोविय-सरा 'हण हण हण' ति भणंता पत्ता रायपुरिसा । भणिया य ते सत्थवाहेण— 'भो भो ! किमवरद्धमणेण ? ।' तेहिं भणियं— 'सत्थवाह ! एसो खु रायचेडो चोरिऊण रायालंकारं जूयं रमंतो पाविओ अम्हेहि, गहिऊण निवेइओ निवइस्स, तेणावि वज्झो समाणत्तो, मंतिणा विव्वत्तो राया जह— 'देव ! अलंकारो लब्भइ ताव विलंबेउ देवो' । रत्ता भणियं— 'एवं करेह' । तओ पक्खित्तो गुत्तीए । अज्ज रयणीए पुण पच्छिमे जामे भंजिऊण निगडे, मारिऊणं आरविखए, निग्गओ काराहराओ, निग्गच्छंतो अ कहवि नाओ अम्हेहि, धाविया य एय-पिड्डओ अम्हे, पविट्ठो य सरोवरासन्ने वण-गहणे, बहलत्तणओ य तस्स भालविया अम्हे एत्तियं वेलं । इण्हिं तओ निग्गंतूण पविट्ठो तुम्ह सरणे । ता सप्पुरिस ! समप्पेसु एयं राय-विरुद्धकारिणं ।

सत्थवाहेण भणियं— 'अत्थि एवं, किंतु सरणागय-समप्पणं पि न जुत्तं' । तेहिं भणियं— 'जइ एवं तहावि अम्हे राय-सयासाओ न छुट्ठामो' । सत्थवाहेण भणियं— 'किं इमिणा रायालंकारो समप्पिओ न वा ?' । तेहिं भणियं— 'समप्पिओ' । सत्थवाहेण भणियं— 'तो पडिक्खह खणं, खोणीवइं विव्ववेमि जाव अहं' । तेहिं वुत्तं— 'एवं होउ' ति । गओ राय-पासं सत्थवाहो पडिहार-निवेइओ पविट्ठो, समप्पिया-उणेण एगा महग्घा रयणावली राइणो । भणिओ सत्थवाहो राइणा— 'भइ ! कत्तो इहागओ सि ?' । सत्थवाहेणावि साहिओ सव्व-वुत्तंतो नियागमण-पओयणं च । रत्ता वुत्तं— 'जइ वि अवराहकारी तहावि तुह वयणेण विमुक्को एसो' । सत्थवाहो वि 'महापसाओ'ति भणंतो पहाण-रायदूय-समेओ गओ नियावासं । दुएणावि रायाएसं कहिऊण मोयाविओ तक्करो । सो य सत्थवाहेण अप्पणा सह भुंजाविऊण भणिओ जहा— 'भइ ! विरुद्धमेयं तुज्झागिईए । ता मा पुणो करेज्जासु' ति । तेण भणियं— 'सत्थवाह ! नियत्तो हं एआओ असच्चरित्ताओ । करिस्सामि संपयं किंचि वय-विसेसं । एवं च कए तुज्झ वि मए पियं कयं होइ । अन्नं च, मह अत्थि सपच्चओ भूयाइ-निग्गहण^{५९}-मंतो, ता तं तुमं गिण्हसु ति पत्थेमि' । सत्थवाहेण वि पत्थणा-भंग-भीरुणा गहिओ मंतो, गओ य

सो समीहियत्थ-संपायणत्थं ।

दिङ्गं पयाणयं धणदत्तेण, वच्चंतो य पत्तो कायंबरिं नाम अडविं ।
 आवासिओ नई-तीरे । पेच्छए तत्थ भमर-वज्जं गुंजारुण-लोयणं
 धणुबाण-वावड-करं सारमेय-समेयं रोयंतमेगं वाह-जुवाणयं । 'किं
 रुयसि ?' ति पुट्ठो सो सत्थवाहेण । तेणावि कहियं— 'सुण, अत्थि इह
 पव्वए दुग्गापल्ली, तत्थ सीहचंडो पल्लीवइ । सीहिणी से भारिया
 पाणप्पिया य । सा गहिया कह वि भूयदोसेण । वट्टए जीय-संदेहेण,
 तव्विणा न जीवइ पल्लिनाहो ति रोयामि ।' तं च सोऊण भणियं
 सत्थवाहेण— 'अत्थि मह भूय-निग्गह-मंतो' ति सुणिय पहिट्ठेण तेण
 साहियं पल्लिवइणो सो वि निय-पिययमं घेत्तूण आगओ तत्थ ।
 सत्थवाहेणावि सकलीकरण-पुव्वं सुमरिओ मंतो । तप्पभावेण मुक्खा
 भूएण एसा । 'अहो ! परोवयारी सत्थवाहो' ति चिंतयंतो गओ सट्ठाणं
 पल्लिवइ । धणदत्तो वि पत्तो गंभीरपट्ठणं । ववहरियं तत्थ । 'न जाओ
 तहाविहो लाभो' ति चिंतिऊण चडिओ पवहणे । तं च अणुकूल-पवण-
 पेत्तियं पत्तं पर-तीरे । संजाय-मणिच्छिय-लाभो अ नियत्तो
 सत्थवाहो । आगच्छंतेण य दिट्ठो सत्थवाहेण चंचुपुड-गहिय-अंबफल-
 दुगो, परिस्समवसेण खलंत-पक्खजुयलो, पवहणासन्ने जलोवरिं निवडंतो
 एगो रायकीरो । 'अरे ! रक्खह रक्खह एयं' ति भणिए सत्थवाहेण
 उत्तरिऊण पवहणाओ करेण गहिओ एगेण निज्जामगेण, अप्पिओ
 सत्थवाहरस्स । सत्थीकओ पवण-दाणाइणा । मुत्तूण चंचुपुडाओ चूयफल-
 दुगं जंपिउं पक्खो कीरो— 'सत्थवाह ! कओ तए महंतो उवयारी न
 केवलं मम जीवियप्पयाणेण, मए आणीयं चूणिमित्त-धरिय-जीवियाणं
 अंधलयाण अम्मा-पिऊणं दिङ्गं जीवियं । न य जीवियप्पयाणाओ
 अन्नमत्थि *गरुय-दाणं । रज्जदाणं पि निरत्थयं जीवियावहार-समए ।
 तो किं करेमि ते पच्चुवयारं तिरियजाईओ हं ?, तहावि गेण्हाहि एय-
 मज्झाओ एगमंबयं । सत्थवाहेण भणियं— किं मज्झा एगेण अंबएणं ?
 तुमं भवखेसु इमं अन्नं पि भत्तं । कीरेण भणियं— सत्थवाह ! एगस्स वि
 एयरस्स महंतो पभावो । सुण—

'अत्थि मयजल-बहल-परिमल-लोल-रोलंब-रोल-कुप्पंत-
 करिकुल-दलिज्जंत-कप्पूरतरु-पसरियामीय-मणहरो विंझो महिहरो ।

तरस्स पच्चासन्न-रञ्जे एगम्मि पायवे सुय-जुयलमत्थि । तरस्स पच्छिम-वए जाओ अहं सुओ । तं च वुट्ठत्तणओ अंधलयंति । अहमेव आणेऊण तरस्स देमि चूणिं । कयाइ चूणियाणयणत्थं गहण-तावसासमे कुलवइणा तावसाणं वक्खाणिज्जंतं सुयं मए जहा— 'अत्थि समुद्-मज्झे एगसिंग-पव्वयस्स पाए पुव्व-दिसाभाए अमर-निम्मिया'^१ऽमयरसाहारो सहयारो । सो य सयाफलो । तरस्स एगं पि फलं जो भवखइ'^२ तरस्स नासंति सव्व-वाहिणो न जायए जरा य मच्चू य । तं च सोच्चा चित्थियं मए- 'चूयफलमेगं आणेऊण देमि जणणि-जणयाण जेण पुणणव-सरीराइ जायंति' । गओ हं तत्थ , दिट्ठो चूयट्ठमो, गहियं अंबय-दुगं, आगच्छंतो परिस्संत-गत्तो पडिओ एत्थ न्निरे । जीवाविओ य तुमए निक्कारण-वच्छलेण । अओ गिण्हसु एगमंबयं । बीयं पुण उवणइस्सं जणणि-जणयाणं ति । सत्थवाहेण वि विम्हओप्फुल्ल-लोयणेण गहियं एगमंबगं । आपुच्छिऊण गओ सुओ स-ट्ठाणं । चित्थियं सत्थवाहेण जहा—

'ते च्चिय जयम्मि धन्ना तेसिं चिय भमइ तिहुयणे- किंती ।

अवमङ्गिय-निय-कज्जा पर-कज्जे जे पयट्ठंति ॥८५३॥

ता एगमंबयं निय-नरवइणो दाऊण बहुजणस्स य उवयारं करेमि'ति धरियं पयत्तेण । उत्तिन्नो गंभीरयपट्ठणे । पुणो वि काऊण सत्थ-सामग्गिं चलिओ निय-पुराभिमुहं । पत्तो कायंबरि अडवि । आवासिओ तत्थ सत्थो, आगया भिल्ल-धाडी । पवर-पाइक्कचक्क-परिणओ [सत्थवाहो वि] सम्मुहुवट्ठिओ । एत्थंतरे पदियं मागहेण—

'जो गुरु-देव-चलण-सरसीरुह-सेवा-चंचरीयउ,

पर-उवयार-करण-वावार-पवित्थिय-नियय-जीयउ ।

पिक्खिवि सबर-सेन्नु सन्नद्धउ अचलिय-सत्त-संगउ ।

सो वर-सत्थवाहु धणदत्तु जि नंदउवायचंगउ ॥८५४॥

एयं सोऊण भणियं भिल्लवइणा - 'रे रे ! मह सरीर-देहेण साविया तुब्भे मा पहरह' । ठिया चित्त-लिहिय व्व भिल्ला । पेसिओ भिल्लवइणा दुओ जहा— 'भद ! जाणाहि को एस धणदत्तो ? किं सो इमो परोवयार-संपायगो, मह दइया-जीविय-दायगो ?' ति । दूएण जाणिऊण कहियं भिल्लवइणो— 'सो चेव एसो ति ।' 'हा '^३अकज्जं अकज्जं' भणंतेण विमुक्काउहेण पणमिओ सत्थवाहो पल्लिनाहेण ।

पच्चभिजाणिओ सत्थवाहेण । निविट्ठा दो वि **पडउडी-मंडवे
 कणयासणेसु । लज्जेणय-वणिओ(वयणो) भणिओ पल्लीवई
 सत्थवाहेण— 'भद ! कुसलं ते ?' । तेण भणियं— 'कहं मह कुसलं जो
 हं कयग्घसेहरो तुज्झ वि परोवयारिणो अकुसलं चित्तेमि ? ता सत्थवाह !
 निय-चलण-अक्कमणेण मह पल्लिं पवित्तीकरेसु, जेण मह तोसो हवइ ।'
 सत्थवाहो वि 'अहो ! महाणुभावया एयस्स'ति मन्नंतो गओ पल्लिं । तं
 च निरंतर-निहय-गय-दंत-रइय-पायारं, करि-कुंभत्थल-गलिय-
 मुत्ताहलुक्कुरड-मणहरायारं, अतुच्छ-चमरी-पुच्छ-संछन्नं, विचित्त-चित्तय-
 चमरवन्नं, रिंछ-बाल-कय-मंडवं, पवण-पहय-घर-सिर-निवेसिय-
 मोरपिच्छ-पारद्ध-तंडवं पेच्छंतो पत्तो सत्थवाहो पल्लिनाह-भवणं ।
 समप्पियं तरस्स पल्लिवइणा मुत्ताहल-गयदंत-चित्तयखल्लाइयं महरिहं
 पाहुडं । तं च तदुवरोहेण घेतूण समागओ निय-सत्थं । कमेण पत्तो
 निय-नयरं, पविट्ठो महाविभूईए । महग्घ-रयण-भरिय-थालस्सोवरि
 **अमयमंबयं ठाविऊण गओ राय-दंसणत्थं । पडिहार-निवेइओ पत्तो
 राय-सयासं । समप्पिय-पाहुडो पणमिऊण निविट्ठो सत्थवाहो । पुट्ठो
 कुसल-वत्तं रण्णा, विम्हय-वसुप्फुल्ल-लोयणेण य भणियं—
 'सत्थवाह ! अच्छेरयमिणं जं सव्व-रयणाणं उवरि निवेसियं एयमंबयं ।
 ता कहेह एत्थ परमत्थो ।' सत्थवाहेण कहिओ सव्वो वि वइयरो । रत्ना
 तुट्ठेण मुक्कं सुकं । 'महापसाओ' ति भणंतो गओ सत्थवाहो निय-घरं ।

अह पुहइराय-राओ घेतूण तमंबयं निय-करम्मि ।

चित्तेइ किमेणं एक्क-सरीरोवउत्तेणं ? ॥८५५॥

तम्हा निययारामे एयं वावेमि जेण बहुयाइं ।

जायंति अंबयाइं बहूण तो होइ उवयारो ॥८५६॥

अवमच्चु-रोग-जर-हरणमंबयं भविखऊण एक्केक्कं ।

हुंति अमर व्व मणुया अहं पि अमरेसरो होमि ॥८५७॥

तो आणवइ नरिंदो पुरिसे - 'वावेह जत्तओ एणं' ।

ते वि कुणंति तह च्चिय कयावहाणा य रक्खंति ॥८५८॥

अंकूर-समुब्भेए तहा दु-चउ-पत्त-संभवे सहसा ।

वद्धावंति नरिंदं पाविति य वंछिय-फलाइं ॥८५९॥

कंदलिओ अज्ज इमो अज्ज इमो जाय-निबिड-थुडबंधो ।
अज्ज इमो साहालो अज्ज इमो मंजरि-सणाहो ॥८६०॥

इय पइ-दियहं आरामिएहिं वद्धाविओ नरवरिंदो ।
वियरइ दाणं वद्धावयाण भसलाण व गइंदो ॥८६१॥

फल-पारंभं राया सुणिऊणं हरिस-पुलइय-सरीरो ।
भणइ इमे जत्तेणं रक्खेज्जह संपइ फलाइ ॥८६२॥

एवं "जोयंताणं ताणं अह पढमंबयं एक्कं ।
दिव्ववसेणं कहमवि पडियं रयणीए" सुत्ताण ॥८६३॥

दहण तयं पडियं अच्चत्थं हरिसिएहिं तो तेहिं ।
गहिऊण पभायम्मि समप्पियं पुहइरायस्स ॥८६४॥

तत्तो चितइ राया जह - 'देमि इमं विसिद्धपत्तस्स ।
वर-दक्खिणा-समेयं भविस्सं अप्पणा अन्नं' ॥८६५॥

तओ वाहरिओ देवसम्मो विप्पो, संमाणिऊण भणिओ— 'पढमं ति
तुह दिन्नं एय ममयंबयं' । सो वि घेतूण तं गओ घरं । काऊण देवयाइ-
पूयं जा देइ मुहे ता गया तरस्स पाणा । केणावि विन्नत्तमेयं महीवइणो ।
तेण जंपियं— 'अहह ! अकज्जं जं सो गुणनिही विवब्भो । नूणं विसंबो
एसो । केणावि वेरिणा मह पाण-विणासणत्थं पेसिओ । ता कट्टेह लहुं' ।

सोऊण इमं वयणं, गंतुं पुरिसेहिं परसुहत्थेहिं ।

मूलाओ छिंदिऊणं महिवट्टे पाडिओ सहसा ॥८६६॥

सुणिऊण इमं पच्छा मरणत्थं जीवियव्व-निव्विन्ना ।

वेरग्गिणो मणुस्सा गलंतकुट्टोवहय-देहा ॥८६७॥

नूणमिमो सो मच्चु ति कलियं भक्खेइ को वि हु अपक्कं ।

को वि पुण अद्धपक्कं अंबफलं कसरयं को वि ॥८६८॥

तो भक्खिएसु तेसुं जाया ते अमरकुमर-सारिच्छा ।

ते पेच्छिऊण राया विम्वइओ चितइ एवं ॥८६९॥

'किं ए न्नीरेगा जाया मयरद्धय व्व पच्चवखा ? ।

किं वा वि मओ विप्पो ? एयं अच्चब्भुयं किं पि ॥८७०॥

वाहरिउं पाहरिए पुच्छइ - 'किं तोडियं सहत्थेणं ।
 तं अंबफलं ? अहवा पडियं भूमीए संगहियं ? ॥८७१॥
 तेहि भणियं - 'पडंतं तमंबयं सामि ! निद-विवसेहिं ।
 अम्हेहिं न नायं तो पडियं धरणीयले गहियं ॥८७२॥
 अह भणइ निवो - 'नूणं विसहर-गरलावगुंठियं बाहिं ।
 तं अंबं कहमिहरा मरणं विप्परस संजायं ? ॥८७३॥
 धिद्धी अहो ! अकज्जं अवियारियकारिणा मए विहियं ।
 छिंदाविओ जमेसो अमयंबो परसु-घाएहिं ॥८७४॥
 जम्हा विसरुक्खो वि हु सयमेवारोविऊण न हु जुत्तो ।
 गरुयाण छिंदिओ किर किं पुण एवंविहं रयणं ॥८७५॥
 नत्थि मह को वि सरिसो अवियारियकारओ जए पुरिसो ।
 जेणेरिसो अणत्थो विहिओ आजम्म-तावकरो ॥८७६॥
 एवं तुमं पि अवियारिऊण नीसेस-सोक्खनिहि-भूए ।
 विसए परिच्चयंतो मा पच्छयावमुव्वहसु ॥८७७॥३॥

कुमारेण भणियं—

जे मज्जं व हियाहियत्थकलणा विन्नाण-विच्छेइणो,
 जे किंपागफलं व पुव्वमहुरा पज्जंत-दुक्खावहा ।
 जे निद व्व दुरंत-मोह-लहरी-उल्लास-संपाइणो,
 किं ते हं विसए विसं व विसमे सेवेमि जाणंतओ ? ॥८७८॥
 जे संसार-महीरुहरस सलिलुप्पील व्व संवट्टया,
 जे मेह व्व विवेय-वोमरयणा लोयाऽवहारक्खमा ।
 नीहार व्व विसुद्ध-बुद्धि-नलिणी-विच्छेयछेया य जे,
 को ताणं विसयाण सेवणकए कुज्जा बुहो उज्जमं ? ॥८७९॥

अवि य—

विसएसु सोक्खं सरिसव-तुच्छं दुहं तु गिरि-गरुयं ।
 महुब्बिदु-पमुद्धी कूवगय-नरो एत्थ दिहंतो ॥८८०॥
 मयणलेहाए भणियं- 'सामि ! को एसो कूवगय-नरो ?'
 कुमारेण भणियं—

'अत्थि बहु-सरह-सदुल-सीहाइ-भीसणा, अलद्ध-पेरंता, मत्त-करि-कलह-भय-पलायंत-सत्त-संकुला एगा महाडवी । तीए य अत्थि हियाहिय-वियार-विरहियत्तणेण ववहार- वज्जिय-पसुत्तपाय-पामर-समूह-समहिहियासंख-भवणालंकिएहिं असंख-पाडएहिं अभिरामो गामो । तत्थ निव्विवेय-सिरोमणी निय-पिययमा-वयण-विणिग्गय-वयणमेत्त-करण-तच्छिलो अत्थि एगो कुलपुत्तओ । सो य सयल-कला-वज्जिओ धरिओ चिरकालं तत्थ भज्जाए । कयाइ संजायाणुकूलभावाए तीए भणिओ सो— 'अज्जउत्त ! एत्तिय-कालं तुमं ववहार-विरहिओ ठिओ, तं च अजुत्तं । जओ—

ववहार-विरहिओ खलु पुरिसो लहुयत्तणं लहइ लोए ।

गुरुदेवाऽतिहिपूया-कुडुंबभरणेसु असमत्थो ॥८८१॥

ता इओ निग्गंतूण गामंतरं वच्चाओ । तत्थ वत्थव्वय-जणरस्स ववहारो [सुहु] सुव्वइ' । तव्वयणेण गओ कुलपुत्तओ तं गामं, ठिओ तत्थ चिरकालं कलत्त-मुहकमल-पलोयण-सयण्हो । अन्नया पुणो वि भणिओ— 'पिययम ! एत्थ वि न तहाविहो को वि ववहारो । ता अन्नत्थ वच्चाओ ।' कुलपुत्तएण भणियं - 'सुयणु ! जं तुमं आणवेसि । तुमं विणा अन्नो न चक्खुभूओ कोइ, तुमं चेव मह मई गई सरणं'ति । तओ 'सो निदेसकारि'ति संत्तुट्ठमणाए अणाए वसाविओ उत्तरोत्तर-गुण-विसिट्ठेसु "बहुय-गामेसु, तेसु वि असंपज्जमाण-मणवंछियत्थ-सत्थो कट्ठेण कालं वोलेइ ।

अन्नया भणिओ भज्जाए - 'दईय ! जइ मह वयणं करेसि ता तुमं अच्छंत-सुहियं करेमि ।' कुलपुत्तएण भणियं— 'पिए ! किमेवं भज्जइ ? । जइ तुमं भणसि ता निसियग्ग-खग्ग-वावड-करो करेमि परिहरियावरवक्खेवं रायसेवं, तुट्ठंत-सास-पसर्रो धूली-धूसरो धावेमि तरस्स पूरओ, पविसामि सामि-कय-पसाय-निक्कय-निमित्तं मत्त-करि-कडा-घडिय-डमरं समरं, विहेमि अगणिय-वयणिज्जं वाणिज्जं, वच्चेमि चोर-चरड-कओवद्व-निरंतरं देसंतरं, तरेमि उल्लसंत-अब्भंलिह-लहरि-वार-दुव्वारं पारावारं, खणेमि नाणारयण-सोहणं रोहणं, सेवेमि अलियवाइणो धाउवाइणो, विरएमि दंसिय-किलेसं विवर-पवेसं, आणेमि देसंतराओ मयगंध-लुद्ध-भमर-दिब्ब-कन्नताल-चवेडाओ "हत्थि-

दह्हाओ, पारोमि सव्व-लवखण-पवरंगे तुरंगे, रक्खेमि महाभरुव्वहण-
सहे वसहे, पालेमि विउल-भरवहे करहे, धरेमि गुरु-वेगप्पसरे वेसरे,
बंधेमि समुद्धरिय-वक्खरे खच्चरे, संपाडेमि सयल-सुह-धरिसणं करिसणं,
गच्छामि तत्थ जत्थ तुमं आणवेसि ति । अवि य—

नच्चेमि धणह्हाणं पुरओ पायडिय-बहुविहुवयारो ।

गाएमि गुणोहं ताणमेव वाएमि तूराई ॥८८२॥

भंडत्तणं पयासेमि विविह-विज्जाण-जणिय-जणहासो ।

परगुण-पढण-पयटो जइ वा पयडेमि भट्ठं ॥८८३॥

विरएमि बहु-वियप्पं सिग्घं घड-लोह-चित्तकरणाई ।

अन्नं पि दुक्करं तुह वयणाओ आयरामि पिए ! ॥८८४॥

तो भज्जाए भणियं पहिह-मुहपंकयाए- सच्चमिणं ।

जं दईय ! तए वुत्तं ताऽहं तुह देमि उवएसं ॥८८५॥

तुह नत्थि धणोवाओ गामेसु इमेसु जं वसंतरस्स ।

ता कुणसु दईय ! देसंतरेसु गमणुज्जमं इहिं ॥८८६॥

एवं भणिओ निय-पिययमाए कुलपुत्तओ तओ चलिओ ।

तीए च्चिय अडवीए गएण कुब्बेण सो दिट्ठो ॥८८७॥

तं पिट्ठओ विलग्गं उप्पाडिय-^६गरुय-घोर-कर-दंडं ।

आगच्छंतं दट्ठं कुविय-कयंतं व दुप्पेच्छं ॥८८८॥

कंपंत-सव्व-गत्तो इओ तओ खत्त-तरल-नयणजुओ ।

आढत्तो कुलपुत्तो पलाइउं मरण-भय-भीओ ॥८८९॥

सो जाव तं गइंदो करेण न च्छिवइ ताव तेणावि ।

दिट्ठो तण-संछन्नो कूवो अच्चंत-गंभीरो ॥८९०॥

कूवस्स तरस्स तीरि चिट्ठइ वड-पायवो अइ-महंतो ।

वड-पायवाओ एक्खो पारोहो कूवमोयरिओ ॥८९१॥

कुलपुत्तएण कूवे पडंतएणं भयाभिभूएण ।

पत्तो पारोहो सो तमेव अवलंबिउण ठिओ ॥८९२॥

जा अवलोयइ कूवस्स अंतरे ताव पेच्छए तत्थ ।

गुरुय-वियारिय-वयणं अयगरमेक्खं महाकायं ॥८९३॥

सो गसिउमणो पेच्छइ कुलउत्तं कोव-कलिय-नयणेहिं ।
 चउसु वि दिसासु चत्तारि विसहरा हरगल-सवन्ना ॥८९४॥
 गुरुतर-ललंत-जीहा फुक्कार-विमुक्क-विसकणुक्केरा ।
 चिहंति गसिउकामा तं चिय कुलपुत्तयं दीणं ॥८९५॥
 छिंदंति मूसया तं पारोहं कसिण-सुक्खिला दो वि ।
 हत्थी य करग्गेणं केसग्गं तरस्स परिमुसइ ॥८९६॥
 रोसावेसवसेणं पुणो पुणो आहणेइ वडविडविं ।
 महुयाल-मच्छियाओ उड्डीणाओ तओ तुरियं ॥८९७॥
 कुलउत्तयं समंता ताओ खायंति रोस-विवसाओ ।
 तत्तो महुकोसाओ चलियाओ कह वि महुबिंदू ॥८९८॥
 कुलपुत्तयस्स पडिओ नडाल-वट्ठम्मि सो य पगलंतो ।
 वयण-पएसं पत्तो जीहाए तं च कुलउत्तो ॥८९९॥
 आसाइउमादत्तो सुहं च मङ्गइ नियम्मि चित्तम्मि ।
 वीसरिउण समग्गं अवरं दुह-कारणं तत्थ ॥९००॥

एस दिहंतो, अवणओ पुण इमो— 'जहा विविह-सावय-संकुला
 अडवी तहा जम्म-जरा-मरण-रोग-सोगाइ-संकुलो संसारो, जहा
 ववहार-वज्जिओ गामो तहा असंववहाररासी, जहा असंख-पाडया तहा
 असंख-भवणा, जहा असंख-गोलया तहा असंख-निगोआ, जहा पामरा
 तहा निगोय-जीवा, जहा कुलपुत्तओ तहा संसारि-जीवो, जहा तस्स
 पिययमा तहा तस्स भवियव्वया, जहा तव्वयणेण गामंतर-गमणं तहा
 भवियव्वया-निओगेण असंववहार-रासि-मज्झाओ संववहार-रासि-
 गमणं, जहा तत्तो वि अवरावर-गाम-परिब्भमणं तहा विगलिंदिय-
 पंचिंदिएसु उप्पत्ती, जहा भज्जा-वयणेण सेवा-वणिज्जाइ-करणं
 कुलपुत्तस्स तहा संसारि-जीवस्स भवियव्वया-पेरियस्स सयल-तहाविह-
 वावार-करणं, जहा सो वणहत्थी तहा मच्चु, जहा कूवो तहा माणुस-
 भवो, जहा अयगरो तहा नरगो, जहा चत्तारि सप्पा तहा कोह-माण-
 माया-लोभा, जहा वडपायव-पारोहो तहा आउयं, जहा ते मूसया तहा
 कसिण-सुक्खिला दो पक्खा, जहा ते मूसया वडपारोहं छिंदंति, तहा
 कसिण-सुक्खिला दो पक्खा आऊयं छिंदंति, जहा ताओ महुमच्छियाओ

तहा विविहाओ वाहीओ, जहा सो महुबिंदू तहा विसयसुहं । अओ भणामि सरिसव-तुच्छं विसय-सुहं, गिरि-“गरुयं च दुक्खं । ता भदे ! जइ को वि विज्जाहरो तंतु उत्तारिज्ज तो सो इच्छेज्ज न व ? ति । तीए भणियं— ‘बाढं इच्छेज्ज’ । कुमारेण भणियं— ‘जइ एवं ता ममं पि गुरुणा कयप्पसायं भवंधकूवाओ निग्गंतुकामं किं निवारेह ?’ ॥४॥

एत्थंतरम्मि कणगावलीए संभाविअ-पियविओयाए ।

भणियं - ‘पिययम ! एक्कं ममावि निसुणेसु हिय-वयणं ॥१०१॥

सगुणं वा निगुणं वा कज्जं जं किंचि काउमभिरुइयं ।

नूणं विभावियव्वो परिणामो तस्स पुरिसेण ॥१०२॥

अविभाविउण सम्मं जे उण कज्जं कुणंति मूढमणा ।

ते सोयंति अवरस्सं मित्तवईए जहा ससुरो ॥१०३॥

कुमारेण भणियं— ‘भदे ! को सो मित्तवईए ससुरो ?’

तीए भणियं— ‘सुण,

अत्थि अवंती-जणवए उज्जेणी नयरी । कणयमय-तुंग-
पासायपंति-“सिहरुद्धिओ गयणलग्गो किरण-समूहो लोयाण मेरु-संकं
कुणइ जत्थ । तीए अवंतिदत्तो सेट्ठी, भज्जा से जसोहरा, ताणं धूया
मित्तवई, सा परिणीया तन्नयरि-वत्थव्वगेण विणहुदत्त-पुत्तेण सामदेवेण ।
अइक्कंतो कोइ कालो ।

बालत्तणम्मि रेहइ नराण एयं दुगं न तारुन्ने ।

माइथण-दुद्धपाणं पिउलच्छीए य परिभोगो ॥१०४॥

ता देसंतर-गमणं काउं सभुयाहि विढविउण धणं ।

पूरिय-समग्ग-मग्गण-मणोरहो कित्तिमज्जेमि ॥१०५॥

इय चित्तिउण एसो पसत्थ-दियहम्मि कुणइ पत्थाणं ।

अत्थोवज्जण-हेउं पिउणा बहुमन्निओ संतो ॥१०६॥

पुट्ठो मए न दइय ति चित्तिउं खेयमुव्वहंतो सो ।

पास-परिवत्तिणा माहणेण मुणित्तिउण वज्जरिओ ॥१०७॥

मित्त ! तुह पिययमाए उज्जाणे संगमं कराविरस्सं ।

तेण य मित्तवईए वयंसिया माहवी भणिया ॥१०८॥

आणेज्जसु मित्तवइ उज्जाणे सामदेवमवि अहयं ।

आणिरसं ताण तओ दोणहं पि हु संगमो होही ॥९०९॥

इय विहिए संकेए जाओ दोणहं पि संगमो तत्थ ।

वज्जरियं सुह-दुक्खं इमेहिं वुत्तो य संभोगो ॥९१०॥

पुप्फवइ-संजोएण जाया आवन्नसत्ता मित्तवई । वच्चंतेण सामदेवेण
हिययासासण-निमित्तं समप्पियं मुद्दा-रयणं । गहिओ य तीए कंठ-
कंदलाओ पउमशयंको हारो । गओ देसंतरं सामदेवो । अइक्कंता कइवि
दियहा । पयडीहूयं मित्तवईए पोहं । तं च पेच्छिऊण अणाकलिऊण
कुलप्पसूयत्तणं, तीए अगणिऊण गुण-पक्खवायं, अविभाविऊण कज्ज-
परमत्थं, अणालोइऊण तप्परिणामं, अणवेविखिऊण सयण-सिणेहं,
अविचिंतिऊण नियकुल-वयणेज्जयं, समुप्पन्न-कोवेहिं सासू-ससुरेहिं
मतियं—

आ ! पावाए इमीए अणवेविखय-उभयकुल-कलंकाए ।

इह-परलोय-विरुद्धं पेच्छं कयं केरिसमकज्जं ॥९११॥

तम्हा विणहुसीला सयल-जणाणं इमा गरहणिज्जा ।

अम्हानमदहुवा कयवयणिज्जा^५ अवयणिज्जा^६ ॥९१२॥

तओ मग्गिया आहरणा । हारवज्जं समप्पियमिमीए । जाया एएसिं
आसंका, परं कोवाइसएण न ^५पुच्छियं हार-वुत्तंतं, निद्धाडिया गेहाओ,
गया जणय-घरं । तत्थ वि तहेव निव्वासिया । तीए(तओ) माहवी-
समेया निग्गया नयरीओ । लज्जाए करस वि मुहं दंसिउमघयंती
^६“तदियहमेव कोसंबिगामिणा पयट्ठा सह सत्थेण, गच्छंताणं च अडवि-
^७मज्झं कट्ठाइ-निमित्तं गया हरिया भिल्लेहिं माहवी । तओ एगागिणी
मित्तवई कहाणयवसेण पत्ता कोसंबिं । पविट्ठो य सत्थो नयरीए । सा पुण
ठिया देवउले ।

एत्थंतरम्मि वेलामासो ति पसूया महा-किलेसेण, जाओ से दारगो,
गहिया हरिस-विसाएहिं ।

आवइ-गयं पि दुक्ख-हिययं पि दोगच्च-दूमियमणं पि ।

जीवावेइ अवरसं अवच्च-संजीविणी जीवं ॥९१३॥

अइक्कंता काइ वेला । तओ अद्धपहायाए रयणीए आसन्ना नई ति

मुदासणाहुत्तरिज्ज-वेदियं काऊण दारयं अंगाइ पक्खालण-निमित्तमुत्तिन्ना नईए । जाव तहिं अंगाइ पक्खालेइ ताव सुणएण हरिओ दारओ, मुक्खो आयमणोवविट्ठस्स जउण-सिद्धिणो पुरओ । गहिओ सहरिसेण, दिट्ठं मुदा-रयणं । सामदेव-सुओ ति नीओ अणेण गेहं, समप्पिओ मरंत-वियाइणीए सिता-नामाए निय-घरिणीए । कम्म-धम्म-संजोएण तक्खणमेव “पसूया एसा, मओ चेव निग्गओ गळ्ळो । उज्झिओ एसो । अइक्कंते मासे कयं वद्धावणयं, नामं च दारगरस्स जक्खदिब्बो ति । तओ एस सुहेण वट्ठइ” । जओ—

संगामे गय-दुग्गमे, हुयवहे जालावली-संकुले,

कंतारे करि-वग्घ-सीह-विसमे, सेले बहूवदे ।

अंभोहिमि समुल्लसंत-लहरी-लंघिज्जमाणंबरे,

सव्वो पुव्वभवज्जिएहिं पुरिसो पुब्बेहिं रक्खिज्जए ॥११४॥

इओ मित्तवई नईए उत्तरिऊण दारगं अपेच्छंती अल्लेसितं पवत्ता । न दिट्ठो तीए दारगो, तओ एगत्थ उवविसिय सेविउमाढता—

हा देव्व ! तिव्व-दुक्खाण भायणं निम्मिया अहं चेव ।

अब्बो न को वि लद्धो इमाण भंडारिओ तुमए ॥११५॥

रे दिव्व*० ! दइय-विरहानलेण इज्झंत-सव्व-गत्ताए ।

उप्पाइओ कलंको मह दुसहो फोडओ व तए ॥११६॥

*१निच्छूढा गेहाओ सासु-ससुरेहिं जणणि-जणएहिं ।

*२अवहरितं मह तणयं खयम्मि खारो तए विखत्तो ॥११७॥

एवं रुयंती*३ आसासिया गोउलिणीहिं । ‘अदेसयन्नुय’ति मयहरीए नीया गोउलं, पडिवन्ना धूयं । जाव तत्थ कयवइ(कइवय)-दियहे अच्छइ ताव दिट्ठा थी-लोल-वसंत-ठक्कुर-पाइक्केण, निवेइया सामिणो, जाइओ तेण गोउलिओ । तेण भणियं- न एस धम्मो संताणं । तओ सा अणेण हराविया, नियमिताए तीए कहं पि *४मओ वसंतो । ‘अहो महासइ’ति पूईया तम्माणुसेहिं । मुक्का य एसा । पयट्ठा गोउलं । नग्गोह-हेट्ठओ इक्का सप्पेण, विहलंघला जीवाविया वुट्ठ-सबरेण । पत्ता गोउलं । पुव्व-ठिईए गोउलिणीण मज्झे चिट्ठमाणीए अइक्कंतो कोइ कालो । इओ य जक्खदिब्बो कालक्कमेण वट्ठिओ देहोवचएणं कलाकलावेण य, तप्पभावेण

जाया थिरगब्भा सिता । उप्पन्नं अन्नं पि पुत्त-दुगं । जक्खदिन्नो सयल-
कलाकलाव-कलिओ गुणेहिं गरुय ति जाया सिताए उवेक्खा ।
चितियमिमीए— 'वावाएमि जक्खदिन्नं, न अन्नहा मे पुत्ता संपयं पावन्ति' ।

अन्नया भंडसालाए ठियाणं पुत्ताणं पेसिया लड्डुगा । तत्थ मयहरे
पक्खित्तं विसं । भणिओ य परिवेसगो- 'एयं जक्खदिन्नरस दिज्जाहि' ।
गओ सो । जाव जक्खदिन्नो ववहार-करणेण आउलो न भुत्तमणेण, भुत्तं
लहुय-पुत्तेहिं । अइक्कंता काइ वेला । तओ ते भायरो भणन्ति—
'जक्खदिन्न ! एहि गेहं, भुजामो' । सो य ववहार-आउलो न तम्मि
असमत्ते गिहं गंतुमिच्छइ, ते रोविउं पवत्ता । 'अम्हे भुक्खिय'ति ।
जक्खदिन्नेण भणियं— 'एयं चेव लड्डुगं खाएह' । खद्धो तेहिं विस-
लड्डुगो । थेववेलाए उग्गया विसरस घारिया, मया य । नायमिणं
जउणेण, पुणो वि एयं वावाइस्सइ^{११} । तओ साहिउण सब्भावं,
समप्पिउण मुद्दस्यणं, पेसिओ ववहार-निमित्तं तामलित्तिं नयरिं । 'कहं
मए अम्मा-पियरो नायव्व'ति गओ य एसो । ससोगो चिट्ठइ तहिं
अम्मा-पिइ-मिलण-निमित्तं देवयाराहणपरो, उद्दरिसियं देवयाए— 'होही
तुह मासमित्तेण माया-पिउहिं संजोगो । तुज्झ माया मित्तवई, पिया
सामदेवो । एयाणि मास-पज्जंते पियमेलगे उज्जाणे समागयाणि
पेच्छिहिसि । तत्थ तुमं ददूण मित्तवईए पण्हविरसन्ति थणगा । सामदेवं
ददूण सुसारिक्खत्तणओ भणिस्सइ जणो— 'इह जक्खदिन्न ! पिया ते
आगओ'ति । एवं उद्दरिसिए तुट्ठो जक्खदिन्नो । इओ य सा मित्तवई
अणुचियाहारदोसेण गहिया कुट्टवाहिणा, न पन्नप्पए गामोसहेहिं ।
पबलीहूओ वाही । आणिओ गोउलिएण वेज्जो । सामग्गी-अभावओ
पच्चक्खाया वेज्जेण । तीए निव्विन्नाए खामिउण गोउलजणं महापूर-
भरियाए पवाहिओ अप्पा जउणा-सरियाए । कंठगयपाणा लग्गा
अरुलुग-रुक्खे, तत्थट्ठिया वूढा सत्त-दिवसाणि, अट्ठम-दिणे अच्चंत-
भुक्खियाए खद्धो अरड्डुग-कोडर-संभूओ वज्जकंदो, घारिया,
तव्वीरिएणाऽऽलग्गा नई-तीरे ओहट्ठमिमीए जलं, उद्धवावणएण ठिया
सत्त-दियहे, लद्धा अट्ठम-दिणे चेयणा, उट्ठिया किच्छेण, सीयवाय-
पीडिया गया मसाण-जलणे, खद्धाणि मसाण-बीजपूरगाणि । पच्चूसे
दिट्ठा तलवरेणं, नीया गेहं । पडियरिया इंदवारुणि-भक्खिगच्छेली-
खीराइणा जाया पुणन्नवा गंगावाडे चिट्ठइ ।

एतो य सामदेवो कालेण विढत्त-विहव-संभारो ।
 संपत्तो निय-गेहं अपेच्छितं तत्थ मित्तवई ॥११८॥
 पुच्छइ गुरुण पासे जहट्टियं ते कहंति वुत्तंतं ।
 सोउण सामदेवो सोग-समुल्लसिय-संतावो ॥११९॥
 पडिओ धरणीवट्टे धस ति मुच्छा-निमीलियच्छिपुडो ।
 सिसिरोवयार-उवलद्ध-चेयणो विलवए एवं ॥१२०॥
 हा चंद-चारु-वयणे ! विसट्ट-कंदोट्ट-दल-सरिस-नयणे ! ।
 नयणेहिं इमेहिं मए कत्थ तुमं पुण वि दट्ठव्वा ? ॥१२१॥
 आजम्मं चिय तुह निक्कलंकसीलाए धम्मसीलाए ।
 उप्पाईओ कलंको पावेण मए चिय मइच्छि । ॥१२२॥
 अह माहणेण कहिओ गुरुण सव्वो वि पुव्व-वुत्तंतो ।
 पच्चय-हेउं हारो य दंसिओ पउमरायंको ॥१२३॥
 तो विणहुदत्त-सेट्ठी संखुद्धो निय-मणम्मि चित्तेइ ।
 अहह ! अकज्जं अवियारिउण विहियं मए एयं ॥१२४॥
 कुनरिंदेण व नीई पुराओ निव्वासिया निय-घराओ ।
 जं एसा मित्तवई मए जणाणंद-संजणणी ॥१२५॥
 न कुलं इमीए उत्तममवेक्खियं नेय निम्मलं सीलं ।
 सयण-सिणेहो निहिओ हिययम्मि न थेवमित्तो वि ॥१२६॥
 परलोय-विरुद्धमिणं पावं पि न निब्भएण संभरियं ।
 आजम्मसीलिया वि हु करुणा दूरेण परिचत्ता ॥१२७॥
 धिद्धी ! मूढेण मए चंदरस्स व निम्मलस्स हय-विहिणा ।
 नियय-कुलस्स कलंको आकालं निम्मिओ एसो ॥१२८॥
 एतो य सामदेवो कुणइ पइण्णं जहा- 'अलद्धाए ।
 तीए मित्तवईए नाहं पविसामि गेहम्मि' ॥१२९॥
 निग्गंतुं गेहाओ गवेसियाऽणेण उचिय-ठाणेषु ।
 दिट्ठा न कत्थ वि तओ चडिउण वडम्मि अत्ताणं ॥१३०॥
 उब्बंधिउंमारद्धो धरिओ नेमित्तिएण केणावि ।
 'मा एवं कुण होही तुह जायाए धुवं जोगो ॥१३१॥

गच्छसु गंगावाडं जाया तत्थऽत्थि तुह अहय-सीला ।
 एसो य पच्चओ तुह मिलिही अज्जेव तीए सही ॥९३२॥
 पडिसुयमणेण दिट्ठा य भिल्लनट्ठा पहम्मि माहविया ।
 सा रोविउं पवत्ता तेण समासासिया कह वि ॥९३३॥
 तीए निय-वुत्तंतो कहिओ सव्वो वि सामदेवरस ।
 तेणावि तीए दो वि हु गंगावाडम्मि चलियाइं ॥९३४॥
 पत्ताणि ताणि, दिट्ठा तलवर-गेहम्मि कह वि मित्तवई ।
 ता रोविउमाढत्ता तेहिं समासासिया एसा ॥९३५॥
 अवरोप्परं इमेहिं निय-वुत्तंतो निवेईओ सव्वो ।
 तं तलवरेण सोउं समप्पिया सा सबहुमाणं ॥९३६॥
 सो तं गहाय चलिओ पासम्मि समुद्देव-मित्तस्स ।
 पत्तो य तामलित्तिं मिलिओ सुय-जक्खदिन्नस्स ॥९३७॥
 सारिक्खयाए पिउणो मुद्दारयणस्स दंसणेणं च ।
 निय-नंदणो ति नाउं तुट्ठाणि ठियाणि ताणि तहिं ॥९३८॥
 इह विणहुदत्त-सेट्ठी अवियारिय-कज्जकारओ वुत्तो ।
 निय-नंदण-वहुया-नत्तुएहिं अजसं च संपत्तो ॥९३९॥
 तह पच्छायावहओ आजम्मं दुक्खभायणं जाओ ।
 'इय मा तुमं पि पिययम ! कज्जं अवियारियं कुणसु' ॥ ९४० ॥ ॥ ५ ॥
 सरहस-नमंत-सामंत-मउड-मणि-किरण-लीढ-पयवीढं ।
 रंगंत-तुरंगम-थट्ट-हेसिउत्तासियाणत्थं ॥९४१॥
 करि-कुंभत्थल-सिंदूर-पूर-पयडीकयासमय-संझं ।
 रह-सिहर-समीराहय-धय-भुय-नच्चंत-जयलच्छिं ॥९४२॥
 संपज्जमाण-मणवंछियत्थ-सत्थं कमागयं एयं ।
 अणुरत्त-पयइ-वग्गं पालसु रज्जं नएण चिरं ॥९४३॥

कुमारेण भणियं— 'मुद्धे ! रज्जं खु नाम रवि-ससि-मणि-पईव-
 पहा-पूराभिंदणिज्जं अणवसरं तिमिरं, अंजणाणुच्छेयणिज्जं अपड-
 लमंधत्तणं, ओसहासज्झो अहेउओ सन्निवाओ, अनिसावसाण-पवाहा
 अनिमीलिय-लोयणा निट्ठा, अपरिणामो वसमो अणासवो मओ, तथा

अनियला गुत्ती, अपित्तिदओ दाहज्जरो, अणिंधणो जलणो, अविस्सो मुच्छागमो, अभोयणा विसूइया । एयप्पसत्ता न याणंति कज्जाकज्जं, न बुज्झंति हियाहियं, न वियारित्ति जुत्ताजुत्तं, न मुणंति धम्माधम्मं, न गणंति गम्मागम्मं । तं एयं सलिलं तण्हा-विसवत्तरीणं, गोरिगीयं करण-हरिणाणं, धूम-पडलं सच्चरित्त-चित्तवित्तीणं, मसाणं पमाय-पिसायाणं, विज्झारब्बं धण-मय-मयगलाणं, दिणावसाणं सव्वाऽविणय-अंधयाराणं, वम्मिय-बिलं कोहावेग-विसहराणं, आवालयं विसयमत्त-वालयाणं, रंगंगणं इस्सरिय-वियारनडाणं, समुद्धमज्झं दोसग्गाहाणं, घणमंडलं गुण-कलहंसाणं, आमुहं कवड-नाडयाणं, पवण-परिफुरणं लोयाववाय-जलणाणं, आलाणं काम-करिणो, राहु-मुहं धम्म-ससिणो, वज्झाट्ठाणं साहुवायरस । तहा—

पक्खालिज्जइ रज्जे अभिसेय-दिणम्मि चेव दक्खिब्बं ।

मंगलकलस-पलोट्टंत-सलिल-पूरेण व नरस्स ॥१४४॥

अवणिज्जए पुरोहिय-कुसग्ग-संमज्जणीहिं व प्पसमो ।

मलिणेज्जइ तक्कय-अग्गि-कम्म-धूमेण व मणंसो ॥१४५॥

सिर-कणय-पट्टबंधेण वावरिज्जइ जरागमण-सरणे ।

वारिज्जइ छतेण व दंसणं मोक्ख-मग्गरस्स ॥१४६॥

चामर-समीरणेण व सच्चत्तणमवहरिज्जइ असेसं ।

ओसारिज्जइ पडिहार-चित्तदंडेण व गुणोहो ॥१४७॥

लोयम्मि साहुवाओ लुप्पइ जयसद्द-कलयलेणं व ।

पुब्बं परामुसिज्जइ चल-धयवड-पल्लवेहिं व ॥१४८॥

एक्कासिलुद्धाणं सुणयाण व जत्थ बंधवाणं पि ।

दीसइ कलहो को तम्मि आयरं कुणइ रज्जम्मि ? ॥१४९॥

रज्जपसत्तो सत्तो जीववह-प्पमुह-पउर-पावाइ ।

काऊण जाइ नरयं निस्सरणो सूरसेणो व्व ॥१५०॥ [तथाहि -]

“आसि जंबुदीवे भारहे खेत्ते नंदिग्गामे गोविंदो माहणो । तरस्स लच्छीए भारियाए कुच्छि-संभूया रुद्ध-खंद-नामया दुवे पुत्ता परोप्पर-सिणेहपरा । कयाइ करिसण-अब्बेसणत्थं गया खेत्तं । दिट्ठो अणेहिं खेत्तासब्बे संचरंतो चंडाल-दारओ । जाइमयावलिन्तेहिं तेहिं - ‘अरे दुट्ठ !

दुरायार ! अम्ह खेत्ते विट्ठालं करेसि ! न याणेसि अत्तणो जाइ ? , न संचरसि दूरेण ?' ति भणंतेहिं तहा पहओ लेट्ठप्पहाराइहिं जहा मुक्खो जीविएणं । सो य अट्ठज्झाण-दोसओ समुप्पन्नो तत्थेव खेत्ते पन्नगो । अन्नया रक्खणत्थं खेत्ते पसुत्ता रयणीए रुद्ध-खंदा, कह वि भमंतेण पन्नगेण [दिट्ठा], दट्ठण पुव्व-भव-वेराणुबंधवसा पन्नगेण दट्ठो एगो । 'दट्ठो' 'दट्ठो'ति पुक्कुरियमणेण । 'किं' 'किं' ति भणंतो उट्ठिउण गवेसंतो बीओ वि डक्खो तेण । अकयप्पडियारा मया दो वि, उप्पन्ना तत्थेव खेत्ते कोल्हुया । इओ य समुप्पन्नोहिनाणो नाणसुरो नाम समागओ तत्थ मुणिवरो । सुर-विरइए निसन्नो सुवन्नकमले । समागओ गामलोओ वंदणत्थं । पवत्तो धम्ममाइक्खिउं भयवं । समये सुय-खेयमुव्वहंतेण पुट्ठो गोविंद-माहणेण— 'भयवं ! मह सुया कत्थ उप्पन्ना ?' । मुणिणा भणियं— 'भइ ! जाइमयावलित्तणओ पुव्व-विणारिय-चंडाल-दारय-जीव-सप्पेण डक्खा समाणा समुप्पन्ना इहेव खेत्ते कोल्हुया । पत्ता पोढभावं । अज्ज पुण संझाए तुह करिसगेहिं खेत्त-विमुक्खाइं रयणि-वुट्ठ-जलहर-सलिल-सित्ताइं नाड(डि)याइं गट्ठीए अच्चत्थं भक्खिउण उप्पन्न-सूलवेयणा मया दो वि खेत्त-पज्जंते पडिया चिट्ठंति । एयं सोउण पलोइया गंतूण गोविंदेण लोएण य । दट्ठण तहाविहे ते, 'अहो ! नाणाइसओ भयवओ, अहो ! थेक्खस वि कम्मणो दारुणो विवागो'ति भणंतो गोविंदो सेस-लोओ य वेरग्गमुवगओ पवन्नो जिणप्पणीयं धम्मं ।

एत्तो य ते मया समाणा कोल्हुया इहेव भारहे वासे पइट्ठाणे नयरे उरसदिन्न-रयगरस्स घर-रासभीए गळभम्मि एगो य रासहो, अवरो य घर-सुणिगाए कुच्छिम्मि सुणओ, जाया दो वि । परोप्पर-सिणेहेण ललमाणा पत्ता पोढभावं । अन्नया आहेडय-प्पिउगो बालो राया तेणंतेणं वोल्इ जाव दाहिण-दिसिद्विएण रसियं रासहेण, तरस्स सट्ठं सोउण तन्नेह-मोहिओ गओ वामभागाओ दाहिण-दिसं सुणओ, 'अवसउणो'ति काउं आहया दो वि एक्क-सेल्लेणं, मया समाणा विचित्तयाए कम्मणो तहाविह-भइग-भावित्तणेण तम्मि चेव नयरे आणंद-सिद्धिणो सुनंदाए भारियाए चंदण-नंदणा नाम उप्पन्ना जुयलत्तणेण दो वि पुत्ता । वट्ठिया देहोवचएणं कलाकलावेण य । परिणाविया कुल-सील-जाईओ कन्नयाओ । "सुविणिंदयाल-सरिसत्तणओ जीवलोयस्स उवरओ आणंद-सेट्ठी । दो वि जाया निराणंदा ।"

वच्चइ जह किरण-गणो अत्थमयंतेण चेव सह रविणा ।
तह आणंदेण समं अत्थो अत्थं गओ ताणं ॥१९१॥

तो माणधणत्तणओ लज्जाए तत्थ ठाउमचयंता ।
निग्गंतूण पुराओ पत्ता देसंतरं दो वि ॥१९२॥

तत्थ कुसवद्धणे नयरे धणवद्धणस्स सेट्ठिणो ठिया वाणिउत्तत्तणेण,
विसिद्ध-लाभं च अपेच्छंता चडिया पवहणे, समुद्धमुल्लंघिऊण गया
परतीरं । आदत्ता ववहरिउं । 'उदर-भरणाओ अहियं न किंचि संपज्जइ'ति
गया रोहणायलं, खणिउं पवत्ता । जाव काण-कवड्डुगं पि न पावति, ताव
तं मोत्तूण परिवायग-विप्पयारिया पविट्ठा विवरं । खुद्देवयाए अवहारिया
पडिया कुसवद्धण-नयरुज्जाणे । दिट्ठा कहं पि तत्थागएण धणवद्धण-
**सेट्ठिणा, नीया स-गिहं, भणिया य— 'भदा ! अजुत्तं कयं तुब्भेहिं जं
ममं अणापुच्छिऊण इओ गया, ता संपयं तहा जइस्सं अहं जहा तुम्हाणं
संपया होइ ।'ति अणुसासिऊण समप्पियं ववहरणत्थं सहस्समेगं
दीणाराणं । ववहरिउमादत्ता । जाव कम्म-धम्म-संजोएण दुगुणीहुयं
दव्वं । तओ 'सदेसं वच्चाओ'ति चितिऊण अप्पियं दव्वं **सेट्ठिणो ।
सेट्ठिणा वि उदारत्तणेण सव्वं समप्पियं तेसिं । तो दो वि दीणार-सहस्से
घेत्तूण चलिया निय-देसं, पत्ता निय-नयरासन्नं । एत्थंतरे अतक्कियागएहिं
तक्करेहिं गाढं पहणिऊण पाडिया ते महीए । गहिऊण धणं गया तक्करा ।
ते वि कंठगय-पाणा जाव चिट्ठंति ताव दिट्ठा एगेण मुणिणा करुणा-
पवन्न-माणसेण ठाऊण कन्न-मूले अणुसासिया जहा—

पुव्वकय-सुकय-दुक्कय-फलमुवभुंजंति जंतुणो जेण ।
तेण न कुणंति धीरा परम्मि तोसं व रोसं वा ॥१९३॥

तुब्भेहिं वि पुव्व-भवे कस्सइ अन्नस्स विरइया पीडा ।
तो तुम्हाण वि एवं उवट्ठिया संपयं एसा ॥१९४॥

अकयं को अणुभुंजइ ? स-कयं नासेज्ज कस्स किर कम्मं ? ।
स-कयमणुभुंजमाणो कीस जणो दुम्मणो होइ ॥१९५॥

ता मा कुणह विसायं, धरेह हिययम्मि सयल-दुहहरणं ।
पंचपरमेट्ठि-मंतं एयं कल्लाण-संजणणं ॥१९६॥

एवमणुसासिऊण दिन्नो मुणिणा पंचपरमेट्ठि-नमोक्कारो ।
ओहेण अमयं व परिणओ इमेसिं पयइभट्ठणेण ॥१९७॥

अकय-तहाविह-पावा मरिऊण पंचपरमेहि-नमोक्कार-प्पभावेण समुप्पन्ना इहेव जंबुदीवे भारहे वासे चंपाए नयरीए चंदसेणस्स रत्तो चंदकंताए कंताए कुविखम्मि, जुयलत्तणेण पुत्ता जाया । कालक्कमेण कयं वद्धावणयं महाविभूर्ईए । पयहियाइं नामाइं एगस्स वीरसेणो अवरस्स सूरसेणो ति । गहिय-कलाकलावा पत्ता जोव्वणं, परिणाविया सरीर-
“सुंदेरिम-लहुईकय-लच्छि-लावन्नाओ रायकन्नाओ । ताहिं समं सयलिंदियाणुकूलं विसयसुहमणुहवंताणं अइक्कतो कोइ कालो । कयाइ कय-तरुण-जण-मणप्पमओ समागओ वसंत-समओ ।

नच्चंत-रमणि-कंकण-कलाव,-कलसद-पबोहिय-कुसुमचाव ॥१५८॥
अच्छेरय-रंजिय-तरुण-सत्थ,-सुर-घरहि हुंति रहजत्त जत्थ ॥१५९॥
जहिकुसुमगंध-लुद्धालिजाल,-ख-भरियसयल दिस-चक्कवाल ॥१६०॥
नीसेस-जगतय-विजय-सज्ज, जंपंति व मयण-नरिंद रज्ज ॥१६१॥
जहिं वणसिरीण किंसुय सहंति, महु दिन्न नाइ नहवयई पंति ॥१६२॥
सहयारह रेहहि मंजरीओ, नं मयण-जलण-जालावलीओ ॥१६३॥
जहिं मलय-समीरण-हल्लिरेहिं, नच्चंति वलय पल्लव-करेहिं ॥१६४॥
परहुय-खु पसरइ काणणेषु, नं माणिणि-मय-चाओवएसु ॥१६५॥
इय मयण-महामहिं, लोयसुहावहिं, तत्थ पयट्टइ महु-समइ ।
कयराय-कुमारिहि, बहुगुणसारिहिं, “कीलणत्थुवण-गमण-मइ ॥१६६॥

[घत्ता]

तत्तो दो वि कुमारा विहिय-जणाणंदयारि-सिंगारा ।

कंठ-विलुलंत-हारा वणम्मि पत्ता सपरिवारा ॥१६७॥

कीलिऊण सुइरं जाव वीसमंता चिट्ठंति ताव निसुओ सजलहर-गज्जि-गंभीरो सद्दो । विमहयवसेण सद्धानुसारओ पयट्टेहिं तेहिं दिट्ठो सुरकय-कणय-कमलोवविट्ठो, विसिट्ठोहिनाण-मुणिय-सयलभावो भावदेवो नाम परिसाए धम्मं वागरमाणो मुणिवरो । गया दो वि तरस्स समीवं, आणंद-संदोहमुव्वहंतेहिं पणमिओ गुरु । दिट्ठो गुरुणा सयल-कल्लाण-वल्लि-पल्लवण-वारिवाहो धम्मलाभो । निसन्ना उचियासणेषु कुमारा । कया मुणिणा धम्मदेसणा । पत्थावं लहिऊण भणियमणेहिं—

जो न हवेज्ज पमोओ तिलोयसामित्तणम्मि पत्ते वि ।
 सो तुम्ह दंसणे अज्ज नाह ! अम्हाण संजाओ ॥१६८॥
 तुम्ह मुहचंदमवलोईउण पय-पंकयं च नमिउण ।
 अमय-समुद-निमग्गं व मक्किमो नाह ! अप्पाणं ॥१६९॥
 ता किमिह कारणं कहसु अम्ह भयवं ! अणुग्गहं काउं ।
 तो गुरुणा वागरियं - 'अवहिय-हियया निसामेह ॥१७०॥
 जाइमउम्मत्त-मणा तुब्भे दिय-दारया सियाला य ।
 रासह-सुणहा जाया वाणिय-पुत्ता य चोर-हया ॥१७१॥
 कंठगय-जीवियव्वा मए विइन्नमणुसासणा पुव्वं ।
 पंचपरमेट्ठि-मंतं सोउं संपन्न-परिओसा ॥१७२॥
 जाया रायकुमारा एणं कारणेण मं दट्ठं ।
 संपइ दुवे वि तुब्भे भट्ठा ! आणंदमुव्वहह ॥१७३॥
 तो जाय-जाइसरणा चलणेसु विलग्गिउण ते दो वि ।
 जंपंति जं पखवियमेयं तुब्भेहिं तं सच्चं ॥१७४॥
 तो गुरुणा वागरियं- पुव्वं पावस्स विलसियं दिट्ठं ।
 तुब्भेहिं संपयं पुण पंचनमोक्कार-जणियस्स ॥१७५॥
 पुन्नस्स य फलमउलं पच्चक्खं अणुहविज्जाए एयं ।
 ता पुन्नवुट्ठि-हेउं पमायरहिएहिं जईयव्वं ॥१७६॥

“पुन्नवुट्ठीए उण उवाओ जीववह-पमुह-पावासव-परिच्चाएण,
 कोहाइ-कसाय-निग्गहेण, सदाइ-विसय-परिहारेण, असुह-मण-वयण-
 काय-निरोहेण, दुदमिदिय-दमणेण, सव्वहा अविरइ-वज्जणेण, चारित्त-
 पवज्जणेणं ति । तओ वीरसेणस्स विप्फुरियं वीरियं, उल्लसिया विसुद्ध-
 वासणा, नियत्ता विसय-तण्हा, आविब्भूओ चरण-परिणामो । भणियं
 अणेण— ‘भयवं ! आपुच्छिउण जणणि-जणए तुम्ह पायमूले पव्वज्जा-
 पडिवज्जणेण जाणवत्तेणेव समुदं नित्थरिउमिच्छामि संसारं’ । मुणिणा
 भणियं— ‘देवाणुप्पिय ! मा पडिबंधं “करेह” ति । तओ वंदिउण गुरं
 चलिओ वीरसेणो, इयरो य असंजाय-कुसल-परिणामो । पत्ता दो वि
 गिहं । भणिओ वीरसेणेण सूरसेणो— ‘वच्छ ! तुमए वि पीयं भयवओ
 वयणामयं, अवगयं संसार-सखवं, जाणिओ सुहाऽसुह-विवागो, पुव्व-

भवेसु वि समगं चेव आहिंडिय ति । समगं चेव गुरु-चलणमूले चरणं
पवज्जामो । सूरसेणेण भणियं— 'भाय ! जं तुमए आणत्तं तं सच्चमत्थि,
“परं पुव्व-भवेसु किलेस-जालमणुहविऊण पत्तं रज्ज-सुखमेयं, ता
समगं चेव अणुभुंजामो । जओ— पुन्नफलं रज्जं, इद्द-कामिणीओ,
विसय-सुहं, सज्जण-समागमो, चितियत्थ-संपत्ती य । एय-विवरीयं तु
पावफलं । अवि य—

करि-तुरय-रह-समेयं नमंत-सामंत-मंति-परिकलियं ।

अक्खय-कोस-समिद्धं लब्भइ पुन्नेहिं रज्जमिणं ॥१७७॥

लायन्न-खव-जोव्वण-“मयभिब्भल-विहसिरीओ लडहाओ ।

अद्धच्छि-पिच्छरीओ पुन्नेहिं हवंति रमणीओ ॥१७८॥

सयलिंदियाणुकूलं संसार-विसदुमस्स अमय-फलं ।

पाविज्जइ विसय-सुहं पुन्नेहिं विणा न लोयम्मि ॥१७९॥

संपत्ते अवराइं जम्मि समप्पंति सयल-सुखाइं ।

सज्जण-समागम-सुहं तं लब्भइ पवर-पुन्नेहिं ॥१८०॥

ता भुंजामो रज्जं, माणेमो कामिणीओ पवराओ ।

विसय-सुहमणुहवामो, विलसामो सज्जणेहिं समं ॥१८१॥

संपज्जमाण-चितिय-मणोरहा दो वि भुत्त-पुन्नफला ।

समगं चिय जं उचियं तं पच्छा आयरिस्सामो ॥१८२॥

वीरसेणेण भणियं— 'वच्छ ! सुविणिंदयाल-विब्भमो जीवलोओ,
नरयंतं रज्जं, परिणाम-विरसा विसया, खणभंगुरं जोव्वणं, दुग्गइ-
गमण-सरणीओ रमणीओ, संझा-समय-मिलिय-सउणेण-रुक्खवास-
समो सयण-समागमो, अयंड-मणोरह-भंग-संपायणपरो
अनिवारियप्पसरो पहवइ मच्चू, थेवरस वि दुक्कयस्स दारुणो विवामो ।
ता मुत्तूण मोहं, अवलंबिऊण सत्तं, होसु उज्जमप्पहाणो जेण समगं चेव
चरामो चरणं, समगं चेव काऊण कम्मवखयं वच्चामो परम-पयं ।

सूरसेणेय भणियं—

छुहिण व परमज्जं तिसिण व मरुथलीए सिसिर-जलं ।

चिरकालाओ लद्धं चइउं न चएमि रज्जमिणं ॥१८३॥

तुमं पुण जहाजुत्तमायरसु । तओ 'गुरुकम्मो इमो भवणव-तरंड-

तुल्लं लद्धूण वि गुरुं जाणंतो वि पुन्न-पाव-विलसियं जो न पडिवज्जए
 चरणं'ति चिंतयंतो गओ वीरसेणो जणय- सयासं, कहिओ निय-
 मणोरहो । जणएण भणियं— 'वच्छ ! धम्भो तुमं । तुमए समं अहं पि
 करिस्सं चरण-पडिवत्तिं' ति भणितं निवेसिओ सूरसेणो रज्जे । कया
 जिणाययणेषु पूया । दिन्नं दीणाईण दाणं । मुक्खाओ गुत्तीओ ।
 सम्माणिओ सयण-वग्गो । सूरसेणेण कय-निवखमण-महुसवा
 भावदेव-गुरु-समीवे पवन्ना पवज्जं चंदसेण-वीरसेणा ।

तत्थ चंदसेणो काउण तिब्बं तवच्चरणं खविउण कम्मरासिं गओ
 मोवखं । वीरसेणो पुण निरइयारं चारित्तं चरिउण गओ बंभलोयं ।
 सूरसेणो य मुच्छिओ रज्जे, गिद्धो सयलिंदिएसु, पयटो महारंभेसु, निरओ
 महा-परिग्गहेसु, अनियत्तो कुणिमाहारे, पसत्तो मज्जपाणे, लुद्धो
 परदारेसु, जीववहाइ-सव्वाऽऽसवाऽविरओ मरिउण गओ तईय-
 नरयपुढवीए । तस्स पडिबोहणत्थं वीरसेण-देवो अणुकंपाए तइय-पुढविं
 अणुपविसिउण भणिउमाढत्तो— 'भद ! जाणसि ममं ?' । दुक्खभर-
 पीडिएण भणियं सूरसेण-नारएण— 'नाह ! निय-देह-प्पहा-पहय-
 तिमिर-पूरं रयण-कन्नपूरं को तुमं न याणइ देवं ?' । तओ देवेण 'अलं
 अलं उवयार-वयणेहिं'ति भणंतेण दंसियं पुव्वभव-सरीरं । विभंग-
 नाणेण मुणिउण पुव्व-वुत्तंतं वुत्तं नारएण-'भद ! पुव्वभव-भाया तुमं
 वीरसेणो'। देवेण भणियं—

जं तुमए पुव्व-भवे रज्जं मुत्तूण संजमो न कओ ।

तं अणुहवसि तुममिमं नरयानल-संभवं दुक्खं ॥९८४॥

जं पुण मए विमोत्तुं विसए गुरु-वयणओ वयं विहियं ।

तं पंचमकप्प-सुरो जाओ हं दिव्व-रिद्धि-जुओ ॥९८५॥

तओ नारएण भणियं—

'हा भाय ! मए गुरुणो तुमं च हिय-वयणमुग्गिरंता वि ।

मूढेण जं न गणिया तं डज्झइ मज्झ मणमिण्हिं ॥९८६॥

जं जीववहो विहिओ तेणासिवणरस पत्त-निचएहिं ।

पवणुद्धएहि छिज्जामि छिन्न-कन्नोढ-नासउडो ॥९८७॥

जं मंसं उवभुत्तं मए स-मंसाइं तेण खाएमि ।
 परमाहम्मिय-संडासएहि छित्तूण दिब्बाइं ॥१८८॥
 जं वारिज्जंतेण वि मज्जरसासायणं मए विहियं ।
 तं वेयरणि-नईए पिबामि तत्ताइं तउआइं ॥१८९॥
 जं परदार-पसंगो मए अणुचिओ वि अणुचिब्बो ।
 तंब-नियंभिणिमालिंगयामि तं जलण-पज्जलियं ॥१९०॥
 चउरंग-बल-जुएण वि रज्जेण न रक्खिओ म्हि इह नरए ।
 निवडंतो ता बंधव ! संपइ रज्जे पडउ वज्जं ॥१९१॥
 न चएमि वेयणाओ सहिउं तो मं इमाओ नरयाओ ।
 कइसु दुह-सय-दहं करुणं काउण एताहे ॥१९२॥
 देवेण नारओ सो कइज्जंतो वि पारय-रसो व्व ।
 गलइ कर-संपुडाओ पावइ दुवखं च अहिययरं ॥१९३॥
 तो नारओ पयंपइ विलवंतो - 'भाय ! मुंच ममं ।
 जं "दुवखमणंतगुणं कइज्जंतस्स मे होइ ॥'१९४॥
 तत्तो मुत्तूण सुरो तं उवइसिउण तरस्स सम्मत्तं ।
 दाउण य अणुसहिं संपत्तो बंभलोयम्मि ॥१९५॥

ता भदे ! नाहं सूरसेण-सारिच्छो जो रज्ज-लुद्धो होउण नरए
 निवडामि ॥ ६ ॥

एत्थंतरे रयणावलीए भणियं—

अवियारिय-कज्जकरो पच्छायावं महंतमुव्वहइ ।
 लोएण लहइ खिसं वरदत्तो एत्थ दिहंतो ॥१९६॥

कुमारेण भणियं— 'को सो वरदत्तो ?' ।

रयणावलीए भणियं— 'अत्थि गयणग्ग-सुरभवण-विणिम्मि-
 याणेय-हिमालय-संकं संकेयट्ठाणं सयल-संपयाणं आणंदजणणं
 आणंदपुरं नयरं । तत्थ निसिय-करवाल-धारा-सलिल-धोय-रिउ-
 रमणि-नयणंजणो जणइणो नाम राया । तरस्स सयल-कज्जेसु
 आपुच्छणिज्जो महायणप्पहाणो परोवयार-वावार-परवसो वसुमित्तो नाम
 सेट्ठी । तरस्स निम्मल-गुणालंकिया जसमई भज्जा । ताणं च संपज्जंत-

सयल-मणोरहाणं वच्चए कालो, केवलं निरवच्चत्तण-दुक्खं दूमेइ मणं । तओ आराहिया अणेहिं कुलदेवया । तीए वि दिब्भो वरो । तप्पभावेण जाओ पुत्तो, वद्धावणय-पुठ्वं कयं वरदत्तो ति से नामं । वह्निओ देहोवचणं कलाकलावेण य पत्तो जोव्वणं । बालभावओ चेव निय-हियय-निव्विसेसो इमस्स उज्जुयस्स वि अणुज्जुओ सागरो नाम मित्तो । कयाइ नियय-पासाय-कुट्टिम-तले सही-समेया कंदूय-कीलाए वट्ठंती दिट्ठा वरदत्तेण एगा कन्नया । भणियमणेण— 'मित्त ! पेच्छ पेच्छ अच्छेरयं ।

वलईकएण चेलंचलेण हारेण वेणिदंडेण ।

छत्तत्तयं व विरयइ भमिब्भमंती इमा बाला ॥९९७॥

अहो ! इमीए निरुवमं रूवं, असामण्णं लावणं । एसा खु जंतप्पओग-चंचल-मणि-सालभंजिया-लीलमवलंबए । पयावइ ति पत्त-कलंकेणावि कमलासणेण जं न अंगीकया नूणं । इमीए तेय-तिरोहिय-नयणप्पसरेण न सम्ममुवलद्धा । ता कहसु कस्स इमा सुय ?' ति । मित्तेण भणियं— वयंस ! इहेव वत्थव्वगरस्स निय-कुल-कमल-कमलबंधुणो बंधुदत्त-सिद्धिणो बंधुमईए भारियाए गळ्भ-संभवा जिणमई नाम धूया । तीए वि उदव्वग-सोहव्वग-सागर-तरंग-सरिच्छेहिं तिरिच्छंछि-विच्छोहेहिं पेच्छिओ वरदत्तो । मुणिय-तब्भावेण नीओ गिहं सागरएणं । तं चेव मुद्धडमुहिं चिंतयंतो परिचत्तो घर-वावारो, पसुत्तो सयणिज्जे, तत्त-सिलायल-पविखत्तो व्व मीणो तल्लुविल्लिं कुणंतो दीहं नीससंतो अच्छिउं पवत्तो । तं च तहाविहं जाणिऊण जणएण पुट्ठी सागरओ- 'वच्छ ! मुणसि वरदत्तस्स असत्थावत्थाए कारणं ? । तेण कहियं सव्वं । तओ वसुमित्तेण मग्गिओ बंधुदत्तो - 'मह सुयस्स देसु निय-धूयं'ति । तेण वुत्तं- 'जुत्तमेयं, को अब्भो तुमाहितो वि उत्तमो ? परं मम अत्थि नियमो सो सावगरस्स चेव निय-धूया दायव्व ति' । नियत्तो वसुमित्तो । तेण कहियमेयं पुत्तस्स । तेणावि तयत्थिणा पडिक्खणं मुणि-सयासे सावगत्तणं । परिणयं भावओ । मुणियमिणं बंधुदत्तेण । दिब्बा जिणमई । वत्तो वीवाहो । जाओ परोप्परं वीसंभो । विसयसुहमणुहवंताणं ताणं वच्चए कालो ।

कयाइ वरदत्ते बाहिं पत्ते समागओ गिहं सागरओ । भणिया तेण

जिणमई- 'रुद्धदेव-सेट्ठिणो बहुयाए सह तुह भत्ता जं रहसि मंतेइ तत्थ जाणसि तुमं किंपि कज्जं ? । सरल-सहावाए भणियमणाए- 'जाणइ तुह वयंसो इमं, बीयहियंगभूओ^{१०} तुमं वा जाणासि । सागरएण भणियं- 'अहं जाणेमि मंतण-कज्जं, परं तं अपुच्छिओ कहं कहेमि ?' । जिणमईए वुत्तं- 'अहं पुच्छामि किं तयं ?' ति । सागरएण वुत्तं - 'सुयणु ! जं मज्झ तए कज्जं तं तीए वि तरस्स' । अविन्नायभावाए भणियं अणाए- 'किं मए तुज्झ कज्जं ?' । तेण भणियं- 'तं एक्कं, तुह पइं मोत्तूण करस्स पुरिसस्स रसंतरवेइणो वियइस्स तुमए न कज्जं ?' । तं च दुरहिलास-पिसुणं सुणिऊण सवण-दुस्सहं तव्वयणं समुत्पन्न-कोवाए ओणयमुहीए साहिव्खेवं भणियमणाए-

१२ नित्तलज्ज ! अणज्ज ! चित्तियमिणं पावं कहं चित्तिअं,
चित्ते वा तुमए कहं पुण तयं वायाएँ उच्चारियं ? ।

धिद्धी तुज्झ अचेयणस्स चरियं, किं मन्नसे अत्तणो,

तुल्लं मज्झ पइं पि, मित्तमिसओ हालाहलं हा तुमं ॥११८॥

ता गच्छ पाव !, पउरं पावं पावस्स दंसणेणावि ।'

इय धिक्कारिओ सो तक्करो व्व ततो वि निक्खंतो ॥११९॥

दिट्ठो वरदत्तेणं गोहच्चाकारओ व्व मल्लिणमुहो ।

भणिओ- 'उव्विग्गो विव लक्खिज्जसि हेउणा केण ?' ॥१०००॥

सो जंपइ नीससिउं, जडिम-निमित्तं व हिमगिरि-समीवे ।

'उव्वेय-कारणं किं पुच्छसि जीवाण संसारे ?' ॥१००१॥

न थ कहिउं सक्किज्जइ पयासिउं नेय तीरए जं च ।

तं अट्ठाणवणं पिव इह किंपि नरस्स आवडइ ॥१००२॥

इय भणिय कवड-पयडिय-अंसुजलोहलिय-लोयणे तम्मि ।

विरए वरदत्तो वि हु चित्तिउमेयं समादत्तो ॥१००३॥

'एयस्स धीरिमाए अकहंतस्सावि अंसुपूरेण ।

धूमेणं मुणिज्जइ हुयवहो व्व गरुओ^{११} मणुव्वेओ ॥१००४॥

अह भणइ - 'कहसु उव्वेय-कारणं जइ न तं अवत्तव्वं ।

मह संविहत्त-दुक्खो लहुईय-दुक्खो तुमं होसु ॥१००५॥

अह साहइ सागरओ- 'तुममि जीवियसमे अवत्तव्वं ।
 अन्नं पि मह न किंचि वि, विसेसओ एस वुत्तंतो ॥१००६॥
 जाणइ इमं वयंसो जं महिला कारणं अणत्थाणं ।
 हिंस व्व सव्व-दुक्खाण अंधयाराण रयणि व्व ॥१००७॥
 अह जंपइ वरदत्तो - 'किं कुडिलगईए वियडभोगाए ।
 महिलाए भुयंगीइ व कीए वि हु संकडे पडिओ ? ॥१००८॥
 तो जंपइ सागरओ कारिमलज्जो अहं जिणमईए ।
 पयडिय-मयण-वियारं सुइरं असमंजसं भणिओ ॥१००९॥
 सयमेव लज्जिउत्तणं कयाइ विरमिस्सई इमा मूढा ।
 इय चिंततेण मए उवेक्खिया एतियं कालं ॥१०१०॥
 नवरं दियहे दियहे असइत्तण-समुचिएहिं वयणेहिं ।
 भणइ ममं, न य विरमइ असग्गहो अहह महिलाणं ॥१०११॥
 अज्ज तुह दंसणत्थं गओ गिहं मित्त ! रक्खसीए व्व ।
 रुद्धो अहं छलन्नेसिणीए सहसा जिणमईए ॥१०१२॥
 हरिणो व्व वागुराओ "गरुयाओ तग्गहाओ अप्पाणं ।
 कहमवि विमोईउत्तणं भीयमणो एत्थ पत्तो हं ॥१०१३॥
 तो चित्तिउं पवत्तो नणु जीवंतरस नत्थि मे मोक्खो^{१०} ।
 एईए सयासाओ ता अत्ताणं हणेमि अहं ॥१०१४॥
 एयं पि न जुत्तं जं एसा मित्तरस अन्नहा कहिही ।
 मित्तो य मह परक्खे तह ति तं मन्निही सव्वं ॥१०१५॥
 अहवा कहेमि सव्वं मित्तरस जहट्ठियं इमं जेण ।
 न लहेइ सो अवायं एईए अकयवीसासो ॥१०१६॥
 एयं पि न जुत्तं चिय जं एईए अपूरियासाए ।
 दुस्सीलत्तण-कहणं खयमि सो क्खार-निक्खेवो ॥१०१७॥
 एवं विचित्त-चिंता-पवन्न-चित्तो तए अहं दिट्ठो ।
 उव्वेय-कारणमिणं मुणसु तुमं मह महासत्त ! ॥१०१८॥
 अह तरस पावमित्तरस वयणओ उल्लसंत-रोसभरो ।
 सो असमिक्खियकारी वरदत्तो निय-गिहं पत्तो ॥१०१९॥

पय-पक्खालण-हेउं उवहियाए पुरो जिणमईए ।

नासं व वंचगजणो छुरियाए छिंदए नासं ॥१०२०॥

तओ उच्छलिओ हाहारवो, मिलिओ सयण-वग्गो । भणिओ अणेहिं वरदत्तो- 'आ पाव ! निक्खरुण ! अणाकलिउण कुलकलंकं, अगणिउण सयण-सिणेहं, अविभाविउण उभय-लोय-दुहावहतणं किं तए ववसियमेयं ? । नत्थि ताव इमीए सयल-गुणमईए जिणमईए तणुम्मि तिल-तुस-तिभाय-मित्तो वि दोसो । जओ ईईए अकलंकं कुलं, उत्तमा जाई, मणोहरं खवं, महुरालाविणी वाणी, विणय-कुलहरं आयरणं, परपुरिस-पलोयण-परम्मुहा दिट्ठी, आवज्जिय-सज्जणा लज्जा, सरय-ससहर-निम्मलं सीलं ।'

इओ य मुणिय-वुत्तंतेहिं रायपुरिसेहिं आयहिउण नीओ वरदत्तो रायपासं । भणिओ रत्ता - 'भइ ! किं इमीए तुह भज्जाए अवरद्धं ? जेण तए अकहिउण रायकुले सयं चेव निग्गहो कओ ? ।' वरदत्तेण वुत्तं- 'देव ! मम अत्थि सागरओ मित्तो । सो जाणाइ इमीए अवराहं ।' रत्ता वुत्तं- 'तो तं चेव आणेह ।' आरक्खिएहिं गवेसंतेहिं कहिं पि वणनिगुंजे नासंतो पत्तो सागरओ बंधिउण आपिओ रायपासं । वुत्तो रत्ता- 'अरे दुरायार ! किमवरद्धं इमीए महासईए ?' । सो अ सज्झासवस-कंपंत-गत्तो जाव न किंपि जंपइ ताव प्पहओ कसप्पहारेहिं । कहिओ अणेण जहट्ठिओ वुत्तंते । कुद्धेण रत्ता 'दो वि दोसकारिणो'त्ति खित्ता गुत्तीए ।

एत्तो य जिणमई सा तमवत्थं पाविया वि निय-पइणा ।

तं पइ पओसलेसं पि नेव हियाए समुव्वहइ ॥१०२१॥

कलुसाओ कुलवहुओ न हुंति दइएहिं दुमियाओ वि ।

पीडिज्जंतीओ वि हु महुर च्चिय उच्छुलट्ठीओ ॥१०२२॥ अवि य-

जिण-पवयण-वयणामय-भाविय-चित्ता पयंपए एवं ।

'मह चेव भवंतर-निम्मियस्स कम्मस्स फलमेयं ॥१०२३॥ जओ-

सव्वो पुव्वकयाणं कम्माणं पावए फल-विवागं ।

अवराहेसु गुणेषु य निमित्त-मित्तं परो होइ ॥१०२४॥ किं च -

निय-नासिया-छेयणे वि मह नत्थि निब्भरं दुक्खं ।

काओ विडंबणाओ जीवा न लहंति कम्मवसा ? ॥१०२५॥

किंतु मह कुसीलत्तण-कलंक-संभावणेण संभवए ।
 जं निम्मल-जिणधम्मस्स लाघवं तं महादुक्खं ॥१०२६॥
 एवं पयंपमाणा घर-देवालय-जिणिंद-पडिमाए ।
 पुरओ काउस्सग्गं एगग्गमणा कुणइ एसा ॥१०२७॥
 अह सासणदेवीए जिणमइ-सीलेण रंजिय-मणाए ।
 आसज्ज विणिम्मविया तीए नासा सरल-रूवा ॥१०२८॥
 गयणाओ कुसुमवुही मुक्खा सुरदुंदुहीओ पहयाओ ।
 'जयइ जिणसासणं जिणमई सई एरिसी जत्थ ॥१०२९॥
 इय जिणमई-सईए तारिसमच्चब्भुयं निसुणिऊण ।
 आगंतूण सयं चिय सलाहए तं महीनाहो ॥१०३०॥
 'तं धन्ना कयपुन्ना तुज्झ सुलद्धं च माणुसं जम्मं ।
 एयारिसो पभावो जीए वर-सीलरयणस्स ॥१०३१॥
 अह जिणमईए भणिओ जोडिय-करसंपुडो नरविरंदो ।
 'मुंचसु पइं मह तहा तम्मिंतं' तेण ते मुक्खा ॥१०३२॥
 पासं व गेहवासं विवज्जितं जिणमई विसय-विमुही ।
 गेणहइ^१ दिक्खं काउं तिक्क-तवं वच्चए सुगइं ॥१०३३॥
 निंदिज्जंतो लोए करस्स वि वयणं पि दंसिउमसक्को ।
 गमइ दिणे वरदत्तो पच्छायावेण डज्झंतो ॥१०३४॥
 एवं तुमं पि पिययम ! अम्हे ^२गरुयाणुराय-रसियाओ ।
 सहसा परिच्चयंतो मा पच्छायावमुव्वहसु ॥१०३५॥ ॥७॥

कुमारेण वुत्तं—

'इत्थीओ एयाओ विवेय-कलहंस-मेहमालाओ ।
 धम्म-धण-तक्करीओ दोस-भुयंगम-करंडीओ ॥१०३६॥
 मोहंधयार-रयणीओ कुग्गहग्गाह-जलहिबेलाओ ।
 मोक्ख-नगर^३ ऽग्गलाओ दुग्गइ-पुर-सरल-सरणीओ ॥१०३७॥
 इत्थीणं पुण चरियं गहणं न वियाणए सुरगुरू वि ।
 जयवम्मो व्व बुहो तं दट्ठं सोउं च सदहइ ॥१०३८॥

रयणावलीए भणियं - 'नाह ! को सो जयवम्मो ? '

कुमारेण वुत्तं—

'धायईसंड-दीवरस्स भारहे नयरमत्थि लच्छिपुरं ।

जं गयण-मग्ग-संलग्ग-फलिहसालं विसालं पि ॥१०३९॥

तत्थ निवो जयवम्मो जरस्स करे संगरे गवलकंती ।

करवालो छज्जइ विजयलच्छि-मयनाहि-तिलओ व्व ॥१०४०॥

कयाइ सुहोवविट्ठस्स तरस्स समागया पसत्थ-सत्थ-परिकम्मिय-
मइणो विउसा । पारद्धा तेहि समं गुट्ठी । भणियं रत्ना- 'किं गहणं ?' ।
तेहि भणियं— 'इत्थी-चरियं । जओ—

सायरजल-परिमाणं सुरगिरि-माणं तिलोय-संठाणं ।

जाणंति बुद्धिमंता महिला-चरियं न याणंति ॥१०४१॥

रत्ना चितियं- 'किं सत्तं, को ववसाओ, किं वा साहसं तासिं ? जं
इमे एवमुल्लवंति । ता मए अज्ज कीए महिलाए चरियं पेच्छियव्वं'ति
विम्हिय-मणो रयणीए पावरिऊण अंधयार-पडं, वंचिऊण पाहरिए
निग्गओ गेहाओ । गओ अग्गिसम्म-भट्टस्स गेहं । कुणइ भवेओग्गारं ।
भणिओ भट्टेण- 'भइ ! किं मग्गसि ?' । रत्ना भणियं— 'मह
देसंतरागय-बंधणस्स देहि वासं ।' भट्टेण वुत्तं- 'नत्थित्थ वासओ ।' रत्ना
वुत्तं- उत्तमं तुमं बंधणं भ(जा)णिय अहं बंधणो समागओ । न य
सुदगिहेसु वसंति बंधणा ।' भट्टेण वुत्तं- 'जइ एवं ता कुडीरए वससु ।'
ठिओ राया । एत्थंतरे भणिओ भज्जाए भट्टो- 'गिण्ह पुत्तं । तुह भायगेहे
अज्ज छट्ठी । तत्थ अवखवत्तं दाऊण जाव आगच्छामि ।' भट्टेण
भणियं— 'न तुमं आगमिस्ससि सिग्घं । पुत्तो पुण रुयंतो ममं
कयत्थिस्सइ । ता पुत्तं घेतूण वच्च ।' भट्टिणीए भणियं- 'तत्थाहं किं
करिस्सं ? । उज्झिऊण सुयं सिग्घमागमिस्सं ।' पुत्तं भट्टस्स अप्पिऊण
निग्गया भट्टिणी ।

राया वि 'तत्थ पेच्छामि बहु-जुवइ-चरियं'ति चितयंतो लग्गो तीए
पिड्डओ । पत्ता भट्टिणी हट्टमग्गे । मिलिओ तीए कय-संकेओ कोइ
जुवाणओ । तेण भणियं— 'विहिय-सिंगारा कत्थ पत्थिया सि ? ।'
तीए भणियं— 'वद्धावणय-कज्जेण देवर-गिहे । सिग्घं आगमिस्सामि ।

તુમં એત્થેવ પડિવ્વસુ ।' રક્ષા ચિંતિયં— 'ઇમીએ ચરિયં તાવ પેચ્છામિ'તિ ઠિઓ તત્થેવ । જુવાણો વિ જાવ પડિવ્વંતો ચિદ્વહ તાવ સમાગયા સા । તેણ ભણિયં— 'રહસોવ્વં કત્થ માણિયવ્વં ?' । તીએ વુત્તં— 'મહ ગિહે ગંતું મગ્ગસુ વાસયં, જેણ તહિં રહસોવ્વં નિઠ્ઠિવ્વં માણેમો ।' પચ્છો જુવાણઓ । વેસ-પરાવતં કાઠ્ઠણ લગ્ગા તસ્સ પિદ્ધઓ ભટ્ટિણી । રાયા વિ કોઠ્ઠહલ-ચિત્ત-ચિત્તો તદ્દણુમગ્ગેણ ચલિઓ । જુવાણેણ વેયજ્ઞયણં કાઠ્ઠણ ભણિઓ ભટ્ટો— 'ઉસભપુરાઓ એસા મહ ઘરિણી મએ કિંચિ સિવ્વવિયા રૂદ્ધા સમાણી પુત્તં મોત્તૂણ ઇહાગયા । અહં ચ કુદ્ધિઓ પિદ્ધઓ લગ્ગો સમાગઓ । ઉસ્સૂરં ચ જાયં આગચ્છંતાણં । તા મે દેહિ વાસં । ભટ્ટોઽહં તુમં ચ ભટ્ટો, અઓ જુત્તમેયં । જામદુગં ચ વસિઠ્ઠણ ગમિસ્સામો નિય-નયરં ।' એવં ભણિએ 'રંધણે વસસુ તુમં'તિ ભણિયં ભટ્ટેણ । પવિદ્ધાઈ દો વિ તત્થ । દારઓ વિ મજ્ઞા-રત્તે રોહં પવત્તો । ભણિયં જુવાણેણ— 'ભટ્ટ ! કિં ઇમો રોયઈ દારઓ ?' । ભટ્ટેણ ભણિયં— 'ઇમસ્સ માયા દેવર-ગિહે ગયા । મએ વારિયા વિ ન દિયા, એસો ખુ ભુવ્વિઓ રુયંતો ન થક્કઈ । સા વિ ન આગયા । તા કિં કરેમિ ?' । જુવાણેણ વુત્તં— 'મહ બંધણીએ પુત્તો ગિહે મુક્કો । તા અપ્પસુ નિય-પુત્તયં જેણ થળાવિઓ સુહં સુયઈ ।' અપ્પિઓ ભટ્ટેણ પુત્તો । થળાવિઓ, પુણો વિ સમપ્પિઓ ભટ્ટસ્સ । પસુત્તો પુત્તો ભટ્ટો ય । ઇયરાણિ વિ કીલિઠ્ઠણ પમાએ 'ભટ્ટ ! વચ્ચામો અમે, ઉસભપુરે પાહુણઓ એજ્ઞ ।' એવં કહિઠ્ઠણ ગયાણિ દુવાર-દેસં । ગઓ જુવાણઓ ।

ભટ્ટિણી વિ કાઠ્ઠણ પુવ્વ-નેવચ્છં પચ્છિઠ્ઠણ તંબોલ-સળાહં થાલં પત્તા ગિહં । ભટ્ટો વિ સવિઠં પવત્તો— 'રંડે રંડે ! કિં નાગયા સિ નિસાએ ?, સંતાવિઓ હં તુહ સુણ ।' તીએ વિ વુત્તં— 'અજ્ઞ તએ આણિયા કા વિ રંડા !, જઓ ઇહ દીસઈ આવીલો મલિયં મલ્લં । સિક્કડો ય પડિઓ । જા અહં ગેહાઓ નિગ્ગયા તા જાઓ તુમં ભુયંગો । સાહેમિ મહેસરાણં તુહ ચરિયં । કહં ગિણ્હસિ નિવ્વાવએ દવિવ્વણાઓ ય ?' । એવં અક્કોસંતીએ તીએ નિગ્ગઓ ભટ્ટો । ગઓ નિવાણં । રાયા વિ પત્તો ભટ્ટિણીએ પાસં । ભણિયા સા— 'ભટ્ટિણિ ! જાણસિ જયવમ્મં રાયાણં ?' । તીએ ભણિયં— 'જસ્સ પુરીએ વસામિ તં કહં સયલ-જગપ્પયડં જયવમ્મં રાયાણં ન યાણામિ ?' । રક્ષા ભણિયં— 'તા સોઽહં ।' તીએ ભણિયં— 'કિં તએ એરિસો વેસો કઓ ?' । રક્ષા ભણિયં— 'ઇત્થી-ચરિયસ્સ જાણણત્થં ।' તીએ ભણિયં— 'કેરિસં ચરિયં ?' । રક્ષા ભણિયં— 'જારિસં તુહ ।'

तओ कहिओ सव्वो वि सपच्चओ निसा-वुत्तंतो^{११} । तो लज्जाए भएण य विम्हला ठाऊण खणमेक्कं काऊणऽट्टहासं^{१२} भणिओ राया- 'सामि ! केरिसं मज्झा चरियं ? , तुम्ह नयरे वसंति ताओ महिलाओ जासिं पायबद्धा वि नाहं सोहामि !' रक्खा वुत्तं- 'एक्कं ताव मे कहसु ।' ता सा कहिउं पवत्ता-

'अत्थि अत्थिजण-पूरिय-मणोरहो मणोरहो सेट्ठी । तरस्स कमलदल-विसालच्छी लच्छी भज्जा । ताणं चउण्हं पुत्ताणं उवरि मणोरह-सएहिं जाया निय-रुव-रेहोहामिय-सुरसुंदरी सुंदरी धूया । तीए परिणीय-मेत्ताए चेव उवरओ भत्ता । सिट्ठिणा वुत्तं - 'वच्छे । ^{१३}ईइसो चेव संसारो । सुरासुराणं पि अनिवारियप्पसरो पहवइ मच्चू । ता न तए खिज्जियव्वं । मह घरोवरि ठिया चेव चिट्ठसु किं पि कम्मं अकुणमाणी' । पडिवन्नमेयं अणाए । कयाइ तीए मत्तवारण-ट्टियाए दिट्ठो विसिट्ठ-रुव-नेवच्छो विसाल-वच्छो रायमग्गमोगादो देसंतरागओ कामपालो राय-पुत्तो । तं पइ पच्चक्ख-कामएव-बभमेण मुक्खाओ कुसुमदामुब्भडाओ कडक्ख-च्छडाओ । एत्थंतरे पढियं बंदिणा-

जयइ विजय-लच्छी-संगओ बंगदेसा-

हिवइ भुवणपालस्संगओ कामपालो ।

अइसय-रमणिज्जं पिच्छिउं जरस्स रुवं,

धुवममरवहुओ मच्चलीयं महंति ॥१०४२॥

सुयमिणं सिट्ठि-धूयाए, नायं च जहा- 'बंगदेसाहिव-सुओ कामपालो इमो' ति । रायपुत्तेणावि पलोईया सा साणुरायाए दिट्ठीए । तं चेव चिंतयंतो गओ नियावासं । गहिओ कामज्जरेण । सेट्ठिधूया वि काम-परवसत्तणओ दढमरसत्थ-सरीरा जाया । विसक्खो सिट्ठी जाव चिट्ठइ ताव आगया भिक्खट्ठं परिव्वाइगा । भणिया य सेट्ठिणा- 'भदे ! अस्सत्थं पउणीकरेसु मह धूयं ।' तीए भणियं- ' पेच्छामि ।' ताव गया तीए पासं । दट्ठण तं मुणिय-मयण-वियाराए भणिया अणाए- 'भदे ! लक्खियं तुह सरीरस्स असत्थया-कारणं । ता कहेसु सब्भावं जेण तमहं संपाडेमि ।' तीए वि 'न अज्जा गइ' ति चिंतिऊण कहिओ सब्भावो । भणियमणाए- 'न तए खिज्जियव्वं । आइच्चवारे आइच्चहरे आइच्च-पूजा-ववएसेण तेण सह संगमं काराविरसं' ति भणिय उट्ठिया परिव्वाइगा । कहियं सिट्ठिणो- 'मए नियत्तिओ किंचि दोसो । सव्वहा

पुण आइच्च-पूयाए नियत्तिस्सइ ।' गया रायउत्तावासं, भणिया तरस्स भिच्चेहिं- 'भगवई ! 'जाणासि किं चि ?' तीए भणियं- 'सव्वं जाणामि । भणह कज्जं ।' तेहिं भणियं- 'अम्ह सामी रायपुत्तो दढमसत्थो वट्ठइ । ता तं पउणीकरेसु ।' 'करेमि' ति भणंती नीया रायउत्त-सयासं । भणियं तीए एगंते- 'रायउत्त ! सिद्धिधूया-पलोयण-खित्त-चित्तो ति छलन्नेसिणा छलिओ तुमं मयणेण । तेण असत्थ-सरीरो सि ।' ईसि हसिऊण वुत्तं रायउत्तेण- 'भयवई ! कहं मुणियमिणं ?' अहवा दिव्वनाण-नयणो चेव तवस्सि-जणो होइ । ता तुमं चेव चिंतेहि सत्थत्तणोवायं ।' तीए भणियं- 'चिंतिओ चेव मए उवाओ । वच्च आइच्चहरे । तत्थ तीए सह दंसणं, भविस्सइ ।' अह सिद्धिधूया सयण-परिगया गया आइच्चहरे । पूईऊण आइच्चं निग्गच्छंती तत्थागएण गहिया भुयाए रायउत्तेण । पुक्करियमणाए । 'छिक्काहं परपुरिसेण । न मे अग्गिं विणा सुद्धि'ति कट्ठेह कट्ठाइं । कह वि नियत्तिया जणएण । आगया निय-गेहं । तीए चेव रयणीए रायउत्तं घेतूण समागया परिव्वाइगा । जाओ दोण्हं पि संगमो । 'षट्कर्णो भिद्यते मन्त्रः'इति चिंतिऊण पसुत्तं परिव्वायगं जीरण-वत्थाईएहिं पिहिऊण पलीवियं घरं । निग्गयाइं दो वि । गयाइं रायउत्त-आवासं । सेट्ठी वि दहं परिव्वाइयं धूय ति मन्नंतो विलवितं पवत्तो—

'हा पुत्ति ! तए परपुरिस-फरिस-विहुराइ मग्गिओ अग्गी ।

दिक्खो न मए सयमेव साहिओ तह वि सो तुमए ॥'१०४३॥

काऊण तीए मय-किच्चाइं पेसियाणि अट्ठीणि तित्थे । रायपुत्तस्स वि कइवय-दिणेहिं तुट्ठं धणं । भणिया सा- 'भदे ! स-देसं वच्चामो ।' तीए भणियं- 'किं तत्थ गमणेण ?' एत्थेव सव्वं पूरिस्सइ सेट्ठी । वच्च सेट्ठि-हट्ठे । मग्गसु दव्वेण महग्गं पट्टसाडीयं ।' गओ सो तत्थ । तहेव कयं । पेसिया पट्टसाडिया भज्जाए । तीए वि 'न पडिहासइ'ति न गहिया । एवं दो-तिन्नि-वेलाओ कयं । सेट्ठिणा भणियं- 'सा चेव भज्जा इहागच्छउ । किं पाय-घसणेण ?' समागया सा । तं दहूण सेट्ठिया भणियं- 'रायउत्त ! मह धूया तए जया फरिसिया तया मह महंतो कोवो जाओ । रायपुत्तो तुमं ति न किं पि वुत्तं ।' रायपुत्तेण भणियं- 'मए एसा निय-भज्जा फरिसिया, न तुह धूया ।' सेट्ठिणा वुत्तं- 'एसा मह धूया किं

न होइ ?' रायपुतेण भणियं- 'सेहि ! नेह-गहिलो सि । किं न सुमरेसि निय-धूयं अग्गि-दहं ? ' । सेहिणा भणियं- 'सच्चं, सरिसत्तणेण मूढो म्हि । तह वि धूया-सरिस ति पडिवन्ना इमा मए धूया । ता तए जं न पुज्जइ तं मह हट्ठाओ धेत्तव्वं ।'

इय भट्ठिणीए चरियं दहं सोउं च सेहि-धूयाए ।

सइहइ 'इत्थि-चरियं गहणं' ति मणम्मि जयवम्मो ॥१०४४॥

एसो अवीससंतो महिलासु समुल्लसंत-वेरग्गो ।

सीलंधर-गुरु-पासे गहिय-वओ साहइ स-कज्जं ॥१०४५॥

ता भदे ! 'इत्थि-चरियं गहणं' मुणंतो अहं पि कहं इत्थीसु रहं करेमि ? ति ॥८॥

एत्थंतरे लीलावईए भणियं- 'नाह ! वय-गहणं ताव करेसि पुब्बोवज्जणकए पुब्बं व अज्जेसि सयल-मणहर-पयत्थ-संपत्ति-निमित्तं । सा य अत्थि चेव तुह तहाहि - चिंतियमेत- संपज्जमाण-मणवंछियत्थसत्थे पसत्थे पत्थिव-कुले जम्मो, आरोग्गं मणहरं, सयल-कलाकलाव-कुलहरं अहरिय-रइरमण-रूवरेहं देहं, तरुणि-लोयण-लिहिज्जंत-लायन्नमयपुब्बं तारुन्नं, अणुकूलमणो गुरुयणो, ^{१००}गरुय-रायकूलुप्पण्णाओ गाढाणुराय-संपुण्णाओ विणय-सज्जाओ भज्जाओ-

इय पुण्ण-पावणिज्जे पयत्थ-सत्थम्मि तुज्झ संपन्ने ।

पुब्बरस अज्जणं जं अज्ज वि पिसुणेइ तं लोहं ॥१०४६॥

लोहो य वज्जणिज्जो विउसेण अणत्थ-सत्थ-मूलम्मि ।

अभिभूओ तेण नरो लहइ खयं कज्ज-सिद्धि व्व ॥१०४७॥

कुमारेण भणियं- 'को सो कज्ज-सिद्धी ?'

लीलावईए भणियं—

'अत्थि वित्थिन्न-वावी-कूव-सरोवराराम-रमणिज्जं रायपुरं नयरं । तत्थ अत्थोवज्जण-सज्जो पयईए चेव कय-परकज्जो कज्जो सेट्ठी । तस्स सहावओ विलसंत-लज्जा अणवज्जा वज्जा भज्जा । ताणं च विसयसुहमणुहवंताण जाया मोहण-सोहण-मल्हण-पल्हणाभिहाणा चत्तारि पुत्ता । गहिय-कलाकलावा पत्ता जोव्वणं । परिणावियाओ

विउल-कुलुब्भवाओ लच्छि-गोरि-रइ-रंभाओ वणिय-कन्नाओ । तस्स य सेट्ठिणो धरे थावरओ कम्मयरो वुत्ताणत्तयं करेइ ।

अन्नया सेट्ठिणा पेसिओ कम्मि वि पओयणे । आगच्छंतस्स लग्गा महई वेला, पत्तो किंचूण मज्झरत्त-समए, कया अणेण दुवार-उग्घाडावणत्थं घरमाणुसाणं सद्दा । जाव निदा-परवसत्तणेण न उग्घाडियं केणावि दुवारं । पसुत्तो दुवारप्पएस-संठियरस्स महप्पमाण-कुट्टरस्स कट्ठवट्टस्स मज्झ-भाए । जाव निदा नागच्छइ ताव सुओ अणेण परोप्परं संलवंतीण इत्थीण सद्दे । तओ किं इमाओ पायालवासुव्विग्गाओ नागकन्नयाओ ? जइ वा गलिय-गयण-गमण-विज्जाओ विज्जाहरीओ निवडियाओ ?, किं वा कुविय-सुरवइ-साव-परिब्भट्ठाओ सुरंगणाओ पत्ताओ ?'त्ति विम्भिय-माणसो जाव सम्मं निखवइ ताव रयणालंकार-किरण-हणिय-तिमिर-निउरंभाओ बहल-मयणाहि-पंकोवलित्त-गत्ताओ कप्पूर-पारी-परिगय-तंबोल-परिमल-वासिय-दियंताओ कणंत-कणय-कंकण-कलावाओ रणंत-किंकिणी-मुहल-रसणाओ मंजु-सिंजंत-मंजीराओ दिट्ठाओ चत्तारि वि सिट्ठि-सुण्हाओ । लच्छीए भणियं- 'हला गउरि ! अज्ज तुमं उप्पाडेसु वटं ।' अवराओ तिन्नि निसन्नाओ वट्टस्स उवरि । उप्पाडियं गउरीए वटं, पयटं गयणे गंतुं । पत्तं समुदस्स उवरि । समुदो वि तासिं खव-लुद्ध-मणो पसारिय-भूओ व्व रेहइ, अब्भलिह-लहरीहिं पिच्छंतो^{१०१} व्व छज्जइ, समुच्छलंत-मच्छ-रिछोलि-कडवख-च्छडाहिं हसंतो व्व सहइ, फुरंत-फार-फेण-नियरेण कयग्घदाणो व्व सोहइ, समुल्लसंत-मुत्ताहलुप्पीलेण ममं उल्लंघिउण इमाओ वच्चंति त्ति विलक्खो रसंतो व्व तज्जए^{१०२} गरुय-निग्घोसेण ।

ताओ वि पत्ताओ सुवन्नदीवं लच्छीए कणय-कंकणं व कणयपुरं नयरं । मुत्तूण तरस बाहि वटं गयाओ ताओ नयरब्भंतरं । थावरओ ठिओ तत्थेव वट्टे निलुक्खो, पिच्छए कणयमय-पायार-पच्चासन्न-कणय-इट्ठाल-खंडाइं, बीहंतो य न सक्खए ताणि घेतुं । ताओ वि सइच्छाए कीलिउण निग्गयाओ गयाओ वटं । गमणक्कमेणेव नियत्ताओ पत्ताओ निय-नयरं । वटं मुत्तूण सद्दाणे पविट्ठाओ सगेहं । थावरओ वि तं तारिसं अच्चब्भुयं चित्ते^{१०३} धरिउमचयंतो तासिं च भएण कहिउमपारयंतो ठिओ कट्ठेण कइ वि दिणाइं ।

अन्नया साहसमवलंबितुण जहादिहं सव्वं सेट्ठिणो रहसि साहेइ ।
 सेट्ठिणा^{१०४} भणियं- 'अरे थावरय ! तत्थ-गएण ताणि कणय-इट्टालाणि
 किं न तए आणीयाणि ?' तेण वुत्तं- 'भएण बहुयाणं न सक्किओ अहं
 नीहरिउं वट्ठाओ ।' सेट्ठिणा वुत्तं- 'अरे अकम्मणो काउरिस-सिरोमणी !
 तुमं पेच्छ, अहं तत्थ गंतूण ताणि आणिरस्सं, परं तुमए तुण्हिक्केण
 ठायव्वं ।' अन्न-दिणे भणिया सिट्ठिणा धरिणी- 'अहं गामे गमिस्सं,
 अओ मम जोग्गं करेह संबलं ।' तीए वि काउण समप्पियं तं । निग्गओ
 गिहाओ सेट्ठी । गमिउण बाहिं दियहं रयणीए अलविखओ पविट्ठो
 वट्ठभंतरं । बहुयाओ वि कयसिंगाराओ समागयाओ वट्ठे । भणियं
 लच्छीए- 'हले रंभे ! अज्ज तुज्ज वारओ, तां तुमए उप्पाडियव्वं वट्ठं ।'
 चडियाओ तिन्नि इयरीओ । पुव्वक्कमेण पत्तं कणयपुरे वट्ठं, मुक्कं बाहिं,
 पत्ताओ ताओ पुरब्भंतरं ।

^{१०५}सिट्ठी वि हु नीहरिउं तत्तो सोवन्न-इट्ठ-खंडेहिं ।

पूरइ समंतओ तं वट्ठं ^{१०६}वट्ठंत-लोहभरो ॥१०४८॥

ताओ वि कीलिउं तं पत्ताओ तहेव संनियत्ताओ ।

तत्तो भणियं निब्भर-भारक्कंताइ रंभाए ॥१०४९॥

अज्ज हला ! अहं केणावि हेउणा वट्ठमक्खमा वोढुं ।

ता गच्छह गयणयले खिवामि वट्ठं जलहि-मज्झे ॥१०५०॥

तो सिट्ठिणा पलत्तं- 'बहुयाओ ! मा करेह पावमिणं ।

जम्हा तुम्ह ससुरओ एत्थ विवज्जामि कज्जो हं ॥१०५१॥

इय पत्थणापरो वि हु ससुरो दीणं पयंपमाणो वि ।

'विन्नायमम्ह चरियं'ति ताहिं जलहिम्मि जं खित्तो ॥१०५२॥

'मा डहसु गहिल ! गामं'ति जंपिए संभरावियं सुट्ठु ।

इय अक्खाणयमेयं जयम्मि तं पायडं जायं ॥१०५३॥

बहुयाओ आगयाओ स-गिहं तत्तो पभाय-समयम्मि ।

कज्जं सेट्ठिं ढट्ठु निय-निय-कज्जेण इति जणा ॥१०५४॥

कज्जं अपेच्छमाणा 'जा कज्जो एइ ता पडिक्खामो ।

एयम्मि य उवविसिउं'ति चित्तिउं जंति वट्ठम्मि ॥१०५५॥

वटं पि अपेच्छंता ततो ते बिंति अहह पेच्छामो ।
 केणावि कारणेणं अज्ज न कज्जं न वटं च ॥१०५६॥
 तो जइ सेट्ठी कज्जो संते भवणम्मि भूरि विभवभरे ।
 न कुणंतो अइलोभं ता निहणं नेय वच्चंतो ॥१०५७॥
 एवं तुमं पि पिय ! लोभ-परवसो मा करेसु वय-गहणं ।
 जं सज्झं वय-गहणेण तुज्झ तं किं अपरिपुण्णं ? ॥१०५८॥

अवि य-

पुरिसस्स वयं इणमेव सयणवग्गस्स जं समुद्धारो ।
 सिर-तुंड-मुंडणं पुण काउरिस चिय कुणंति वयं ॥१०५९॥
 सयणेहि देवयाराहणाइं काउं मणोरह-सएहिं ।
 लद्धो सि तेण तेसिं मणोरहे किं न पूरेसि ? ॥१०६०॥ ॥९॥
 कुमारेण भणियं—

‘चिरमुवयरिया चिर-पुप्फवासिया पालिया य जइ वि चिरं ।
 तह वि हु सयणा मरणाओ रक्खिउं न खमंति नरं ॥१०६१॥
 एक्को चिय मच्चु-मुहं वच्चइ अच्चंत-कय-करुण-सदो ।
 वीसरिय-सयल-तक्कय-सुकया चिट्ठंति इह सयणा ॥१०६२॥
 सयणाण कए मणुओ पावाइं करेइ बहु-पयाराइं ।
 एक्को चिय सहइ पुणो पाव-फलं नरय-कुहरम्मि ॥१०६३॥
 चुलसीइ-जोपि-लवखेसु संसरंताण एत्थ जीवाणं ।
 परमत्थेणं सव्वे सव्वेसिं बंधवा हुंति ॥१०६४॥
 जे के वि हु जीवाणं परोप्परं संभवंति संबंधा ।
 एक्केक्केणं एक्केक्कयस्स तेऽणंतसो पत्ता ॥१०६५॥
 जीवाण बहुय-जम्मेसु बहुविहा जं हवंति संबंधा ।
 तं न हु चोज्जं चोज्जं जं पुण ते एक्क-जम्मम्मि ॥१०६६॥
 एत्थ य कुबेरसेणा कुबेरदत्तो कुबेरदत्ता य ।
 जिणपुंगवेहिं दिहा बहु-संबंधेसु दिहंता ॥१०६७॥

लीलावईए भणियं - ‘नाह ! का कुबेरसेणा ? को वा कुबेरदत्त ?

त्ति ।

कुमारेण भणियं—

‘उदाम-काम-कमणीय-कामिणी-चक्क-चंकमण-महुरा ।

विगय-परचक्क-विहुरा महुरा नामेण अत्थि पुरी ॥१०६८॥

एक्का वि सयल-तइल्लोक्क-विजय-कज्जे अणंग-नरवइणो ।

तत्थ य कुबेरसेणा सेण व्व विलासिणी अत्थि ॥१०६९॥

सा य पढम-गब्भेण खेईया जणणीए विज्जस्स दंसिया । तेण भणियं— ‘जमल-गब्भ-दोसेण एईए बाहा, न उण कोइ वाहि-दोसो’ । एवं नाउण जणणीए भणिया— ‘पुत्ति ! मा पसव-काले ^{१०६}सरीर-पीडाओ होउ ति गालेमि ते गब्भं ।’ तीए न इच्छियं । जाओ दारओ दारिया य । जणणीए भणिया— ‘उज्झिज्जंतु दुक्खकारयाणि एयाणि ।’ तीए भणियं— ‘जइ ते निब्बन्धो ता दस-रत्तं पोसिज्जंतु ।’ करावियाओ तीए दुवे कुबेरदत्त-कुबेरदत्ता-नामंकियाओ मुद्दाओ । पुब्बे दस-रत्ते मंजूसाए रयणपूरियाए छोदूण जउणा-नईए ^{१०७}पवाहियाइं दो वि । भवियव्वयाए सोरियपुरे पच्चूसे दोहि इब्भदारएहि दिट्ठा मंजूसा । गहिया तेहि । दिट्ठाणि ताणि । एक्केण कुबेरदत्तो गहिओ, बीएण कुबेरदत्ता । कमेण संवड्डियाणि । पत्ताणि कामकरि-कीलावणं जोव्वणं । कओ तेसिं परोप्परं वीवाहो । वित्ते वीवाहे वहू-वरेहिं जूयकीला काउमारद्धा । सहीहिं कुबेरदत्त-हत्थाओ मुद्दा गहिउण कुबेरदत्ताए हत्थे दिट्ठा । पलोइया तीए । जाव सरिस-घडणाओ दो वि मुद्दाओ चिरंतणीओ ति कलिउण चितियं तीए— ‘केण कारणेण मज्जे एवमेयं ति नूणं अम्हे भाय-भंडाइं^{१०८} । न य मे कुबेरदत्ते भत्तार-बुद्धी, नयावि कुबेरदत्तस्स मइ भज्जा-बुद्धी । ताव भवियव्वं एत्थ कारणेण’ ति चिंतिउण दो वि मुद्दाओ वरस्स हत्थे ठवियाओ । तस्स वि पेच्छंतस्स तहेव चिंता समुप्पन्ना । सो वि वहूए मुद्दं अप्पिउण गओ माउ-समीवं । सवहे दाउण पुच्छिया माया । तीए ^{१०९}गरुय-निब्बन्धं नाउण जहट्टियं सिट्ठं । तेण भणियं— ‘अम्मे ! तुब्भेहिं जाणमाणेहिं अजुत्तं कयं ।’ तीए भणियं— ‘सरिस-खव-दंसणाओ तुम्हाणं अणुरूवो जोगो’ति मोहिया अम्हे । ता होउ, पुत्तय ! हत्थग्गह-मेत्तेण दूसियाइं तुब्भे, न उण पावं समायरियं । अहं विसज्जेहामि दारियं स-गिहं । तुमं पुण दिसायत्ताए पत्थिओ सि । तओ नियत्तस्स अज्जाए सह संबंधं कारविरसामि ।’ ‘एवं होउ’ति

કુબેરદત્તેણ કુબેરદત્તા પેસિયા સ-ગિહં । તીએ વિ તહેવ પુચ્છિયા જણી । જણીએ^{૧૧} વિ જહાવતં કહિયં । કુબેરદત્તા તેણ નિવ્વેણ પવ્વહ્યા । પવત્તિણીએ સહ વિહરહ । મુદ્દા અણાએ સંગોવિઝ્ઞણ અપ્પણો પાસે ધરિયા । પવત્તિણીએ વયણેણ તિવ્વ-તવચ્ચરણ-પસત્તાએ કુબેરદત્તાએ ઓહિનાણં સમુપ્પન્નં । આઘોહો અણાએ કુબેરદત્તો કુબેરસેણા-ગિહે વટ્ટમાણો, પુત્તો ય તેણ સે જાઓ । ચિંતિયં અણાએ- 'અહો અન્નાણ-વસગાણં અકજ્જકારિત્તણં'તિ । તેસિં સંબોહણત્થં અજ્જાહિં સમં વિહરમાણી મહુરં ગયા કુબેરદત્તા, કુબેરસેણાએ ગિહે વસહિં મગ્ગહ । તીએ વિ વંદિઝ્ઞણ ભણિયં- 'અજ્જા ! અહં નામમિત્તેણ ગણિયા કુલવહુ-વેસેણ ચિદ્દામિ । તા તુમ્હે ગિહેગદેસે વિવિત્તે વસહ'તિ અણુમે ઠિયા તત્થ કુબેરદત્તા । કુબેરસેણા વિ દારયં સાહુણીણ પાસે નિવિલ્લેવહ । કુબેરદત્તા તેસિં પડિબોહણત્થં દારયં જંપેહ - 'બાલય ! ભાયા સિ મે ૧, ભત્તિજ્જો સિ મે ૨, દેવરો સિ મે ૩, પુત્તો સિ મે ૪ । જસ્સ તુમં પુત્તો સો મે ભાયા ૧, પિયા ૨, પુત્તો ૩, ભત્તા ૪, સસુરો ય ૫ । જીસે ગબ્ભાઓ જાઓ સિ સા વિ મે માયા ૧, સાસુ ૨, સવત્તી ૩, ભાઉજ્જાયા ય ૪ । તં તહા-સંલાવં સોઝ્ઞણ કુબેરદત્તં સાહુણિં વંદિઝ્ઞણ કુબેરદત્તો પુચ્છેહ- 'અજ્જે! કહ હમં હક્કેક્ક-વિરુદ્ધં અસંબદ્ધં કિત્તણં કરેસિ ?' અજ્જા ભણહ- 'સાવય ! સચ્ચં એયં । ઓહિનાણેણ ઉવલદ્ધં મએ ।' કુબેરદત્તેણ ભણિયં- 'કહં ચિય ?' સા ભણહ- 'બાલઓ ભાયા મે, જેણ દોણહં પિ એક્કા માયા ૧ । ભત્તિજ્જઓ વિ, જેણ મે ભાઉણો પુત્તો ૨ । દેવરો ય મે, જેણં ભત્તાર-ભાયા ૩ । પુત્તો ય, જેણ મે ભત્તાર-સુઓ ૪ । બાલગસ્સ વિ જો પિયા તુમં સો મે ભાયા, જેણ દોણહં પિ એક્કા માયા ૧ । પિયા ય, જેણ મે માયાએ ભત્તા ૨ । પુત્તો ય, જેણ મે સવત્તીએ પુત્તો ૩ । ભત્તા ય, જેણાહં તએ પરિણીયા ૪ । સસુરો ય, જેણ મહ સાસુએ કુબેરસેણાએ તુમં દઈઓ ૫ । જીએ ગબ્ભાઓ જાઓ તિ સા વિ મે માયા, જેણાહં તીએ ગબ્ભે ઉપ્પન્ના ૧ । સાસુ ય, જેણ મે ભત્તુણો કુબેરદત્તસ્સ માયા ૨ । સવત્તી ય, જેણ મે ભત્તુણો કુબેરદત્તસ્સ ભજ્જા ૩ । ભાઉજ્જાયા ય, જેણ મે ભાઉણો કુબેરદત્તસ્સ ભજ્જા ૪ ।' તઓ અજ્જાએ મુદ્દા દંસિયા । કુબેરદત્તો તં તારિસં જાણિઝ્ઞણ જાય-તિવ્વ-સંવેગો 'અહો ! અન્નાણેણ એવમહં કારિઓ તિ પવ્વહો ગુરુ-સમીવે । ગરુયં^{૧૨} તવચ્ચરણં ચ કાઝ્ઞણ દેવલોગં ગઓ । કુબેરસેણા વિ ગહિય-ગિહત્થવ્વયા જાયા અજ્જા વિ, પવત્તિણી સમીવે ગયા ।

एवं ता जीवाणं अणियय-भावेण सयण-भावस्स ।

भदे ! भवत्थ-जीवा सव्वे परमत्थओ सयणा ॥१०७०॥

सव्वेसिं उवयारं सव्व-सावज्ज-विरइस्खाए ।

जिण-पव्वज्जाइ विणा सक्को वि न सक्कए काउं ॥१०७१॥

ता सव्व-जीव-लक्खण-सयणाणं पालणुज्जय-मणेण ।

पुरिसेणं निरवज्जा पव्वज्जा चेव कायव्वा ॥१०७२॥ ॥१०॥

एत्थंतरम्मि कमलावईइ विरहाउराइ संलत्तं ।

'पिययम ! अहं पि संपइ हिय-वयणं किं पि जंपेमि ॥१०७३॥

अइ-लोह-गहग्गहिया जीवा पावंति आवइं 'गरुयं ।

उट्ठित्तणं पवन्ना दिट्ठंतो कुट्ठिणी एत्थ' ॥१०७४॥

कुमारेण वुत्तं- ' का सा कुट्ठिणी ? ' ।

कमलावईए भणियं- 'सुण,

'अत्थि पुरं कुसुमपुरं पुरीण कुसुमावयंस-सारिच्छं ।

सर-वावी-कूव-पवाए पवहियाणंद-संदोहं ॥१०७५॥

तुगं-सुरभवण-कंचण-कलस-समूहो नहंगण-दुमस्स ।

परिपाग-पिंगफल-निवह-लीलमवलंबए जत्थ ॥१०७६॥

तत्थ रिउ-रमणि-नीसास-पवण-सिंधुक्किय-प्पयावग्गी ।

वग्गंत-तुरयवग्गो राया रिउमदणो नाम ॥१०७७॥

तरस्स निय-जणयावमाण-विणिग्गओ गयण-विउलासओ सयल-
कलाकलाव-कुसलो सलोण-सव्वंगोवंगो बंगाहिव-नंदणो नंदणो
रायपुत्तो ओलग्गइ, लग्गई य सो निय-गुण-गणेण मणम्मि नरवइणो ।
वियरेइ राया तरस्स विउलं वित्तिं । सो उदारयाए विच्चइ 'नड-विड-
वेसा-भट्ट-चट्ट-कज्जेसु । कयाइ परिबभमंतो दिट्ठो ललिय-
लावण्णावगन्निय-ललियाए ललिया-नामाए गणियाए । ससिणेहं
निज्झाइओ चिरं । पेसिया 'दासी । गंतूण तीए भणिओ- 'देव ! अम्ह
सामिणी ललिया विन्नवेइ- एत्थ आगमणेण पसायं कुणह ।' आगओ
नंदणो । आदत्तो वीणाइ-विणोओ । अविखित्ता सा । भणियमणाए- नियं
चेव तुह एयं गिहं, ता एत्थेव वसियव्वं ।

चितियं नंदणेण-

‘अब्भत्थिया वि वंका धण-पडिलग्गा वि तवखण-विराया ।

तियसिंद-चावलडि व्व होइ वेसा सुदुग्गेज्झा ॥१०७८॥

रज्जंति धणेषु पणंगणाओ न गुणेषु कुंद-धवलेसु ।

सज्जंति चिलीणे मक्खियाओ घण-चंदणं मोत्तुं ॥१०७९॥

थोर-थणथलीण वि पंकय-दल-दीह-लोयणाणं पि ।

वेसाण हरिदा-राय-सरिस-पेम्मत्तणं दोसा ॥१०८०॥

जाणामि जइ वि एवं इमीए ख्वाइ-गुणगणो तह वि ।

आयइइ मह हिययं बला वि लोहं व अक्खंतो ॥१०८१॥

एवं चिंतिउण ठिओ तत्थ । जाया परोप्परमिमाण पीई । नवरं कुट्टणी धणलुद्धा न तूसइ तेत्तिय-धणेण । अओ न बहुमन्नइ नंदणं । भणेइ निय-धूयं- ‘वच्छे ! तुच्छ-दविण-दाया एस । एत्थ नयरे ते के वि चिहंति भोइणो अवरं, जेसिं पुरओ धणओ वि किविणो, ता किं तुमं इमं न चएसि ? । तीए भणियं- ‘न चएमि मुत्तुमेयं । धणलुद्धा तुमं । अहं पुण गुणाणुरागिणी । गुणा य जारिसा एयस्स न तारिसा अन्नस्स ।’ एवं सोउण कुविया कुट्टणी” । भणिओ अणाए परियणो- ‘अवमाणउण नंदणं निस्सारेह मे गिहाओ’ । तेण तहेव कयं । निग्गओ नंदणो । परिब्भमंतो य भूमंडलं साकेयनयरंतरस्स परिसरुज्जाणे पत्तो सक्खावयार-चेईयं । जस्सिं कंदलिय व्व कंचणमय-वखंभावलीहिं इमा, निच्चं पल्लविय व्व दिव्व-सिव-उल्लोएहिं, सव्वत्थ वि दिप्पंतेहिं चिय राय-कुसुमियव्वुद्दाम-मुत्ताहलोउलेहिं, फलिय व्व हेमकलसुप्पीलेहिं लच्छी लया तत्थ दिट्ठा जुगाइ-जिणिंदस्सेय पडिमा । तं दट्ठण हरिसुप्फुल्ल-लोअणो थोउमाढत्तो-

‘जं वज्जेसि नियंबिणी-थणहरुच्छंगाभिरांगं तुमं,

कोदंडासि-तिसूल-चक्क-पमुहं छत्तं न धारेसि जं ।

तं मन्ने गय-राग-दोस-पसरो देवाहिदेवो तुमं,

कज्जं कारणमंतरेण न भवे जम्हा इमं पायडं ॥१०८२॥

लद्धं अज्ज मए तिलोय-कमला-वच्छत्थलालिंगणं ।

खीणं मज्झा खणेण पाव-पडलं नीसेस जम्मऽज्जियं ।

संपत्तो भवसायस्स विसमुत्तारस्स तीरे अहं ।

जं दिट्ठो सि जिणिंद लोयण-सुहा-नीसंद-तुल्लो तुमं ॥१०८३॥

महि-निहिय-निडालवट्ठो पणमिऊण जिणं जिणभवण-दुवार-
देसट्ठियाए चक्केसरीए देवयाए पुरओ रयणीए पसुत्तो सो मणिपीडियाए ।
मज्झारत्त-समए समागया तत्थ तक्करा । गहिउं पवत्ता सुवन्न-
रयणाहरणाइयं जिणहराओ । हक्किया नंदणेण- 'अरे दुरायारा !
किमेयमारद्धं उभय-लोग-विरुद्धं ?।' तेहिं वुत्तं- 'जं पडिहाइ अप्पणो !'
तेण वुत्तं- 'न लब्भए काउमेयं ।' तेहिं वुत्तं- 'को निवारणो ?।' तेण
वुत्तं- 'एस मे खग्गो' । तेहिं वुत्तं- 'जइ एवं ता सम्मुहो होसु ।' खग्गं
गहिऊण ठिओ सम्मुहो नंदणो । तक्करा वि पवत्ता पहरिउं । उक्कडयाए
सत्तस्स निरवेक्खयाए जीवियव्वरस्स धुणिऊण केसरविसरं व अंगलग्गं
सर-समूहं एक्केण वि करिणो व्व केसरिणा विद्विया तक्कर-भडा नंदणेण,
नट्ठा दिसोदिसं ।

दट्ठूण तस्स सत्तं पहट्ठ-मुहपंकया पसंसंती ।

तं रणरहसुट्ठिय-सेय-बिंदु-संदोह-दंतुरियं ॥१०८४॥

तिमिर-घण-पडल-मज्झे सुवण्णवण्णाहि कय-कंतीहिं ।

विज्जु व्व पज्जलंती पत्ता चक्केसरी देवी ॥१०८५॥

अकय-सुकयाण दुलहं दाऊणं नियय-दंसणं तीए ।

अट्ठहिं करेहिं जुगवं पि अमयधाराहिं सो सित्तो ॥१०८६॥

तो नंदणस्स देहं सहस च्चिय रूढ-पहरण-वणोहं ।

चक्केसरिणा(रीए) विहियं विविहालंकार-रमणिज्जं^{११०} ॥१०८७॥

अह वच्छत्थल-विलुलंत-तार-हारावलीए नेहेण ।

अप्पडिचक्काए इमो भणिओ पण्हय-थणीओ व्व ॥१०८८॥

'हे वच्छ! तुज्झ साहस-गुणेण तुट्ठ म्हि विम्हि(म्ह)यकरेण ।

ता चित्तरयणमिणं गेण्हसु अवखय-निहाणं व ॥१०८९॥

विणय-पणउत्तमंगेण नंदणेणं तओ इमं भणिया ।

'देवि ! तुह दंसणं चिय चित्तरयणाओ अब्भहियं ॥१०९०॥

किंतु अइवच्छलाए जणणीए पणयपुव्वमाएसं ।

जइ न करेमि तओ हं न नंदणत्तं तुह वहामि ॥१०९१॥

એવં ભળંતેણ તેણ પડિચ્છિઓ ચિંતામણી । અકિચ્છિઓ અ દેવીએ
 પંચપરમિદિ-મંતો, ભળિયં ચ- 'પૂઈઝળ કુસુમાઈહિં' ઇમિણા મંતેણ સત્તવારે
 અહિવાસિઓ એસ ચિંતામણી મળવંછિયં પયચ્છઈ । તહા ઇમસ્સ મંતરસ્સ
 માહપ્પેણ ન પભવંતિ ભૂય-પેય-પિસાય-રવ્વસાઈ, ન કમંતિ પહરણાઈ ।
 'પસાઓ'તિ ભળંતો પડિઓ પાણસુ નંદણો દેવીએ । દેવી વિ તિરોહિયા ।
 તમેવ મંતં સુમરંતેણ ગમિયં નિસાસેસં પખાએ જહુત્ત-વિહિણા પૂઈઝળ
 ચિંતામણી પત્થિઓ સરીરઠિઈ-સામગ્ગિં । અચિંત-સામત્થઓ તસ્સ
 તવ્વખણા ચેવ તત્થ સંજાઓ રયણમઓ પાસાઓ । આરુઠો તત્થ નંદણો,
 આગયા અંગમદયા, સવિણયં અબ્ભંગિઝળ કયં અણેહિં અંગમદણં ।
 તઓ સમાગયાઓ સુગંધુઠ્ઠવટ્ટણ-સણાહ-પાણિપલ્લવાઓ તરુણીઓ,
 ઊઠ્ઠવટ્ટિયાઓ તાહિં નીઓ વિવિહ-મણિ-કિરણ-રહા-સક્કચાવ-ચક્કવાલે
 વિસાલે પવણ-વિહુવ્વંત-મુત્તાવચૂલ-કય-તંડવે મજ્જણ-મંડવે, નિવેસિઓ
 રયણપટ્ટે । સુરહિ-નીર-ભરિય-ભૂરિ-ભિંગારેહિ મળહર-ગીયાઊજ્જ-નટ્ટ-
 પુઠ્ઠવં પહવિઓ દિઠ્ઠવંગણા-ગણેણં, પરિહાવિઓ દિઠ્ઠ-દેવંગ-વત્થાઈ ।
 કય-પુષ્પ-વિલેવણોવયારો પત્તો દિઠ્ઠ-નારી-નિઅર-પવિચ્છત્તો
 સક્કાવયાર-ચેઈયં । પૂઈઝળ કુસુમગંધ-પડિપટ્ટંસુઈહિં પળમિઓ ભત્તિપુઠ્ઠ
 ભગવં જુગાઈદેવો । કરાવિયં નચ્ચંત-ચારુ-વિલયં તુદંત-હારલયં સલયં
 જિણ-પુજા-કજ્જાગય-સાનેઅ-જળવચ્ચેવ-જળયં પેવચ્છણયં । કયા
 ચક્કેસરીએ પૂયા । ગઓ સઠ્ઠ-રસોવેય-વિવિહ-ચક્ક-પેજ્જાઈ-સંપુન્ન-
 સુવન્ન-થાલં ભોયણસાલં જિમિઓ નરિદ-લીલાએ । ગહિએ અ તંબોલે
 ઈંદયાલં વ તિરોહિયં સઠ્ઠવં પાસાયપ્પમુહં । ચલિઓ નંદણો
 કુસુમપુરાભિમુહં, પત્તો ય તત્થ । ઇઓ ય સા લલિયા નંદણમપેચ્છંતી
 પરિચત્ત-ભત્તા ઠિયા તિ-રત્તં । વિચિત્ત-જુત્તિ-પડિવત્તિ-પુઠ્ઠવં પન્નવિયા
 કુટ્ટણીએ^{૧૧૮}, ભળિયમણાએ-

‘અવિયાલિંગાઈ અંગે ભયવં ધૂમદ્ધઓ ધુવં મજ્જા ।

ન ડ નંદણાઓ અન્નો મળુઓ મયરદ્ધય-સમો વિ ॥૧૦૭૨॥

ઈમં ચ તીએ નિચ્છયં તહ તિ પડિવજ્જિઝળ કરાવિયા કુટ્ટણીએ^{૧૧૯}
 પાણવિત્તિં, અપ્પણા વિ પયટ્ટા તં ગવેસિડં । અન્નયા દિટ્ઠો કયસિંગારો
 ઘરાસન્ન-રચ્છાએ^{૧૨૦} વોલંતો નંદણો । તીએ તુરિયં ગંતૂણ સવિણયમાણિઓ
 ઘરં, કાઊળ મહંત-પડિવત્તિં ભળિઓ- ‘પુત્ત ! જોત્તં કિં તહા પવસણં ? ।

જુઓ-

जलपाणत्थ निविट्ठो उट्ठतो पत्थिओ कहइ वत्तं ।
 तं पुण पयडिय-नेहो वि अकहिउं कह पउत्थो सि ? ॥१०९३॥
 किर कत्थ कत्थ न मए पुत्त ! गविट्ठो सि एत्तियं कालं ।
 न य निय-दंसण-दाणेण कओ पसाओ तए मज्झं ॥१०९४॥
 एसा य मज्झा दुहिया दुहिया पत्ता य पाण-संदेहं ।
 न य निब्बेहा जाया मुक्का अवराह-विरेहे वि' ॥१०९५॥

नंदणेण वुत्तं- 'अहं खु उत्ताल-पओयणेण देसंतरं गओ,
 अज्जेवाऽऽगओ, वक्खेवाओ य नेह पत्तो । ता न अन्नहा तए
 संभावियव्वं' ति । ठिओ तग्गिहे । कुणइ विलासे । मग्गिओ कुट्टणीए^{१२१}
 धणं । तओ 'भारतुल व्व लोहमई'^{१२२} इमा, न थोव-दाणेण तत्तिहि'ति
 कलिउण तेण चिंतामणि-माहप्पेण दिण्णं मग्गियाइरित्तं वित्तं । तुट्ठा
 कुट्टिणी । तह वि लोह-दोसेण पुणो पुणो मग्गेइ । नंदणो वि पयच्छइ ।
 अन्नया विम्हियाए चिंतियं अणाए- 'नूणं अत्थि एयरस्स चिंतामणी
 परिग्गहे, कहं अन्नहा एरिसी दाण-सत्ती ? । ता तं गेण्हामि ।' तओ
 ण्हाणोवविट्ठस्स तस्स कुप्पास-खल्लयाओ गहिओ तीए मणी । पुणो
 किंपि जाइएण निहालियं अणेण खल्लयं तं । अपेच्छंतेण पारद्धा
 गवेसणा । भणिओ कुट्टणीए^{१२३} - 'पज्जत्तं तुह दाणेण । मा मे परियणं
 अब्भक्खाणेण दूमिहि ।' तओ नूणं अणाए गहिओ चिंतामणी, कहं अन्नहा
 सिद्ध-कज्ज व्व निद्विखिन्नमुल्लवइ एस ति संभावित्तुण सामरिसो
 निग्गओ नंदणो, लज्जाए रायाणं पि अविन्नविउण पत्थिओ देसंतरं ।
 चितइ य-

न हु अच्छरियं हय-कुट्टणीए^{१२४} लोहज्जराभिभूयाए ।
 जं मग्गिए वि अधिए दिब्बे न नियत्तए तण्हा ॥१०९६॥
 असमिक्खिय-तत्ताए वीसत्थदोह-दिब्ब-चित्ताए ।
 नो केवलं अहं चिय अप्पा वि हु वंचिओ तीए ॥१०९७॥ ^{१२५}जओ-
 अमुणिय-विहि-मंताए तीए चिंतामणी मणोभिमयं ।
 थेवं पि न वियरिस्सइ नूणं पाहाण-खंडं व ॥१०९८॥
 को हुज्ज सो पयारो जेणाहं तीए विप्पियं काउं ।
 दंसिय-निय-माहप्पो चित्तायणं गहिरस्सामि ? ॥१०९९॥

उवयारं उवयारीण वेरं निज्जायणं च वेरीण ।

काउं जो न समत्थो धिरत्थु पुरिसत्तणं तरस ॥११००॥

इय चिंतापरो परिब्रह्मन्तो पत्तो एणं नयरं रमणीयं अजणसंचारं, चित्ते सविम्हओ पविट्ठो तयब्रह्मन्तरं । पेच्छन्तो किलकिलन्त-कइकुल-संकुलाइं देवकुलाइं, घुरुहुरन्त-घोर-वग्घाइं, घरोयराइं लंबन्त-भुयंग-कंचुयाइं तोरणाइं । गओ रायभवणं । आरुढो सत्तमं भूमियं । पेच्छइ तत्थ कुंकुम-कयंगरायं सुरहि-कुसुम-मालुम्मालिय-ग्गीवं करहिमिणं । 'कहं सुब्ब-नयरे करही ?' कहं वा एत्थारुढा सोवभोगसरीरा य ?' ति वियच्छन्तो पेच्छइ गववख-गयं समुग्गय-दुगं । तत्थ एणत्थ धवलमंजणं, अब्बत्थ कसिणं । सलागा-दंसणाओ जेणंजणमिणं ति कय-निच्छओ नियच्छइ धवल-पम्हाइं करही-लोयणाइं । तो 'नूणं माणुसी एसा धवलंजणेण करहीकया संभवइ । कयाइ कसिणंजणेण पयइ-भावो इमीए' ति चित्तिउण्ण अंजियाइं कसिणंजणेण तयच्छीणि नंदणेण । जाया पयइरूवा तरुणी । 'कुसलं तुह ?' ति ससिणेहमालत्ताए भणियमणाए- 'संपइ तुम्हाणुभावेण संभवइ कुसलं ।' नंदणेण वुत्तं- 'को एस वुत्तन्तो ?' तओ सा साहिउं पवत्ता- 'अत्थि इओ उत्तरओ गंगाकूले कुसत्थले नयरे गंगाहरो ति सेट्ठी । तब्रह्मज्जा गंगिला नाम । ताणं चउण्ह पुत्ताणमुवरि जाया मणोरह-सएहिं तणया नामेण सुंदरी अहं जोव्वणं पत्ता ।

अह गंगासब्ब-वणे विज्जाविज्जय-निमित्त-निउणमई ।

नामेण रुद्धसम्मो आसि परिव्वायगो तरुणो ॥११०१॥

अह सो मह जणएणं सगोरवं भोयणत्थमाहूओ ।

विहिय-चलणाइ-सोओ ठविओ पवरासणे विहिणा ॥११०२॥

तो सालि-दालि-घय-खज्ज-पेज्ज-परिवेसणम्मि पारद्धे ।

ताय-गिरा-^{१२}गहियं वीयणं मए पवण-दाण-कए ॥११०३॥

मह रूवं पेच्छन्तो अजुत्तकारि ति सो वि मयणेण ।

कुविएण व बाणेहिं पहओ तो चित्तए एवं ॥११०४॥

इज्झाउ वयं, विवज्जाउ विज्जा, झाणग्गहे पडउ वज्जं ।

सग्गेण न मे कज्जं रमेमि रमणिं जइ न एयं ॥११०५॥

जइ अच्छराहिं बंभो, गंगा-गोरीहिं खोहिओ य हरो ।
 गोवालियाहिं कन्हो, वय-बहुमाणो तओ को मे ? ॥११०६॥
 इय कय-विविह-वियप्पो झायंतो किं पि भोयणं मोत्तुं ।
 भणिओ सो मह पिउणा- 'भुंजह चिंताइं किं इण्हिं ?' ॥११०७॥
 पुण पुण भणिज्जमाणेण तेण 'किं एरिसेण दुक्खेण ?'
 विहराण भोयणेणं ?' ति भणिउं गहिया कइ वि कवला ॥११०८॥
 भुत्तुत्तरं च पुट्ठो पिउणा किं दुक्खिओ तुमं भयवं ।
 निब्बन्धे वज्जरियं अणेण जह- 'मज्झा मुणिणो वि ॥११०९॥
 तुम्हारिस-जण-संगो दुह-हेऊ जेण तुम्ह न तरामो ।
 सोदुमऽकुसलं कहिउं च इत्तियं चिय तरामो ॥१११०॥
 तो सो गओ स-ठाणं 'हंत किमेयं' ति आउलमणेण ।
 तत्थ वि गंतुं पिउणा एगंते सायरं पुट्ठो ॥११११॥
 भणियमणेण - 'इमो सो जाओ मे वग्घ-दुत्तडी-नाओ ।
 जं तुममलंघणिज्जो इमं च कज्जं अवत्तव्वं ॥१११२॥
 तह वि हु गोरवठाणं तुमं ति साहेमि इत्थ परमत्थं ।
 भोयण-समए दिट्ठाइं तुह सुया-लक्खणाइं मए ॥१११३॥
 पिउपक्ख-क्खयकर ति लक्खिया सा अणेण दुक्खेण ।
 चत्तं भोयणमुवरोहओ य तुह किंचि भुत्तं च' ॥१११४॥
 'नाणी अवितह-वयणो य निच्चमेसो' ति भीरुणा पिउणा ।
 भणियं - 'भयवं ! किं को वि अत्थि अत्थे इह उवाओ ?' ॥१११५॥
 'अत्थि' ति तेण वुत्तं, 'नवरं सो दुक्करो जओ भद ! ।
 परिचत्तं चिय पीडं न कुणइ अवलक्खणं वत्थुं ॥१११६॥
 पाणपिया य सुया ते जइ पुण एसा कुमारिगा संती ।
 सव्वालंकारजुया खिविउं मंजूस-मज्झाम्मि ॥१११७॥
 गंगाए पवाहिज्जइ किज्जइ संती तओ हवइ सुत्थं ।
 तो कुल-रक्खा-कज्जे ताएण तहा कयं सव्वं ॥१११८॥

परिव्वायगेणावि भणिया निय-सीसा जहा- 'अज्ज गंगाए
 हिमवंताओ मम मंतसिद्धि-निमित्तं पूयोवगरण-पुब्बा मंजूसा आणीया ।

ता गंतूण तं हिद्धिम-तिथे पडिच्छह, अणुग्घाडियं आणेह, जेण मंत-विग्घो न होइ' ति । ते वि गया तत्थ । सा य मंजूसा इमस्स नयरस्स सामिणा भीमेण नइ-जले कीलंतेण दिट्ठा, कोउगेण गहिया, उग्घाडिया य । तओ दिट्ठा अहं, विग्घिओ इमो, मयण-वसगेण गहिया अहं । खित्ता तत्थ मक्कडी । तहेव ठइउण पवाहिया मंजूसा । भीमो वि विदत्त-रज्जंतरो व्व तुद्धमणो पत्तो इमं नयरं ।

परिव्वायण-सीसेहिं वि गहिउण मंजूसा अप्पिया गुरस्स । तओ तरस्स विवेओ व्व रवी अत्थमिओ, पसरिओऽणुराओ व्व संझा-राओ, कुमइ व्व तिमिर-माला समुल्लसिया । भणिया तेण सीसा- 'अज्ज निसाए मंतसिद्धिं करिस्सं । अओ सूरे उग्गाए तुब्भेहिं आगंतव्वं' ति भणिउण पिहियं मढ-दुवारं, दवावियं तालयं । तओ 'सुंदरि ! सुद्ध तुट्ठा ते गंगादेवी । तीए दिब्बो अहं ते भत्ता । ता न मे पणयभंगो कायव्वो' ति भणंतेण तेण उग्घाडिउण मंजूसं छूढा तग्गहणत्थं दो वि हत्था । तओ निरोह-कुवियाए मक्कडीए सो दंतग्गेहि गहिओ अहरे, पच्छा कवोलेसु, तओ नासग्गे । तो मयण-मूढ-मणेण भणियमणेण- 'पिए ! मुंच नासग्गं, पेम्मं खु नाइरित्तं जुत्तं' ति भणंतस्स तोडियं नासग्गं । फाडियं सव्वमंगं नहरेहि । तओ 'न एसा सा सुंदरि' ति कयनिच्छओ कयत्थिओ तीए ।

नंदणेण भणियं-

'भदे ! भल्लं भल्ला परिणमइ, लावं लावा संपज्जइ ।

सा सुंदरी राणाह घरि छज्जइ, मढि पव्वइओ मक्कडि खज्जइ ॥१११॥

सुंदरीए वुत्तं-

'तो सो समग्ग-रयणिं चडप्फडंतो पुणो पुणो तीए ।

निब्बिन्न-कुच्छि-वच्छो मुक्को पाणेहिं पावो व्व ॥११२॥

भवियव्वया-निओएण जाओ सो रक्खसो । नाणाओ नाउण पुव्व-जम्मं कुद्धो भीमस्स पत्तो इमम्मि नयरे । निहओ भीमो । उव्वासियं नयरं एक्कं ममं मुत्तूण । एसो य वुत्तंतो सिणेहं पयडंतेण तेण कहिओ मे । खव-परावत्तिकारयं अंजण-दुगं पि संजोइयं, तं च तए सयं चेव लक्खियं । ता महासत्त ! मोएहि इमाओ रक्खसाओ । सुहय ! सहलीकरेसु मे जोव्वणं ।' एवं सोउण कारउण-रसाउत्त-मणेण भणियमणेण- 'पिए !

परिचय भयं' । गहिउण अंजण-दुगं रयण-संचयं च उत्तिङ्गो तीए समं पासायाओ । सा वि कया करही । आरोविओ तत्थ रयण-संचओ । चलिओ कुसुमपुराभिमुहं । अणुमग्गओ धाविओ रक्खसो कय-करालखवो घोरट्टहास-पूरिय-दियंतरो, जमजीहा-सवत्त-कत्तिया-करो 'अरे दुरायार ! अज्ज न्हो सि' ति भणंतो थंभिओ ^{१२}पंचपरमेट्ठि-मंतं ^{१३}समरंतेण नंदणेण । विज्जाय-तम्माहप्पेण भणियं रक्खसेण- 'अज्ज सच्चविओ तए- हुंति रक्खसाणं पि भेक्खस- ति जणप्पवाओ, ता मुंच संपयं । जं आणवेसि तं करिस्सं ।' नंदणेण भणियं- 'पुव्वं व वसउ तं पुरं ।' 'एवं' ति पडिवन्ने उत्थंभिओ नंदणेण रक्खसो । गओ स-ट्ठाणं । नंदणो वि पत्तो कुसुमपुरं । कय-पहाण-गिह-परिग्गहो सुंदरीए समं अभिरमइ ।

इओ य निग्गए नंदणे ललियाए भणिया सकोवं कुट्टणी-

'जलणो वि इंधणेहिं तिप्पइ मयरो वि नीरपूरेहिं ।

न तुमं तिप्पसि पावे ! पत्तेहि वि बहुय-दविणेहिं' ॥११२१॥

ता न तए मह कज्जं' ति भणंती गया राय-पासं, विज्जतो राया- 'देव ! धणलुद्धाए अक्खाए हरिउण चितारयणं तम्माहप्पेण मणिच्छियं लच्छिं दितो वि निव्वासिओ मे मणाणंदणो नंदणो । चितारयणाओ य काण-कवडियं पि न पावए पावा, तओ-

नंदणु गओ रयणु वि न तसु देइ वराडिय-मेत्तु ।

तं आहाणं सच्चविओ नं धणु हुया न मित्तु ॥११२२॥

रक्का वुत्तं- 'अहो ! नंदणो अम्ह पहाण-सेवगो इमीए देसंतंरं गमिओ ? , ता जया तं आणेइ एसा तया तए इमीए गिहे पवेसो दायव्वो [ति]सम्माणिउण विसज्जिया ललिया गया स-गिहं । निद्धाडिया अणाए कुट्टणी, सयं च पडिवण्णं पइव्वया-वयं, कओ वेणी-बंधो, धरियं मंगलाहरणं, परिचत्तं पल्लंकाइ । इमं च वुत्तं सोउण गओ ललियाए गिहं नंदणो । तं च दट्ठण चंदं व कुमुइणी विहसिया ललिया । पुव्वं व इमीए सह भुंजए भोए । 'न अन्नो चितामणि- लाहोवाओ' ति चितिउण आणाविया कुट्टणी । पम्हुट्ठ-विलइओ इमो ति तुट्ठा सा । 'तहाविव प्फलिया भविरसामि' ति न समप्पए चितामणिं ।

अन्नया पुट्ठो इमीए नंदणो- 'कुओ ते दव्वं ?' ति । तेण वुत्तं-

‘अंजणसिद्ध-सयासाओ लद्धमंजणं, जेण अंजणेण अंजिएहिं लोयणेहिं सयल-महीयल-निहाणाइं हत्थगयाइं व पेच्छामि, अओ मे दव्वं’ ति । ता तीए दव्व-लोभेण भणियं- ‘ममावि लोयणे अंजेसु । जेण अहं पि ताइं पेच्छामि’ । तओ धवलंजणेण अंजियाइं लोयणाइं तीसे । जाया कुट्टणी^{१२९} करही । आरुढो तत्थ नंदणो । भमइ नयर-मज्झो । नाय-वुत्तंतेण विम्वह-वसेण हक्कारिओ रत्ता । भणिओ य -‘भइ ! किमेयं ?’ ति । कहिओ तेण अंजणप्पओगो । रत्ता वुत्तं-‘अत्थि किं बीओ वि प्पओगो जेण पुणो माणुसी होइ ?’ । तेण वुत्तं -‘अत्थि’ । रत्ता वुत्तं -‘जइ एवं ता तं पउंजसु ।’ तओ तेण कसणंजणेण कया सा माणुसी । रत्ता वुत्तं- ‘अहो ! तुमं अच्छरिय-निही । ता तुमए अम्ह पासे चेव ठाइयव्वं ।’

भणिया य कुट्टणी सा ‘चित्तरयणं समप्पसु इमस्स ।

अन्नह पुणो वि पावे ! पाविहिसि विडंबणं एवं’ ॥११२३॥

तमप्पियं तीइ वि नंदणस्स ।

तस्सप्पभावेण इमो वि जाओ संपन्न-नीसेस-समीहियत्थो ।
काऊण धम्मं सुगइं गओ य ॥११॥

‘एवं सामि ! तुमं पि हु संपत्त-समीहियत्थ-वित्थारो ।

मा लोभग्गह-गहिओ होऊण विडंबणं लहसु ॥११२४॥

अह कह वि वय-ग्गहणे ^{१३०}गरुओ तुह माणसम्मि निब्बंधो ।

ता पुत्त-वयण-कमलं पलोइउं कुणसु अहिलसियं ॥११२५॥

जो पालिऊण सुचिरं पुव्व-नरिदेहिं पाविओ वुट्ठिं ।

वंसस्स तस्स जायइ पुत्तेण विणा समुच्छेओ ॥११२६॥

कित्तिं तह धम्मं जीवियस्स विउसा फलं पयंपंति ।

पुत्त-विहूणाण इमे दो वि पणस्संति पुरिसाणं ॥११२७॥

एयस्स पिया वाई भोई दव्वो दयावरो सरलो ।

इय कित्तिं बंदिगणा थुणंति सुय-विहिय-उवयारा ॥११२८॥

धम्मट्ठाणाइं जए सचक्क-परचक्क-भज्जमाणाइं ।

विविहाइं तक्कयाइं को रक्खइ जस्स नत्थि सुओ ॥११२९॥ तहा-

पुत्तस्स समुप्पत्ती पिऊण उवगारिणी अ सुइ-वयणं ।

जं पुत्त-दत्त-भत्ताइएहिं तेसिं हवइ तित्ती ॥११३०॥

पुत्तम्मि समारोविय-समग्ग-भारो भवे नरो विरिणो ।
 लीलाय च्चिय सग्ग-मग्गमोगाहए पच्छा ॥११३१॥ उक्तं च-
 अपुत्तरस्य गतिर्नास्ति स्वर्गे नैव च नैव च ।
 तस्मात्पुत्रमुखं दृष्ट्वा पश्चात्स्वर्गं गमिष्यति' ॥११३२॥

कुमारेण भणियं-

'जइ वंस-समुच्छेओ होइ तओ किं विणरसइ नररस ?।
 निय-सुकय-दुक्कयाइं सुह-दुक्ख-निबंध्यणं जग्गहा ॥११३३॥
 जइ होज्ज कयं सुकयं तो सुरलोयाइ-संपयं पत्तो ।
 पुरिसो अच्छिन्न-सुहं भुंजइ उच्छिन्न-वंसो वि ॥११३४॥
 अह हुज्ज दुक्कयं पुव्व-निम्मियं तेण दुग्गइ-गमिओ ।
 दुक्खं चिय अणुभुंजइ पवइमाणे वि वंसम्मि ॥११३५॥
 जा अप्पणा कएहिं वि ठविज्जए सुचरिएहिं पुरिसेण ।
 कुसलेहिं सलहिज्जइ स च्चिय किंती न उण सेसा ॥११३६॥
 न य किंती सुगइ-निबंध्यणं जओ दुक्कयाइं काऊण ।
 गिज्जंत-कित्तिणो वि हु अहर-गइं जंतुणो जंति ॥११३७॥
 धम्महाणाणि सयं कारविउं विढविऊण पुन्नभरं ।
 सुगइं गच्छंति नरा तत्थ य सुवखाइं भुंजंति ॥११३८॥
 जे उण पावा भंजंति अवर-विहियाइं धम्महाणाइं ।
 ते पावभरक्कंता कुगइं वच्चंति दुह-बहुलं ॥११३९॥
 न य दुज्जण-भज्जंतेहिं धम्महाणेहिं सुगइ-ठाणाओ ।
 पावंति परिब्भंसं जीवा तक्कारिणो कह वि ॥११४०॥
 जं सयमेव विइन्नं तं चिय उवभुज्जए पर-भवम्मि ।
 जं पुत्त-दत्त-भत्तेण होइ तित्ति त्ति तं मिच्छा ॥११४१॥
 दूरत्थो जीवंतो वि अन्न-दिन्नं न पावए अन्नो ।
 जं पुण मयस्स तित्ती पुत्त-विइन्नेण तं कह णु ॥११४२॥
 पुत्तारोविय-भारो वि अकय-सुकओ कहं लहइ सग्गं ।
 अट्ठ-पयारं कम्मं रिणं वहंतो कहं विरिणो ? ॥११४३॥

पुत्त-मुह-दंसणे जइ सुकए अकए वि लब्धए सग्गो ।
 ता बहुपुत्ताणं भुंदि-सुणहि-पमुहाण सो सुलहो ॥११४४॥
 सग्गो न होइ पुत्तेण अवि य पुत्तो हणेइ निय-पियरं ।
 सत्तू वि होइ पुत्तो नायमिह समुददत्त-कहा ॥११४५॥

कमलावईए भणियं- 'का सा समुददत्त-कहा ?'

कुमारेण भणियं-

'अत्थि इह तामलिन्ती नयरी निय-रिद्धि-लद्ध-वर-किन्ती ।
 पासाय-रयण-दिन्ती-पयासियासेस-^{११}दिस-क्षिन्ती ॥११४६॥
 वत्थं चिय वसणं जत्थ अविहवो कामिणी-जणो चेव ।
 गोवाल-बालय चिय पर-दोहपरा न सेस-जणो ॥११४७॥
 तीए समुददत्तो वणिओ अविवेय-कुलहरं रिद्धो ।
 तस्स य मायाबहुला बहुला नामेण वर-भज्जा ॥११४८॥
 ताण महेसरदत्तो पुत्तो दक्खिण्ण-दाण-संजुत्तो ।
 तस्स य लायन्नामय-तरंगिया गंगिला भज्जा ॥११४९॥
 सो वि हु समुददत्तो लोहवसावेस-विगय-चेयन्नो ।
 माया-पवंच-बहुलो परलोय-परम्मुहो संतो ॥११५०॥
 संतोस-वज्जिओ कुणइ बहुविहे दविण-अज्जणोवाए ।
 रक्खइ धणं न कस्स वि वियरइ न य भक्खइ सयं पि ॥११५१॥
 मग्गिज्जन्तरस्स परेण तस्स सत्तहि मुहेहिं एइ जरो ।
 दितं परं पि पिच्छंतयस्स सिर-वेयणा होइ ॥११५२॥
 अह अन्नया कयाइ पुरिसेणेक्केण दीण-वयणेण ।
 भवणंगणे निसन्नो समुददत्तो इमं भणिओ ॥११५३॥
 भद ! अहं भदिलपुर-वासी वाणिय-सुओ निय-घराओ ।
 निक्खंतो देसन्तर-दंसण-कोऊहल-वसेण ॥११५४॥
 अच्छरिय-सयाइन्नं सर-सरि-नग-नगर-गाम-रमणिज्जं ।
 पुहविं परिब्भमंतो पत्तो इह दिव्व-जोगेण ॥११५५॥
 एत्तो य रायपुरिसा रोसंधा जम-भड व्व निक्खरुणा ।
 तक्करमेक्खं गाढं कयत्थमाणा मए दिट्ठा ॥११५६॥

तो करुणाए वुत्ता- 'भो भो ! मेल्लह जइ वरायमिमं ।
 ताहं दीणार-सयं तुम्ह पयच्छामि अवियप्पं ॥११५७॥
 सोऊण इमं वयणं तेहिं तओ 'एस एय-संबंधी ।'
 इय जंपंतेहिं अहं गुत्तीए बंधिउं खित्तो ॥११५८॥
 जं किंचि मज्झ पासे आसि धणं गिण्हिऊण तं सव्वं ।
 धरिओ भोयण-रहिओ मासाओ अज्ज मुक्को म्हि ॥११५९॥
 'गरुयं च तुमं दहूण भुक्खिओ सत्थवाह ! पत्थेमि ।
 करुणाए भोयणत्थं एक्कं मह देसु दीणारं ॥११६०॥
 सोऊण वयणमेयं समुददत्तो वि 'किविण-भावेण ।
 सामल-वयणो काउं नडालवट्टे भिउडि-भंगं ॥११६१॥
 दुव्वयणाइं पयंपिउमादत्तो- 'रे लहुं महामूढ ! ।
 निग्गच्छ मह घराओ दीणारो नत्थि तुह जोग्गो ॥११६२॥
 काऊण बहु किलेसे दविणं विदवेमि तं तु दाऊण ।
 तुम्हारिसाण किं निद्ववेमि जेणाधणो होमि ? ॥११६३॥
 एयं तु पिच्छिउं पासवत्तिणा उल्लसंत-करुणेण ।
 तस्स महेसरदत्तेण वियरिया दोञ्जि दीणारा ॥११६४॥
 तत्तो समुददत्तेण जंपियं - 'रे कुपुत्त ! किं एयं ।
 तुमए कयं ? न याणसि नूणं दविणज्जण-किलेसं ? ॥११६५॥
 तो नंदणेण वुत्तं- 'ताय ! बहुव्वत्त-धय-विलोलाए ।
 लच्छीए इमाए फलं दाणं भोगो य न हु अन्नं ॥११६६॥
 तत्तो समुददत्तेण चितियं- 'हा ! कहं विभिन्न-मणो ।
 एसो मह पुत्तो ? तेण खिज्जिही निच्छियं लच्छी ॥११६७॥
 एवं वियप्पमालाउलरस्स हिययम्मि तस्स संघट्टो ।
 सो को वि पयट्ठो जेण इत्ति पाणा वि निव्वंता ॥११६८॥
 ता अट्टझाण-वसओ मरिऊणं तम्मि चेव विसयम्मि ।
 सो महिसो संजाओ कमेण पोदत्तणं पत्तो ॥११६९॥
 बहुला वि नियडि-बहुलत्तणेण पर-वंचण-प्पहाण-मणा ।
 पइ-मरणेणं रणरण-परव्वसा अट्टझाण-गया ॥११७०॥

मरिउं मुच्छा-दोसेण सुणहिया निय-धरे समुप्पज्जा ।
 सा गंगिला महेसरदत्तस्स निरग्गला गिहिणी ॥११७१॥
 सच्छंदा अच्छंती गुरुजण-रहियम्मि नियय-गेहम्मि ।
 अन्नेण नरेण समं संघडिया ^{११}पेच्छए तं च ॥११७२॥
 कह वि महेसरदत्तो कीलंति तेण सह तओ कुविओ ।
 को वा कोवं न कुणइ निय-घरिणी-परभवं दहुं ? ॥११७३॥
 सो य महेसरदत्तेण अद्धपहओ कओ तओ न्हो ।
 गंतूण नाइ-दूरम्मि निवडिओ चितए एवं ॥११७४॥
 अहह ! मए पावेणं कयं अकज्जं इमं ति संविग्गो ।
 निंदंतो अप्पाणं विचितयाए य कम्मस्स ॥११७५॥
 उवसंत-मणो मरिउं तीए च्चिय गंगिलाए गब्भम्मि ।
 निय-बीएणं तक्खण-भुत्त-विमुक्खाए उप्पज्जो ॥११७६॥
 कालक्कमेण जाओ पुत्तो अइ-वल्लहो ति काऊण ।
 वहइ महेसरदत्तो उच्छंणेणं पहिहु-मणो ॥११७७॥
 अह अन्नया महेसरदत्तेणं जणय-किच्चमारद्धं ।
 सो जणय-जीव-महिसो किणिऊण विणासिओ तत्थ ॥११७८॥
 विप्पाण बंधवाण य दिन्नाइं महिस-मंसखंडाइं ।
 पिउणो तित्ति-निमित्तं पिया वि खज्जइ अहो मोहो ॥११७९॥
 अह पुत्तं उच्छंणे काउं आसायए सयं मंसं ।
 माउ-सुणियाइ पुरओ ठियाइ अट्ठीणि पक्खिवइ ॥११८०॥
 भक्खेइ सा वि तुट्ठा अह मासक्खमण-पारणय-हेउं ॥
 साहू अइसय-नाणी कह वि पविट्ठो गिहं तरस्स ॥११८१॥
 नियइ महेसरदत्तं एक्कमणो चितइ य निय-चित्ते ।
 अन्नाणमहह ! एसो जं सत्तुं वहइ उच्छंणे ॥११८२॥
 भक्खइ पिउणो मंसं, सुणियाए देइ जणय-अट्ठीणि ।
 सा वि निय-भत्तुणो अट्ठियाइं भक्खेइ तुट्ठ-मणा ॥११८३॥
 इय चित्तिऊण साहू विणिग्गओ तयणुमग्गओ गंतुं ।
 भणइ महेसरदत्तो- 'भयवं ! भिक्खा न किं गहिया ? ॥११८४॥

मुणिणा वुत्तं- 'मंसाइ-भक्खणे वाउलाइं तुम्हे'त्ति ।
 न पडिक्खिओ मए, मह जाओ अहिओ य संवेगो ॥११८९॥
 भणइ महेसरदत्तो- 'संवेगो केण हेउणा तुज्झ ।
 अहिओ जाओ ?' मुणिणा वि साहिओ सब्ब-वुत्तंतो ॥११८६॥
 तं सोऊण महेसरदत्तो संजाय-परम-संवेगो ।
 पव्वज्जं पडिवन्नो तस्सेव मुणिरस्स पासम्मि ॥११८७॥
 इय पुत्तो वि न रक्खइ नरं कुकम्मेहि दुग्गइं जंतं ।
 न य पुत्त-विइन्नेणं तित्ती पियराण संभवइ ॥११८८॥
 सत्तू वि होइ पुत्तो भवम्मि पुत्तो वि हणइ निय-पियरं ।
 ता धम्मो च्चिय पुत्तो इह-पर-लोए वि सुह-हेउ ॥११८९॥१२॥

एत्थंतरे सोहग्गमंजरीए भणियं-

'जं संपन्न-समीहिय-सयलत्थो उज्जओ वयं काउं ।
 तं लोह-तरलिओ जंबुगो व्व सोच्चिहिसि सामि ! तुमं ॥११९०॥

कुमारेण भणियं - 'को सो जंबुगो ?'

सोहग्गमंजरीए भणियं-

'अत्थेत्थ पुव्वदेसे अंगा नामेण जणवओ विउलो ।
 रिउच्छ-अकयकंपा चंपा नामेण अत्थि पुरी ॥११९१॥
 उत्तुंग-जिण-निकेयण-सिरि-विलसिर-कणय-केयण-भुयाहिं ।
 नच्चइ व जम्मि लच्छी सुहाण निवेस-हरिस-वसा ॥११९२॥

तीए निरुवम-खवोहामिय-मयरद्धओ कणयद्धओ राया । निहिसारो
 सेट्ठी, रयणसारो पुत्तो । रिद्धिमई तस्स भज्जा । सा खववई । नईए य
 ण्हायंती दिट्ठा तयट्ठ(तड्ठ)-रायपुत्तेण । अणुरत्तो इमो । पेसिया दिट्ठि-
 दूई । बहुमन्निया इमीए । अणुगमणेण नायं तीए घरं । संकेयाइं जाणणत्थं
 पेसिया परिव्वायगा । कया अणाए ठाणा । तस्साणुरागो ति इच्चाइ
 बोल्ला । एवमवधारिऊण निय-भावं निगूहंतीए निब्भच्छिया एसा । दिक्खो
 से मसिलित्त-हत्थेण पट्ठीए पंचंगुली-घाओ, निच्छूढा असोगवणिया-
 पच्छिम-दुवारेण, भणिया य एसा- 'जइ पुणो एहिसि निय-माणुसाण
 कहिस्सं' । गया सा । साहियमेयस्स सब्बं । तुट्ठेण चित्तियं तेण- अहो !

वियहा सा । तीए एसा वि परिव्वाइया वंचिया । कओ मे किण्ह-पक्ख-
 पंचमीए असोगवणिया-पच्छिम-दुवारेणं आगंतव्वं ति संकेओ ।
 भणियायऽणेण-‘परिव्वाइगा ! अलं तीए अ[ण]णुरत्ताए ।’ गओ सो
 पंचमीए असोग-तरु-हेट्ठे । जाओ संभोगो । पवहुमाण-सिणेहाण
 वोलिया कइ वि दियहा । डहुल-तेल्ल-मइल-वट्ठि-रइहर-दीवण-
 दंसणेण जाया निहिसारस्स आसंका - ‘किमेयं ?’ ति । निरक्खिया
 रथणीए, दिट्ठा समं तेण पसुत्ताए । ओयारियं दाहिण-पायाओ नेउरं
 अणेण । वेइयं इमीए । उट्ठाविओ सो । कहियं तरस्स ‘समए साहेज्जं
 कायव्वं’ ति । गओ सो । इयरी वि गया पइ-समीवं । उट्ठाविऊण
 भणिओ एसो- ‘इह घमो ति असोगवणियं वच्चाओ’ । ‘एवं’ति
 पडिवन्नमणेण । गयाइं । तत्थ सुत्ताणि मुहुत्तं । उट्ठाविऊण भणिओ भत्ता-
 ‘किं तुम्ह कुले जुत्तमेयं जं ससुरो भत्तारेण सह पसुत्ताए नेउरं हरइ ?’
 तेण भणियं- ‘पभाए लब्धिही ।’ परइया एसा । वारिया रथणसारेण ।
 तीए भणियं- ‘किं वारेसि ?। पत्ता कलंकं इमिणा वईयरेण ।’ तेण
 भणियं- ‘मए समक्खम्मि एत्थ को कलंको ?। अलमिमिणा चित्तिणं ।’
 उग्गए सूरे मग्गिओ रथणसारेण पिया नेउरं, भणिओ य- ‘किं तुमं
 अनिरुविऊण जं किंचि करेसि ?।’ पिउणा वुत्तं- ‘पुत्त ! न अनिरुवियं
 कयं । एसा खु मए पर-पुरिसेण समं दिट्ठा ।’ रथणसारेण भणियं-
 ‘ताय ! तिमिरेण अंतरिओ सि । अहं चेव बाहिं पसुत्तो, साहियं च मे
 एयाए तव्वेलमेव इमं’ । सुण्हाए भणियं- ‘अहं सुज्झामि । अत्थित्थ
 जक्खो । तरस्स जो सुद्धो सो जंघाणं अंतरेण जाइ । असुद्धं सो धरेइ’ति ।
 पडिवण्णं तेहिं । सुण्हा ण्हाया धूव-बलि-पुप्फ-फल-हत्था पयट्ठा
 जक्खालयं । समओ ति गहिलखवधारिणा विडेण वच्चंती आलिंगिया ।
 गहिल्लओ ति निद्धाडिओ लोएण । ण्हाविया पुणो वि एसा । चडिया
 जक्खालए । अच्चिऊण जक्खं विन्नवेइ जहा- ‘भयवं जक्ख ! मए न
 कयाइ भत्तारं मुत्तूण अन्नो पुरिसो अन्नेण भावेण छिन्नो । गहिल्ल-वुत्तंतो
 पुण तुज्झं गुरुअणस्स य पच्चक्खो चेव । किमेत्थ वुच्चइ ?।’ एवं
 भणिऊण चिंतावन्नस्स जक्खरस्स जंघंतराओ णिग्गया । ‘सुद्धा सुद्ध’ति
 बंधवेहिं कओ कलयलो । वज्जंतेण य तूरेण घरं गया । ससुरस्स य
 चिंताए निदा नट्ठा । जाणियं राइणा । इमं चित्तियं च- ‘सोहणो एस
 अंतेउर-रक्खवालो होहि ।’ ति हक्कारिओ रत्ता । अब्भत्थिऊण निसाए

निरुविउं(ओ) अंतेउरे । पडिवण्णमणेण । अइक्कंतो कोइ कालो ।

अन्नया एक्का रायपत्ती तं रक्खपालं पलोयंती उट्ठेइ निवज्जइ य ।
 दिट्ठा तेण । 'किं पुण इमा एवं करेइ ?' ति कवड-निदाए पसुत्तो । तीए
 चित्तिंयं 'सुत्तो सो' ति गवक्खंतेण पयट्ठा । तस्स य गवक्खस्स हेट्ठे रत्नो
 इट्ठो गयवरो बज्झइ । तस्स जो मिंठो तेण सह सा अच्छइ ति पत्ता
 गवक्खं पडिच्छिया हत्थिणा सुंडाए । मुक्का भूमीए । मिंठेण वि 'चिराओ
 आगय' ति ताडिया इमा संकलाए । तीए भणियं- 'नाह ! मा पहणसु,
 जओ अज्ज कोवि अंतेउर-रक्खगो रत्ना कओ जो न सुयइ चेव ।'
 रमिऊण "मुक्का तेण पच्छिम-राईए । हत्थिणा सुंडाए चेव चडाविया
 गवक्खं । गया वासहरं । एवं च सव्वं निहिसारेण दिट्ठं, चित्तिंयं च-
 'अहो ! महिलियाण विसमं चरियं' ति । एवं पि उवरि-भूमीए
 रक्खिज्जंती एसा एरिसमायरइ, ता सीहणाओ अम्ह बहुओ, जाओ
 पाणियाइ-कज्जेसु निग्गयाओ पुणो वि गेहं इंति' ति अमरिस-चिंता-
 विमुक्को सुत्तो सो, उग्गए वि सूरे न उट्ठेइ । कहियं चेडीहिं रत्नो- 'अज्ज
 वि सो थेरो सुयइ ।' रत्ना चित्तिंयं- 'कारणेण एत्थ होयव्वं, ता न
 उट्ठवेयव्वो सो । निदाखय-पडिबुद्धं मम समीवं आणेज्जह ।' सत्त-रत्त-
 पज्जंते निदा-खए आणीओ निहिसारो । वुत्तो रण्णा- 'किं निमित्तं तुह
 एरिसी निदा आगया ?' तेण भणियं- 'अभयं देह ।' रत्ना भणियं-
 'अभयं तुह ।' तओ तेण सव्वं कहियं । 'का सा देवि ति जाणसि?' तेण
 भणियं- 'न याणामि, परं संकला-घाएण नज्जिहि ।' ति । कयं रत्ना
 माइट्ठाणं । काराविओ किलिंज-हत्थी । सदावियाओ देवीओ भणियाओ-
 'दिट्ठो मए दुरसुविणो । तप्पडिघायणत्थं आरुहिय सुंडाए हत्थिं ओयरह
 पुच्छ-भाएण' ति । पडिवन्नमेयं एयाहिं । सा एक्का मायाविणी भणइ-
 'बीहेमि अहं हत्थिस्स ।' रत्ना उप्पल-नालेण आहया । कवडेण मुच्छिया,
 निवडिया धरणिवट्ठे । चित्तिंयं रत्ना- 'एसा सा दुरायारा' । निरुविया
 से पट्ठी । दिट्ठा संकला-घाया । हरिऊण भणियं-

'खेल्लसि सुंदरि ! मत्त-कुंजरे तह बीहेसि किलिंज-कुंजरे ।

तत्थ न मुच्छिय संकलाहया एत्थ य मुच्छिय उप्पलाहया ॥' १९३॥

कुविण रत्ना सदाविओ मिंठो । आणाविओ करिवरो । तत्थारोविया
 दो वि । आइट्ठा निउत्त-पुरिसा- 'गिरिं समारोविऊण टंक-छिन्न-

प्पएसाओ पाडेह एयाइ । 'आरोविओ तं पएसं मिंठेण हत्थी । एक्को पाओ आगासे, तिन्नि पाया गिरि-सिहरे चिट्ठंति । लोएण वुत्तं- 'न जुत्तं हत्थिरस मारणं ।' रत्ता वुत्तं- 'पाडेह सिग्घं हत्थिं ।' पुणो वि मिंठेण आगासे दो हत्थि-पाया कया, दो य सिहरे । पुणो वि लोएण भणियं- 'अहो ! न जुत्तं एयं पसुं मारियं ।' तह वि राया तुण्हिक्को ठिओ । मिंठेण तिन्नि हत्थि-पाया आगासे कया, एगो सिहरे । सयल-लोएण हाहारवं काऊण भणियं- 'भो महाराय ! न जुत्तं एरिसं हत्थि-रयणं विणासितं । पसु ति न एस कज्जाकज्जं वियाणइ, ता कुणसु पसायं । मुयसु एयं' ति । ताहे रत्ता संलत्तं - 'भणह एयं मिंठं नियत्तेहि हत्थिं ।' भणिओ अणेहिं मिंठो- 'किं समत्थो सि पच्छाहुत्तं नियत्तिउं हत्थिं ?' मिंठेण भणियं- 'जइ दोण्हं पि अम्ह अभयं देहि तो परावत्तेमि हत्थिं ।' कहियमिणं रत्तो, भणियं च तेण- 'एवं होउ'ति । ताहे मिंठेण परावत्तिओ हत्थी । ओइण्णाइ दो वि । रत्ता निव्विसयाणि आणत्ताणि । सालंकाराइं च सिग्घं पलाइउमारद्धाइं । गयाइं एक्कम्मि नयरे । संझाए पसुत्ताणि देवउले ।

इओ य अद्ध-स्त-समए चोरो नयराओ पुरिसेहिं पेल्लिओ तमेव देवउलं पविट्ठो । वेढियं दंडवासिएहिं देवउलं 'पभाए गण्हिरसामो'ति । सो य चोरो जत्थ ताइं तत्थ गओ । मिंठो सुपरिरसंतो पसुत्तो । तीए वि कत्थूरियाइ-परिमलेण लक्खिओ चोरो । गया सा तरस पासं । लक्खिया चोरेण । आदत्तो विडयणाणुरुवो ववहारो । 'उत्तम'ति वियाणिया फास-विसेसेण । भणियमणाए- 'को तुमं ?' तेण भणियं- 'चोरोइहं' । तीए भणियं- 'सच्चं चिय चोरो तुमं, जेण मे हिययं पि हरियं । ता किमेत्थमिहागओ सि ?' तेण भणियं- 'दंडवासिएहिं पेल्लिओ मरण-भएण इहागओ ।' तीए भणियं- 'अहं रक्खामि ते जीवियं जइ मं इच्छसि ।' तेण भणियं- 'एक्कं सुवन्नं अन्नं च सुरहिं, को न इच्छइ ?' किंतु कहं मे जीवियं रक्खसि ?' तीए भणियं- 'अहं तुमं भत्तारं भणिरसं ।' चोरेण भणियं- 'एवं होउ'ति । पहाए गहियाइं ताइं दंडवासिएहिं । मिंठेण वुत्तं- 'अहं न चोरो, किंतु पहिओ । एसा इत्थी मे पत्ती ।' पुच्छिया सा । तीए वुत्तं [चोरं पइ]- 'एस मे भत्ता । [मिंठं पइ] एयं पुण नोवलक्खामि'ति । गहिओ मिंठो दंडवासिएहिं । रत्तो साहिऊण भिन्नो सूलाए । ताहे तण्हाए सो अभिभूओ जं जं पुरिसं पासइ तं तं सलिलं विमग्गइ । रायकुल-संकाए न को वि देइ । ताहे जिणदासो

सावणो तेण पएसेण आगच्छइ । सो तेण सलिलं मग्गिओ । सावएण भणियं- 'देमि अहं जइ अरहंत-नमोक्कारं कुणमाणो अच्छसि, जाव अहं सलिलं आणेमि ।' तेण 'तह'ति पडिवन्नं । आणियं रायपुरिसाणुन्नाएण सावएण सलिलं । दहूण सावयं सुद्धयरं 'नमो अरहंताणं' ति पढंती मओ । ताहे नमोक्कार-पभावेण अकाम-निज्जराए य निरसीलो वि वाणमंतरो देवो जाओ । सा वि महिला तेण चोरेण सह संपत्थिया । ताणं च अंतरे नई समावडिया । तत्थ सो चोरो महिलं आलवइ- 'एसा नई सिग्घवेगा, ता तुमं वत्थाइयं च न जुगवं उत्तारियं सक्केमि, अओ तुमं इमम्मि कूले सरत्थं बावरिय-सरीरा इमं अंग-लव्गं वत्थाभरणजायं अप्पिउण ताव अच्छ जावाऽहं परिवाडीए उत्तारेमि ।' तीए भणियं- 'एवं होउ ।' तेण सव्वं उत्तारिउण चितियं- 'जा एसा निययं भत्तारं मारावेइ सा मे कहं पिया भविस्सइ ?' ति पत्थिओ । तीए वुत्तो- 'कीस मं उज्झिउं जासि ?' 'बीहिमि ते' भणंतो गओ अंदसणं । सा वि जहाजाय-सरीरा सरत्थं बे पवेसिउण ठिया । इयरो वाणमंतरो ओहिं पउंजित्ता पलोएइ जाव तं पेच्छइ एयावत्थं, तओ जायाणुकंपेण तेण संबोहणत्थं जंबुओ विणिम्मिओ । तेण मंसपेसी मुहे गहिया । इओ य मच्छो जल-मज्झाओ उच्छलिउण नइ-तीरे ठिओ । जंबुओ वि 'मंसं मुहाओ मोत्तूण मच्छं गिण्हामि' ति पहाविओ । सो य मच्छो जले पविट्ठो, मंसपेसी वि गयणाओ ओयरिउण विउव्वियाए सउलियाए गहिया । ताहे सो जंबुगो उभय-भट्ठो अच्छइ । तीए महिलाए भणियं-

'मंसपेसीं चइत्ताणं मीणं पत्थेसि दुम्मई ।

चुक्को मीणरस मंसरस कलुणं झायसि जंबुगा ! ॥१९४॥

जंबुगेण भणियं-

'कामारयं पइं मुत्तुं जारं पत्थेसि बंधकी ! ।

चुक्का पइस्स जाररस कलुणं झायसि संपयं ॥१९५॥

सा सुद्धयरं भीया 'किमेयं ?' ति । ताहे वाणमंतरो अप्पणो रुवाइसय-विभूइं दंसिउण निय-वुत्तंतं कहेइ । भणइ य - 'पावे ! तं तहा पावमायरियं । तं पि मे नमोक्कार-पभावेण गुणाय परिणयं, ता इण्हिं पि जिणसासणं पवन्ना धम्मं कुणरु' । तीए 'तह' ति पडिवन्नं । तेण य साहुणि-समीवं नेउण पव्वाविय ति ॥१३॥

‘एवं तुमं पिययम ! एयं लद्धं सुहं परिहरंतो ।
 अणलद्धं पत्थंतो मग्गे दोणहं पि चुक्खिहिसि ॥११९६॥
 ताव य विसयमसग्गहमेयं मोत्तूण निय-सरीरमिणं ।
 पालेसु सयल-इंदिय-मणाणुकूलेहिं विसएहिं ॥११९७॥
 जं पुण दुक्खर-तव-चरण-लोय-भूसयणं-बंभचेरेहिं ।
 विनडेउ मिच्छ देहं तं किं तुह वेरियं एयं ? ॥११९८॥

कुमारेण भणियं-

‘बहुविह-भक्ख-जुएहिं बहु-वंजण-जणिय-मण-पमोएहिं ।
 कलमोयण-पमुहेहिं महराहारेहिं निद्धेहिं ॥११९९॥
 नालियर-कयल-खज्जूर-दक्ख-नारंग-दाडिमाइहिं ।
 विविह-फलेहिं य निच्चं जइ वि हु पीणिज्जए एयं ॥१२००॥
 अब्भंगिऊण जइ वि हु सयपाग-सहरसपाग-तेल्लेहिं ।
 उव्वट्टिऊण य इमं ण्हाविज्जइ पवर-सलिलेहिं ॥१२०१॥
 घुसिण-घणसार-सिरिखंड-अगुरु-मयणाहि-पमुह-दव्वेहिं ।
 परिमल-मणोहरेहिं जइ वि लिपिज्जए एयं ॥१२०२॥
 चीणंसुय-पटंसुय-देवंग-पुरस्सराणि वत्थाइं ।
 घण-मसिण-कोमलाइं परिहाविज्जइ जइ वि एयं ॥१२०३॥
 कंचण-रयणमएहिं फुरंत-किरणोह-दलिय-तिमिरेहिं ।
 विविहालंकारेहिं जइ वि विभूसिज्जए एयं ॥१२०४॥
 कप्पूर-पारिकलियं लवंग-कक्कोल-कोलफल-जुतं ।
 तंबोलानच्चमिणं सम्माणाविज्जह जइ वि ॥१२०५॥
 वर-हंसतूलि-ललिए उज्जल-देवंग-वत्थ-संछन्ने ।
 रयणमए पल्लंके जइ वि हु सोविज्जए एयं ॥१२०६॥
 विलसंत-बहल-परिमल-मिलंत-मत्तालि-जाल-मुहलाहिं ।
 निच्चं अलंकरिज्जइ जइ वि इमं कुसुममालाहिं ॥१२०७॥
 वग्गंत-थोर-थणमंडलाण महिलाण थणमरट्टस्स ।
 नट्टस्स दंसणेणं जइ वि पसाइज्जए एयं ॥१२०८॥

पयडिय असेस-सर-गाम-मुच्छणं वेणु-वीण-रव-रम्मं ।
तालाणुगयं मेयं जइ वि सुणाविज्जइ एयं ॥१२०९॥

तह वि हु परभव-गमणे वीसरिउणं खलो व्व उवयारं ।
वच्चइ एक्कं पि पयं जीवेण समं न देहमिणं ॥१२१०॥

चिर-पालियं पि एयं अनओवज्जिय-धणं व पज्जंते ।
विहडइ जीवस्स धुवं मित्ततिगं एत्थ दिट्ठंतो ॥१२११॥

सोहग्गमंजरीए भणियं-‘किं तयं ?’ ति ।

कुमारेण भणियं-

“^{११}अत्थेत्य खिइपइद्वियमणंत-वुत्तंत-संकुलं नयरं ।
तत्थ निवो जियसत्तू न नामनामेण गुणओ वि ॥१२१२॥
तस्स सुबुद्धी मंती समग्ग-अहिगार-फुरिय-माहप्पो ।
तेणावि तिन्नि मित्ता विहिया विहरुद्धरण-हेउं ॥१२१३॥
ताणं एक्को सह-पंसुकीलिओ सह-उवागओ वुट्ठिं ।
सह-विहिय-खाणपाणो सह-विरइय-ठाण-चंकमणो ॥१२१४॥
बीओ पुण पव्वेसुं मिलइ तओ तस्स तेसु उवयारो ।
कीरइ ण्हाण-विलेवण-भोयण-सयणासणाइओ ॥१२१५॥
तईओ पुण दंसण-नमण-महुर-संभास-मित्त-संतुट्ठो ।
इय निच्च-पव्व-जोहार-मित्त-जुत्तो वसइ मंती ॥१२१६॥
अह दुज्जणेण केणावि अवसरं पाविउं असंता वि ।
मंतिस्स तस्स दोसा पुरओ रायस्स पायडिया ॥१२१७॥
तं नत्थि घरं तं नत्थि राउलं देउलं पि तं नत्थि ।
जत्थ अकारण-कुविया दो तिन्नि खला न दीसंति ॥१२१८॥
तत्तो राया मंतिस्स उवरि कोवं खणेण संपत्तो ।
अहवा राया मित्तं दिट्ठं व सुयं व केण जए ? ॥१२१९॥ उक्तं च-

‘काके शौचं द्यूतकारे च सत्यं,

सर्पे क्षान्तिः स्त्रीषु कामोपशान्तिः ।

वलीबे धैर्यं मद्यपे तत्त्वचिंता,

राजा मित्रं केन दृष्टं श्रुतं वा ? ॥१२२०॥

अह मंती रायकुले गंतुं पणमेइ नरवरं जाव ।
 ता कोवारुण-नयणो अन्नाभिमुहो इमो जाओ ॥१२२१॥
 तो जाणिउण कुवियं निवइं तत्तो विणिग्गओ मंती ।
 किंपि मिसं काउणं गओ घरं निच्चमित्तस्स ॥१२२२॥
 सो तं इंतं दहुं विसन्न-वयणं विचित्तए एवं ।
 'नूणं इमस्स कुविओ राया तेणिक्कओ एइ ॥'१२२३॥
 तो नासिउं पवत्तो घरस्स मज्झाम्मि मंतिणा दिट्ठो ।
 भणिओ य- 'मित्त ! राया मह कुविओ कुणसु साहिज्जं ॥१२२४॥
 वच्चामो देसंतरमहं तुमं दो वि लंघिमो वसणं ।'
 सो भणइ सुट्ठु भीओ- 'नीहरसु तुमं मम गिहाओ ॥१२२५॥
 मा तुज्झ कए सुंदर-कुडुंब-सहिओ अहं पि विणसिस्सं ।'
 इय निच्चमित्त-वयणेहिं दूमिओ निग्गओ मंती ॥१२२६॥
 पत्तो य पव्वमित्तस्स मंदिरं सो वि पेच्छिउं मंति ।
 दंसइ किंचि सिणेहं, कहइ सो तस्स निव-कोवं ॥१२२७॥
 तो भणइ पव्वमित्तो- 'इह जाया पसरिया य सयणेहिं ।
 न तरामो तुमए सह अम्हे देसंतरं गंतुं ॥१२२८॥
 किंतु निय-नयर-सीमं वोलावेमो' ति जंपिउं चलिओ ।
 सचिवेण समं सचिवो वि चित्तए तो विसन्न-मणो ॥१२२९॥
 'चिरमुवयरिएहिं पि य इमेहिं मित्तेहिं ताव उवयारो ।
 मज्झ न को वि हु विहिओ हा ! सुकयं पम्हुसंति खला ॥१२३०॥
 तईओ वि अत्थि मित्तो तस्स गिहं जामि तं पि पिच्छामि ।
 जइ पुण सो साहिज्जं करेज्ज मह वसणवडियस्स ॥१२३१॥
 इय चित्तिउण जोहारमित्त-गेहम्मि जाव संपत्तो ।
 ता दइण दूराओ इति अब्भुट्ठिओ तेण ॥१२३२॥
 पडिवत्तिं काउणं भणियं- 'आगमण-कारणं किं ते ?'
 तो मंतिणा वि कहिओ सव्वे वि हु तस्स वुलंतो ॥१२३३॥
 तेणावि भणियमेयं- 'भयं नरिदस्स कुणसु मा मित्त ! ।'
 जं तुज्झ मइ सहाए पवणो वि न वच्चाए उवरिं ॥१२३४॥

नेमि तुमं देसंतरमिमाओ रन्नो न जत्थ भयमत्थि ।
 होहिसि मज्झ पभावेण तत्थ निच्चं तुमं सुहिओ ॥१२३९॥
 इय जंपिऊण सो बद्ध-परियरो मंतिणा समं चलिओ ।
 वसण-समुद्धरणं चिय कसवटो मित्त-भावस्स ॥१२३६॥
 तेण सह पव्वमित्तो गंतुं पुर-परिसराओ विणियत्तो ।
 जोहारमित्त-जुत्तो मंती वंछिय-पुरं पत्तो ॥१२३७॥
 जोहारमित्त-माहप्पओ य वंछियपुरस्स नरवइणो ।
 सम्माणिऊण ठविओ मंति-पए सो सुहं वसइ ॥१२३८॥

एस दिट्ठंतो, उवणओ पुण- 'जहा खिइणइद्वियं नयरं तहा संसारो ।
 तत्थ जो जियसत्तू-राया सो सच्छंद-विलसणसीलो मच्चू । जो सुबुद्धी
 अमच्चो सो विवेयवंतो भव्वजीवो । जो सहखाणपाणो निच्चमित्तो सो
 सरीरं, रुद्धम्मि मच्चु-नरिदे जीवेण समं पयं पि न चलइ । जो पव्वमित्तो
 सो सयणगणो सुमरंतो तरस उवयारं नयर-सीमंतमणुव्वयइ । जो
 जोहारमित्तो सो धम्मो, सो य सहाओ होऊण वंछियपुरं सग्गापवग्गपरं
 पराणेइ, तप्पभावेण च निच्चं सुही होइ जीवो ति ।'

'सुहलालियं पि सुहपालियं पि सुहवद्वियं पि देहमिणं ।
 विहडइ परलोय-पहे ता पालिज्जउ कहं भदे ?' ॥१२३९॥१४॥

एत्थंतरे रयणमंजरीए भणियं-

'पत्ते वि इमे भोए मोत्तूण अणागए वि मग्गंतो ।
 अइ-लोभ-परवसो कुट्टणि व्व नूणं किलिसिहिसि ॥१२४०॥

कुमारेण भणियं- 'का सा कुट्टिणी ?'

रयणमंजरीए भणियं-

'अत्थि इह भरहवासे उसहपुर-वरपुरं सुरपुरं पि ।
 हसमाणं पिव जं सहइ धवल-पासाय-कंतीहिं ॥१२४१॥
 अभयंकरो ति सेट्ठी अत्थि तहिं जरस विहव-वित्थारं ।
 अवलोइऊण लोया मुणंति समणं व वेसमणं ॥१२४२॥

तरस कुसलमई भज्जा । ताण घरे दुवे कम्मयरा । ते जिणपूया-
 मुणिदाणाइ-धम्म-निरयं दहूण सिद्धिं चिंतति- 'धन्नो इमो, जो एवं धम्मं

करेइ । अम्हे पुण अपुब्बा किं करेमो ?'ति । अन्नया चाउम्मासय-दिणे निय-सिद्धिणा जिणभवणं अप्पियाइं कुसुमाइं जिण-पडिम-पूयणत्थं । न गहियाइं तेहिं, भणियं च- 'जरस्स कुसुमेहिं पूया धम्मो वि तरसेव, चेद्विय च्चिय अम्हाण केवल' ति । पन्नविया सेद्विणा । जाव न पन्नप्पंति ताव नीया गुरु-समीवे । भणिया गुरुणा- 'किं न कुसुमेहिं पूयह जिणं ?' तेहिं वुत्तं- 'निय-धणेहिं चेव पूएमो, तं च अम्ह नत्थि' । एक्केण वुत्तं- 'अत्थि मज्झा वराडयाणं पंच-बुद्धियाओ । थोवमेयं ति न पयट्टए मणं ।' गुरुणा वुत्तं- 'सत्तीए थेवं पि दितो विउलं फलं लहइ । सुद्धो भावो चेव धम्मे पमाणं ।' तओ तेण कवड्डएहिं किण्णिऊण कुसुमाइं कया जिणपूया । इयरेण चित्थियं- 'एयरस्स ताव एत्थियं पि धणं जायं । मह पुण इमं पि नत्थि । ता किं करेमि ?'ति चिंतंतो पेक्खए पच्चक्खणां कुणंतं सावय-जणं । भणइ गुरुं- 'भयवं ! किमेवं पि कए होइ धम्मो ?' गुरुणा वुत्तं- 'बाढं ।' कओ तेण उववासो । गओ गिहं । चित्थिउं पवत्तो- 'जइ अज्ज साहुणो इति ता अहं निय-भोयणं तेसिं देमि, जओ तं निय-भूओवज्जियं दिन्नं बहु-फलं होइ ।' ति चिंतयंतरस्स गुरु-गिलाणाइ-वेयावच्च-कज्जेण जेहिं उववासो न कओ समागया ते साहुणो । ताणं च पवहुमाण-परिणामेण मग्गिऊण दिन्नं निय-भोयणं । बद्धं सुह-फलं पर-भवाउयं ।

इओ य कलिंगवई सूरसेणो राया गोत्तिएहिं हरिय-रज्जो कुरुदेसे गयपुराहिव-निवं ओलग्गइ । लद्धा तेण चत्तारि गामा । तत्थ सालिसीसे गामे वसंतरस्स विजयाए देवीए कुक्खिम्मि साहु-दाण-दाया मरिऊण पढमं उप्पन्नो पुत्तो, 'जिणपूयओ बिईओ पुत्तो । जेद्वो अमरसेणो, कणिद्वो 'वरसेणो ति कयनामा । पुव्व-सुकयाणुभावओ खव-लावण्ण-गुणोववेया जाया, गहिय-कलाकलावा य पत्ता जोव्वणं । विविह-कीलाहिं कीलंता ईओ तओ परिब्भमंति विभूईए । सवत्ति-माया ईसाए कोवहरयं पविट्ठा । ओलग्गाए आगएण भत्तारेण पुट्ठा, निबंथे य सिद्धमणाए जहा- 'जदिणाओ तुमं ओलग्गिउं गओ तदिणाओ चेव संभोग-निमित्तं उवसग्गिया हं तुह सुएहिं । निय-दढत्तणेण गमियाइं एत्थियाइं दिणाइं । संपयं जं तुह जोत्तं तं करेसु'ति सुणिऊण कुविण रत्ता हक्कारिऊण भणिओ मायंगो- 'अरे ! गाम-सीमाए तुरए वाहंता कुमारा चिट्ठंति, ता तेसिं सीसे निय-मायंगेहिं समं गंतूण गिण्हाहि ।' ति ।

चित्तिं मायणेण- 'किं एसो गहगहिओ जं एवं आणवेइ ? , अहवा सुंदरमिणं जं अहं आणत्तो ।' 'आएसो ।'ति भणिउण गओ ताण पासं । कहियं रुयंतेण तेण कुमारणं । भणियं तेहिं- 'करेहि ताय-वयणं । नूणं अम्हेहिं कओ कोइ अवराहो, अन्नहा कहं ताओ एवमाणवेइ ?।' चंडालेण भणियं- 'मह पत्थणाए करेह तुब्भे देसंतरं ।' कुमारेहिं वुत्तं- 'एवं कए तुह सकुहुं बरस ताओ निग्गहं करिस्सइ ।' चंडालेण भणियं- 'तुम्हाणुभावेण रक्खिस्समप्पाणं ।' निग्गया कुमार । चंडालो वि घेतूण तुरए काराविउण चित्तयर-सयासाओ कुमार-सिर-सरिसाइं सिराइं गओ रायपासं पओसे, अप्पेइ तुरए, दंसेइ सीसाइं । भणियं रत्ता- 'तहा गोवेहि एयाइं जहा न को वि ^{१४०}पेच्छइ ।' चंडालेण वि तहा कयं । हरिसिया सवक्कि-माया । कुमारा वि वच्चंता पत्ता अडविं ।

जा दंसिय-सरियाहारहारि गिरिसिहर-तुंग-थणवट्टा ।
 पयडिय-भमर-निरंतर-तरु-कुसुम-कडक्ख-विक्खेवा ॥१२४३॥
 गायंती मारुयपुत्त-रंध-कीयग-खेण-गीयं व ।
 उल्लसिय-चमरपुंछेहिं ^{१४१} वीजयंति व्व चमरेहिं ॥१२४४॥
 पवण-पणोल्लिय-पल्लव-करेहिं कुमाराण पह-किलंताण ।
 सेयजल-बिंदु-निवहं हरेइ अणुरत्त-तरुणि व्व ॥१२४५॥
 बहल-तरुसंड-बद्धधयार-मज्झमि जीए भत्तीए ।
 परिविरला रवि-किरणा दिन्ना दिव्व व्व दिप्पंति ॥१२४६॥
 अह तत्थ कुमाराणं पयाव-पसरं व सहिउमचयंतो ।
 अत्थगिरि-सिहर-काणण-कुहरमि तिरोहिओ तरणी ॥१२४७॥
 दहूण तत्थ एक्खं तलाईयं जा ठिया इमे तीरि ।
 ता तीए तरंग-करेहिं ताण पक्खालिया चलणा ॥१२४८॥
 सहयार-तरु-तले मणि-सिलायले तरुण-पल्लवत्थरिए ।
 उवविट्ठा दो वि तए ^{१४२}वरसेणो जंपए जेहं ॥१२४९॥

'जाणासि किं पि कारणं जेण अम्ह रुद्धो ताओ ?।'

जेट्ठेण भणियं- 'वच्छ ! न याणामि किंपि सम्मं किंतु ईसाए ^{१४३}सवक्किया माया अम्ह ^{१४४}पउट्ठा आसि, मए इंगिएहिं नाया । ता तव्विलसियं किंपि संभावेमि'ति । ^{१४५}वरसेणेण भणियं- 'किं ताओ वि

अलीए पत्तिज्जइ ?। जेहेण भणियं- 'वच्छ !'

कवड-कुडंब-कुडीओ महिलाओ जंपियं मुणंति तहा ।

रागंधबुद्धिणो जह तह ति सव्वं पवज्जंति ॥१२५०॥

अहवा किं इमिणा ?। सच्चैव परमोवयारिणी अम्ह, जीए दंसिया सयल-पुहवी । एवमुल्लवंतो पसुत्तो जेहो । इयरो उण ठिओ पहरए । एत्थंतरे चूयतरु-ट्टिएण भणिया कीरी कीरेण- 'सागय-किरियारिहा इमे कुमार, परं अम्ह नत्थि किंपि जं एएसिं कीरइ^{१५५} ।' कीरीए भणियं- 'किं न सुमरसि जं अम्ह पेच्छंताणं सुकूडसेले विज्जाहरेहिं विज्जाभिसित्त-बीया वविया दो अंबगा ? परोप्परं च कहियं तम्माहप्पं जहा-एक्खस्स^{१५६} लहुयं फलं । तं गिलियं जा उयरे चिट्ठइ ताव पइदिणं सूरौदए दम्म-पंचसयाइं मुहाओ पडंति । बीयरस्स गरुयं^{१५७} फलं, तं च जो भवखइ सो सत्तम-दिणे राया होइ । ता तेसिं फले आणेउण एक्खेक्कं देमो इमाणं' ति । तहेव कयं । दिट्ठं पुरो^{१५८} वरसेणेण पडियं अंबग-दुगं । बद्धं वत्थंचले, चित्तियं च- 'किं सच्चमेयं जं कीरीए वुत्तं ?। अहवा अचित्तणिज्जो विज्जाइ प्पभावो' ति । उट्ठिओ जेहो । पसुत्तो बीओ । पभाए दो वि पत्थिया । अकहेउण^{१५९} तत्तं दिट्ठं जेहस्स जेह-फलं, लहुयं पुण अप्पणा गिलियं । एगागी होउण गओ सरोवरे । कया मुह-सुद्धी । मुहाओ पडिया पंच-दम्मसया । सो य^{१६०} जेहबंधुणा समं भोयण-वत्थाइहि विलसए दव्वं । पुट्ठो जेहेण- 'कत्तो तुह दव्वं ति ?।' भणियं कणिहेण- 'कुडुंबीएहिं दाणि सुवन्नं जं मह पेसवियं तं मए भंडागारे न समप्पियं आसि ।' ति । वच्चंता पत्ता कंचणउरं । सुत्तो अमरसेणो चूयतरु-तले । इयरो पुण गओ भोयणाइ-सामग्गीकए पुर-मज्झी । इओ य तत्थ मओ अपुत्तो राया, अहिसिन्ताणि पंच-दिव्वाणि, आगयाणि तत्थ जत्थ अमरसेणो । आरोविओ गइंदेण खंधे । नमिओ सामंताइएहिं । सिर-धरिय-धवलायवत्तो वीईज्जंतो चमरेहिं पविट्ठो पुरे । वरसेणो^{१६१} वि विन्नाय-वुत्तंतो चित्तिउं पवत्तो-

'अवहत्थिज्जउ तं दिवसु निसि अच्छउ म विहाउ ।

जहिं जोइज्जइ परह मुहु मिल्लिवि निय-ववसाउ ॥१२५१॥

इय चित्तिउण गओ मगहा-गणिया-घरं । कुणइ विविह-विलासे । रन्ना वि गवेसिओ घणं कणिट्ठो । न दिट्ठो कत्थइ । अविखत्तो रज्ज-

चिंताए गमेइ दिणाइ ।

अन्नया कुट्टणी-वयणओ पुट्टो मगहाए वरसेणो^{११} - 'ववसायं विणा कंहं तुह दव्वं ?' ति । अइ-निब्बंघे कए कहियं सरल-सहावत्तणेण सव्वं सच्चं संजोइयं । सरय-पाणेण कारिओ कुट्टणीए वमणं । पडिच्छियं थाले चूय-फलं । तं गहिउण निरसारिओ घराओ वरसेणो^{१२}, चिंताउरो य परिभ्रमंतो पत्तो मज्झिम-रयणीए पुर-बाहिर-सुन्न-देउले^{१३} । तत्थ य चउरो चोरा मोस-विभयणत्थं कलहायंता चिट्ठंति । तो कुमारेण कया तक्कर-सन्ना । 'तक्करो' ति हक्कारिओ तेहिं । निवेसिओ पासे पुट्टो जहा- 'अम्ह तिन्नि वत्थूणि-कंथा लउडो पाउया य ।' कुमारेण भणियं- 'किं सिज्जइ पओयणमिमेहि ?' तेहिं भणियं- 'एक्केण सिद्धेण मसाणे छहि मासेहि आराहिया विज्जा देवया । तीए तुहाइ दिन्नाइं तिन्नि वत्थूणि । कहियं देवयाए तत्थ इमं- 'पइदिणं कंथाए झाडिज्जंतीए पडंति पंच-रयण-सयाणि । लउडेणं उवरि-भामिएणं न पहवंति पहरणाइं । पाउयाहिं परिहियाहिं गमए समीहिय-प्पएसे ।' अम्हेहि वि हेरिउण छम्मासं वावाईउण सिद्धं तिन्नि वि गहियाइं इमाइं, ता तिन्नि वत्थूणि चउरो चोर ति विभयणं न घडइ' ति । कुमारेण भणियं- 'किमित्थ जुज्झेणं, निदारेमि अहं तुम्ह विवायं' ति भणिउण गहिओ लउडो कंथा य पट्टोलियाइ, खणं खित्ताओ पाऊयाओ चलणेसु, उप्पइओ गयणे । गओ नयर-बीयभाए । चोरा वि विलक्खा [गया] निय-निय-ठाणेसु ।

कुमारो वि पइदिणं कंथं झाडिउण गिणहइ पंच-रयण-सए । वेसंतरं काउण पविट्टो नयर-मज्झे । रमेइ जूयं । करेइ विलासे । दिट्टो कह वि कुट्टणीए । गया गिहं । कहिओ एसो मगहाए । तो सा कुट्टणीए^{१४} नियंसाविया सेय-वत्थाइं, विरइय-वेणिदंडा नीया कुमर-पासे, भणियं च- 'वच्छ ! मए पावाए निसारिए तुमम्मि मगहा तुह विरहे रोयंती एवं ठिया ।' इच्चाइ कवड-वयणाइं सोउण चिंतियं कुमारेणं- 'पुणो वि मंडियं रंडाए किंपि कूडं । होउ । भलिरस्सामि ।' ति पणमिउण भणिया- 'जुत्तमिणं तुह धूयाए । किं इयाणि^{१५} करेमि ?' तओ नीओ निय-घरं । कइवय-दिण-पज्जंते य पुच्छिओ कुमारो कुट्टणीए^{१६}- 'वच्छ ! कंहं तुह दव्वुप्पत्ति ?' ति । तेण भणियं जहा- 'अंब ! पाऊयारुद्धो उप्पयामि गयणे । हरिउण दविणं देसंतराओ आप्पेमि । कुट्टणीए भणियं- 'जइ एवं

ता पुन्ना मे मणोरहा । तुह विरहे मए इच्छियं जलहि-मज्झे काम-पडिमाए उवाइयं, ता नेहि ममं तत्थ ।' कुमारेण नीया कामाययणे । मोत्तूण पाउआओ जाव अब्भंतरे गओ ताव इयरी पाऊयाओ ^{१११}पहिरिऊण पत्ता स-गिहं । 'अहो ! बहु-पवंचाए वंचिओ म्हि रंडाए' ति चिंतयंतो जाव अच्छइ ताव दिट्ठो एक्केण खयरेण पुट्ठो य- 'कहमिहागओ सि ?।' कहियं तेण सच्चं । खयरेण भणियं- 'मा कुणसु खेयं । चिट्ठ पक्खमेक्कं एत्थ काम-पडिमं पूयंतो । अत्थि मे गुरुयं कज्जं । तं काऊण जा नियत्तेमि ता तुमं सट्ठाणं पराणिस्सामि । किंतु इह दार-देसे जे चिट्ठंति दुवे दुमा तेसिं समीवे वि न गंतव्वं ।' पडिवन्नं एयं कुमारेण । खयरो वि दाऊण पक्ख-दिण-जोग्गे मोयगे गओ गयणे ।

अन्नया कुमारो कीउगेण एक्क-रुक्खस्स जाव अग्घाइ कुसुमं ताव जाओ रासहो । दिट्ठो य पक्ख-पज्जंतागएण खयरेण । सुंघाविउं बीय-रुक्ख-कुसुमं जाव जाओ पुणो मणुस्सो, उवालद्धो खयरेण, पडिवन्नो अणेण स-दोसो, पुच्छियं च- 'किमेयमच्छरियं ?' ति । खयरेण भणियं- 'मए इमे रुक्खा खरमाणुसी-विज्जाहिं अहिवासिया । तेण इमाणं इमो पभावो ।' खयरो य गओ काम-पडिमं पूईउं । कुमारेण गहियाइं दोण्हं पि रुक्खाणं कुसुमाइं । बद्धाइं भिन्न-भिन्न-गंठीसु । खयरेण नीओ कंचणपुरं कुमारो । कुणइ विलासे । दिट्ठो अक्खाए । विम्हिया एसा । मगहाए वारंतीए वि कवडेणं जाणुकुप्पराईसु पट्टए बंधिऊण गया तरस्स पासं । सो य सामरिसो कयायार-संवरणो भणइ- 'अंब ! किमेयं ?' ति । रुयंतीए तीए वुत्तं- 'कामाययणे पविट्ठस्स ते एक्को खयरो पाऊयाओ हरिऊण चलिओ । विट्ठिया हं तरस्स । तेण वि उल्लालिऊण खित्ता । पडिया कहं पि इह नयरे । तो^{११०} मे भग्गा जाणुआइ । तेण भणियं- 'अंब ! जंतु पाऊयाओ । न दूमंति मे मणं जं तुमं जीवंती दिट्ठा ।' एवं भणिए भुयाए घेतूण नीओ घरं सो, तीए पुट्ठो य लुद्ध-मणाए- 'वच्छ ! कहं तुममिहागओ ? कहं वा कुणसि एरिसे विलासे ?।' कुमारेण वुत्तं- 'आराहिओ मए कामो । जाओ पच्चक्खो । तेण दाऊण बहु-दव्वं आणिओऽहमेत्थ ।' भणियमणाए- 'अन्नं पि किंचि दिन्नं कामेण ?।' तेण 'दिन्नं' वुत्तं । तीए भणियं- 'किं तयं ?।' तेण वुत्तं- 'जेण ओसहेण आघाइएण वुट्ठं पि तरुणं होइ तं दिन्नं ।' तुट्ठाए तीए वुत्तं- 'तं मे देहि' । तो तेण 'तुह चेव कए मए आणियं'ति भणंतेण हट्ठाओ ठवियं

लउडयं घेतूण हत्थे सुंघाविया ताइं कुसुमाइं । जाया रासही एसा । तो
तीए मुहे दाऊण दढं दढियं चडीओ पट्टीए । कुट्तो लउडेण निग्गओ
नयर-मज्झेण । जुत्तं कयमणेण जं लोह-फलं इमीए दंसियं ति तुट्ठा
मगहा, पुच्छरियं सेस-पाउलेणं । धाविओ तलारो, पुर-परिसरे दिट्ठो
कुट्तो कुट्ठिणिं कुमारो । हक्किओ अणेण- 'किमेवं असमंजसं करेसि ?'
कुविएणेव वुत्तं कुमारेण- 'करिस्सं जं रोअइ । वारेसु जइ ते अत्थि
सत्ती ।' तओ से सैल्ल-भल्लाईएहिं पहरिउं पवत्तो तलारो, तस्स य लउडं
भामंतस्स न कमए किंपि पहरणं । इमं च सोच्या समागओ राया ।
पच्चभिन्नाओ अणेण । उत्तरिऊण गयवराओ आलिंमिओ सो रत्ता ।
भणियं कुमारेण- 'मुंच मुंच बंधव ! ममं जाव स-हत्थाणं करेमि
सोवखं ।' रत्ता वुत्तं- 'वच्छ ! किमेयं ?' कहिओ अणेण सव्वो वुत्तंतो ।
बंधाविया खाणुम्मि पुर-मज्झे सा । सयं गयवरारूढो पविट्ठो पुरं समं
रत्ता । कुट्ठिणिं^{११} च तहद्वियं दहूण पढइ लोओ-

'अति लोभो न कर्तव्यो लोभं नैव(चैव) परित्यजेत् ।

अति लोभाभिभूता हि कुट्टनी गर्दभी कृता ॥१२५२॥

अह निव-निबंधेणं अग्घावेऊण बीय-कुसुमाइं ।

काऊण माणुसी पाउयाओ घेतूण सा मुक्खा ॥१२५३॥

तो जुवराओ जाओ वरसेणो भुंजए विउल-भोए ।

आणाविऊण पियरे तुज्झ पसाएण रज्जमिणं ॥१२५४॥

जायं ।'ति जंपिऊणं सवक्कि-माया थिरीकया तेहिं ।

अह अन्नया गवक्खे उवविट्ठा दो वि पेच्छंति ॥१२५५॥

जुगमित्त-दिन्न-चक्खुं सव्वंगालिंमियं तवसिरीए ।

रायपहे मुणि-जुयलं इमेहिं तो सुमरिया जाइ ॥१२५६॥

गंतूण वंदिया ते मुणिणो एक्केण ओहिणा नाउं ।

एएसिं पुव्व-भवं भणियं- 'थेवस्स वि कयस्स ॥१२५७॥

सुकयस्स एत्थिय-फलं पत्ता तुब्भेहिं जं इमा रिद्धी ।

तो कुणह गुरु-पयत्तं जिणपूया-साहुदाणेसु ॥१२५८॥

ते वि हु तह ति पडिवज्जिऊण जिणधम्म-उज्जया जाया ।

भोत्तूण विउल-भोए कमेण सुगइं च संपत्ता ॥१२५९॥१५॥

इय कुट्टणीए सोउं विडंबणं लोभ-तरलिय-मणाए ।
 मा परभव-सुह-लोभेण चयसु लद्धं तुमं पि सुहं ॥१२६०॥
 जणणी-जणणाणं बंधवाण मित्ताण तह कलत्ताणं ।
 नेहभर-निब्भराणं कुणसु सिणेहं पिय ! तुमं पि ॥१२६१॥
 जं चिर-परिचियमेयं चयसि तुमं तं अईव-साहसिओ ।
 सहवास-वड्डिया तरुवरा वि दुक्खेहिं मुच्चंति ॥१२६२॥

कुमारेण भणियं- 'भदे !

नेहो राहु-मुहं विवेय-ससिणो दोसंबु-नीरायरो,
 नेहो मोह-महोरगस्स विवरं वेरग्ग-सेलासणी ।
 नेहो पावभरंधयार-रयणी पुब्बहुमाणं दवो,
 नेहो दुव्ववसाय-साइणिकुल-क्कीला-मसाणत्थली ॥१२६३॥
 नेहो सोय-पिसाय-सुन्न-नयरंऽहिंसा-धरिती महा-
 कालो सच्च-सरोरुहाण तुहिणं संवेय-मेहानिलो ।
 कंदप्पप्पहुणो विलास-भवणं दुक्खंकुराणं जलं,
 सव्वाणत्थ-पुरप्पवेस-सरणी सग्गापवग्गग्गला ॥१२६४॥
 इय नेह-सख्वं जाणिऊण नेहो न होइ कायव्वो ।
 पुरिसेणं बुद्धिमया, को जाणंतो विसं खाइ ? ॥१२६५॥ अवि य-
 अहियं पि पयट्ठावइ जो जं को तरस्स तं पइ सिणेहो ।
 एत्थ य सुहंकरं पइ नेह लीलावई नायं ॥१२६६॥

रयणमंजरीए भणियं- 'सामि ! को सो सुहंकरो ? का वा लीलावई ?'

कुमारेण भणियं-

'इह कामरुव-विसए सविसेस-समुल्लसंत-सुहविसए ।
 पुहइ-पुरंधीए विसेसयं व पुरमत्थि मयणपुरं ॥१२६७॥
 अरि-करि-कुंभ-वियारण-समय-समुच्छलिय-मुत्तिय-कुलेहिं ।
 कय-जयसिरि-सिंगारो पज्जुब्बो अत्थि तत्थ निवो ॥१२६८॥
 तरस्स य दइया लीलावई ति जा देह-किरण-दंडेहिं ।
 सम्मग्ग-गमण-खलणं व काउमब्भुज्जया लोए ॥१२६९॥

ताणं च विसय-सुहमणुहवंताण अइक्कंतो कोइ कालो । अन्नया

गओ राया आस-वाहणियाए । लीलावईए य विवित्त-निज्जूहाम्मे ठियाए
 दिसावलोयण-समयम्मि दिहो रायमग्गवत्ती देवयाययणं पत्थिओ
 विमलमइ-सत्थवाह-पुत्ती सुहंकरो नाम जुवाणओ । तं च दइण
 अविवेय-सामत्थो अब्भत्थियाए गामधम्माणं समुप्पन्नो तीए तस्सोवरि
 अहिलासो । पलोइओ सविब्भमं । एसा वि समागया तस्स दिहि-
 गोयरं, निरुविया मोह-दोसेण साहिलासं । 'अहो चित्तञ्जुओ ।' ति
 परितुट्ठा लीलावई । कीलिओ व्व मयणबाणेहिं ठिओ एग-देसे ।
 लीलावईए भणिया अभिन्न-रहस्सा जालिणी नाम चेडी- 'हला ! दुन्निवारो
 मयण-पसरो, ता आणेहि एयं जुवजण-सिरोमाणिक्कं ।' 'सुवुब्भावयाणि
 एत्थ वइयरे कामि-हिययाइं' ति परिभाविऊण गया सा । आणिओ
 अणाए इमो । पवेसिउं^{१३} कहं पि वासहरे उवविट्ठो पल्लंके । पणामियं से
 लीलावईए तंबोलं । अब्ब-गहिए य तम्मि सुओ बंदि-कलयलो ।
 'समागओ राया' ति भीया लीलावई । 'न एत्थ अन्नो उवाओ ।' ति
 पवेसिओ वच्चहरए सुहंकरो । पविट्ठो राया । उवविट्ठो पल्लंके । ठिओ
 कंचि वेलं । भणियं अणेण- 'अरे ! सद्दावेह वारियं । पविसामो
 हत्थवखालयं । सदिओ वारियं । सुयमिणं सुहंकरेण । 'नियमओ
 वावाइज्जामि ।' ति अच्चंत भीएण जीविय-लुद्धेण अगाहे गाढंधयारे
 अच्चंत-दुग्गंधि-किमिकुल-संकुले वच्च-कूवे पवाहिओ अप्पा ।
 निवडिओ आकंठं असुइ-मज्झे । किलामिओ किमीहिं । निरुद्धो से
 दिहि-पसरो । संकोडियं अंगं । उइल्ला वेयणा । आउलीहूओ दढं ।
 गहिओ संमोहेण ।

इओ य सो राया पच्चुवेविखयं अंगरक्खेहिं पविट्ठो वच्चहरयं । कया
 सरीरठिई । निग्गओ वच्चहरयाओ । ठिओ लीलावईए सह चित्त-
 विणोएण । अइक्कंतो वासरो । ठिओ अत्थाइयाए राया । एत्थंतरे
 निरुवाविओ सुहंकरो लीलावईए । न दिहो तत्थ । भणियं अणाए- 'हला
 जालिणि ! कहियं पुण भविस्सइ ?' । तीए भणियं- 'देवि !
 भयाभिभूयत्तेणं पवाहिऊण अप्पाणयं वच्चकूवे मओ भविस्सइ ।'
 लीलावईए भणियं- 'एवमेयं, अन्नहा कहं अदंसणं ?' ति अवगया
 चिंता । इओ य सो सुहंकरो तम्मि वच्चकूवे तहा-दुक्ख-पीडिओ
 भवियव्वया-नियोएण विचित्त-कम्म-वसवत्ती असुइ-रसपाण-भोयणे
 गमिऊण कंचि कालं, विसोहण-निमित्तं फोडिए वच्चहरए असुइ-

निग्गमण-मग्गेण वावन्न-देहच्छवीं पणद्ध-नहरोमो निग्गओ रयणीए ।
 पक्खालिओ कहं चि अप्पा महया किलेसेण । गओ निय-भवणं । 'को
 एसो य माणुसो ?' ति भीओ परियणो । भणियं सुहंकरेण- 'मा बीहेह ।
 सुहंकरो हं ।' विमलमइणा भणियं- 'पुत्त ! किं तए कयं जेण ईइसो
 जाओ ? किं वा तुज्झ विमोक्खणं कीरउ ?' सुहंकरेण भणियं- 'ताय !
 अलं मज्झ मरणासंकाए । सो चेव अहं जं च कयं जेण ईइसो जाओ म्हि,
 तं साहेमि मंदभग्गो तायस्स । किंतु विवित्तमाइसउ ताओ ।' अवगओ
 परियणो । 'न एत्थ अन्नो उवाओ, जहट्टियमेव साहेमि ।' ति चित्तिउण्ण
 साहियमणेण । 'अहो ! अकज्जासेवण-संकप्प-फलं ।' ति संविग्गो से
 पिया । पवेसिओ णेण मिहं । कओ निवाय-थामे^{११} । संतप्पिओ
 सहस्सपागाईएहिं । काल-परियारणेण समागओ पुठ्ठावत्थं । उच्चिय-
 समण पयट्ठो देवयाययणं । ओइन्नो रायमग्गे । दिट्ठो लीलावईए ।
 तहेव साम-पुव्वयं पेसिया जालिणी । मोह-दोसेण समागओ सुहंकरो ।
 आगयमित्ते तम्मि आगओ राया । तहेव जायाइं वच्चकूव-पडण-
 निग्गमणाइं । पुणो पउणो दिट्ठो, पुणो पवेसिओ, पुणो विडंबिओ । एवं
 पुणो पुणो बहुसो ति ।

ता पुच्छामि तुब्भे 'तीए लीलावईए तम्मि सुहंकरे अणुराओ अत्थि
 किं वा नत्थि ?' । रयणमंजरीए भणियं- 'नाह ! परमत्थओ नत्थि,
 बुद्धि-रहिया सा लीलावई जेण न निरुवइ वत्थुं, न निहालए निय-
 भावं, न पिच्छए स-पर-तंतयं, न चित्तए तस्स आयइं ।' कुमारेण
 भणियं- 'भदे ! जइ एवं ता तुम्हाणं पि नत्थि ममोवरि नेहो,
 बुद्धिरहियाओ य तुब्भे, जेण असुंदरे पयईए निबंधणे कसायाईणं चंचले
 सख्वेण इच्छह तुच्छ-भोए, अओ न निखवह वत्थुं ति । तहा सव्वुत्तमं
 माणुसत्तं दुल्लहं भव-समुदे साहगं निव्वारणस्स न निउंजह धम्मे, अओ न
 निहालह निय-भावं ति । तहा भुवण-डामरो मच्चू । अइ-दारुणो पयईए
 गोयरे तस्स तुब्भे न चित्तह अत्ताणं, अओ न पिच्छह स-पर-तंतयं ति ।
 तहा महु-महुरं परिणाम-दारुणं कारणं गब्भ-नरयस्स विसय-सुहं, तं पि
 सुंदरं ति भणंतीओ निउंजह मं तत्थ, अओ न चित्तह मज्झ आयइं ति ।
 ता-

परमत्थेणं नत्थि तुम्ह नेहो ममोवरि भदे । ।

जं खिवह नरय कूवे काउं दिक्खा-राहण-विग्घं ॥१२७०॥१६॥

दुग्गय १ चिंतामणि २ चूय ३ कूयनर ४ ससुर ५ सूरसेण निवा ६ ।
वरदत्तो ७ जयवम्भो ८ कज्जो य ९ कुबेरदत्तो य १० ॥१२७१॥

अक्खा ११ समुददत्तो १२ जंबुग १३ मित्तितिय १४ अक्ख १५ वणिपुत्ता १६ ।
भज्जाहिं कुमारेण य कहियाओ कहाओ एयाओ ॥१२७२॥

एयं सोऊण संविग्गाओ वहुओ । तओ सद्धाइसएण पणमिऊण
कुमार-चलण-जुयलं जंपियमिमाहिं - 'अज्जउत्त ! एवमेयं । अम्हाणं पि
अवगओ वामोहो । समुप्पन्नं सम्मन्नाणं । नियत्तो विसय-राओ । ता
आणवेउ अज्जो जं अम्हेहि कायव्वं ।'

कुमारेण भणियं - 'साहु भोईओ ! साहु । सुलद्धं तुम्हाण माणुसत्तणं
जं ईइसी कुसलबुद्धि ति । ता पवज्जह^{१५} पव्वज्जं ।' तओ पयट्ठियं
महादाणं । काराविया जिणाययणेसु पूया । पूईया गुरुणो । घोसाविया
अमारी । विमुक्काओ गुत्तीओ । सम्माणिया सयणा । पसत्थे तिहि-करणे
मुहुत्त-जोए समं धम्ममित्तेहिं धम्मपत्तीहिं य समाखढो दिव्व-सिबियं ।
वज्जंतेहिं मंगल-तूरेहिं, नच्चंतेणं तरुणि-चक्कवालेण, थुव्वमाणो बंदीहिं,
पूरंतो समग्ग-मग्गण-मणोरहेहिं, अणुगम्मंतो सामंत-मंति-परिगएणं
पिउणा, पलोइज्जमाणो नायरेहिं, जणंतो तेसिं धम्माणुरायं पत्तो
कुसुमागरुज्जाणं । उत्तिन्नो सिबिगाओ । गओ विणयनंदण-गुरु-
पायमूले । ति-पयाहिणा-दाण-पुव्वं पणमिऊण समप्पिओ अप्पा
गुरुणो । तेणावि दिक्खिओ जहुत्त-सिद्धंत-विहिणा । भज्जाओ वि
चंदलेहा-पमुहाओ दिक्खिऊण समप्पियाओ विणयवइ-पवत्तिणीए ।

अह पुरिससीह-साहू परीसहे दुस्सहे वि सहमाणो ।

सुत्तं अहिज्जमाणो अवधारंतो य तरस्सत्थं ॥१२७३॥

दिव्वाइ-उवसग्गे अगणंतो गुरुयणं निसेवंतो ।

इंदियगणं जिणंतो कुणमाणो दुक्करं किरियं ॥१२७४॥

मास-दुमास-तिमासप्पमुहं तिव्वं तवं अणुचरंतो ।

सव्वत्थ-अपडिबद्धो विहरइ पवणो व्व स महप्पा ॥१२७५॥

खेलाइ-लद्धीओ तवप्पभावेण तरस्स जायाओ ।

गिरिणो व्व ओसहीओ ससिंकर-संगेण दित्ताओ ॥१॥१२७६॥

तस्स य खेललवेण वि देहं कुट्टदुयं पि देहीणं ।
 कोडीवेह-रसेण व तंबं संपज्जइ सुवन्नं ॥२॥१२७७॥
 कत्थूरिया-परिमलो मलो तयंगस्स सव्व-रोगहरो ।
 अमएण व कर-फरिसेण तस्स रोगा खयं जंति ॥३॥१२७८॥
 तस्संग-संगि-सलिलं रवि व्व तिमिरं हरेइ रोगभरं ।
 तस्संग-लग्ग-पवणेण जंति विलयं विसप्पमुहा ॥४॥१२७९॥
 विस-दूसिय-मत्ताइ तं मुहपत्तेसु निव्विसं होइ ।
 तव्वयण-मंत-सवणेण समइ सव्वो वि सवियारो ॥५॥१२८०॥
 नह-केसाइ तदंगं जं जं रोगीण ओसहं तं तं ।
 अणिमा-गुणेण संचरइ सो य सूईए रंधे वि ॥६॥१२८१॥
 सुरसेलाओ महंतं करेइ महिमा-गुणेण सो खवं ।
 लधिमा-गुणेण लंघिज्ज लाघवं सोऽनिलस्सावि ॥७॥१२८२॥
 गरिमा-गुणेण दुसहं सक्काइएहिं पि तस्स गुरुयत्तं^{११} ।
 पवण-सत्तीए छिवेज्ज मेरु-सिरमंगुलीए सो ॥८॥१२८३॥
 सो पाकम्म-गुणेणं भुवीव नीरे जले व्व भुवि चरइ ।
 सो इस्सरिय-गुणेण चक्किंद-सिरि खमो काउं ॥९॥१२८४॥
 तस्स वसित्त-गुणेणं पसमं कूरा वि जंतुणो जंति ।
 अप्पडिघाइत्त-गुणेणं सेल-मज्झो वि सो कमइ ॥१०॥१२८५॥
 अंतद्धाण-गुणेणं एसो पवणो व्व जायइ अदिस्सो ।
 खवेहिं कामरुवित्तणेण सो पूरइ जयं पि ॥११॥१२८६॥
 एगत्थ-बीयउगेण अत्थ-बीयाइ जत्थ जायंति ।
 सा विय बुद्धि-रिद्धी संजाया तस्स वर-मुणिणो ॥१२॥१२८७॥
 सो धरइ कुट्ट-बुद्धी कुट्टे धन्नं व अवखयं सुत्तं ।
 एग-पयाओ वि गिण्हइ गंथं पि पयाणुसारी णं ॥१३॥१२८८॥
 अवगाहइ सुय-जलहिं अंतमुहुत्तेण सो मणोबलिओ ।
 सो वायाबलिओ तं गुणेइ अंतोमुहुत्तेण ॥१४॥१२८९॥
 सो कायबली पडिमं चिरं पवन्नो वि जाइ न किलेसं ।
 सो अमय-खीर-महु-घय-आसवलद्धी तहा जाओ ॥१५॥१२९०॥

जं तस्स पत्त-पडियं अमयाइ-रसं भवे कदन्नं पि ।
वयणं व दुक्खिएसुं जायइ अमयाइ-परिणामं ॥१६॥१२९१॥
अखीण-महाणस-लद्धिओ य थेवं पि बहुय-दाणे वि ।
तप्पत्त-पडियमन्नं न खिज्जाए जिमइ जा न सयं ॥१७॥१२९२॥
अवखीण-महालय-लद्धि-संजुओ सो जओ असंख-जणो ।
तित्थयरस्स व परिसाए तस्स सम्माइ निब्बाहं ॥१८॥१२९३॥
एगेण इदिएणं सेसिंदिय-अत्थ-दंसणं जत्थ ।
संक्खिन्न-सोय-लद्धी सा जाया तस्स महारिसिणो ॥१९॥१२९४॥
जंघाचारण-लद्धीए एक्क-फालाए जाइ सो रुयणं ।
एक्काए नंदीसरमेइ स-ठाणं तु बीयाए ॥२०॥१२९५॥
एक्काए फालाए मेरु-सिरं जाइ सो तओ चलिओ ।
एक्काए नंदणवणे बीयाए एइ स-हाणं ॥२१॥१२९६॥
सो विज्जालद्धि-जुओ एक्काए माणुसुत्तरं जाइ ।
बीयाए फालाए वच्चइ नंदीसरं दीवं ॥२२॥१२९७॥
तत्तो नियत्तमाणो एक्काए चेव एइ स-हाणं ।
उट्ठं तु दोहिं फालाहिं जाइ एक्काए पुण एइ ॥२३॥१२९८॥
सो आसीविस-इहीए निग्गहाणुग्गह-खमो जाओ ।
लद्धि-फलं न हु गिण्हइ तह वि निरीहो पुरिससीहो ॥२४॥१२९९॥
सो सुद्ध-वासणावस-विसिद्ध-कुसलोदओ समज्जेइ ।
तित्थयर-नामकम्मं वीसइ-ठाणेहिं एएहिं ॥२५॥१३००॥
पढमं अरहंताणं तप्पडिमाणं च पूयणाइहिं ।
बीयं सिद्धाण सखव-सद्दहण-कित्तणाइहिं ॥२६॥१३०१॥
तईयं बाल-गिलाणाइ-पालणे पवयणस्स वच्छल्लं ।
तुरियं गुरुण आहार-वत्थ-दाणाइ-पडिवत्ती ॥२७॥१३०२॥
पंचमयं बहुमाणो वय-पज्जायस्सुएहिं थविराण ।
छट्ठं बहुस्सुयाणं अत्थाविक्खाए वच्छल्लं ॥२८॥१३०३॥
सत्तमयं वीसामण-पूयण-दाणाइणा तवरसीणं ।
अट्ठमयं उवओगो निच्चं सुत्तत्थ-नाणस्स ॥२९॥१३०४॥

नवमं पुण सम्मतं समत-संकाइ-दोस-परिचत्तं ।
 दसमं व नाण-दंसण-चरित्त-उवयार-विणएहिं ॥५॥१३०५॥
 एगारसमिज्जाईय अवरस-किच्चाईयार-परिहरणं ।
 बारसमिह मूलुत्तर-गुण-परिपालणमणईयारं ॥६॥१३०६॥
 तेरसमपमाएणं पइवखणं पइलवं सुहं झाणं ।
 चउदसमणवरयं चिय दुवालसविहं तवच्चरणं ॥७॥१३०७॥
 पनरसमन्नाईणं^{१४} संविभागो तवरस्सि-लोगम्मि ।
 सोलसमायरियाइसु वेयावच्चं सुसत्तीए ॥८॥१३०८॥
 सत्तरसं संघरस्स उ समाहिकरणं अवायहरणेण ।
 अट्टारसं अउव्वाण सुत्त-अत्थाण संगहणं ॥९॥१३०९॥
 एगूणवीसमवितह-सद्दहणुक्खित्तणेहिं सुय-भत्ती ।
 वीसं पभावणा सासणरस्स वायाइ-लद्धीहिं ॥१०॥१३१०॥
 एएहिं ठाणेहिं तित्थयरत्तं उवज्जिउण इमो ।
 विहरइ चिरं महीए पडिबोहंतो भविय-लोयं ॥१३११॥
 संलेहण-दुग-पुव्वं पज्जंतावसरमप्पणो नाउं ।
 काउण अणसणं पायवोवगमणेण सुद्धमणो ॥१३१२॥
 मरिउण वेजयंते सुरो विमाणम्मि सो समुप्पन्नो ।
 सुह-सागरावगाढो तेत्तीसं^{१५} सागरे गमइ ॥१३१३॥
 सिरि-सोमप्पहसूरीहिं विरइए सुमइसामि-चरियम्मि ।
 तित्थयर-कम्म-अज्जण-पवरा नर-सुर-भवा भणिया ॥१३१४॥

• • •

पाठांतर :

१. स्वरूपैः ल. रा. ॥ २. खुहा० ल. रा. ॥ ३. वालुयाकवलणं ल. रा. ४. वरतरं० ल. रा. ॥ ५. निरए ल. रा. ॥ ६. एक्कं ल. रा. ॥ ७. निअयमंते० दे. पा. ॥ ८. विरत्तमेवं भव० रा. ॥ ९. ०पडिचारि० दे. पा. ॥ १०. ०संगिलंत० ल. रा. ॥ ११. तंसि ल. रा. ॥ १२. पुत्तो ल. रा. ॥ १३. ०सिद्धि० ल. रा. ॥ १४. रे जीव ! ल. रा. ॥ १५. जणे उ दे. पा. ॥ १६. तज्जमाण० ल. रा. ॥ १७. तो दे. पा. ॥ १८. पूजिया दे. पा. ॥ १९. २१. ०पिंछं दे. पा. ॥ २२. ०रत्तागण दे. पा. ॥ २३. ०पेच्छाणि रा. दे. पा. ॥ २४. ०पेच्छाई ल. ॥ २५. ता पा. ॥ २६. कुमरेण पा. ॥ २७. लद्धूण सुदुल्लभं कंहंपि दे. पा. ॥ २८. ०तणगो ? ल. रा. ॥ २९. सिद्धिणा ल. रा. ॥ ३०. सिद्धिणा ल. रा. ॥ ३१. सम्माणेज्जइ दे. रा. पा. ॥ ३२. पंचरयणाइ ल. रा. ॥ ३३. कइवइदिणा० ल. रा. ॥ ३४. ततो अण्ण० ल. रा. ॥ ३५. निअयावासं दे. पा. ॥ ३६. सुवन्नलवख० दे. पा. ॥ ३७. हवेज्ज दे. पा. ॥ ३८. पेच्छिऊण दे. पा. ॥ ३९. ०दिस० दे. पा. ॥ ४०. महया किं दे. पा. ॥ ४१. जोअणाई दे. पा. ॥ ४२. अत्थि विविह-रयणमयं सुरभवण-विणिग्गय-पहापडल-पाडलं पाडलिउरं नयरं । तत्थ रिउ-रमणि-नयण-सलिलप्पवाह-विलसंत-समुज्जल-जस-रायहंसो रायहंस-धवल-गुण-संदोह-संदाणिय-जयलच्छि-समालिगिय-काओ पुहइराओ राया । तरस य तरलच्छि-विच्छोह-मज्झा-पुच्छच्छडा-समुच्छालिय-पंचसर-पसर-पारावारा धोर-थणहरुच्छंग-रंगंत-तारहारा सुतारा देवी तत्थ अवगय० ल. रा. ॥ ४३. परिक्खिज्जंति ल. रा. ॥ ४४. मुखेण ल. रा. ॥ ४५. किविणेण ल. रा. ॥ ४६. पयट्टिया आ० ल. रा. ॥ ४७. इइ विविहा० ल. रा. ॥ ४८. पहे बहुय० ल. रा. ॥ ४९. ०इं निग्गहमंतो दे. पा. ॥ ५०. गुरुय० ल. रा. ॥ ५१. याऽमयरसो सह० ल. रा. ॥ ५२. भक्खेइ ल. रा. ॥ ५३. हा चित्त ! अकज्जं अ० दे. पा. ॥ ५४. घटउडी० ल. रा. ॥ ५५. अमयमयंबयं ल. रा. ॥ ५६. जोवंताणं ल. रा. ॥ ५७. रयणीइ ल. रा. ॥ ५८. बहुगामेसु ल. रा. ॥ ५९. हत्थि डट्ठाओ ल. रा. ॥ ६०. ०गुरुय० ल. रा. ॥ ६१. ०गुरुयं ल. रा. ॥ ६२. ०सिहरुग्गओ ल. रा. ॥ ६३-६४. ०वयणेज्जा दे. पा. ॥ ६५. न पुट्टिया दे; न पुच्छिया रा. ॥ ६६. तदियहे को० दे. पा. ॥ ६७. ०मज्झे कडाइ० दे. पा. ॥ ६८. ०मेव विआइया ल. रा. ॥ ६९. वट्ठइ दे. पा. ॥ ७०. देव्व दे. पा. ॥ ७१. निव्वूदा ल. रा. ॥ ७२. ०हरियं मह ल. रा. ॥ ७३. रोयंती ल. रा. ॥ ७४. स उवसंतो ल. रा. ॥ ७५. वावाएस्सइ दे. पा. ॥ ७६. सुवणिं० ल. रा. ॥ ७७. ०सिद्धिणा ल.

रा. ॥ ७८ ववहारिउ० दे. पा. ॥ ७९. सिट्ठिणो ल. रा. ॥ ८०. ०सुंदेर लहुई० दे. पा. ॥
 ८१. ०णत्थ वण० ल. रा. ॥ ८२. ०वट्ठीए दे. पा. ॥ ८३. करेहि ति ल. रा. ॥ ८४. परं
 परभवेसु ल. रा. ॥ ८५. ०मयविभलविह० दे. पा. ॥ ८६. दुक्खमिणं न पुण कट्ठि० ल.
 रा. ॥ ८७. ०हियंगभूओ ल. रा. ॥ ८८. गुरुओ ल. रा. ॥ ८९. गुरुयाओ ल. रा. ॥
 ९०. मुखो. ल. रा. ॥ ९१. गिणहइ ल. रा. ॥ ९२. गुरुयाणु० ल. रा. ॥ ९३.
 ०नगरलक्खाओ ल. ॥ ९४. वेदोच्चारं टि० ल. ॥ ९५. निसामंतो ल. रा. ॥ ९६. ढहसं
 (रं) दे. पा. रा. ॥ ९७. ईरिसो ल. रा. ॥ ९८. जाणेसि पा. ॥ ९९. इत्थिच० ल. ॥
 १००. गुरुय० ल. रा. ॥ १०१. पेच्छंतो व्व लक्खि ल. रा. ॥ १०२. गुरुय० ल. रा. ॥
 १०३. धरितं तासिं ल. रा. ॥ १०४. सिट्ठिणा दे. पा. ॥ १०५. सिट्ठी ल. रा. ॥ १०६.
 वट्ठंत० रा. ॥ १०७. ०पीडाहेउ ति दे. पा. ॥ १०८. पवाहिया दोवि ल. रा. ॥ १०९
 भायहंडाई दे. पा. ॥ ११०. गुरुय ल. रा. ॥ १११. तीए वि ल. रा. ॥ ११२-१३. गुरुय
 ल. रा. ॥ ११४. नडविडबिसा० पा. ॥ ११५. चेडी पा. ॥ ११६. कुट्ठिणी ल. रा. ॥ ११७.
 रमणेज्जं दे. पा. ॥ ११८-१९. कुट्ठणीए दे. पा. ॥ १२०. ०त्थाए ल. ॥ १२१. कुट्ठणीए
 दे. पा. ॥ १२२. ०मई एसा न ल. रा. ॥ १२३. कुट्ठणीए दे. पा. ॥ १२४. कुट्ठिणीए दे.
 पा. ॥ १२५. जं-अमु० दे. पा. ॥ १२६. गहिउं ल. रा. ॥ १२७. ०परमिट्ठि० ल. रा. ॥
 १२८. सरंतेण पा. ॥ १२९. कुट्ठिणी दे. पा. ॥ १३०. गरुओ दे. पा. ॥ १३१.
 ०दिसिभिक्खी रा. ॥ १३२. गुरुयं ल. रा. ॥ १३३. किवण० ल. रा. ॥ १३४. पिच्छए दे.
 पा. ॥ १३५. दीवदाणदं० दे. पा. ॥ १३६. मुक्खा तहेव पच्छिम० दे. पा. ॥ १३७.
 अत्थित्थ ल. रा. ॥ १३८. जिणपूओ वि दूईओ पुत्तो दे. पा. ॥ १३९. वयरसेणो ल.
 रा. ॥ १४०. पिच्छइ दे. पा. ॥ १४१. ०पुच्छेहिं दे. पा. ॥ १४२. वयरसेणो ल. रा. ॥
 १४३. सवक्खिमाया दे. पा. ॥ १४४. पउहा दे. पा. ॥ १४५. वयरसेणेण ल. रा. ॥ १४६.
 कीरए दे. पा. ॥ १४७. एकरस ल. रा. ॥ १४८. गुरुयं ल. ॥ १४९. वयरसेणेण ल.
 रा. ॥ १५०. अकहेउण ल. रा. ॥ १५१. जिह्व० दे. पा. ॥ १५२-५३-५४. वयरसेणो ल.
 रा. ॥ १५५. ०देयउले ल. रा. ॥ १५६. कुट्ठिणीए ल. रा. ॥ १५७. ईयाणिं ल. रा. ॥
 १५८. कुट्ठिणीए दे. पा. ॥ १५९. परिहिउण दे. पा. ॥ १६०. तो ल. रा. ॥ १६१.
 कुट्ठिणिं ल. रा. ॥ १६२. पविसिउं ल. रा. ॥ १६३. निवायठामे ल. रा. ॥ १६४. पव्व
 ह ला;वज्जइ पा. ॥ १६५. गुरुअतं पा. ॥ १६६. पन्नरमन्नाईणं दे.पा.रा. ॥ १६७.
 तितीसं दे. पा. ॥

छटो पत्थावो

अत्थित्थ जंबुदीवो पुरिसत्थ-नरिंद-पुरनिवेशो व्व ।
जलनिहि-परिहा-परिणय-जगई-पाथार-परिखित्तो ॥१३१५॥

अद्धिंदु-सुंदरं तत्थ भारहं अत्थि दाहिण-दिसाए ।
भालं व जत्थ रेहइ वेयट्ठो रययपट्ठो व्व ॥१३१६॥

जं गंग-सिंधु-सरिया-मुत्ताहल-मालियाहिं रमणिज्जं ।
बहल-वणराइ-कुंतल-रेहा-रेहंत-पेरंतं ॥१३१७॥

तत्थ अउज्झानयरी कणयमई अत्थि तिलय-सारिच्छा ।
पेरंत-मुत्तियावलि-समो जहिं फलिह-पायारो ॥१३१८॥

जा जिण-जम्मट्ठाणं ति सव्व-दीवागएहिं भत्तीए ।
पायार-कणय-कविसीसएहिं रेहइ रवीहिं व ॥१३१९॥

जत्थ सुवन्न-जिणालय-फुरंत-कंती तडिल्लया-लच्छी ।
पावइ डज्झंतागुरु-धूमेसु घणेषु गयणयले ॥१३२०॥

जत्थुन्नय-घरकुट्टिम-गयाओ हरिणंक-हरिण-नयणाइ ।
दट्ठं व सविब्भम-पिच्छिरीओ रमणीओ जायाओ ॥१३२१॥

जीए रयण-विणिम्मिय-पासाय-पहाहिं पहरिए तिमिरे ।
कुवलय-कमल-वियासेहिं रयणि-दियहा मुणिज्जंति ॥१३२२॥

विरइय-पय-उल्लासो वित्थारिय-रायहंस-संतासो ।
मोहो व्व तत्थ मेहो समुन्नओ अत्थि नरनाहो ॥१३२३॥

पबल-पयाव-द्ववग्गी विपवख-महिहरकुलस्स दिप्पंतो ।
जेण जए विज्झाविओ पगिट्ठ-तरवारि-धाराहिं ॥१३२४॥

जस्स ववसाय-साही पल्लविओ सव्वओ पयावेण ।
जस-पसरेणं कुसुमिओ फलिओ उण विउल-लच्छीए ॥१३२५॥

आरामिओ व्व आराम-वीरुहाओ पयाओ पालेइ ।
सो नीई-सारणी-पवहमाण-धम्मम्बु-पूरेण ॥१३२६॥

तस्स नयस्स व लच्छी धम्मस्स व सहयरी दया अत्थि ।
उल्लासिय-लोय-समग्ग-मंगला मंगलादेवी ॥१३२७॥

सीलेण जीए खवं विणएण पहुत्तणं समेण मई ।

ढाणं पणएण विहसिऊण विहिया गुणा सगुणा ॥१३२८॥

सोहग्गेण गणिज्जए गिरिसुया दासि व्व जीसे पुरो,

धूया नीरनिहिस्स धूलि-सरिसी खवेण लविखज्जए ।

लायन्नेण लहुत्तणं तणमिव प्पत्ता अणंगप्पिया,

सा केणावि कयाऽपरेण विहिणा सब्बोवमा-वज्जिया ॥१३२९॥

सो वसइ तीए चित्ते तरस्स य चित्तम्मि वसइ सा देवी ।

रइ-मयणाण व तेसिं न विओगो होइ कइया वि ॥१३३०॥

पोलोमीए व सक्करस्स तरस्स तीए समं रमंतरस्स ।

रइ-सागरावगाढस्स कोइ कालो अइक्कतो ॥१३३१॥

अह पुरिससीह-जीवो चुओ विमाणाओ वेजयंताओ ।

सावण-सीय-बीयाए महरिख-गए मयंकम्मि ॥१३३२॥

मंगलदेवी-सरसीइ निच्च-विमलाइ कुविख-कमलम्मि ।

सुविसुद्धोभयपक्खो अवयरिओ रायहंसो व्व ॥१३३३॥

तम्मि समयम्मि भुवणत्तए वि जाओ खणं समुज्जोओ ।

दुक्खक्खएण सोक्खं च नारयाणं पि संपन्नं ॥१३३४॥

तीए च्चिय रयणीए महरिह-सिज्जा-गया सुह-पमुत्ता ।

नियइ चउदस-सुविणे सुमंगले मंगलादेवी ॥१३३५॥

दंती उदग्गदंतो इरंत-भय-निज्झरो धवलवज्जो ।

उत्तुंग-कुंभ-सिहरो केलासो जंगमो व्व गिरी ॥१३३६॥

तसहो पीणक्खंधो धवलो चल-कणय-किंकिणीमालो ।

विलसंत-विज्जुलेहा-विराइओ सारओ व्व घणो ॥१३३७॥

सीहो ललंत-जीहो पिंगल-केसर-कडप्प-दिप्पंतो ।

उल्लालिय-नंगूलो सूरुसुब्भियपडाओ व्व ॥१३३८॥

देवी वि पउम-निलया पउम-मुही पउमपत्त-सम-नयणा ।

करिकर-पल्हत्थिय-कणयकलस-सलिलेहिं सिच्चंती ॥१३३९॥

दामं सुरपायव-पंचवन्न-कुसुमप्पवंच-चिंचईयं ।

परिमल-मिलंत-अलिउल-घण-वडले सक्कचावं व ॥१३४०॥

वयणं व अत्तणो हरिणनाहि-निम्मिय-कचोल-पत्तलयं ।
 हरिणक-मंडलं कंति-पूर-परिपूरिय-दियंतं ॥१३४१॥
 पसरंत-किरण-संदोह-दलिय-नीसेस-तिमिर-संभारं ।
 दिवसब्भमं कुणंतं रयणीइ वि भाणुणो बिंबं ॥१३४२॥
 पवण-पणुन्न-पडाया-पयलंत-भुओ तिलोयलच्छिं व ।
 हक्कारंतो चल-कणिर-किंकिणी-कलरवेण धओ ॥१३४३॥
 अंभोकुंभो अंभोय-भूसिओ सायकुंभ-संभूओ ।
 अंभोनिहि-महणारंभ-संभवो अमय-कुंभो व्व ॥१३४४॥
 थोउं जिण-गुण-निवहं मिलंत-मत्तालि-जाल-मुहलेहिं ।
 पउमेहिं पवंचिय-चारु-वयण-विसरं व पउमसरं ॥१३४५॥
 विलसिर-अब्भलिह-लहरि-मंडली-चुंबियंबराभोओ ।
 उल्लासंतो सरयब्भ-विब्भमं खीर-नीरनिही ॥१३४६॥
 देवत्तणम्मि जं पुव्व-सेवियं सामिणा मणिविमाणं ।
 तं चिय गुरुय-सिणेहेण आगयं वेजयंतं व ॥१३४७॥
 किरण-कडप्प-पवंचिय-तियसिंद-सरासणो रयण-रसी ।
 जिणमुह-ससि-सेवत्थं समागओ तारय-गणो व्व ॥१३४८॥
 गहिउण व तेयं तेयवंत-वत्थूण भासुरो दिट्ठो ।
 निद्धूमो जलणो सामिणीए वयणे पविसमाणो ॥१३४९॥
 दहूण इमे सुविणे पडिबुद्धा हरिस-निब्भरा देवी ।
 पल्लंकं परिहरितं संपत्ता राइणो पासे ॥१३५०॥
 अमयं व उग्गिरंती परहुय-रव-पेसलेहिं वयणेहिं ।
 मत्थय-कयंजलि-उडा कहेइ सुविणे नरवइस्स ॥१३५१॥

भणियं रत्ना-

गओ व्व दाणाणुगओ, वसहो व्व धम्म-धुर-धरण-सहो, सीहो व्व
 सूरत्तण-लद्ध-लीहो, लच्छि व्व तेलोक्क-वल्लहो, कुसुमदामं व सुरासुरेहिं
 सिरुव्वूढ-सासणो, चंदो व्व कयाणंदो, सूरु व्व अपडिम-पयाव-
 पब्भरो, झओ व्व भुवण-भवण-भूसणो, पुन्नकुंभो व्व समग्ग-मंगल-
 निलओ, पउमसरं व्व संतावहारओ, सायरो व्व गुण-रयणायरो, विमाणं

ઠવ સુર-સેવણિજ્ઞો, રયણરાસિ ઠવ મહગ્ધો, જલણો ઠવ પડિવવ્ઘ-
પયંગ-ઢહણો તુહ પુત્તો ભવિરસઇ ।

દેવીએ દેવ-ગુરુ-ચલણાણુભાવેણ 'એવં હોઝ' તિ ભણંતીએ બઢ્ઢો
ઉત્તરિજ્ઞંચલે સઝણ-ગંઠી । ગયા નિય-વાસભવણં દેવી । ચલિયાસણા
સમાગયા બત્તીસા વિ સુરિંદા પણયા અણેહિં સામિણી થોઝમાઢ્ઢતા-

તં ધન્ના સિ સલવ્ઘણા સિ સહલો માણુરસ-જમ્મો ઇમો,
તુભ્ભં ચેવ સલાહણિજ્ઞ-ચરિયા તં ચેવ નિરસંસયં ।
જીએ વટ્ટઇ કુવ્ઘિ-સિપ્પપુડા સવ્ઘ્ઘુ-મુત્તામણી,
નિત્તાસો વિમલો તિલોય-કમલા-વચ્છત્થલી-ભૂસણં ॥૧૩૪૨॥

માએ ઉઢ્ઢરિયં તએ જયમિણં સંસાર-કારાહરા,
લોએ મોહ-મહંધયાર-ઢલણો ઢિન્નો તએ ઢીવઓ ।
અમ્મો તે પય-પંકયાઇં નમિમો ગઢ્ઘમ્મિ તિત્થંકરો,
જીએ સીહ-કિસોરઓ ઠવ વસએ કમ્મેભ-વિઢ્ઢંસણો ॥૧૩૪૩॥

ઇય થોઝં જિણ-જણણી તીએ કહિઝણ તહ જિણુપ્પતિં ।
રયણ-નિહાણેહિં સમંતઓ વિ પૂરંતિ જિણ-ગેહં ॥૧૩૪૪॥
તો સુરવઙ્ગણો નંદીસરમ્મિ સાસય-જિણિંદ-પડિમાણં ।
કાઝણ મહા-મહિમં નિય-નિય-ઠાણેસુ સંપત્તા ॥૧૩૪૫॥
ગોસે મેહ-નરિંદો અણેય-સામંત-મંતિ-પરિયરિઓ ।
તારય-જુઓ ઠવ ચંદો અત્થાણ-સહાએ ઉવવિઢ્ઠો ॥૧૩૪૬॥

હક્કારિઝણ સક્કાર-પુવ્ઘયં સુવિણપાઢાએ રાયા ।
પુચ્છઇ સુવિણાણ ફલં વિભાવિઝં તે વિ સાહંતિ ॥૧૩૪૭॥
અંગં સુવિણં ચ સરં ઉપ્પાયં ભોમમંતરિવ્ઘં ચ ।
વંજણ-લવ્ઘણમેવ ય અઢ્ઢ-પયારં ઇહ નિમિત્તં ॥૧૩૪૮॥

સુવિણય-નિમિત્ત-સત્થે સામઢ્ઢેણં નિમિત્ત-નિઝણેહિં ।
સુવિણા સુહાસુહ-ફલા કહિયા બાવત્તરી તત્થ ॥૧૩૪૯॥
તીસા ય અપ્પસત્થા બાયાલીસા ય ઉત્તમા તત્થ ।
બાયાલીસા મજ્ઞે તીસા ભણિયા મહાસુવિણા ॥૧૩૫૦॥

તેસિં મજ્ઞે ચઝઢ્ઢસ તિત્થયરાણં તહેવ ચક્કીણં ।
ગઢ્ઘાવયાર-સમએ સુવિણે પિચ્છંતિ જણણીઓ ॥૧૩૫૧॥

तह वासुदेव-जणणीओ ताण मज्झे नियंति सत्तेव ।
 बलदेव-मायरो पुण चउरो सुविणे पलोयंति ॥१३६२॥
 मंडलिय-नरिदाणं चरमसरीराण तह य जंतूण ।
 जणणीओ महा-सुविणं एक्कं वा दो व पेच्छंति ॥१३६३॥
 जं देवीए चउदस दिट्ठाइं इमाइं तेण जाणामो ।
 सेसेहिं निमित्तेहिं य तित्थयरो तुह सुओ होही ॥१३६४॥
 तो मेह-महीवइणा महंत-हरिसुल्लसंत-हियएण ।
 संमाणिऊण सम्मं विसज्जिया ते गया स-गिहं ॥१३६५॥
 सक्खाएसेण सुरंगणाओ सेवंति मंगलादेवी ।
 वाउकुमार-वहुओ तीए पमज्जंति वासहरं ॥१३६६॥
 तं मेहकुमार-नियंबिणीओ गंधोदएण सिंचंति ।
 उवुलच्छीओ वरिसंति तत्थ विविहं कुसुम-निवहं ॥१३६७॥
 दंसंति जोइसित्थीओ दप्पणं किन्नरीओ गायंति ।
 ण्हवण-विलेवण-पमुहं कुणंति वेमाणिय-वहुओ ॥१३६८॥
 परचक्ख-मारि-दुब्भिवख-रोग-पमुहा उवदवा तत्थ ।
 देसम्मि समुवसंता रिद्धि-समिद्धा मही जाया ॥१३६९॥
 गय-तुरय-स्यण-कंचण-पयाण-पउणेहिं पत्थिव-सएहिं ।
 तित्थयर-पभावेणं पणमिज्जइं मेहराओ वि ॥१३७०॥
 तीए लायन्न-सिरी विसेसओ वुट्ठिमुवगया तइया ।
 गोसे मइ व्व कइणो गिम्हे वेल व्व जलनिहिणो ॥१३७१॥
 सा सहइ दिणयरेणेव तेण गब्भेण तम्मि समयम्मि ।
 सरयम्मि पंडुरत्तं संपत्ता मेहमाल व्व ॥१३७२॥
 अम्हाण थन्नपाई होही जिणपुंगवो त्ति गरुएणं ।
 हरिसेण व संपत्ता पओहरा तीए पीणत्तं ॥१३७३॥
 सविसेस-वियास-मणहराइं नयणाइं तीए जायाइं ।
 वयण-कमलं जिणिंदस्स दहुमुक्कंठियाइं व ॥१३७४॥

इओ य तन्नयरि-वत्थव्वओ चंदो वाणिओ दोहिं भज्जाहिं समं
 दविणज्जणत्थं देसंतरं गओ । तस्स एक्खाए भज्जाए पुत्तो जाओ । दोहिं

पि भज्जाहिं निव्विसेसं वुड्ढिं नीओ । सो चंदो दव्वमुववज्जिउण नियतो देसंतराओ आगच्छंतो दुव्वारत्तणओ दिव्व-दुव्विलसियस्स मओ मग्गे । 'पुत्तो वित्तं च मज्झा संति' भणंती पुत्त-मायाए सह बीया कलहं काउं पवत्ता । कलहंतीओ अ पत्ताओ अउज्झा-नयरि, दुक्काओ' स-कुल-परकुलेसुं, न छिन्नो विवाओ, गयाओ धम्माहिगरणं, तत्थ वि न छिन्नो, उवट्ठियाओ रायाणं, पुच्छियाओ रत्ता विवाय-कारणं ।

विहिय-मायाए विमायाए भणियं- 'एसो विवाओ कहिओ सव्वत्थ, केणादि न छिन्नो, को वा परवसणे दुक्खिओ ? तुमं पुण परदुक्ख-दुक्खियं धम्मरायं दहूण उवट्ठियमिह । मम उयर-संभवो, सरिसो य मे, पालिओ य मए, वित्तं पि मे इमं ।' ति ।

पुत्तमायाए भणियं- 'पुत्तो य एस मे, धणं च मे, एसा सवत्ता अणवच्चा लोह-तरलिया कलहं करेइ । जं मए सरलमणाए पुत्तं पालयंती न वारिया, तं संपयं पायंतो' (?) सा वि । आउसीयस्सयस्स (?) धाविय' ति ।

जंपियं मेहराएण- 'दो वि एयाओ एग-विंट-खुडियाओ व्व सरिसरूवाओ दीसंति । जइ पुण वि सरिसत्तणं इमाण होज्ज ता जीसे सरिसो हवेज्ज दारओ तीसे पुत्तो अणुमिणेज्ज । एसो य दोण्हं पि सरिसो, बालत्तणओ वोत्तुं पि न तरइ, किं पुण एसा माया वि एसा विमाय ति जाणिओ (जाणिज्ज) ?

एवं जंपंतरस्स रत्तो दुट्ठ-निन्नय-पावभीरुणो जाओ मउझन्न-समओ ।

भणियं मंतीहि- देव ! वज्जगंठि व्व दुब्भेओ एस विवाओ । छहिं पि मासेहिं न याणिओ अम्हेहिं । ता इण्हिं कीरंतु निच्च-किच्चाइं, समयंतरे विचारणिज्जो इमो ।

'एवं होउ' ति भणंतेण रत्ता विसज्जिया परिसा, कयं करणिज्जं, गओ अंतेउरं राया, पुट्ठो मंगलादेवीए- 'सामि ! किं अज्ज मज्झन्न-निच्चकिच्चाणं जाओ अइक्कमो ?' ति । कहिओ रत्ता विवाय-वुत्तंतो गळभाणुभाव-समुल्लसंत-समईए भणियं देवीए- 'इत्थीणं विवाओ इत्थीणं चेव विचारितं जुज्झइ ति । अहं विवायच्छेयं करिस्सं ।'

रत्ता सविम्हएण देवीए समं गंतूण सहाए सदावियाओ ताओ । पुव्वं

व पुढाओ सव्वं पि । देवीए वि विवाय-निब्बयं चित्तिउण भणियं जहा-
 'मम गब्भे तिब्बाण-सणाहो अत्थि तित्थयरो । सो य जाओ एयस्स
 असोय-तरुणो तले एयं विवायं छिंदिस्सइ । ता तुब्भे दुवे वि एत्तियं
 कालं पडिक्खह ।' विमायाए भणियं- 'एवं होउं' ति । मायाए पुण वुत्तं-
 'तुमं सव्वन्नु-माय ति अज्जरु(अज्जेव) करेसु निब्बयं, नाहं एत्तियं
 कालं सवत्ति-आयत्तं पुत्तं वित्तं च करिस्सं ।' विभाविउण भणियं देवीए-
 'कालक्खेवाऽसहतणेण नूणं इमीए चेव एसो पुत्तो । जओ परसंतीए पुत्ते
 वित्ते अ उभयायत्ते कीरमाणे किं मे विणस्सइ ति काल-हरणं सहेइ
 विमाया । जणणी पुण पुत्तं वित्तं च उभयायत्तं कीरमाणं सोदुमक्खमा कहं
 काल-हरणं सहेइ ? ता भदे ! जं तुमं काल-हरणं न सहसे, तं नायं
 तुह चेव पुत्तो इमो ति गिण्हसु पुत्तं ।

इयराए लालिओ पालिओ वि पुत्तो इमो तुह च्चेव ।

जह पोसिओ वि काईइ कोइलो कोइला-सुओ ॥१३७५॥

गब्भ-पभावेणं देवीए विवाय-निब्बए विहिए ।

नरवइ-पमुहो लोओ सव्वो वि हु विम्हयं पत्तो ॥१३७६॥

दारय-माय-विमायाओ कमलिणी-कुमुइणीओ व पभायाए,

वियसिय मिलाण-मुहकमल-कइरवाओ गयाओ गिहं ।

गब्भो य लहुकरणुज्जओ व्व देवीइ पीडमकुणंतो,

कंदो व्व धरणि-मज्झे कमेण वुद्धिं समणुपत्तो ॥१३७७॥

मासेसु नवसु अद्धमेसु तह वासरेसु वइसाहे ।

सेयाए अट्टमीए महरिक्ख-गए मयंकम्मि ॥१३७८॥

जच्च-सुवण्ण-सवण्णं कुंचकं पसवए कयाणंदं ।

पुव्व-दिस व्व दिणिंदं सुय-रयणं मंगलादेवी ॥१३७९॥

खणमुज्जोओ तिजए जाओ सुक्खं पि नारयाणं पि ।

अहवा सुपुरिस-जम्मो करस न हरिसावहो होइ ॥१३८०॥

अहलोआओ चलियासणाओ जाणिय-जिणिंद-जम्माओ ।

अट्ट-दिसाकुमरीओ जिण-जम्महरम्मि पत्ताओ ॥१३८१॥

भोगंकरा भोगवई सुभोगा भोगमालिणी ।

तोयधारा विचित्ता य पुप्फमाला अणिंदिया ॥१३८२॥

ति-पयाहिउण जिणं जिणिंद-जणणिं च वंदिउण तथा ।
 एवं भणंति 'जय-दीव-दाइए देवि ! तुज्झ नमो ॥१३८३॥

अहलोयाओ वयमागयाओ जिण-जम्म-महिम-करणत्थं ।
 ता न तए भेयव्वं' ति भणिय विरयंति सूइहरं ॥१३८४॥

मणिथंभ-सहरस-जुयं संवट्टय-वाउणा तण-रयाइं ।
 आजोयणमवहरियं गायंतीओ य चिट्ठंति ॥१३८५॥

एवं मेरु-सिर-ट्टियाओ उट्टलोय-वासिणीओ अट्ट-
 मेहंकरा मेहवई सुमेहा मेहमालिणी ।

सुवच्छा वच्छमिता य वारिसेणा बलाहिया ॥१३८६॥

गंधोदएण समंतओ महिं सिंचिउण पंचवण्ण-कुसुम-बुद्धिं कुणंति ।
 एवं पुव्व-रुयग-वत्थव्वाओ अट्ट-

नंदुत्तरा तथा नंदा आणंदा नंदिवद्धणा ।

विजया वेजयंती य जयंती अपराजिया ॥१३८७॥

एयाओ आयंसहत्थाओ चिट्ठंति ।

एवं दाहिण-रुयग-वत्थव्वाओ अट्ट-

समाहारा सुप्पदिब्बा सुप्पबुद्धा जसोहरा ।

लच्छीवई सेसवई चित्तगुत्ता वसुंधरा ॥१३८८॥

एआओ भिंमारकराओ चिट्ठंति ।

एवं पच्छिम-रुयग-वत्थव्वाओ अट्ट-

इलादेवी सुरादेवी पुहवी पउमावई ।

एगनासा नवमिया भद्दा सिया य अट्टमा ॥१३८९॥

एयाओ तालियंट-हत्थाओ चिट्ठंति ।

एवं उत्तर-रुयग-वत्थव्वाओ अट्ट-

अलंबुरा मिरसकेसी पुंडरीका य वारुणी ।

हासा सव्वप्पहा चेव हिरी सिरी य अट्टमा ॥१३९०॥

एयाओ चामर-कराओ चिट्ठंति ।

एवं विदिसि-रुयग-वत्थव्वाओ चत्तारि-

चित्ता य चित्तकणगा सतेरा य सोयामणी ।

एयाओ दीवय-हत्थाओ चिट्ठंति ।

एवं मज्झिम-खयग-वत्थव्वाओ चत्तारि -

खवा खवंसिया चेव सरूवा खयगावई ॥१३९१॥

एयाओ चउरंगुल-वज्जं नाहि-नालं कप्पिऊण खणित्ता वियरगं तत्थ तं खिवंति । तं च रयणेहि पूरंति । तत्थ हरियालियाए पीढं बंधंति । तिदिसं कयलीहरए विउव्वंति । ताण मज्झो चाउसालए विउव्वंति । ताणं च मज्झो सीहासणे तिन्नि विउव्वंति । तित्थयरं करयलेणं तित्थयर-मायरं च बाहाहिं गिण्हिऊण दाहिणिल्ल-कयलीहरय-चाउसाले गंतूण सीहासणे निवेसंति । सयपाग-सहरसपाग-तेल्लेहिं* अढभंगंति, सुरहिणा उव्वट्टणेण उव्वट्ठंति । दो वि तहेव घेतूण पुव्व-कयलीहर-चाउसाले गंतूण 'सीहासणे निवेसंति । गंधोदएहिं पहाविंति । सव्वालंकार-विभूसिए काऊण दो वि तहेव उत्तरिल्ल-कयलीहर-चाउसाले नेऊण सीहासणे निवेसंति । हिमवंत-गोसीस-चंदण-कट्ठेहिं अग्गिहोमं काऊणं दोण्हं पि रक्खा-पोट्टलियाओ बंधंति, दुवे रयण-गोलए गहिऊण 'पव्वयाऊ होसु ।' ति भणंतीओ जिणरस क्कमूलम्मि खोट्ठंति । दो वि तहेव गहिऊण जम्मण-भवणे सेज्जाए निसियाविंति ॥

इओ य-

सक्को सिंहासण-कंप-संपउत्तोहि-मुणिय-जिण-जम्मो ।

गंतूण जिणाभिमुहं सत्तट्ठ-पयाइं हिट्ठमणो ॥१३९२॥

पंचंग-पणामं विरइऊण सक्कत्थयं पढइ तत्तो ।

'सिंहासणम्मि ठाउं आणावइ णेगमेसि-सुरं ॥१३९३॥ जहा-

जंबुद्वीवे भरह-मज्झिम-खंडे अओज्झाए पुरीए मेह-रण्णो मंगलादेवीए पुत्तो पंचमो तित्थयरो समुप्पन्नो । तरस जम्म-महिम-करणत्थं सव्वे देवे सपरिवारे हक्कारेसु । गंतूण तेण सुहम्माए सहाए अप्फालिया सुघोस-घंटा । तीए य समं एगूणबत्तीस-लक्ख-विमाणेसु घंटाओ महुर-गाइणीइ व्व समं पक्खगाइणीओ रणिउं पवत्ताओ । तासिं च पडिसदेहिं सद्दमओ व्व जाओ जीवलोओ । तेण महया सदेण उव्वघुट्ठो सक्काएसो, मिलिया सव्वे सव्विद्वीए सुरा । सक्को वि पालयं नाम

आभिओगिअं आणवेइ । अप्पमाण-मणि-दिप्पमाणं विमाणं निम्मवेहि
 ति । सो वि चक्खुमंतं व गवक्खेहिं, बाहुमंतं व कणय-ज्झाएहिं, दंतुरं व
 रयण-वलभीहिं, रोमंचियं व कंचण-कलसेहिं, लक्ख-जोयण-वित्थारं
 पंच-जोयण-सय-तुंगं तं विउव्विउण सक्करस विन्नवेइ । सक्को वि समं
 अट्ठहिं अग्गमहिंसीहिं चउरासीएहिं सामाणिय-सहरसेहिं, तेसिं च
 चउगुणेहिं अंगरक्खेहिं, तेत्तीसाए तायत्तीसेहिं, तिहिं परिसाहिं, सत्तहिं
 अणियाहिवइहिं, सत्तहिं अणिएहिं, चउहिं लोगपालेहिं परिवुडो तं
 विमाणमारुहइ । अन्नेसिं च देवाणं बहूहिं विमाणेहिं परिवारियं तं
 विमाणमाणंदं नंदी-निनाय-पूरियं बरं सोहम्मकप्परस मज्झेण
 उत्तराभिमुहमुत्तरंतं, असंखे दीव-समुद्रे समुल्लंघिउण पत्तं नंदीसर-दीवं ।
 तत्थ य दाहिण-पुव्वे रइकर-वर-पव्वयम्मि सुरवइणा सत्थं व सुमइणा
 तं संखित्तं इति निम्मवियं पत्तं अउज्झाए, सक्को वि तेण विमाणेण
 दिणमणि व्व मेरुं जिण-जम्म-भवणं पर्याहिणीकरेइ । ईसाण-कोणे
 ठविउण तं गओ भयवओ समीवं, पणमिउण तं थोउं पवत्तो-

कारुण्णामय-पूर-पूरिय-मणो मुत्तूण सव्वुत्तमं,

सग्गं उद्धरिउं जणं भव-महा-कूवार-मज्जंतयं ।

ओइब्बो तुममित्थ जं अवगयं तं अप्प-कज्जुज्जमं,

वज्जिता परकज्ज-सज्ज-हियया जायंति संतो जणा ॥१३१४॥

मब्बे चक्खु-सहरस-मज्झ सहलं जं सव्व-तेयस्सिरी,

संकेयावसहं सहाव-सुहयं रूवं निरुवेमि ते ।

निरसीमं पुण पव्वणीदु-किरणुक्केराभिरामं गुण-

ग्गामं थोउमणो महामि भयवं ! जीहा-सहरसं मुहे ॥१३१५॥

अहं खु सोहम्मवई सुरिदो पुत्तरस ते जम्म-महूसवत्थं समागओ, ता
 तुमए न देवि ! भयं विहेयव्वमिमं भणंतो नमंसए देविमिमीइ देइ
 ओसोअणिं, तीइ समीव-देसे *मिल्हेइ सामि-प्पडिरुवयं च, सो पंचरुवाइं
 सयं करेइ ।

एक्केण मिण्हेइ जिणं करेहिं अन्नेण पिट्टम्मि वहेइ छंतं ।

पासेसु दोहिं चमरे धरेइ परेण वज्जं पुरओ करेइ ॥१३१६॥

ता तूर-संघाय-निनाय-रुद्ध-

नहंगणो वग्गिर-देव-वग्गो ।

नच्यंत देवी वि सुरो सुरिदो

सुमेरु-सिंगम्मि खणेण पत्तो ॥१३९७॥

चूलाइ दाहिण-दिसट्ठियाइ अइपंडु-कंबलसिलाए ।

सिंहासणे निसन्नो उच्छंगे जिणवरं काउं ॥१३९८॥

अह महा-घोसा-घंटा-पडिबोहिहिं अट्ठावीस-विमाण-लक्खवासि-
तियसेहिं परिवुडो सूलपाणी वसह-वाहणी पुप्फगाभिओगिय-कए
पुप्फग-विमाणे आरुढो । ईसाण-कप्परस मज्झेण दक्खिणाभिमुहमुत्तरंतो
नंदीसर-दीवे उत्तर-पुव्वे रइकर-पव्वए संखिविय-विमाणो पत्तो मेरुं ।

एवं सेसा वि तत्थ पत्ता, एवं पुण नाणत्तं सोहम्म-सणकुमार-
बंभलोय-महासुक्क-पाणय-इंदाणं सुघोसा घंटा । नेगमेसी
पायत्ताणीयाहिवई उत्तरिल्ला निज्जाणभूमी दाहिण-पुरत्थिमे रइकर-
पव्वए । ईसाण-माहिंद-लंतग-सहस्सार-अच्युय-इंदाणं महाघोसा घंटा
लहुपरक्कमो पायत्ताणीयाहिवई । दक्खिणील्ले निज्जाण-मग्गे
उत्तरपुरत्थिमे रइकर-पव्वए ।

बत्तीसट्ठावीसा बारस अट्ठ चउरो सयसहरसा ।

पन्ना चत्तालीसा छत्त सहरसा सहरसारे ॥१३९९॥

आणय-पाणय-कप्पे सयाइं चउ आरणऽच्युए तिन्नि ।

एसा विमाण-संखा सोहम्माईसु विन्नेया ॥१४००॥

सामाणिय-संखा इमा-

चउरासीइ असीई बावत्तरि सत्तरी य सट्ठी य ।

पन्ना चत्तालीसा तीसा वीसा दससहरसा ॥१४०१॥

एएसिं चउगुणा आयरक्खा विमाणकारिणो इमे ।

पालय पुप्फय सुमणस सिरिवच्छे चेव नंदियावत्ते ।

कामगमे पीइगमे मणोरमे सव्वओभदे ॥१४०२॥

एवं चमराईया वीसं भवणवई इंदा मेरुम्मि संपत्ता । नाणत्तं पुण
इमं । असुरिंदरस चमररस चमरचंचा रायहाणी, चउसट्ठी सामाणिय-
सहरसा, दुमो पायत्ताणीयाहिवई विमा[णमा]णं पन्नास-जनेयण-सहरसाइं
। एवं असुरिंदरस बलिरस बलिचंचा रायहाणी । सट्ठी सामाणिय-
सहरसा । महादुमो पायत्ताणीयाहिवई पुव्वं व विमाण-माणं । एवं

नामिंदस्स धरणस्स छ सामाणिय-सहरसा, विमाणमाणं पंचवीस-
जोयण-सहरसाइं । एवं असुरिंद-वज्जाणं भवणवासि-इंदाणं नवरं
दाहिणिल्लाणं असुराणं ओघसरा घंटा । उत्तरिल्लाणं महोघसरा । नागाणं
मेघसरा । सुवज्जाणं हंससरा । विज्जूणं कुंचसरा । अग्गीणं मंजुसरा ।
दिसाणं मंजुघोसा । उदहीणं सूसरा । दीवाणं महरस्सरा । वाऊणं
नंदिसरा । थणियाणं नंदिघोसा ।

चउसही सही खलु छच्च छच्च सहरसा उ असुर-वज्जाणं ।

सामाणिया उ ए चउग्गुणा आयरक्खाओ ॥१४०३॥

दाहिणिल्लाणं पायत्ताणीयाहिवई भइसेणो । उत्तरिल्लाणं दक्खो ।
वाणमंतरा जोइसिया वि एवं चेव, नवरं चत्तारि सामाणिय-सहरसा,
विमाणं सहरस्स जोयणाइं । घंटा दाहिणाणं मंजुसरा, उत्तराणं मंजुघोसा ।
चंदाइच्च-पमुहाणं जोइसियाणं सुरस्स-निग्घोसाओ घंटाओ । एवं सब्बे
मेरुम्मे इति । अच्चुइंदो आभिओगिए आणवेइ— जिण-जम्म-
मज्जणोवगरणाइं आणेह । ते वि 'सोवव्वियाणं रुपमयाणं रयणमयाणं
सुवज्ज-रुप्पमयाणं सुवज्ज-रयणमयाणं रुप-रयणमयाणं भोमाणं
कलसाणं भिंगाराणं दप्पणाणं रयणकरंडगाणं थालाणं पाईणं सुप्पइहाणं
पुप्फचंगेरीणं पत्तेयं पत्तेयं अट्ठत्तर-सहरस्सं विउव्वंति । कलसे भिंगारे य
घेतूण खीरसमुदं वच्चंति । तत्थ खीरोयं उप्पलाईणि य गिण्हंति ।
पुदखरोयस्स मागहाईणं तित्थाणं गंगाईणं महानईणं पउमाईणं च दहाणं
उदयं मट्ठियं पउमाईणि गिण्हंति । चुल्लहिमवंत-पमुहाणं कुलपव्वयाणं
नंदणाईणं च वणाणं सब्बोसहि-पुप्फगंध-वर-सिद्धत्थए गिण्हंति^१ मेरु-
मत्थयमुव्वंति । अह अच्चुइंदो दसहिं सामाणिय-सहरस्सेहिं तेत्तीसाए
तायत्तीसेहिं चउहिं लोगपालेहिं तिहिं परिसाहिं सत्तहिं अणिएहिं सत्तहिं
अणियाहिवईहिं चत्तालीसाए आयरक्ख-देव-सहरस्सेहिं परिवुडो परिमल-
मिलंत-मत्तालि-जाल-परिणय-पारियाय-पमुह-सुरदुम-कुसुमंजलिं
मोत्तूण चंदण-चच्चिएहिं मंदारमालुम्भालिएहिं सुरहि-वारि-^१पडिपुत्तेहिं
पुव्ववव्विय-कलसेहिं भिंगारेहिं य तित्थयरं अभिसिंचइ ।

तम्मि अभिसेय-समए ठिया सुरवरा,

के वि भिंगार-गुरुकलस-दप्पण-करा ।

के वि उक्खित्त-लोलंत-सिय-चामरा,
 के वि मणिघंटिया-धूवभायण-धरा ॥१४०४॥
 के वि गायंति गीयाइं किन्नर-सरा,
 के वि वाइंति तूराई साइंबरा ।
 के वि नच्चंत कंपंत सुरगिरि-सिरा,
 के वि कित्तंति जिण-गुण-गणं गुरु-गिरा ॥१४०५॥
 के वि जिण-उवरि धारंति छत्तं वरं,
 के वि वरिसंति मणि-कणय-कुसुमुक्करं ।
 के वि चिद्धंति कुसुमंजली-हत्थया,
 के वि ण्हवणंबु वंदंति नय-मत्थया ॥१४०६॥
 के वि दीसंति तुरय व्व हेसंतया,
 के वि मयमत्त-हत्थि व्व गज्जंतया ।
 के वि सीह व्व नायं वि मुंचंतया,
 के वि विज्जु व्व उप्पईय-निवयंतया ॥१४०७॥
 अह ण्हवण-खीर-नीरच्छडाओ छज्जंति उच्छलतीओ ।
 सीसाओ सामिणो अंकुर व्व नव-सुकय-कंदरस्स ॥१४०८॥
 ण्हवण-जलं वित्थरियं सिरम्मि पहुणो सियायवत्त-सिरि ॥
 भालयले उण चंदण-नलाडिया-विब्भमं वहइ ॥१४०९॥
 मुत्तालंकिय-ताडक-संकमं केसु कुणइ कन्नाणं ।
 कप्पूर-पत्त-वल्ली-तुल्लं रेहइ कवोलेसु ॥१४१०॥
 अहरेसु धरइ पसरंत-दंत-किरणुक्करस्स सोहग्गं ।
 कंठो व कंठदेसे हरेइ हारावलि-विलासं ॥१४११॥
 उव्वहइ बाहु-सिहरे हरियंदण-बहल-वासय-समिद्धिं ।
 बाहु-उअर-पट्ठि-भाएसु सहइ सिय-चोलयच्छायं ॥१४१२॥
 एवं अच्छुय-नाहेण निम्मिए जिणवरस्स अभिसेए ।
 अप्पा पवित्तिओ जं पडिहासइ तं महच्छरियं ॥१४१३॥
 गायाइं गंधकासाईएहि लूहइ जिणस्स सुरनाहो ।
 हरियंदणेण लिंपइ अच्छइ दिव्वेहिं कुसुमेहिं ॥१४१४॥

मोत्तूण कुसुम-पयरं पुरओ उग्गाहिऊण धूयं च ।
 चिट्ठइ कयंजली सो सत्तट्ठ-पयाइ ओसरितं ॥१४१९॥
 इय सेसा वि सुरिदा कुणंति सामिस्स मज्जणाईयं ।
 ईसाणिंदो सक्को व्व विरयए पंच-रूवाइं ॥१४१६॥
 एक्केण जिणं अंके धेत्तुं सीहासणे निसन्नो सो ।
 अवरेण वहइ छत्ते दोहिं पुण चामरे धरइ ॥१४१७॥
 अन्नेण सूलपाणी पुरओ चिट्ठइ तओ कुणइ सक्को ।
 वसहे फलिह-मणिमए चत्तारि चउदिसं पहुणो ॥१४१८॥
 तेसिं सिंगेहिंतो समुच्छलंतीओ सलिल-धाराओ ।
 गयणे मिलितं एगत्थ सामि-सीसम्मि निवडंति ॥१४१९॥
 ईय अइ-विच्छडेणं ण्हविऊण जिणं विलिंपए सक्को ।
 गोसीस-चंदणेणं रयणाभरणेहिं भूसेइ ॥१४२०॥
 दिव्व-कुसुमेहिं अच्चइ तो पहुणो रुप्प-तंदुलेहिं पुरो ।
 आलिहइ मंडले अट्ठ तयणु आरत्तियं कुणइ ॥१४२१॥
 बाल-प्रवालारुण-पाद-पातैः स्थलारविदानि वितन्वतीभिः ।
 सिंजान-मंजीरक-लक्षणेन संगीतमुच्चैरुपचिन्वतीभिः ॥१४२२॥
 हेला-समुत्क्षिप्त-पदापदेशोल्लसन्मनोजद्विष-पुष्कराभिः ।
 काञ्चीकलाप-कणित-छलेन प्रबोधितानङ्ग-महाभटाभिः ॥१४२३॥
 लावण्य-पीयूष-निवास-वापी प्रकाशयंतीभिरगाधनाभीम् ।
 अनङ्ग-मातङ्ग-मदाम्बु-धाराभिराम-रोमावलि-मालिनीभिः ॥१४२४॥
 कंदर्प-साम्राज्य-पदाभिषेक-कुंभानुकारि-स्तनमण्डलाभिः ।
 नानाङ्गहार-भूमि-धूर्णमान-हारावली-राजदुरस्थलाभिः ॥१४२५॥
 सलिल-विक्षिप्त-कराग्र-चंचन्नख-प्रभा-पल्लवितां स्वराभिः ।
 संपूर्ण-चन्द्र-प्रतिमान नाभिः निसर्ग-शोणाधर-पल्लवाभिः ॥१४२६॥
 विवृत्त-मीन-प्रमदा-समान-कटाक्ष-शुभ्रीकृत-दिग्मुखाभिः ॥
 प्रवृत्त-पुष्पायुध-चाप-चारु-भ्रूवल्लरी-ताण्डव-डम्बराभिः ॥१४२७॥
 कपोल-पाली-परिघट्टमान-माणिक्य-रत्नाञ्चित-कुण्डलाभिः ।
 आमृत्त-मुत्तत्रफल-जाल-शोभा-रवेदोदबिन्दु-स्फुरितालिकाभिः ॥१४२८॥

मुखारविन्दानुग-भृङ्गमाला-संपन्न-लोलालक-मालिकाभिः ।
 परिश्रमावेश-विशीर्ण-बंध-धम्मिल्ल^{११}-माल्यार्चित-कुट्टिमाभिः ॥१४२९॥
 आरात्रिकोत्तारणमादधाने शक्रे पुरस्ताज्जिनपुङ्गवरय ।
 प्रमोदिताखण्डल-मण्डलारयं लास्यं वितेने सुरसुन्दरीभिः ॥ १४३०॥
 नमइ जिणिंदं सक्खो ततो ख्वाइं पंच काऊणं ।
 मेरुनयणक्कमेणं जम्मण-भवणम्मि आणेइ ॥१४३१॥
 पडिरूवं संहरिउं हरिउं ओसोयणिं च जणणीए ।
 पासम्मि मेल्लइ^{१२} जिणं, तरस सीसम्मि वत्थ-जुयं ॥१४३२॥
 मणिकुंडल-जुयलं तह ठवइ वियाणे पलंबमाणं व ।
 सिरिदामगंडमेगं नाणाविह-रयण-दिप्पंतं ॥१४३३॥
 दिट्ठि-विणोय-निमित्तं पहुणो अह सुरवई भणइ धणयं ।
 मणि-कणय-हिरन्नाणं, कोडीओ ठवसु बत्तीसं ॥१४३४॥
 तह नंदासण-भद्दासणाइं जम्मणहरम्मि बत्तीसं ।
 अन्नं पि जं' मणोण्णं वत्थाई ठवसु तं सव्वं ॥१४३५॥
 सी तं जंभग-देवेहिं कारवित्ता कहेइ सक्खरस ।
 सक्खो वि आभिओगिय-देवे एवं समाइसइ ॥१४३६॥
 उग्घोसह एयं-देवा देवीओ सुणह सव्वेवि ।
 तित्थयरस भयवओ तित्थंकर-माउयाए वा ॥१४३७॥
 असुहं मणं करिरसइ जो अज्जग-मंजरि व्व तरस सिरं ।
 फुट्टिहइ सत्तहा' ते वि तं पयत्तेण घोसंति ॥१४३८॥
 न पियइ थणं जिणिंदो छुहिओ तिसिओ अ निययमंगुट्ठं ।
 पक्खिवइ मुहे तम्मि य सक्खो संकामए अमयं ॥१४३९॥
 जिण-मंदिराओ सक्खो सेसा उण मंदराओ देविदा ।
 नंदीसरम्मि पत्ता कुणंति सासय-पडिम-पूयं ॥१४४०॥
 सक्खो पुव्वे अंजणगिरिम्मि अह उत्तरम्मि ईसाणो ।
 चमरो य दाहिणिल्ले बली पुणो पच्छिमिल्लम्मि ॥१४४१॥
 तेसिं च लोगपाला चउरो चउरो कुणंति जिण-महिमं ।
 अंजणगिरीण चउदिस-ठिएसु सोलस-दहिमुहेसु ॥१४४२॥

वेमाणिय-जोइस-भवणवासि-वंतरवई सपरिवारा ।
 इय जिण-महिमं काउं सव्वे वच्चंति स-ट्ठाणं ॥१४४३॥
 जाए पहाय-समए मेह-नरिदेण नियय-नयरीए ।
 नच्चंत-नारि-नियरं वद्धावणयं कयं रम्मं ॥१४४४॥
 जं गळ्ळ-गए नाहे जणणीए सोहणा मई जाया ।
 तेण सुमइ ति नामं पइट्ठियं सामिणो पिउणा ॥१४४५॥
 वारं वारं बालं पेच्छंतो मेह नरवइ नाहं ।
 मन्नइ अमय-महद्ध-निमज्जमाणं व अप्पाणं ॥१४४६॥
 राया कयाइ कंठे कयाइ हियाए कयाइ उच्छंगे ।
 सीसे कयाइ धारइ महग्घ-माणिक्कमिव सामिं ॥१४४७॥
 पहुणो सुरंगणाओ धाविउं कंति-सलिल-वावीओ ।
 सक्क-गिराए पासं देहच्छाय व्व न मुयंति ॥१४४८॥
 अंकाओ उत्तरिऊण धाविओ पिंडधाविरीं धावि(?) ।
 खेएइ निब्भओ सो सीहिं केसरि-किसोरु व्व ॥१४४९॥
 कीलाए धावमाणस्स सामिणो अग्गओ सुर-कुमारा ।
 धावंति वलिय-गीवा करि-कलहरसेव पडिकारा ॥१४५०॥
 लीलाए पाडिएसुं तेसु भणंतिसु रक्ख रक्ख ति ।
 नर-कुंजरो सकरुणो सिसू वि सदया सया वि जिणा ॥१४५१॥
 दप्पण-गय-पडिबिंबं रय-मल-पासेय-रोय-रहियं पि ।
 सुरहित्तणमवहंतं कहं पहु-देहरस्स होइ समं ॥१४५२॥
 पहुणो नीरायमणस्स परिचयं पाविउं व संजायं ।
 गो-खीर-हार-धवलं रुहिरं मंसं च देहत्थं ॥१४५३॥
 आहारो नीहारो य मंस-चक्खूण जं अपचक्खो ।
 कित्तेमि कित्तिं तं पहुणो लोउत्तरं चरियं ॥१४५४॥
 पहुणो नीसास-समीरणेण सुरहीकयम्मि गयणयले ।
 तियस-तरु-कुसुम-परिमल-भंतीए भमंति भमर-गणा ॥१४५५॥
 सामी सिसुत्तणं लंघिऊण सूरु पहाय-समयं व ।
 विप्फुरिय-फार-तेयं कमेण तरुणत्तणं पत्तो ॥१४५६॥

ति-धणुस्सय-तुंग-तणू पीणक्खंधो पलंब-भुयसाहो ।
 सोहइ भुवण-वणम्मि जंगमो कप्परुक्खो व्व ॥१४५७॥
 हिययाओ निच्छूढो तत्थ पवेसं पुणो वि पत्थंतो ।
 रागो सेवं कुणइ व्व सामिणो चलण-तल-लग्गो ॥१४५८॥
 दस-दिस-पसरिय-मोहंधयार-हरणुज्जयरस जय-पहुणो ।
 उम्मुह-पहा पय-नहा दिप्पंति दसप्पईव व्व ॥१४५९॥
 दसविह-जइधम्म-सिरीण विब्भमायंस-विब्भमा पहुणो ।
 अरुणंगुलि-विट्ठम-हत्थएसु रेहंति चलण-नहा ॥१४६०॥
 अइ-दुद्धरमुद्धरियं जइ-सावय-धम्म-धर-दुगं पहुणो ।
 अवइक्का करुणाए कुम्म व्व समुणया चलणा ॥१४६१॥
 सामिस्स उररुद्धंदा रसणा-मणि-किरण-तोरण-सणाहा ।
 सिद्धि-नयरी-दुवारे रंभा-खंभ व्व रेहंति ॥१४६२॥
 रेहइ पहुणो नाही कारुन्न-सुहारसरस वावि व्व ।
 दुट्ठह-कम्मगिरि-चूरणम्मि वज्जं व तणु-मज्झं ॥१४६३॥
 कंचणसिला-सरिच्छे छज्जइ वच्छत्थलम्मि सिरिवच्छो ।
 पहुणो केवललच्छी-निहिणो मुदा-निवेशो व्व ॥१४६४॥
 तरस य रक्खा-भुयग व्व पाणि-फण-दिप्पमाण-नह-मणिणो ।
 दुग्गइ-दुग-पुर-परिहा सरला रेहंति भूय-दंडा ॥१४६५॥
 पहुणो नाणोअहिणो कंठो कंबो व्व गहिर-निग्घोसो ।
 विट्ठम-मणि व्व अहरो सहइ मुहं चंद-बिंबं व ॥१४६६॥
 भमुहाओ तरसेव य सहंति सेवाल-वत्तलीओ व्व ।
 नयणाइ पंकयाइ व नासा-नालग्ग-लग्गाइ ॥१४६७॥
 पहुणो सवणा सिरी-सरसईण हिंदोलय व्व सोहंति ।
 वयण-कमलावलंबिर-रोलंब-विडंबिणो विहुरा ॥१४६८॥
 पहुणो तणु-कंति-तरंगिणीइ विलसंतया मयच्छीण ।
 छज्जंति मच्छ-रिछोलि-सच्छहा अच्छि-विच्छोहा ॥१४६९॥
 पिउणो उवरोहेणं परिणेइ पहू नरिद-कन्नाओ ।
 जेण जणयाण आणा अलंघणिज्जा जिणाणं पि ॥१४७०॥

भोग-फलं निय-कम्मं खविउं सामी रमेइ ताहि समं ।
 मूलाओ वि तिथयरा कम्म-च्छेउज्जया जम्हा ॥१४७१॥
 दससु गरसुं जम्माओ पुव्व-लवखेसु मेह-राएण ।
 अब्भत्थिउण गाढं रज्जम्मि निवेसिओ सामी ॥१४७२॥
 गुरु-पय-मूले गहिउं मेह-नरिंदो सयं समण-दिवखं ।
 कय-तिव्व-तवच्चरणो निय-कज्ज-पसाहओ जाओ ॥१४७३॥
 रज्जे ठियस्स पहुणो जं पणया पत्थिवा न तं चोज्जं ।
 जं तस्स किंकरा बालभावओ वासवा सव्वे ॥१४७४॥
 भमुहा वि न कस्सइ उवरि कोववसओ चडाविया पहुणो ।
 चाव-चडावण-वत्ता वि केरिसी तस्स रज्जम्मि ॥१४७५॥
 पहुणो रज्जे मोहं किरणं चिय वसणमंबरं चेव ।
 सोयं सुइत्तणं चिय लोहं धाउं चिय भणंति ॥१४७६॥
 मुणिणो चेव समरया च्छित्ताइं चिय अणीइजुत्ताइं ।
 सिद्धंतो चिय समओ पहुम्मि रज्जं कुणंतम्मि ॥१४७७॥
 परचक्ख-भय-विमुक्का विगयायंका अदिट्ठ-दुब्भिवखा ॥
 संपत्त-सयल-सुक्खा पहु-रज्जे सुत्थिया लोया ॥१४७८॥
 किंतु पहुणो पयावेण साहिए सयल-महियले भिच्चा ।
 अणपाविय-सामि-पसाय-निक्कया बहु किलम्मंति ॥१४७९॥
 एगूणतीस लवखा पुव्वाण तहा दुवालसंगाइं ।
 अइवाहियाइं पहुणा सुहेण रज्जं कुणंतेण ॥१४८०॥
 गब्भाओ चिय नाणत्तएण जुत्तो जिणो सयं बुद्धो ।
 संसार-सखवमिणं मणम्मि परिभावे एवं ॥१४८१॥
 संसारे विसय-सुहं विसमीहिय-भोयणं व मुह-महुरं ।
 परिणाम-दारुणं बुज्झिउण उज्झाइ न को मइमं ? ॥१४८२॥
 चुलसीइ जोणि-लवखेसु संसरंताण एत्थ जीवाणं ।
 मणुयत्तं दुलहं उस्सरम्मि सुस्साउ-सलिलं व ॥१४८३॥
 लद्धूण वि मणुयत्तं मूढेहिं विसय-सेवणपरेहिं ।
 अमयं व निग्गमिज्जइ चलण-प्पवखालणेण मुहा ॥१४८४॥

इय चिंततो सामी आगंतुं मागहेहि व सुरेहिं ।
लीयंतिएहिं वुत्तो 'भयवं ! तित्थं पवत्तेहि' ॥१४८९॥

भणियं च-

साररसयमाइच्चा वण्ही-वरुणा य गदतोया य ।
तुसिया अव्वावाहा अग्निच्चा चेव रिद्धा य ॥१४८९॥
ए देव-निकाया भयवं बोहंति जिणवरिदं तु ।
सव्व-जगज्जीव-हियं भयवं ! तित्थं पवत्तेहि ॥१४८९॥

तओ संवच्छरियं दाणं दाउं पयट्ठो भयवं । अह सक्काणत्त-धणय-
जक्ख-चोइया तिरिय-जंभगा देवा नट्ठाणि वा भट्ठाणि वा पहीण-
सामियाणि वा पणह-सेउयाणि वा गिरि-कंदर-गयाणि मसाणट्ठाण-
निहियाणि घरंतर-गोवियाणि हिरन्न-सुवन्न-रयण-निहाणाणि सव्वओ
समाहरिउण अओज्झाए नयरीए सिंघाडण-तिग-चउक्क-चच्चर-चउमुह-
महापह-पहेसु नगर-निग्गम-प्पवेसट्ठाणेसु पुंजीकरंति । अन्नत्थ पुण
महाणसिया जहिच्छियाहारसारे सत्तागारे पयट्ठावंति । किं बहुणा ? जो जं
मग्गए तरस्स तं दिज्जए ।

भणियं च-

संवच्छरेण होही अभिनिक्खमणं च जिणवरिदाणं ।
तो अत्थ-संपयाणं पवत्तए पुव्व-सूरम्मि ॥१४८८॥
एगा हिरन्न-कोडी अट्ठेव अणूणगा सयसहस्सा ।
सूरोदयमाईयं दिज्जइ जा पायरासं तु ॥१४८९॥
संघाडण-तिग-चच्चर-चउक्क-चउमुह-महापह-पहेसु ।
दारेसु पुरवराणं 'रत्थामुह-मज्झयारेसु ॥१४९०॥
वरवरिया घोसिज्जइ-किमिच्छियं दिज्जए बहुविहीयं ।
सुर-असुर-देव-दाणव-नरिद-महियाण निक्खमणे ॥१४९१॥
तिन्नेव य कोडिसया अट्ठासीइं च हुंति कोडीओ ।
असिइं च सयसहस्सा एवं संवच्छरे दिन्नं ॥१४९२॥

कालाणुभावओ तित्थयराणुभावओ य किमिच्छिय-पयाणे वि न
समहिय-गाहगा ।

एवं संवच्छरमछिन्नं सुवन्न-वारि-धाराहिं कयत्थीकाऊण दुग्गइ-
 बप्पीहए हयासेस-दुत्थो रज्जे निवेसए सच्चवीरिय-कुमारं । अह
 चउसट्ठि-सुरिदा चलियासणा सपरिवारा समागया तत्थ विमाणाखडा
 पयाहिणीकाऊण १५भयवओ भवणं ओइन्ना विमाणेहिंतो पुणो
 पयाहिणीकाऊण भयवंतं पणमंति । जम्म-महूसवे व्व सव्वे सुरिदा
 नरिदा अभिसिंचंति गंधोदएहि, निमज्जंति गंधकासाईएहि, विलिंपंति
 गोसीस-चंदणेणं, परिहावित्ति देवदूसेहिं, अलंकरंति किरीडाइ-
 रयणालंकारेहि, विभूसंति संताणय-प्पमुह-कुसुममालाहिं । तओ कया
 अभयंकरा नाम पत्थिवेहिं कणय-रयणमई सिबिया, सुरिदेहिं पि
 विउव्विया बीया सिबिया । सा वि पत्थिव-सिबियंतरे कालागरु व्व
 चंदणे अणुपविट्ठा । अच्युइंदेण दिन्नहत्थो सक्कीसाणाहिं धुव्वंत-चामरो
 चमरिदेण धरिय-धवलायवत्तो बलिंदेण पयडिय-पडिहारकम्मो सेसिंदेहिं
 कय-जय-जय-सट्ठो आरूढो सिबियं, निसिन्नो सिंहासणे ।

पुव्विं उक्खित्ता माणुसेहिं सा हट्ठ-रोमकूवेहिं ।

पच्छा वहंति सीयं असुरिद-सुरिद-नागिंदा ॥१४९३॥

तओ पहएसु मंगलतूरेसु, नच्च्यंतीसु ससरंभं रंभा-तिलुत्तमा-पमुहासु
 अच्छरासु, गायंतेसु गंधव्वेसु, पदंतेसु बंदिर्विदेसु, आसंसंतीसु मंगलाई
 गोत्त-वुट्ठविलयासु धवल-मुहलासु कुलमहिलासु चउदिसं वग्गंतसेसु
 तियसवग्गेसु पलोइज्जमाणो विप्फारिय-नयणेहिं नायर-गणेहिं
 पडिच्छंती पए पए तक्कय-मंगलाई आणंदंतो अमय-वुट्ठीए व्व दिट्ठीए
 भुवणं पत्तो सहरसंबवणं । उइन्ना सिबियाओ, १६मिल्लिऊण
 मल्लालंकाराई सुरिद-निहितं देवदूसं खंध-देसे धरंतो वइसाह-सुद्ध-
 नवमीए पुव्वणहे निच्च-भत्तेणं महारिक्ख-जोगमुवगए चंदे नरिदाणं
 सहरसेण समं सुमइसामी पंचमुट्ठियं लोयं करेइ । सक्को केसे निय-वासंते
 पडिच्छिऊण तक्खणा खिवइ खीरोए । सुरासुरनराणं मुट्ठिसन्नाए कलयलं
 इंदेण णिसिद्धं । भयवं पि सिद्धाण नमोक्कारं काऊण 'सव्वं मे पावं
 अकरणिज्जं' ति पइन्नं पडिवज्जइ, तक्कालमेव केवलनाणोवलंभ-
 सच्चंकारो व्व समुप्पन्नं सामिणो मणपज्जव-नाणं । तं च केरिसं ?

मणपज्जव-नाणं पुण जण-मण-परिचितियत्थ-पागडणं ।

माणुसखेत्त-निबद्धं गुणपच्चइयं चरित्तवओ ॥१४९४॥

पहु-दिक्ख-गहण-समए उज्जाओ तिहुयणम्मि संजाओ ।
 सोज्खं च निच्च-दुहियाण नारयाणं पि संपन्नं ॥१४९५॥
 नमिउं जिणं नरिंदा गया स-नयरं सुरेसरा गंतुं ।
 नंदीसरम्मि काउं जिणिंद-महिमं गया सग्गं ॥१४९६॥
 अह बीय-दिणे भयवं विजयपुरे पउम-निवइणो भवणे ।
 पारइ परमज्जेणं तो पंच हवन्ति दिव्वाइं ॥१४९७॥
 गयणाओ वसुहारं मुयन्ति गंधोदयं कुसुमवुट्ठिं ।
 वायन्ति दुंदुहीओ चेलुक्खेवं कुणन्ति सुरा ॥१४९८॥
 घोसन्ति 'अहो दाणं सुदाणमेयं' ति ते नहयलम्मि ।
 'पहु-पाय-पयट्ठाणे करेइ पउमो 'रयणपीढं ॥१४९९॥
 पूएइ तं तिसंझं पहु-पय-पउमं पवर-भत्तीए ।
 भयवं पि अपडिबद्धो विहरइ पवणो व्व भुवणम्मि ॥१५००॥
 विविहाभिग्गह-निरओ विसोढ-विविहोवसग्ग-संसग्गो ।
 विविह-तवच्चरणपरो विविहासण-करण-कयचित्तो ॥१५०१॥
 जिय-राग-दोस-पसरो जिइंदिओ जिय-परीसह-समूहो ।
 जिय-कोह-माण-माया-लोहो जिय-मोह-भय-निंदो ॥१५०२॥
 सम-सत्तु-मित्त-वग्गो सम-तण-मणि-लेट्ठ-कंचणो निच्चं ।
 सम-सुह-दुक्खो समस्सव-गणिय-गरिहा-गुणपसंसो ॥१५०३॥
 धम्मो व्व मुत्तिमंतो जंगम-भावं गओ व्व संतोसो ।
 पसम-रस व्व सरीरी पच्चक्खो पुन्न-रासि व्व ॥१५०४॥
 अपमाओ छउमत्थो वीसं वरिसाणि विहरिउं भयवं ।
 एइ सहस्संबवणे दिक्खा-पडिवत्ति-ठाणम्मि ॥१५०५॥
 झाणहियस्स पहुणो पियंगु-मूले अउव्वकरणेण ।
 खवगसेणिय-पवन्नस्स घाइ-कम्माइं तुट्ठाइं ॥१५०६॥
 चित्तस्स सुद्ध-एगारसीए महरिक्खमुवगए चंदे ।
 पहुणो कय-छट्ठतवस्स केवलणाणमुप्पन्नं ॥१५०७॥
 तक्कालं चिय अइ-तिक्ख-दुक्ख-विहुराण नारयाणं पि ।
 जायं सुक्खं तह तिहुयणे विप्फुरिओ समुज्जोओ ॥१५०८॥

चलियासणा सुरिदा समागया नाण-महिम-करणत्थं ।
 वाउकुमारा सोहंति भूमिमाजोयणं तत्तो ॥१५०९॥
 मेहुकुमारा गंधोदण सिंचंति सव्वओ वसुहं ।
 सा सुरहि-बाह-धूमेण सहइ उक्खित्त-धूव व्व ॥१५१०॥
 बंधंति वंतरसुरा कंचण-मणिमय-सिलाहिं महिवीढं ।
 अप्पाणं पुण घण-कम्मबंधणाओ विमोयंति ॥१५११॥
 तत्थ अहोमुह-बिंटाइं महियलाओ व्व उग्गमंताइं ।
 उउदेवीओ वरसंति पंचवन्नाइं कुसुमाइं ॥१५१२॥
 चउसु वि दिसासु ते तोरणाइं तक्कंठ-भूसणाइं व ।
 विरयंति रयण-माणिक-किरण^{१८}-कय-सक्कचावाइं ॥१५१३॥
 तेसु परोप्पर-पडिबिबियाओ मणि-सालभंजियाओ दढं ।
 सोहंति सुरवहुओ सहीहिं आलिंगियाओ व्व ॥१५१४॥
 रेहंति तेसु मयरा मरगय-घडिया पलायमाणेण ।
 भयवसओ मुक्का मयरकेउणा केउमयर व्व ॥१५१५॥
 धवलाइं तेसु पहु-नाणलंभ-पाउब्भवंत-हरिसाण ।
 हास व्व सव्व-दिससुंदरीण छज्जंति छत्ताइं ॥१५१६॥
 तेसु विरायंति धया समोसरण-मउड-लाभ-तुट्ठाए ।
 उत्तंभिया भुयाओ व नच्चिउकामाइ धरणीए ॥१५१७॥
 रूपमयं पायारं बाहिं विरयंति जोयण-पमाणं ।
 कंचणमय-कविसीसय-विरायमाणं भवणवइणो ॥१५१८॥
 जोइसिया कणयमय-पायारं मज्झिमं विउव्वंति ।
 मणि-निम्मिय-कविसीसय-दुगुणीकय-तारयाचक्कं ॥१५१९॥
 मणिमयमब्भित्तरयं कुणंति माणिक-घडिय-कविसीसं ।
 लच्छीए विब्भम-कुंडलं व वेमाणिया वप्पं ॥१५२०॥
 वप्पे वप्पे दिप्पंति कणय-मणि-गोउराइं चत्तारि ।
 चउरुव-धम्मनिव-पुंगवरस लीला-गवक्ख व्व ॥१५२१॥
 कंचणमय-घडियाओ पइदारं वंतरेहिं मुक्काओ ।
 कप्पूरागरु-धूमेहिं मेह-संकं कुणंतीओ ॥१५२२॥

तह तेहिं कयाओ कणय-पंकयालंकियाओ वावीओ ।
 चउसु वि दिसासु दारेसु रयण-सोवाण-पंतीओ ॥१५२३॥
 ते चेव कणयसालंतरम्मि पुव्वुत्तरम्मि दिसभाए ।
 देवच्छंदं विरयंति सामि-विस्साम-करणत्थं ॥१५२४॥
 मणिवप्पे कप्पसुरा पुव्वदुवारं दुवे कणय-वन्ना ।
 रक्खंति वंतरा पुण चंदाभा दाहिण-दुवारं ॥१५२५॥
 रत्तुप्पल-समवन्ना जोइसिया दुन्नि पच्छिम-दुवारं ।
 उत्तर-दुवारमंजण-समप्पभा भवणवासि-सुरा ॥१५२६॥
 कंचणवप्प-दुवारे चउसु पुव्वाइ चउदिस-कमेण ।
 पडिहारीओ सिय-रत्त-पीय-नीलंगकंतीओ ॥१५२७॥
 देवीओ जया-विजया-अजिया-अपराजियाओ चिहंति ।
 सव्वाओ अ(उ)भयपासं कुसुमुग्गर-वावडकराओ ॥१५२८॥
 रक्खेइ रुप्पवप्पम्मि तुंबरु नाम सव्व-दाराइ ।
 नरसिरमाली खट्ठंग-संगओ जड-मउडधारी ॥१५२९॥
 सोलस-धणुसय-समहिय-कोस-पमाणो समोसरण-मज्झे ।
 कंकेल्लि-तरु-पल्लव-निरंतरो वंतरेहिं कओ ॥१५३०॥
 तरस्स तले रयणमयं पीढं ते निम्मवंति वित्थिन्नं ।
 तरस्सोवरि मणि-घडियं तहच्छंदयमप्पडिछंदं ॥१५३१॥
 तं मज्झे पुव्व-दिसाइ रयण-सीहासणं विउव्वंति ।
 ते च्चिय सपायवीढं उवगूढं तिजय-लच्छीए ॥१५३२॥
 तरस्सोवरि च पहुणो तिहुयण-सामित्त-सूयगं विहियं ।
 उवरुवरिद्धिय-ससि-तिग-सरिसं छत्तत्तयं तेहिं ॥१५३३॥
 जिण-रविणो तिहुयण-तम-कवलणकामस्स केवलरहरस्स ।
 चक्कं व कयं चक्कं तेहिं पुरो कणय-कमलगयं ॥१५३४॥
 जक्खेहिं उभय-पासेसु चामरा चंदचारुणो धरिया ।
 अन्नं पि हु जं किच्चं कुणंति तं वंतरा सव्वं ॥१५३५॥
 इय देवेहिं विहिए सालत्तय-सुंदरे समोसरणे ।
 भावारि-वार-विहुरिय-जगत्तय-त्ताण-दुग्गे व्व ॥१५३६॥

तो नवसु सुरकएसु कंचण-कमलेसु कंति-विजिएसु ।
 सेवं कुणमाणेसु व सत्तसु पुरओ पयट्टेसु ॥१५३७॥
 दोसु पुण चलण-जुयलं कमेण भयवं ठवंतओ तत्थ ।
 सुर-कोडीहिं परिवुडो पुव्वदारेण पविसेइ ॥१५३८॥
 चेइयदुमरस काउं पयाहिणं पणमिउण तह तित्थं ।
 सिंहासणे निसियइ पुव्वाभिमुहो सुमइनाहो ॥१५३९॥
 सेस-दिसासु वि पडिखवयाइं विहियाइं वंतर-सुरेहिं ।
 ताणं पि जिण-पभावेण होइ खवं तयणुखवं ॥१५४०॥

अन्नहा-

सव्वे सुरा जइ खवं अंगुह-पमाणयं विउविज्जा ।
 जिण-पायंगुहं पइ न सोहए तं जहिं गालो ॥१५४१॥
 सामिरस सीस-पच्छिमभाए भामंडलं समुब्भूयं ।
 दिणमणि-बिंबं चुंबइ खज्जोय-सिरि पुरो जरस ॥१५४२॥
 सदेणं भुवण-वियंभिण निरसंग-चक्खवट्ठित्तं ।
 पहुणो पयासंतो व्व वज्जिओ दुंदुही गयणे ॥१५४३॥
 सहइ भवजलहि-तारय-जिण-निज्जामय-जुए पडाय-सिडो ।
 इह समवसरण-पोए कूयक्खंमो व्व रयणधओ ॥१५४४॥
 अह तम्मि पविसिउणं निय-निय-दारेण निय-निय-ट्ठाणे ।
 परिसाओ दुवालस रयणसाल-मज्झम्मि चिट्ठंति ॥१५४५॥
 ११मुणि-वेमाणिय-थी-संजइओ पुव्वेण पविसिउं पहुणो ।
 काउं पयाहिणं पुव्व-दक्खिणे ठंति दिसि-भाए ॥१५४६॥
 जोइसिय-भवण-वंतर-देवीओ दक्खिणेण पविसित्ता ।
 चिट्ठंति दक्खिणावर-दिसाइ तिपयाहिणा-पुव्वं ॥१५४७॥
 अवरेण भवणवासी-वंतर-जोइस-सुरा पविसिउण ।
 अवरुत्तर-दिसिभाए सामी(सामि) नमिउण चिट्ठंति ॥१५४८॥
 कप्पसुरा नर-नारीओ पविसिउं उत्तरेण दारेण ।
 तिपयाहिणीउण जिणं चिट्ठंतीसाण-दिसिभाए ॥१५४९॥

इतं महिद्वियं पणिवयंति पुव्वागया सुरा तत्थ ।
 पुव्वागयं तयं पुण पणमंता चेव वच्चंति ॥१५५०॥
 मुक्क-परोप्पर-वेरा तिरिया मज्झाम्मि ठंति बीयरस ।
 सालरस तईअरस उ मणुयामर-वाहण-समूहा ॥१५५१॥
 अह सोहम्म-सुरिदो भयवंतं पणमिऊण भत्तीए ।
 पुलयालंकिय-काओ कयंजली थोउमाढत्तो ॥१५५२॥
 जय सिवपुर-पह-संदण नंदण नीसेस-गुण-सुरतरुण ! ।
 मेह-नरनाह-नंदण ! जय नयणानंदण ! नमो ते ॥१५५३॥
 पणमामि सामि ! तुह पाय-पंकयं जम्मि मत्थय-निहिते ।
 सिद्धि तरुणी सयणहं कडक्खलक्खी कुणइ पणयं ॥१५५४॥
 भुवणेक्कवीर ! तुमए सरीर-दुग्गाओ भावरिउ-वग्गो ।
 चिरमन्नपाण-रोहं काउं निव्वासिओ सव्वो ॥१५५५॥
 अन्नोन्न-गाम-धणहरण-जणिय-संगाम-बद्धवेरा वि ।
 चिट्ठंति तुह सहाए भूवइणो निद्ध-बंधु व्व ॥१५५६॥
 आयट्ठिऊण केसरि-करं करी निय-करेण निरसंकं ।
 कंडुयइ कवोल-तलं तुह परिसाए इमो नाह ! ॥१५५७॥
 एगत्थ इमो महिसो महिसं व सहोअरं सिणेहेण ।
 लिहइ हयं हेसंतं पुणो पुणो नियय-जीहाए ॥१५५८॥
 उट्टमुहो उन्नमिय-कण्णो लीला-विलोल-नंगूलो ।
 हरिण-जुवा इत्थ घणं घाणेणऽग्घाइ वग्घ-मुहं ॥१५५९॥
 मूसयमेसो पासेसु अग्गओ पच्छओ अ ललमाणं ।
 निय-बालयं व चुंबइ बहुं बिडालो इह सिणिद्धो ॥१५६०॥
 फण-फलयरुहंतेण संचरंतेण चउसु वि दिसासु ।
 नउलेण समं खिल्लइ सप्पो सप्पहरिसो एसो ॥१५६१॥
 अन्ने वि जए जे निच्चवेरिणो ते वि वेर-परिचत्ता ।
 चिट्ठंति एत्थ तुमए कय-उवसम-संविभागो व्व ॥१५६२॥
 इय थोऊण जिणिंदं इंदाणं अच्चुइंद-पमुहाणं ।
 मज्झाम्मि निविट्ठो भालवट्ठ-विहियंजली सक्को ॥१५६३॥

खेत्ते जोयणमित्ते वि तम्मि सत्ताण कोडिकोडीओ ।
 चिट्ठन्ति निराबाहं तित्थयरस्साणुभावेण ॥१५६४॥
 तो सामी जोयणगामिणीइ पणतीस-अइसय-जुयाए ।
 सव्व-स-भासाणुगयाइ कहइ भासाइ धम्म-कहं ॥१५६५॥
 जम्म-जर-रोग-पियविप्पओग-मरणाइ-दुवख-सलिलोहे ।
 भव-सायरम्मि दुलहो जिणधम्मो जाणवत्तं व ॥१५६६॥

जओ-

जीवा अणाइनिहणा अणाइओ ताण कम्म-संबंधो ।
 मिच्छन्ताऽविरइ-कसाय-जोग-हेउहिं हुंतो वि ॥१५६७॥
 निच्चं अकामनिज्जर-बालतवाईहिं विहडमाणो वि ।
 न हु नासिकयाइ इमो पवाहओ नइ-पवाहो व्व ॥१५६८॥
 पुव्वं अणंत-पोगल-परियट्टे तेण कम्मणा विवसा ।
 निवसन्ति सव्व-जीवा सुहुम-वणस्सइ-निगोएसु ॥१५६९॥
 तत्थ असंख-निगोयरस्स खव-नीसंख-गोलय-गयम्मि ।
 एग-निगोय-सररि संपिडिज्जन्ति तेऽणन्ता ॥१५७०॥
 धीणद्धि-महानिदा-नाणावरणाइ-कम्म-परतंता ।
 पीयमइर व्व विस-घुम्मिअ व्व ते किंपि न मुणन्ति ॥१५७१॥
 भवियव्वयावसेणं विहडिय-घण-कम्म-बंधणा के वि ।
 तेहिंतो निवखन्ता वसन्ति बायर-निगोएसु ॥१५७२॥
 ते यऽल्लय-सूरण-गज्जराइ-खवेण परिणया संता ।
 छेयण-भेयण-चुन्नण-दहणप्पमुहं सहन्ति दुहं ॥१५७३॥
 तत्थुरस्सप्पिणि-अवसप्पिणीओ वसिउण ते अणन्ताओ ।
 तेहिंतो नीहरिया गमन्ति ताओ असंखाओ ॥१५७४॥
 पुढवाईएसु तत्थ वि विविहाओ वेयणाओ सहिउं ते ।
 उप्पज्जन्ति कहं पि हु पत्तेय-वणस्सइत्तेण ॥१५७५॥
 तो पयणगयाईहिं भज्जन्ति दवानलेहिं दज्जन्ति ।
 खज्जन्ति बहु-जणेहिं परसु-प्पमुहेहिं छिज्जन्ति ॥१५७६॥

इय अणुहविउं दुक्खं लहंति विगलिंदियत्तणं कह वि ।
 तेसु वि सीयायव-मइणाइं दुक्खाइं पावन्ति ॥१५७७॥
 पंचिंदिएसु तत्तो असन्निणो सन्निणो य जायन्ति ।
 तो अणुहंवति पीडं जल-थल-नह-चारिणो होउं ॥१५७८॥
 भक्खंति ते जलयरा परोप्परं धीवरेहिं छेप्पन्ति ।
 किज्जन्ति भडित्तं हुयवहम्मि सत्थेहिं छिज्जन्ति ॥१५७९॥
 गालिज्जन्ति व सत्थेहिं तह तलिज्जन्ति तत्त-तावीसु ।
 पच्चन्ति थालियासुं वंग-पमुहेहिं गलिज्जन्ति ॥१५८०॥
 थलचारिणो अ सस-सूयराइणो लुद्धएहिं हम्मन्ति ।
 विविहेहिं उवाएहिं तडप्फडंता निरवराहा ॥१५८१॥
 अइभारारोवण-वाह-दाह-सीउण्ह-छुह-तिसाइहिं ।
 आराकसंकुसेहिं य सहन्ति गुरु-वेयणं एए ॥१५८२॥
 खयरा वि कमदय-चडय-पभिइणो दुव्वलावलित्तेहिं ।
 खज्जन्ति खगेहिं गिद्ध-सेण-सिंचाण-पमुहेहिं ॥१५८३॥
 तित्तिरि-मोरप्पमुहा विविहोवाएहिं संगहेउण ।
 बहुविह-विडंबणाईहिं निक्करुणेहिं हणिज्जन्ति ॥१५८४॥
 ते वि हु मीण-भुयंगम-चित्तय-सीहत्तणाइं लहिउण ।
 कूरमणा मंसाइं भक्खंति हणन्ति जंतु-गणं ॥१५८५॥
 रुद्धज्झाणेण मया नरएसु गया सहन्ति पढमेसु ।
 तिसु उण्हं तिसु सीयं परेसु तुरियम्मि सीउण्हं ॥१५८६॥

किञ्च-

तिसु आइमेसु परमाहम्मिय-सुरेहिं विणिम्मियं दुक्खं ।
 अवरेसु तिसु परोप्पर-कय-विविह-कयत्थणा-जणियं ॥१५८७॥
 नरयम्मि सत्तमे पुण समंतओ वज्ज-कंटगाइन्ने ।
 सव्वंग-भेय-पाउळभवन्त-गुरु-वेयणारुव ॥१५८८॥
 एवं खेत-समुब्भवमन्नोन्न-समुत्थमसुर-जणियं च ।
 तिविहं दुहं सहंता नरए चिहंति चिर-कालं ॥१५८९॥

तत्थुप्पन्ना घडियालयाओ संकडमुहाओ असुरेहिं ।
 कट्टिज्जंति रडंता सीस-सलाय व्व जंताओ ॥१५९०॥
 कर-चलणाइसु घेतुं सिलायले वज्ज-कंटयाइन्ने ।
 अप्फालिज्जंति दढं इमेहिं वेत्थं वरयगेहिं(?) ॥१५९१॥
 दढमुच्छुणो व्व कत्थइ निप्पीलिज्जंति लोहजंतेहिं ।
 कत्थइ करवत्तेहिं दारुं व दुहा विहिज्जंति ॥१५९२॥
 सुमराविउण परजुवइ-संगमं वज्जकंटय-सणाहं ।
 कत्थइ सिंबलि-रुक्खं कत्थइ तत्तायस-पुरंधिं ॥१५९३॥
 आलिंगाविज्जंति हणिउणं मुग्गरेहिं पट्टीए ।
 खादिज्जंति समंसं सुमराविय मंसलोलत्तं ॥१५९४॥
 सुहगिद्धि-कहणुपुव्वं काराविज्जंति तत्त-तउपाणं ।
 भुज्जंति भडित्तं पिव कुंभीपागेषु पच्चंति ॥१५९५॥
 तिल-तुस-तिभाय-मित्तं छिन्ना वि मिलंति पारय-रसो व्व ।
 तत्त-कडाहेसुं पप्पड व्व कत्थइ तलिज्जंति ॥१५९६॥
 कत्थइ पूय-वसा-लोहिएहिं कत्थइ य तंब-तऊएहिं ।
 तत्तेहिं वहंतीए वेयरणि-नईए खिप्पंति ॥१५९७॥
 वाहिज्जंता तीए पुलिण-वसह व्व दुव्वहं भारं ।
 वज्जानल-पज्जलिए भट्ठे चणग व्व फुटंति ॥१५९८॥
 छायत्थिणो अ पत्ता असिपत्त-वणम्मि पवण-विहुएहिं ।
 नाणाविहेहिं पत्ताउहेहिं छिज्जंति सव्वंगं ॥१५९९॥
 किं बहुणा ? नरएसुं सत्तसु तिवखाइं जाइं दुक्खाइं ।
 ताइं कय-कोडिजीहो सक्खो वि न वज्जितं सक्खो ॥१६००॥
 नरयाओ उव्वट्ठा होउं सीहाइणो पुणो नरए ।
 पुण मच्छाइसु एवं पुणो पुणो जंति नरएसु ॥१६०१॥
 इय हिं डिउण सुइरं कईयावि अणारिएसु मणुएसु ।
 मायंगाइसु अहवा उप्पन्ना आरिएसुं पि ॥१६०२॥
 तत्थ अखज्ज-अपेज्जाऽकज्जाऽगम्माइ-सेवणासत्ता ।
 जंति नरएसु बहुसो कालमणंतं परिभमंति ॥१६०३॥

कुल-जाइ-विसुद्धेसु वि उप्पन्ना माणुसेसु कईया वि ।
 पावन्ति तं दुहं जेण जायए हियय-उक्खंपो ॥१६०४॥
 रोमे रोमे सुईहिं अग्गिवन्नाहिं ^{२०}भिज्जमाणस्स ।
 जं होइ दुहं तत्तो अट्टगुणं गळ्भवासम्मि ॥१६०५॥
 गळ्भाओ नीहरंताण जोणिजंतेण पीढणे जं च ।
 तं गळ्भवास-दुक्खाओ होइ दुक्खं अणंतगुणं ॥१६०६॥
 बालत्तणे लुलंता मुत्त-पुरीसेसु वोत्तुमसमत्था ।
 निच्चेयण व्व हत्थं अहि-जलणाईसु वि खिन्ति ॥१६०७॥
 जोव्वण-पओस-पाविय-पसराहिं पिसाइ-रक्खसीहिं व ।
 दविणासा-विसयासाहिं विवस-हिअया किलम्मन्ति ॥१६०८॥
 कुव्वन्ति किसिं जलहिं तरन्ति देसंतराइं वच्चन्ति ।
 विवरं पविसन्ति खणन्ति रोहणं हुन्ति कम्मयरा ॥१६०९॥
 सेवन्ति निवं विरयन्ति रणभरं पर-धणं वि लुटन्ति ।
 गायन्ति य णच्चन्ति य दविणासा-विनडिया जीवा ॥१६१०॥
 न गणन्ति कुल-कलंकं सयण-वयणं न अप्पणो वसणं ।
 न य परलोय-विरुद्धं विसयासा-मोहिया मणुया ॥१६११॥
 परपरिभव-पेसत्तण-विओग-दोहग्ग-रोग-सोगेहिं ।
 गुत्तिनिरोह-विरोहाऽमरिसेहिं य दुत्थिया मणुया ॥१६१२॥
 गमणासहा अदंता पुणो वि वियलिंदिया खलिय-वयणा ।
 वयण-विगलंत-लाला बाल व्व जराए किज्जन्ति ॥१६१३॥
 सुहिया काम-वियारेहिं दुक्खिया दीणया-पयारेहिं ।
 निय-जीवियं विमूढा नयन्ति न उ धम्म-कम्मेहिं ॥१६१४॥
 नीसेस-कम्मवखयकारयं पि लद्धूण माणुसं जम्मं ।
 विहलं कुणन्ति पावा ^{२१}पावायारेहिं विविहेहिं ॥१६१५॥
 जय-कुंजरं खरेण व काण-कवड्डेण कणय-कोडिं व ।
 मणिमुवलेण व हारन्ति विसयसुक्खेण मणुयत्तं ॥१६१६॥
 सग्गाऽपवग्ग-सोवखाण कारणे माणुसत्तणे पत्ते ।
 अहह नराणं नरयप्पयाण-पवणे मई पावे ॥१६१७॥

चारित्त-नाण-दंसण-रयणत्तय-भायणे मणुय-जम्मे ।
 पावं कुणंति जे ते खिवंति रेणुं रयण-थाले ॥१६१८॥
 ते इंदियत्थ-लुद्धा कसाय-रुद्धा सरीरसुह-गिद्धा ।
 नरएसु जंति तत्तो भमंति भीमं भवमणंतं ॥१६१९॥
 देवेसु समुप्पन्ना महिद्धिय-सुरेहिं आणविज्जंति ।
 अप्पिद्धियमप्पाणं पलोयमाणा मिलायंति ॥१६२०॥
 विउलं परस्स रिद्धिं दट्ठं ईसानलेण डज्जंति ।
 पुव्वकय-अप्प-सुकयं मणम्मि सोयंति अप्पाणं ॥१६२१॥
 कइयावि चविय पिययम-सुखहु-विरहे लहंति नरय-दुहं ।
 कइयावि कुविय-दइयाऽपसायणेणं किलिस्संति ॥१६२२॥
 पररमणीओ हरंति लोभवसओ परेण कोवेण ।
 वज्जेण ताडिया मुच्छिया य छम्मासमच्छंति ॥१६२३॥
 ईसा-विसाय-मय-कोह-लोह-मायाइणो अरि-समूहा ।
 रिणियाण व ववहरया भ्मेल्लंति सुराण वि न पट्ठिं ॥१६२४॥
 रमणी-विमाण-रयणाइ-मोहिया चवणमप्पणो मुणितं ।
 अट्ठज्जाणेण चवंति जंति एगिंदिएसु पुणो ॥१६२५॥
 एवमणंते पोग्गल-परियट्टे परियडंति संसारे ।
 जीवा मिच्छत्त-तमोह-निहुय-सम्मत्त-वर-नयणा ॥१६२६॥
 चउदस-रज्जुम्मि जए बालग्ग-समं पि नत्थि तं ठाणं ।
 जम्म-मरणाइं पत्ताइं तेहिं नाऽणंतसो जत्थ ॥१६२७॥
 तं नत्थि विसय-सुखं तज्जणिअं तं न अत्थि दुखं पि ।
 जं जीवेहिं न पत्तं नवरं पत्तो न जिण-धम्मो ॥१६२८॥
 सुलहो विमाणवासो रयणायर-मेहला मही सुलहा ।
 लोयम्मि नवरि दुलहो धम्मो सव्वब्बु-पन्नतो ॥१६२९॥
 सत्तरि-कोडाकोडीओ मोहणीयस्स हुंति अयराणं ।
 उक्कोस-ठिई तह वेयणीय-आवरण-विग्घाणं ॥१६३०॥
 तीसं कोडाकोडीओ वीस पुण हुंति नाम-गोत्ताणं ।
 सत्तण्हं पि इमाणं अहापवत्तेण करणेणं ॥१६३१॥

अंतो कोडाकोडिं धरिउं खवियम्मि सेसए जीवा ।
 घण-सग-दोस-परिणइरुवं पावंति तो गंठिं ॥१६३२॥
 एत्तिय-दूरं व इमे पत्ता सव्वे अणंतसो जीवा ।
 किंतु अउब्बा पुणरवि परिवडिऊणं गया मूले ॥१६३३॥
 बद्धा उक्खोसठिइ कम्माण पुणो वि संकिलिहेहिं ।
 भमिहिंति भवमभव्वा एवं पुरओ सयाकालं ॥१६३४॥
 आसन्नकाल-भवसिद्धियाओ तमपुव्वकरणवज्जेण ।
 गंठिं गिरिं व भिंदंति पाविउं वीरियमउव्वं ॥१६३५॥
 अनियट्टिकरणमइसय-विसुद्धिरुवं तओ समणुभवित्तं ।
 अंतोमुहुत्तमेत्तं कालं ते मोक्ख-तरु-मूलं ॥१६३६॥
 कारणमणंत-सोक्खाण वारणं तिव्ख-दुक्ख-लक्खाण ।
 सम्मत्तं रयणनिहिं रोर व्व लहंति कयपुब्बा ॥१६३७॥
 पत्ते वि हु सम्मत्ते एणाए अयरकोडिकोडीए ।
 पलियपुहत्ते खवियम्मि देसविस्सं पवज्जेन्ति ॥१६३८॥
 संखिज्ज-सायरेसुं गएसु तंतो लहंति चारित्तं ।
 उवसमसेणिं पुण तित्तिएसु तह खवगसेणिं च ॥१६३९॥
 इय जाणिऊण दुलहं जिणधम्मं तम्मि उज्जयं(मं) कुणह ।
 मा पुण वि पमायवसा निवसह एगिंदियाईसु ॥१६४०॥
 लद्धं जिणधम्मं विसय-परवसा हारवंति जे मूढा ।
 ते जलनिहि-मज्झ-गया नावं भिंदंति लोहकए ॥१६४१॥
 इय धम्मकहं सोउं चमर-नरिदाइणो जणा बहवे ।
 पडिबुद्धा बेन्ति जिणिंद ! जंपियं अवितहं तुमए ॥१६४२॥
 ता अम्हे सामि ! तुमं दिक्खा-हत्थावलंब-दाणेण ।
 दुह-लहरि-रउदाओ नित्थारसु भव-समुदाओ ॥१६४३॥

तओ ते सव्वे वि दिक्खिया भयवया जाया चमरप्पमुहा मुणिणो ।
 संपन्नाओ विमल-मइ-प्पमुहाओ अज्जाओ । पवब्बा सव्वविरई महाराय-
 प्पमुहेहिं मणुरसेहिं । गुणवइ महादेवी-पमुहाहिं महिलाहिं अन्नेहिं य
 बहुएहिं तिरिक्खेहिं देसविरई पडिवन्नं, देवेहिं देवीहिं सम्मइंसणं । भयवं

ચમરપ્પમુહાણં સયસ્સ મુણિવરાણં પુઠ્ઠવભવ-પુન્નોદણ ગણહર-પય-
જોઘગયં જાણિઠ્ઠણ ઉપ્પાય-વિગમ-ધુવત્ત-રૂવં સયલ-સુય-સાયર-
સાર-રયણભૂયં પયત્તયં પઠ્ઠવેહિ । તે વિ ય તયણુસારેણ દુવાલસંગાહં
વિરયંતિ । ચઠ્ઠિવિહ-દેવનિકાય-પરિવુઢો ઘેત્તૂણ દિઠ્ઠવગંધ-ચુલ્લપુત્તં
સુવન્ન-થાલં ઉવઠ્ઠિઓ સક્કો ।

અહ ઉઠ્ઠિઠ્ઠણ ભયવયા વિણઓણસુ ઉત્તમંગેસુ ચમરાઈણં ગણહરાણં
ચુલ્લવઠ્ઠેવં કુણંતેણ સુત્તેણં અત્થેણં તદુભ્રણં સઠ્ઠવ-દઠ્ઠવ-ગુણ-નય-
પજ્જવેહિ અણુઓગાણુન્ના ગણાણુન્ના ય દિન્ના । સૂર-કર-પહય-દુંદુહિ-
નિનાય-પુરસસરં સુરેહિં સુરંગણાહિં નરેહિં નારીહિં ય કઓ તેસિં
ચુલ્લવઠ્ઠેવો । તે વિ કયંજલિઠ્ઠા ભયવઓ વયણાણિ સમ્મં પડિચ્છંતિ ।
ભયવં પિ પુણો પુઠ્ઠાભિમુહો સિંહાસણે નિસન્નો અણુસઠ્ઠિગઠ્ઠં ધમ્મદેસણં
કરેહિ ।

અત્થંતરે પુન્ના પોરિસી । આદયપ્પમાણો અઘંડ-કલમસાલિ-કણ-
વિણિમ્મિઓ મણિમય-થાલ-વિણિવેસિઓ સુર-પવિચ્છિત્ત-સુગંધવાસ-
વાસિય-દિયંતરો તરુણ-પુરિસ-સમુવિચ્છિત્તો સચ્ચવીરિય-મહારાય-કારિઓ
દેવદુંદુહિ-નિનાય-ભરિય-બંઘંડમંડલો મંગલ-મુહલ-મહિલાણુગઓ
સમંતઓ નાયર-નિયર-પરિવારિઓ પુઠ્ઠવદુવારેણ પવિહો બલી । ઠિયા
ધમ્મ-દેસણા । પયાહિણીકાઠ્ઠણ ભયવંતં તસ્સ પુરઓ પવિચ્છિત્તો તિવચ્છુત્તો
બલી । તસ્સદ્ધં નહયલે ચેવ ચાયગેહિં વ જલહર-જલદેવેહિં ગહિયં,
અદ્ધદ્ધં ધરણિ-નિવડિયં સચ્ચવીરિયેણ રન્ના, સેસં પુણ પાગય-જણેણં ।
બલિ-માહપ્પેણ પુઠ્ઠવુપ્પન્ના આમયા વિણસ્સંતિ । નવા પુણ છમ્માસં જાવ ન
હવંતિ ।

ભણિયં ચ-

રાયા વ રાયમચ્છો તરસાસહ પઠ્ઠર-જણવઓ વા વિ ।

દુલ્લબલિ ઘંડિયબલિ છંડિય-તંદુલાણાદયં કલમા ॥૧૬૪૪॥

ભાઈયપુણાણિઆણં અઘંડ-ફુડિયાણ ફલગસરિયાણં ।

કીરહિ બલી સુરા વિ ય તત્થેવ છુહંતિ ગંધાઈ ॥૧૬૪૫॥

ભવણવહિ-વાણમંતર-જોહસ-વેમાણિઅહિં દેવેહિં ।

નરનારિ-ગણેહિં તહા સમંતઓ ભત્તિભરિઅહિં ॥૧૬૪૬॥

कय-परिवेढो चल्लइ तूर-निनाएण पूरिय-दियंतो ।
 आणंदिय-सयल-जिओ जिणिंदचंदाण पवर-बली ॥१६४७॥
 बलि-पविसण-समकालं पुव्वदारेण ठाइ परिकहणा ।
 निउणं पुरओ पाडण-अद्धद्धं अवडियं देवा ॥१६४८॥
 अद्धद्धं अहिवइणो अवसेसं होइ पागयजणस्स ।
 सव्वामयप्पसमणो कुप्पइ नऽन्नो वि छम्मासं ॥१६४९॥

उट्ठिउण भयवं कमलायरो व्व महुरेहिं चउव्विह-सुरेहिं परिगओ
 गओ उत्तर-दुवारेण ईसाण-कोणे कणय-रयण-सालंतर-ट्टिए देवच्छंदए
 निसन्नो मणिमय-सिलावट्टए ।

अह पहुणो पयवीढे विणिविहो पढम-गणहरो चमरो ।
 नव-जलहर-महुर-सरेण देसणं काउमारद्धो ॥१६५०॥
 जओ-

खेय-विणोओ सीस-गुण-दीवणा पच्चओ उभयओ वि ।
 सीसायरिअ-कमो विय गणहर-कहणे गुणा होति ॥१६५१॥
 शओवणीय-सीहासणे निविहो य पायपीढम्मि ।
 जेहो अन्नयरो वा गणहारि कहेइ बीयाए ॥१६५२॥
 संखाईए वि भवे साहइ जं वा पुरो उ पुच्छिज्जा ।
 नयणं अणाइसेसा वियाणई एस छउमत्थो ॥१६५३॥
 भणियं चं भयवया गणहरेण संजमसिरी-कुलहरेण ।
 सयल-सुरासुर-किन्नर-नर-संकिन्नाइ परिसाए ॥१६५४॥
 भो भो भव-पारावार-पार-गमणम्मि कयमणा तुब्भे ।
 सेवह उवएस-पयाइं पोयभूयाइं एयाइं ॥१६५५॥ तहाहि-

• • •

પાઠાંતર :

૧. પળમેજ્જઈ લ. રા. ॥ ૨. ગુરુણ લ. રા. ॥ ૩. પુઙ્ગાઓ લ. રા. ॥ ૪. પાયંતે લ. રા. ॥ ૫. તિલ્લેહિં લ. ૬. સિંહાસણે લ. રા. ॥ ૭. મિલ્લેઈ લ. રા. ॥ ૮. સોવન્નિયાણં રુપ્પમયાણં સુવન્નરયણમયાણં રુપ્પરયણમયાણં સુવન્નરુપ્પરયણમયાણં શોમાણં પા. ॥ ૯. ગેણંતિ દ. પા. ॥ ૧૦. પરિપુણેહિં લ. રા. ॥ ૧૧. ધમ્મેલ્લ દ. પા. ॥ ૧૨. મિલ્લઈ દ. પા. ॥ ૧૩. રચ્છા. રા. પા. ॥ ૧૪. 'ભયવઓ.....પયાહિણીકાઝ્ઞ' પાઠ માત્ર દ. પા. ॥ ૧૫. મિલ્હિઝ્ઞ લ. રા. ૧૬. પહુપારણ ય દ્વાણે દ. પા. ॥ ૧૭. રયણવીઢં દ. પા. ॥ ૧૮. કિરિણ દ. પા. રા. ॥ ૧૯. ગાથા ૧૫૪૬-૪૮ દ. પા. પ્રતિમા જ છે । ૨૦. બ્રેજ્જઠ દે. પા. ॥ ૨૧. પાવાયરિણિં લ. રા. ॥ ૨૨. મિલ્લંતિ લ. રા. ॥ ૨૩. પિઠિં લ. રા. ।

• • •

सत्तमो पत्थावो

भक्ती तित्थयराण दाणममलं सीलं तवो भावणा,
हिं सालीय-अदत्त-मेहुण-महारंभाण संरंभणं ।
सिद्धंतामयपाणमुत्तमजणासंगो गुरुवासणं,
कोहाईण विणिग्गहो तह णमोक्कारस्स आराहणं ॥१६५६॥
धम्मत्थिणो अणुहाणमाइमं तत्थ तित्थयर-भक्ती ।
जं सा कयग-फलं पिव सम्मत्त-जलं कुणइ विमलं ॥१६५७॥
उत्तम-गुण-बहुमाणो पयमुत्तमसत्त-मज्झयारम्मि ।
उत्तम-धम्म-पसिद्धी भक्तीए वीयरणाणं ॥१६५८॥
एक्को वि उदग-बिंदू पक्खित्तो खीरसायरम्मि जहा ।
जायइ अक्खयस्सवो एवं भक्ती जिणिंदाणं ॥१६५९॥
सुद्धे खेतम्मि जहा पइन्नगं होइ बहुफलं बीयं ।
सद्धा-जलेण सित्तं जिणम्मि तह भत्ति-बीयं पि ॥१६६०॥
जं जं मणाभिरामं दीसइ इह पयइसुंदरं किं पि ।
तं तं जिण-भक्तीए फलंति नत्थेत्थ संदेहो ॥१६६१॥
भक्तीए जिणवराणं गलंति पुव्वज्जियाइं पावाइं ।
सव्वाऽपवग्ग-सोक्खाणं भायणं होइ तो जीवो ॥१६६२॥
अच्छउ दूरे जिणभवण-पडिम-ण्हवणऽच्चणाईयं किच्चं ।
जिण-पणमणं पि कल्लाणकारणं सुंदरस्स जहा ॥१६६३॥
तहा हि-

[१. जिनभक्ती सुंदर-कथा]

अत्थि मणिवइ-विसय-मज्झाम्मि मणिवइआ वर नयरि ।
मणि-निबद्ध जिण-भवण मणहर ।
गंभीर परिहा-वल्लय फलिह-पवर-पायार-सुंदर ।
तहिं सुत्थिओ नामिण वसइ रिद्धिविसिहउ सेह्ठि ।
जसु घरि जिण-मुणि-भत्तिपरु बालु वि सम्मदि(दि)ह्ठि ॥१॥१६६४॥
तासु मंदिरि अत्थि कम्मयरु
नय-विणय-संकेअहरु ।

સુંદરો તિ દુચ્ચરિયચત્ત

સહં તિ સેઠ્ઠિણ સુન્થિણ સો કયાઈં મુણિપાસિ પત્ત

તિણ આયન્નિત મુણિવચ્ચણુ જો પણમિવિ જિણનાહુ ।

ભોયણુ કુણઈ સુ અન્ન-ભવિ ન લહઈ દુહ-દવ-દાહુ ॥૨॥૧૬૬૭॥

જેમ્વ તિસિયહ સિસિરુ પયપૂરુ

પરમત્થુ(બુ) જિવં ભુવિચ્ચહ ।

જેમ્વ રોગ-ગહિયહ વરોસહુ ।

ઓહેણ તં મુણિ-વચ્ચણુ ચિત્તિ લગ્ગુ તિમ્વ તસુ સુહાવહુ ।

સો પરિપાલિવિ તં વચ્ચણુ જાવજીવુ સંપુન્નુ ।

પયઈ-કસાય-વિમુક્ક-મણુ કમિણ વિવન્નુ સત્ત ॥૩॥૧૬૬૮॥

અત્થિ નામિણ નયરિ તવ્વસિલ

પડિવવ્વ-વચ્ચયલ-સિલમણિ

સિલોહ સંબદ્ધ સુરહર ।

હરિણચ્છિ-હરિણકમુહ-મહિલચ્છ-ચંકમણ-મણહર ।

ઘણરસ-પૂરિય-પરિહ-બહુ પુરિસુ વ પવરાયારુ ।

જહિં ઠિય લહરિ-ભુયાલયહિં પરિરંભિવિ પાયાારુ ॥૪॥૧૬૬૯॥

તહિં તિવિચ્છમુ અત્થિ નરનાહુ

તણ્ણલોક્ક-વિવચ્ચાય-જસુ

દલિય-સયલ-બલિરાય-વિચ્છમુ ।

કરપંકય-સંગહિય-સંચચ્છુ નાવઈ તિવિચ્છમુ ।

તાસુ સુમંગલ-દેવિ પિય કોમલ-કમલ-દલચ્છિ ।

સુવ-વિણિજ્જિય-જય-રમાણે કણયચ્છવિ નં લચ્છિ ॥૫॥૧૬૭૦॥

તાસુ કુવિચ્છિં જીવુ સુંદરહ ઉપ્પન્નુ ।

પુત્તત્તણિણ નિસહિં તહિં જિ દેવીએ દિઢુ

પવિસંતુ મુહ-પંકરગહિ ।

પુન્નકલસુ સિવિણઈ વિસિઢુ

સુહ-પરિબુદ્ધહિં તીએ તત્ત સુવિણત્ત કહિત્ત પિયસ્સુ ।

તિણ વુત્તત્ત તુહ સુહનિલત્ત હોસઈ પુત્ત અવસ્સુ ॥૬॥૧૬૭૧॥

તં સોત્તં તુઢ્ઠા તીએ સમયમ્મિ દોહલો જાઓ ।

ગયચ્છંધ-ગયા મિઠેણ રાઈણા ધરિય-સિયચ્છત્તા ॥૭॥૧૬૭૨॥

पूरिय-समग्ग-मग्गण-मणोरहा रइय-चारु-नेवच्छा ।
पेच्छामि अगालच्छणमुज्जाणे विहरमाणा हं ॥८॥१६७१॥

तो नरिंदिण गरुय-नेहेण
संपाडिय दोहलय,

उचिय-कालि सा पुत्तु पसवइ ।
विलसंत-तेयप्पसर पहय-तिमिरु पुव्व व्व दिणवइ ।
तं निसुणिवि नरवइ हुयउ हरिसाऊरिय-काउ ।
सुय-जम्मिण जणु हरिसियइ इयरु वि किं पुण राउ ॥९॥१६७२॥
ठांवि ठांवि वर-मंच रइज्जहिं ।

पहि पहि मुत्तिय-सत्थिय दिज्जहिं ।
घरि घरि वंदणमाल निबज्जहिं ।
पमि पमि कप्पूरागुरु डज्जहिं ॥१०॥१६७३॥

हट्टसोह सव्वत्थ वि किज्जइ ।
गयण-विलग्ग पडाय ठविज्जइ ।
रायमग्ग कुंकुम-रसि सिच्चहिं ।
कामिणी पीणपओहर नच्चहिं ॥११॥१६७४॥

वज्जहिं तूर सद-भरियंबर ।
पविसहिं अक्खइवत्त निरंतर ।
पउर पढंत छत्त परिवारिय ।
नयरुज्जायइं ति य निवारिय ॥१२॥१६७५॥

असण-वसण-तंबोलिहिं सायर ।
सम्माणिज्जहिं सयल वि नायर ।
भमहिं महल्लय कय-बहु-वग्गण ।
पढहिं दाण-हरिसिय-मण मग्गण ॥१३॥१६७६॥

इय निय-पुरि राइण गुरु-अणुराइण विरइउ पुत्तह जम्मछणु ।
अह वाइउ कित्तिउ परभवि तित्तिउ विहिउ जेण
जिण-पय-नमणु ॥१४॥१६७७॥

जं गब्भ-गए देवी-सुयम्मि नयरओ निग्गया सुहिया ।
तत्तो निग्गयसुहिउ ति तरस पिउणा कयं नामं ॥१५॥१६७८॥

कुमरु वट्टइ ससि व सिय-पविख ।

संपत्त-संपुन्न-कलु कमिण तारु तारण्णु पावइ ।

अह तरस्स असरिस भणिवि ।

रायकन्न न वरेइ नरवइ ।

जं वच्छरु छण-वंचणिण पाव-पसंगिण धम्मु ।

नासइ दियहु कुभोयणिण कुकलत्तिण पुण जम्मु ॥१६॥१६७९॥

एउ निसुणइ धूय वासवह वेसालिपुरि-सामियह ।

‘कामकित्ति-नामेण मणहरा

तो निय-पिउ विन्नवइ ।

पट्टवेसु तसु मइं सयंवर ।

तिण पट्टविय पयट्ट पहि, सुय निग्गयसुहिण ।

सोयासंधिय-पेम्मगुण भणि हरिसिउ हियण ॥१७॥१६८०॥

संभरायणु तीइ पट्टविउ ।

वर-विप्पु जाइवि पुरउ ।

राउ तेण विन्नत्तु सायरु ।

जं सामि सरियाइ न हु अन्नु ठाणु मिल्लेवि सायरु ।

इय चित्तेविणु अणुचिय वि एइ सयंवर एस ।

पइं कायव्वु न खेउ फुड्डु बहुखम हुंति नरेस ॥१८॥१६८१॥

संभरायण-वयण-विन्नास-परितुट्टइ ।

नरवइ भणइ उचिय चेव सायरह सुरसरि ।

को एत्थ खेउ त्ति मणु मुणिवि

निवहं संपत्त पुरवरि ।

सा परिणीया मणह पिय पिउ-वयणिण कुमरेण ।

गुरु-उवइड्डु मणिड्डु तह गिणइइ को न खणेण ? ॥१९॥१६८२॥

तह परोप्पर-जाय-वीसंभ-संभोय-सुहलालसह जंति दियह ।

अह सुणिवि दुज्जउ

रणसूरु नामिण निवइ वलिउ

कुमरु तज्जय-समुज्जउ ।

कुमरिण रणि सो निग्गहिउ कोहु व पसम-गुणेण ।

तुड्डु तिविक्कमु विक्कमेण निग्गयसुहियह तेण ॥२०॥१६८३॥

रज्जभारह जोग्गि पइ पुत्ति

परलोय-कज्जुज्जम-मणि

मणुय-जम्म-फलु लेमि संपइ ।

इय जंपिवि पुहइवइ नियय-रज्जु कुमरह समप्पइ ।

गुरु-पय-मूलि तिविक्कमु वि जिणमय-दिक्ख पवब्बु ।

विसय-सोक्खु तह मोक्खु पहु सेविउ जाणइ धञ्जु ॥२१॥१६८४॥

तो निरंतर विसय-वासत्तु नरनाहु

निग्गयसुहिउ गमइ कालु ।

अह समइ अन्नहि गुण-गळिय

दूय जुवराय मंति अप्पाणु वज्जहिं ।

इहु अम्हह दक्खत्तणिण पालइ रज्जु पमत्तु ।

पवणह विणु नणु पज्जलइ जलणु वि कित्तियमत्तु ॥२२॥१६८५॥

एउ निसुणिवि भणिउ नरवरिण

जुवराउ नामिण मयणु

सुमइ-मंति तह दूउ सुवयणु ।

वसिहुउ विक्खेव विणु मह पयावमेत्तेण अरियणु ।

ता देसहँ दंसण-विसइ कोउगु फुरइ उदग्गु ।

इय जंपिवि सो संचलिउ करि-रह-तुरय-समग्गु ॥२३॥१६८६॥

नगर-गिरि-सर-सरिय पेक्खंतु

निय-देस-सीमंति गउ

ते भणेइ मणि मज्झा वसेण ।

असहाय चत्तारि जण भमहु देस अम्हे अकिंचणा ।

तिहि जंपिउ पहु पूरियइ वासण एह समत्त ।

रज्ज सुत्थु विरइवि चलिय ते कंचीपुरि पत्त ॥२४॥१६८७॥

भूवइणा भणियं भोयणाइं को तुम्ह अज्जु कारविही ।

जंपियमिमेहिं सो च्चिय जं देवो आणवेइ ति ॥२५॥१६८८॥

दक्खो ति तओ दूओ आणत्तो पट्टणे पविट्ठो सो ।

तम्मि दिणे तत्थ महो बहुओ वणियाणं ववहारो ॥२६॥१६८९॥

पुडग बंधेउं एकु अखमो ति सो दुक्कओ हट्ठि ।

तसु कुणइ तत्थ पुडगाइ-बंधणु ।
 लट्ठो ति बहुमन्नियउ तिण विदत्तु वणिण बहु धणु ।
 भोयण-समइ समुट्ठिण जंतिण तिण निय-गेहि ।
 दूउ पयंपिउ पाहुणय अम्हिहिं सहं घरि एहि ॥२७॥१६९०॥
 तेण वुत्तउ तिन्नि अन्नेवि मह मित्त चिट्ठंति बहिइं ।
 तु ते वि वाणिण जंपिउ हक्कारिय ते वि ।
 तिण भोयणाइं तं दिण्णु जं पिउ ।
 तहिं दविव्वउ वाणियह हूउ सवायउ दम्मु ।
 जं पावइ फलु पत्तिउ जिण विहिउ विसट्ठु वि कम्मु ॥२८॥१६९१॥
 बीय-दिणि गय ते वि रयणउरि ।
 आणत्तु भोयण-विसइ सुंदरो ति जुवराइण ।
 नर-वेसिण तं नियइ मगह-गणिय गरुयाणुराइण ।
 धूय मुणिवि नर-रमण-मण चिंताभर-मुक्काइं ।
 निब्बंदिण जुवराउ घरि हक्कारिउ अक्काइं ॥२९॥१६९२॥
 तत्थ पेच्छइ जुवइ जुवराउ
 कमलारुण-करचलण कुंभि-कुंभ-विब्भम-पउहर ।
 कंदोदलसम-नयण वयण-विजिय-संपुन्न-ससहर ।
 तीए सहत्थिण कणयमय-आसणि दिन्नि निविट्ठु ।
 आदत्तउ तिण तीइ सहं जूय-विणोउ विसिट्ठु ॥३०॥१६९३॥
 अवखजूइण तेण अक्खित्त सा उचिअ-वेलहिं ।
 भणइ पाणनाह मज्जेसु संपइ ।
 अन्ने वि अच्छंति बहि मज्झ मित्त
 जुवराउ जंपइ, सा बुल्लइ आवंतु तिवि, हक्कारिय तो इत्ति ।
 मज्जण-भोयण-पमुह तह विरइय गुरु-पडिवत्ति ॥३१॥१६९४॥
 तत्थ दम्महं लग्ग सयपंच
 पंचेउरि नयरि गय ते वि तईयदिणि तो पसाइण ।
 आणत्तु मइमंतु भणि भोयणत्थु वरमंति राईण ।
 धम्माहिगरणि सो वि गउ मइणुण जहिं अग्घंति ।
 बुद्धिपहाण जि हुंति नर ति किंव कुकम्मु कुणंति ॥३२॥१६९५॥

तत्थऽङ्गदेस-वणिउ बालावच्चो दुभज्जओ अ मओ ।
 तत्तो सुयमाया हं सुयमाया हं ति भणिरीणं ॥३३॥१६९६॥
 भज्जाणं ववहारो जाओ किरियाउ संति नो तेण छिज्जइ ।
 नसो(तओ) विसन्ना नरिद-पमुहा पुर-पहाणा ॥३४॥१६९७॥
 ताव सुमइणा भणिउ साणंदु
 छिंदामि ववहारु हउं
 तेहि होउ एवं ति वुत्तउं ।

सो भणइ दारउ दविण दुब्बि भाग कीरहु ।
 निरुत्तउ तं मज्जइ लोहिण इयर, न हु नेहिण सुय-माय ।
 सुमइ भणइ निद्धा जणणि, लुद्धा पुण कयमाय ॥३५॥१६९८॥
 मुणिवि मंतिण छिन्न ववहारु
 नरनाहिण रंजिइण भोयणाइं पडिवत्ति सव्वह ।

हक्कारिवि आयरिण विहिय विहिवि चउसहस-दम्मह ॥
 दियहि चउत्थइ ते वि गय गयउरि-नयरि पविट्ट ।
 नवरि नरिदु सयं गयउ सुत्तु असोगह हिट्ट ॥३६॥१६९९॥

एत्थु अवसरि सामि गयपुरह
 निप्पुत्तु पंचत्तु गउ
 पंच-दिब्ब अहिसित्त लोइण ।

नीसेस पुरि परिभमिवि ताइं पत्त अह दिव्वजोइण ।
 नगरज्जाणि असोग-तलि अपरावत्तिय-छाउ ।
 पडिवन्नउ पुब्बिक्कनिहि पंचिहिं दिव्विहिं वि राउ ॥३७॥१७००॥

पुरि पवेसिउ पुर-पहाणेहिं
 अहिसित्तउ रज्जि तसु

तासु कन्न कन्नंत-लोयण
 परिणेइ पंकय-वयण जयसिरि ति संपत्त-जोयण ।
 गउरवि भोयण पमुहि तह लग्गउ दम्मह लक्खु ।
 विणु पुब्बह नहि अण्णुगुणु रज्ज-समप्पण-दक्खु ॥३८॥१७०१॥
 तारु कइवय दिण अइक्कंत पालंतह रज्जसिरि ।
 न व निवुत्ति जणयाण धरसहि ।

पडिहार आणत्त तिण ताडह ति तो ते वि पहसहि ।
 चित्ति सकोविण चित्तगय आणत्ता पडिहार ।
 तिहि ताडिय अविणीय नर दितिहिं गाढ पहार ॥३९॥१७०२॥
 एव पिच्छिवि तासु माहप्पु
 गिणहति गव्वुद्धर वि धरणि-निहिय-सीसेण सासणु ।
 किं होइ जणु अवसु वसि जणिउ जा न पोरुस-पयासणु ।
 अह ते वुत्त नरेसरिण तुम्ह गुणह फलु एउ ।
 लज्जिय तिवि अण्णोण्ण मुह पेदिखवि पावहिं खेउ ॥४०॥१७०३॥
 अवर-वासरि दोहिं पुरसेहिं विन्नत्तु ।

नरवइ रहसि अत्थि अत्थ सुत्थिय जणुत्तमु ।
 सिरिनयरु नामिण नयरु रयण-भवण-किरिणोह-हय-तमु ।
 तहिं नरकेसरि नामु निवु पुरपरिहुब्भडबाहु ।
 जसु अत्थि छज्जइ समरभरि अरि-ससि-कवलण-राहु ॥४१॥१७०४॥
 तासु अच्छइ देवि महलच्छि तसु कुखिहिं संभविय ।

दुहिय सव्व-लक्खण-समन्निय
 निय-रूव-निज्जिय-तिजय पंकयच्छि जयलच्छि-सन्निय ।
 तं पइ कहिउ निमित्तिइण जो परिणिरुसइ एह ।
 तासु वसुंधर सयल वसि होसइ निरुसंदेह ॥४२॥१७०५॥
 तासु कन्नह महइ सयमेव

नरकेसरि परिणयणु अणुचियं ति वारिउ पहाणिहि ।
 सावज्झ आणत्त तिण तह वि तेहिं मइगुण-निहाणिहिं ।
 संरक्खिय पच्छन्न तसु तं पुणु तिण विन्नाउ ।
 कुविउ कयंतु व तहँ उवरि तो नरकेसरि राउ ॥४३॥१७०६॥
 तिहिं पहाणिहिं एउ विन्नत्तु

नरकेसरि कुनय-निहि विसय-लुद्धु निद्धम्म-सेहरु ।
 तुहं विसय-अणहीण-मणु धम्मवंतु नयलच्छि-कुलहरु ।
 अम्हे एयह रक्खसह रक्खि करिवि कारुण्णु ।
 दुत्थिय-जण-अब्भुद्धरणु धीर पयंपहि पुब्बु ॥४४॥१७०७॥

एयं परिचयामो अंगेणेवागए तुमम्मि इहं ।

चिंतामणिम्मि पत्ते कायमणी को न परिहरइ ? ॥४५॥१७०८॥

तो हरिसिउ नरिदो अणेण वागए तुमं मिति ।

एयं सत्त-परिक्खण-फलं ति अवधारिए चित्ति ॥४६॥१७०९॥

तो निजुंजिवि रज्ज-वावारि

मइमंत-मंति-प्पमुह अणुकहेवि सञ्भावु भूवइ ।

वरिक्करस-रसिय मणु असिसहाउ सह तेहिं वच्चइ ।

मंतिहिं तत्थ पडिच्छियउ परिणाविउ जयलच्छि ।

परदेसि वि पुन्नग्गलहं पट्ठि न छड्डइ लच्छि ॥४७॥१७१०॥

तिहिं पयासिउ सयल-नयरम्मि नरनाहु निग्गयसुहिउ

चिर नरिदि सयमवि पलाणइ ।

अणुरत्त-नायर-नियरु रज्ज-सुक्खु अक्खंडु माणइ ।

तसु जयलच्छि रमंतयह कइवय दिण वोलीण ।

तक्खसिलह अन्नह समइ आगय पुरिस पवीण ॥४८॥१७११॥

तेहिं पणमिवि निवइ विन्नत्तु

पहु वेदिय तक्खसिल सूरतेय-नामिण नरिदिण ।

तं मुणिवि निग्गयसुहिउ कुविउ चलिउ सामंतवंदिण ।

थेव-दिणेहिं य लक्खियउ तक्खसिलहिं संपत्तु ।

सूरतेउ तिण रणि जिणिवि बद्धु बलिट्ठु वि सत्तु ॥४९॥१७१२॥

पुणु विमुक्कउ करिवि सक्कारु

कारुण्ण-रस-सायरिण, सो वि तस्स नामेण जसमइ

उत्तुंग-थणहर तुलिय-कणय-कलस निय-धूय वियरइ ।

लेइ सयं पुण आण तसु सूरतेओ अइजाणु ।

वणिउ व कयविक्कय करिउ जीवावइ अप्पाणु ॥५०॥१७१३॥

इय निग्गयसुहिउ महानरेसु

अकिलेस-वसीकय-बहुय-देसु ।

पत्तीहिं चउहिं सहं विविह-भोय

अणुहवइ अदिट्ठ-विओय-सोय ॥५१॥१७१४॥

उप्पन्न कमेण इमाण पुत्त

चत्तारि नाइ पुरिसत्थ मुत्त ।
 तिवि सिक्खिय-सयल-कला-कलाव
 तारुन्न-पत्त सुंदर-सहाव ॥५२॥१७१५॥
 अह अन्न-दियहि पसरिय-विवेउ
 नरनाहु चित्ति चित्तवइ एउ ।
 मइ पुव्व-जम्मि किउ कवणु धम्मु
 जिं रज्जु पत्तु अच्चंत-रम्मु ॥५३॥१७१६॥
 एत्थंतरि मुणिय-विवाग-समउ
 चउनाण-जुत्त जण-जणिय-पमउ ।
 संपत्तु तत्थ गय-सयल-दोसु
 गुरु जंगमु व धम्मघोसु ॥५४॥१७१७॥
 आगमणु मुणिवि तसु वसुहनाहु
 विप्फुरिय-फार-हरिस-प्पवाहु ।
 गुरु-रिद्धिहिं गुरु-पय-नमण-हेउ
 संचलित चउहि भज्जहिं समेउ ॥५५॥१७१८॥
 महिमंडल-निहिय-निडालवट्टु
 गुरु पेक्खिवि पणमइ ताव लट्टु ।
 कल्लाण-वल्लि नव-नीरवाहु
 गुरुणा वि दिण्णु तसु धम्मलाहु ॥५६॥१७१९॥
 गुरु-पासि निसन्नउ भणइ राउ
 मह एत्तिउ कसु कम्मह विवाउ ।
 गुरु कहइ हूउ जिण-नमणु स ज्जु
 तुह पुव्व-जम्मि तिण पत्तु रज्जु ॥५७॥१७२०॥
 फलु अज्ज वि एयह लद्धु थेवु
 जमणंतरु होहिसि पवरु देवु ।
 तो भुंजिवि वर-सुर-मणुय-सोक्खु
 सत्तमइ लहिरस्ससि जम्मि मोक्खु ॥५८॥१७२१॥
 इय सुणिवि पहिट्ठिण पत्थिवेण
 गुरु-कम्म-गंठि भिन्नउ खणेण ।

सह सहयरीहिं सम्मत्त पत्तु पडिवब्बु कमेण य सावगत्तु ।
 जिणपुज्ज-कयायरु जीवदयावरु वसुहाहिवु निग्गयसुहिउ ।
 मुणिसेवासत्तउ पाव-विरत्तउ पावइ सव्वु वि गुरु-कहिउ ॥५९॥
 ॥१७२२॥

जिणभत्ति-पहावेण वि दाणम्मि समुज्जमो विहेयव्वो ।
 जं धम्मसिद्धि-बीयं पढममुद्धारत्तणं भणियं ॥१७२३॥ यतः-
 औदार्यं दाक्षिण्यं पाप-जुगुप्सा च निर्मलो बोधः ।
 लिङ्गानि धर्म-सिद्धेः प्रायेण जनप्रियत्वं च ॥१७२४॥
 दालिदं कुवियं व तेसिमणिसं नालोयए संमुहं,
 नो मिल्लेइ घरंकमंकवडिया दासि व्व तेसिं सिरी ।
 सोहग्गाइ गुणा चयंति न गुणाबद्ध व्व तेसिं तणुं,
 जे दाणम्मि मइं कुणंति मणुया सग्गापवग्गावहे ॥१७२५॥
 दाणं पुण नाणाभयधम्मोवहंभ-भेयओ तिविहं ।
 रयणत्तयं व सग्गापवग्ग-सुहसाहयं नाणं ॥१७२६॥
 तत्थ दुभेयं मिच्छानाणं च सम्मनाणं च ।
 जं पाव-पवित्तिकरं मिच्छानाणं तमवखायं ॥१७२७॥
 तं च इमं वेज्जय-जोइसत्थ-रस-धाउकाय-कामाणं ।
 तह नट्टसत्थ-विग्गहम्मि गयाण पखवगं सत्थं ॥१७२८॥
 जं जीवदया-मूलं समग्ग-संसार-मग्ग-पडिकूलं ।
 भावरिउहियइ-सूलं तं सम्मं नाणमुद्दिहं ॥१७२९॥
 तं पुण दुवालसंगं नेयं सव्वण्णुणा पणीयं ति ।
 मोक्खतरु-बीयभूओ धम्मो च्विय वुच्चए जत्थ ॥१७३०॥ किञ्च-
 सम्मत्त-परिग्गहियं सम्म-सुयं लोइयं तु मिच्छ-सुयं ।
 आसज्जओ सोयारं लोइय-लोउत्तरे भयणा ॥१७३१॥
 नाणं पि तं न नाणं पावमई होइ जत्थ जीवाणं ।
 न कयावि फुरइ रयणी सूरम्मि समुग्गए संते ॥१७३२॥
 नाणं मोह-महंथयार-लहरी-संहार-सूरुग्गमो,
 नाणं दिह-अदिह-इह-घडणा-संकप्प-कप्पदुमो ।

नाणं दुज्जय-कम्म-कुंजर-घडा-पंचत्त-पंचाणणो,
 नाणं जीव-अजीव-वत्थु-विसरस्सालोअणा लोयणं ॥१७३३॥
 नाणं धम्म-विरुद्ध-बुद्धि-नलिणी-संकोअ-चंदायवो,
 नाणं भद्द-परंपरा-वणलया-उत्तास-धारा-धरो ।
 नाणं जम्म-जराय-दुक्ख-पडली-कंतार-दावानलो,
 नाणं भीम-भवंध-कूव-कुहरुत्तारे करालंबणं ॥१७३४॥
 नाणेण पुण्ण-पावाइ जाणितं ताण कारणाइं च ।
 जीवो कुणइ पवित्तिं पुब्बे पावाओ विणियत्तिं ॥१७३५॥
 पुब्बे पवत्तमाणो पावइ सग्गापवग्ग-सोक्खाइं ।
 नारय-तिरिय-दुहाण य मुक्कइ पावाओ विणियत्तो ॥१७३६॥
 जो पढइ अउव्वं सो लहेइ तित्थंकरत्तमन्नभवे ।
 जो पुण पढावइ परं सम्म-सुयं तस्स किं भणिमो ॥१७३७॥
 जो उण साहिज्जं भत्त-पाण-वरवत्थ-पोत्थयाइहिं ।
 कुणइ पढंताणं सो वि नाण-दाणं पयट्टेइ ॥१७३८॥
 नाणमिणं दिंताणं गेण्हंताणं च मोक्खपुर-दारं ।
 केवलसिरी सयं चिय नराण वच्छत्थले लुढइ ॥१७३९॥
 सम्मं नाणेण वियाणिऊण एगिंदियाइए जीवे ।
 ताणं तिविहं तिविहेण रक्खणं अभयदाणमिणं ॥१७४०॥
 जीवाणमभयदाणं जो देइ दयावरो नरो निच्चं ।
 तस्सेह जीवलोए कत्तो वि भयं न संभवइ ॥१७४१॥
 आउं दीहमरोगमंगमसमं खवं पगिहं बलं,
 सोहग्गं तिजगुत्तमं निरुवमो भोगो जसो निम्मलो ।
 आएसिक्क-परायणो परियणो लच्छी अविच्छेयणी,
 होज्जा तस्स भवंतरे वियरए जो सव्व-जीवाभयं ॥१७४२॥
 जीवाइ विणा चावं व मंडलग्गं व तिवक्ख-धाराए ।
 जीवदयाइ विहूणं विहलं सव्वं अणुट्ठाणं ॥१७४३॥
 जं नव-कोडी-सुद्धं दिज्जइ धम्मिय-जणस्स अविरुद्धं ।
 धम्मोवग्गह-हेउं धम्मोवहुंभदाणमिणं ॥१७४४॥

तं असण-पाण-ओसह-सयणासण-वसहि-वत्थ-पत्ताई ।
 दायव्वं बुद्धिमया भवण्णवं तरिउकामेण ॥१७४५॥
 तं पुण देयं सज्झाय-ज्झाण-निरयस्स चत्त-संगस्स ।
 जो तेण उवग्गहिओ तव-संजम-भारमुव्वहइ ॥१७४६॥
 कम्म-लहुअत्तणेणं सो अप्पाणं परं च तारेइ ।
 कम्मगुरं अतरंतो सयं पि कह तारए अन्नं ॥१७४७॥
 तं दायग-गाहग-काल-भाव-सुद्धीहिं चउहिं संजुतं ।
 निव्वाण-सोव्व-कारणमणंतनाणीहिं पन्नत्तं ॥१७४८॥
 जो देइ निज्जरत्थी नाणी सद्धाजुओ निरासंसो ।
 मयमुक्खो जोग्गं जइजणस्स सो दायगो सुद्धो ॥१७४९॥
 जो देइ धेणु-खेत्ताइं जइजणाणुचियमेय विवरींओ ।
 सो अप्पाणं तह गाहगं च पाडेइ संसारे ॥१७५०॥
 जो चत्त-सव्व-संगो गुत्तो वि जिइंदिओ जियकराओ ।
 सज्झाय-झाण-निरओ साहू सो गाहगो सुद्धो ॥१७५१॥
 पुव्वुत्त-गुण-विउत्ताण जं धणं दिज्जए कुपत्ताणं ।
 तं खलु धुव्वइ वत्थं रुहिरेण चिय रुहिर-लित्तं ॥१७५२॥
 सुन्नं(द्धं) सुहं पि दाणं होइ कुपत्तम्मि असुह-फलमेव ।
 सप्परस्स जहा दिन्नं खीरं पि विसत्तणमुवेइ ॥१७५३॥
 तुच्छं पि सुपत्तम्मि उ दाणं नियमेण सुहफलं होइ ।
 जह गावीए दिन्नं तणं पि खीरत्तणमुवेइ ॥१७५४॥
 दिब्बेण जेण जइया जइजण-देहस्स होइ उवयारो ।
 भतीए तम्मि काले जं दिज्जइ काल-सुद्धं तं ॥१७५५॥
 काले दिब्बस्स पहेणयस्स अग्घो न तीरए काउं ।
 तरस्सेवाथक्क-पणामियस्स गिण्हंतया नत्थि ॥१७५६॥
 कालम्मि कीरमाणं किसिकम्मं बहुफलं जहा होइ ।
 कालम्मि तहा दिन्नं दाणं पि हु बहुफलं नेयं ॥१७५७॥
 अप्पाणं मन्नंतो कयत्थमेगंत-निज्जरा-हेउं ।
 जं दाणमणासंसं देइ नरो भावसुद्धं तं ॥१७५८॥

महया वि हु जत्तेणं बाणो आसन्न-लवखमहिगिच्च ।
 मुक्खो न जाइ दूरं इय आसंसाए दाणं पि ॥१७५१॥
 मोक्खत्थं जं दाणं तं पइ एसो विही मुणेयव्वो ।
 अणुकंपा-दाणं पुण जिणेहिं कत्थ वि न पडिसिद्धं ॥१७६०॥
 जं भावेण विसुद्धं पत्ते थेवं पि दिज्जे दाणं ।
 होइ सुदत्तस्स व तं महल्ल-कल्लाण-संजणयं ॥१७६१॥तहाहि-

[२. विधि-दाने सुदत्त-कथा]

अत्थि पुरं सागेयं जं निच्चं धणय-लवख-कयसोहं ।
 एक्केणं चिय धणएण भूसियं हसइ अयल(अलय)पुरिं ॥१७६२॥
 तस्सिं सुदत्त-नामो कम्मयरो पयइभइओ आसि ।
 दाणरुई सो निच्चं खिज्जइ अधणो ति चित्तेण ॥१७६३॥
 हयविहिणो दुव्विलसिय-दुगं पि एयं विडंबणा बीयं ।
 किक्खिणाण धणं तह निद्धणाण दाणम्मि जं वंछा ॥१७६४॥
 सो कट्ठाणयणत्थं वच्चइ दूरम्मि भोयणं गहिउं ।
 दाउण किंचि करसइ तं भुंजइ दाणसीलो ति ॥१७६५॥
 अह अन्न-दिणे दिट्ठो पडिमा-पडिवन्नगो रिसी तेण ।
 जाओ से बहुमाणो वीसमिओ तत्थ स मुहुत्तं ॥१७६६॥
 भिक्खाए रिसी चलिओ उवणीया तरस्स तेण तो भिक्खा ।
 उवओग-सुद्धि-पुव्वं पडिच्छिया तेण सा मुणिणा ॥१७६७॥
 तो हरिसिओ सुदत्तो मन्नइ हियए कयत्थमप्पाणं ।
 घरमाणएण तेणं कहियमिणं नियय-घरिणीए ॥१७६८॥
 अणुमोइयं इमीए तए फलं जीवियस्स पत्तं ति ।
 तं भावंताण ताणं को वि कालो अइच्छंतो ॥१७६९॥
 अह मरिउण सुदत्तो साकेए एत्थ चेव नयरम्मि ।
 निय-तेय-पसर-निज्जिय-रविणो सिरितेय-नरवइणो ॥१७७०॥
 भाणुमई-देवीए निसग्ग-सोहग्ग-संगयंगीए ।
 कुक्खिम्मि समुप्पन्नो सिप्पउडे मोत्तिय-मणि व्व ॥१७७१॥

तीए च्चिय रयणीए अणाइ दिट्ठो मुहेण पविसंतो ।
 सुविणम्मि रयण-रासी निय-तेयप्पसर-हय-तिमिरो ॥१७१२॥
 दहूण सुह-विउद्धाइ साहिओ पिययमस्स विहि-पुव्वं ।
 भणिया अणेण सुंदरि ! तेयरसी ते सुओ होही ॥१७१३॥
 तीए पडिस्सुयं तं लद्धो रत्ता दिणम्मि तम्मि निही ।
 समयम्मि समुप्पन्नो देवीए दोहलो एवं ॥१७१४॥
 परितोसियऽत्थिवग्गा कीलामि नई-तडेसु सह रत्ता ।
 सो पूरिओ निवेणं धन्नाणं न दुल्लहं किंपि ॥१७१५॥
 कीलंताणं ताणं च नाइदूरे नई-तडी पडिया ।
 तत्थ मणि-कणय-पुन्ना उम्मिंठा कलस-संघाया ॥१७१६॥
 गळ्ळो महप्पभावो ति विम्हयं उवगओ जणो सव्वो ।
 समयम्मि सा पसूया जाओ तणओ भवणतेओ ॥१७१७॥
 कयमुचियं करणेज्जं मासे पुन्नाम्मि निम्मियं नामं ।
 वसुतेओ ति निवेणं सम्माणिय-सयल-लोएणं ॥१७१८॥
 देहोवचएण इमो कलाकलावेण तह य वड्ढंतो ।
 रमणीयण-माण-मडप्प-मोडणं जोव्वणं पत्तो ॥१७१९॥
 सा तस्स पुव्वघरिणी कोसंबीए पुरीए पवराए ।
 जुगबाहु-निव-पियाए विमलवईए सुया जाया ॥१७२०॥
 तत्तो अ कयं मयणमंजरि ति नामं इमीए जणएहिं ।
 सिक्खिय-कला-कलावा सा वि हु जोव्वणमणुप्पत्ता ॥१७२१॥
 अह शदाहिव-जयमंगलस्स पुत्तेण रूवजोत्तेण ।
 मंगलराएण कया पुच्छिओ मागहो एक्को ॥१७२२॥
 देसंतराई तुमए भद ! भमंतेण किं पि जइ दिट्ठं ।
 कन्ना-रयणं ता कहसु तेण भणिओ सुण कुमार ! ॥१७२३॥
 कोसंबी-नयरीए जुगबाहु-नरिद-नंदिणि-मिसेण ।
 केणावि हेउणा का वि सुरवहू एत्थ अवयरिया ॥१७२४॥
 जीए विरहे सुरिदो नयण-सहरस-छलेण उव्वहइ ।
 मयणग्गि-तत्तमंगं निव्वविउं नलिण-पत्ताइ ॥१७२५॥

तं सोऊणं मंगलराएण वियंभियाणुराएण ।
 मग्गविद्या सपणयं सा कब्बा नियय-पुरिसेहिं ॥१७८६॥
 अवसउणो त्ति न दिब्बा रब्बा जुगबाहुणा तओ बाला ।
 वर-भत्तार-निमित्तं आराहइ रोहिणिं देविं ॥१७८७॥
 कुणइ नियमोववासे सुदुक्खरे सुयइ भूमि-सयणिज्जे ।
 निच्चं जवेइ पुरिसाणुराय-संवायणं मंतं ॥१७८८॥
 अच्छइ अ नागवल्ली-आलिं गिय-पूग-पायव-तलम्मि ।
 इय किच्च-निच्चलाए कयवइ(कइवय) दियहा अइक्कंता ॥१७८९॥
 अह सागेए नयरम्मि मंतगोतो त्ति साहगो पत्तो ।
 बिल्लाइहोममेसो करेइ पुरपरिसरुज्जाणे ॥१७९०॥
 वसुतेएणं वर-तुरय-वाहणत्थं गएण सो दिट्ठो ।
 जं तरस्स न संपज्जइ तं दिज्जह एवमाइहं ॥१७९१॥
 तं पुच्छिऊण तत्तो सव्वं संपाडियं निउत्तेहिं ।
 वरिसम्मि गए पुणरवि वसुतेएणं इमो दिट्ठो ॥१७९२॥
 अज्ज वि न होइ सिद्धि त्ति कोउगेणं गओ तथा तम्मि ।
 नमिउं कुमरो तं भणइ भइ ! किं साहसि तुमं ति ॥१७९३॥
 सो भणइ जक्खिणिमहं कुमार ! परमेसरि पसाहेमि ।
 कुमरेण वुत्तमित्ति-कालेण वि सिज्झाए किं न ? ॥१७९४॥
 उत्तमसिद्धी खु इमा कह सिज्झइ इत्ति साहगो भणइ ।
 वसुतेएणं भणियं बिल्लाइं तिन्नि अप्पेहि ॥१७९५॥
 तेणावि अप्पियाइं गुरुओ एयस्स संकिलेसो त्ति ।
 भणिऊण हुणियमेगं न खमो दुक्खियमिमं दहुं ॥१७९६॥
 इय बीयं पि हु बिल्लं हुणियं तो निग्गया तणु-पहाहिं ।
 पायडिय-दियंता दिव्व-जक्खिणी जलण-कुंडाओ ॥१७९७॥
 भणियमणाए-भण ते किं कीरइ ? तो भणेइ वसुतेओ ।
 आइसइ साहगो जं इय भणिऊणं गओ कुमरो ॥१७९८॥
 उवयरिऊण परेसिं जं पच्चुवयार-भीरुणो गरुया ।
 तत्तो हुंति निरीहा तं तेसिं चरियमच्छरियं ॥१७९९॥

भणिओ य साहगो जक्खिणीए आइससु जं मए कज्जं ।
 सो भणइ ताव चिट्ठउ कायव्वं कहरु मह एयं ॥१८००॥
 तुमए किमेत्तिएण वि कालेण न दंसणं पि मह दिण्णं ।
 कुमरस्स पुण किलेसं विणा वि एवं तुमं सिद्धा ? ॥१८०१॥
 अक्खेइ जक्खिणी निच्छिओ खु एसो सिरं पि होमेज्जा ।
 तईयाए वाराए इमस्स सिज्झीज्ज जइ नाहं ॥१८०२॥
 अह साहगो वि चिंतइ महाणुभावो इमो महासत्तो ।
 जइ वि न किं पि अवेक्खइ स-भत्ति-पयडण-कए तह वि ॥१८०३॥
 कोउगमित्त-फलं देमि खवपरिवत्तिणिं महाविज्जं ।
 तो तस्स सबहुमाणं तेण सा सद्धिउं दिण्णा ॥१८०४॥
 तेणावि माणणिज्जा जणाण एवंविहं ति पडिवण्णा ।
 अह मयणमंजरीए तम्मि दिणे रोहिणी तुहा ॥१८०५॥
 तो रोहिणीए तीसे वसुतेओ दंसिओ सुविणयम्मि ।
 भणियं च तीए भदे तुह होही एस भत्तारो ॥१८०६॥
 वसुतेयस्स वि कुमरस्स दंसिया मयणमंजरी सुविणे ।
 भणियं च तीए- एसा भविरस्सए तुज्झ घरिणित्ति ॥१८०७॥
 दोण्हं पि साहियाइं ठाण-कुलाईणि ताण देवीए ।
 एसो य पच्चओ जं कयवय-दियहेहिं एहिंति ॥१८०८॥
 तुह रायपुत्ति ! वरगा इमस्स पिउ-पेसिया पहाण-नरा ।
 एहिंति दायगा तुह इमीए पिउ-पेसिया कुमर ॥१८०९॥
 आरोग्गोदग्ग-जलनिहि-समुत्थ-मुत्ताहलोह-निम्माया ।
 दिब्बा य देवयाए तीए एक्कावली एक्का ॥१८१०॥
 संलत्तं च इमीए ति सत्त-वाराहिवासिय-जलेण ।
 सत्थाइ-पहारा तक्खणेण रुज्झंति अहिसित्ता ॥१८११॥
 तुम्हे दुवे वि मोत्तुं न य परिभोगोचिया परस्स इमा ।
 इय जंपिउण पत्ता अंदसणं रोहिणी देवी ॥१८१२॥
 गोसम्मि विउद्धा मयणमंजरी नियइ निय-करे तुहा ।
 मोत्तियमालं गलियं व रिक्खमालं नहयलाओ ॥१८१३॥

वसुतेय-कुमर-घरिणि ति मन्नए सहलमत्तणो जम्मं ।
 साहियमिमीय सव्वं सवित्थरं निय-वयंसीणं ॥१८१४॥
 ताहिं पि जणणि-जणयाण साहियं ते वि हरिसिया हियए
 तेहिं पेसिया तीए दायगा निय-पहाणनरा ॥१८१५॥
 वसुतेय-पिउ-जणेण य इमीए वरगा तहेव पट्टविया ।
 एगेहिं सबहुमाणं दिण्णा अवरेहिं पडिवण्णा ॥१८१६॥
 मुणिओ इमो वइयरो मंगलराएण मयण-विहुरेण ।
 गच्छंति गिण्हिस्सं ति चिंतिउं सज्जिया धाडी ॥१८१७॥
 अह सा विच्छट्ठेणं परिणयणत्थं पिउहिं पट्टविया ।
 देव्व-वसेणं पत्ता मंगलरायस्स धाडीए ॥१८१८॥
 काउण रणं अविभाविउण निय-जोग्गयं इमा बाला ।
 गहिया मंगलराएण रयणमाल व्व काएण ॥१८१९॥
 सो वच्चंतो आसमपयम्मि आवासिओ तओ तत्थ ।
 दट्ठण तावसिं मयणमंजरी रहसि नेउण ॥१८२०॥
 नमिउं निय-वुत्तंतं कहिउं अब्भत्थिउण रोवंती ।
 एक्कावलिं सद्धुक्खं समप्पए तावसी-हत्थे ॥१८२१॥
 भणियं च तीए उचियस्स एयमप्पेज्जसु ति सप्पणयं ।
 उवरोहसीलयाए पडिच्छिया तावसीए इमा ॥१८२२॥
 वोलीणं तं दियहं अह बीय-दिणम्मि देव्व-जोगेण ।
 तुरगेणं अवहरिओ समागओ तत्थ वसुतेओ ॥१८२३॥
 दिट्ठो य तावसीए महाणुभावो ति लक्खिओ एसो ।
 विहिया गुरु-पडिवती उचिओ एगावलीए ति ॥१८२४॥
 उवणीया तरसेसा पडिच्छिया तेण पुच्छिया य इमा ।
 कत्तो एस ति सद्धुक्खमक्खिओ वइयरो तीए ॥१८२५॥
 तं सोउं वसुतेओ अहो असच्चरियमेयमेयस्स ।
 कुविओ राढाहिब-नंदणस्स लग्गोऽणुमग्गेण ॥१८२६॥
 सो मिलिओ अडवीए चिंतियमेएण ताव पेच्छामि ।
 राय-सुयाए चित्तं तओ करिस्सं जहाजोत्तं ॥१८२७॥

खवपरिवत्तिणीए विज्जाए वामणो इमो जाओ ।
 कुड्डावणो ति दासीहिं दंसिओ रायकब्बाए ॥१८२८॥
 पुव्वभवब्भास-समुल्लसंत-हरिसाए पुच्छिओ तीए ।
 कत्तो तुमं ति तेण वि भणियं सागेय-नयराओ ॥१८२९॥
 ससुरकुलाओ पत्तो ति हरिसिया मयणमंजरी चित्ते ।
 पुणरवि वाहिज्जइ दइय-विरह-संताव-पसरेणं ॥१८३०॥
 भणिया य तेण किं रायपुत्ति ! लक्खिज्जसे विसण्ण व्व ।
 दीहं नीससिऊणं पयंपियं रायकब्बाए ॥१८३१॥
 मज्झा विसायकहाए अलं महाभाग ! मंदभग्गाए ।
 तो बाह-दुदिण-मुही सगग्गटा इति संजाया ॥१८३२॥
 वामणगेणं चित्तिमस विसाओ इमीए मज्झा कए ।
 वामणत्तणेण कामस्स तह वि जंपियमिणं तेण ॥१८३३॥
 मा वच्च विसायं रायपुत्ति ! तुह वइयरो मए निसुओ ।
 वसुतेयस्स तुमं जं दिब्बा तुह जणणि-जणएहिं ॥१८३४॥
 मंगलराएणं पुण अवहरिया अंतरा पहे जंती ।
 जुत्तं इमं पि मन्ने इमो न सामन्न-पुरिसो ति ॥१८३५॥
 निरुवायमिणं कज्जं च एवमिमिणा अवस्स होयव्वं ।
 सुव्वइ पुराण-कहासु एवमित्थीण परिणयणं ॥१८३६॥
 किं च मए वसुतेओ दिट्ठो सुंदरयरो इमो तत्तो ।
 ता सुंदरतर-लाभो न विसायकरो विवेगीण ॥१८३७॥
 इय चित्तिऊण वच्चसु हरिसं ति पयंपिरम्मि वामणगे ।
 रोस-फुरियाहरा मयणमंजरी जंपए एवं ॥१८३८॥
 सागेयाओ तुममागओ ति तह वामणंगधारि ति ।
 कन्न-कडुयं पि सुव्वइ तुज्झ मए एत्तियं वयणं ॥१८३९॥
 जं च न सामन्न-नरो मंगलराओ ति सच्चमेयं ति ।
 किं सामन्न-नरो वि हु पयट्टए इय अणायारे ॥१८४०॥
 कहं व निरुवायमेयं निमेष-मित्तेण जं चइज्जंति ।
 पाणा तणं व ता कहमवस्समेवं इमं होइ ॥१८४१॥

भणियत्थविवज्जारो वि किं न सुव्वइ चिरंतण-कहासु ।
 न य दिट्ठो वसुतेओ तुमए मयणो व्व रूवेण ॥१८४२॥
 तो मंगलरायमिमं तत्तो सुंदरयरं तुमं भणसि ।
 कणगाओ मणहरं रीरियं पि जइ भणसि ता भणसु ॥१८४३॥
 ता भणिण अलं ते अत्था वि य मणहरत्तणं वयसु ।
 वसुतेएणं चित्तियमहो मणं मे पिययमाए ॥१८४४॥
 ता किं कहेमि अप्पाणमहव एयं न जुज्जए जम्हा ।
 एगागि ति इमीए होइ दुहं थी-सहावेण ॥१८४५॥
 इय चित्तिऊण भणियं-सुयणु ! मए लक्खियं न तुह चित्तं ।
 मरिसेउ सुंदरी ता सिज्झाउ तुह वंछियं कज्जं ॥१८४६॥
 अहवा समीहियं आगिईइ एयाइ सिज्झाए चेव ।
 एत्तो य साहणं साहणं ति तुमुलो समुच्छलिओ ॥१८४७॥
 एगेण पुच्छियं करस संतियं साहियं च अवरेण ।
 वसुतेय-राय-पुत्तरस एयमह चित्तए कुमरो ॥१८४८॥
 पत्ता नंदण-पमुह ति जंपए रायपुत्ति ! भव धीरा ।
 जायं समीहियं हिय-नंदणो आगओ तुज्झ ॥१८४९॥
 अहयं पि तप्पउत्तो तुह-प्पउत्तिं गवेसिउं पत्तो ।
 वच्चांमि ति भणंतो विणिग्गओ वामणो तत्तो ॥१८५०॥
 तो अज्जउत्त-संबंधि-जणो ति विलिया मणम्मि रायसुया ।
 निय-साहणरस मिलिओ वसुतेओ नियय-रूवेण ॥१८५१॥
 कहिओ निय-सुहडाणं नंदण-पमुहाण तेण वुत्तंतो ।
 जंपंति कयंतभइ व्व ते वि कोवुब्भडा एवं ॥१८५२॥
 कुविओ तरस कयंतो जग्गवियं(ओ) तेण केसरी सुत्तो ।
 तेण विसविसम-विसहर-फण-मणिणो वाहिओ हत्थो ॥१८५३॥
 तेणऽप्पा पबल-जलंत-जलण-जालावईए पक्खित्तो ।
 जेणऽम्ह सामि-दईया अवहरिया राय-विवसेण ॥१८५४॥
 ता चलह इमं हंतुं काल-विलंबो न जुज्जए काउं ।
 रोगा खला य खेमं न कुणंति अणुक्खया खिप्पं ॥१८५५॥

कुमरो जंपइ मा होह ऊसुया दप्प-दूसहा सुहडा ।
 पेसिज्जउ पढमं को वि रायनीइ ति से दूओ ॥१८५६॥
 दूयस्स साम-वयणेहिं हेउ-दिहंत-जुति-जुत्तेहिं ।
 कहमवि मंगलराओ जइ बुज्झउ वराओ जा ॥१८५७॥
 मरइ गुलेण वि तरस्स देज्ज को नाम कालकूड-विसं ।
 इय मंतिऊण दूओ मंगलरायस्स पट्टविओ ॥१८५८॥
 तेणावि तत्थ गंतुं मंगलराओ पयंपिओ एवं ।
 वसुतेय-कुमारो रायपुत्त ! आणवइ नेहेण ॥१८५९॥
 मलिणिज्जिइ जेण कुलं कलुसिज्जइ कुंदसुंदरा किंती ।
 कवलिज्जइ गुण-निवहो कुणंति सुविणे वि तं न बुहा ॥१८६०॥
 अविभाविऊण रागंधबुद्धिणा आयइं तए भइ ।
 अवहरिया मज्झ पिआ अप्पिज्जउ नत्थि ते दोसो ॥१८६१॥
 तह सिक्खवेमि अहमवि रते श्चिज्जइ ति जुत्तमिणं ।
 जं पुण विरत्तचित्ते रमइ मणं तं जणो हसइ ॥१८६२॥
 वसुतेए रत्ता मयणमंजरी कमलिणि व्व सूरम्मि ।
 तुज्झ पओसरस्स व संगमं पि पमिलाइ कमलमुही ॥१८६३॥
 न य पडिवन्नं नय-संगयं पि वसुतेय-सासणं तेण ।
 थेवमिणं ति सहरिसो सो दुक्खो कुमर-सेन्नस्स ॥१८६४॥
 थेव-दलेण वि गुरु-विक्खमेण कुमरेण निज्जिउं बद्धो ।
 पबलो वि अरी जम्हा धम्मेण जओ न पावेण ॥१८६५॥
 अह लग्ग-गुरु-पहारं वसुतेयं मयणमंजरी दहुं ।
 गहिया हरिस-विसाएण सायरं साहए एवं ॥१८६६॥
 एत्तो य नाइ-दूरे तवोवणे तावसीइ हत्थम्मि ।
 एगावली मए नाह अप्पिया देवया-दिण्णा ॥१८६७॥
 ता तीइ इमो समओ ति जंपिओ साहिओ पभावो से ।
 भणियं कुमरेण पिए सा मज्झ समप्पिया तीए ॥१८६८॥
 सा तेण दंसिया मयणमंजरीए समप्पिया तह य ।
 पुव्व-कहिओ पओगो कओ य तीए जले खिविउं ॥१८६९॥

रायसुयाए धावी समागया तं जलं गहेउण ।
 कुमरो जंपइ पढमं मंगलरायस्स उवणेहि ॥१८७०॥
 कुमरो महाणुभावो ति चिंतयंतीए तीए उवणीयं ।
 तत्तो मंगलराओ खणेण जाओ पउण-देहो ॥१८७१॥
 अवयारपरे वि परे कुणंति उवयारमुत्तमा नूणं ।
 सुरहेइ चंदण-दुमो परसु-मुहं छिज्जमाणो वि ॥१८७२॥
 तत्तो नंदण-पमुहा सुहडा पउणीकया बल-दुगे वि ।
 तेणं चिय सलिलेणं पच्छा वसुतेय-कुमरो वि ॥१८७३॥
 संपूर्ईउण मुक्खो मंगलराओ इओ य वसुतेओ ।
 घेत्तूण मयणमंजरिमुवागओ एत्थ सागेए ॥१८७४॥
 अह 'गुरुय-विभूर्ईए परिणीया मयणमंजरी तेण ।
 उप्पन्नो वीसंभो संभोएंताण दोणहं पि ॥१८७५॥
 जाओ कमेण पुत्तो तो नत्तुय-वयण-दंसण-कयत्थो ।
 सिरितेओ तं रज्जे ठविउण तवोवणं पत्तो ॥१८७६॥
 जाओ महा-नरिंदो वसुतेओ तेय-तुलिय-दिणनाहो ।
 पणमंत-पउर-पत्थिव-मत्थय-मणि-लीढ-पयवीढो ॥१८७७॥
 अह अन्न-दिणे रन्नो कणगमय-गवक्ख-सन्निसन्नस्स ।
 केसे विवरंतीए देवीए पलोइयं पलीयं ॥१८७८॥
 भणियं च देव दूओ समागओ तो पलोयइ दिसाओ ।
 वसुतेय-महीनाहो ससंभमं तार-तरलच्छो ॥१८७९॥
 तो मयणमंजरीए भणियं बहु-समर-लद्ध-विजओ वि ।
 किं दूय-समागम-सज्झसेण जाओ सि तरलच्छो ॥१८८०॥
 हसिउण भणइ राया नाहं जाओ भएण तरलच्छो ।
 किंतु तुमं जं पिच्छसि अहं न पेच्छामि दूयमिणं ॥१८८१॥
 न य पुव्वमकहिओ को वि मज्झ पासं समुल्लितं लहइ ।
 न य तुज्झ देवि दिट्ठी मह दिट्ठीए विसिद्धयरा ॥१८८२॥
 एएण हेउणा हं कुउहलाउलिय-लोयणो जाओ ।
 सा भणइ नाह नाहं मणुरस्स-दूयं तुह कहेमि ॥१८८३॥

नवरं पलियं दहूण धम्म-दूओ मए समवखाओ ।
 देवीए दावियं पलियमिंदु-किरणुज्जलं रण्णो ॥१८८४॥
 तं दहूण नरिदो हिम-संगम-दहू-कमल-सम-वयणो ।
 झति तरंगिय-नयणो संजाओ बाह-सलिलेण ॥१८८५॥
 तं फुसमाणा चेलंचलेण हसिउण जंपए देवी ।
 जइ लज्जसे जराए तो पडहं देव दावेमि ॥१८८६॥
 जो देवं किल वुड्ढं भणिही तरसंग-निग्गहं काहं ।
 तो भणइ निवो सुंदरि ! जुत्तमिणं निव्विवेयाण ॥१८८७॥
 जम्हा जयम्मि जीवा मूढा वुड्ढत्तणेण लज्जंता ।
 पुण वि तरुणत्त-लुद्धा खिज्जंति रसायण-निमित्तं ॥१८८८॥
 वलि-पलिय-नासहेउं कुणंति तणुमदणोसहाईणि ।
 *चंकम्मंति सलीलं पुरओ तरुणीण तरुण व्व ॥१८८९॥
 पुढा परेण बहुयं पि बिंति ते थेवमत्तणो जम्मं ।
 गयजोव्वणा वि पयडंति उव्वणे जोव्वण-वियारे ॥१८९०॥
 देवि ! मह पुव्व-पुरिसा अदिह-पलिया पलित्त-पूलं व ।
 रज्जं परिहरिउणं परलोय-समुज्जया जाया ॥१८९१॥
 जं पुण पयाण-कम्मं विलंघिउं रज्जमेत्तियं कालं ।
 विहियं मए महंतो तं जाओ मह मणे मच्चू ॥१८९२॥
 ता संपइ पज्जत्तं रज्जेण विवेय-सेल-वज्जेण ।
 परिचत्त-‘सयल-संगो परलोय-हियं करिस्सामि ॥१८९३॥
 इय नरवइ-वयणं मयणमंजरी सवण-दुस्सहं सोउं ।
 परसु-निकत्त-वल्लव व्व धस ति धरणीयले पडिया ॥१८९४॥
 विहिय-सिसिरोवयारा सत्थीभूया पयंपए एवं ।
 जं पलिय-दंसणेणं मए कओ एस परिहासो ॥१८९५॥
 तं नियइ-तुरंगेहिं निय-नयरे सज्जिया मए धाडी ।
 तह नियइ-करेहिं मए अंगारायट्ठणं विहियं ॥१८९६॥
 ता काउण पसायं देव ! इमं मा परिच्चयसु रज्जं ।
 परिहासे वि कए किं जुज्जइ निव्वक्करं काउं ॥१८९७॥

भणइ निवो देवि ! इमम्मि जम्म-जर-मरण-पमुह-दुह-बहुले ।
 मज्झ भवे निंब-दुमे व्व सव्वकट्टए रमइ न मई ॥१८९८॥
 ता वज्जिउण रज्जं परलोय-हियं अवस्स कायव्वं ।
 जं उभय-लोय-सहलं सलहिज्जइ माणुसं जम्मं ॥१८९९॥
 एत्तो य तरस्स पडिबोह-समयमवगच्छिउण चउनाणी ।
 नामेण अमरतेओ समागओ तत्थ आयरिओ ॥१९००॥
 कहिओ पुरोहिणं तो हरिसवसुल्लसंत-रोमंचो ।
 सह मयणमंजरीए तन्नमणत्थं गओ राया ॥१९०१॥
 कहिओ गुरुणा धम्मो गंठि-विभेएण परिणओ ताण ।
 वेरग्गाइसएण य संजाओ चरण-परिणामो ॥१९०२॥
 जिणभवण-संघपूया-पुव्वं ठविउण निय-सुयं रज्जे ।
 देवीए सह पवन्नो राया दिक्खं गुरु-समीवे ॥१९०३॥
 परिवालिय-सामन्नो काउं तिक्खं तवं गओ सग्गं ।
 तह अपरिवडिय-धम्मो नर-सुर-रिद्धीओ भोत्तूण ॥१९०४॥
 अविउत्तो देवीए वसुतेओ सत्तमे मणुय-जम्मे ।
 विहिदाण-धम्मवीय-प्पभावओ सिद्धिमणुपत्तो ॥१९०५॥
 सीलजुयाणं दाणं दितो जो पालए सयं सीलं ।
 तेणं सोहग्गोवरि संपत्ता मंजरी नूणं ॥१९०६॥
 जलणो वि जलं जलही वि गोप्पयं पव्वओ वि समभूमी ।
 भुयगो वि कुसुममाला विसं पि अमयं सुसीलाण ॥१९०७॥
 तियसा वि सीलकलियं नमंति भिक्खायरं पि भत्तीए ।
 निय-सेवया वि वसुहाहिवं पि मुंचंति चूयसीलं ॥१९०८॥
 सलहिज्जंति जणेहिं विसुद्धसीला मया वि आचंदं ।
 गरहिज्जंति पुणो सीलवज्जिया जीवमाणा वि ॥१९०९॥
 विप्फुरइ ताण कित्ती लहंति ते सग्ग-मोक्ख-सोक्खाइं ।
 सीलं ससंक-विमलं जे सीलवइ व्व पालंति ॥१९१०॥

तहाहि-

[३. शीले शीलवती-कथा]

अत्थि इहेव जंबुदीवे दीवे भारहे वासे वासवपुरं व विबुह-जणाणं दणं नंदणपुरं नयरं, तत्थ दरियारि-करि-कुंभत्थल-दलण-समुच्छलिय-मुत्ताहलच्चिय-रणंगणो अरिमइणो राया, तत्थ दया-दाण-दक्खिन्नाइ-गुण-रयण-रयणायरो रयणायरो सेट्ठी ।

तरस्स निय-सरीर-सुंदेर-गुण-विणिज्जिय-सिरी जयसिरी भारिया । ताणं च पुब्बभवोवज्जिय-पुब्बपब्भार-पाउब्भवंत-सयल-समीहियत्थाणं पंचप्पयारं विसय-सुहमणुहवंताणं वच्चंति वासरा, केवलं निरवच्चतण-दुहं दूमेइ मणं सेट्ठिणो ।

अन्नया भणिओ भज्जाए- अज्जउत्त ! अत्थि एत्थेव नयरुज्जाणे अजियजिणिंद-मंदिर-द्वारदेसे अजियबला देवया । सा य अपुत्ताण पुत्तं, अविताण वित्तं, अरज्जाणं रज्जं, अविज्जाण विज्जं, असोक्खाण सोक्खं, अचक्खूण चक्खुं, सरोयाण रोयक्खयं देइ खिप्पं । किं बहुणा ? जं जरस्स समीहियं तं तरस्स वियरइ, तो तुमं पि किमेवमुव्वेयमुव्वहसि ? कुणसु तीए उवाईयं जेण चित्तियत्थ-सिद्धी होइ । सेट्ठिणा भणियं-पिए ! सुहु सुमरावियं तए । तओ सो ण्हाय-विलित्तो सेय-दुकूल-निवसणो सपरियणो पूओवगरणं गहाय गओ जिण-भवणं, कया अजियसामिणो पडिमाए घण-घुसिण-घणसार-सिरिखंड-कत्थूरिया-अगुरु-कुसुमाईहिं ण्हवणच्चणाइ-महिमा । समागओ अजियबलाए अग्गओ सेट्ठी । तं च तहेव अच्चिउण भणियमणेण-भयवइ ! जइ तुह पसाएण मह पुत्तो भविस्सइ ता अहं जिणधम्मपरो ते महंत-भत्तिं करिस्सं । तुह संतियं च नामं पुत्तरस्स दाहामि ति । तप्पभिइं च पाउब्भूओ गब्भो धरिणीए । जाओ कालक्कमेण पुत्तो । कयं वद्धावणयं । पुब्बे य मासे कया महया विच्छइणं जिणभवणे जत्ता । अजियजिणस्स अजियबलाए य चलणाणं पुरओ 'मोत्तूण पुत्तं तरस्स कयं अजियसेणो ति नामं । तप्पभिइं च जाओ जिणधम्म-परायणो सेट्ठी । सह जणय-मणोरहेहिं वुट्ठिमुवागओ अजियसेणो । सो य सिक्खिय-कला-कलावो लावन्न-लच्छि-संपन्नं पवन्नो तारुन्नं । तरस्स य सयल-जणब्भहियं रूवाइ-गुणगणं पिच्छिउण चित्तियं 'सेट्ठिणा-जइ एस मह नंदणो निय-गुणाणुरुवं कलत्तं न लहइ, ता इमस्स अकयत्था गुणा । जओ-

सामी अविसेसबू अविणीओ परियणो परवसत्तं ।

भज्जा य अणणुखवा चत्तारि मणस्स सल्लाई ॥१९११॥

एवं चिंतयंतरस्स तरस्स समागओ एगो वाणिउत्तो । पणमिऊण निविट्ठो समीवे । पुट्ठो य सेट्ठिणा ववहार-सख्वं । कहियं च तेण सख्वं । अन्नं च, तुज्झा आएसेण गओ हं कयंगलाए नयरीए, पयट्ठो ववहरित्तं । जाओ जिणदत्त-^{१२}सेट्ठिणा ववहारो । अन्नया निमंतिओ हं भोयणत्थं, तेण गओ तग्गेहं । दिट्ठा य तत्थ चंदकंतेण वयणेण पउमराएहिं हत्थेहिं पाएहिं य पवालेणं रिरिणं दिप्पमाण-हिरण्णएणं नियंबेणं सुवन्नेणं अंगेणं मयण-महाराय-भंडार-मंजूस व्व संचारिणी एगा कन्नगा । पुट्ठो य मए सेट्ठी- का एस ? ति । सेट्ठिणा भणियं- भद्द ! मह धूया-मिसेण मुत्तिमई एसा चिंता । जओ-

किं लहं लहिही वरं पिययमा किं तरस्स संपज्जिही,

किं लोयं ससुराईयं निय-गुणग्गामेण रंजिस्सए ।

किं सीलं परिपालिही पसविही किं पुत्तमेवं धुवं,

चिंता मुत्तिमई पिउण भवणे संवड्ढए कन्नगा ॥१९१२॥

एसा य सरीर-सुंदरिम-दलिय-देवरमणी-मडप्फरा, सहावओ गुणप्पिया पियाला विणीया, नीयजण-संसग्ग-रहिया, हियाहिय-वियार-कुसला, सलाहणिज्ज-सीला सीलमइ ति गुणनिप्पन्न-नामा । बालत्तणओ वि पुव्वकय-सुकय-वसेण सउणरूय-पज्जवसाणाहिं कलाहिं सहीहिं च पडिवन्ना । इमीए य अणुखवं वरमलहंतस्स मे अच्छंतं चिंता वियंभइ । अओ मए एसा वि चिंत ति वुत्ता । मए भणियं-सेट्ठि ! मा संतप्प । अत्थि नंदणपुरे रयणायर-सेट्ठिणो विसिद्ध-रूवाइ-गुणगणेण लोउत्तरो ति विस्सुओ [सुओ] अजियसेणो । सो य तुह धूयाए अणुखवो वरो ति । जिणदत्तेण वुत्तं- भद्द ! तुमए महामहंत-चिंता-समुद्द-निमग्गस्स पवर-वरोवएस-बोहित्थेण नित्थारो कओ । ता तुमं चेव पमाणं । ति भणंतेण तेण अजियसेणस्स सीलमइं दाउं पेसिओ जिणसेहरो पुत्तो मए समं, सो य इहागओ चिह्णइ । ता जहाजुत्तमाइसउ सेट्ठी । सेट्ठिणा वुत्तं-जिणदत्तो व्व तुमए अहं पि चिंता-समुद्दाओ नित्थारिओ । ता हक्कारेसु जिणसेहरं । तेणावि आणिओ एसो । सगोरवं दिन्ना अणेण अजियसेणस्स सीलमई । अजियसेणेणावि तेणेव सह

गंतूण कयंगलाए परिणीया सीलमई । घेतूण तं आगओ स-नयरं ।
भुजए भोए । अइकंतो कीइ कालो । कयाइ मज्झ-रत्ते घडं घेतूण
गिहाओ निग्गहा सीलमई । केत्तिय वेलाए आगया दिट्ठा ससुरेण ।
चित्तियं- नूणं एसा कुसीला । पभाए गिहिणीए समवखं भणिओ रहसि
पुत्तो- वच्छ ! तुहेसा घरिणी कुसीला, जओ, अज्ज मज्झ-रत्ते निग्गंतूण
कत्थइ गया आसि । ता एसा न जुज्जाए गिहे धरिउं । जओ-

घण-रस-वसओ उम्मग्ग-गामिणी भग्ग-गुण-दुमा कलुसा ।
महिला दो वि कुलाइं कूलाइं नइ व्व पाडेइ ॥१९१३॥

ता पराणेमि एयं पिईहरं । पुत्तेण वुत्तं-ताय ! जं जुत्तं तं करेसु ।
भणिया वहुया । आगया सीलमई । 'भदे ! सिग्घं पेसेज्जसु' ति तुह
जणय-संदेसओ । ता पहाए चलसु जेण तुमं सयं पराणेमि । सा वि
रयणि-निग्गमणेण ममं कुसीलं संकमाणो एवमाइसइ ससुरो, पेच्छामि
ताव एयं पि ति चित्तिउण चलिया रहाखडेण सेट्ठिणा समं । वच्चंताणि
ताणि पत्ताणि नईए । सेट्ठिणा वुत्तं-वच्छे ! पाणहाओ मुत्तूण नइं
ओयरसु । तीए न मुक्खाओ ताओ । सेट्ठिणा 'अविणीय' ति चित्तियं ।
अग्गओ गच्छंतेहिं दिट्ठं पढम-वत्ता-पइन्नं अच्चंत-फलियं मुग्ग-खेत्तं ।
सेट्ठिणा भणियं-अहो ! फलियं मुग्ग-खेत्तं । सव्व-संपया खेतसामिणो ।
तीए भणियं-एवमेयं जइ न खद्धं ति । सेट्ठिणा चित्तियं-अवखयं
पेक्खंती वि खद्धं ति अवखइ । अओ असंबद्ध-प्पलाविणी । गयाइं एगं
रिद्धित्थिमिय-पमुईय-जण-संकुलं नगरं । 'सेट्ठिणा भणियं-अहो
रम्मत्तणमिमरस ॥ तीए भणियं-जइ न उव्वसं ति । सेट्ठिणा चित्तियं-
उल्लुंठभासिणी इमा । गयाइं अग्गओ, दिट्ठो आगच्छंतो
परुदाणेगप्पहारो पहरणकरो कुलपुत्तओ । सेट्ठिणा वुत्तं-अहो ! सूरु एस
पुरिसो । तीए भणियं-अत्थि ताव कुट्ठिओ । सेट्ठिणा चित्तियं-किं न सूरु
सो जो सत्थेहिं कुट्ठिज्जइ ? परं अजुत्तजंपिरी इमा । गयाइं अग्गओ ।
नग्गोह-तले वीसंतो सेट्ठी । इअरी उण नग्गोह-छायं छड्डिउण ठिया
दूरे । सेट्ठिणा भणियं-अच्छसु छायाए । न तत्थ द्विया । सेट्ठिणा
चित्तियं-सव्वहा विवरीय ति । 'पत्ताइं य गाममेगं । वहुए वुत्तो सेट्ठी-
एत्थ मे माउलगी चिट्ठइ । तं जाव पेच्छामि ताव तुब्भे पडिवालह ति ।
गया मज्झे, दिट्ठा माउलगेण । ससंभमं भणिया-वच्छे ! कत्तो तुमं ?

तीए भणियं-ससुराओ ससुरेण समं पत्थियमिहि । तेण भणियं-कत्थ ते ससुरो ? तीए वुत्तं-बाहिं चिट्ठइ । गओ तत्थ माउलगो । हक्कारिओ सायरं सेट्ठी । स-कसाओ ति अणिच्छंतो वि नीओ गरुय-निब्बंथेण गेहं । भोयणं काउण आगओ बाहिं । मज्झान्न-समओ ति वीसमिओ रहब्भंतरे । सीलमई वि निसन्ना रहच्छायाए । एत्थंतरे करीरत्थंभावलंबी पुणो पुणो वासए वायसो । भणियं णाए-अरे काय ! किं न थक्कसि करयरंतो ?

एक्के दुब्बय जे कया तिहि नीहरिय घरस्स ।

बिज्जा दुब्बय जइ करउं तो न मिलउं पियरस्स" ॥१९१४॥

सुयमिणं सिट्ठिणा । भणिया सा- वच्छे ! किमेवं जंपसि ? वहुए भणियं- न किंचि । सिट्ठिणा भणियं- कहं न किंचि ? वायसमुट्ठिसिउण एक्के दुब्बय ति जं पढियं तं साभिप्पायं । वहुए वुत्तं- जइ एवं, ता सुणउ ताओ-

सोरब्भगुणेणं छेय-घरसणाईणि चंदणं लहइ ।

रागगुणेणं पावइ खंडण-कदणाइ मंजिह्वा ॥१९१५॥

तियसेहिं तोयरासी महिओ रयणायरत्तण-गुणेण ।

जं पुण गुणेण कीरस्स कीरए पंजरे क्खेवो ॥१९१६॥

कणगमदब्भत्त-गुणेण खिप्पए पावयमि पुणरुत्तं ।

रमणीअत्त-गुणेणं विंदइ मुत्ताहलं वेहं ॥१९१७॥

एवं ममावि गुणो सत्तू संजाओ, जओ, सयल-कला-सिरोमणि-भूअं सउणखयं अहं मुणेमि । तओ अइक्कंत-दिण रयणीए सिवाए रसंतीए साहियं जहा- नईए पूरेण वुज्झमाणं मडयं कट्ठिउण सयं आहरणाणि गिण्हसु, मम भवखं तं खिवसु । इमं सोउण गयाहं घेत्तूण घडगं, तं च हियए दाउण पविट्ठा नई, कट्ठियं मडयं, गहियाणि आहरणाणि, खित्तं सवं सिवाए, आगया गिहं, आभरणाणि घडए खिविउण निक्खयाणि खोणीए । एवं एक्क-दुब्बयस्स पभावेण समागया एतियं भूमिं, संपयं तु वासंतो वायसो कहइ जहा-एयरस्स करीरत्थंबरस्स हेट्ठा दस सुवन्न-लक्खप्पमाणं निहाणमत्थि । तं घेत्तूण मम करंबय-घडं देसु ति । इमं सोउण सहसा समुट्ठिओ सेट्ठी । भणइ- वच्छे ! सच्चमेयं ? वहुए जंपियं-किं अलियं जंपिज्जाए तायपायाणं पुरओ ?

अहवा हत्थत्थे कंकणे किं दप्पणेणं ? ति निहालेउ ताओ । तओ ठिओ तत्थेव सेही । गहियं निहाणं रयणीए । अहो मुत्तिमंती इमा लच्छि ति जायबहुमाणो आरोविउण वहुं रहे नियत्तो सेही । पत्तो नग्गोहं । पुच्छिया वहु—किं न तुमं इमस्स छायाए ठिया ? वहुए अविखियं—रुवख-मूले अहिदंसाइ-भयं, विरामणे चोराइ-भयं, हेढओ कागबगाइ-विट्ठा-पडण-भयं । दूरद्वियाणं तु न सव्वमेयं । पुणो पुढं सेट्ठिणा सूरमुट्ठिस्स-अत्थि ताव कुट्ठिओ ति तए जंपियस्स को परमत्थो ? तीए वुत्तं— न हि कुट्ठिओ ति सूरु किंतु पढमं जो न पहरइ । नगरं दट्ठण सेट्ठिणा वुत्तं— कहमेयमुव्वसं ? ति । तीए वुत्तं—जत्थ नत्थि सयणो सागय-पडिवत्तिकारओ तं कहं वसिमं । खेत्तं दट्ठण पुढं सेट्ठिणा— कहमेयं खद्धं ? ति । तीए वुत्तं— ववहरगाओ दव्वं वुट्ठीए कट्ठिउण खेत्त-सामिणा खद्धं ति खद्धं । नइं दट्ठण भणियं सेट्ठिणा—किं तए नईए पाणहाओ न मुक्काओ ? । तीए जंपियं—जल-मज्झे कील-कंटगाइन्ने न दीसइ ति । समागओ गिहं सिट्ठी । दंसियाइ तीए महि-निहित-घडगाभरणाइं । तुट्ठेण सिट्ठिणा घरिणीए सुयस्स य सव्वमाविक्खिउण कया घरसामिणी ।

अन्नया खणभंगुरत्तणेण सव्वभावाणं पइसमइ दिसरारुत्तणेण आउकम्मुणो, अनिवारिअ-पसरत्तणेणं कयंतरस्स कय-सव्व-सत्त-वखामणो पंच-नमोक्कारपरो पंचत्तमुव्वगओ सेट्ठी । सिरी वि तव्विओग-सोग-संगलंत-बाह-पज्जाउलच्छी, तुच्छ-जले मच्छलिय व्व भववासे रइं अलहंती, पवन्न-तिव्व-तव-विसेस-सोसिय-तणू पत्ता परलोयं । अजियसेणो वि अम्मा-पिऊ-मरण-दूसिय-मणो ताण परलोय-किच्चं काउण सविसेस-जिणधम्मपरो जाओ ।

अह अरिमइण-नरिंदो अत्थाण-मंडवीवगओ एगूणपंचसयाणं मंतीणं पहाणभूयं मंतिं मग्गमाणो नायरए, पत्तेयं पुच्छइ— भो ! भो ! जो ममं पाएण पहणइ तरस्स किं कीरइ ? ति । ते वि अविज्जाय-परमत्था जंपंति-देव ! किन्न सारीरो निग्गहो कीरइ ? पुट्ठो य अजियसेणो । तेण वुत्तं—परिभाविउण कहिरसं । गिहमागतूण राय-पसिणुत्तरं पुट्ठा सीलमई । तीए चउव्विह-बुद्धि-संपन्नाए भणियं जहा-तरस्स माणुसरस्स महंतो सक्कारो कीरइ । भत्तुणा पुढं—कहमेयं ? । तीए वुत्तं—वल्लहाए विणा नत्थि अन्नस्स 'रायाणं पाएण पहणेमि'ति चिंतिउं जोग्गया, किं

पुण पहरिउं ? । गओ रायसहाए सो । कहियं पुव्वुत्तं । तुट्ठो राया ।
कओ अणेण सव्व-मंतीण सिरोमणी ।

अन्नया तरस्स रायस्स विउत्थिओ सीहरहो पच्चंतो राया । तरस्सोवरि
चलंत-मत्तमयगल-मयजलासार-सित्त-महियलो, तरल-तुरय-
खुरक्खय-खोणि-रेणु-घण-पडलापूरिय-नहंगणो, संचरंत-रहसिहर-
धवल-धयवडाया-बलायापंति-मणहरो, गहिर-वज्जिराउज्ज-गज्जि-
जज्जरिय- बंभंड-भंडोयरो नव-पाउसो व्व चलिओ राया । अजियसेणो
य दिट्ठो सीलमईए चिंताउरो, पुच्छिओ चिंताए कारणं । तेण वुत्तं-गंतव्वं
मए रक्खा समं । तुमं घेत्तूण वच्चंतस्स मे घरं सुब्बं । तहा जइ वि तुमं
अक्खलिय-सीला तह वि एगागिणी गिहे मोत्तूण वच्चंतस्स न मे मण-
निव्वुई । अओ चिंताउरो म्हि । सीलमईए वुत्तं-

जलणो वि होइ सिरिसो रवी वि उग्गमइ पच्छिम-दिसाए ।

मेरु-सिहरं पि कंपइ उच्छल्लइ धरणिवीढं पि ॥१९१८॥

जायइ पवणो वि थिरो मिल्लइ जलही वि नियय-मज्जायं ।

तह वि मह सील-भंगं सक्को वि न सक्कए काउं ॥१९१९॥

तह वि तुमं मण-निव्वुइ-हेउं गिणहसु इमं कुसुममालं ।

मह सील-पभावेण अमिलाण च्चिय इमा ठाही ॥१९२०॥

जइ पुण मिलाइ तो सील-खंडणं निम्मियं ति जंपंती ।

सा खिवइ निय-करेहिं पइणो कंठे कुसुममालं ॥१९२१॥

तो अजियसेण-मंती सीलमइ मंदिरम्मि मुत्तूण ।

निव्वुय-चित्तो चलिओ सह अरिमइण-नरिदेण ॥१९२२॥

अणवरय-पयाणेहिं तम्मि पएसम्मि नरवई पत्तो ।

जत्थ न हवंति कुसुमाइं जाई-सयवत्तियाईणि ॥१९२३॥

दइण कुसुममालं अमिलाणं अजियसेण-कंठम्मि ।

तं भणइ निवो कत्तो तुह अमिलाणा कुसुममाला ॥१९२४॥

अच्छरियं गरुयमिणं "मए गवेसावियाइं सव्वत्थ ।

निय-पुरिसे पट्टविउं तह वि न पत्ताइं कुसुमाइं ॥१९२५॥

जंपइ मंती जा मह पियाइ पत्थाण-वासरे खित्ता ।

स च्चिअ माला न मिलाइ तीए सीलप्पभावेण ॥१९२६॥

तं सोउं नरनाहो १०विम्हिय-हियओ गए अजियसेणे ।

निय-नम्ममंति-मंडलमालवइ वियारसारमिणं ॥१९२७॥

जं अजियसेण-सचिवेण जंपियं तं किमेत्थ संभवइ ? ।

कामंकुरेण वुत्तं कत्तो सीलं महिलियाणं ? ॥१९२८॥

ललियंगएण भणियं सच्चं कामंकुरो भणइ एयं ।

रइकेलिणा पलत्तं देवरस किमित्थ संदेहो ? ॥१९२९॥

भणियमसोगेणं पट्टवेसु मं देव ! जेण सीलमइं ।

वियलिय-सीलं काउं देवरस हरामि संदेहं ॥१९३०॥

तो नरवइणा एसो आइहो अप्पिउण बहु-दव्वं ।

पत्तो य नंदणपुरे सीलवईए गिहासन्ने ॥१९३१॥

गिणहइ गेहं गरुयं कंठ-पधोलंत-पंचमुग्गारो ।

किन्नरगीयाण गुणं गायइ गीयं गवक्ख-गओ ॥१९३२॥

पयडिय-उज्जल-वेसो पलोयए साणुराय-दिट्ठीए ।

निच्चं पयासए चाय-भोग-दुल्ललियमप्पाणं ॥१९३३॥

एवं बहुप्पयारे कुणइ इमो चेट्टिए तओ एसा ।

चित्तइ नूणं मह सील-खलणमिच्छइ इमो काउं ॥१९३४॥

फण-फणि-रयणुक्खणणं व जलण-जालावली-कवलणं व ।

केसरि-केसर-गहणं व दुक्करं तं न मुणइ जडो ॥१९३५॥

पेच्छामि ताव कोउगं ति चित्तिउण पयट्ठा तं पलोइउं । असोगो वि
सिद्धं मे समीहियं ति मन्नंतो पट्टवेइ दूइं ।

भणिया य तीए सीलवई- भदे ! कुसुमं व थेवकाल-मणहरं
जोव्वणं, ता इमं विसय-सुहासेवणेण सहलं काउं जीतं । भत्ता य तुह
रन्ना समं गओ । एसो य सुहओ तुमं पत्थेइ । तीए चित्तियं-सुहओ ति
सुट्ठु हओ वराओ जं एरिसे पावे पयट्ठइ । दूईए भणियं-

पसयच्छि ! पसीयसु मयण-जलण-जाला-कलाव-संततं ।

निययंग-संगमामयरसेण निव्ववसु मम गतं ॥१९३६॥

सीलमईए वुत्तं जुत्तमिणं किंतु परपुरिस-संगो ।

कुल-महिलाण अजुत्तो दव्व-पसंगो व्व साहूण ॥१९३७॥

नवरं इमो वि कीरइ जइ लब्भइ मग्गियं धणं कह वि ।

उच्छिहं पि हु भत्तं भक्खिज्जइ नेह-लोहेण ॥१९३८॥

तीए वुत्तं मग्गसि कित्तिमेत्तं धणं तुमं भदे ? ।

सीलमई जंपइ अद्धलवखमिहिं समप्पेउ ॥१९३९॥

गहिउण अद्ध-लवखं निसाए पंचम-दिणे सयं एउ ।

जेण अपुव्वं वियरेमि रइ-सुहं तरस्स सुहयस्स ॥१९४०॥

तीए कहियमेयं असोगस्स । तेणावि समप्पियं अद्ध-लवखं ।
सीलमईए वि गूढओ अप्प-पच्छन्न-पुरिसेहिं खणाविआ खड्डा । ठाविआ
तीए उवरि वर-वत्थ-पच्छाइआ अवुणिय-खट्टा । पंचम-दिण-स्यणीए
दाउण अद्ध-लवखं आगओ असोगो । निविट्ठो खट्टाए । धस ति
निविडिओ खुड्डाए । सीलमई वि तरस्स दयाए दिणे दिणे देइ दोरबद्ध-
सरावेण भोयणं ।

इओ य मासे पुब्बे अरिमदण-नरिदेण भणिया नम्ममंतिणो-किं
नागओ असोगो ? । तेहिं वुत्तं-न याणीयइ कारणं । रइकेलिणा वुत्तं-
देह ममाएसं जेणाहं साहेमि सिग्घं चेव चित्तिगतं । रज्जा बहुं दव्वं
अप्पिउण विसज्जिओ सो । आगओ नयरे । सो वि लवखं दाउण तहेव
निविट्ठो खट्टाए । 'निविडिओ खड्डाए । एवं ललियंगय-कामंकुरा वि लवखं
लवखं दाउण पडिया खड्डाए । असोग[गाइ सकम्मेण] कमेण चेव
ससोगा चिहंति । अरिमदण-नरिदो वि वसीकाउण सीहरहं समागओ
निय-नयरं । भणिया य सीलमई कामंकुराईहि-

जे अप्पणो परस्स य सत्तिं न मुणंति माणवा मूढा ।

वर-सीलवति जं ते लहंति तं लद्धमहेहि ॥१९४१॥

ता दिहं तुह माहप्पं । सिट्ठा अम्हे । करेहि पसायं । निस्सारेहि
एक्कवारं नरयाओ व्व विसमाओ इमाओ अगडाओ । तीए वुत्तं-एवं
करिस्सं जइ मह वयणं करेह । तेहिं वुत्तं-समाइस जं कायव्वं । तीए
वुत्तं-जयाहं एवं होउ ति भणेमि तया तुब्भेहिं पि एवं होउ ति वत्तव्वं ।
पडिवन्नमणेहिं । तीए वुत्तो मंती-निमंतेहि रायाणं । तेण तहेव कयं ।
आगओ राया । कया पडिवत्ती । तीए य पच्छन्नं कया भोयणाइ
सामग्गी । रज्जा चित्ति-निमंतिओ हं ताव न दीसए भोयणोवक्कमो को
वि । ता किमेयं ? ति । तीए य खड्डाए काउण कुसुमाईहिं पूयं, भो

भो ! रसवई सव्वा वि होउ । तेहिं भणियं—एवं होउ ति । आगया रसवई । रन्ना कयं भोयणं । तओ पुव्व-पउणीकयाइ तंबोल-पुप्फ-विलेवण-वत्थाहरणाइ जाइ च चत्तारि लवखाइ इच्छाइ सव्वं पि होउ ति । तीए य जंपिए खड्डा-गएहिं जंपियं—एवं होउ ति सव्वं दुक्कं । समप्पियं रन्नो । चित्तियं अणेण-अहो ! अउव्वा सिद्धी । जं खड्डा-समुट्ठियं वयणाणंतरेमेव सव्वं संपज्जइ ति विम्हियमणेण पुट्ठा सीलमई-भदे ! किमेयमच्छेरयं ? ति । तीए वुत्तं-देवं ! मह सिद्धा चिट्ठंति चत्तारि जवखा । ते सव्वं संपाडंति । रन्ना वुत्तं-समप्पेहि मे जवखे जेण रसवई-पमुहं ममावि अकिलेसेण संपज्जइ । तीए वुत्तं-देव ! देवस्संतियं चेव सव्वं, तो गिण्ह जवखे । तुट्ठो राया । गओ नियावासं । तीए वि ते चच्चिया चंदणेण अच्चिया कुसुमेहिं, चउसु चुल्लगेसु चत्तारि विविखत्ता सगडेसु आरोविउण वज्जंतेहिं तूरेहिं संझाए नीया रायभवणं । पभाए य अज्ज जवखा भोयणाइ दाहिंति ति निवारिया रन्ना सूअया । राइणो भोयण-समए सयं कुसुमाईहिं पूईउण चुल्लगाइ भणियं—‘रसवई होउ’ । चुल्लग-गएहिं वुत्तं एवं होउ ति । जाव न किंपि होइ, रन्ना विलवख-वयणेण उग्घाडियाइ चुल्लगाइ । दिट्ठा छुहा-सुसियतणेण पणट्ट-मंस-सोणिया फुडोवलविज्जमाण-अट्ठि-संचया पयड-दीसंत-नसाजाला गिरिकंदर-सोयरोयरा ‘खामकवोला मिलाण-लोयणा असंसत्त-सीयवायत्तणेण विच्छाय-कायच्छविणो विसन्न-चित्ता पयाव-चत्ता चत्तारि जणा । अहो ! न हुंति एए जवखा, किंतु रवखस ति भणंतेण भणिओ अणेहिं राया-देव ! न जवखा न रवखसा अम्हे, किंतु कामंकुराइणो तुह वयंसय ति जंपंता पडिया पाएसु । रन्ना वि सम्मं निरुवंतेण उवलविखउण भणिया सविम्हयं-भद्दा ! कहं तुम्हाणं एरिसी अवत्था जाया ? । तेहिं पि कहिओ जहा-वित्तो वुत्तंतो । हक्कारिउण रन्ना ‘अहो ते बुद्धि-कोसल्लं ! अहो ते सील-परिपालण-पयत्तो ! अहो ते विवेयसारया ! अहो ते उभयलीय-भयालोयणप्पहाणय ! ति सलाहिया सीलमई, वुत्तं च अमिलाण-कुसुममाला-दंसणेण पयडं पि ते सील-माहप्पं । असइहंतेण मए चेव इमे पट्टविया, तो न कायव्वो कोवो ति खमाविया । तीए वि धम्मदेसणं काउण पडिबोहिओ राया । राय-नम्मसचिवा य कराविया सव्वे परदार-निवितिं । खमाविया विसेसओ कामंकुराइणो रण्णा य । सक्कारिया सीलमई गया सट्ठाणं ।

अन्नया समागओ गंधगओ व्व कलहेहिं चंदो व्व नवखत्तेहिं
 रायहंसो व्व कलहंसेहिं परिवारिओ पवर-समणेहिं मण पज्जवनाण-
 मुणिय-मणुयाइ-मण-वियप्पणो पणयपाणि-कप्पहुमो दमघोसो
 आयरिओ । गओ तरस्स वंदणत्थं समं सीलमईए अजियसेणो । वंदिऊण
 गुरुं सेस-साहुणो य निविट्ठो उचिय-देसे । भणिया गुरुणा सीलमई-
 भदे ! धन्ना तुमं पुब्बभवब्बभासाओ चेव ते सील-परिपालण-पयत्तो ।
 मंतिणा वुत्तं-भयवं ! कहमेयं ? ति । वागरियं गुरुणा-

कुसउरे नयरे कुसलाणुट्ठाण-लालसो पावकम्म-करणालसो
 सुलसो सावओ । तरस्स विणय-दया-दाण-सील-सद्धाइ-गुणावज्जिय-
 जसा सुजसा भज्जा । ताणं च घरे पयइ-भदओ दुग्गो कम्मयरो ।
 दुग्गिला से घरिणी । कयाइ सुजसाए समं गया दुग्गिला साहुणीणं
 सयासं । कया सुजसाए तत्थ सवित्थरं पुत्थय-पूया पसत्थ-वत्थ-
 कुसुमाईहिं, वंदिया चंदणा पवत्तिणी । कयं उववास-पच्चवखाणं,
 पणमिऊण पुच्छिया दुग्गिलाए पवत्तिणी- भयवइ ! किमज्ज पव्वं ? ।
 भणियं भयवईए- अज्ज सियपंचमी सुयतिहि ति सा जिणमए
 समवखाया । एयाइ नाणपूया तवो य जहसति कायव्वो ।

इह पुत्थयाइं जे वत्थ-गंध-कुसुमच्चएहिं अच्चंति ।

ढोयंति ताण पुरओ नेवज्जं दीवयं दिति ॥१९४२॥

सत्तीए कुणंति तवं ते हुंति विसुद्ध-बुद्धि-संपन्ना ।

सोहग्गाइ-गुणट्ठा सव्वङ्कु-पयं च पाविति ॥१९४३॥

तो दुग्गिलाए वुत्तं धन्ना मह सामिणी इमा सुजसा ।

अत्थि तवे सामत्थं जीसे धम्मत्थमत्थो य ॥१९४४॥

अम्हारिसो उण जणो अधणो तवकरण-सत्तिरहिओ य ।

किं कुणउ मंदभग्गो पवत्तिणीए तओ भणियं ॥१९४५॥

सत्तीए चाग-तवं करेसु सीलं तु अप्पवसमेयं ।

पर-नर-निवित्तिखवं जावज्जीवं तुमं धरसु ॥१९४६॥

अट्ठमि-चउदसीसु य तिहीसु तह निय-पइं पि वज्जेसु ।

एवं कयम्मि भदे ! तुमं पि पाविहिसि कल्लाणं ॥१९४७॥

पडिवन्नमिणं तीए मन्नंतीए कयत्थमप्पाणं ।

गेहंगयाइ कहियं निय-पइणो सो वि तं सोउं ॥१९४८॥

तुहमणो बहुमन्नइ तए फलं जीवियस्स पत्तं ति ।
 भणइ य अओ परमहं काहं परदार-परिहारं ॥१९४९॥
 पव्वतिहीसु इमासु अ विरइस्सं निय-कलत्त-नियमं पि ।
 इय कय-नियमेहिं तेहिं कमेण पत्तं च संमत्तं ॥१९५०॥
 अह दुग्गिला विसेसुल्लसंत-सब्बा सयं तवं काउं ।
 पूएइ पुत्थए सुयतिहिंसु तदियह-वित्तीए ॥१९५१॥
 कालेण दो वि मरिउं सोहम्मे सुरवरत्तणं लहिउं ।
 चईउण दुग्गय-जीवो जाओ सि तुमं अजियसेणो ॥१९५२॥
 एसा य दुग्गिला तुह सीलमई भारिया समुप्पन्ना ।
 नाणाराहणवसओ विसिद्ध-मइभायणं जाया ॥१९५३॥
 तो जाय-जाइसरणेहिं तेहिं भणियं- मुणिंद ! जं तुमए ।
 अक्खायं तं सच्चं तो एवं वागरेइ गुरू ॥१९५४॥
 जइ देसओ वि परिवालियस्स सीलस्स फलमिणं पत्तं ।
 ता कुणह पयत्तं सब्बओ वि परिपालणे तस्स ॥१९५५॥
 तं सब्ब-संग-परिहाररूव-दिक्खाइ होइ गहणेण ।
 तेहिं भणियं- पसायं काउं तं देहि अम्हाणं ॥१९५६॥
 तो दिक्खियाइं दोन्नि वि गुरुणा संवेग-परिगय-मणाइं ।
 पालंति जावजीवं अकलंकं सब्बओ सीलं ॥१९५७॥
 मरिउण बंभलोयं गयाइं भोत्तूण तत्थ दिव्व-सुहं ।
 तत्तो चुयाइं दोन्नि वि निव्वाणपयम्मि पत्ताइं ॥१९५८॥
 जो विमल-सील-पालण-समुज्जओ उज्जमं तवे कुज्जा ।
 सो किं भन्नइ इक्कं सीहो अन्नं व पक्खरिओ ? ॥१९५९॥
 जह कंचणस्स जलणो कुणइ विसुद्धिं मलावहरणेणं ।
 जीवस्स तहेव तवो कम्म-समुच्छेय-करणेण ॥१९६०॥
 कम्माइं भवंतर-संचियाइं तुट्ठंति किं तवेण विणा ? ।
 डज्झंति दवानलमंतरेण किं केणवि वणाइं ? ॥१९६१॥
 अगणिय-तणुपीडेहिं तित्थयरेहिं तवो सयं विहिओ ।
 कहिओ तह तेहिं चिय तित्थयरत्तण-निमित्तमिमो ॥१९६२॥

कुसुमसमाओ तियसिंद-चक्खवट्ठित्ताणइ-रिद्धीओ ।
जाणसु तव-कप्पमहीरुहरस्स सिवसुक्ख-फलयरस्स ॥१९६३॥
जं पुव्वज्जिय-पाव-पव्वय-पवी जं काम-दावानल-
ज्जाला-जाल-जलं जमुग्गकरणग्गामाहि मंतक्खरं ।
जं पच्चूह-समूह-मेह-पवणो जं लद्धि लद्धीलया-
मूलं तम्मि तवम्मि निम्मलमई कुज्जा न को आयरं ? ॥१९६४॥
कयदुक्कओ वि पुव्वं कुणमाणो दुक्करं तयं जीवो ।
पावइ विउल-सुहाइं निब्भग्गो एत्थ दिहंतो ॥१९६५॥
तहा हि-

[४. तपश्चरणे निर्भाग्य-कथा]

अत्थि धायइ-संडे दीवे पुव्व-भरहवखेत्ते अयलग्गामे सीहो
गाम-चिंतओ । तरस्स सिंहला जाया । जाया य इमा^{२२} कयाइ
आवन्नसत्ता । एत्तो य सत्तूहिं वावाइओ गामचिंतओ । ^{२३}अवहडं घरसारं ।
गहियं गो-महिंसाइ धणं । सिंहला वि निद्धणत्तणओ किच्छेण पाणवित्तिं
कुणमाणा पसूया दारयं ।

जं गब्भगए य जणओ इमंमि निहणं गओ सह धणेणं ।
ता एसो निब्भग्गो ति जंपिओ सयल-लोएण ॥१९६६॥
तं चेव तरस्स नामं गयं पसिद्धिं गओ य सो वुट्ठिं ।
मह-दुक्ख-समुदएणं संजाओ अट्ठ-वारिसिओ ॥१९६७॥
अह तरस्स मया माया भिव्खं भमिउं इमो समाढत्तो ।
न य किंपि लहइ कत्थइ तत्तो गामाउ निक्खंतो ॥१९६८॥
पत्तो य देवगामे दिट्ठो दत्तेण जणय-मितेण ।
भणिओ य- मज्झि मेहे चिट्ठसु चारेसु महिसीओ ॥१९६९॥

तओ चारिउं पवत्तो । अन्नया महिसीहिं समं नीओ चोरेहिं दूरं ।
तत्थ बंधिउण अल्लबद्धेण धव-रुक्खेण समं मुक्को अरन्ने । ठिओ
छुहा-तिसा-किलंतो सत्त-रत्तं । भवियव्वया-वसेण चम्मलुद्ध-सियालेण
खद्ध-बद्धबंधणो नियत्तो । भिव्खं भमंतो पत्तो देवग्गामं । कहिओ पेण

चोर-वुत्ततो दत्तस्स । पत्ते पाउसे कराविओ करिसणं, बुद्धि-विरहाओ
 बीयं पि न संपन्नं । सगडं समप्पिऊण पेसिओ कप्पासाणयणत्थं ।
 नियत्तंतस्स दवग्गिणा दड्ढं सगडं । भिक्खं भमंतो पत्तो दत्त-सगासे ।
 अप्पिऊण धणं पेसिओ समुद्दे पवहणेण । फुट्ठं पवहणं । लद्ध-
 फलहखंडो सत्त-रत्तेण तरिऊण समुदं भमंतो पत्तो वग्घउरं नयरं । ठिओ
 रयणीए देवउले । तत्थ रङ्गो वग्घदमणस्स विझउर-सामिणा समरसेणेण
 समं विग्गहो । अओ हेरिओ ति संकमाणेहिं तलारेहिं गहिऊण गुत्तीए
 वूढो । अद्धमासाओ मासाओ वा गासमेत्तं लहंतो ठिओ वरिसमेगं ।
 अच्छंत-छुहा-पीडिओ जाओ निरुस्सासो मओ ति चत्तो मसाणे ।
 सिसिर-पवणोवलद्ध-चेयणेण य दिट्ठं तत्थ करंबय-सरावं ।
 भक्खियमणेण । उट्ठिऊण तओ पलाणो चित्तिउं पवत्तो-

हा हा ! पुव्व-भवेसुं दुक्कम्मं केरिसं मए विहियं ? ।

पावेमि पाववसओ जं वसणुत्तिरिवडिं एवं ॥१९७०॥

गब्भगयस्स वि पढमं जणओ निहणं गओ सह धणेणं ।

तत्तो सिसुत्तणे मह पंचत्तमुवागया जणणी ॥१९७१॥

पिउमित्तेण करुणावसेण जे जे धणज्जणीवाए ।

कारविओ हं सव्वेसु तेसु पत्तोमिहं वसणाई ॥१९७२॥

तुल्ले वि माणुसत्ते तुल्लेसु वि पाणि-पाय-पमुहेसु ।

संपन्न-वंछिय-धणा कुणंति अवेरे वर-विलासे ॥१९७३॥

अहयं पुण कयपावो पावेमि न कत्थई भमंतो वि ।

गासं पि तेण दियहे गमेमि निच्चं छुहाभिहओ ॥१९७४॥

ता इमिणा जम्मेणं नीसेस-दुहाण ठाणभूएण ।

निव्विज्जोहं इण्हि मरामि केणइ उवाएण ॥१९७५॥

इय चित्तिऊण चलिओ तुंगं गिरिमैगसिंगमारुहिउं ।

मरण-कयज्झावसाओ निब्भग्गो निब्भर-विसाओ ॥१९७६॥

एत्थंतरे पवाईओ सुरहि-मारुओ । पढं सुरेहिं गंधोदयं, कयं
 दसद्धवन्न-कुसुमवासं । ताडियाओ गयणे दुंदुहीओ । गज्जियं एगसिंग-
 गिरिणा । किमेयमच्चभुयं ति चित्तयंतो जाव वच्चइ अग्गओ ताव दिट्ठो
 कणय-कमल-निविट्ठो चउव्विह-देवनिकाय परिवुडो धम्मं वागरमाणो

माणदेवो केवली । गओ तरस्स पासे समुल्लसंत-हरिस्सो निवडिओ
चलणोसु । भणिओ भयवया-

दुक्खदुओ सि मरणं वंछसि दुक्खाण खंडण-निमित्तं ।
दुक्खाइं पुव्वकय-कम्म-जोगओ हुंति जीवरस्स ॥१९७७॥
म्मं पुण अक्खवियं छड्डइ परभवगयरस्स वि न पट्ठिं ।
सग्गं गच्छंतेण वि खरेण सह दावणं जाइ ॥१९७८॥
तुमए य पुरा विहियं मुणीण दाणंतराय-करणेण ।
लाभंतराय-कम्मं गासं पि न पावसे तेण ॥१९७९॥

निब्भग्गेण भणियं-भयवं ! कहमेयं ? केवलिणा वुत्तं-भद !
पुव्वखवरद्ध-पुव्वभरहे रहउरे नयरे नरिंद-सुंदरी-वयणारविंद-चंदो
चंदावीडो राया । तरस्स य सयल-कुसत्थ-वासणा-वासियप्पा
अप्पडिहय-पावकम्मेच्छो मिच्छताच्छाईय-विवेओ वेयविहिय-विहि-
निरओ निरयपह-पसुवह-समुज्जओ जयहरो मित्तो । सो कयाइ गओ
उज्जाणं । दिट्ठो तत्थ तेण पंचसय-साहु-परिगओ गओ व्व अक्खलिय-
सुयदाण-पसरौ निज्जिय-वम्मीसरो सूरी । सोवहासं पणमिओ
उवविसिउण भणिओ-'कहसु किंपि'। गुरुणा वुत्तं-

मुह-सरि-पवेस-सुविणोवमाइं दुलहं नरत्तणं लहिउं ।
देव-गुरु-धम्म-पडिवज्जणेण सहलं विहेयव्वं ॥१९८०॥
देवो य वीयराओ अट्ठारस-दोस-वज्जिओ अरहा ।
तं पणमंता पावंति देवपालो व्व कल्लाणं ॥१९८१॥

तहाहि-

जंबुद्वीवे द्वीवे भरहे वासम्मि मज्झिमे खंडे ।
सुरपुर-पराजय-समत्थमत्थि हत्थिणाउरं नयरं ॥१९८२॥
रेहंति य रुक्खाइं मणाइं वयणाइं तह सरीराइं ।
लोयरस्स जत्थ मज्झे उज्जाणाइं न उण बाहिं ॥१९८३॥
तत्थ सीहरहो राया-

जरस्स करवाल-दंडेण खंडिया निवडिया रणमहीए ।
अरि-कुंजर-दंता अंकुर व्व छज्जंति जस-तरुणो ॥१९८४॥

तरस्सऽत्थि माणणिज्जो जिणदत्तो सावओ पवर-सेही ।

नामेण देवपालो तरस्स घरे अत्थि गोपालो ॥१९८५॥

सो जिणदत्तं दहं धम्मपरं किंचि भद्दओ जाओ ।

पंच-परमेहि-मंतं च सिक्खए मुणि-समीवम्मि ॥१९८६॥

अह वित्थारियरंभो निरुंभिओगाढ-गिंभ-सरंभो ।

तडिकय-घण-परिरंभो वियंभिओ पाउसारंभो ॥१९८७॥

जत्थ घण-धूम-संगय-नहंगणो गखय-विज्जुलय-जालो ।

खज्जोय-फुलिंग-जुओ पहिय-दुमे दहइ मयण-दवो ॥१९८८॥

जत्थ लहिऊण उदयं पाडति तड्डुमे गिरि-नईओ ।

दूमंति कन्न नीया वित्थरिया महिहरेहितो ॥१९८९॥

तम्मि पाउसे गावी-चारणत्थं गओ गोवालो गिरि-निगुंजे । दिहं तत्थ नई-पूर-खणिय-खोणी-णिप्पएसे पसरंत-कंति-चुंबण-चउरेहिं व विहुरेहिं अंसत्थल-विलसिरेहिं रेहतं हरिणंकमंडल-मणहरं जुगाइदेवस्स वयणं । तुहेण खणियाइं पासाइं । पयडीकया सव्वंगं पडिमा । काऊण पेढं ठविया तत्थ एसा, उवरिं विरईया कुडी । चितियं च-‘धम्मोहं जस्स मे परवसरस्स सयं देवाहिदेवेण दंसणं दिन्नं । ता मए जावज्जीवं इमं दह्ण पुज्जिऊण य भुत्तव्वं’ । एवं कय-निच्छयस्स अइक्कंतो कोइ कालो । कयाइ वासासु सत्तरत्तं निरंतरं संजाया वुह्ठी । अन्तरा पूरवसेण नई अपारा संपन्ना । देवपालो देवस्सादंसणेण अकय-भोयणो ठिओ सत्त-दिणाइं । अट्टम-दिणे नियत्ते नई-पूरे गंतूण बाहिं देवं दह्ण पुज्जिऊण य पणओ सो । एत्थंतरे गयणंगण-गएण भणिओ जहासन्निहिय-वंतरेण-वच्छ ! तुहोहं तुह इमिणा निच्छएण, ता मग्गसु वरं । गोवालेण वुत्तं-‘देहि मे रज्जं’ । ‘भविस्सइ ।’ति भणिऊण तिरोहिओ वंतरो । गोवालो अणुदिणं देवं पूएइ ।

अन्न-दिणे अपुत्तो राया मओ । पहाणेहिं पंच-दिव्वाइं अहिसित्ताइं । भमंताइं ताइं पत्ताइं तत्थ पहर-दुग-समए गावीसु दुज्झमाणासु जत्थऽविच्छिन्न-वड-विडविच्छायाए पसुत्तो गोवालो । तओ हेसिओ हएण, गलगज्जियं गएण, ढलियं सयं चेव चामरेहिं, उवरिं द्वियं सरय-ससि-सवत्तेण आयवत्तेण, कलसं पलोट्टिऊण हत्थिणा खंधमारोविओ गोवालो । वत्थाहरणेहिं अलंकरिऊण पहाणेहिं पवेसिओ नयरं ।

निवेसिओ पट्टे । कंबल-लट्टि-करंबय-मडक्किया-दंडिखंड-पभिईणि गोदोहियाहिं घेतुं सेट्टिस्स घरम्मि नीयाइं । गोवाल ति काउं न को वि तस्स आणं करेइ । हक्कारिओ अणेण सेट्ठी । सो वि अवन्नाए नागच्छइ । 'केवलं मम गोवालो तुमं' ति पयडणत्थं कंबल-करंब-मडक्किया-दंडिखंडाईणि रयणीए सीहदुवारे सिट्ठिणा तोरणीकयाणि । चिंतियं देवपाल-देवेण-'जेण मे रज्जं दिन्नं तमेव देवं विन्नवेमि'ति गओ जुगाइदेव-पडिमा-पासं । कप्पूरागरु-कुसुमुच्चएहिं अच्चिऊण विन्नवेइ-'भयवं ! जहा तुमए मह महारज्जमेयं दिन्नं तहा आणिरस्सरियं पि देहि, जेण रज्जं थिरी होइ । वंतरेण अंतरिक्ख-ट्टिएण भणियं-'मट्टियमय-मयगलारूढो रायवाडियं करेज्ज । सो य मज्झ प्पभावेण चलिस्सइ,तओ सव्वो वि जणो तुहाणं करेस्सइ ।

एवं सोच्चा तुहो देवपालो समागओ रायभवणे, आणवेइ कुलाले जहा-करेह मे रायवाडिया-जोग्गं उदग्गं मयगलं सिग्घमेव । कओ सो तेहिं । 'मट्टियमय-मयगलारूढो राया रायवाडियं करिस्सइ' ति जाओ जणप्पवाओ । सामंत-मंति-मंडलियाइणो इणमत्थं सुच्चा हसिउं पयट्टा-जो "मट्टियमय-मयगलमारूढो रायवाडियं राया काउं वंछइ सो एस अवितहं चेय" गोवालो । कोउगवसेण बहुओ गामेहिंतो समागओ लोओ, देउल-गोउर-घरसिर-गववख-रुवखेसु आरूढो । जोइसिय-विणिच्छिय-सुह-दिणम्मि कम्मयर-नियर-उविखत्तो सालंगणी-समीवे हत्थी आणाविओ रण्णा । चित्तिओ विचित्त-वन्नएहिं चित्तयर-गणेण, अलंकिओ मणिकयण-भूसणेहिं, सज्जिओ कंचण-गुडारसारीहिं, कओ विचित्त-चिंध-चिंचईओ । अवरे वि सज्जिया कुंजरा । पट्टविया नरिदाईणं पक्खरिया तुरया । सन्नद्धा सुहडा । पउणीकया रहवरा । पडिहारं पेसिऊण हक्कारिओ सेट्ठी । अप्पणो समं कराविओ सिंगारं । अंकुसं घेतूण राया निविट्ठो अग्गासणे पच्छासणे निवेसिओ सेट्ठी ।

एत्थंतरे चलिओ सुवन्न-सेलो व्व जंगमो हत्थी । विहिओ महंत-विम्हयवसेण लोएण जयसद्धो । वज्जंताओज्ज-निनाय-भरिय-भुवणे समग्ग-सिन्न-जुओ ठाणे ठाणे कीरंत-मंगलो निग्गओ राया, पत्तो जुगाइदेवस्स अग्गओ । गयवराओ ओइल्लो, तं अच्चिऊण पणमइ नरिद्ध-सामंत-मंति-जुओ । पुणरवि गयमारूढो ढलंत-सिय-चामरो

धरिय-छत्तो पुर-सुंदरीण तन्हाउरेहिं नयणेहिं पज्जंतो नच्चंत-रमणि-
चक्कं तेणेव कमेण मंदिरं पत्तो । उत्तरिऊण गयाओ जिणदत्तं जंपए
सिद्धिं-‘तुह गोवालेण मए एसो नयरम्मि भामिओ हत्थी । एत्तो परं तुब्भे
खंभे अग्गलह गयमेयं’ । तत्तो सेट्ठी गहिऊण अंकुसं ‘हिज हिज’ ति
वागरइ । एक्कं पि पयं न चलइ । गओ सो विलक्खत्तं ।

दहुं इमं पहारं असंभवं देवपाल-देवरस ।

सव्वे वि निवा आणं वहंति सीसेण कुसुमं व ॥१९९०॥

कणयमयं पासायं जुगाइदेवरस कारिऊण इमो ।

जओ जिणधम्मपरो कालेण मओ गओ सुगइं ॥१९९१॥

•

गुरुणा विणा न सम्मं जाणिज्जइ उभय-भव-हियं कज्जं ।

तम्हा गुरुम्मि गरुओ बहुमाणो होइ कायव्वो ॥१९९२॥

कहियं पि कुणंतो निय-मईए सुद्धो व्व दुक्खमणुहवइ ।

तं चेव कुणंतो गुरु-गिराइ सुहभायणं होइ ॥१९९३॥

जंबुद्दीवे भरहे मज्झिम-खंडे अखंड-गुणपरमं ।

पउमपुरं नामेणं पायालपुरं व तायपयं ॥१९९४॥

तत्थ पउमरहो राया, जरस असि-भिन्न-अरि-करि-कुंभत्थल-
गलिय-मुत्तिय-गणेण बीएण जणिया समर-भूमि-पडिएण कित्तिलया ।
तत्थ पउमं व पउमा-निकेयणं पउमो सेट्ठी । वयण विणिज्जिय-पउमा
पउमसिरी से भज्जा पुव्व-भवारीविय-पुन्न-पायव-फलं विसय-सुहं
भुंजंताण ताण जाओ सुद्धो नाम पुत्तो । समए कय-कलागहणो पत्तो
जोव्वणं । परिणाविओ विसिद्ध-वणिय-धूयं रइ-सरिस-रुवं जणिय-
जण-मणाणंदं णंदं नाम ।

कयाइ परलोय-पह-पत्थिएण पउमेण वुत्तो पुत्तो-‘वच्छ ।
निसामेसु ममोवएसे’ । घेतूण संपुडं निविट्ठो पुरउ पुत्तो । सिद्धिणा वुत्तं-
‘मिहं भुंजियव्वं १ सुहं सोयव्वं २ दिन्नं न मग्गियव्वं ३ भज्जा बंधिऊण
पिट्ठियव्वा ४ दंतेहिं घरस्स वाडी विहेयव्वा ५ गामे मिहं कायव्वं । ६
गंगातलं खणियव्वं ७ पाडलि पुत्ते मम मित्तरस सोमस्स पासे गंतव्वं ८ ।’

सुद्धेण लिहिया इमे अह वि उवएसा । इह-गुरु-देवया-सुमरण-परो
परलोयं गओ सेट्ठी । पउमसिरी वि तव्विओग-सोगाउल-मणा कमेण
गया पंचत्त ।

तओ 'मिहं भुंजियव्वं'ति पढ्मो ताओपएसो तं करेमि ति चिंततो सो
भवखइ दुवख-दलण-दवखाओ दवखाओ, कय-सुदखपूरं खज्जूरं,
अमंद-सुंदेराइं नालेराइं, अमय-विंडबयाइं अंबयाइं, विहिय-हरिस-
तरंगाइं नारंगाइं, मिलिय-सक्करामयलाइं कयलाइं, मण-मोयगे मोयगे,
दिहि-दाण-सज्जाइं खज्जाइं, पीइ-विप्फारण-फुरुक्कियाउ सुरुक्कियाउ,
पमोय-संपाडण-पंडियाउ मंडियाउ, संसार-सारं कंसारं, छुहा-पसर-
खंडए मंडए, घय-सित्त-दालिं कलमसांलिं, अरोयण-संजणाइं वंजणाइं,
घण-सिणेहाणुवेहे पलेहे, विसिद्ध-तित्ति-घडयाइं वडयाइं, महुरिम-
गुणब्भहियाइं कडिय-दुद्ध-दहियाइं । एवं जं जं मिहं तं तं भुंजतेण तेण
पारद्धो रिद्धिव्वओ । 'सुहं सोयव्वं' ति बीयमुवएसं कुणंतेण तेण वुट्ठि-
सीय-घम्मागम्मे हम्मे निम्मविओ^{२४} विउलो कणयमओ पल्लंको ।
खित्ताओ तदुवरिं सोवहाणाओ मत्तहंस-खयतलीओ । सुयइ तासु सेच्छाए
सुद्धो । न चिंतए धणज्जणं । 'दिङ्गं न मग्गियव्वं'ति तईयमुवएसं
कुणंतो सो न मग्गए करस वि पासे पुठव-दिङ्गं । एवं पि तुट्टए दव्वं ।
'भज्जा बंधिऊण पिट्टियव्वा' ति चउत्थमुवएसं कुणंतेण तेण कयाई
कम्मि वि अवराहे कुविण बाल-रज्जूए बंधिऊण नंदा तथा पिट्टिया जहा
मोत्तूण तग्गिहं गया पिईहरं । तव्विरहे सच्छंदो परियणो वि विणासए
दव्वं । 'दंतेहिं घररस वाडी कायव्वं' ति पंचममुवएसं कुणंतेण महग्घे
महंते दंति-दंते किणिऊण कराविया वाडी । एवं पि कओ दव्वव्वओ ।
'गामे गामे घरं कायव्वं' ति छट्ठं उवएसं कुणंतेण पारद्धाइं बहुय-
गामेसु गिहाइं । एवं जाओ दव्वव्वओ । 'गंगातलं खणियव्वं' ति
सत्तमोवएस-करणत्थं अत्थं घेत्तूण गओ गंगातडं, कम्मयरेहिंतो,
खणावियं गंगातडं । जाओ सव्वहा निद्धणो । पत्तो निय-घरं । विमुक्खो
परियणेण । न मन्निज्जइ जणेण । पावए पए पए पराभवं । विसन्नचित्तो
पत्तो पाडलिपुत्ते पिउमित्तस्स सोमस्स पासं । दिट्ठो मित्तेण मलिण-
जिण्ण-वत्थो दुत्थावत्थो सुद्धो । कयप्पणामो ससिणेहमालिं गिऊण
सुहासणत्थो पुच्छिओ-वच्छ ! किमेवं दुग्गओ व्व दीससि ? । सुद्धेण
वुत्तं- 'अहं इमिणा कम्मेण जणओवएसे कुणंतो एयमवत्थं गओ ।'

तेणेव समं समागओ सोमो पउमपुरं । भणिओ सोमेण सुद्धो-‘सच्चं
चेव सुद्धो सि । न याणसि उवएस-परमत्थं, तं पुण कहेमि-देव-गुरु-
चलणच्चणेण अत्थोवज्जणेण य जामदुगं नमिउण जिन्ने पुव्व-भुत्त-
भत्ते उइल्लाए छुहाए अतिहिदाण-पुव्वं सयणेहिं समं जं भुज्जइ तं मिहं’
ति भन्नइ । ‘दुपय-चउप्पयाइ-परिग्गह-सारवणेण दिणायव्वय-
चित्तेणेण देव-गुरु-संभरणेण य जाममेक्कं जग्गिउण जं सुप्पइ तं सुहं
सोयव्वं’ ति वुच्चइ । अब्भहिय-मुल्लं सुवन्नाइ-गहणगं घेतूण परस्स
परिमियं दायव्वं । तओ सो सयं चेव गहिय-दव्वं दाउण अप्पणो
सुवन्नाइ मग्गइ । अओ ‘दिहं न मग्गियव्वंट’ ति सीसइ । महिलाए
पहारो न दायव्वो । अह कह वि कोव-वसेण दिज्जइ ता अवच्च-
बंधणेण बद्धाए चेव दिज्जइ । अन्नहा घरं मोत्तूण सा वच्चइ । एवं
‘भज्जा बंधिउण पिट्टियव्वं’ ति साहिज्जइ । वियसिय-मुहेहिं लोयस्स
उज्जला दंता दंसियव्वा तओ सो जाय-सिणेहो वसणे पत्ते रक्खगो होइ ।
एवं ‘दंतेहिं वाडी कायव्वं’ ति अविखज्जइ । गामे गामे निय-
गुणग्गामेण को वि सयणो कायव्वो जो तत्थ-गयाणं सम्माणं कुणइ ।
एवं ‘गामे गामे घरं कायव्वं’ ति कहिज्जइ । वच्छ ! अत्थि पिउ-
परियण-मज्झाओ को वि ? सुद्धेण वुत्तं-अत्थि थेरी एक्खा । हक्कारिया
सा । पुच्छिया सोमेण । आसि गंग ति नामेण का वि ? । तीए वुत्तं-
आसि सेट्ठिस्स वल्लहा धवला गंगा-तरंग-तरला तुरंगी गंगा नामा ।
पुणो वुत्ता-किं तीए बंधणट्ठाणं ? । थेरीए दंसियं । तं खणावियं
सोमेण । लद्धं सुवण्ण-लक्ख-प्पमाणं निहाणं । जाओ महाधणो
सुद्धो । आणिया साणंदेण नंदा, विसज्जिओ पुज्जिउण उवएस-
परमत्थ-वागरणं गुरु सोमो ।

इहभव-हियत्थ-कहगा वि पुज्जणिज्जा जणस्स हुंति गुरु ।

किं पुण परभव-सुह-हेउ-धम्म-उवएसगा जइणो ॥१९९५॥

जे चत्त-सव्व-संगा पंच-महव्वय-भरुव्वहण-वसहा ।

ते च्चिय मुणिणो गुरुणो न उ सेसा विसय-विवस ति ॥१९९६॥

धम्मो जीवदय च्चिय नर-सुर-सिव-सुक्ख-कारणं भणिओ ।

तं कुणमाणो पावेइ अमरसीहो व्व कल्लाणं ॥१९९७॥

जंबुदीवे भरहे दाहिणभायरस मज्झिमे खंडे ।
 अमरनयरं व रम्मं अमरपुरं अत्थि वर-नयरं ॥१९९८॥
 विलयाउलाइं वित्थिन्न-पत्त-पुन्नाइं पवर-सालाइं ।
 जत्थ भवणाइं मज्झे वणाइं बाहिं विरायंति ॥१९९९॥
 तत्थ सुग्गीवो राया ।
 मेहं व सजलधारं रण-गयण-समुन्नयं तमालनिहं ।
 ददूण जरस खग्गं पलाइयं रायहंसेहि ॥२०००॥
 तरस अन्नन्न-कलत्त-कुक्खि-संभूया दुवे पुत्ता ।
 समरसीहो अमरसीहो य पत्ता दो वि जोव्वणं ॥२००१॥

कयाइ परलोयं गए जणए जेहो ति निविहो समरसीहो रज्जे । सो
 य निक्खरुणो पारद्धि-गिद्धो रज्जकज्जाइं पि अचिंतयंतो चिद्धइ ।
 अमरसीहो उण पाणिदया-परोपरोवयार-निरओ निरयगमण-निबंधणं
 बंधणं पिव पावं परिहरंतो कालं गमेइ । कयाइं तुरय-वाहणत्थं निग्गओ
 नगरबाहिं, तरुच्छायाए वीसमंतो पेच्छए छगलं पुरिसेण निज्जंतं । सो य
 निय-भासाए बुब्बुयइ । कुमारेण करुणाए मोयाविओ । तहावि बुब्बुयंतो
 न थक्कइ । कुमारेण भणिओ पुरिसो-

किं नेसि छगलमेयं ?' सो जंपइ-होइ पसुवहो जन्ने ।
 सग्गफलो तो हंतुं तम्मि इमं. अह भणइ कुमरो- ॥२००२॥
 जइ पसुवहेण सग्गो लब्भइ ता केण गम्माए नरए ।
 न हि हिंसाओ अण्णं गरुयं पावं पयंपंति ॥२००३॥
 एत्थंतरम्मि पत्तो सोम-मुणी तत्थ दिव्वनाण-जुओ ।
 कुमरो भणइ- विवायं एस मुणी छिंदिही अम्ह ॥२००४॥
 भणिओ मुणिणा छगलो-

खड्ड खणाविय सइं छगल सइं आरोविय रुक्ख ।

पइं जि पवत्तिओ जन्नु सइं किं बुब्बुयहि मुरुक्ख ? ! ॥२००५॥

इमं सोच्चा ठिओ तुण्हिक्को छगलो । विम्हिण कुमारेण वुत्तं-भयवं !
 एस छगलो किं तुम्ह पट्ठियमितेण चेव तुण्हिक्को ठिओ ? । साहुणा
 वुत्तं- भइ ! रुद्धसम्मो नाम इमस्स पुरिसस्स पिता आसि । तेण खणावियं

इमं तलायं । पालीए आरोविया रुक्खा । पइवरिसं पवत्तिओ जब्बो, जत्थ
छगलगा वहिज्जंति । सो कालेण मओ । जाओ छगलगो । हणिओ
इमिणा इत्थेव जब्बे । एवं हओ पंचसु भवेसु । छट्ठो पुण इमो भवो ।
संपयं अकामनिज्जराए लहुकय-कम्मो जाईसरो इमं भणइ-पुत्तया ! किं
मारेसि मं ? तुह पियाहं । जइ न पत्तियसि ता करेमि अहिनाणं । दंसेमि
निहाणं । जं मए तुह परोक्खं निक्खयं अत्थि । पुरिसेण वुत्तं- भयवं !
जइ सच्चमेयं ता दंसेउ एसो । जं इमं सुच्चा चलिओ छगलगो^{१०} गओ
गिहब्भंतरं, निहाण-प्पएसं पाएहिं पहणेइ । खणिए लद्धं निहाणं ।
जायपच्चओ पडिवब्बो सम्पत्तं पुरिसो । कुमरेण वुत्तं- भयवं ! जइ सत्थ-
विहियस्स वि पसुवहस्स एरिसो दारुणो परिणामो ता मए कायव्वा
जीवदया । छगलो साहुपासे धम्मं सोच्चा कय-भत्त-पच्चवखाणो मओ
गओ सग्गं । उवगारि ति करेइ कुमरस्स सज्जिज्जं । एवं वच्चए कालो ।

अह जंपइ छगल-सुरो भासुर-मणि-मउड-कुंडलाहरणो ।
रयणीए रायपुत्तं गयणे होऊण पच्चवखो ॥२००६॥

एसो राया'गरुयं जणाणुरायं तुमंमि असहंतो ।
अच्चंत कूरचित्तो चित्तंइ तुह मारणोवाए ॥२००७॥

ता मुत्तुं नयरमिणं संपइ देसंतरं तुमं वच्च ।
समए पुण रज्जमिणं तुमए च्चिय उद्धरेयव्वं ॥२००८॥

इय सुरगिराइ कुमरो विमलेण अमच्च-नंदणेण समं ।
नयराओ निक्खंतो कमेण कुंडिलपुरं पत्तो ॥२००९॥

तम्मि समए महंतं असिवं तत्थऽत्थि तस्स पसमकए ।
^{१०}पुरदेवयाइ पुरओ पसुवहमाणवइ भाणु निवो ॥२०१०॥

तं पारद्धं दट्ठं कुमरो करुणाइ हिंसगे भणइ-
मा हणह इमे, ते बित्ति-'को तुमं वारगो अम्ह ? ॥२०११॥

निव-वयणेण पसुवहं कुणिमो निव-वयणओ य विरमामो' ।
इय भणिऊण पयट्ठा काउं ते पसुवहं पुरिसा ॥२०१२॥

तो थंभिया भुया ताण कुमर-वयणाओ छयल-अमरेण ।
सुच्चा अच्छरियमिणं भाणु निवो तत्थ संपत्तो ॥२०१३॥

दिट्ठो कुमरो अमरो व्व तेण रमणीय-खव-संपन्नो ।

सो वि नमिउं नरिदं जंपइ किमिमे हणिज्जंति ॥२०१४॥

• न हि पसुवहेण असिवं नियत्तए अवि य वट्टए बाढं ।

लोए पलीवणं पिव पलाल-पूलप्पसंगेण ॥२०१५॥

वज्जरइ भाणुराओ-‘नियत्तिही भद ! कहमिणं असिवं ? ।

कुमरो जंपइ-‘एत्तो अवयरिया देवया कहिही ॥२०१६॥

आणाविया कुमारी रत्ता कुमरेण मंडले ठविया ।

सिरिखंड-कुसुम-पमुहेहिं पूईया जंपए एवं ॥२०१७॥

वसइ कमलि कलहंसि जिम्ब जीवदया जसु चित्ति ।

तसु पय-पक्खालण-जलिण होसइ असिव-निवत्ति ॥२०१८॥

अह भाणु निवो जंपइ भद ! मणे वसइ जस्स जीवदया ।

सो कहमिह नायव्वो ? अत्थि उवाओ भणइ कुमरो ॥२०१९॥

दंसणिणो सव्वे वि हु मेलसु तो मेलिया इमे रत्ता ।

‘पुरोभमंतीइ वि अंगणाए सकज्जलं दिट्ठिजुयं न व ति ? ।’

पढियं इमा समस्सा कुमरेण समप्पिया तेसिं ॥२०२०॥

‘चक्खुं चहुट्टं थणमंडलम्मि अणुक्खणं तेण मए न नायं ।’

पुरोभमंतीइ वि अंगणाए सकज्जलं दिट्ठिजुयं न व ति ? ॥२०२१॥

एवं निय-निय-चित्ताणुसारओ जुवइ-वण्णणपरेहिं ।

परत्तिथिएहिं बहुहा कयं समस्साइ पुव्वद्धं ॥२०२२॥

भवियव्वयावसेणं सोममुणी छगल-पुव्वभव-कहगो ।

तत्थाऽऽगओ अणेण वि पुव्वद्धं पूरियं एवं ॥२०२३॥

‘मग्गे तसत्थावर-जंतु-रक्खावक्खित्त-चित्तेण मया न नायं ।

पुरोभमंतीइ वि अंगणाए सकज्जलं दिट्ठिजुयं न व ति ॥२०२४॥

कुमरो भणइ-‘इमेसुं करस मणे फुरइ देव ! जीवदया ? ’ ।

राया जंपइ-जिणमुणिमिणं विमोत्तुं न अन्नेसिं ॥२०२५॥

अन्नेसिं पि इमस्स व मणम्मि जइ विप्फुरिज्ज जीवदया ।

वयणं पि तारिसं होज्ज न उण सिंगाररस-पवरं ॥२०२६॥

तो मुणि-पय-पक्खालण-जलेण अब्भुक्खियं नयरमखिलं ।
 असिवं खलु उवरसंतं राया परिओसमावन्नो ॥२०२७॥

जंपइ कुमरं-‘तुममुत्तमो’ति सामन्नओ जइ वि नायं ।
 तह वि तुह मुणिउमिच्छइ ठाण-कुलप्पमुहमेस जणो ॥२०२८॥

पुर-कुल-पिउ-प्पमुहं कुमर-संतियं कहइ सव्वमवि विमलो ।
 निय-धूयं कणगवइं रन्ना परिणाविओ कुमरो ॥२०२९॥

कुमरस्स कुणइ करि-तुरय-कणय-वत्थाइ-वियरणं राया ।
 इय तत्थ सुहं चिट्ठइ विसयासेवणपरो कुमरो ॥२०३०॥

अह पुरिसा अमरपुराओ आगया तत्थ तेहिं विन्नत्तो ।
 कुमरो तुमम्मि नगराओ निग्गए सो समरसीहो ॥२०३१॥

पारद्धिपरो रज्जं रक्खइ न परेहिं विद्विज्जंतं ।
 कुणइ अणीइं च सयं पयाओ तत्तो विरत्ताओ ॥२०३२॥

तो मिग-हणण-छलेणं पारद्धि-परव्वसो पहाणेहिं ।
 सिलाइएहिं हणिउं नीओ सो झत्ति पंचत्तं ॥२०३३॥

तो तत्थ तुमं गंतूण नियय-रज्जं अणाहमुद्धरसु ।
 इय सोच्चा संचलिओ कुमरो चउरंग-बल-कलिओ ॥२०३४॥

संपत्तो अमरपुरे पट्टम्मि निवेसिओ पहाणेहिं ।
 काऊण चिरं रज्जं जिणधम्मपरो गओ सुगइं ॥२०३५॥

जीवदया-रहिओ इह भवे वि निहणं गओ समरसीहो ।
 तं पुण कुणमाणो मंगलाइं पत्तो अमरसीहो ॥२०३६॥

देव-गुरु-धम्म-कज्जे निजुंजिऊणं छलंति जे लच्छिं ।
 लच्छीहरो व्व सेट्ठी लहंति कल्लाण-लच्छिं ते ॥२०३७॥

अत्थित्थ भरहखेत्ते नयरं लच्छीपुरं बुह-समिद्धं ।
 मुत्तूण जलावारं जलहिं जस्सिं वसइ लच्छी ॥२०३८॥

लच्छिविलासो राया तत्थ पयावानलो तवो जस्स ।
 रिउ-रमणि-नयण-नीरप्पवाह-सित्तो^{११} वि पज्जलइ ॥२०३९॥

તત્થ જિણધમ્મ-નિદ્ધો સિદ્ધી લચ્છીહરો મહાસત્તો ।
 તરસ કમ્મલ ત્તિ ભજ્જા કમ્મલમુહી કમ્મલદલ-નયણા ॥૨૦૪૦॥
 અહ અબ્બયા નિસાએ સિય-વત્થાભરણ-ભૂસિયા નારી ।
 દિઠ્ઠા તેણ પસુત્તેણ પુચ્છિયા-કા તુમં ભદે ? ॥૨૦૪૧॥
 તીએ વુત્તં-‘અહયં તુહ ગિહલચ્છી’ તઓ ભણઈ સેઠ્ઠી ।
 કિમિહાડડગયા સિ ? સા ભણઈ-તુહ ગિહાઓ ગમિસ્સામિ ॥૨૦૪૨॥
 ઇય કહણત્થં સેઠ્ઠી સત્તપહાણો ત્તિ પળ્હિણા હણિંતં ।
 જંપઈ-‘જઈ પચ્છા વિ હુ વચ્ચસિ વચ્ચેસુ તા ઇણ્હિ ॥૨૦૪૩॥
 પુરિસા તે ચ્ચિય વુચ્ચંતિ જે વિરત્તે જણે ન રચ્ચંતિ ।
 તમ્મિ વિ જે અણુરાયં કુણંતિ તેસિં ફુસસુ લીહં ॥૨૦૪૪॥
 તા અબ્બત્થ-ગયા સા પચ્ચૂસે જાવ ઉઠ્ઠિઓ સેઠ્ઠી ।
 નિમ્મવિય-નિચ્ચ-કિચ્ચો વવહારત્થં પલોએઈ ॥૨૦૪૫॥
 ધણ-કણ-કપ્પડ-ચોપ્પડ-કણગ-પ્પમુહં ન પિચ્છે કિંચિ ।
 તત્તો ચિંતઈ એવં જઈ વિ વરાઈ ગયા લચ્છી ॥૨૦૪૬॥
 તહ વિ ગયં મહ સતં ન કિંપિ અઓ કરેમિ વવસાયં ।
 તો પાડિવેસિયાઓ ઉચ્છિન્નં મગ્ગાએ કિંચિ ॥૨૦૪૭॥
 ઘેતૂણ તેણ ધૂવણ-લવણ-પ્પમુહાઈં મત્થાએ પિડગં ।
 કાઠુણ ભમઈ પુર-પાડાસુ કય-વિચ્છય-નિમિત્તં ॥૨૦૪૮॥
 ઉચ્છિન્નમપ્પિયં મેહમાગઓ વિહિય-દેવ-ગુરુ-પુજ્જો ।
 અતિહીણ કિંચિ દાઠં લાભેણં ચિય કુણઈ વિત્તિં ॥૨૦૪૯॥
 ઇય પડિણં કુણંતો તમ્મિ પુરે પડર-લાભ-વિરહાઓ ।
 પિડગં રિરમ્મિ કાઠં હિંડઈ આસણ્ણ-ગામેસુ ॥૨૦૫૦॥
 એવં કાલો વચ્ચઈ સા લચ્છી કિવણ-મંદિરમ્મિ ગયા ।
 સયમણુવભોજ્જમાણા પરસસ કરસસ વિ અદિજ્જંતી ॥૨૦૫૧॥
 યજ્ઞાએ પવિચ્છતા સહમાણા તિવચ્ચ-દુવચ્ચમુવ્વિગ્ગા ।
 ચિંતઈ ચિંતે એવં-‘અહો ! અજુત્તં મએ વિહિયં ॥૨૦૫૨॥
 જં સો મહાણુભાવો મુલ્લો તા સંપયં પિ તરસ ઘરે ।
 વચ્ચામિ કિંતુ સો મહ દાહી નિણ્હુત્તિ ન પવેસં ॥૨૦૫૩॥

ता केणावि उवाएण पुव्वमणुकूलयामि तं गंतुं ।
 तो गामाओ इंतरस्स सेट्ठिणो वडतरुस्स तले ॥२०५४॥
 रमणीय-रमणि-रूवं काउं अइ-सिसिर-सलिल-संपुणं ।
 धरिउं करे करवियं ठिया तओ सिट्ठिणा दिट्ठा ॥२०५५॥
 कावि परित्थी एस ति चिंतिउं वडतरुस्स दूरेण ।
 सेट्ठी गओ तओ सा बीय-दिणे अक्खिमुहं गंतुं ॥२०५६॥
 सिट्ठिं जंपइ सिट्ठी वि वच्चए उत्तरं अदाउण ।
 तईय दिणे पुण गाढं चलणेसु विलग्गिउण ठिया ॥२०५७॥
 सिट्ठी भणइ तुमं का ? सा जंपइ सिट्ठि ! तुज्झा घरलच्छी ।
 तुह गेहमागमिस्सामि भणइ सेट्ठी^{१०} अलं तुमए ॥२०५८॥
 जाइकलियं न इच्छसि कमलग्गं मुयसि अक्खमारुढे ।
 विवरीय-सरुवे लच्छिभमरि तं वंदणेज्जा^{११} सि ॥२०५९॥
 ता मज्झा चलण-जुयलं भदे ! मुत्तूण दूरमोसरसु ।
 लच्छी भणइ परीयसु मह मन्नसु निय-घरागमणं ॥२०६०॥
 गखयस्स तुज्झा जुज्जइ किं काउं पणय-पत्थणा विहला ।
 इय निब्बन्धे विहिए सिट्ठी जंपइ-तुमं चवला ॥२०६१॥
 गंतुं जया समीहसि तए तया वच्छरेण एक्खेण ।
 पुरओ मह कहियव्वं-सिट्ठि ! अहं गंतुकाम ति ॥२०६२॥
 पडिवन्नमिणं लच्छीइ जंपियं सेट्ठिणा वि जइ एवं ।
 ता आगच्छसु भदे ! अहं सेट्ठी आगओ गेहं ॥२०६३॥
 तम्मि दिणे सविसेसं करेइ सिट्ठिस्स गोखं घरिणी ।
 जं कमलच्छी लच्छी पेच्छइ सो पावए पूयं ॥२०६४॥
 निच्चं पि वल्ल-तेल्लाइं असण-दुत्थस्स तुज्झा जोग्गाणि ।
 जा अज्ज मुग्ग-तंदुल-घयाणि आणेमि हट्ठाओ ॥२०६५॥
 ता खाणुमिणं वच्छेण उक्खयं निक्खणेसु उडयरं ।
 इय जंपिउण सिट्ठिं संपत्ता सिट्ठिणी हटे ॥२०६६॥
 सिट्ठी वि दरं दितो निहाण-कलसस्स कंठयं नियइ ।
 तो उक्खणिउण निहिं निय-भवणब्भंतरे खिवइ ॥२०६७॥

निहि-दव्वेणं घय-तंदुलाइं आणाविउं पुणो पउरं ।
 कय-देवातिहि-दाणे भुंजइ घरिणीए सह सेट्ठी ॥२०६८॥
 तत्तो दिणाओ आरब्भ पसरिया तरस्स मंदिरे लच्छी ।
 सो वि सयं तं भुंजइ वियरइ सुहि-सयण-दीणाण ॥२०६९॥
 इय लच्छि-फलं लिंतरस्स तरस्स कालो बहू अइच्चंतो ।
 अह रयणीए उवसप्पिउण लच्छी भणइ सिद्धिं ॥२०७०॥
 मोत्तूण तुमं अन्नत्थ वच्छरंते अहं गमिस्सामि ।
 इय सोच्चा पच्चूसे सिद्धी दाउण बहु-दव्वं ॥२०७१॥
 जिण-मंदिंरं महंतं सिग्घं कारवइ सुत्तहरेहिं ।
 वत्थऽन्न-पत्त-दाणं विसेसओ कुणइ समणाण ॥२०७२॥
 सिद्धंत-पुत्थयाइं लिहाविउं जइजणस्स अप्पेइ ।
 जीवाण अभयदाणं दव्वं दाउण कारवइ ॥२०७३॥
 तह बंधु-मित्त-बंदियण-दीण-दुत्थाण वियरिउं सव्वं ।
 कच्छुट्टयं च काउं सुत्तो तण-सत्थरे सेट्ठी ॥२०७४॥
 पुणरवि पत्ता लच्छी खयमाणा सिद्धिमुल्लवइ एवं- ।
 देव-गुरु-धम्म-कज्जे तुमए दाउण छलियाहं ॥२०७५॥
 नग्गा भुग्गा^{१२} वच्चामि कत्थ अन्नत्थ ? तां न वच्चिस्सं ।
 दासि व्व अंकवडिया तुज्झा घरे चेय चिद्धिस्सं ॥२०७६॥
 सेट्ठी जंपइ-‘जं तुज्झा रुच्चए तं करेसु, किं बहुणा’ ।
 तत्तो सिद्धिस्स घरे लच्छी पुव्वं व वित्थरिया ॥२०७७॥
 इय लच्छीहर सेट्ठी लच्छिं देव-गुरु-धम्म-कज्जेसु ।
 छलिउण चिरं पत्तो कमेण सग्गं च मोदखं च ॥२०७८॥
 एवं सोच्चा संजायमच्छरो जयहरो निवं भणइ ।
 वज्जंति इमे समणा नियए च्चिय देव-गुरु-धम्मे ॥२०७९॥
 मज्जंति न उण अन्ने ता कुण एयाण भिक्ख-पडिसेहं ।
 वच्चंति जेण अन्नत्थ तो निवो दावए पडहं ॥२०८०॥
 जो समणाणं भिक्खं दाही तरस्संग-निग्गहं काहं^{१३} ।
 राय-भएण न केण वि दिग्गा भिक्खा तया तेसिं ॥२०८१॥

लाभंतराय-कम्मं निबिडं तप्पच्चयं जयहरेण ।
 बद्धं तओ निसाए विसूइया तरस्स संजाया ॥२०८२॥
 तो तक्खणेण तिब्वा सव्वंगं वेयणा समुप्पन्ना ।
 नरयम्मि नायरस्स वि पाएणं जा न संभवइ ॥२०८३॥
 तं जहा-

फुट्टइ सीसं तुट्ठंति व्व संधिणो भज्जंति व अट्ठीणि उम्मूलिज्जंति व्व
 लोयणाइं छिज्जंति व्व अंताइं भज्जंति व्व कुक्खिणो दलिज्जंति व्व
 दसणा जलणेण डज्जंति व्व सव्वंगाइं । तओ विरसमारसंतो रक्ख-रक्ख
 ति दीणं पयंपंतो केणावि अकय-परित्ताणो पत्तो पंचत्तं सो । उप्पन्नो
 पढमे नरए । तओ उवट्ठो सरीसिवो होऊण गओ बीए । तओ पक्खी
 होऊण गओ तईए । तओ सीहो होऊण गओ चउत्थे । तओ उरगो
 होऊण गओ पंचमे । तओ इत्थी होऊण गओ छट्ठे । तओ मच्छो होऊण
 गओ सत्तमे ।

इय तिरिय-नारएसुं मणुएसु वि दुक्खिएसु सो भमिओ ।
 सव्वत्थ छुहा-तणहा-किलामिओ च्चिय गओ मरणं ॥२०८४॥
 सो य तुमं जाओ गामचित्तग-सुयत्तणेण निब्भग्गो ।
 जइ वि असंख-भवेसुं तुमए तं कम्ममणुभूयं ॥२०८५॥
 तहवि अइ-संकिलिहासएण बद्धं ति अणणुभूयं पि ।
 अज्जवि अत्थि पभूयं तेण तुमं दुक्खिओ वच्छ ! ॥२०८६॥
 तो जाय-जाइसरणो संविग्ग-मणो भणइ निब्भग्गो ।
 अत्थि उवाओ किं वा वि तुट्टए जेण तं कम्मं ? ॥२०८७॥
 केवलिणा वागरियं-अत्थि उवाओ तवो खु कम्म-खए ।
 जं होइ खओ तेसिं तवसा उ निकाईयाणं पि ॥२०८८॥
 सो य तवो बारसहा छहि छहि बज्झंतरंग-भेएहिं ।
 आराहिज्जइ समणत्तणेण सम्मं समग्गो वि ॥२०८९॥
 निब्भग्गो भणइ-अहं जइ जुग्गो ता ममं कुणसु समणं ।
 जेणाऽऽराहेमि तवं, गुरुणा वुत्तं-तुमं जोग्गो ॥२०९०॥ जओ-
 अइ-कूरज्झवसाया जे च्चिय समणत्तणस्स न हु जोग्गा ।
 भवियव्वयावसेण लहंति जोग्गत्तणं ते वि ॥२०९१॥

एवं भणिऊण विहिपुव्वं दिक्खिओ इमो करेइ नियमं जहा-
जहन्नेण वि मासाओ पारियव्वं ति ।

कयनियमो पइदिणं भिक्खं भमिऊण समणाणं भत्तपाणं अप्पंतो
पारणम-दिणे वि मणुब्भमब्भमब्भेसिं चेव दिंतो सो दुवालसविहं तवं
आराहितो जीविऊण वरिस-लक्खं समाहिणा मओ समाणो^{१४} असमाण-
सुहसारं सहरसारं ^{१५}मओ सुरलोयं जाओ इंद-सामाणिओ ॥

इह जंबुदीवे दीवे भारहवासम्मि मज्झिमे खंडे ।

पुरमत्थि पइहाणं लोउत्तर-संपया-ठाणं ॥२०९२॥

वागरणं व चउक्काइ-पवरमत्थहुवन्न-संकिन्नं ।

नवरं निवाय-उवसग्ग-वज्जियं जणइ जं चोज्जं ॥२०९३॥

तत्थत्थि पत्थिवो दुत्थ-सत्थ-नित्थरण-रित्थ-वित्थारो ।

नामेण मलयकेऊ केऊ व्व विवक्ख-निवईणं ॥२०९४॥

जरस करे करवालो छज्जइ ताविच्छ-गुच्छ-सच्छाओ ।

समरम्मि हढायड्डिय-जयलच्छी-वेणि-दंडो व्व ॥२०९५॥

तरसत्थि विलासवई सुंदेर-विलास-मंदिरं देवी ।

जीए पिय-वयण-जियं अमयं अमयं फुडं जायं ॥२०९६॥

सो य निब्भग्ग-जीवो अट्टार-सागरोवमाइं भोत्तूण ।

दिव्व-सुखं चुओ समाणो समुप्पन्नो तीए गब्भे ॥२०९७॥

दिहो य देवीए तीए चेव रयणीए वयणे पविसमाणो पुब्ब-
कलसो । गब्भाणुभावेण य पणया तरस सीमंत-सामंता, पयडीहूयाणि
पुव्व-नरिंद-निहिताणि पणहु-निहाणाणि । निहणं गया पच्चत्थिणो ।
जाओ सो कालक्कमेण । कयं वद्धावणयं । सुविणाणुसारओ पइहियं से
पुब्बकलसो ति नामं, वह्मिओ देहोवचणं कला-कलावेण य ।

नीलुप्पल-दल-नयणो निल्लच्छण-छणससंक-सम-वयणो ।

परिहोवम-भुयजुयलो कणयसिला-विउल-वच्छयलो ॥२०९८॥

सव्वंगं अमएण व विणिम्मिओ जणिय-जण-मणाणंदो ।

पत्तो गुणसंपन्नं तारुन्नं पुब्बकलसो सो ॥२०९९॥

सो जत्थ कीलणत्थं पुरम्मि परिभमइ मयण-समखवो ।

सयल-विलयाओ वियरंति तत्थ अणुमग्ग-लग्गाओ ॥२१००॥

तरस्स पुरे वियरंतस्स पूरयंति व्व मुत्तिय-चउक्के ।
 धावंतीओ तरुणी रहस-सतुहंत-हारेहिं ॥२१०१॥
 तदंसण-रहस-पहाविरीहिं पउरंगणाहिं रायपहा ।
 अच्चिज्जंति निरंतर-ल्हसंत-धम्मेल्ल-कुसुमेहिं ॥२१०२॥
 कह वि पहे वच्चंतं जा पेच्छइ कामिणी कुमारमिणं ।
 उव्वहइ हरसिमेषा संपत्त-तिलोय-रज्ज व्व ॥२१०३॥
 लीलाइ चिय जं जं पलोअ बालियं इमो सुहओ ।
 सा सा गणइ निरग्गल-सोहग्ग-समग्गमप्पाणं ॥२१०४॥
 रमणीओ रयणीसु वि सुविणे तं पेच्छिऊण सहस ति ।
 एते स एइ कुमरो ति जंपमाणीओ उहंति ॥२१०५॥

अन्नया निय-पासाए पसंडि-सिंहासण-निसन्नस्स कुमारस्स
 समीवमुवागओ एगो पुरिसो । पणमिऊण विन्नत्तमणेण-कुमार ! अत्थि
 सावत्थी नयरी, तत्थ जिणच्चाण-पसत्तो उदारसत्तो मुणि-पय-भत्तो
 मुणिय-जीवाजीवाइ-तत्तो जिणदत्तो सावओ । अहं पि तत्थेव वत्थव्वओ
 तस्स मित्तो मित्तसेणो । सो य कयाइ अकय-कत्थूरियाइ-विलेवणो वि
 अविहिय-कुसुमामेलो वि सुरहि-परिमल-वासिय-दियंतरो दहूण पुटो
 मए मित्त ! किं निमित्तो ते एरिसो परिमलो ? भणियमणेण-मित्त ! अत्थि
 मे सिद्धो सव्वाणुभूर्इ नाम जवखो । तेण समं गयणंगणे गयाखुटो
 नंदीसराईसु सासय-जिण-पडिम-वंदणत्थं वच्चामि । तत्थ निरंतरं
 देवा अवयरंति, सुरकुसुम-सोरब्भ-वासियत्तणेण मे एवंविहो परिमलो
 ति । वुत्तो सो मए-जइ एवं ता देहि मे तस्स साहण-मंतं । दिन्नो अणेण
 मंतो । साहिओ साहण-विही । कया मए छम्मासं जाव पुव्वसेवा । अओ
 परं सव्व-लक्खणीवेएण महासत्तेण उत्तर-साहगेण साहिज्जइ । मए य
 सयल-महियलं गवेसंतेण तुमं चेव तारिसो पर-पत्थणा-भंग-भीरू य
 दिट्ठो । ता पसायं काऊण तहा करेसु जहा मे मंतसिद्धी हवइ ति ।
 पडिवन्नमिणं कुमारेण । आगया कण्ह-चउदसी, गहिय-खग्गो साहगेण
 समं गओ कुमरो मसाणं,

जंविया-जलण-जालोलि-लीढं वरं,
 चंडवेयाल-कय-तंडवाडंबरं ।

फार-फेक्कार-भीसण-सिवा-संकुलं.

मडय-मंसासणक्खित्त-डाइणि-कुलं ॥२१०६॥

तत्थ आलिहियं मंडलं साहगेण । मुक्खो रत्त-कणवीर-कुसुमुक्करो ।
दिण्णावसाणे दीवया । कया दिस-रक्खा । ठिओ खग्ग-वग्ग-करो
कुमारो । ठवियं मंडले मडयं । तम्मूहे पज्जालिओ जलणो । खित्ताओ
मंत-पुव्वं आहुईओ । तओ किलिकिलियं भूएहिं । नच्चियं वेयालेहिं ।
हसियं रक्खसेहिं । मिलियं वग्घ-वराह-हय-हरिण-फेरंड-तुंडाहिं
डाइणीहिं ।

तह वि न जा खुब्भइ मंतसाहगो ताव उट्ठियं मडयं ।

खिवित्तं तमेव कक्खाए धावियं पुव्व-दिसहुत्तं ॥२१०७॥

तो कोववसुग्गीरिय-खग्गो लग्गोऽणुमग्गओ कुमरो ।

रे ! जासि कत्थ ? मह होसु सम्मुहो' इय पयंपंतो ॥२१०८॥

तव्वयणं अवगणिय मडयं वच्चंतयं गयं रत्ने ।

तहवि पडिवन्न-पालणपरो त्ति न नियत्तए कुमरो ॥२१०९॥

तो साहगं विमोत्तुं पडियं मडयं महीए सहस त्ति ।

अह फुरिय-रयण-मउडो मणि-कुंडल-लीढ-गंडयलो ॥२११०॥

मयजल-परिमल-मिलियालि-जाल-मुहलं गइंदमारुढो ।

सव्वाणुभूइ जक्खो जंपइ होऊण पच्चक्खो-॥२१११॥

कुमार ! तुह इमिणा अविमुक्क-परोवयार-क्कमेण विक्कमेण
रंजिय-मणो सिद्धो हं ।

कुमारेण वुत्तं-भद ! साहगरस्स सिज्झासु ।

जक्खेण वुत्तं-नत्थि एयस्स जोग्गया । तुमं पुण पुब्बग्गलो । अहं
तुहाएसकारी निच्च-सन्निहिओ वट्ठिस्सं । तुह समीवट्ठियस्स इमस्स वि
सव्वं समीहियं होहि त्ति । भुयाए घेत्तूण कुमारो साहगो य आरोविओ
हत्थि-क्खंधं । भणियं-कुमार ! अत्थि वित्थिन्न-पुब्ब-पब्भार-पुरिस-
पाओब्भवं ता विदब्भ-विसए धरणि-रमणि-मणि-कुंडल-पवरं कुंडलउरं
नयरं । तत्थ वेरि-नरिद-करिदमियारी दमियारी राया । तरस्स वयण-
विणिज्जिय-वियसिय-कमला कमलादेवी । रज्ज-कज्ज-संदब्भ-
पगब्भो नाणगब्भो मंती । मुणिचंदसूरि-पासे पवन्नं रत्ना संम्मत्तं ।

अन्नया जाया आवन्नसत्ता कमलादेवी, पत्तो पसव-समओ ।

इओ य अवाय-बहुलत्तेण सरीरस्स समुप्पन्नो पुव्व-कय-कम्म-
दोसओ दूसहो सयल-मंतोसहासज्झो राइणो रोगो । भवियव्वयावसेणं
संकाइ-दोस-दूसिय-सम्मत्तो पत्तो पंचत्तं राया । जाओ जक्खो । सो य
अहं । आभोईओ मए पुव्व-भवो । अत्थि देवीए गब्भे पुत्तो ति बुद्धीए
मंतिणा पालिज्जंतं दिट्ठं रज्जं । जाया देवीए धूया । विसन्ना देवी ।
धीरविया मंतिणा- देवि ! पुत्तो जाओ ति पयासिऊण ॥१॥ धूयं चेव रज्जं
कारविस्सं । धरियव्वा तए इमा पुत्त-वेसेण । कारिओ नयरे पुत्त-
जम्मूसवो । कयं कामसेणो ति नामं । सा य संपयं संपुन्न-चंद-सुंदर-
मुही जाया जोव्वणाभिमुही । ता तुमं तत्थ गंतूण परिणेषु तं । पडिवण्णं
कुमारेण । अग्गओ गहियंकुसेण जक्खेण पिट्ठओ निसब्बेण साहगेण
गय-पट्ठि- गओ गयणे चलिओ कुमारो । पत्तो कुं डलउरं
परिसरुज्जाणे । दिन्ना जक्खेण रूव-परिवत्तिणी विज्जा कुमारस्स, भणियं
च- तए इत्थीरूवेण परिणेषव्वा इमा । कयं कुमारेण कण्णा-रूवं ।
जक्खेण य विउव्वियं करि-तुरय-रह-पाइक्क-परिगयं सिद्धं ।
सिक्खविऊण पेसिओ साहगो नाणगब्भ-मंति-पासे । भणिओ अणेण
सो जहा- सिंहलदीवाओ सिंहलेसरेण कामसेण-रन्नो रूवाइसयं सोऊण
पेसिया सयंवरा पुन्नकलसी कन्ना, ता तहा करेहि जहा राया तं परिणेइ ।
पडिवन्नं मंतिणा । विसज्जिओ साहगो । सयं च गओ देवी-सयासं,
कहिओ सयंवर-कन्नागमण-वुत्तंतो । किं कायव्वं ? ति विसन्ना देवी ।
वुत्ता मंतिणा- देवि ! धीरा होहि । जओ, असुहस्स कालहरणं होइ । ता
इमं चेव पत्तयालं जं इमीए करग्गहणं कारविज्जइ कामसेण राया । पच्छा
जहाजोतं करिस्सामो । जइ पुण इमं न कीरइ तो विन्नाय-वत्थु-परमत्था
पच्चत्थिणो अम्ह रज्जं विद्वंति ति निच्छिऊण भणिया रहसि कामसेणा-
वच्छे ! तुमं राय ति सोऊण साणुराया रायकन्ना सयंवरा पत्ता, तुमए य
रज्ज-रक्खवणत्थं पुरिसवेसेणं चेव सा परिणेषव्वा । पडिवन्नमिमीए ।
जाणावियं साहगरस्स । जक्खेण विउव्विओ विवाह-मंडवो ।

मरगय-परिगय-वलही-वलओ विलसंत-जलय-पडलो व्व ।

कणयमय-खंभ-कलिओ थिर-रेहिर-विज्जु-दंडो व्व ॥२॥१२॥

मुत्तावचूल-निचिओ निब्भर-निवडंत-नीर-धारो व्व ।

वंचंत-चामर-निचओ धवल-बलायावलिधरो व्व ॥२११३॥

विउलिंदनील-निम्मिय-तलो नवुब्भिन्न-तण-सणाहो व्व ।

पसरंत-विविह-रयणंसु-भासुरो भासुर-धणु-जुओ व्व ॥२११४॥

वज्जंत-तूर-निग्घोस-संगओ गरुय-गज्जि गहिरो व्व ।

गयणंगणग्ग-लग्गो पाउस-समओ व्व सो सहइ ॥२११५॥

तयणंतंरं च बहु अत्थि-सत्थ-दिज्जंत-दविण-संघायं ।

वर-वसण-असण-तंबोल-दाण-पीणिय-पणय-वग्गं ॥२११६॥

नच्चंत-पउर-तरुणी-थणहर-तुटंत-हार-दंतुरियं ।

दोसु वि पक्खेसु कयं वद्धावणयं हियय-सुहयं ॥२११७॥

गणावियं विवाह-लग्गं, पत्ते य तम्मि जवख-कय-रमणीहिं
पमवखणत्थं मुत्तिय-चउक्क-चच्चिक्किय-चउरिया-रइय-रंगावलि-
निवेसियाए सेय-दुगूल्ल-छन्नाए आसंदियाए ठविओ कुंकुमं कुमारी-
वेसधारी कुमारो, निवेसिया से मणिपट्टए चलणा । कयवच्छीउत्तेण
नहयम्मं पमविख्या दहिय-घय-दुद्धंकुर-वावड-कराहि रत्तंसुय-
निवसणाहिं वरंगणाहिं ण्हविया पुप्फ-फल-सलिल-कलिय-
कणयकलसेहि । ओमिणिया सव्वंगं पुब्बवत्तेण, दिब्बा य अवख्या
उत्तिमंगे, आढत्तो पसाहण-विही । पाडिओ पाएसु कामसेणो व्व
साणुराओ जावयरसो । कणयकंति-मणहराओ-कयाओ कुंकुमेण
पुणरुत्त-पिंजराओ । जंपियाओ लिहियाओ घण-कलसेसु कत्थूरियाए
पत्तलेहाओ । अणुराग-संगयाणंदेणेव काले अमीस-गोसीसचंदणेण
निम्मज्जियं मुहकमलं । कयं कज्जल-रयंजियं लोयण-जुयं । ससहरे
हरिणो व्व रेहए वयणे कओ कत्थूरिया-तिलओ । कमलेसु भसल-
मंडलाइं व सहंति चलणेसु पिणद्धाइं मरगय-मणि-नेउराइं । पडिवज्जाओ
नह-किरण-दुगुणिय-किरण-रयणालंकियाहिं कणय-बिटियाहिं
अंगुलीओ । सुर-ऊसव-तूरं व बद्धं नियंबे मणि-किंकिणी-जाल-मुहलं
मेहला-दामं । नह-भल्लि-संगयंगुलि-सरसणाहेसु मयण-भड-
भत्थएसु भुएसु भासंति बंधव-बद्धाणि मणि-कंकणाणि । जण-नयण-
हरिण-वागुराओ व्व बद्धाओ बाहु-सरियाओ । कंठावलंबिणा घणुच्छंग-
संगिणा नाहि-निवेसं फरिसंतेण पत्तं गुणित्तण-फलं हारेण । कामरहरस

चक्काइं व सोहंति सवणालंबियाइं मणि-कुंडलाइं । एवं जाव पुन्नकलसी
पसाहिज्जइ ताव पसाहण-निउणाहिं वार-विलयाहिं पसाहिओ
कामसेण-राओ । आसन्नं पाणिग्गहण-मुहुत्तं ति जोइसिएहिं निवेइए
देवीए मंतिणा य समं मत्त-करि-कंधराधिरूढो वज्जंत-तूर-रव-
बहिरिअंबरो, पवण-पणच्चंत-धय-विरायंत-रहवरासूढ-रायलोय-
परियरिओ, धरिय-धवलायवतो पत्तो विवाह-मंडवं । धरिओ तस्स दुवारे
गहियग्घ-सक्कारेणं रामायणेणं । मग्गिओ आचारिमं, मग्गिअब्भहियं
दाऊण ओइन्नो करिवराओ । भग्गा भिउडी कंचण-मुसलेणं । गओ तत्थ
जत्थ सियवत्थ-पच्छाइयाणणा अत्थि पुन्नकलसी । काराविओ
अविरुद्ध-कोउयाइं । मग्गिओ मुहच्छवि-फेडावणियं । तेण
दिन्नमायारिमं । फेडिया मुहच्छवी । दिट्ठा पुन्नकलसी । पुन्नकलसेणावि
साणुरायं पेच्छिऊण तं चितियं ।

रमणिज्जा एसा पुरिसवेस-पच्छाइयस्सरूवा वि ।

सरयब्भ-पडल-छन्ना वि सोहए किं न ससिलेहा ? ॥२११८॥

कामसेणेणावि लग्न-समए गहिया करे पुन्नकलसी । चितियं
कामसेणाए- अहो ! किमेयं न महिला-कर व्व इमीए कीमलं कर-
कमलं, किंतु धणु-गुण-किणंकियं पुरिसस्सेव लविखज्जइ ? । फुरइ मे
वाम-लोयणं । ता अणुकूल-दिव्व-विलसियं किंपि एयं संभावेमि ति
चितयंतीए मुत्तिएहिं व सेयबिद्धहिं विभूसियं भालवहं । पुलयंकुरेहिं कयं
कयंब-कुसुम-समं सरीरं । थरहरियं थोव-घणुब्भेयं हिययं । तओ

चचचलसु चउरियाए दददईए मा विलंबए ताहे ।

जजजलणे पज्जलिए भभभमिमो मंडलाइं वयं ॥२११९॥

इय खलियक्खर-सुहयं पयंपमाणा खलंत-गइ-पसरा ।

घेतूण कामसेणा करे कुमारं गया तत्थ ॥२१२०॥

पारद्धं परिभमिउं वहू-वरं मंडलाइं चत्तारि ।

अघडिय कंचण-कोडी दिट्ठा जक्खेण पढमम्मि ॥२१२१॥

बीयम्मि हार-कुंडल-कडिसुत्तय-कडय-पमुहमाभरणं ।

तइयम्मि थाल-कच्चोल-सिप्पि-पमुहं रयय-भंडं ॥२१२२॥

पटंसुयाइ वत्थं विविहं तुरियम्मि मंडले दिन्नं ।

मंती वि पुन्नकलसीए कुणइ अइ-गरूयमुवयारं ॥२१२३॥

वत्थ-विलेवण-तंबोल-कुसुम-पमुहो जणाण उवयारो ।
 हरिस-विहवाणुखवो विहिओ दोहिं पि पवखेहिं ॥२१२४॥
 वित्ते वीवाह-महे महंत-करि-कंधराधिख्खमिणं ।
 संजणिय-जणाणंदं वहूवरं पविसइ पुरम्मि ॥२१२५॥
 तइंसण-कोऊहल-कलिय-मणो नयर-नारि-नर-नियरो ।
 चडिओ गवक्ख-गोउर-घरसिर-पायारमंचेसु ॥२१२६॥
 जंपइ परोप्परमिणं विहिणो निम्माणं कोसलं सहलं ।
 अज्ज अणुख्वमेयं वहूवरं जेण संघडियं ॥२१२७॥
 किंतु वरो जो एसो अधीरदिट्ठी अणुद्धयाहारो ।
 सो सज्झसवस-वसणावरिय-तणू नज्जइ वहु व्व ॥२१२८॥
 जा उण वहुया सा धीर-लोयणा मेह-छन्न-तवणो व्व ।
 तेय-पसरं वहंती *गख्यं लक्खिज्जइ वरो व्व ॥२१२९॥
 एवं पयंपमाणे नयर-जणे जणिय-मंगलायारं ।
 सुर-मिहुणं व विमाणे वहूवरं निय-घरे पत्तं ॥२१३०॥
 सूरं पयाव-जुत्तं कुमरं दट्ठं तिरोहियप्पाणं ।
 जाओ सहस्सरस्सी तिरोहिओ हारिवडिउ व्व ॥२१३१॥
 पसरिय-कुमुयामोए मयंक-कर-नियर-निहय-तम-विसरे ।
 उल्लसिय-कामिणी-मण-मयण-प्सरसे पओसम्मि ॥२१३२॥
 सव्वुत्तम-कणयमयं मणि-कुट्टिम-मुक्क-सुरहि-कुसुमभरं ।
 रयणपईव-सणाहं मयणाहि-विलित्त-वर-भित्तिं ॥२१३३॥
 रइय-विचित्त-वियाणं पटंसुय-पिहिय-कंचणक्खंभं ।
 विट्ठम-पल्लंक-निहित्त-हंसतूली-विरायंतं ॥२१३४॥
 कलहोअमय-पडिग्गहमोलंबिय-मालईय-मउल-मालं ।
 डज्झांतागरु-कप्पूर-पूर-परिमल-महग्घवियं ॥२१३५॥
 घणसार-सार घण पूग पूग-तंबोल-वीडय-समेयं ।
 वह्ठिय-सुरहि-विलेवण-संपुन्न-सुवन्न-कच्चोलं ॥२१३६॥
 कहमेएसिं रइसुह-समागमो वेस-पिहिय-पयईणं ।
 होहि ति कोउगेण व कलियं पारावय-कुलेणं ॥२१३७॥

वासहरमेरिसं सो संपत्तो कामसेण-नरनाहो ।

करगहण-समय-संजाय-पुरिस-संका-कलिय-हरिसो ॥२१३८॥

विसज्जिउण परियणं निविट्ठो सीहासणे । सज्झसवसेण जाव न किंचि जंपइ ताव हसिउण वुत्तं पुब्बकलस-कुमारेण-कमलच्छि ! एतिय-कालं तुमए पुरिसवेसेण भोलविओ मुद्ध-जणो । छइल्ल-जणो उण न पारीयइ पयारिउं । ता संपयं परिच्चय पुरिस-वेसं । कामसेणाए वुत्तं- तुमं पि परिच्चय इत्थी-वेसं । कुमारेण वुत्तं- कहं तए पुरिसो ति जाणिओ हं ? । तीए वुत्तं- करगहण-समए फरिस-विसेसेण । अहं पुण तए कहं महिल ति लक्खिया ? । अक्खिओ जक्ख-वुत्तंतो कुमारेण । जायाइं दोवि पयइरूवाइं ।

अवरोप्परं नियंताणि ताणि रूवं सहाव-रमणिज्जं ।

दोव्वि वि अणमिस-नयणाइं अमर-मिहुणं विडंबंति ॥२१३९॥

इत्थी पुरिसो जाओ ति विम्हिया, अहो ! मे दिव्वमणुकूलं ति तुट्ठा, चिराओ सणाहा जाय ति निब्भया, इत्थीए पुरिसत्तणं दुघडं मझंतरस जणरस किमुत्तरं करेस्सं ति सविसाया, रूवाइ-गुणेहिं ममब्भहिओ ति सलज्जा, मह कडक्ख-लक्खीकओ कामाउरो जाओ ति गव्विया, पढम समागमो ति ससज्झसा, किमित्थ होहि ति सवियक्खा, पइरिक्खे लद्धो ति ऊसुया, कहं तोसियव्वो ति चिंताउरा- एवं विविह-वियप्प-संकुल-मणा ओणयमुही भणिया कुमारेण-

उन्नामहि मुहचंदु मुद्धि ! बंदिणउ पयट्टउ,

संमुहु पिच्छि मयच्छि ! कमल-दल-वुट्ठि विसट्टउ ।

जंपसु किंपि सकं पि दप्पु परहुय परिवज्जउ,

पयइहि तणु तणुयंगि ! कणगु कालिम पडिवज्जउ ॥२१४०॥

इय भणिउं पल्लकंमि कामसेणा निवेसिया तेण ।

अणुवत्तिया य तह जह जाया रइ-समर-सौडीरा ॥२१४१॥

सा सुहमय व्व रयणी अणुरायमइ व्व पमयमईय व्व ।

अन्नोन्न-मंतिताणं ताणं खणद्धं व वीलीणा ॥२१४२॥

तओ पढियं मागहेण-

पुव्व-दिसा-संगं पाविउण संपत्त-गुरु-पयावभरो ।

सूरो मुरुमूरिय-तिमिर-मंडलो पायडो होइ ॥२१४३॥

एवं सोउण विउद्धो कुमारो । भणिओ कामसेणाए- नाह ! करेसु इत्थी-रुवं । कयमणेण तं । कामसेणा वि गया जणणी-पासं । तं इत्थी-वेस-धारिणिं ददूण चमक्खिया चित्ते जणणी 'हद्धी किमेयं ?' ति रहसि ठाउण पुण पुच्छए धूयं । तीए वि अक्खिओ सव्वो वि वईयरो । तुहा जणणी । आहूओ मंती । कहियं तरस वि सव्वं । देवी मंती पत्ताइं वासहरं । दिट्ठो इत्थीरुवधरो मारो व्व सुकुमारो । भणिओ कामसेणाए- नाह ! पयडेसु साहावियं रुवं । पयडियमणेण । विम्हिय-मणेहिं भणियमणेहिं -

अणुकूले दिव्वे कइयवं पि पुरिसरस सुह-फलं होइ ।

पडिकूले तम्मि पुणो सच्चं पि भवे अणत्थ-फलं ॥२१४४॥

एत्थंतरे तरणि-मंडल-दिप्पमाणो, माणिक्क-कुंडल-विलीढ-कवोल-मूलो, वच्छत्थली-विलसमाण-महप्पमाण-हारो नहंगण-गओ पभणेइ जक्खो- 'अहं हि दमियारी मरिउण सव्वानुभूई जक्खो जाओ । मए य तुम्होवरि सिणेहं वहंतेण एत्तियं कालं रक्खियं रज्जं । संपइ पइट्ठाणपुर-सामिणो मलयकेउणो पुत्तो पुन्नकलसो नाम कुमारो कामसेणाए पवरो वरो ति रज्ज-रक्खणत्थं' तुम्ह समप्पिओ, ता इमस्स आणाए समं वट्ठियव्वं' ति भणिउण तिरोहिओ जक्खो । तव्वयण-सवण-ववगय-भंतीहिं पडिवज्जो कुमारो देवी-मंतीहिं ।

जक्खाइट्ठो गुण-कुलहरं व अंगीकओ ति किं चोज्जं ? ।

पडिवज्जइ को न जए मिट्ठं विज्जोवइट्ठं च ॥२१४५॥

विहियं वट्ठावणयं पुणो वि अह पालए इमो रज्जं ।

पंचप्पयार-विसए सेवइ सह कामसेणाए ॥२१४६॥

पुन्नकलसं पि जाणइ जणो इमो कामसेण-राओ ति ।

पुन्नकलस ति सरिसत्तणेण तह कामसेणं पि ॥२१४७॥

सो मंतराहगो मित्तसेण-नामो कओ कुमारेण ।

दंडवई तरस य नियय-नंदणी मंतिणा दिज्जा ॥२१४८॥

अइक्खंतो कोइ कालो । जाओ पुत्तो कामसेणाए । वीरसेणो ति

कयनामो वह्निं पवत्तो । अन्नया कुमारेण वुत्तो मित्तसेणो-मित्त ।
 देसंतरदंसण-कोउगं मे महंतमत्थि । निच्च-सन्निहिण्ण जंपियं जक्खेण-
 'जइ एवं ता हत्थि-खंधमारोहसु जेण तं पूरेमि'ति भणिऊण कुमारे
 समारोविओ समं मित्तसेणेण सह हत्थि-खंधे । पयट्ठो पुव्व-कमेण
 गणयंगणे गंतुं । गामागर-नगर-गिरि-सरि-सरोवर-विरायमाणं
 मेइणीवल्लयमवल्लयंतो पत्तो कंचणमय-पायार-परिक्खित्तं कंचणपुरं । जं
 फलिह-विणिम्मिय-पढम-भूमि-उवरि-ट्टिएहिं भवणेहिं गयण-गएहिं व
 मणि भासुरेहिं सुरपुर-सिरिं वहइ । तं च दहूण भणिओ पुन्नकलसेण
 जक्खो- सव्वुत्तमं नयरमेयं । ता इमस्स दंसणेणं करेमो नयण-निम्माणं
 सहलं । 'एवं करेह' ति भणंतेण जक्खेण उत्तारिया हत्थि-खंधाओ कुमार-
 साहगा । तिरोहिओ जक्खो । ते वि पविट्ठा पुरब्भंतरं । कोउगक्खित्त-चित्ता
 सयल-वासरं पेच्छिऊण नयर-सिरि रयणीए पसुत्ता मयण-देवउले ।

एत्तो य तम्मि नयरे राया रिउ-निद-निदलण-सूरो ।
 नामेण सूरसेणो, सूरो व्व पयाव-दुव्विसहो ॥२१४९॥
 तरस्सऽत्थि वसंतसिरी देवी तीए य कुक्खि-संभूया ।
 तइलोक-तिलयभूया धूया नामेण मयणसिरी ॥२१५०॥
 तीए वयंसियाओ कामलया-ससिकला-महसिरीओ ।
 दंडाहि-मंति-पहाण-सेट्ठि^{५०}-धूयाओ जह-संखं ॥२१५१॥
 तत्थऽत्थि उवज्झाओ विज्जाणंदो ति विबुह-विकखाओ ।
 तरस्स समीवे सम्मं कुणंति ताओ कलग्गहणं ॥२१५२॥
 अह तत्थ सत्थवाहो वेसमण-समाण-रिद्धि-वित्थारो ।
 सागरदत्तो नामेण सागरो गुरु-गुण-मणीणं ॥२१५३॥
 तरस्स य समुददत्तो पुत्तो पुत्तो व्व जलहि-धूयाए ।
 सो वि कलाओ गेण्हइ विज्जाणंदस्स पासम्मि ॥२१५४॥
 पडिदियह-दंसणेणं सहास-वीसंभ-^{५१}जंपणेणं च ।
 कन्नाण ताण जाओ समुददत्तम्मि अणुराओ ॥२१५५॥
 जओ-

अइ दंसणाओ पीई पीईए रई रईइ वीसंभो ।
 वीसंभाओ पणओ पंचविहो वट्टए मयणो ॥२१५६॥

मंतंति ताओ एवं परोप्परं अम्ह निब्भरं नेहो ।

तो अम्हाण विवाहं जइ पियरो कारविरसंति ॥२१५७॥

ता होही विरहो भिन्न-भिन्न-ठाणेषु दिन्नाण ।

जइ पुण सयं पि एक्कं परिणेमो किंपि नर-रयणं ॥२१५८॥

* तत्तो परोप्परं विरह-विरहियाओ सुहेण चिट्ठामो ।

एसो य सयल-रूवाइ-गुण-जुओ सत्थवाह-सुओ ॥२१५९॥

ता इमं चेव परिणेमो' ति मंतिऊण कहिओ तरस्स सब्भावो । पडिवण्णं तेण । 'अज्जेव रयणीए सोहणं मुहुत्तं' ति तुमए मयण-देवउले परिणेयव्वाओ अम्हे उ,' ति कओ ताहिं तेण समं संकेओ । विन्नायमिणं कुरंगएण पासवत्तिणा पत्तिणा, कहियं सत्थवाहरस्स, अत्थंगए गयण-लच्छि-मणि-कुंडले चंडसु-मंडले, वियंभमाणे भमरमाला-सामले तिमिर-पडले, पाहरिय-दिट्ठि वंचिऊण विवाहोवगरण-वग्ग-कराए वियक्खणाए चेडीए समं समागयाओ मयणसिरि-प्पमुहाओ कज्जाओ मयण-देवउले । अच्छिओ चारु-कुसुमाईहिं कुसुमाउहो । सत्थवाह-सुओ वि कय-तक्कालोचिय-सिंगारो वच्चंतो वणियकुलाणुचियमेयं ति चिंतिऊण सत्थवाहेण खित्तो घरब्भंतरे । दिण्णं दुवारे तालयं । ताओ य कण्णगाओ तत्थ समुददत्तं अपेच्छमाणीओ भणंति-हला वियक्खणे ! गवेसहि समुददत्तं । तओ तीए पईव-हत्थाए गवेसंतीए दिट्ठो मत्तवारणे पसुत्तो साहग-सहाओ कुमारो । भणियमणाए- अत्थि एसो कुरंगय-परिणओ पसुत्तो । इमं च सोच्चा समागयाओ सव्वाओ जाव दीवुज्जोएण पेच्छंति ताव भणियं मयणसिरीए- न एस समुददत्तो, किंतु तत्तो विअंभियरूवो भयवं मयणो । कामलयाए वुत्तं-सो अणंगो सुव्वइ, एसो सव्वंग-सुंदरो, ता धुवं लच्छिवल्लहो । ससिकलाए वुत्तं-सो जणइणो ति पसिद्धो, एसो जणाणंदणो, ता नूणं संकरो । महसिरीए भणियं-सो वि विरूवक्खो अक्खिज्जइ, एसो उण कमल-दल-विलास-नयणो, ता निच्छियं सुरिंदो । मयणसिरीए वुत्तं-सो वि नयण-सहरस्स-दूसिय-सव्वंगो, ता एस अन्नो को वि । इमं च ताणं परोप्परालावं सोऊण भणियं साहगेण-

एसो न कामएवो न केसवो न गिरिसो न वा सक्खो ।

किंतु तणओ पइहाण-सामिणो मलयकेउरस्स ॥२१६०॥

नामेण पुन्नकलसो निसग्ग-सोहग्ग-भग्ग-मयणमओ ।
 चाय-चमक्खिय-भुवणो विक्खम-कमला-विलास-हरो ॥२१६१॥
 ता साहिलासमन्नोन्न-वयण-पंकय-पलोयणा-पुव्वं ।
 भणियं इमाहिं- मयणेण भत्ति-तुट्ठेण अम्हाणं ॥२१६२॥
 उवणीओ एस वरो ता एयं उट्ठवेहि जेणऽम्हे ।
 परिणेमो संपइ भद्द ! सोहणं वट्ठए लग्गं ॥२१६३॥

उट्ठविओ साहगेण कुमारो, दहूणं कन्नाओ चिंतिउं पवत्तो- किं
 एयाउ पायालवासुक्खिग्गाओ नायकन्नाओ ? किं गलिय-गयणंगण-
 गमणविज्जाओ विज्जाहर-वहुओ ? किं वा कुविय-सुरवइ-साव-
 परिब्भट्ठाओ तियसंगणाउ ? ति चिंतयंतो जाव चिट्ठइ ताव मुणियभावाए
 भणिओ मयणसिरि-चेडीए विअक्खणाए-‘कुमार ! किं वियप्पेसि ? ।
 एसा खु सूरसेणस्स रन्नो कन्ना मयणसिरी । एसा दंडाहिव-धूया
 कामलया । एसा मंति-पुत्ती ससिकला । एसा सिट्ठि-सुया महुसिरी ।
 एयाहिं सत्थवाह^{४२}-पुत्तेण समुददत्तेण समं कओ विवाह-संकेओ, सो य
 दिव्ववसओ न आगओ ।

जं वणिय-पुत्त-मेत्तं मग्गंतीहिं तुमं नरिद-सुओ ।
 पत्तो तं तरुमेत्तं गवेसमाणीहिं कप्पतरु ॥२१६४॥

करिमेत्तं पत्थंतीहिं सुरकरी, वंछिरीहिं जलमेत्तं अमय-रसो,
 मणिमेत्तंऽत्थिणीहिं चिंतामणी लद्धो । ता करेसु करग्गहणेण एयाण
 सहले मणोरह' ति भणंतीए समप्पियाइ पारणेत्त-वत्थाइं, नियत्थाइं
 कुमारेण । बद्धं मयणफल-सणाहं करे कंकणं, गयाइं कामएवस्स पुरओ,
 कयं कुमारेण तासिं चउन्हं पि पाणिग्गहणं, विहिओ तक्कालोचिय विही ।
 भणियं च मयणसिरीए-

जइ वि तुमं देसंतर-परिभ्रमणपरो तहा वि अम्हाणं ।
 हियए तहा पविट्ठो नीहरसि जहा न हु खणं पि ॥२१६५॥

कामलयाए वुत्तं-

बहुय-महिलाहिं रुद्धं हिययं बहु-वत्तलहस्स तुह सुहय ! ।
 अम्हं पि तरस्स कोणे तहा वि वियरेज्ज ओगासं ॥२१६६॥

ससिकलाए वुत्तं-

तुह मुह-चंदस्स पलोयणेण अम्हाण माणस-समुद्धे ।
तह सुहय ! समुल्लसिओ विरमिस्सइ जह न कईया वि ॥२१६७॥

महुसिरीए भणियं-

निय-निय-घरेसु अम्हं वच्चंतीणं सरीरमेत्तेण ।
ठाहीं मणं तुहच्चिय पासे बद्धं तुह गुणेहिं ॥२१६८॥

एवं भणिऊण गयाओ निय-निय-ठाणेसु सव्वाओ ।

पहाए अत्थाण-मंडव-निसन्नस्स रत्नो विन्नतं पडिहारेण-देव !
आलाण-खंभं उम्मूलिऊण वियरिओ मत्त-हत्थी, पयट्ठोऽसमंजसं काउं ।
तहाहि-

खणु पवणु व्व गुरुवेगेण जाइ,
खणु निच्चलंगु सेलो व्व ठाइ ।
खणु मिंभु व रयभरु विक्खिरेइ,
खणु घणु व गज्जिओ वित्थरेइ ॥२१६९॥

पडिहारं हणइ घण-जव-मरट्ठं, मुसुमूरइ तरल-तुरंग-थट्ठं ।
उम्मूलइ मूलह विडवि-वग्ग, मेढ-हट्ठ-भवणं भंजइ समग्ग ॥२१७०॥
न गणेइ बालु विलवंतु करणु, संहरइ तार-तरलच्छु तरणु ।
छड्डइ न बुड्डु कंपिर-सरीरु, महिला-समूहु मारइ अभीरु ॥२१७१॥
नवि वारइ निद्धणु न हु धणहु परिहरइ न मुक्खु न वा वियड्डु ।
उक्खिविय वियड्डु दढ-सुंड-दंडु, तं दंड-पाणिजसु कोव-चंडु ॥२१७२॥
इय कय-असमंजसु कोव-परव्वसु मयजल-सिंचिय-महिवलउ ।
तुह मत्तउ मयगलु भमिरु निरग्गलु कुणइ अकालि वि पुरि पलउ ॥२१७३॥

रत्ना वुत्तं- जो इमं वसीकरेइ तस्स मयणसिरिं धूयं देमि । तं
सोऊण पयट्ठा पयंड-पोरुसुब्भडा बहवे सुहडा । गया गइंदस्स
पासे । ते तरस पज्जलिय-जलणस्स व तेयमसहमाणा ठिया
दूरओ । इओ य कुमारी सुत्त-विउद्धो करि-वुत्तंतं मुणिऊण करि-
सिक्खा-वियक्खणत्तेण कोउगक्खित्त-चित्तो पत्तो तयभिमुहं । दिट्ठो
तेण हत्थी ।

जो सत्त-करुत्तुंगो नव-कर-दीहो ति-हत्थ-वित्थिन्नो ।

दस-हत्थ-परीणाहो सत्तंग-पइहिओ भदो ॥२१७४॥

आरोविय-धणुवंसो वीसनहो नह-विलग्ग-कुंभयडो ।

महुपिगच्छो लक्खण-सएहिं वालेहिं चउहिं जुओ ॥२१७५॥

गओ गयरसऽग्गओ कुमारो । हक्खिओ अणेण करी । धाविओ तयभिमुहं, पविखत्तमुत्तरिज्जं कुमारेणऽपरिणओ तत्थ हत्थी आहओ कुलिस-कढिणेण मुहिणा पडि-प्पएसे । चलिओ कुमराभिमुहं करी । भामिओ कुलाल-चक्कं व मंडल-परिब्भमिरेण कुमरेण, परिस्संतो य ठिओ लेप्पमओ ठ्व निच्चलो मयग्गलो । आरूढो केसरि-किसोरो ठ्व विज्जुक्खित्त-करणेण करिणो खंधे कुमारो । बद्धमासणं । गयाणुचरेहिं समप्पियं अंकुसं । तओ सलहिज्जंतो नायर-जणेण, साहिलास-मवलोइज्जमाण-मुहकमलो विलयाहिं, चलिओ रायभवणामिभमुहं । वद्धाविओ य राया लोएहिं जहा-देव ! अमरकुमारागारेण निरुवम-विक्कम-गुणागारेण केण य पुरिस-रयणेण हत्थी वसीकओ ति । इओ य पहाए दिट्ठा नव-विवाह-नेवच्छा परियणेण रायकन्ना, कहिया जणणीए । तीए वि तहा दइण पुट्ठा-वच्छे ! किमेयं ? । जाव न किंपि जंपइ मयणसिरी ताव कहियं सव्वं पि वियक्खणाए । देवी वि वियक्खणाए समं गया रन्नो समीवं । विन्नत्तमिणं जहा- देव ! दंडवइ-मंति-सिद्धि-धूयाहिं समं मयणसिरीए एगत्थ-पढणेण जाओ अच्चंत-सिणेहो । एयाहिं च परोप्पर-विरह-कायराहिं पइट्ठाणपुर-पहुणो मलयकेउणो पुत्तो पुन्नकलसो नाम भवियव्वया-वसेण अज्ज रयणीए परिणीओ । रन्ना वुत्तं- ममावि एसो चेव मणोरहो आसि । परं रहसग्गलेण एवमाइहं जहा- जो इमं हत्थिं वसीकरेइ तरस मए मयणसिरी दायव्व ति । ता संपयं पइन्ना इमा कहं नित्थरियव्व ति चिंताउरो जाव चिट्ठइ राया ताव पत्तो रायभवणंगणे कुमारो । दिट्ठो रन्ना । अहो ! असरिसी खव-संपया, अहो ! निरुवमो विक्कमो इमरस । ता को एसो ? ति । विन्नत्तं वियक्खणाए- देव ! एसो चेव पुन्नकलसो जेण अज्ज रयणीए परिणीया मयणसिरी । पहाण-पुरिसेहिं भणियं- जुज्जए एयं, जओ एसो नवविवाह-कंकणालंकिय-करो दीसइ ति । रन्ना वुत्तं- सोहणं संपन्नं । जं पुन्नकलस-कुमारेणं चेव हत्थी वसीकओ । अओ पत्तोहं संपयं पइन्ना-

महन्नवरस पारं ति जंपंतेणं आइहं जहा- कुमार ! हत्थिं खंभे
अग्गलिउण इहागच्छ । कुमारो वि तहेव काउण पणओ नरिदस्स ।
रत्ता वि ससिणेहमालिंमिउण निवेसिओ समासन्न-दिन्न-सुवन्नासणे ।
भणियं च-

जइ वि तुमं अप्पाणं कुमार ! अम्हाण न हु पयासेसि ।
तहवि चरिएण लोउत्तरेण इमिणा पयडिओ सि ॥२१७६॥

अप्पाणमपयंडतो वि होइ पयडो गुणेहिं सप्पुरिसो ।
छन्नो वि चंदण-दुमो किं न कहिज्जइ परिमलेण ? ॥२१७७॥
कुमारेण वुत्तं-

जं एसो मत करी कुविय-कयंतो व्व दुस्सहो वि मए ।
विहिओ वसमं तं सामि ! तुम्ह चलणाणुभावेण ॥२१७८॥
जं निग्गुणो वि पयडेइ गुणलवं तं गुरूण माहप्पं ।
पंगू वि गयणमक्कमइ अक्कमंडल-गओ अरुणो ॥२१७९॥

रत्ता वुत्तं-

‘वच्छ ! तुमए मयणसिरीए सयं चेव परिणीओ, संपयं पुण मए वि
तुज्झ इमा दिन्न’ ति भणिउण पसत्थ-वत्थेहिं महग्घ-रयणालंकारेहिं
करि-तुरथाइ-दाणेण सक्कारिउण विसज्जिओ पवरावासे । कुमारो पत्तो
सह मयणसिरीए । इमं च सोच्चा सेणावइ-सचिव-सेट्ठीहिं पि सम्माण-
पुव्वं समप्पियाओ निय-निय धूयाओ । भुंजए ताहिं समं भोए ।

अह अन्नया कुट्टिम-सन्निविट्ठ-सुवन्नसीहासण-सन्निसन्नो ।
नरेसरो पेच्छइ सूरसेणो नहंगणे वब्भयदब्भमब्भं ॥२१८०॥
कमेण तं सज्जण-संगयं, व वुट्ठिं गयं निब्भर-पूरियासं ।
गज्जंतमुल्लासिय-विज्जुलेहं, काउं पयटं सहस ति वुट्ठिं ॥२१८१॥
एत्थंतरे उल्लसिओ समीरो, कप्पं व कालप्पभवो व्व तिब्बो ।
समाहयं तेण य तक्खणेण, तमक्कतूलं व कहिं पि नट्टं ॥२१८२॥
दहूण तं चितइ सूरसेणो, वेरग्ग-मग्गोवगओ मणम्मि ।
लोयम्मि एएण निदंसणेणं, नीसेस-भावाण विणरसरत्तं ॥२१८३॥

पावाइं दोगच्च-निबंधणाइ, भोगत्थिणो जरस्स कए कुणंति ।
 अभिक्खणं तं पि असारमंगं, रोगा विलुपंति घुण ठ्व कट्ठं ॥२१८४॥
 विमोहिया जेण जणा मणम्मि, हियाहियं किं पि न चिंतयंति ।
 तं जोव्वणं झत्ति जरा कराला, दवग्गि-जाल ठ्व वणं दहेइ ॥२१८५॥
 रसायणाइणि कुणंति जरस्स, थिरत्तणं-काउमणा मणुरसा ।
 मयं व वग्घेण गसिज्जमाणं, तं मच्चुणा रक्खइ जीवियं को ? ॥२१८६॥
 जीए कए भूरि किलेस-जालं, कुणंति मेल्लंति तणं व पाणे ।
 पणस्सए सा सहसा पयंड-वायाहया दीव-सिहि ठ्व लच्छी ॥२१८७॥
 जेणावलितो विसएक्कचित्तो, परित्थि-संगं पि करेइ मूढो ।
 खणेण तं खिज्जइ धाउ-खोहे, हिमागमे पंकरुहं व खवं ॥२१८८॥
 किलिस्सए जरस्स कए कुणंतो, विचित्त-चाडूणि परस्स जीवो ।
 लद्धूण थेवं पि विलीय-वन्हिं, विणिज्जए तं मयणं व पेम्मं ॥२१८९॥
 किच्चं अकिच्चं व न जम्मि पत्ते, पलोयए पीयसुरो ठ्व जीवो ।
 पहुत्तणं तुट्ठइ तं पणट्ठे, पुब्बे घणे सेलनई रओ ठ्व ॥२१९०॥
 एगत्थ रुक्खे ठ्व कुडुंबवासे, कालंकियं तं पि खग ठ्व बंधू ।
 ठाउण वच्चंति चउग्गईसुं, चउदिसासुं च सकम्मबद्धा ॥२१९१॥
 एवं अणिच्चं सयलं पि वत्थुं, वियाणमाणस्स दुहेक्कगेहे ।
 गेहे पलित्ते ठ्व भवम्मि मज्झ, जुत्तो पमाओ न खणं पि काउं ॥२१९२॥
 एत्तो य पत्तो फल-फुल्ल-हत्थो, उज्जाणपालो नमिउं भणेइ ।
 सूरी तसन्थावर-जंतु-चत्ते, लीलावणे तुम्ह समागओ त्ति ॥२१९३॥
 जो तारएहिं व मुणीहिं जुत्तो, निच्छिन्न-सम्मोह-महंधयारो ।
 कारुन्न-पीउरस-पसन्नमुत्ती, चंदो ठ्व नामेण पसन्नचंदो ॥२१९४॥
 तं सूरसेणो सुणिउण तरस्स, तोसेण दाउं दविणं अणग्घं ।
 गओ गयक्खंध-गओ गुरुणं, नमंसणत्थं गुरु-भत्ति-जुत्तो ॥२१९५॥
 उज्जाण-मज्झोवगओ नरिंदो, करिंद-खंधाउ समुत्तरेइ ।
 आलोयमेत्तुज्झिय-रायचिंधो, गुरुण पाए पणमेइ सम्मं ॥२१९६॥
 तो धम्मलाभं भवदाव-दाह-नवंबुवाहं वियरेइ सूरी ।
 नमंसिउणं मुणिणो विसेसे, राया निसन्नो उचियासणम्मि ॥२१९७॥

पयासयंतो विलसंत-दंत-कंतीहिं हारं व तवस्सिरीए ।
 घणोह-निग्घोस-गहीर-घोसो-गुरु विधम्मं कहिउं पवतो ॥२१९८॥
 माइंदजालं व विलोलमेयं, वियाणमाणो वि भवस्सरूवं ।
 निव्वाण-मग्गे न पयट्टए जो, दिट्ठेहिं चोरेहिं मुसिज्जए सो ॥२१९९॥
 माणुरस्स-जम्मं लहिउं दुलंभं, गमेइ जो भोगसुहस्स कज्जे ।
 सो वायसुड्ढावण-कारणम्मि, खिवेइ चिंतारयणं व मूढो ॥२२००॥
 नियत्तिउं वंछइ भोग-तण्हं, सेवाएँ जो मूढमणो मणुरसो ।
 समीहए सो जलणस्स तित्तिं, संपाईउं दारु-समुच्चएण ॥२२०१॥
 संतोस-सुखं स-वसं विमोत्तुं, परव्वसं भोग-सुहं सुहत्थी ।
 संपत्थए जो अमयं चइत्ता, करेइ सो हालहलाहिलासं ॥२२०२॥
 धम्मं असारेण सरीरण, जो साहए मोक्ख-सुहेक्क-हेउं ।
 किणेइ सो मत्त-करिं खरेण, चिंतामणिं काण-कवड्डएण ॥२२०३॥
 जो पावकम्मज्जममिंदियाणं, सकज्जलुद्धाण कए करेइ ।
 सो मूढबुद्धी निय-कंठदेसं, हणेइ तिवखेण कुहाडएणं ॥२२०४॥
 लद्धे नरते वि समीहियत्थं, संसाहगे साहइ जो न मोक्खं ।
 पत्तो वि सो रोहणपव्वयम्मि, न लेइ माणिक्कमणग्घमोल्लं ॥२२०५॥
 मोत्तूण जो रज्जमवज्ज-मूलं, तवं न कुज्जा सिव-सुख-हेउं ।
 लद्धूण धत्तूर-तरं सुरुवखो, सो कप्परुवखं पि परिच्चएज्जा ॥२२०६॥
 एवं गुरुणं वयणं सुणित्ता, नरेसरो जंपइ सूरसेणो ।
 धम्मत्थिणो मज्झ तुहोवएसो, वाउ व्व जाओ सिहिणो सहाओ ॥२२०७॥
 काऊण तो संपइ रज्जसुत्थं, गिण्हामि दिवखं तुह पाय-मूले ।
 गुरु पयंपेइ महाणुभाव !, मणोरहो सिज्झउ ते अविग्घं ॥२२०८॥
 गंतूण गेहम्मि पहाण-लोयं, हक्कारिउं जंपइ सूरसेणो ।
 अहं हि संसार-विरत्तयित्तो, रज्जं विमोत्तूण वयं गहिस्सं ॥२२०९॥
 पुत्तो न मे दिव्व-वसेण जाओ, एक्को वि जं रज्जपए ठवेमि ।
 ता संपयं एत्थ निवेसइस्सं, भत्तारमेयं मयणस्सिरीए ॥२२१०॥
 रज्जम्मि पुन्नकलसं अहिसिंचिऊण,
 तेणेव निम्मविय-निदखमणप्पवंचे ।

लीलावणे पविसिउण गुरूण पासे,
दिवखं पवज्जइ नरिसर सूरसेणो ॥२२११॥

गहिय-दुविह-सिखो सो सरीराणवेवखो,
विविह-तव-पसत्तो निच्चलोदारसत्तो ।

परम-परम-रम्मो निट्ठियाऽसेस-कम्मो,
धुवमणुवम-सोवखं जाइ कालेण मोवखं ॥२२१२॥

पुन्नकलसो वि गुरु-समीवे पवन्नो देसविरइं परिपालइ रज्जं, सेवए मयणसिरी-पमुह-पत्तीहिं सह विसयसुहं । जाओ कमेण मयणसिरीए नंदणो । तरस कयं मयणवम्मो ति नामं ।

“कयाइं कुंडलउराओ करह-समारूढा समागया पुरिसा । विन्नत्तोऽणेहिं पुन्नकलसो- देव ! देउर-सामिणा नरसिंहेण रज्जा पेसिओ दूओ नाणगब्भ-मंति-पासे । भणियं अणेण-देवो नरसिंहो आणवेइ एवं जहा-एतियं कालं तए पुत्त-ववएसेण काराविया रायकन्ना रज्जं । तं च न विन्नायं मए, संपयं पुण रायकन्नाए अविन्नाय-कुलक्कमेण केणावि पुत्त-मुप्पाईउण रज्जं कारवेसि । अहो ! ते बुद्धि-कोसल्लं । तो जइ रज्जस्स कुसलं वंछसि ता मे दंडं देसु । अह न देसि ता नूणं विणस्ससि । मंतिणा वुत्तं-‘जइ ते दंड-गहण-वंछा ता देवो दमियारी दंडं किं न मग्गिओ ? संपयं पुण बालरज्जं दहूण दंडं मग्गसि, ता तुमं छलं नेसि नरसारमेओ न नरसीहो । जं पुण महाराय-मलयकेउ-कुलकेउभूयं पुन्नकलस-कुमारं अविन्नाय-कुलक्कमं जंपसि तं तुमं जमदंडाभिलासी, ता न देमि दंडं । वच्च, कहेसु निय-सामिणो जं ते रुच्चइ तं करेसु’ ति वोत्तूण विसज्जिओ दूओ । अम्हे वि तुम्ह पासं पेसिया । अओ परं देवो पमाणं ति । कुमारेण वुत्तं-गच्छह तुब्भे, न कायव्वं नरसिंह-भयं । नियत्ता ते । पुन्नकलसो वि तत्थ रज्जसुत्थं काउण पुव्वं सव्वाणुभूई-पउणीकय-कुंजराखुढो पत्तो तत्थ जत्थ दूय-वयण-सवण-कुविओ कुंडलपुरं पइ पत्थिओ देवउर-परिसरे आवासिओ चिह्नइ नरसिंहो । किमेस एरावणारूढो सयं सुरिदो एइ ? ति विम्हयवसुप्फुल्ल-लोयणेण सेन्नलोएण पलोइज्जमाणो अवयरिओ नरसिंहस्स पुरओ । भणियं कुमारेण-अरे ! अविन्नाय-कुलक्कमं ममं जंपसि । ता जइ कुलक्कमं”
“मुणिउमिच्छसि ता उट्ठेहि [करेहि] करे करवालं । मम भुयाओ चेव

कहिरसंति कुलं । तओ 'अरे ! गेणहह इमं' ति भणंतो गहिय-खग्गो
उट्ठिओ नरसिंहो । विविह-पहरण-विहत्थ-हत्था पयट्ठा पहरिउं सुहड-
सत्था । नरसिंहं विणा थंभिया सव्वे सव्वाणुभूइणा ।

उग्गीरिय-खग्गा के वि के वि चक्कलिय-चंड-कीढंडा ।

उक्खित्त-मोग्गरा के वि चित्त लिहिय व्व संजाया ॥२२१३॥

नरसिंहेण 'किं न पहरंति ?' भणिया सुहडा । वुत्तं कुमारेण-
किमेएहिं किमिप्पाएहिं पाइक्केहिं ? अहं तुमं च दो वि जुज्झामो । पयट्ठा
दो वि जुज्झिउं । कहं ?

वग्गंति दो वि हक्कंति दो वि पहरंति दो वि खग्गकरा ।

दो वि गयणंगणे उप्पयंति निवयंति ते दो वि ॥२२१४॥

दक्खत्तणओ खग्गेण तरस्स खग्गं तड ति तोडिता ।

नरसिंह-नरिदो पाडिऊण कुमारेण तो बद्धो ॥२२१५॥

मुक्खा सिद्ध-गंधव्वेहिं गयणाओ कुमरस्सोवरिं कुसुमवुट्ठी ।
सव्वाणुभूइणा उत्थंभिया सुहडा । पवब्बा कुमार-सरणं । नरसिंहो वि
मुक्को सक्कारिउं कुमारेण । भणियं च तेण- कुमार !

जं तुह मए सरूवं अयाणमाणेण अणुचियं भणियं ।

तेण असच्चरिएणं सक्केमि न दंसिउं वयणं ॥२२१६॥

ता वणवासं वच्चामि मज्झा गिण्हेसु रज्जसिरिमेयं ।

नीसेस-विसय-पवरं परिणेषु सुयं व रायसिरि ॥२२१७॥

कुमारेण वुत्तमेयं पालसु रज्जं करेसु मा खेयं ।

सुहडस्स भूसणं न उण दूसणं रणमहीवडणं ॥२२१८॥

कब्बा-परिणयण-कए जं तुममाणवसि तं पुण करिस्सं ।

जम्हा गुरूण वयणं अलंघणिज्जं बुहा बिति ॥२२१९॥

रब्बा वुत्तं सच्चं जइ गुरु-वयणं अलंघणिज्जं ते ।

रज्जसिरि रायसिरि च दो वि गिण्हसु तुमं तत्तो ॥२२२०॥

तओ कुमारेण परिणीया रायसिरी पडिवन्नं च रज्जं । गओ नरसिंहो
तवोवणं । कुमारो वि तत्थ नमंत-सामंत-मंति-सेविज्जमाण-पायकमलो
पालए रज्जं । सेवए रायसिरीए समं विसए । जाओ कमेण पुत्तो । पइट्ठियं
तरस्स देवसीहो ति नामं । अन्नया पिउ-पासाउ समागया पहाण-पुरिसा ।

विब्रत्तमणेहिं जहा- देव ! वत्तमकहिउण निग्गए तुमम्मि महंतं सोय-
संभारं पत्तो मलयकेउदेवो, देवी य विलासवई अणवरय-बाह-सलिल-
धोय-कवोलमूला ठिया एत्तियं कालं । संपयं पुण अपडुदेहो देवो जाओ ।
अओ तुम्ह आहवणत्थं पेसिया अम्हे देवेण । इमं च सोच्चा विसब्बो
कुमारो । सव्वाणुभूइ-पउणीकय-करिवारूढो साहग-समेओ पत्तो
पइहाणं । पणया अणेण जणणि-जणया । निवेसिओ जणएण रज्जे ।
सयं च पंच-परमेद्धि-सुमरणपरो परलोगं गओ मलयकेउ राया । एवं
पुब्वकलसो चउणह-रज्जाणं जाओ अहिवई । निय-पयाव-सहायं साहगं
सेणावई पेसिउण साहियाइं तेण अब्बाइं पि बहूणि रज्जाइं । आणियाओ
पुत्तेहिं समं पुव्व-परिणीय-पत्तीओ । अब्बाओ वि परिणीयाओ पउराओ
रायकब्बाओ । भुंजंतरस्स तरस्स ताहिं समं विसय सुखं जाया अवरे वि
पवर-पुत्ता । जिण-मुणि-पूया-पहाणस्स तिवग्गसारं रज्जमणुपालयंतरस्स
अइक्कंता बहवे वास-लवखा ।

अब्बाया तुरय-वाहियालीओ नियतेण नयर-मज्झे मासक्खमण-
पारणए परियडंतो दिट्ठो पुब्वकलसेण एगो महरिसी जो य जूयमेत्त-महि
निहिय-लोयण-जुओ देह-परिकम्म-रहिओ दया-संजुओ तिव्व-तव-
सुसिय-वस-मंस-सोणिय-वओ अट्ठि-चम्मावसेसो विसिद्धव्वओ । तो
भत्तिवसुल्लसिय-रोमंचेणं मुत्तूण तुरयं नरिदेण वंदिओ मुणी । मुणिणा वि
अभिणंदिओ सो धम्मलाभेण । तत्तो कहिं पि मए एरिसं समणस्सवं दिट्ठं
ति चिंतयंतेण सुमरिओ पुव्व-भवो जहा- मह चेव पवन्नसामन्नस्स
तिव्व-तवच्चरणेण सोसियंगरस्स एरिसं रूवमासि, तवप्पभावेण सुरलोय-
सुहं भुंजिउण इमं रज्जरिद्धिं पत्तो म्हि, ता संपयं तं चेव तवमणुचरिस्सं
ति चित्तिउण भणिओ मुणी- भयवं ! कत्थ तुम्ह गुरुणो ? मुणिणा
वुत्तं-इहेव कुसुमसारज्जाणे पभासायरिया समोसढा चिट्ठंति । रब्बा
निवेसिओ निय-पए पुब्वकुंभो नाम निय-नंदणो । काराविया जिणहरेसु
महिमा । विसेसओ अमारिघोसणा-पुव्वं दिट्ठं जहिच्छियं दीणाईण दाणं ।
महाविभूईए पभासायरिय-पासे पवन्ना दिवखा ।

काउं इमो तिव्व-तवं तिवब्बो सव्वहसिद्धम्मि गओ विमाणे ।
तओ चुओ लद्ध-मणुरस्स-जम्मो महाविदेहे लहिही सिवं पि ॥२२२१॥
जीए च्चिय संजुत्तं दाणं सीलं तवं च जीवाण ।
जायइ निव्वाण-फलं तं भावह भावणं भविणो ॥२२२२॥

वंझं बिति जहिच्छ-सत्थ-पढणं अत्थावबोहं विणा,
 सोहग्गेण विणा मडप्पकरणं दाणं विणा संभमं ।
 सबभावेण विणा पुरंधि-रमणं नेहं विणा भोयणं,
 एवं धम्म-समुज्जमं पि विबुहा सुद्धं विणा भावणं ॥२२२३॥
 उभय-भवेसु असुद्धा निदिट्ठा भावणा दुह-निमित्तं ।
 स च्चेय सुवख-मूलं सुद्धा जह खुड्ढगाईण ॥२२२४॥
 तहाहि-

[५. भावनायां क्षुल्लकादि कथा]

अत्थि इह भरहवासे संकेय-निकेयणं व साकेयं ।
 नयरं पिहुलच्छीणं पि हु लच्छीणं वर-मुणीणं ॥२२२५॥
 वेरि-करि-पुंडरीओ परिपंडुर-पुंडरीय-रुद्ध-दिसो ।
 सिरि-केलि-पुंडरीयं तत्थ निवो पुंडरीओ ति ॥२२२६॥
 तरस्स भुयदंड-कुंडलिय-चंड-कोयंड-कंड-तुडेहिं ।
 खंडिय-विपवख-मुंडो कंडरीओ अत्थि जुवराओ ॥२२२७॥
 कंता कांचण-कंती ससिकंता नाम पुंडरीयस्स ।
 तीए सुओ जसभदो भद्गइंदो व्व दाणपरो ॥२२२८॥
 भद्-गुण-विदत्त-जसा जसभद्दा भद्-हत्थि-समगणणा ।
 जाया जाया वर-सील-मंडणा कंडरीयस्स ॥२२२९॥
 जिस्सा सरीर-सुंदरिम-दलीअ-दप्पाओ देव-रमणीओ ।
 लज्जंतीउ व्व न दंसयंति लोयम्मि अप्पाणं ॥२२३०॥
 तं कहवि पुंडरीओ दहुं लावन्न-लच्छि-कुल-भवणं ।
 मयण-सर-विहुर-चित्तो चिंतिउमेवं समादत्तो ॥२२३१॥
 चंदो इमीए मुह-पंकएण जित्तो समुद्द-सलिलम्मि ।
 मज्जइ निच्चं पि कलंक-पंक-पवखालणत्थं व ॥२२३२॥
 ईईए बालाए लोयण-लायन्न-लीह-लुद्धाई ।
 मुद्धाई मयकुलाई वणवास-वयं व सेवंति ॥२२३३॥
 ईईए अहर-हरियारुणिम-मरट्टाई लज्जमाणाई ।
 बिंबफलाई उब्बंधणं व वल्लीसु विरयंति ॥२२३४॥

ता जइ इमीए सह विसयसुहं सेवेमि ता अत्तणो जीवियं सहलं मन्नेमि । तओ सो इमीए कुसुम-तंबोल-विलेवणाईणि पेसिउं पयटो । सा वि गुरु ति तं पइ निव्वियारा सव्वं गिण्हइ । अन्नया अविभाविऊण उभय-लोग-भयं भणियां रत्ना-सुंदरि ! ममं पडिवज्जसु । तीए वुत्तं-महाराय ! जो मे भत्तुणा तुमं पडिवज्जो सो मए पुव्वं पडिवज्जो । रत्ना वुत्तं-मणुरसभावेण ममं पडिवज्जसु । तीए वुत्तं-अण्य-समर-निव्वूढ-साहसं तुमं मणुरसं को न पडिवज्जइ ? । रत्ना वुत्तं-ममं पइं पडिवज्जसु । तीए वुत्तं-जो तुमं सयल-पुहवीए पई सो ममावि पई चेव ।

रत्ना वुत्तं-कमलच्छि ! अलं परिहासेण । मयण-जलण-जाला-पलित्त-गतं ममं नित्यं-संगमामय-रसेण निव्वेसु ति । तीए वुत्तं-देव ! मा एवं आणवेसु । गरुओ तुमं, मेढिभूओ भुवणस्स । समुदो व्व मा विलंघेसु मज्जायं । विलंघिय-मज्जाए तुमम्मि समुदे य जायए जगप्पलओ । तुह भएणं च नाएण वट्टए लोओ । यतः-

इदं प्रकृत्या विषयैर्वशीकृतं परस्पर-स्त्री-धन-लोलुपं जगत् ।
सनातने वर्त्मनि साधु-सेविते प्रतिष्ठते भूप-भयोपपीडितं ॥२२३॥

नयो वशीकर्तुमलं वपुस्थितं निजेन्द्रिय-ग्राममपेतसत्पथं ।
विदूरदेशस्थमपास्त-पौरुषो विपक्षवर्गं स कथं विजेष्यते ॥२२३॥

ता अलं इमिणा कुल-कलंककारिणा दुग्गइ-निबंघणेणं दुरज्जवसाएणं । परिचत्तो एस मग्गो खुद्द-सत्तेहिं पि । पइदिण-पत्थंतस्स तस्स अन्नया जंपियं अणाए-किमेयस्स वि भाउणो न लज्जसि ? । तओ चितियं रत्ना-नूणं कंडरियासंकाए ममं न पडिवज्जए, ता वावाईऊण तं गिण्हामि एयं देवि । तहेव काऊण भणिया एसा-वावाईओ भयो मए भय-कारणं ते । ता संपयं किं पयंपिहिसि ? । तीए चितियं-हद्धी इमिणा विलाएण मह कए गुणनिही अज्जउत्तो वावाईओ । ता जाव न एसो सीलखंडणं करेइ ताव अन्नत्थ वच्चांमि । तओ आवन्नसत्ता सावत्थी-गामिणा सत्थेण सह गंतुं पयट्टा । कमेण पत्ता सावत्थीए । तत्थ विजिय-सयलंतरारिसेणो अजियसेणो आयरिओ । मुत्तिपुर-वत्तिणी कित्तिमई पवत्तिणी । जसभदा वि पत्ता तीए समीवं । वंदिया सा सविणयं तीए । अहो ! असरिसाए आगिईए रायपुत्ती-सरिच्छेहिं लवखणेहिं इमीए एरिसी अवत्थ ति चिंत्तिऊण भणियं

पवत्तिणीए-वच्छे ! का तुमं ? कत्तो वा इहागयासि ? । तीए वि कहियं
जहावत्तं सव्वं पि । पवत्तिणीए वुत्तं-

धन्नासि तुमं वच्छे ! जा एवं सीलपालण-निमित्तं ।

मिल्लसि जलण-पलीविय-पलाल-पूलं व रज्जं पि ॥२२३७॥

जं सयलोवदव-सेल-दलण-दंभोलि-दंड-दुप्पेच्छं ।

जं पुव्व-भवज्जिय-पाव-दप्प-विज्झावण-घण-तुल्लं ॥२२३८॥

जं सग्ग-सोक्ख-तरु-मूलमुत्तिमं मंदिर-दुवारं ।

सीलम्मि तंम्मि निच्चं जत्तो जुत्तो च्चिय बुहाणं ॥२२३९॥

तीए य संविग्ग-मणाए पडिवन्नं समणत्तणं । तओ अपत्थासिणो
वाहि व्व वड्डिउं पवत्तो गब्भो । पुच्छिया“ पवत्तिणीए-भदे ! किमेयं ?
ति । तीए वुत्तं-पुव्वं चेव निय-पइ-संगमेण मे एस गब्भो जाओ । परं
वय-विग्घो मा होउ ति न मए अवखाओ । सावय-घरे पच्छन्ना ठिया,
पसूया एसा दारणं । कमेण वड्डंतो जाओ सो अट्ट-वारिसिओ । गाहिओ
साहु-किरियं । पसत्थ-वासरे य पव्वाविओ सूरिणा । गहिय-दुविह-
सिवखो-पत्तो जोव्वणं, कम्मवसओ पडिवन्नो वियारेहिं । यतः-

यौवने वर्तमानस्य विकलस्यापि देहिनः ।

विकारः स्फुरति प्रायो नाविकाराय यौवनं ॥२२४०॥

तओ न तरामि पव्वज्जं काउं, सेवेमि विसए, पच्छा पुणो वि
पव्वज्जं काहं ति चित्तिउण खुड्डएण निवेइयमिणं जणणीए । तीए वुत्तं-
वच्छ ! मा एवं पलवसु । आयरिओ जाणिरस्सइ अकुलीणो ति
गणिरस्सइ । पवत्तिणी सुणिरस्सइ, अविणीओ ति भणिरस्सइ । सयणा
मुणिरस्संति, लज्जिया भविरस्संति । सेस-लोगो संभलिरस्सइ, पवयण-निंदं
करिरस्सइ । किञ्च-

दिण पंच करिवि विसओवभोगु,

संपाइवि अणप्पह पाव-जोगु ।

नीसंख-कालु दुह-लवखखवि,

वसियव्वु वच्छ ! नरयंध-कूवि ॥२२४१॥

पइ-जम्म-मरण-कल्लोल-मत्तु, भव-जलहि भमिवि मणुयत्तु पत्तु ।

परिहरिवि विसयफलु वासु लेहि, किं कोडि कवडिइ हारवेहि ॥२२४२॥

चारित्तु चइवि जो विसय-सुखु, परिणाम-विरसु सेवेइ मुखु ।
सो पियइ दुहु जर-गहिउ सुहु, सो भक्खइ मंसु गलंत-कुहु ॥२२४३॥

मुह-महुरु चएविणु विसय-सुखु पेरंत-विडंबण-बहुल-दुखु ।
धरि चरणु वच्छ ! वज्जिवि पमाउ जिम्व नरइ न पावहि पच्च वाउ ॥ २२४४॥

खुड्डएण वुत्तं-अहं पि जाणेमि सव्वमेयं, परं न तरामि पावो पवज्जं काउं ।

जणणीए भणियं-तहा वि मज्झ कए बारस-वरिसाणि कुणसु
वयं । तीए उत(व)रोहेण ठिओ सो तेत्तियं कालं । पुणो वि पुच्छए
जणणिं । तीए वुत्तं-मम सामिणिं पवत्तिणिं पुच्छ । पुट्टा पवत्तिणी । तीए
वि भणियं-

जा दोस-भुयंग-करंडियाओ तइलोक्क-विडंबण-पंडियाओ ।
वालुंकि-वाल-वंकुड-मणाओ तडि-भंगुर-जीविय-जोव्वणाओ ॥२२४५॥

संझाबभलेह-खण-राणिणीओ नरयंध-कूव-रिउ-वत्तिणीओ ।
निम्मल-विवेय-रवि-बिम्ब-मेहु महिलासु तासु को कुणइ नेहु ? ॥ २२४६॥

खुड्डएण वुत्तं-किं करेमि ? । न सक्केमि दुक्करं वयं काउं । पवत्तिणीए
वि पडिक्खाविओ दुवालस-वरिसाणि^{***} । पुन्नेसु तेसु पुच्छियाए पवत्तिणीए
पेसिओ उवज्झाय-पासे । तेणावि भणियं-

जो जोव्वणु जाव सरीरु सत्थु जा विदहि इंदिय-निय-नियत्थु ।
ता वच्छ ! कुणसु संजमि पवित्ति किं कूवु खणिज्जइ धरि पलित्ति ॥२२४७॥

वज्जे वि सव्वु सावज्जु कम्म जो वच्छ ! न जोव्वणि कुणइ धम्म ।
सो मरण-कालि परिमलइ हत्थु गुणि तुट्टइ जिम धाणु कुपत्थु ॥२२४८॥

खुड्डएण भणियं-सच्चमिणं तहावि न सक्कुणोमि वयं काउं ।
उवज्झाएण भणियं-ममावि देसु बारस-वरिसाणि । ठिओ सो तित्तियं
कालं । पुणो पुट्टो उवज्झाओ । तेण भणियं-गुरुं पुच्छ । गओ गुरु-
समीवं । साहिओ निययाभिप्पाओ । तेणावि भणियं-

परिहरिवि चरणु परिणई अपच्छ जं विसय-तुच्छ वंछेसि वच्छ ! ।
जलबिदु-मित्त-सुहालस-लुद्ध तं जलहि-तुल्ल दुहं लेसि सुद्ध ॥२२४९॥

विसउवभोग-भोलविय-चित्तु चारित्तु वच्छ ! वज्जिवि पवित्तु ।
 बहु पाव कुणंतु अणंतु कालु भवरन्नि सहिस्ससि दुक्ख-जालु ॥२२५०॥
 अवगणिवि नरय-दुहु अप्पमेउ जं विसय समीहसि निव्विवेउ ।
 अणवेक्खिय लउड-पहारु लुद्धु तं वच्छ ! बिडालु व पियसि दुद्धु ॥२२५१॥
 सिद्धंतु पढसु परमत्थं सुणसु चल-करणग्गाम-निरोहु कुणसु ।
 मण-मक्कड-नियमण-संकलाओ परिभावसु बारस भावणाओ ॥२२५२॥
 चलु जीविउ जोव्वणु धणु सरीरु जिंम कमल-दलग्ग-विलग्गु नीरु ।
 सुविणिंदयालसमु पिय-पसंगु मा वच्छ ! कुणसु चारित्त-भंगु ॥२२५३॥
 पिउ-माय-भाय-सुकलत्त-पुत्तु पहु परियणु मित्तु सणेह-जुत्तु ।
 संपत्तइ मरणि न कोवि सरणु परिपालसु निच्चल-चित्तु चरणु ॥२२५४॥
 शया वि रंकु सयणो वि सत्तु जणओ वि तणओ जणणि कलत्तु ।
 भवरंगि नडु व बहुखुवु जंतु पेच्छेवि म मुज्झासु तवु वयंतु ॥२२५५॥
 एकल्लउ^५ पावइ जीवु जम्मु एकल्लउ^५ मरइ विढत्त-कम्मु ।
 एकल्लउ परभवि सहइ दुक्खु इय सुणिवि म वंछहि विसय-सुक्खु ॥२२५६॥
 जहिं जीवह पउंजिअत्तु देहु तहिं किं न अब्बु धणु सयणु नेहु ।
 इय जाणिवि गय-विसयाभिलासु तुहु वच्छ ! होहि संजमि दढासु ॥२२५७॥
 वस-मंस-रुहिर-चम्मट्टि-बद्ध नव-छिड्ड-इरंत-मलावणद्ध ।
 असुइस्सखव-नर-थी-सरीर परिभाविवि संजमु धरहि धीर ॥२२५८॥
 मिच्छत्त-जोग-अविरइ-पमाय-मय-कोह-लोह-माया-कसाय ।
 पावासव सव्वि वि परिहरेसु चारित्ति चित्तु निच्चलु करेसु ॥२२५९॥
 जह मंदिरि रेणु तलाइ वारि पविसइ न वच्छ ढक्खिय-दुवारि ।
 पिहियासवि जीवि तहा न पावु इति चित्तिवि थिरु करि चरण-भावु ॥२२६०॥
 परवसु अनाणु जं दुहु सहेइ तं जीवु कम्मु नणु निज्जरेइ ।
 बहु खव्वइ जिइंदिउ तवु चरंतु इय चित्तिवि चिट्ठसु वउ धरंतु ॥२२६१॥
 जहि जम्मणु मरणु न जीवि पत्तु तं नत्थि ठाणु बालग्गु मत्तु ।
 उट्ठाहो चउदस रज्जु लोगि बुज्झंतु म मुज्झाहि चरण-जोगि ॥२२६२॥

सुह-कम्म-निउइण कहवि लद्ध विसयास करेविणु पुणवि रद्ध ।
जलनिहिभुय-रयणु व दुलह-बोहि चल-चित्तु समंजसि वच्छ ! होहि ॥२२६३॥

धम्मो ति कहंति जि पावु पाव ते कुगुरु मुणसु निइय-सहाव ।
पइ पुन्निहि दुल्लहु सुगुरु पत्तु तं मा चएसु तुहु विसयसत्तु ॥२२६४॥

तथा-

पैशाचिकमारव्यानं श्रुत्वा गीपायनं व कुलवध्वाः ।

संयमयोगैरात्मा निरन्तरं व्यावृतः कार्यः ॥२२६५॥

एवं पि पन्नविओ जाव न मेल्लइ विसय-वंछं ता सूरिणा वि
दुवालस वासाणि धरिओ । पुब्बेसु तेसु गमणत्थं पुच्छिओ सूरि । पुणो
कया धम्मकहा । न से परिणया । मुक्खो गुरुणा । तओ अहो ! से कम्म-
गखयत्तणं जेण एत्तिएणावि कालेण नावगया विसय-तण्हा । ता जत्थ
तत्थ वा कम्मयरो व्व मा किलिरसउ ति चित्तिउण कहिओ पुव्व-वुत्तंतो
जणणीए । भणिओ य- वच्छ ! एयं पुव्वाणीयं मुद्दाए सह कंबल-रयणं
घेत्तूण वच्चसु साकेए पुंडरीयराय-समीवं । तह ति पडिवज्जिउण गहिय-
दव्व-लिं गो कमेण पत्तो 'तत्थ पओस-समए । पच्चूसे नरनाहं
पेच्छिस्सामि ति ठिओ जाणसालाए । अह रायसभाए पारद्धं पेच्छणयं ।
निसन्ना नरिदाइणो ! आदत्तो पुव्वरंगो । पणच्चिया नट्टिया । कोउहल्लेण
गओ खुड्डओ, सव्व रायं(इं) च नच्चंतीए तीए आवज्जिया रायाइणो ।
विदत्तो साहु-सदो । अच्चंत-खिन्ना सा पभाए पयलाईउमारद्धा । तओ से
जणणीए- 'अव्वो ! तोसिओ रंगो । विदत्तो जसो । ता मा पयलायंती
लोगाओ निंदं पावउ' ति नट्टियाए पडिबोहणत्थं पढिया एस गीईया-

सुहु गाईयं सुहु वाईयं सुहु नच्चियं सामसुंदरि ! ।

तुममणुपालिय दीह राइ आउ सुविणं ते मा पमायए ॥२२६६॥

इमं सोउण पडिबुद्धा नट्टिया, इमे खुड्डयाइणो । तुट्टेण खुड्डएण
लवखमोल्लं खित्तं कंबल-रयणं । जसभदेण रायसुएण कुंडल-जुयलं ।
सिरिकंताए इब्भघरिणीए हारो । जयसंधिणा सचिवेण कडय-जुयं ।
कन्नवालेण मिठेण अंकुसो । सव्वाणि वि लवखमुल्लाणि । अणुघिय-
दाणओ य पुच्छियाणि रन्ना पभाए सव्वाणि । तओ खुड्डएण साहिओ
पुव्व-वुत्तंतो जाव विसयाहिलासी पढविओ तुज्झ समीवं जणणीए । इमं

च सोच्या पच्यागय-चरण-परिणामेण मए दिण्णं कंबल-रयणं ।

रत्ना बहुमन्निउण भणिओ-गिण्हसु रज्जं, करेसु अंतेउरं, उवभुंजसु विसए, पच्छिम-वयम्मि करेज्ज पव्वज्जं ।

खुड्डएण भणियं-

जं चिर-कालं धरियं चित्तरयणं व चित्तियत्थकरं ।

विसय-तुस-भोयण-कए तं सीलं विक्खिणेमि कहं ? ॥२२६७॥

रायसुओ जंपइ- 'अज्जं कल्लं वा तुमं वावाईउण रज्जं गिण्हिस्सामि'ति कयसंकप्पो पडिबुद्धो अहं गीईयाए । रत्ना वुत्तं-अलं वियप्पेण । देमि ते रज्जं । सो वि न इच्छइ ।

सिरिकंता भणइ- बारस वरिसाणि पउत्थरस्स पइणो अज्जं कल्लं वा पुरिसं पवेसेमि जाव इमाए गीईयाए पडिबोहिया । रत्ना वुत्तं-करेसु इच्छं । तीए वुत्तं-अलं एरिसीए इच्छाए ।

अमच्चो भणइ- अन्नेहिं नरिदेहिं सह मिलामि ति चित्तयंतो गीईयाए पडिबुद्धो ।

मिठो भणइ-पच्चंत-नरिदेहिं भिन्नो हं जहा पट्टहत्थिं देसु मारेसु वा । तं च काउकामो गीईयं सुच्या अलं मे इमिणा दुरज्झवसाएण ति पडिबुद्धो ।

पच्छा सव्वेसिं कया खुड्डएण धम्मदेसणा । संजाया चारित्त-परिणामाणि चत्तारि वि पव्वावियाणि, अन्ने य कया बहवे सावया । घेतूण ताणि गओ गुरु-सयासं खुड्डओ । कहिओ सव्व-वुत्तंतो गुरुणो । बहुमन्नियाणि सव्वाणि तेण । वेरग्ग-वसुल्लसिय-सुह-भावाणि ताणि पालिउण अकलंकं सामन्नं काउण तिव्वं तवं गयाणि देवलोगं कमेण मोवखं पि । खुड्डगाईणं पुव्विं असुह-भावणा आसि, पच्छा वेरग्गोवगयाणं सुह-भावणा । जइ असुह-भावणाए ताणि पयट्ठिसु असुह-कज्जेसु तो असुह-कम्म-गलहत्थियाणि वच्चिसु असुह-गइं । किंतु सुह-भावणाए काउं सव्वाणि सुह-समायारं सुह-कम्मवसेण गयाणि सुह-गइं खुड्डगाईणि ॥

पाठांतर :

१. कंतमुक्तिमइ मणहरा पा. ॥ २. 'रायाहिव' रा. ॥ ३. वुत्तं ल. रा. ४. 'ते वि....निय-पहाणनरा ।' पाठ मात्र द. पा. मां. ५. रंजिज्जइ पा. ॥ ६. गरुय. पा. ॥ ७. चक्कम्मति पा. ॥ ८. सयल-भोगो ल. रा. ॥ ९. सिद्धिणो ल. रा. ॥ १०. मुत्तूण ल. रा. ॥ ११-१२-१३. सिद्धिणा ल. रा. ॥ १४. पत्ता य ल. रा. ॥ १५. पियस्स द. पा. ॥ १६. 'मए....कुसुमाई' पाठ मात्र द. पा. मां. १७. विम्हय द. ॥ १८. पडिओ पा. ॥ १९. खीणकवोला ल. रा. ॥ २०. परिपालियस्स द. पा. ॥ २१. एक्कं ल. रा. ॥ २२. सा कयाइ ल. रा. ॥ २३. अवहओ घरसारो ल. रा. ॥ २४. मट्टिय-मयगला० ल. रा. ॥ २५. चेव ल. रा. ॥ २६. निम्माविओ ल. रा. ॥ २७. छगलो ल. रा. ॥ २८. पुरदेवयाए ल. रा. ॥ २९. पत्तो ल. रा. ॥ ३०. सेट्ठी ल. रा. ॥ ३१. वंदणिज्जा ल. रा. ॥ ३२. जग्गा सुग्गा ल. रा. ॥ ३३. काही पा. ॥ ३४. समणो पा. ॥ ३५. सहस्सारे ल. ॥ ३६. एयं ल. रा. ॥ ३७. गुख्यं ल. रा. ३८. रज्ज-करणत्थं ल. रा. ॥ ३९. गाथा २१४७ ल. रा. मां नथी. ४०. सिद्धि ल. रा. ॥ ४१. वीसंभ-पणयणेणं ल. रा. ॥ ४२. सत्थाह ल. रा. ॥ ४३. कयाइ ल. ॥ ४४. सुणिउ० ल. रा. ॥ ४५. मुद्धाइ पा. ॥ ४६. पुच्छियं रा. ॥ ४७. वासाणि ल. रा. ॥ ४८. एकल्लउ द. ल. ॥

• • •

अहमो पत्थावो

जो तिवख-दुवख-विसरुवख-बीयभूयं न वज्जेहिंसं ।
दाणाइं तरस्स सव्वं पि निष्फलं कासकुसुमं व ॥२२६८॥
तिव्वं पि तवं नाणं पि निम्मलं दुक्करं पि चारित्तं ।
तुस-खंडणं व विहलं नरस्स हिंसासमेयस्स ॥२२६९॥
जो जीववह-निवित्तिं करेइ सो लंघिऊण वसणगणं ।
नर-सुर-सिव-सुखाइं पावइ देवप्पसाउ व्व ॥२२७०॥

[१. अहिंसायां देवप्रसाद कथा]

अत्थि इह जंबुदीवे भरहे पंचाल-विसय-अवयंसं ।
परचक्क-अकय-कंपं कंपिल्लं नाम वर-नयरं ॥२२७१॥
जत्थ मणिभवण-भित्तीसु पेच्छिउं अत्तणो वि पडिबिम्बं ।
पडिजुवइ-संकिरीओ कुप्पंति पिएसु मुद्धाओ ॥२२७२॥
अणुवत्तिय-नयंथम्मो आजम्म-परोवयार-कयकम्मो ।
मयरद्धओ व्व रम्मो जयवम्मो नाम तत्थ निवो ॥२२७३॥
करिकुंभ-दलण-संसत्त-मुत्तिओ जरस्स संगरे खग्गो ।
सत्तूण सग्ग-मग्गो व्व सहइ नवखत्त-संकिन्नो ॥२२७४॥
मुद्ध-हसिएण जीए हसियं व जयम्मि लज्जियं अमयं ।
अप्पाणं न पयासइ जयावली तरस्स सा देवी ॥२२७५॥

सो तीए सह विसय-सुहमणुहवंतो चिट्ठइ । अन्नया दिट्ठो देवीए
सुविणगो- केणावि दुट्ठेण छिन्नं राइणो सिं, तं च मउड-रयण-पज्जलंतं
पडियं ममुच्छंगे, ससंभमाए मए उठ्ठाईयं । विउद्धा ससज्झासा देवी ।
मुणिया रत्ना, पुच्छिया- किमेयं ? ति । सोगेण रोविउं पवत्ता । समासासिया
रत्ना । पुच्छिया अवसरे । साहियं जहहियमिमीए । रत्ना भणियं- अलमेत्थ^१
सोगेण । मउडधरो ते महाराओ पुत्तो भविस्सइ । चित्तियं अणेण- ममावि
आसन्न-मरणं इमिणां सुविणेण सुइज्जइ । तहावि ववसाओ चेव एत्थ जुत्तो

ति अइक्कतो कोइ कालो । जाया आवन्नसत्ता महादेवी । इओ य सूरसेणो नाम गोतिओ पहाण-सामंते वसीकाऊण तेहिं समं समागतूण नगर-रोहं करेइ । तओ रत्ना अप्पणो अवलुत्तं बुज्झिऊण खणाविया देवी-गिहाओ सुरंगा उम्मिटा मसाणे ठयाविया रत्ना दंसिया महादेवीए । भणिया य एसा-देवि ! पबलो वेरी । विसमा कज्जगई । न नज्जइ किं पि होइ । ता कालं नाऊण एयाए तए गंतव्वं । पडिवन्नं देवीए ! पत्तो वेला-मासो । पारद्धे परेण नगरभंगे जयवम्मो निग्गंतूण जुज्झिओ विवन्नो य । उद्धाईओ कलयलो । सुरंगाए नट्टा देवी निग्गया मसाणे । भएण पसूया । जाओ से दारओ । निव-मुद्द-कंबल-रयण-वेढिओ मुक्खो मसाणे । ठिया लयंतरिया देवी । इओ य तत्थ नयरे भद्दो सेट्ठी । तरस्स सुभदा भज्जा । सा य निंदू । सिद्धिणा आराहिया कुलदेवया । तीए तुट्ठाए वुत्तं- मयगब्भ-परिट्ठवणत्थं गओ जं दारयं पिच्छसि तं गिण्हिज्जसु ति । तत्थ-गएण गहिओ सिद्धिणा । एयं दहूण गया महादेवी ।

खणमित्त-दिट्ठनट्ठा^१ रिद्धी सुमणोवलद्ध-रिद्धिं व्व ।

अधुवो निय-निय-पुर-चलिय-पहिय-मेलो व्व पियमेलो ॥२२७६॥

अप्प-पर-समुत्थ-अवाय-लक्ख-मज्झाम्मि वट्टमाणं जं ।

तडिलय-ललियं व थिरं खणं पि जीयं तमच्छरियं ॥२२७७॥

चित्तयंती निव्वेएण जाया तावरी । इओ य सिद्धिणा स-भज्जाए वि अणाविविखय-सब्भावं जीवइ चेव एसो ति समप्पिओ सुभदाए दारओ । अइक्कतो मासो, कयं वद्धावणयं, देवया-पसाएण लद्धो ति तरस्स दिव्वं देवप्पसाओ ति नामं । वड्ढिओ एसो देहोवचएणं कला-कलावेण २ । पत्तो जोव्वणं । आगच्छंति तरस्स सिद्धि-कन्धगाओ । नाणुस्सवाओ ति न इच्छइ ताओ सेट्ठी ।

एत्थंतरे तत्थागओ नेमितिओ । कओ अणेण लोयाण पच्चओ । सुंदरो ति सुओ सूरसेणेण । सदाविओ सगोरवं । मुट्ठिभेयाईहि नायं सुंदरत्तं । पुच्छिओ एणंते-किमेयं रज्जं मम वंस-पइद्वं न व ? ति । नेमितिगेण वुत्तं- न खेओ कायव्वो । सत्थ-परतंता अम्हे । रत्ना वुत्तं- को इत्थ अवसरो खेयस्स ? । निमित्तगेण वुत्तं- जइ एवं ता न ते वंस-पइद्वं ति । रत्ना वुत्तं- को उण एयं करस्सिइ ? । नेमितिगेण भणियं-

જો તે અદ્ધમાસેણ ગોઝલં ભિલ્લેહિ હીરંતં રવિચરસહ. તહા તે પુત્તાણ આણં ન કરિસસહ, તહા રચણર-સામિણો પુન્નચંદરસ ધૂયાઓ પરિણેસસહ તિ ।

એવમેયં તિ અવધારિઝ્ઞ ભણિઓ રઙ્ગા નેમિત્તિગો- નેયં અન્નસસ પુરઓ જંપિયવ્વં । પઙ્કિવન્નમિણં તેણ । પુજ્જિઓ એસ રઙ્ગા । નિગ્ગઓ રાયકુલાઓ પટ્ટણાઓ ય । પેસિયા સૂરસેણેણ ગોઝલં નિય-પુત્તા, ભણિયા ય-માસં જાવ તુલ્લેહિં ગોઝલં રવિચયવ્વં । ગયા તે અવન્નાએ ચેવ અપરિવારા તત્થ । અદ્ધમાસે ગએ પમત્તાણ તાણ હઠં ગોઝલં ભિલ્લેહિં । સયણ-વિવાહ-કજ્જે ગએણ મમ્મો હીરંતં દહ્મણ પરક્કમ-પહાણયાએ નિયત્તિયં તં દેવપ્પસાણ । સુઓ એસ વુત્તંતો રઙ્ગા । ભદ્દસેહિ-પુત્તો દેવપ્પસાઓ રજ્જધરો તિ અવગયમેયસસ । નિય-પુત્તેહિં નયરે કારાવિઓ અગાલૂસવો । ભમિઓ પઙ્કહગો-‘જો એત્થ તરુણો નીહરહ કીલિઝં તસસ રાયપુત્તા પસાયં કુણંતિ, જો પુણ એવં ન કરેહ તસસ ન વચ્ચમંતિ ।’ એયં સોઝ્ઞણ નિગ્ગયા બહવે નાયર-કુમારા । ન નિગ્ગઓ દેવપ્પસાઓ । ભણિઓ જણણિ-જણેહિં-વચ્ચ ! નિગ્ગાચ્છ, પેચ્છ રાયપુત્તૂસવં । વિસમં ચુ રાયઝલં । તેણ ભણિયં-સીસં મે દુવચ્છહ । અઓ પરં ન જંપિયં નેહેણ એહિં ।

બીય-દિયહે સુયં દેવપ્પસાણ જહા- રચણરે નયરે પુન્નચંદરસ રઙ્ગો ધૂયાઓ લચ્છિમહ-કંતિમહ-નામાઓ ગંધજુત્તીએ અર્હવ-કુસલાઓ ભણંતિ ઇમં-જો અમ્હેહિં કયાણં ગંધાણં વિસેસં જાણેહ તં ચેવ પરિણિસસામો, ન અન્નં પુરિસમેતં । પેસિયા તે ગંધા બહૂણં રાયપુત્તાણં । ન નાઓ ય તેહિં તાણ સમં વિસેસો ય, તાઓ ન પરિણિજ્જંતિ । એય-વર્હચરેણ દુવિચ્છિઓ રાયા, ભમહ ય તત્થ પહિદિણં પઙ્કહગો-‘જો એસિં ગંધાણં વિસેસં જાણેહ તસસ દિજ્જંતિ એયાઓ સમં રજ્જ-અદ્ધેણ’ । એયં સોઝ્ઞણ ચિંતિયં દેવપ્પસાણ- કહં મએ તત્થ ગંતવ્વં ? તિ ચિંતા-સમાગઓ ગઓ ઝજ્જાણે ।

એત્થંતરે ઝસવાનીસરણ-કુવિણ રઙ્ગા પેસિયા પુરિસા । આગયા તે । ભણિઓઽણેહિં સેહી-કત્થ દેવપ્પસાઓ રાહસાસણાઇક્કમણકારી ? । દુહો ચુ સો પાવો, તા વાવાહયવ્વો તિ આહિદ્ધા અમ્હે દેવેણ સૂરસેણેણ । સિદ્ધિણા વુત્તં-ગઓ સો કલ્લં ચેવ માઝલગ-પાહુણો રચણરં । એહ અહં

चेव रायपासं गच्छामि । देवप्पसायस्स पासे माउलग-संदेसाओ तए इओ
 चेव रयणउरे गंतव्वं ति गहिय-सिक्खं पच्छन्न-पुरिसं पेसिउण गओ
 सेट्ठी । कहियमिणमेव तेण रत्तो । न अब्बहा नेमित्तिय-वयणं ति चित्तियं
 रत्ता-‘तहा वि सामनीई एत्थ उवाओ’ ति भणिओ सेट्ठी- लहुं तं सुयं
 आणेहि ति । सिट्ठिणा वुत्तं-‘जं देवो आणवेइ’ ति । असंभंतो गओ सेट्ठी
 सगिहं । देवप्पसाओ वि अणुकूल-जणयाएस-तुट्ठ-चित्तो गओ
 रयणउरं । पविट्ठो बंधुदत्त-माम-गिहं । कयं उचिय-करणिज्जं ।
 भणियमणेण-ममावि दंसेहि ते गंधे । मामणेण हक्कारिउण गंध-चेडिं
 दरिसाविया ते देवप्पसायस्स । तेणावि सुहुम-परिक्खाए वियाणिया सम्मं
 निरुविउण । भणियं च-एए एत्थ गंधा परिणया दव्वा वि निम्मविया
 महं तीए । एएण पुण पच्चग्ग-दव्वगया बालाए एगे पयट्ठाविति मंथरं,
 अन्ने पुण सिग्घं । परिभोग-जोग्गा पुण दुवे वि । गंध-चेडीए वुत्तं-को
 एत्थं पच्चओ ? । देवप्पसाएण वुत्तं-आणाविज्जंतु भमरा । आणाविया
 भमरा । मुक्का गयणाओ पढमं गंधा, पडिय-मिक्का गहिया भमरेहिं
 निलीणा परमलएण ते । मुक्का बियां गंधा, निवडमाणा गहिया भमरेहिं ।
 वियंभिया इओ तओ ते । को एत्थ भावत्थो ? ति पुच्छियं गंध-चेडीए ।
 गभीरो मणोहरो य एयाहिं संभोगो ति साहियं देवप्पसाएण ।
 पेसियाणेण एयासिं साहारण-दव्व-क्कया पडिगंधा । साहारणो एस
 अम्हाणं ति वियाणियमेयाहि । उयार-वियवखणो महाणुभावो ति जाओ
 एयाणमणुराओ ।

विन्नायमिणं रत्ता पुण्णचंदेण, चित्तियं च-धणवंतो वि एस वाणिओ,
 न य एवं उदार-विन्नाणवंतो वाणिओ होइ । न य मुद्ध-रायकन्नाणं
 अणभिजाए अणुराओ संभवइ । ता कहमेयं ? ति चिंतंतरस्स पत्तो
 कंबल-रयणं जयवम्म-नाम-मुद्धं च घेतूण देवप्पसायस्स कित्तिम-मामगो
 बंधुदत्त-सिट्ठी । भणियं च णेण- देव ! समागओ मे भणिणिवइ-
 पेसिओ कंपिल्लपुराओ पुरिसो । कहियं च तेण-तत्थ सूरसेण-रत्ता विणा
 वि दोसं गहिओ ते भणिणीवइ । तेण य महावसण-संगएण विज्जत्तं-
 एसं देवप्पसाओ महाराय-जयवम्मावसाण-समए जयवम्म-नाम-मुद्धा-
 सणाहं कंबलरयण-संगओ देवयाप्पसाएण लद्धो मए मसाणे । नाम-
 मुद्धा-चिंधेण य जाणिओ एस महाराय-जयवम्म-सुओ ति । भएण य
 करस्सइ अकहिउण संवट्ठिओ । न याणामि य एत्थ तत्तं । किंतु एओवरि

महतो निब्बन्धो सूरसेणस्स । सो य तेण धिप्पमाणो कहवि वाजेण मए पेसिओ । ता एवंविहं एयं वत्थुं ति निवेईयं देवस्स । रक्खियव्वो पयत्तेण सूरसेणाओ एसो । एवं भणिऊण उवणीया नाम-मुद्दा कंबल-रयणं च ।

जयवम्म-पुत्तो मे भाइणिज्जो एसो ति तुहो राया । सुहु चितियं मए जं न एवं उद्दार-विन्नाण-वंतो वाणियगो होइ ति चित्तिऊण भणियं रत्ता- भो सिद्धि ! संदिसह तरस्स सिद्धिणो जहा साहुकयं जमेवं एवंविहं वुत्तंतं जाणावियं । अलं च संपइ कुमारं पइ सूरसेण-संरंभेण । सव्वहा जम्ममोचियं तं अहमित्थ काहं ति सदाविओ देवप्पसाओ । दिहो रत्ता । अणुहरइ जयवम्मस्स ति आणंदिओ राया । पयासियं जणे सव्वमेयं । दिन्नाओ कन्नगाओ । वत्तो वीवाहो ।

एत्थंतरे समागया सूरसेण-पेसिया अहिमरा कइवय-दिणेहिं । उज्जाणे गयस्स कुमारस्स मालागारच्छलेण दुक्खा एए । सूरसेणो कुब्धो ति आसन्ने जंपियमिमेहिं । कुमारो वि दुक्खो इमाणं । पाडिया एए । एसो वि लब्धो दाहिण-भुय-प्पहारेण । एयं सोऊण आगओ राया । अद्धवावाईया अहिमरा । किमेएहिं खुडेहिं वावाईएहिं ति वारिया कुमारेण । अभयं दाऊण पुद्दा रत्ता- फुडं साहह केण पउत्ता तुब्भे ? ति । सूरसेणेण ति साहियं अहिमरेहिं । जणय-वेरिओ ति कुविओ कुमारो । विन्नत्तो जेण पुन्नचंदो-देहि मे विक्खेवं जेण निज्जाएमि जणय-वेरं । पुन्नचंदेण वुत्तं-सयमेव गच्छामि किमेत्थ विक्खेवेण । सोहण-दिणे निग्गओ राया । पत्तो अणवरय-पयाणेहिं कंपित्तं । आसन्नेण भणिओ सूरसेणो-‘रज्जं मोतूण धम्मं करेहि’ ति । न इच्छियमिणं सूरसेणेण । जाओ संगमो । महाविमदेण जिओ सूरसेणो । गाढप्पहार-पीडिओ मओ य । अंगीकयं रज्जं देवप्पसाएण । ठवियाओ पुव्व-नीईओ । आणंदियाओ पयाओ । वसीकया पच्चंत-सामंता । जाओ महाराओ देवप्पसाओ । सहावेण चेव दयावरो न हिंसए जीवे ।

अन्नया नयरस्स ईसाण-भाए उव्वमंत-रवि-सहरस्स-पहाण-पुरो व्व भासुरो दिहो उज्जोओ । रत्ता किमेयं ति जाणणत्थं पेसिओ पडिहारो । सो वि गंतूण आगओ साहेइ- देव ! अज्ज कुसुमकरंड-उज्जाणे दमसारस्स मुणिणो समुप्पन्नं केवलनाणं । अवयरिया तत्थ तियसा । एस ताण समुज्जोओ । पहाए तरस्स केवलिणो चलणारविद-

वंदणेण कयत्थमप्पाणं करिस्सं ति चित्तयंतस्स रत्नो पण्ढा अविरइ व्व
कसाय-पिसाय-पसर-विरयणी रयणी, वियलिओ मोह व्व हणिय-
सम्मदिट्ठि-प्पयारो अंधयारो, वियसियं भविय-जण-मणं व पुव्व-बद्ध-
विणित्त-पाव-पडल-भसलणं कमलवणं, समुग्गओ विवेओ व्व
पयासिय-सयल-पयत्थ-पूरो सूरु । तो

राया सिंधुरक्खंध-परिगओ धरिय-धवल-वर-छत्तो ।
चलिओ चलंत-सिर-चारु-चामरो अमरनाहो व्व ॥२२७८॥

गच्छंतेण य रत्ना दिट्ठो चलिउं पि अक्खमो व्वामो ।
वयण-विणिग्गय-दसणो मसिकसिणो सूण-कर-चलणो ॥२२७९॥

किमि-कुट्ट-विणट्ट-तणू भमडंत-असंख-मक्खिया-छन्नो ।
दमगो पहंमि एगो पच्चदखो पाव-पुंजो व्व ॥२२८०॥

अह चित्तियं निवेणं फुरंत-कारुन्न-पुन्न-हियएणं ।
पुव्वभव-दुक्खय-फलं अणुभवइ अहो वराओ ति ॥२२८१॥

सो उज्जाणे पत्तो परिचत्त-समत्त-रायवर-चिंधो ।
सुर-कय-कमल-निसन्नं दमसारं नमइ केवलिणं ॥२२८२॥

उच्चियासणे निसन्नो पुच्छइ पह-दिट्ट-दमग-पुव्वभवं ।
भयवं पि कहइ दिप्पंत-दंत-कंति-छुरिय-गयणो ॥२२८३॥

अत्थि धन्नउरं नयरं । तत्थ जयपालो राया । तत्थ दुवे कुलपुत्तया
भायरो सामदेवो वामदेवो य । स-कम्म-निरया कालं गमिति । अन्नया
दुब्भिवक्खे भणिओ सामदेवो वामदेवेण- भाय ! भोयणाभावाओ न
नित्थरिज्जइ । ता पारद्धिं काउण वित्तिं कप्पेमो ति गया अडविं ।
पारद्धा पारद्धीं । हरिणं दहूण मुक्को सरो वामदेवेण । न लग्गो
हरिणस्स । भवियव्वयावसेण निवडिओ विडवंतरियस्स काउस्सग्ग-
द्वियस्स मुणिणो अग्गओ । सरं अन्नेसंतेहिं तेहिं दिट्ठो नासग्ग-निविट्ट-
दिट्ठी पलंबिय-बाहु-जुयलो अहोमुहु फुरंत-कर-नहं महूह-रज्जूहिं
नारय-नियरं उद्धरिउकामो मुणी । तओ सामदेवो सामवयणो 'अहो !
'अकज्जं कयं । जइ जइणो सरो लग्गेज्ज तो नरएवि अम्ह ठाणं न
होज्ज' ति भणंतो पणमिउण मुणिं खामेइ । मुणी वि जोग्गयं नाउण
पारिय-काउस्सग्गो धम्मं कहेइ-

नरयपुर-सरल-सरणी अवाय-संघाय-वग्घवण-धरणी ।
नीसेस-दुक्ख-जणणी हिंसा जीवाण सुह-हणणी ॥२२८४॥

जो कुणइ परस्स दुहं पावइ तं घेव सो अणंत-गुणं ।
लब्भंति अंबयाइं न हु निंबतरुम्मि ववियम्मि ॥२२८५॥

जो जीव-वहं काउं करेइ खणमित्तमत्तणो तित्तिं ।
छेयण-भेयण-पमुहं नरय-दुहं सो चिरं सहइ ॥२२८६॥

जं दोहब्बगमुदब्बं जं जण-लोयण-दुहावहं रूवं ।
जं अरस-सूल-खय-खास-सास-कुट्टाइणो रोगा ॥२२८७॥

जं कब्ब-नास-कर-चलण-कत्तणं जं च जीवियं तुच्छं ।
तं पुव्वारोविय-जीव-दुक्ख-रुक्खस्स फुरइ फलं ॥२२८८॥

भवजलहि-तरी-तुल्लं महल्ल-कल्लाण-दुम-अमय-कुल्लं ।
संजणिय-सग्ग-सिव-सुक्ख-समुदयं कुणह जीवदयं ॥२२८९॥

इय सोउं पडिबुद्धेण सामदेवेण गरुय-सद्धाए ।
गहिया गुरु-पासे निरवराही-जीवरस वह-विरई ॥२२९०॥

मुणिणा वुत्तं-सम्मं पालिज्जसु जेण नियम-भंगम्मि ।
होइ गरुओ अणत्थो एत्थ य कुंदो उदाहरणं ॥२२९१॥

तहाहि-

अत्थि सुरद्धा-विसए अणुमंजी पुरवरी सुरपुरि व्व ।

जीए सुपव्व-कलिया मणिमय-निलया विमाण व्व ॥२२९२॥

तीए य कुंदो कम्मयरो । भज्जा से मंजरिया । सो य
पयइभदओ विणीओ । अन्नया समागओ तत्थ मेहघोसो आयरिओ ।
ठिओ विवित्ते काणणे । कट्टाइ-निमित्तं वच्चंते दिट्ठो कुंदेण । 'अहो !
धब्बो' ति बहुमब्बिओ अणेण । भतीए इंत-जंतो पिच्छइ तयं । भव्वो
ति कया से गुरुणा धम्मदेसणा । पडिबुद्धो एसो । 'गिण्हामि किंचि
वयं'ति चिंतियमणेण । गहिया मज्ज-मंस-विरई । गओ स-गिहं ।
आगओ से सालगो पाहुणगो । कयं मंजरीए पाहुन्नं । रद्धं मंसाइं ।
उवविट्ठा दो वि भुत्तुं । अद्ध-परिविट्ठं मंसं पडिसिद्धं कुंदेण । 'सालगो

वि न गिण्हिस्सइ' ति बला दिन्नं मंजरीए । तदुवरोहेण च ओहय-
मण-संकप्पेण भविस्सयं कुंदेण । जाओ से अणुतावो । निसाए
नीससंतो भणिओ मंजरीए- किमेवं नीसससि ? । साहिओ अणेण
वुत्तंतो । 'वय- भंगो कओ' ति महंतो मे संतावो ति उव्विग्गा से
भज्जा वि । भणियं तीए- कीस तए एयं मे न कहियं ? । अहं पि
पावे पाडियमिहि । गोसे पुच्छिऊण गुरुं जमेत्थ जुत्तं तं करिस्सामो ।
किमेइणा नीससिएण ? । जुत्तमेयं ति चिंतियं कुंदेण । पहाया
रयणी । लज्जा-पराहीणो वि नीओ एस गुरु-सगासं भज्जाए ।
वंदिऊण गुरुं लज्जेण उ चिहई । तओ गुरुणा भणिओ- कीस तुमं
एवं ? ति । तेण वुत्तं- भयवं ! पावो अहं । न जुत्तं मे संभासणं ।
गुरुणा वुत्तं- कीस ? ति । भज्जाए साहिओ वुत्तंतो । गुरुणा
चिंतियं- सोहणाणि एयाणि जेसिं ईइसो परिणामो । भणियं चालं
एत्थ उव्वेएण । किं तुहो वित्तनू न संधिज्जइ ? । किं असुइ-
विलित्तो पाओ न धुव्वइ ? । तुज्झं पि अभाव-दोसओ अप्पो बंधो ।
इच्चाइ कया एसिं धम्म-देसणा । संविग्गाणि दुवे वि । गहिया
दोहिं पि मज्ज-मंस-विरई । परिवालिया भावओ । अहाऊयक्खएण
मओ कुंदो । समुप्पन्नो 'सिरिकंठ-विसए जयंतीए नयरीए कुरुचंदरस
रन्नो मंगलाए महादेवीए पुत्तत्तेणं । दिहो अणाए सुविणयम्मि तीए चेव
रयणीए रायहंसो वयणे पविसमाणो । सुह-विउद्धाए साहिओ जहा-
विहि रन्नो । भणिया तेण-सुंदरि ! रायहंसो ते पुत्तो भविस्सइ ।
पडिस्सुयमिमीए । परितुह्हा चित्तेण । अइक्कंतो कोइ कालो । जाओ से
दोहलो- 'करेमि जिणमुणि-पडिवत्तिं ।' संपाडिओ से रन्ना । पसूया
एसा । जाओ दारगो । कयं वद्धावणयं । समए पइट्ठियं नामं
दारगस्स सुविणाणुसारेण रायहंसो ति । समाइहं महारज्जं नेमिस्सिगेण ।
अइक्कंतो कोइ कालो । जाव चेव न जोठवणं पावइ ताव
मरणपज्जवसाणयाए जीवलोगस्स मओ से पिया । अणुगमिओ
मंगलाए । बालो रायहंसो ति ठिओ रज्जम्मि एयरस्स चुल्लबप्पो
सिरिचंदो । कओ तेण एसो जुवराओ । इओ य वय-भंग-कम्म-
दोसेण मम पुत्तस्स रज्ज-परिपंथी एसो ति जाओ चुल्लबप्प-घरिणीए
रज्जादेवीए रायहंसम्मि कोवो । दिन्नं कम्मणं । अचिरेण गहिओ एस
जलोयर-वाहिणा । उम्माहिओ राया । पारद्धो किरिया-कम्मो । न य

वाही नियत्तइ । अह सत्तुणा पच्चंत-विसओ हओ ति गओ धाडीए राया । दुग्ग-भूमिबलेण न सो जिप्पइ ति जाओ तत्थेव निग्गहो । एत्थंतरे देवी-भावन्नुणा परिहूओ एस परियणेण । न से को वि किंचि वि करेइ । चितियं अणेण- मम घरं चेव विदेसो ता वरं सो चेव विदेसो ति छिडेण निग्गओ रायगेहाओ नगरीओ य । महया किलेसेण गामाओ गामं भमंतो गओ उज्जेणीए । तत्थ अईव घत्थो वाहिणा परिसक्किउं पि न सक्कइ । ठिओ देवउले । तत्थ लोओ दयाए देइ मंडगाइ । एवं महाकिलेसेण अइक्कंतो कोइ कालो ।

सा वि पुव्व-जम्म-घरिणी मंजरी अहाऊयवखएण मया समाणी समुप्पन्ना इमीए चेव उज्जेणीए महासेणस्स रत्नो सेणाए महादेवीए देइणि ति धूया । इमीए वि वियंभिओ वयभंग-कम्म-दोसो । दंतुब्भेय-काले गहिया अंबा रेवईहिं ददं । कयाइं उचिय-विहाणाइं । तहावि न से दुक्खवखओ जायइ । एवं दुक्ख-पीडियाए जाओ जोव्वण-समओ । एत्थंतरे सयमेव मुक्का मणागं वाहिणा । तओ मायाए अहियं पसाहिया रायउले रमंती चिट्ठइ । ईओ य राया महासेणो सेवग-जणं पुच्छइ-कस्स पुन्नेहिं रिद्धिं तुब्भे विलसह ? । ते वि भणंति-देव ! तुम्ह पुन्नेहिं । तओ संपूर्इय विसज्जेइ राया । अन्नया दिट्ठमिणं देइणीए । हसिऊण भणियमणाए-अहो ! तायस्स मुद्धया, जो एवमेएहिं विप्पयायीयइ । सुयमेयं माइ-सवत्ति-चेडीए । भणियं अणाए-सामिणि । का एत्थ विप्पयायणा ? किं न एवमेयं ? ति । देइणीए भणियं- न पर-पुन्नेहिं कोवि सिरिं भुंजइ ति परमत्थो । कहियमिणं चेडीए रत्नो । कुविओ राया । सदाविया देइणी । भणियाऽणेण- कस्स पुन्नेहिं तुह एसा सिरि ? । तीए वुत्तं-ताय ! परमत्थओ अप्प-पुन्नेहिं । जओ सव्वे पाणिणो स-कयाणि सुकड-दुक्कडाणि भुंजंति, निमित्तमित्तं चेद एत्थ परो ति । एयं सोऊण अहियं कुविओ राया । सदावियाऽणेण दंडवासिया, भणिया य सगोखं-भो ! जो कोइ तुब्भेहिं दिट्ठो एत्थ नयरीए अच्चंत-दुक्खिओ सत्तो तमित्थ सिग्घं आणवेह । तेहि वुत्तं- जं देवो आणवेइ । न अन्नो इओ वि दुक्खिओ ति आणिओ रायहंसो । दंसिओ रत्ना । भणियं अणेण- अहो ! जहिच्छिओ एसो । अवन्नाए दंडि-खंडं परिहाविऊण परिणाविओ देइणिमाणत्तो य समं तीए निव्विसओ । विसेसेण वुत्ता देइणी- माणेषु अप्प-पुन्नाइं । तीए वुत्तं- जं तुमं आणवेसि । किलेसेण निग्गयाणि नगरीओ । मिलियाणि

उत्तरावहगामि-सत्थेहिं । दिट्ठो देइणीए सत्थवइ । कहिओ से वुत्तंतो, भणिओ य सबहुमाणं- जाव ताय-संतिगं विसयं उत्तरामो ताव तए नेयव्वो एस मे भत्तारो । पडिवन्नं सत्थवाहेण । समप्पिओ से महिसगो । कमेण पत्ताणि अन्न-रहं । आवासिओ सत्थो अडवीए । देइणी वि भत्तारं गिण्हिऊण ठिया तयासन्ने भूयमाया-पीढे । कओ तीए तरु-पल्लवेहिं सत्थरो, नुवन्नो तत्थ एसो । समागया से निदा । देइणी वि सीसं से कुरुमालंती चिहइ ।

इओ य जा पुवं कुमार-माया मंगलादेवी कुरुचंद-मरणे मया समाणी तद्देसे वंतरी समुप्पन्ना । तीए दिट्ठो रायहंसो पच्चभिन्नाओ य । तओ दिव्व-सत्तीए विउव्वियं इंदजालं, वम्मियाओ उट्ठिओ सप्पो । भणियं अणेण- अरे ! दुरप्प सप्प ! कीस तए एस रायपुत्तो विणासिओ ? नत्थि कोइ इत्थ जो एयस्स राईगाओ पीसिऊण तक्केणं देइ । एवं सोऊण तम्मुहट्ठिएण भणियं सेय-सप्पेण- अरे किण्ह सप्प ! कीस तए एयं अहिट्ठियं दव्वं ? । नत्थि एत्थ कोइ जो एयं खणिऊण लेइ । सुयमिणं देइणीए । रायउत्तो एसो ति हरिसिया एसा । चित्तियं अणाए-अहो ! सच्चमेयं-

परस्परं च मर्माणि ये न रक्षन्ति मानवाः ।

त एव निधनं यान्ति वाल्मीकीदरसर्पवत् ॥२२९३॥

ता मए लद्धो रोगवखओवाओ । बोलीणाणि अम्हे ताय-विसयं । ता एत्थेव कहिं चि करेमि किरियं एयस्स । अन्नेसमाणीए गामाइ दिट्ठमासन्नमेव गोउलं । अब्भत्थिओ तरस्स सामी एय वईयरे । पडिवन्नमणेण गहिया य धूय ति देइणी । पुच्छिऊण सत्थवाहं ठिया एसा गोउले । पारद्धो किरिया-कम्पो । थेव-कालेणेव पउणो रायहंसो विज्जाहरो विव अन्नो चेव संवुत्तो । अहो ! एस पाववखओ ति तुट्ठा देइणी । अइक्कंता कइ वि दियहा विसिद्ध-गोरसाहारेण । को कत्थ तुमं ? ति पत्थावेण पुच्छिओ देइणीए । साहिओ अणेण सबभावो । चित्तियं देइणीए- अणुकूलो संपयं एयस्स विहि ति जुत्तं सदेस-गमणं । भणिओ य एसो- कुलहरं ते वच्चऽम्ह । तेण भणियं- एवं करेमो किंतु गोउलवइणो अणुवगरिए न गमणं जुत्तं । देइणीए चित्तियं- महासत्तो एसो । भवियव्वमेयस्स संपयाए । साहिओ से निहि-वइयरो । खणिऊण

दिङ्गं दविणं गोउलवइणो । कमेण पत्तो जयंतीए । ठिओ आरामे सहयार-छायाए । आगया से निदा ।

एत्थंतरे अपुत्तो मओ राया सिरिचंदो । अहिवासियाणि दिव्वाणि, निग्गयाणि नगरीओ, गयाणि जत्थ रायहंसो । दिट्ठो अपरियट्ठंतीए सहयारच्छायाए । एसो पडिवन्नो दिव्वेहिं, पमोएण पवेसिओ नयरीए । कओ से रायाभिसेओ । पुब्ब-बलेण मणोरमो सामंताईण । अइक्कंतो कोइ कालो । जयंतीए नवो राय ति सुयमिणं महासेणेण । पेसिओ से दूओ- 'सिग्घं रायाणं धणभंडारं पेसिउण मम भिच्चो होहि जुज्झासत्तो वा होसु' ति गओ दूओ । भणिओ अणेण जहाइहं रायहंसो । पडिभणियमणेण-गुरूओ तुह सामी । अओ न किंचि अहं पढमं करेमि, पारद्धे उण विग्गहे तक्कालोचियं अवुत्तो चेव करिरसामि ति विसज्जिओ दूओ । पत्तो एस उज्जेणिं । निवेईयमिणं महासेणस्स । कुविओ एस । तदियहे चेव निग्गओ उज्जेणीओ । पयट्ठो अणवरय-पयाणएहिं । सुयमिणं निउत्त-पुरिसेहिंतो देइणीए । निवेइयं रन्नो रायहंसस्स । भणिओ य एसो-संदेसगाणुरूवं करेहि । देहि तुमं पि तदभिमुहं पयाणयं । रायहंसेण वुत्तं-जुत्तमेयं । समालोचियं समं सामंताईहिं । विग्गह-विहाणेण निग्गओ रायहंसो दुग्गुण-प्पयाणगेहिं । लंघिउण सविसय-संधिं मिलिओ महासेण-कडगस्स बीय-दियहे चेव । पवत्तमाओहणं । महया विमदेण जिओ महासेणो, पाडिउण बद्धो य । सदावियाऽणेण देइणी, भणिया य-किमित्थ जुत्तं ? ति । तीए भणियं-संपूर्ईउण विसज्जणं सज्जणस्स । 'एवं' ति पडिवन्नं रत्ता । सयमेव भग्गा प्पहारा, बद्धा वण-पट्ठगा ।

एत्थंतरे समागया देइणी । चलणेसु निवडिउण भणिओ राया-ताय । तुज्झ आसीसाए एसा अहं माणेमि अप्प-पुब्बाइं । देइणि ति पच्चभिन्नाया रत्ता । 'जरस्स मए एसा दिब्बा तं मोत्तूण अन्नो इमीए पई कओ' ति लज्जिओ राया । तरस्स भावं नाउण कहिओ सव्व-वुत्तंतो देइणीए । एस कुरुचंद-पुत्तो रायहंसो, एसा वि महासेण-धूय ति हरिसिया सामंताइणो । अहो ! मए न सोहणमणुचिट्ठियं ति विलिओ महासेणो । एवमेयं सव्वो अप्प-पुब्बाइं माणइ ति जंपियमणेण । पउणवणो विसज्जिओ महासेणो । भणियमणेण-गच्छामि अहं वणं, मम

पुत्ता पुण ते भिच्च ति । एवं जाया अणेण-मंडल-सिद्धी । रायाहिराओ संवुत्तो । जाओ देइणीए जोग-पुत्तो । दिङ्गं तस्स रायमयंको ति नामं । कयाइ जाया इमस्स चिंता-करस्स पुण कम्मणो एस विवागो ? ति ।

एत्थंतरे मुणिय-तप्पडिबोह-समओ समागओ भयवं चउनाणी नाणभाणू आयरिओ । ठिओ जयंती-भूसणे तिलउज्जाणे । निवेईओ रत्नो पुरोहिण । समं देइणीए गओ तत्थ राया ! सुओ तदंतिगे धम्मो । परिणओ पुव्व-पओगेण । पुच्छियं जम्मंतर-कयं सुह-दुक्ख-निमित्तं । साहियं गुरुणा । जायं जाईसरणं । एवमेयं ति साहियं परियणस्स । पडिबुद्धो बहुजणो वयभंग-विवाय-सवणेण । जाया सिद्धंत-सवणेच्छा । गहियाइं अणुव्वयाइं । काराविया धम्माहिगारा । बहुय-कालमणुपालिय सावगत्तं, दाउण पुत्तरस्स रज्जं, पव्वइओ रायहंसो समं देइणीए पहाण-परियणेण य । पालितं सामन्नं काउण कालमासे कालं गओ बंभलोए, कमेण सिद्धो य ।

एवं वयभंग-विवागं सोउण सामदेवेण वुत्तं- भयवं ! पाणप्पणासे वि नाहं वयभंगं काहं ति कय-निच्छओ गओ गिहं । वामदेवो उण कम्मदोसओ अपडिवन्न-गुरुय-वयणो पयट्ठो पाणिवहे । भवखए मंसं । तं तहाविहं दहूण ठिओ भिन्नो सामदेवो । कुविओ तदुवरिं वामदेवो । पत्तो पारद्धिपियस्स जयपालस्स रत्नो समीवं । पन्नत्तोऽणेण राया-देव ! सामदेवो इमं भणइ-‘जो पारद्धिं करेइ सो पावो’ ति । तओ कुद्धो राया । हक्खारिओ सामदेवो । नीओ पारद्धिद्वाणे* । वुत्तो रत्ना-जइ पारद्धिं करेसि ता ते पसायं करेमि । सामदेवेण वुत्तं-जो पाणिवहेण होइ तेण पज्जत्तं पसाएण । रत्ना वुत्तं-अप्पेह पहरणं । जइ न पहरइ हरिणाइणो तो एसेव हणियव्वो । तहेव कए निउत्तेहिं जाव पहणिज्जंतो वि न पहरए सामदेवो ताव चितियं रत्ना-न एस लोभेण भएण वा जीवे वहेइ ता सोहणो अंगरक्खो होइ ति कओ अंगरक्खो । कमेण तेण राया वि गाहिओ जीव-वह-विरइं । एवं पालिउण निरईयारं गहियवयं सामदेवो मओ, गओ सोहम्मं । वामदेवेण वि कया वि पारद्धिगएण हओ निरवराहो वराहो सरेण । सो वि रोसारुणो धाविउण अभिमुहं चंदकला-कुडिलाहिं दाढाहिं छिंदए तरस्स जंघाओ, पडियस्स य फालए पोट्टं । तओ वामदेवो रुइज्झाणोवगओ मओ, गओ पढमं नरयं । सामदेव-जीवो य

સુરલોચાઓ ચુઓ સમુપ્પન્નો તુમં મહારાઓ । વામદેવ-જીવો ય નરયાઓ
 ઉવટ્ટિઝ્ઞ જાઓ એસ દમ્મગો । અઓ ચેવ હમં દહ્મણ તે સમુપ્પન્નો મણાગં
 સિણેહો । અચ્ચુક્કહયાએ ય પાવકમ્મસ્સ ન કઓ કોઈ એયસ્સ ઉવચારો ।
 પાવપ્પભાવેણ ય ભમિસ્સહ એસ દીહં સંસારં ।

તુમએ ઉણ પુઠ્ઠ-ભવે જં વિહિયા થૂલ-જીવવહ-વિરહં ।
 તં વસણ-સયાહં તુમં વિલંઘિતં રજ્જમણુપત્તો ॥૨૨૭૪॥

તા જાય-જાહસરણો રાયા જંપહ મુણિંદ ! જં તુમએ ।
 અવ્ખાયં તં સચ્ચં પચ્ચવ્ખં મહ્ઝ સંજાયં ॥૨૨૭૫॥

સંપહ પસીય ભયવં ! પયચ્છ મે સવ્વ-જીવ-વહ-વિરહં ।
 ગુરુણા ભણિયં-સાવય । સા વય-ગહણેણ સંભવહ ॥૨૨૭૬॥

રત્ના ભણિયં-તં પિ હુ ગિણિહસ્સં રજ્જ-સુત્થયં કાઠં ।
 તત્તો જયસ્સ રજ્જં દાઠં વિજયસ્સ જુવરજ્જં ॥૨૨૭૭॥

ગિણહ સયં રાયા દિવ્ખં દમ્મસાર-કેવલિ-સયાસે ।
 કય-તિવ્વ-તવો પત્તો સગ્ગં ચ કમેણ મોવ્ખં ચ ॥૨૨૭૮॥

હિંસં પરિચ્ચયંતો જો ન અલિયં વિવજ્જાએ જીવો ।
 સો દોત્તહીએ નહો નિવડહ વગ્ધસ્સ મુહ-કુહરે ॥૨૨૭૯॥

ભુયગો વ્વ અલિયવાઈ હોહ અવીસાસભાયણં ભુવણે ।
 પાવહ અકિત્તિ-પસરં જણયાણ વિ જણહ સંતાવં ॥૨૨૮૦॥

સચ્ચેણ ફુરહ કિત્તી સચ્ચેણ જણમ્મિ હોહ વીસાસો ।
 સગ્ગાપવગ્ગ-સુહસંપયાઓ જાયંતિ સચ્ચેણ ॥૨૨૮૧॥

સચ્ચવસેણં તિયસા આણાએ કિંકર વ્વ વટ્ટંતિ ।
 લિપ્પઘડિય વ્વ ન કમંતિ મત્ત-કરિ-કેસરિ-પ્પમુહા ॥૨૨૮૨॥

જાયહ સિલ વ્વ સરિયા પંકય-પત્તં વ પહરણં હોહ ।
 ન દહહ જલં વ જલણો ન દસહ રજ્જુ વ્વ કસિણાહી ॥૨૨૮૩॥

સચ્ચાણુભાવ જા ઓહિનાણ-વિન્નાય-વવહિયત્થ-ગણો ।
 જાયહ જણસ્સ પુજ્જો અકુલો વિ કુલાલ-સહો વ્વ ॥૨૨૮૪॥

તથાહિ-

[२. सत्ये कुलाल कथा]

इह जंबुदीव-भरहम्मि अंग-जणवय-वयंस-संकासा ।

परचळ-अकय-कंपा चंपा नामेण अत्थि पुरी ॥२३०५॥

भावि सिरि-वासुपुज्जुप्पत्तिं नाउं व जत्थ भीएहिं ।

न कयं कयावि दुब्भिवख-मारि-डमराईएहिं पयं ॥२३०६॥

तत्थ य राया अरिराय-चंपओ रायचंपओ नाम ।

छज्जइ भुय-खंभे जरस जयसिरी सालभंजि व्व ॥२३०७॥

सोहग्ग-हत्थिसाला दुत्थिय-जण-दुक्ख-रुक्ख-दवजाला ।

ससि-विमल-गुण-विसाला चंपयमाला पिया तस्स ॥२३०८॥

कज्जा पंकयनयणा ससिवयणा ताण कुंदसम-रयणा ।

वित्थरिय-विणय-रयणा वर-गुण-रयणा रयणमाला ॥२३०९॥

तीए ^{१०}लायन्न-तरंगिणीए विलसंत-नयण-कमलाए ।

कीलइ मयणो तिहुयण-विजय-परिस्सम-पसमणत्थं ॥२३१०॥

तीए य सयल-कला-कोसल्ल-कोस-तुल्लाए विसेसओ कव्व-
विणोय-पत्त-पगरिसाए चितियं-

अवियट्ठ-पई पोढंगणाण गुणियाण निग्गुणो सामी ।

चाईण य दालिदं तिन्नि वि गुरुयाइं दुक्खाइं ॥२३११॥

ता जो कव्व-विणोएण मे मणं हरिस्सइ सो मए परिणेतव्वो ति
कया पइन्ना । विन्नाय-वुत्तंतेण पिउणा कओ सयंवर-मंडवो । आगया
कलाकलाव-कुसला बहवे रायपुत्ता, निसन्ना सयंवर-मंडवे । निविट्ठो
रांया सहा-नायगो । ठिया पहाण-बुहा । संपत्ता कंति-कडप्पेण
पयासयंती सयल-दिसाओ रयणमाल व्व रयणमाला । निविट्ठा पिउ-
पायवीडे । पढिया तीए गूढ-चउत्थ-पाया गाहा जहा-

जं कय-भुवणाणंदं समुद-महणम्मि देव-विद्धम्मि ।

अमयमुल्लसियं तं [वल्लह-मुह-दंसणं अमयं] ॥२३११॥

जाणह मुद्धमयं ।

एवं पढिऊण भणिया रायपुत्ता- लहेह चउत्थ-पायं । ते वि य निय-
मइ-विहवाणुरूवं परिभाविउं पवत्ता । कोसंबी-सामिणो विजयवम्मुणो

नंदणेण सिरिनंदणेण लहिऊण पाढियं जहा-‘वल्लह-मुह-दंसणं अमयं ।’

भणियं बुहेहिं-अहो ! लहण-वेगो कुमारस्स सिरिनंदणस्स ।
रंजिया रयणमाला । भणियमणाए-कुमार ! तुमं पढसु । तेणावि पढियं-

निःसीम-कान्ति-सलिला वर-नयनोत्पल-विलास-रमणीया ।

हसिता ननराजी(वनराजी) वा,..... ॥२३१३॥

एवं पढिऊण भणियं-‘लहेसु चउत्थ-पायं ।’

तीए वि लहिऊण भणियं-‘सरसीव मनो हरति बाला’ ।

भणियं सहासएहिं-अहो ! कुमरीए मइ पगरिसो ।

पुणो पढियं कुमारीए पसिणुत्तरं-

पृच्छत्युज्ज्वलदशना प्रमोदिताः शौर्य-विनय-मुख्य-गुणैः ।

राजानः किं कुर्वत्यनुजीविजनाय ? ॥

सिरिनंदणेण भणियं-‘कुं ददति’। कुं पृथ्वी ददति ॥२३१४॥

तेणावि पढियं पसिणोत्तरं ।

किं सर्पास्पदमायुधं ? मुसलिनः किं दुर्लभं ?

किं निधेर्वाराकं निगदन्ति ? कर्दम-रुचिं खादन्ति किं, निर्घुणाः ? ।

किं सौभाग्यतरं, तरोरकुशलं कं वक्तुमाचक्षते ?,

सच्छिद्रं तृणभेदमाहुरिह किं साधुं विदुः कीदृशम् ? ॥२३१५॥

[अष्टदल कमल जातिः ।]

रायपुत्तीए परिभाविऊण भणियं-‘विहतकोपदवानलं’ ।

सहासएहिं भणियं-अहो ! दुणहं पि करण-भेयण-कुसलया ।

सहानायगेण भणियं-जुत्तो एयाणं संबंधो । कस्स वा नाभिमया

पूगपायवमारुहंती नागवल्ली ? । रत्ना दिन्ना सिरिनंदणस्स रयणमाला ।

वत्तो वीवाहो । संपूर्ईऊण विसज्जिया सेस-रायपुत्ता । धरिओ य

सिरिनंदण-कुमारो सगोरवं रत्ना । तथा य गिम्ह-समओ-

जहिं दुह-नरिदु व सयल-भुवणु

परिपीडइ तिब्ब-करेहिं तवणु ।

जहिं दूहव-महिल व्व जण-समग्ग

संतावइ लूय सरीर-लग्ग ॥२३१६॥

जहिं तण्हा-तरलिय-पहिव हंत
 अणुसरहिं सरस पेम्ब जेम्ब कंत ।
 जहिं चंदणु चंदु जलदहारु
 सज्जणु व दिति आणंदु फारु ॥२३१७॥
 जहिं सेवहिं धारा जंतु नीरु
 जण सिसिरु नाइ कामिणि-सरीरु ।
 जहिं दक्खा वाणय पियहिं महरु
 गुरु-वयण नाइ भवताव-विहरु ॥२३१८॥
 जहिं नियय-कडक्ख-समुज्जलेण
 घणसार-सार-चंदण-जलेण ।
 सिच्चंतउ तरुणिहिं तरुण-लोउ
 संताव-चत्तु पावइ पमोउ ॥२३१९॥

तत्थ मिम्हे गओ कीलणत्थं पमयवणं सिरिनंदण-कुमारो समं
 स्यणमालाए । सा य कीला-पमत्ता छलन्नेसिए गहिया खुददेवयाए परसु-
 निकिन्न-चंपयलय ठव पडिया महीवट्टे । सिता खिरिखंडजलेणं
 तप्परिमल-लुद्धा इव गाढयरमहिट्टिया तीए निरुद्धा वाणी । तओ
 लिप्पमइय ठव निप्फंद-नयणा न किंचि जंपइ । नीया राय-भवणं ।
 नाय-वुत्तंतेहिं जणणि-जणएहिं आहूया वेज्जा मंतवाइणो य । पउत्तो
 तेहिं विविहोवयारो । न जाओ कोवि विसेसो । विसन्ना जणणि-जणया
 रोविउं पयता-

हा वच्चे । सयल-कला-कलाव-कोसल्ल-भूसिय-सररि ।
 पत्तासि दिव्ववसओ कहमिणिं एरिसं वसणं ? ॥२३२०॥
 अमयं पि जस्स पुरओ न चेव महरुत्तणेण हरइ मणं ।
 तं जायममह दुलहं तुह वयण-विणिग्गयं वयणं ॥२३२१॥
 पत्तासि जयवडायं अखलिय-पसरेण जेण बुह-मज्झे ।
 तं कइया तुह वयणं कय-सवण-सुहं सुणिस्सामो ॥२३२२॥

रायाणं तहाविहं दहूण भणियं मंतिणा- देव ! आसन्नेसु सीमग्गामे
 अत्थि गुणनिप्फन्न-नामो सच्चपालो नाम कुलालो । तरस य सच्च-
 वयण-पयंपणाणुभावेण समुप्पन्नमोहिनाणं । सो य तेण नाणेण नाणाविहं

छिंदेइ संदेहे । ता सो पुच्छिज्जउ रयणमालाए वाहि-विगमोवायं । रत्ना
वुत्तं-सदावेहि तं । मंतिणा भणियं- निरीहतणेण न सो करसइ
समीवमुवेइ । अइसय-नाणत्तणेण पूयारिहो सो, अओ तत्थ गम्मउ । तओ
धूयं घेत्तूण चंपयमाला-संगओ गओ तत्थ राया । कय-पडिवत्ती निविट्ठो
तस्स पुरओ । एत्थंतरे तिब्ब-तव-सुसिय-देहो जड-मउड-धरो समागओ
तत्थ एक्को रिसी । कुलालेण भासिओ-भद्द ! तुह कुसलं ? ।

११विमलवईए इह पेसिओ सि तुह तव-अदद्ध-देहाए ।

जं पभणसि तं सच्चं ति जंपए पंजली जडिलो ॥२३२३॥

अह विमहय-रसवसओ नरेसरो जंपए किमेयं ति ।

तो साहए कुलालो मूलाओ जडिल-वुत्तंतं ॥२३२४॥

विंझाडवीए मज्झे संडिल्लो तावसो तवं तवइ ।

कइया वि इमस्स सिरि विहिया विट्ठा सउलियाए ॥२३२५॥

सा कोव-परवसेणं इमिणा हुंकारमित्तओ दट्ठा ।

नाउं तं निय-सत्तिं तुट्ठो पत्तो य तिउरिपुरि ॥२३२६॥

भिवखा-कए पविट्ठो भवणे धणदेव-पवर-सट्ठस्स ।

तस्स जिण-धम्म-निरया घरिणी विमला विमलसीला ॥२३२७॥

घरकम्म-वावडाए चिरेण भिवखा इमीए उवणीया ।

तदहणत्थं मुक्खो उ इमिणा कुविण हुंकारो ॥२३२८॥

हसिउज्ज भणइ विमला- महरिसि ! ना हं खु सउणिया होमि ।

विंझाडवीए दट्ठा जा तुह हुंकारमेत्तेण ॥२३२९॥

तो तावसेण भणियं- भद्दे ! जाणसि तुमं कहं एयं ? ।

तीए वुत्तं- कहिही सुसीमगामे तुह कुलालो ॥२३३०॥

तो आगओ १२इहेसो जरिद विमलाइ विमल-सीलेण ।

संजायमवहिनाणं ममावि सच्चप्पभावेण ॥२३३१॥

नाणेण तेण १३ अम्हे जाणामो दो वि ववहिअं वत्थुं ।

तो रत्ना भणियमहो माहप्पं सच्चसीलाण ॥२३३२॥

एवं नाणाइसय-रंजिएण दंसिया रयणमाला कुलालस्स । पुट्ठो सो
वाहिणो कारणं तव्विगमोवायं च । भणियमणेण-महाराय ! महई कहा ।
तहाहि-

अत्थि सत्थिमई-सन्निवेसो । तत्थ दया-दाण-दविखन्नाइ-
गुण-जुत्तो देवगुत्तो वाणिओ । गुत्ता से भज्जा, देविला भइणी । सा
य परिणीयमेत्ता चेव चत्ता भत्तुणा चिट्ठइ भायगेहे । निउत्ता तेण दाणाइ-
कज्जे । कयाइ गिहमागयाओ भिक्खत्थं साहुणीओ । भिक्खं दाऊण
पुद्दाओ कत्थ तुब्भे वसह ? ति । साहुणीहिं भणियं-जिणदत्त-सिट्ठि-
जाणशालाए । तत्थ अम्ह पवत्तिणी विमलवई चिट्ठति । अवरण्हे गया
तत्थ देविला, वंदिऊण पवत्तिणिं निसन्ना पुरओ । भणिउं पवत्ता-
भयवई ! बहु-सत्थ-परिकम्मिय-मईओ तुब्भे । ता कहेह किं पि
वसियरण-जोगं । पवत्तिणीए भणियं-भदे ! अणुचियमिणं साहुणीणं ।
जओ-

जोइस-निमित्त-अक्खरकोऊयाए सभूईकम्मेहिं ।

करणाणुमोयणेहिं य साहुस्स तवक्खओ होइ ॥२३३३॥

किं च, धम्मो चेव परमं वसीकरणं । जओ-

सोहग्गं आरोग्गं आउं दीहं मणिच्छिया लच्छी ।

भोगा विउला सुर-सिव-सुहाइ लब्भंति धम्मेण ॥२३३४॥

एवमणुदिणं धम्मं सुणंतीए वियलिओ कम्म-गंठी, नियत्ता विसय-
वासणा, पडिवन्नो सम्मत्तमूलो गिहत्थधम्मो । कहेइ देवगुत्तरस्स जिणधम्मं ।
सो वि अदिन्न-पडिवयणो ठिओ अहोमुहो । देविला वि पइदिणं वच्चाए
जिण-मंदिरे । पूएइ जिणिंद-पडिमाओ, पज्जुवासए जइ-जणं, सुणेइ
सिद्धंतं, वज्जेइ मिच्छंतं, करेइ अट्टमभाए दिवसरस्स वेयालियं ।
सिणेहलंधिओ न किं पि जंपए देवगुत्तो । अन्न-दिणे भणिया तेण देविला-
भइणि ! जिण-धम्मो चेव सग्गापवग्ग-कारणं । न सेस धम्म ति जं
भणसि तं ते राग-दोस-विलसियं संभावेमि । को वा दोसो रयणि-भोयणे
जेण न भुज्जइ ? । तओ भणियं जिणधम्म-कुसलाए देविलाए-

पुद्दो परेण महरं उच्छुं कडुयं च कहइ जइ लिंबं ।

तो रागदोस-विलसियमिमस्स किं होज्ज पुरिसस्स ? ॥२३३५॥

जइ को वि सीयलं सलिलमुण्हमनलं व सव्वमुल्लवइ ।

ता तरस्स होज्ज किं रागदोस-विप्फुरिय-लेसो वि ॥२३३६॥

इय जीवदया-परमं जिण-धम्मं सग्ग-मोक्खपुर-मग्गं ।
 पसुवह-पखवग-मिच्छदिट्ठि-धम्मं च कुणइ-पहं ॥२३३७॥
 जंपंताण जणाणं अवितह-वत्थुस्सख-भणणाओ ।
 रागो वा दोसो वा न एत्थ परमत्थओ अत्थि ॥२३३८॥
 वत्थु-सहावो एसो जत्थ दया विसय-निग्गहो जत्थ ।
 सो धम्मो मोक्खपहो सेसो संसारमग्गो ति ॥२३३९॥
 निसि-भोयणम्मि दोसे समासओ संपयं निसामेसु ।
 नयनिदोसं वत्थुं को वि सकन्नो परिच्चयइ ? ॥२३४०॥
 खखस-भूय-पिसाया निसाए हिंइंति अक्खलिय-पयारा ।
 उच्छिद्धमन्नमेहिं तत्थ कहं होइ भोत्तव्वं ? ॥२३४१॥
 चिट्ठउ ता परलोओ रयणीए भोयणं कुणंताणं ।
 इह लोए वि अणत्था हवंति जे ते निसामेहि ॥२३४२॥
 मेहं पिपीलिया हंति जूया कुज्जा जलोयरं ।
 करेइ मच्छिया वंति कुहरोणं च कोलिओ ॥२३४३॥
 कंटओ दारुखंडं च विहेइ गल-वेयणं ।
 वंजणंतो निवडिओ तालुं विधइ *विछिओ ॥२३४४॥
 विलग्गो य गले वालो सरभंगाय जायए ।
 इच्चाइणो दिट्ठ-दोसा हवंति निसि-भोयणे ॥२३४५॥
 जइ वि हु पिपीलियाई दीवुज्जोयम्मि किं पि दीसंति ॥
 तह वि तस-थावराणं सुहुमाणं दंसणं कत्तो ? ॥२३४६॥
 भणियं च-
 संतिसंपा इमा सत्ता अदिस्सा मंस-चक्खुणो ।
 तेसिं संरक्खणट्ठाए वज्जियं निसि-भोयणं ॥२३४७॥
 जइ वि हु फासुय-दव्वं कुंधू-पणगा तहावि दुप्परसा ।
 पच्चक्खनाणिणो वि हु राई-भत्तं परिहरंति ॥२३४८॥
 चिट्ठंति चरंते च्छिय जे मणुया वाररे निसाए य ।
 विरइ-परिचत्त-चित्ता माणुसवेसेण ते पसुणो ॥२३४९॥

पसुणो वि केवि रयणीए भोयणं परिहरंति पायेण ।
 तेहिंतो हीणयरा मणुया जीए ॥२३५०॥
 धम्मत्थिणो सया वि हु रयणीए भोयणं परिहरंति ।
 जिणधम्म-बाहिरेहिं वि जम्हा इणमणुचियं भणियं ॥२३५१॥

तद्यथा-

त्रयी तेजोमयो भानुरिति वेदविदो विदुः ।
 तत्करैः पूतमखिलं शुभं कर्म समाचरेत् ॥२३५२॥
 नैवाहुति न च स्नानं न श्राद्धं देवतार्चनं ।
 दानं वा विहितं रात्रौ भोजनं तु विशेषतः ॥२३५३॥
 दिवसस्याष्टमे भागे मंदीभूते दिवाकरे ।
 नक्तं तद्धिजानीयात् न नक्तं निशिभोजनं ॥२३५४॥
 दैवैस्तु भुक्तं पूर्वाह्ने मध्याह्ने ऋषिभिस्तथा ।
 अपराह्ने तु पितृभिः सायाह्ने दैत्य-दानवैः ॥२३५५॥
 संध्यायां यक्षरक्षोभिः सदा भुक्तं कुलोद्धतैः ।
 सर्ववेलमतिक्रम्य रात्रौ भुक्तमभोजनं ॥२३५६॥

आयुर्वेदेष्युक्तं-

हन्नाभिपद्मसंकोचश्चचण्डरोचिरपायतः ।
 ॥ततो नक्तं न भोक्तव्यं सूक्ष्मजीवादनादपि ॥२३५७॥
 मुतूण दिणं पुत्ताहिलासिणो जे निसाइ भुजंति ।
 तण्हा-पसम-निमित्तं पियंति ते जलण-जालाओ ॥२३५८॥
 जे भुजंति निसाए निद्धम्मा ते लहंति परलोए ।
 मज्जार-काय-कोसिय-सुणह-वराहाइ-तिरियत्तं ॥२३५९॥
 जे रयणि-भोयणाओ कुणंति विरइं विसुद्ध-सद्धाए ।
 ते अकिलेसेण लहंति अद्ध-जम्मोववास-फलं ॥२३६०॥

एवं सोऊण पडिवज्जी देवगुत्तेण जिणधम्मो । गहियं निसि-
 भोयण-विरइ-वयं । कुलक्कमागयं आयारं मोयाविओ नणंदाए मह पइ
 ति कुविया तब्भज्जा । गया पिईहरं ।

अन्नया वुत्तो देविलाए देवगुत्तो- भाय ! गंतूण ससुरकुलं आपेसु
निय-घरिणिं । गओ सो तत्थ संझाए । तम्मि य माहमास-सोहग्ग-
सत्तमि-दिणाओ समारब्भ सोहग्ग-निमित्तं रयणि-चरम-जाम-मुहुत्त-
मेत्तं कालं आकंठ-जलावगाहेण सग्गाहारेण य ठिया सत्त-दिणाणि
देवगुत्तरस सालिया । सत्तमो सो वासरो । पडिवन्न-तव-विसेसाए
पारण-निमित्तं पारद्धो समारंभो । तत्थ पुण एस कप्पो- अखंड-सालि-
तंदुलेहिं तव्वेल-दुद्ध-पारिहट्टि-दुद्धेण रद्धं पायसं महुणा सह पईवाइ-
वज्जियाए रयणीए भोत्तव्वं । तओ भोयणत्थमुवविहं सव्वं कुडुंबयं ।
हक्कारिओ देवगुत्तो । न पडिवन्नं तेण । सावओ सि उवहसिओ
सालएहिं । कर-परामरिसेण भुंजिउमादत्ता ससुराइणो ।

एत्थंतरे निवडिओ भवियव्वयावसेण मुह-गहिय-मूसओ वलहर
णाओ ससुर-भायणोवरि सप्पो । उसिण-पायस-ताव-पीडिएण सप्पेण
मुक्खो मूसओ । अह पविखत्तो ससुरेण कवल-गहणत्थं भायणे हत्थो,
डक्खो सप्पेण । खद्धो खद्धो ति पुक्करियं तेण । आणिओ पईवो । दिट्ठा
भायण-मज्झो सप्प-मूसया । विस-वियार-विघायण-सामग्गिं कुणंताणं
चेव ताण उवरओ सो । अक्कंद-सद्-भरिय-भुवणोयरं कयं उद्धदेहियं ।
सव्वेहिं पि भणियं-सोहणो देवगुत्त-धम्मो । तेहिं पि पडिवन्नं
रयणिभोयण-विरमणं । भज्जं गहिउण समागओ देवगुत्तो गिहं । गुत्ता
वि 'पडिवन्नो मए जिण-धम्मो'ति भणंती साणंदा नणंदाए पडिया
पाएसु । वच्चए कालो । देविलाए य सुद्ध-वणिय-भज्जा वज्जा नाम
वयंसिया । कयाइ गया तग्गिहं । देविलाए दिट्ठा अन्न-पुरिसेण समं
वज्जा, गए य तम्मि सिक्खविया देविलाए-

संतोस-चत्त-चित्तत्तणेण अजिइंदिया तुमं भदे ! ।

जं ससिणेहं अन्नं समीहसे कुणसि तमजुत्तं ॥२३६॥

इमं च तच्छालागएण सुयं सुद्धेण । नूणं अन्नासत्त ति चिंतिउण
परिचत्ता इमा । विसन्नाए तीए कहियं देविलाए । तीए वुत्तं- मा करेसु
खेयं । अहं ते पइं पन्नविस्सामि । भणिओ देविलाए सुद्धो- भो किमेवं
मिसेहिं अवमाणेसि ? । तेण भणियं-अलं मे 'इमाए दुट्ठसीलाए ।
दुट्ठसीला खु महिला विणासेइ संतइ, करेइ वयणिज्जं, मयलेइ कुलं,
वावाएइ दईयं । ता किं उभयलोग-गरहियाए तीए परिग्गहेणं ? ति ।

देविलाए वुत्तं- कहं मुणसि जहा एसा दुहसील ? ति । तेण भणियं-
किमेत्थ जाणियव्वं ? । सुया मए तुमं सिक्खवंती जहा- संतोस-चत्त-
चित्तणेण इच्चाइ । देविलाए वुत्तं- अहो ! ते पंडियत्तणं । अहो !
वियारक्खमया । अहो ! सिणेहाणुबंधो । मए एसा तम्मि दिणे जर-
कला-कलिय ति निवारिया सिणिद्धं भोयणं भुंजंती । तए उण
एदहमेत्तेण वि अन्न-पुरिसासत्त ति संभाविआ । सव्वहा सुसील ति एसा
मुणियव्वा । तओ सो सुद्धो पुव्वं व तीए उवरि साणुराओ जाओ ।

एत्थंतरे बद्धं देविलाए कूड-सक्खि-दाण-दोसओ मूयत्तण-जणयं
तिव्व-कम्मं । अह देवगुत्तो देविला गुत्ता य पालिउण्ण सावगतं गयाणि
सोहम्मं । तओ चुओ देवगुत्तो तुमं समुप्पन्नो । गुत्ता य चंपयमाला देवी
जाया । देविला उण रयणमाला धूय ति । एयं सोउण्ण तिण्हं पि जायं
जाईसरणं । रत्ना भणियं- भइ ! सच्चं सव्वमेयं । संपयं कहेसु इमीए
मूयत्तण-विगमो कहं भविरस्सइ ? ति । भणियं कुलालेण- तित्थयर-
समागमेणं असिवोवसमो हवइ ति मं घेतूण गच्छ अउज्झनयरि । तत्थ
अभिनंदण-तित्थयरो सयं विहरइ ति । राया वि सक्कारिउण्ण कुलालं
गओ अउज्झाए । वंदिओ भयवं । तप्पभावओ य पणहा खुददेवया ।
जाया सहावत्था रयणमाला ।

इय कूड-सक्खि-जणिएण कम्मणा देविलाए मूयत्तं ।

दहूण विरत्ताइं तिन्नि वि दिक्खं पवन्नाइं ॥२३६२॥

कय-तिव्व-तवच्चरणाइं समये साहिय-समाहि-मरणाइं ।

माहिद-देवलोयं पत्ताइं कमेण मोक्खं पि ॥२३६३॥

जीव-वहमलिय-वयणं च चइउकामो वि न व्खमो चइउं ।

सो पुरिसो जो पर-धणमदत्तमवहरइ मूढप्पा ॥२३६४॥

दोहग्गमंगळेयं दासत्तं दीणया दरिदत्तं ।

दुग्गइ-गमणं च नराण होइ परदव्व-हरणेण ॥२३६५॥

एक्कस्स चेव दुक्खं मारिज्जंतस्स होइ खणमेक्खं ।

जावज्जीवं सकुडंबयस्स पुरिसस्स धणहरणे ॥२३६६॥

परदव्व-हरण-पावट्टमस्स वह-बंध-मरण-पमुहाइं ।

वसणाइं कुसुम-नियरो नारय-दुक्खाइ फल-रिद्धी ॥२३६७॥

જગ્ગંતો સુત્તો વા ન લહઈ સોવ્ઘં દિઁ નિસાઁ વા ।
 સંકા-છુરિયાઁ છિજ્જમાણ-હિયઓ ધુવં ચોરો ॥૨૩૬૮॥
 જો હરઈ પરસ્સ ધણં બહિરંગં જીવિયં સ તેણ હઓ ।
 દવિણ-વિગમમ્મિ જમ્હા વચ્ચઈ ખયમંતરંગં પિ ॥૨૩૬૯॥
 જો પરદવ્વમદિલ્લં ન ગિણહૅ લોહ-નિલ્લગહ-પહાણો ।
 અલ્લિયઈ ઇમં કલ્લાણમાલિયા નાગદત્તં વ ॥૨૩૭૦॥

[૩. અસ્તેયે નાગદત્ત-કથા]

વાણારસી પુરી અત્થિ સુરયણાલંકિયા સુરપુરિ વ્વ ।
 તત્થ જિયારિ ય રાયા સક્કુ વ્વ ન જો અવજ્જકરો ॥૨૩૭૧॥
 રત્તો ગોરવઠાણં દક્ષિલ્લ-વિવેય-વિણય-રયણનિહી ।
 ધણઠ વ્વ ધણ-સમિલ્લો ધણદત્તો તત્થ વર-સેટ્ઠી ॥૨૩૭૨॥
 ઘરિણી તસ્સ ધણસિરી સિરિ વ્વ રૂવેણ વિણય-કુલભવણં ।
 દો વિ દયાપવળાઈં જિણસાસણ-રંજિય-મળાઈં ॥૨૩૭૩॥
 વિસય-સુહં ભુંજંતાણ તાણ પુત્તો ગુણાલઓ જાઓ ।
 નામેણ નાગદત્તો નાગકુમારો વ્વ રૂવેણ ॥૨૩૭૪॥
 બાલત્તણે વિ જિણવયણ-ભાવિઓ ભવવિરત્ત-ચિત્તો સો ।
 પરિણેઠં ન પવજ્જઈ રૂવવઈઓ વિ કલ્લાઓ ॥૨૩૭૫॥
 સો અન્નયા ભમંતો સમાણ-નિય-મિત્ત-મંડલ-સમેઓ ।
 નંદણવણ-સંકાસે સહસંબવણમ્મિ સંપત્તો ॥૨૩૭૬॥
 જમ્મિ કુસુમેહિં તરુણો કુસુમાઈં મહુરસેહિં સોહંતિ ।
 ભમરેહિં મહુરસો મહુર-ગુંજિઁહિં ચ ભમરગળા ॥૨૩૭૭॥
 કાઠ્ઠણ તમ્મિ નાણાવિહાઓ કીલાઓ સો ખણં દલ્લં ।
 તસ્સ ય મજ્ઞાભાયમ્મિ સંઠિયં જિણહરં પત્તો ॥૨૩૭૮॥
 જં કળય-ખંભ-કલિયં નાણા-મણિ-ખંડ-મંડિયં સહઈ ।
 જિણભત્તીઁ સલ્લેણ પેસિયં સુરવિમાણં વ ॥૨૩૭૯॥
 અહ તમ્મિ પવિસમાણેણ તેણ દલ્લં પલોડિયા કલ્લા ।
 જિણ્ણપૂયં કુણમાણી રઈ વ્વ રૂવેણ પચ્ચલ્લા ॥૨૩૮૦॥

चितियं च-

एइए मणोहर-वयणकंति-विजियाइं कणय-कमलाई ।
 सेवन्ति अमरसरियं विसेस-सोहा-निमित्तं व ॥२३८१॥
 पूयं कुणमाणीए सिवतरुबीयरस वीयरयरस ।
 तीए वि विम्हय-रसाउलाए दिह्ठीए सो दिह्ठो ॥२३८२॥
 एत्थंतरम्मि तेलोक्क-विजय-पसरिय-मयरस मयणरस ।
 दोणहं पि हियय-लवखेसु निवडिया बाण-रिखेली ॥२३८३॥
 काउं जिणिंद-पूयं सा बाला मयण-बाण-विहुरंगी ।
 सुइरं सिणिद्ध-दिह्ठी नागदत्तं पलोयंती ॥२३८४॥
 चलिया निय-गेहं पइ मत्थइ रइयंजली पणमिउण ।
 भत्तीए नागदत्तो वि जिणवरं थोउमादत्तो ॥२३८५॥
 दिह्ठे तुमम्मि भुवणेक्कनाह ! निहयंतरंग-रिउवग्गे ।
 संसार-जलनिही गोपयं व जाओ उ सुहुत्तारो ॥२३८६॥

तओ-

नयणच्छेरयभूयं जिणपूया-कोसलं सलहिउण ।
 विम्हयवसेण पुट्ठा निय-मिता नागदत्तेण ॥२३८७॥
 करसेसा वर-कन्ना पूया-विन्नाणमेरिसं जीए ? ।
 एसो अणुरत्तो पुच्छइ ति मित्तेहिं तो भणियं ॥२३८८॥
 नागवसू नामेसा पुत्ती पियमित्त-सत्थवाहरस ।
 कन्ना निय-रूवेणं सुर-रमणीणं कयावन्ना ॥२३८९॥
 बालत्तणओ वि इमा नीसेसकलाहिं पियसहीहिं च ।
 खणमेक्कं पि अमुक्का भुवणरस वि विम्हयं कुणइ ॥२३९०॥
 किंतु,
 एक्को इमीए दोसो जं तुमए सरिस-गुण-कलावेण ।
 पडिकूल-दिब्ब-जोग्ग अज्ज वि पावइ न संबंधं ॥२३९१॥
 अणुरूव-वर-विउत्ता रेहइ महिला न सुंदरंगी वि ।
 माणिक्कमणग्गं पि हु न लहइ सोहं विणा कणगं ॥२३९२॥

तम्हा वयंस ! जुज्जइ तुह ईए परिग्गहो काउं ।

असहाएण न तीरइ काउं धम्मो वि पुरिसेण ॥२३९३॥

. नागदत्तेण भणियं-भो ! मा एवं पलवह । न मए अणुरागबुद्धीए पुट्ठा, किंतु ईए जिणिंद-पूया-कोसल्लं अतुल्लं दहूण एवं संलत्तं । तुब्भेहिं पुण पेम्म-परव्वसेहिं अन्नहा संभावियमिणं ति पयंपंतो नागदत्तो पत्तो निय-घरं । सा य नागवसू कन्ना नागदत्तस्स निरुवम-स्व-लावन्न-खित्त-चित्ता तं चेव चिंतयंती कया कामेण परव्वसा न पयट्टए भोयणाइ किरियासु, न पावए निसासुं पि निदासुहं, मणिमय-पंचालिय व्व चिट्टए-निच्चिट्टा । चंदण-जलदाईहिं कय-सिसिरोवयारा वि ददं देह-दाहमुव्वहइ । कसिणपक्ख-ससिलेह व्व झिज्जए पइदिणं । विसन्ना सयणा । रहसि पुट्ठा सहीहिं निब्बंधेणं । तओ पुच्छंति एगओ पियसहीओ अन्नत्थ वारए लज्जा, इय वग्घ-दुत्तडी-नाय-निवडिया किं करेमि अहं ?- एवं वोत्तूण ठिया मोणेण ।

अह विन्नायभावाए अमरसिरीए सहीए भणिया एसा-हुं, विन्नायं मए सहि ! सहसंबवणुज्जाणे नागदत्तेण तुह अवहरियं हिययं । अहो ! जत्थ वाणियगा वि चोरा तत्थ किं कीरइ ? । तुज्ज वि लज्जाकरमिणं न जुत्तं वोत्तुं । तया वि मए तुहं दिट्ठिभावेण मुणियमिणं, परं लज्जाए न जंपियं इत्तियं कालं । तहेव(ता होउ) सुवीसत्था तुह गुणसंदोह-रज्जु-संदाणियं दंसेमि तं अनयकारिणं । इमं सोऊण अहो ! सहीणं छइल्लत्तणं ति भणंती जाया परम्मुही नागवसू । एवं संठविऊणं तं कहिओ तज्जणयाणं वुत्तंतो । तेहिं वुत्तं-उचिओ चेव अम्ह धूयाए नागदत्तेण संबंधो । कमलायरे रमंती रायहंसी करस्स नाणुमय ? ति भणिऊण पत्तो पियमित्तो धणदत्त-गेहं । दहूण अब्भुट्ठिओ धणदत्तेण, कया आसणाइ पडिवत्ती । भणिओ य-किमागमण-पओयणं ? । पियमित्तेण वुत्तं- एकं ताव तुम्ह दंसणं, अवरं अत्थि मे नागवसू नाम कन्ना, तं तुह सुयस्स दाउं । ता पडिच्छ तुमं । होउ मह धूयाए तुह तणएण अणुरुव-संबंधो । धणदत्तेण भणियं-पियमित्त ! जुत्तं वुत्तं तए । ममावि बहुमयमेयं । करस्स वा न पडिहाइ लच्छी घरंगणमाविसंती ? किंतु मह पुत्तो संसार-विरत्त-चित्तो न पडिवज्जइ परिणयणं । अन्नेसिं पि बहूणं महंत-सेट्ठीणं विसिद्धाओ वि कन्नाओ न पडिवज्जाओ अणेण । परं पुणो

वि भणिरसं- ति वोत्तूण विसज्जिओ पियमित्तो । तेणावि कहिऊण पुव्व-वुत्तंतं भणिया धूया- वच्चे ! मुंच तम्मि अणुरायं । जओ-

दुल्लह-जणम्मि पेम्मं खलम्मि मित्ती जडम्मि उवएसो ।

कोवो य समत्थ-जणे निरत्थओऽणत्थ-हेऊ य ॥२३९४॥

तीइ वि कया पइन्ना सो च्चिय परिणेइ मं न उण अन्नो ।

अहवा जं सो काही अहं पि त चिय करिस्सामि ॥२३९५॥

अह नयरारक्खणेण वसुदत्तेण दिट्ठा घरंगण-गया नागवसू । तओ कओ सो कामेण परवसो गओ पियमित्त-गेहं ।

अब्भत्थिओ अणेण पियमित्तो- देसु मे नयणच्छरियभूयं निय-धूयं । मग्गेसि जेतियं देमि तेतियं ते धणं । पियमित्तेण भणियं-‘न मे धणेण कज्जं । को वा तुमं जामाउणं नाभिनंदइ ?, किंतु दत्ता मए धणदत्तस्स पुत्तस्स नागदत्तस्स कन्ना, ता न तए एत्थ खिज्जियव्वं’ति भणिऊण विसज्जिओ वसुदत्तो । सो य तयाणुरत्तो नागदत्त-हणणत्थं छिदाणि मग्गिउं पवत्तो ।

अन्नया आसवाहणिया-निग्गस्स जियसत्तु-रन्नो निवडियं कुंडलं । घरागण नायं रन्ना । भणिओ नयरारक्खणो-‘कहिं पि निवडियं कुंडलं, निभालेसु तं’ । ‘जं देवो आणवेइ’ ति भणिऊण उग्घोसावियं नयरे वसुदत्तेण-‘जेण रन्नो कुंडलं कहिं पि पत्तं सो समप्पेउ जइ जीविय-मिच्छइ’ । नयर-परिसरे य गवेसणत्थं सव्वत्थ निउत्ता नरा ।

इओ य नागदत्तो अट्ठमीए पडिवन्न-पोसहो संझाए पडिमं पडिवज्जिउकामो उज्जाण-मज्झाट्ठियं जिणहरं पट्ठिओ । गच्छंतेण य तेण दिट्ठं पंह पहा-पूर-पूरिय-दिसामंडलं कुंडलं । दइण ते नागदत्तो नियत्तिऊण पयट्ठो अन्न-मग्गेण । नियत्तमाणो य दिट्ठो दिव्व-जोगओ वसुदत्तेण । गओ सो सासंक-माणसो तं पएसं । जाव दिट्ठं कुंडलं । पहट्ठचित्तो’ तं घेतूण तं ‘अहो लब्धो मए नागदत्त-मारणोवाओ’ ति चित्तयंतो गओ तत्थ जत्थ पडिमा-पवन्नो नागदत्तो । मुहं तरस्स पारे कुंडलं । कहियं रन्नो- देव ! गहिय-कुंडलो पत्तो नागदत्तो, ता जं आणवेह तं कीरइ ? ति सुच्चा वज्जाहओ व्व विसन्नो चिंतए राया-हा ! किमेयं ? ति । न संभवइ नागदत्ते एयं । एसो य तं सकुंडलं कहेइ । ता एत्थ जुत्तो वियारो ति आणाविओ रन्ना नागदत्तो । दिट्ठो कंठावलंबिणा

હિયયંબરચુંબિણા વિવેય-રવિમંડલેણેવ કુંડલેણં । પુટ્ટો સબહુમાણં વુત્તંતમેયં ।
પડિમા-પડિવન્નો તિ ન કિં પિ જંપે એસો ।

ભણિઓ રાયા મહલ્લેહિં- દેવ ! અજ્ઞ વિ ઇમસ્સ નિયમો ન પૂરે
તિ ચિટ્ઠ જાવ સૂરોદયં । ઠિઓ રાયા । ઉગ્ગઓ સૂરો । ચિતિયં નાગદત્તેણ-
'જહ્વિ નિરવરાહસ્સ મે દિઙ્ગં અબ્ભવખાણં ઇમિણા તહાવિ મે ન તં વત્તવ્વં,
જઓ પરદોસ-કિત્તણં ઉભયલોય-દુવ્ખાવહં । ન ય કિં પિ ઇમિણા કયં
મે । સવ્વો વિ સકય-કમ્મ-ફલમેવ ભુંજે । તા સિરચ્છે એ વિ ન મે
પરદોસો વત્તવ્વો'તિ કય-નિચ્છઓ પુણો પુણો પુટ્ટો વિ ન જંપે । કુલ્લેણ
રન્ના આણત્તો વજ્ઞહો । તુલ્લેણ આરવિલેણ રત્તચંદણાણુલિત્તો તણ-
મસિકય-વિવિહ-મુંડો સિર-ધરિય-છિત્તરય-છત્તો ગલોલંબિય-સરાવમાલો
વિરસ-વજ્જંત-કિંકિમો ઉગ્ગુટ્ટ-રાયકુંડલાવરાહો રાસહારુદ્ધો ઓચારિઓ
રાય-પહે । ઘર-પુર-^૧પાયારાહ-સિહરહિઓ નાયર-જણો જંપિં પવત્તો-
અહો ! વિચાર-મૂઢયા રન્નો । અહો ! મહ્ભમો મંતિપ્પમુહાણં । પેચ્છ કેરિસં
અકજ્ઞં ? તિ ।

અમયાઓ વિ હોજ્ઞ વિસં મુંચિજ્ઞ વ સિહિકણે મયંકો વિ ।
ન ય કહવિ નાગદત્તો કરેજ્ઞ એવંવિહમકજ્ઞં ॥૨૩૧૬॥

જહ્વિ કહવિ દુજ્ઞા સજ્ઞામ્મિ દોસં ઠવંતિ અલિયં પિ ।
તહ વિ હુ વિચાર-નિત્તણા સચ્ચવિયં તં ન મન્નંતિ ॥૨૩૧૭॥

જહ્વિ હોઈ મહાપુરિસાણ એરિસાણં પિ એરિસં વસણં ।
પરિહરણિજ્ઞો તા સવ્વહા વિ ભવવાસ-વિસરુવ્ખો ॥૨૩૧૮॥

એવં પયંપમાણે જણામ્મિ જંતેણ નાગદત્તેણ ।
સચ્ચવિયા નાગવસૂ પિંડમંદિર-કુટ્ટિમ-તલમ્મિ ॥૨૩૧૯॥

વિગલંત-બાહર્લિદૂણ નયણ-કમલાણ પાડિસિદ્ધીએ ।
થણેહિં સ્યંતેહિં વ કરતાડણ-તુલ્લહરેહિં ॥૨૪૦૦॥

પરિણેહ ન મં જહ્વિ વિ હુ તહાવિ નયણેહિં દીસિહી સુહઓ ।
તુલ્લાહમેત્તિણ વિ તં પિ ન મે ખમ્મહ દુલ્લ-વિહી ॥૨૪૦૧॥

ઇય વિલવંતી મુચ્છાએ મહિયલે પડેહ રુદ્ધ-કરણગણા ।
પિય-વસણમપેચ્છંતી વિહિણા વિહિઓવચાર વ્વ ॥૨૪૦૨॥

નાગદત્તો વિ દહ્ણ તીએ તહાવિહં ચેટ્ટં આવજ્ઞિય-મણો ચિંતે એવં-

'जइ एयं वसणं अहं लंघेज्ज ता इमं बालं परिणिउण पच्छा वयं चरिस्सं ।
अहं न लंघेज्ज ता सागारं सिद्ध-पच्चक्खं पच्चक्खामि चउव्विहाहारं' ति
कय-पच्चक्खाणो पत्तो वज्झाट्ठाणं । नागवसू वि वेगेण संठविउण अप्पाणं
पूईउण जिणपडिमाओ ठिया सासणदेवयाराहणत्थं काउसग्गेण ।
नागदत्तो विक्खित्तो सूलाए आरक्खिएण । भग्गा सासणदेवयाए सूला ।
तओ *उल्लंबिओ तरु-साहाए । एसो तुट्ठो पासओ । तओ आहओ खग्गेण
गीवाए । जाओ खग्गप्पहारो हारो । तओ तस्स कओ साहुवाओ लोएण ।
भीया निव-निउत्ता नरा । सुणियमेयं रत्ता ।

तत्थागंतूण काउण पडिवत्तिं पुट्ठो नागदत्तो निब्बन्धेण-कहेसु, को
एस वुत्तंतो ? । नागदत्तेण वुत्तं-वसुदत्तस्स जइ अभयं देसि ता कहेमि ।
पडिवन्नमेयं रत्ता । कहिओ कुंडलावलोयणाइओ तेण वईयरो । तुट्ठेण रत्ता
निवेसिओ करेणु-पट्ठीए अप्पणो पासे । पवेसिओ गुरु-विभूईए
नयरीए । नीओ रायभवणं । सक्कारिउण पट्टविओ निय-गेहं । वसुदत्तो
वि निव्वासिओ निय-देसाओ । गिहागयस्स नागदत्तस्स नागरा
आगच्छंति वद्धाविया । पियमित्तो वि पत्तो पियपुच्छओ । कहिओ
नागवसू-कय-काउरस्सग्ग-वुत्तंतो । संजाय-सिणेहेण परिणीया
नागवसू नागदत्तेण । भुंजए तीए समं भोए ।

अन्नया गवक्ख-गयस्स पिययमाए समं नागदत्तस्स पच्चासन्नघरे
कयंतेण हरिणा हरिणो व्व हरिओ वणिग-तणओ । जाओ अक्कंद-
रवो । भणियं भज्जाए-नाह ! किमेयमइ-विरसं सुव्वइ ? । भणियं
नागदत्तेण- सुयणु,

जस्स भएण अणागय-जत्तो काउं समीहिओ वि मए ।

न कओ मूढेण इमं वि चिहियं तस्स जमहरिणो ॥२४०३॥

नहि गणइ इमो सुहियं न दुक्खियं न सधणं न धणहीणं ।

न नराहिवं न रंकं दवो व्व सव्वं वणं दहइ ॥२४०४॥

इय पक्खंते एयम्मि विसय-पडिसेवणं महामोहो ।

सिर-पज्जलियम्मि हुयासणम्मि को सुयइ निच्चित्तो ? ॥२४०५॥

जइ वि सयं न पहुप्पइ एसो तह वि हु करेइ जण-पीडं ।

सिंह व्व जरा डिंभ व्व वाहिणो तस्स परिवारो ॥२४०६॥

તા આસન્ને પડિઓ મયચ્છિ ! જહ મુચ્છિયાણ વિસણસુ ।
 एसो मच्छुमइंदो तह निवडइ जा न अम्हं पि ॥२४०७॥
 તા એય-ભ્રેણં ચિય પલાણ-મુણિ-પહિય-પહય-મગ્ગેણં ।
 वच्यामो मुखपुरं जत्थ पवेसो न एयस्स ॥२४०८॥
 અહ ભણઇ પિયા-તુહ ઘરે નિસિદ્ધમિત્તત્થિણી ગમહ સચ્ચં ।
 सिद्धमिहलोइय-सुहं अओ परं को इह पसंगो ॥२४०९॥
 ન ય સાગરોવમેહિં વિ હુંતિ વિયણ્હા સુરા વિ વિસયાણં ।
 तम्हा संतो सो च्चिय निवारओ विसय-तण्हाए ॥२४१०॥
 તા નાહ ! કુરુ સમીહિયમહં પિ સજ્જા તુહાણુમય-મગ્ગા ।
 पिय-पडिकूला विती जओ निसिद्धा कुलवहूणं ॥२४११॥
 તો ભણઇ નાગદત્તો સાહુ પિએ ! જંપિયં તુમએ ।
 ता दिन्न-महादाणाइं जणिय-जिण-पडिम-पूयाइं ॥२४१२॥
 ઘેત્તૂણ સવ્વ-વિરહં ગુરુ-પાય-મૂલે,
 काऊण तिब्ब-तवमंग-सुहाणवेक्खं ।
 પત્તાઇં દોન્નિ વિ દિવં ચ સિવં ચ પછ્છા,
 निच्छिन्न-कम्म-दढ-संकल-बंधणाइं ॥२४१३॥
 જીવવહાલિય-પરધણહરણ-નિયત્તો વિ મેહુણાસત્તો ।
 सत्तो वियाणियव्वो समत्त-पावासवाचत्तो ॥२४१४॥
 અગણિય-કજ્જાઃકજ્જા નિરગ્ગલા ગલિય-ઉભય-લોય-ભયા ।
 मेहुण-प्रसत्त-चित्ता कं पावं जं न कुव्वंति ॥२४१५॥
 આવાયમિત્ત-મહુયર પરિણામે દિન્ન-તિવ્વ-દુવ્વખભરા ।
 को सेवए सकब्भो किंपाग-फलं व विसय-सुहं ? ॥२४१६॥
 સંદત્તં દોહગ્ગં ઇંદિયચ્છેયં સરીર-બલ-હાણિં ।
 दुग्गइ-गइं च जीवा पावंति अबंभचेरेण ॥२४१७॥
 જો મહિલા-સંગેણં નિયત્તિઝં વંછએ વિસય-તણ્હં ।
 घय-भोयणेण अहिलसइ पसमिउं सो अजिन्न-जरं ॥२४१८॥
 જો સવ્વ-રમણિ-પરિહાર-અવ્વમો ચયઇ પર-કલત્તં પિ ।
 पावइ उभय-भवेसुं सो रणसूरो११ व्व कल्लाणं ॥२४१९॥ तहाहि-

[४. शीले रणवीर-कथा]

अत्थि इह जंबुदीवे भारहवासम्मि मज्झिमे खंडे ।
 अमरपुरं नामेणं नयरं नय-रंजिय-जणोहं ॥२४२०॥
 सुरभवण-पइट्टिय-पउमराय-कलसुल्लसंत-किरणेहिं ।
 पयडइ गयणंगण-पायवरस जं पल्लव-विलासं ॥२४२१॥
 तत्थ परिपंथि-पत्थिव-पयाव-दव-जलण-पसम-जलवाहो ।
 पुरपरिह-दीहबाहो रणपालो नाम नरनाहो ॥२४२२॥
 जरस कर-मंडणं मंडलग्गमवलोईउं पि न खमंति ।
 सूरस्स व गरुय-भयाउलाइं रिउ-कोसिय-कुलाइं ॥२४२३॥
 तरस्सत्थि धीरसोहा^२ देवी देवंगण व्व वर-रूवा ।
 नवरं विलास-लालस-लोयण-पंकय-कयाणंदा ॥२४२४॥
 पुव्व-भवज्जिय-सुकयाणुरुव-वर-विसय-सेवणपराण ।
 ताणं तणओ जाओ रणवीरो नाम विक्खाओ ॥२४२५॥
 सो मयण-सरिस-रूवो सयल-कला-कुलहरं विणय-पवरो ।
 सूरु चाई दवखो दक्खिन्ननिहीं थिरो गहिरो ॥२४२६॥
 नवरं जूय-व्वसणेण दूसिओ तरस्स गुण-गणो सव्वो ।
 ससिणो व्व कलंकेण खारत्तेण जलहिणो व्व ॥२४२७॥
 अगणिय-गुरू अणलज्जो अकलिय-निदा-छुहा-तिसा-दुवखो ।
 जूय-रय-परिविखित्तो निच्चं चिय रमइ सो जूयं ॥२४२८॥
 अन्न-दियहम्मि रत्ना भणिओ सो वच्छ ! बुद्धिमतेण ।
 जुत्ताजुत्त-वियारणपरेण पुरिसेण होयव्वं ॥२४२९॥
 तुज्झ गुण-रयण-निहिणो निहीण-जण-सेवियं इमं जूयं ।
 न हु सहइ असुइ-असणं हंसस्स व वायसायरियं ॥२४३०॥
 जं कुल-कलंक-बीयं गुरु-लज्जा-सच्च-सोय-पडिणीयं ।
 धम्मत्थ-काम-चुक्कं दाण-दया-भोय-परिमुक्कं ॥२४३१॥
 पिय-माय-भाय-सुय-भज्ज-मोसणं सोसणं सुह-गुणाणं ।
 सुगइ-पडिवक्खभूयं ते जूयं पुत्त ! परिहरसु ॥२४३२॥

तह वि रणवीर-कुमरो कुणइ निवितिं न जूय-वसणाओ ।

उवएसेण वि पायं नराण दुपरिच्चया पयई ॥२४३३॥

ता जूय-वसण-अणियत्त-माणसं पेच्छिऊण तं कुमरं ।

जूय-पडिसेह-पडहो नयरम्मि दवाविओ रत्ता ॥२४३४॥

अहिमाण-धणत्तणेण इमं पि पराभवं मज्झंतो खग्ग-सहाओ विणिग्गओ नयराओ कुमारे । परिभ्रमंतेण तेण दिट्ठा एगत्थ-मग्गे तक्करेहिं विट्ठविज्जंता दुवे मुणिणो । निक्कारण-करुणा-कलिय-मणेण-
'अरे ! उभय-लोय-विरुद्धं किमेयमारुद्धं ?'ति भणंतेण हक्किया तक्करा । कयं युद्धं । पुरिसक्कार-प्पहाणयाए एक्केणावि केसरणिा करिणो व्व तक्करा नासिया सव्वे कुमारेण । नीया खेमेण वसिमं मुणिणो । भणियमणेहिं-भद ! भवया निय-जीविय-निरवेक्खेण रक्खिया अम्हे ता महासत्तो तुमं । इमिणा सच्चरिएण भविस्ससि भायणं सयल-संपयाणं । अओ किं पि पत्थेमो । तेण भणियं-आइसह भयवं ॥ मुणीहिं वुत्तं-पंचण्हं पाणिवहाईणं पावासवाणं निवितिं करेसु । कुमारेण वुत्तं-भयवं ! गुरुकम्मो हं । न व्वम्मो सव्वेसिं पि निवितिं काउं । एक्कं पुण' परित्थि-वज्जणं जावज्जीवं करिस्सं । मुणीहिं वुत्तं-भद ! इमं चेव दुक्करं कायर-नराणं, कारणं सयल-कत्ताणाणं, निवारणं वसण-सयाणं, निबंध्यं सग्गापवग्ग-सुह-संपयाणं ।

कमलाण सरं रयणाण रोहणं तारयाण जह गयणं ।

पररमणि-वज्जणं तह गुणाण जंपंति जम्म-पयं ॥२४३५॥

ता इमं कुणंतेण तए कयं चेव सव्वं । पालेज्जसु सम्ममेयं' ति अणुसासिऊण गया अन्नत्थ साहुणो । कुमारे वि पत्तो कोसलाविसय-भूसणं सिरित्तरं नयरं ।

जं गणयग्ग-विलग्गं विलंघितं पक्खिणो वि न खमंति ।

लंघिज्जइ पायारो सो तस्स कहं विवक्खेहिं ॥२४३६॥

तत्थ महसेणो राया । कुमारे वि पयट्ठो पुव्वभासेण जूय-वसणे तहवि असंपज्जंत-धणो एगवीस-कणय-कोडीण सामिणो सिरिपुंज-सेट्ठिणो गिहे खणिऊण खत्तं पविट्ठो निसीहि । जाव पईवहत्थाए घरिणीए दिण्ण-ववहार-लेक्खयं निरिक्खंतो पुत्तरस्स पासे दिट्ठो सेट्ठी । पुणो पुणो

गणंतरस वि पुत्तरस न पुज्जए विसोपओ तओ कुविओ सेही । गहियं
चम्मलही पुही हओ पुत्तरस । चितियं रणवरिण-अहो ! लोहंधबुद्धिणो
वणिणो धण-कज्जे पुत्तं पि हणंति । ता-

आजानु-लंबित-मलीमस-झाटकानां,

मित्रादपि प्रथम-याचित-भाटकानाम् ।

पुत्रादपि प्रियतमैकवराटकानां,

मुष्णाति कः किल धनानि किराटकानाम् ? ॥२४३७॥

तओ गओ तन्नयर-तिलयभूयाए पभूय-धण-सामिणीए लीलावईए
वेसाए भवणं । दिहा सा दीवुज्जोएण गलंत-पूयप्पवाह-विहिय-
मच्छिया-जाल-तुहिणा कुहिणा सह पसुत्ता । चितियं चऽणेण-

जा निय-तणूं पि तणमिव धणलुद्धा निग्गुणं गणइ गणिया ।

तन्नो विहीणसत्तो सत्तो किं कोवि होइ जए ? ॥२४३८॥

जा निय-तणु-निरवेक्खा लुद्धमणा कुहिणा वि सह सुवइ ।

वेसाइ तीइ नूणं धणहरणे फुट्ठिही हिययं ॥२४३९॥

तओ निग्गओ कुमारे । पहाया रयणी । गंतूण संबुज्जाणं गहिया
गोहा । पुच्छे बंधिऊण वरत्तं रत्तीए खित्ता रायमंदिरोवरि । विलग्गा सा
वलहियाए । वरत्ताए लग्गिऊण चडिओ गवक्खेण जाव तत्थ, ता तदुवरि
पसुत्तरस रन्नो अन्नासत्ता उत्तिन्ना वसंतसेणा महादेवी । वेईया रन्ना । तओ
पेच्छामि ताव किं करेइ एस ? ति उवउत्तो राया । दिहो देवीए निय-
देहाभरण-रयणालोएण लोयणाणंद-जणणो रायपुत्तो । को एसो
दिव्वागिइ ? ति अणुरत्ता एयम्मि । दिहा एसा रायपुत्तेण । भणियं च
णाए-को तुमं ? ति । तेण भणियं-जो एयाए वेलाए परघरं पविसइ ।
महादेवीए चितियं-चोरो एसो विसिहो य, तो अलं मज्झ अवरेण । वरं
एसो चेव समिओ ति । पेरिया साहिलारसा दिट्ठि-दूई । भणिया कुमारेण-
का तुमं ? ति । तीए भणियं-रन्नो पत्ती वसंतसेणा महादेवि ति ।
संविग्गो कुमारे । भणियं चऽणेण-माया मम तुमं । तीए भणियं-
केण कज्जेण ? ईयरेण वुत्तं-परकलत्ताओ विरओ अहं, किं पुण रन्नो
महादेवीए ? । तीए भणियं-किमेवं धम्मिहो चोरियं करेसि ? । इयरेण
वुत्तं-विचित्ता कम्म-परिणई । तीए भणियं-अलं इमिणा उत्तरेण ।
सव्वहा पडिवज्जसु ममं । अन्नहा न तुमं ईओ खेमेण वच्चसि । इयरेण

वुत्तं-अंगीकयमिणं, किमन्नहा एयाए वेलाए परघरे पविसीयइ ? ।

इच्चाइणा वइअरेण निरागरिया महादेवी । सुयमिणं सव्वं रत्ता ।
अणविविखउण आयइ अक्कंदियं महादेवीए । सकलयलं उट्टिया
पाहरिया । रत्ता उवरिं ठाउण भणियं-भो ! भो ! अविणासेण चोरं
गिण्हह । भणिओ पाहरिगेहिं कुमारो-भो ! अविणासगा अम्हे तुज्झ, तो
मुंच आउहं । कुमारेण भणियं-न मुंचामि । किंतु अपहरंतो अनासंतो य
तुब्भेहिं समं चिट्ठामि । तेहिं भणियं-एवं होउं । पहाया रयणी । उग्गओ
गयणमणी । काउण गोसकिच्चं ठिओ राया अत्थाईयाए । सदाविओ
चोरो । आगओ सो । दिट्ठो रत्ता । अहो ! उदारो ति चित्तियमणेण ।
एरिसो वि चोरियं करेइ ति जंपियं मंति-पमुहेहिं । रत्ता वुत्तं-भो !
ओसरह तुब्भे । अहमेयं किंचि पुच्छामि । ओसरिओ लोओ । सुहासणत्थो
भणिओ कुमारो रत्ता-भो ! को तुमं ? ति । तेण वुत्तं-कम्मओ चेव
अवगए किं पुणरुत्त-पुच्छाए ? । रत्ता भणियं-परोप्पर-विरुद्धं ते चरियं
ति पुच्छामि । कुमारेण चित्तियं-‘नूणं विज्जाओ रत्ता रयणि-वुत्तंतो, ता
एवमुल्लवइ । गुरुत्थाणिओ य एसो, अओ जहट्टियमेव साहेमि’ति
चित्तिउण मग्गिउण य देवीए अभयं साहिओ सव्वो वि निय-वुत्तंतो ।
तुट्ठेण रत्ता पुत्तो ति पडिवज्जो कुमारो । दिट्ठो से महाविसओ । कया
करि-तुरय-रह-पाइक्क-सामग्गी । जाओ सयल-जण-सम्मओ ।
चित्तियमणेण-

सयल-जय-वच्छलेहिं गुरुहिं करुणापरेहिं तेहिं अहं ।

जं पर-कलत्त-नियमं कराविओ तरस्स फलमेयं ॥२४४०॥

इह लोयमित्त-सुहय चित्तामणि-कामधेणु-कप्पदुमा ।

उभय-भव-सुहकरेहिं गुरुहिं कह हुंतु सारिच्छा ॥२४४१॥

जाण गुरु-वयण-मंतक्खराइं हियए सयावि निवसंति ।

पररमणि-रक्खसीहिं ते वि य न नरा छलिज्जंति ॥२४४२॥

इय चित्तिउण जइजण-पयपंकय-सेवणुज्जओ जाओ ।

पडिवज्जइ सम्मत्तं कमेण रणवीर-वर-कुमरो ॥२४४३॥

अन्नया सामंत-सेणावइ-पमुह-सुहड-कोडि-संकिज्जाए सहाए
निसन्नस्स रत्तो महसेणस्स बालमित्तो बंधुदत्तो सेट्ठी समागओ ।
पणामिय-पाहुडो पणमिउण रायाणं निविट्ठो उचियासणे । पुट्ठो रत्ता-

सेहि ! सागयं ते ! । सेहिणा वुत्तं-देवपायाणं पसाएण । रत्ना वुत्तं-किं चिराओ दिट्ठो सि ? । तेण वुत्तं-संववहारेण समुद्द-परतीरं पत्तोमिहि । पुणो वि पुच्छिओ कोऊहलाउलिय-माणसेण रत्ना-सिहि ! दिट्ठं तए किंचि कहिंचि अच्छब्भुयं ? । तेण भणियं-देव ! सुयमेगं न उण दिट्ठं । रत्ना भणियं-किं सुयं ? । तेण भणियं-न चएमि कहिउं । रत्ना भणियं-सुयं न कहिउं तीरइ ति कारणेण होयव्वं । तेण वुत्तं-देव ! एवं ति । रत्ना वुत्तं-वीसत्थो होऊण साह । अलं आसंकाए । अप्पाण तुल्लो मम तुमं । तेण भणियं-देव ! जइ एवं ता सुण,

रयणीए वहंते जाणवत्ते कज्जओ अवगच्छामि-कहिं चि दीवे सुओ अच्छंत मणहरो सद्दो 'किं करेमि ? अमणुस्सा पुहई' ति, सुणमाणस्स मे वेगेण वोलियं जाणवत्तं । ता देव ! पुहईवयमि 'अमणुस्सा पुहई' ति अच्छब्भुयं ति । इमं च सोच्चा ससोयं नीससियं रत्ना । पलोइया समंतओ सामंत-सेणावइ-पमुहा सुहडा । अविसओ एस अम्हं ति न किंपि जंपियमिमेहिं । नाइदूरोवविट्ठो उट्ठिओ रणवीर-कुमारो । भणियमणेण-देव ! देहि आणत्ति जेण दंसेमि देव ! तत्थ मणुस्सं ति । रत्ना वुत्तं-साहु वच्छ ! साहु । एवं करेहि ति दिट्ठं निय-गलग्गमाभरणं । महा पसाओ ति भणंतो पणमिऊण उट्ठिओ रणवीर-कुमारो । पुच्छिओ अणेण बंधुदत्तो-कत्थ सो तए सुओ ? ति साहिओ अणेण समुदेसो । साहस-पहाणयाए निग्गओ खग्ग-सहाओ रणवीरो । कमेण पत्तो समुदतीरं । दिट्ठो तत्थ रयणकूडो पव्वओ ।

किं कल्लोल-भूयाहिं बाहिं रयणायरेण पक्खिविउं ।

रइयाइं रयण-कूडाइं तेहिं एसो रयणकूडो ? ॥२४४४॥

किं च तरंग-करेहिं इमस्स रयणाइं रयणकूडस्स ।

अणवरयं गेणहंतो जलही रयणायरो जाओ ? ॥२४४५॥

इय चिंतंतो चित्ते कुमरो दिवसावसाण-समयमि ।

आलिंगिय गयणसिरिं आरुदो रयणकूड-गिरिं ॥२४४६॥

कुमरेण तत्थ दिट्ठं घण-कंचण-खंभ-पंति-दिप्पंतं ।

रयणमय-कुट्टिम-तलं फलिह-सिला-संघ-संघडियं ॥२४४७॥

पन्नत्ति-देवथाए आययणं गयण-मग्ग-संलग्गं ।

इंतेहिं जंतेहिं जणेहिं दुस्संचरं निच्चं ॥२४४८॥

खयर-नरनाह-मंडलिय-मंति-सामंत-सेट्ठि-पमुह-जणा ।

पन्नत्ति-देवयं पूईऊण सेवन्ति सकलत्ता ॥२४४९॥

सोहग्गं आरोग्गं रज्जं विज्जं तणुब्भवं विभवं ।

अन्नं पि वंछियत्थं तुट्ठा सा देइ तेसिं पि ॥२४५०॥

तत्थ भवणे पविट्ठो कुउहलाउलिय-लोयणो कुमरो ।

पन्नत्ति-देवयं पणमिऊण खणमेक्कमुवविट्ठो ॥२४५१॥

रयणि ति कयावस्सगो परसुत्तो तत्थेव । अइक्कंता रयणी । उट्ठिओ एसो । कयं गोसकिच्चं । निज्झाइया दिसि-पहा । दिट्ठा पुब्ब-दिसाए धूली । थेव-वेलाए महंतं आस-साहणं । तं मज्झे आस-विमाणं । तत्थ तट्ठ-कुरंग-लोयणा कन्नगा समाभया देवयायणं । अवयरिऊण विमाणाओ गया पन्नत्ति-देवया-समीवं । वंदिऊण पन्नत्ति ठिया कंचि कालं । दिट्ठोऽणाए खवेण अमरो व्व कुमरो । मिलिया दोण्हं पि परोप्परं दिट्ठी । न बुल्लाविओ इमीए । ससिणेह ति वियाणिया कुमरेण । मज्जिऊण विभूईए पूइया कन्नगाए पन्नत्ती । वित्थरिओ^{२५} पुरओ विविह-फल-नेवज्ज-बंधुरो बली । विहियं दुवेहिं पि भोयणं । एवं नीसेसं दिवसावस्सयं कयमेएहिं, केवलं असंभासेण परोप्परं जाव रयणीए अत्थुयं सयणेज्जं ननु वज्जइ एसा । घुम्मंति से निट्ठाए लोयणाइ ।

एत्थंतरे भणियं रणवीरिण-भणामि किं च निल्लज्जयाए अहं । को पुण तुम्ह महाणुभावान् वि एस एरिसो वुत्तंतो ? । नीससियं, न जंपियं इमीए । कुमारेण वुत्तं-कहियमिणं तुमए अहं पुण अत्थं नावगच्छामि । तीए भणियं-केरिसी परायत्ताण महाणुभावया ? । कुमारेण भणियं-कहं परायत्तं ति नावगच्छामि । कन्नगा कुमारमालीइऊण रोविउमारट्ठा । समासासिया सहीए । भणियं अणाए-महाभाग ! सुण इमीए^{२६} वुत्तंतं ।

गंगा-जउणा-जोगं नीले गयणम्मि धवल-किरणेहिं ।

^{२५}उवसंसिउं वियट्ठो वेयट्ठो नाम अत्थि गिरी ॥२४५२॥

तत्थत्थि सुवित्थिन्नं सुवन्न-पायार-पवर-पेरंतं ।

नह-लच्छी-लीला-^{२७}नेउरं व लीलापुरं नयरं ॥२४५३॥

तम्मि नमंत-निरंतर-विज्जाहर-मउलि-मिलिय-पयकमलो ।

जयसिरि-लीलानिलओ लीलाविंधो ति नरनाहो ॥२४५४॥

तस्स धूया एसा लीलावई कन्नगा य । इमीए जेह-बहिणी लीलादेवी । सा य परिणीया लच्छिपुर-सामिणा किसोर-विज्जाहरेण । सो पणहो वज्जिय-लज्जो विज्जाहर-समरे । उवहसिओ सेस-विज्जाहर-भडेहिं । लज्जिया इमीए भगिणी लीलादेवी । तं पिच्छिउण चितियं इमीए- ममावि एरिसो भत्ता न होइ तहा करेमि ति । तायं पुच्छिउण आगया एत्थ । आराहिया अणाए पन्नत्ती देवया । जाया वराभिमुही । मग्गिया इमीए- भयवइ ! मा मज्झ अमणुस्सो भत्ता होज्ज । पडिसुयं देवयाए, भणियं च- वच्छे ! रणवीरो ते भत्ता भविस्सइ, किंतु अत्थि तुहाभिओगिय-कम्म-सेसं । तदुदएण छम्मासं ते किलेसो होही । तओ न तए संतप्पियव्वं, जओ तं किलेसं सो चेव ते भत्ता पणासिस्सइ । एयं सोउण पहट्ठा वि दूमिया एसा । गया स-नगरं । ठिया कंचि कालं ।

अन्नया अरुणोदए दिट्ठा मए एसा विद्याण-वयण-कमला । पत्थावे पुच्छिया कारणं । बाह-जल-भरिय-लोयणाए साहियं अणाए- सहिं ! वसंतलीले ! अज्ज सुविणए चिय केणावि महा-विंगरालेण नीयाऽहं समुदतीरं । दिट्ठो य तत्थेगो मए कावालिगो । भणिया अहं तेण-सुंदरि ! अहं आयाससिद्धी नाम "महावयग-चूडामणी । साहिओ मए कन्ना-रयणाकरिसगो दिव्व-मंतो । तेण सव्वुत्तम ति आणिया तुमं । ता पसयच्छि ! पसायं काउं पडिवज्ज मं गुरुसिणेहं । भुंजसु मणहरे भोए । तिजयरस वि सामिणी होसु । मए भणियं-महावयगरस विरुद्धमेयं । तेण भणियं- किं तुह इमीए चिंताए ? । विरुद्धमविरुद्धं वा अहं चेव जाणामि । एवं भणमाणो वि न इच्छिओ सो मए । तेण गहिया कत्तिगा । धाविओ मम सम्मुहं । मए भणियं-अमणुस्सा पुहइ ति । अन्नहा कहं तुममेवं ववहरसि ? । तओ 'अधन्ना तुमं जा अच्चंताणुरत्तं ममं एवं अवहरिसि । तहा वि न "मिल्लेमि एत्थाणुबंधं, छम्मासेहिं आगरिसियव्वा मए तुमं'ति भणमाणेण मोहिया अहं अणेण । थेव वेलाए दिट्ठो एत्थ अप्पा, निरूजा य जाया । ता तक्केमि तं एयं भयवई-वागरणं । एयमित्थ कारणं । एवं कहिउण विसन्ना एसा । मए चितियं-अवितहो पन्नत्ति-देवयाएसो । न अन्नहा काउं तीरइ । ता एत्थ इमं पत्तयालं देवयाए चेव समीवे चिट्ठमह जेण तप्पभावेण वोलेइ उवसग्गो ।

तओ अम्हे इहागया । जाव इहावि सो चेव वुत्तंतो ।

आगरिसिज्जइ एसा पइदिणं ति । एएण कारणेणं जंपियमिमीए-
 केरिसी परायत्ताए महाणुभावय ति । एयं सोऊण हरिसिओ रणवीरो ।
 भणियं अणेण- मा उव्वेयं उव्वहसु । नेह ममं तत्थ जेण तरस दुरप्पणो
 दंसेमि दुव्विलसिय-फलं ति । तीए भणियं- अत्थि एयं, किंतु विसमो
 एस कावालिगो । रणवीरेण भणियं- अलं तरस विसमत्तणेण । नेह ममं
 तहिं ति । तीए चित्तियं- सो चेव एसो रणवीरो भविस्सइ । अन्निरमइ
 सामिणीए इमम्मि दिट्ठी । उदार-धीरो एसो । पुन्ना य पायेण छम्मासा ।
 ता जुत्तमेयं ति चित्तिऊण जंपियं इमीए- एवं करेम्ह । परितुट्ठो रणवीरो ।
 आगओ मंताहवण-समओ । चलियाओ विज्जाहरीओ । नीओ ताहिं
 रणवीरो । मुक्को एक्क-पासे । आढत्तो कावालिगेण पुव्व-वइअरो । पुव्वं
 व जंपियं इमीए- 'अमणुस्सा पुहइ' ति । एवं सोऊण उट्ठिओ रणवीरो ।
 भणियमणेण- कहं देवे चंडमहासेणम्मि पहवंते अमणुस्सा पुहइ ? ति ।

रणवीर-कुमारेण पुण वि वुत्तु, कावालिगु कवडनिहाणु धुत्तु ।
 चिरकालु करेविणु बहु अकज्जु, रणकारणि संपइ होहि सज्जु ॥२४५५॥
 कावालिगु निसुणिवि कुमर-वयणु, ठिउ सम्मुहु रोसारुणिय-नयणु ।
 तडि-तेय-तरल-कत्तिय-करालु, सो कुमरिण दिट्ठउ नाइ कालु ॥२४५६॥
 ता कुमरु वि 'मेल्लइ खग्ग-दंडु, करि धरिवि छुरिय दुक्कउ पयंडु ॥
 जे सत्त-गुणुत्तम-नर हवंति, असमाण-जुज्जु ते न हि करंति ॥२४५७॥
 वग्गंति दोवि हक्कंति दोवि, पहरंति दोवि वंचंति दोवि ।
 ओहट्ठिवि वेगिण मिलहिं बे वि, उप्पइवि नहंगणि पडहिं बे वि ॥२४५८॥
 कुमारेण निवाडिओ तो कमेण, कावालिगु उक्कड-विक्कमेण ।
 पावेण पडणु धम्मिण जइत्तु, जं वयणु एउ सव्वओ पवित्तु ॥२४५९॥
 सुर-सिद्ध-खयर तो जायतुट्ठि,
 कुमरोवरि मेल्लहिं^१ कुसुम-बुट्ठि ।
 गयणंगणि जयजयकारु कुणहिं,
 रणवीर-कुमर-सच्चरिउ^२ थुणहि ॥२४६०॥
 कावालिगु पच्छायाव-सहिओ, कुमरं पइ जंपइ कोव-रहिओ ।
 अहिलसिय एह जं तुह कलत्तु, तसु पावह फल्ल मइ एउ पत्तु ॥२४६१॥

हउं पाव-पसत्तु चरित्त-युक्कु,
परिचत्त-लज्जु मज्जाय-मुक्कु ।
पडिवन्न-वउ वि जो वय-निरासु,
इणपरि करेमि महिलाहिलासु ॥२४६२॥

ते धन्न सलक्खण सत्तवंत, सच्चरिय जगुत्तम कित्तिमंत ।
परदार पलोइवि जाहं चित्तु, न वियारलवु^१ वि पावइ पविच्चु ॥२४६३॥
इय पयडिय पाइण पच्छायाविण वागरमाणु महावइओ ।
रणवीर-कुमारिण विक्कमसारिण कोमल-वयणिहिं संठविओ ॥२४६४॥

भद ! न तए संतप्पियव्वं, जओ दुज्जओ मयरद्धओ, उदामो
इंदियग्गामो, वियारोव्वणं जोव्वणं, वामो कम्म-परिणामो । इमाइं
पडिवन्न-वयं पि विडंबंति पुरिसं, कारवित्ति मज्जाया-लंघणं, लहावित्ति
पइहा-भंसं । तथाहि-

प्रजापतिः स्वां दुहितरम कामयत् ॥

अज्ज वि तुमं जोग्गो जो संपयं पि संपन्न-पच्छायावो पावकारिणं
अप्पाणं निंदसि ।

जे अवगय-परमत्था सयमेव समायरंति नाऽकिच्चं ।
ते पुरिसा कित्तिज्जंति उत्तमा कित्ति-कुलभवणं ॥२४५५॥
जे वसण-दंसणाओ परोवएसं च पाविउण नरा ।
विरमंति अकज्जाओ गिज्जंती उत्तमा ते वि ॥२४५६॥
वसणं संपत्ता वि हु वारिज्जंता वि सेस-लोएण ।
कुव्वंति जे अकिच्चं पुरिसा वुच्चंति ते अहमा ॥२४५७॥

कावालिगो वि कुमार-चरिय-चमक्किय-चित्तो कुमारस्स
गयणगामिपिं विज्जं दाउण गओ सिरिपव्वयं । कुमारो साहिउण विज्जं
विईय-वुत्तंतेण लीलाचिंध-विज्जाहर-नरिदेण दिन्नं गहिउण लीलावई
विमाणारूढो समागओ सिरिउरं । साहिओ सव्वो वि वइयरो चंड-
महासेणस्स । हरिसिओ राया । सद्दाविओ णेण बंधुदत्तो, भणिओ य-
मिलइ एस सद्दो ? ति । तेण वुत्तं- देव । एवमेयं । अवगयं रन्नो 'रणवीरं
विणा न अन्नो मणुस्सो ति' । कओ महंतो पसाओ इमस्स । भुंजए एसो
उदार-भोए लीलावईए समं । पसरिओ लोगवाओ-

“भोग्गं जं जरस्स लोयम्मि अदिट्ठं वरस्सओ भवे ।
 नियमा भुंजइ तं सो अन्नदीवुब्भवं पि हु ॥२४६८॥
 अह अन्नया निसाए पच्छिम-जामम्मि सुत्त-पडिबुद्धो ।
 चित्तइ चित्तम्मि इमं चंडमहासेण-नरनाहो ॥२४६९॥
 करि-तुरय-रह-समिद्धं नमंत-सामंत-लीढ-पयवीढं ।
 संपत्त-वंछियत्थं जं परिपालेमि रज्जमहं ॥२४७०॥
 जय जीव देव सामि ति जंपिरा पहरण-प्पहाणकरा ।
 मणुयत्तणे वि तुल्ले अवरे विरयंति मह सेवं ॥२४७१॥
 तं पुव्व-भवे सुकयं कयं मए किंपि ता न तं जाव ।
 विलयं वच्चइ सयलं पुणो वि अज्जेमि ताव नवं ॥२४७२॥
 अत्थेण जह विट्ठप्पइ अत्थो घिप्पंति जह गएहिं गया ।
 अज्जिज्जइ तह सुकयं सुकएण चिरंतणेण नवं ॥२४७३॥

एवं चिंतंतरस्स रत्नो पहाया रयणी । समुग्गओ कमलायर-विबोह-
 विहियायरो दिवायरो । उज्जाणवालेणाऽऽगंतूण विन्नत्तो राया- देव !
 उज्जाणे समागओ गंभीर-देसणा-गज्जि-मणहरो जलहरो व्व गुणहरो
 नाम ^{१०}गणहरो । गओ राया तव्वंदणत्थं । वंदिउण तं निसब्बो पुरओ ।
 पारद्धा गुरुणा धम्मदेसणा-

लद्धूण माणुसत्तं विसयासत्तो न जो कुणइ धम्मं ।
 रोहण-गओ वि रयणं भोत्तुं सो गेणहए उवलं ॥२४७४॥
 तो संविग्ग-मणेणं रत्ना नमिउण जंपियं-भयवं ! ।
 पव्वज्जा-गहणेणं सहलं मणुयत्तणं काहं ॥२४७५॥

गुरुणा वुत्तं- मा पडिबंधं करेह ति । गंतूण गिहं नत्थि अन्नो पुत्तो
 ति ठविउण रज्जे रणवीरं पवन्नो दिक्खं । रणवीरो य सयल-भूवाल-
 पणय-पय-पंकओ कय-जिणिंद-धम्मप्पभावणो पालए रज्जं । कयाइ
 तम्मि नयरे पयट्ठं महंतं पलीवणं । न नियत्तए कहं पि । आउलीभूओ
 पउर-जणो । तओ जइ न मए परकलत्तं कामियं ता उवसम भयवं
 जलण !, न अन्नह ति सविउण सित्तं तहिं सलिलं चुल्लएहिं तं
 रणवीर-नरिदेण । उवसंतं तक्खणा चेव । अन्नया जायं दारुणं असिवं ।
 तं पि पुव्वुत्त-सवह-साविय-सलिलाभिसेएण नयरस्स उवसामियं । पत्ता

परदार-सहोदरो ति किन्ती १२२॥ सुरा वि किंकरत्तं कुणंति ति जाओ
एयस्स गरुओ जणाणुराओ ।

एगया गयकंधराधिरुढेण रत्ना दिट्ठा रायमग्गे संचरंता चोर-भय-
विमोइया मुणिणो । पच्चभिजाणिऊण वंदिया सविणयं । ताण
अणुमग्ग-लग्गो गओ वसहिं । निसब्बो पुरओ, भणिउं पवत्तो य-
भयवं ! अवितह-वयणा तुब्भे । तुब्भेहिं 'भविस्ससि सयल-संपया-
भायणं'ति जं आइहं तं तह ति जायं । जं च परकलत्त-नियमं काराविओ
अहं, तस्स दिट्ठं विसिट्ठं फलं इहावि भए । मुणीहिं वुत्तं- महाराय ।

तियस-कय-सङ्ग्रहाणं सुर-नर-सिवसोदखं-अवखय-निहाणं ।
दुग्गइ-दार-पिहाणं सीलं सयल-व्वय-पहाणं ॥२४७६॥

विप्फुरइ पहावो ताव इत्तिओ देसओ वि सीलस्स ।
जं सव्वओ वि सीलं माहप्पं तस्स किं भणिमो ? ॥२४७७॥

वेरग्गोवणणं भणियं रत्ना विवज्जिउं रज्जं ।
संपइ तुम्ह समीवे पडिवज्जे सव्वओ सीलं ॥२४७८॥

तो लीलावइ-पुत्तं रणसेणं ठाविऊण रज्जम्मि ।
विहिपुव्वं पडिवब्बो चरणं रणवीर-नरनाहो ॥२४७९॥

सुत्तत्थ-पढण-निरओ तवच्चरण-करण-उज्जुत्तो ।
अण्हाण-केसलुंचण-भूसयण-किलेसिय-सरीरो ॥२४८०॥

तह वि हु लायन्नं वहइ किंपि न कित्तिमं महासत्तो ।
रेणुकण-गुंडियं पि हु कणगं किं झामलं होइ ? ॥२४८१॥

गाम-नगरागराइसु रणवीर-महारिसी विहरमाणो ।
अणुराय-परवसाहिं पत्थिज्जइ पंकयच्छीहिं ॥२४८२॥

तह वि न पावइ खोहं गुणाइरिताओ निय-चरित्ताओ ।
मेरु व्व सठाणाओ समीर-लहरीहिं हम्मंतो ॥२४८३॥

इय अकलंकं सीलं सुइरं परिपालिऊण रणवीरो ।
संलेहण-दुग्ग-पुव्वं पज्जंते अणसणं काउं ॥२४८४॥

मरिऊण समाहिपरो पाणयकप्पम्मि सुरवरो जाओ ।
तत्तो चुओ समाणो कमेण मोवखं च संपत्तो ॥२४८५॥

जो मेहुण-विणिवित्ति काउं कम्मं समीहए पुरिसो ।
 नरय-पवेस-दुवारं परिग्गहो तेण मुत्तव्वो ॥२४८६॥
 रमणीयणम्मि रागं विणा न संभवइ मेहुणं जम्हा ।
 मुच्छा-ममत्त-राया परिग्गहरसेव पज्जाया ॥२४८७॥
 जं च परिग्गह-निग्गह-भणणेणं मेहुणं पि पडिसिद्धं ।
 चाउज्जामो धम्मो तेणं चिय कारणेण भवे ॥२४८८॥
 दुक्ख-विसरुक्ख-मूलं जत्तो मणुओ महंतमारंभं ।
 कुणइ असंतुट्ठमणो परिग्गहं तं परिच्चयह ॥२४८९॥
 देव-गुरु-धम्म-तत्तं कज्जाकज्जं हियाहियं सम्मं ।
 चेयन्न-सुन्न-चित्ता न मुणंति परिग्गह-ग्गहिला ॥२४९०॥
 सारीरियाइं दुक्खाइं जाइं जाइं च मण-समुत्थाइं ।
 सव्वाण ताण हेउं परिग्गहं बित्ति तित्थयरा ॥२४९१॥
 जह जह वट्ठइ बाहिं परिग्गहो मोह-बहुल-हिययरस ।
 तह तह नररस अंतो वुट्ठिं पावेइ पावभरो ॥२४९२॥
 जीवो भवे अपारे गरुय-परिग्गह-भरेण अक्खंतो ।
 दुह-लहरि-परिविखत्तो बुड्ढइ पोओ व्व जलहिम्मि ॥२४९३॥
 धम्मराम-खयं खमा-कमलिणी-संघाय-निग्घायणं,
 मज्जाया-तडिपाडणं सुह-मणोहंसरस निव्वासणं ।
 वुट्ठिं लोह-महन्नवरस खणणं सत्ताणुकंपा-भुवो,
 संपाडेइ परिग्गहो गिरि-नई-पूरो व्व वट्ठंतओ ॥२४९४॥
 जो गरुयारंभकरं परिग्गहं परिहरेइ संतुट्ठो ।
 सो होइ सयल-कल्लाण-भायणं देवदत्तो व्व ॥२४९५॥
 तहाहि-

[५. परिग्रहविरतौ देवदत्त-कथा]

अत्थि इह जंबुदीवे भारहखित्तम्मि कासि-विसयम्मि ।
 वाणारसि त्ति नयरी नयरिद्धि-विसिद्ध-जणकिन्ना ॥२४९६॥

तीए नमंत-सामंत-मउलि-मणि-किरण-छुरिय-पयवीढो ।
 जणिय-रिउरमणि-विरहो नामेणं दढरहो राया ॥२४९७॥
 रेहंति दिसवहुओ निचियाओ जरस जरस-पयावेहिं ।
 धवलारुणेहिं चंदण-घुसिणेहिं रंजियाओ व्व ॥२४९८॥
 तरस मणे मणिमय-दप्पणि व्व विमले सयावि संकंता ।
 सीलाइ-गुणकंता ससिकंता नाम वर-कंता ॥२४९९॥
 तत्थऽत्थि दत्त-नामो सुवन्न-कोडीण एक्कवीसाए ।
 सामी सम्मदिही विसिह-चरिओ पवर-सिही ॥२५००॥
 तरस सुजस ति भज्जा निरवज्जा विप्फुरंत-गुरु-लज्जा ।
 निम्मविय-धम्म-कज्जा गुरु-पयपंकय-नमण-सज्जा ॥२५०१॥
 संते वि रयण-कंचण-विणिम्मिए भूसणाण पढ्भारे ।
 सा बहुमन्नइ निच्चं एक्कं चिय भूसणं सीलं ॥२५०२॥
 पुव्वभवोवज्जिय-पवर-पुन्न-संपन्न-वंछियत्थाण ।
 ताणं तणओ जं नत्थि तेण दम्मिज्जाए हिययं ॥२५०३॥
 आराहिया य संभवजिण-भवण-पइहिया सुय-निमित्तं ।
 दुरियारि-देवया तेहिं तीए तुहाइ तो भणियं ॥२५०४॥
 होही गुण-रयण-निही सव्वुत्तम-पुन्नभायणं पुत्तो ।
 नवरं तुम्ह भविससइ कित्तिय-कालं पि तव्विरहो ॥२५०५॥
 इय देवयाए वयणं सोउं संजाय-गरुय-हरिसो वि ।
 निय-पिययमाए सहिओ किंचि विसन्नो मणे सिही ॥२५०६॥

पहाण-सुविणय-सूइओ पाउढभूओ सुजसाए गढ्भो, नवण्हं
 मासाणं ^{१६}अद्धमाण-राइंदियाणं पज्जंते समुप्पन्नो सयण-जणाणंदेण
 सह नंदणो । पारद्धं वद्धावणयं ।

वज्जंति निरंतर तूर सत्थ,
 वियरंति लोय तंबोल हत्थ ।
 बज्जंति वारि तोरण पसत्थ,
 दिज्जंति जणह मणवंछियत्थ ॥२५०७॥

सिच्चंति घरंगण पहरिसेण,
 घणसार-घुसिण-चंदणरसेण ।
 दिज्जंति पउर-घय-सालि-दालि,
 मयनाहि-तिलय किज्जंति भालि ॥२५०८॥

धणबद्ध-पघोलिर-तार-हार, पायडिय-विविह-करणंगहार ।
 घण-कुंकुम-कदमि घर-दुवारि, खुप्पंत-चलण नच्चंति नारि ॥२५०९॥

एवं मासं जाव कए वद्धावणए मास-पज्जंते य पारद्धे नाम-
 करणूसवे सयल-जण समक्खं विविह-रयणाहरण-भूसिय-सरीरा
 विसेसुज्जल-वेसा सुय-दंसणुक्कंठियस्स सिद्धिणो जाव कर-संपुडे
 संपाडेइ सुयं सुजसा, ताव तीए बला बाहुवल्लीओ मोडिऊण अवहडो
 बालओ केणावि अदिट्ठेण । तओ सुजसा सुय-विओग-सोग-भरक्कंता
 परसु-निक्कत^{१०}-चंपयलय व्व पडिया झड ति धरणीए । सेट्ठी वि
 तहाविहमसमंजसं दडुमचयंतो व्व मुच्छा-निमीलियच्छो मोहमुवगओ ।
 बंधुजणो वि अक्कद-सद-गब्भिणं पयटो तेसिं सिसिरोवयारेहि^{११} । कहवि
 लद्ध-चेयणो सेट्ठी विलविउमारद्धो । तथाहि-

काउण बहु-किलेसे हा वच्छ ! मणोरहेहिं विविहेहिं ।

संपत्तो कह मए ररेण महानिहि व्व तुमं ॥२५१०॥

केणावि अकारण-वेरिण करुणा-विमुक्क-हियाण ।

मज्झा अउब्बेहिं कहं एक्कपए चेव अवहरिओ ? ॥२५११॥

दाउण इमो पुत्तो मज्झा अपुत्तरस्स दिव्व ! जं हरिओ ।

अंधस्स नयण-जुयलं काउण तमुक्खयं तुमए ॥२५१२॥

हा दिव्व ! मह विलीयं किं दिहं जं तए सुयमिसेण ॥

आरोविउण भवणे कप्पतरस्स एस अवहरिओ ? ॥२५१३॥

जइ अवहरिउं पुणरवि हय-विहि ! तुमए विचितियं आसि ।

ता तणय-रयणमेयं पढमं चिय अप्पियं कीस ? ॥२५१४॥

सुजसा वि कहवि संपत्त-चेयणा सोय-सिडिल-सव्वंगा ।

विलुलंत-कुंतलब्भत्त-कुसुम-कत्थूरि महिवट्ठा ॥२५१५॥

घण-बाह-सलिल-बिद्धिं निवडिरेहिं थणत्थले हारं ।

करयल-पहार-तुटं अणुसंधंति व्व विलवेइ ॥२५१६॥

हा चंदवयण ! हा कमलनयण ! हा वच्छ ! लच्छि-कुलभवण ! ।
 हा निय-वंस-विभूषण ! हा किसलय-अरुण-कर-चरण ॥२५१७॥
 खिविऊण ममं दीणं दुस्सह-सोयानलम्मि पजलंते ।
 अगणिय जणणि-सिणेहो पुत्त ! तुमं कत्थ पत्तो सि ? ॥२५१८॥
 निल्लवखणा अहं चिय निबभग्ग-सिरोमणी अहं चेव ।
 जं परिहरिऊण ममं वच्छ ! तुमं कत्थ वि गओ सि ? ॥२५१९॥
 हा तणय ! जणणि-वच्छल ! जीवन्ती लोयणेहिं एएहिं ।
 किं तुज्झ वयण-कमलं कयाइ पुणरवि पलोइस्सं ॥२५२०॥

खणंतरे य गयणयल-गयाए कुलदेवयाए वुत्तं- भो भो ! किमेवं
 सोयमुव्वहह ? । जओ-

सयल-सुरासुरेहिं पि दुरइक्कमो कम्म-परिणामो । ता अवलंबेह
 धीरयं । तहा जो विसम-सप्प-दट्ठं रायसुयं वीस-वरिस-पज्जंते
 जीवाविरसइ, सो अम्ह नंदणो इय मणे धरह । एवं सोउं पि सोय-
 सायरावगाढाई दो वि कालं गमंति । इओ य भइसालपुरे एगवीस-
 सुवन्न-कोडि-सामी भदो सेट्ठी, भदा से भारिया । दुब्बि वि परम-
 सावगाणि । निरवच्चो ति संतावमुव्वहइ सिट्ठी । भदाए भणिओ-
 किमेवं संतावमुव्वहसि ? । अन्नं परिणेषु । सिट्ठिणा भणियं- तुह
 अवच्चेण मे निव्वुइ । तओ तीए आराहिया कुलदेवया । तुहाए तीए
 भणिया भदा-भदे ! नत्थि तुह गब्भ-संभवो । जइ भणसि ता अन्नं
 तवखणुप्पन्नं सुयं संपाडेमि । भदाए भद-सिट्ठि-सम्मए वुत्तं- एवं करेसु ।
 आणित्तण समप्पिओ देवयाए दत्त-नंदणो । गूढगब्भा मे घरिणी
 पसूय- ति भणंतेण भदेण कयं वद्धावणयं । देवयाए दत्तो ति विहियं
 तस्स देवदत्तो ति नामं । वह्निओ देहोवचएणं कलाकलावेण य । अवि य,

चाई भोई सदओ सूरुो सरलो सहाव-गंभीरो ।

लायन्न-पुन्न-देहो पच्चवखो पंचबाणो व्व ॥२५२१॥

बालत्तणओ वि इमो गुरु-पयमूले पवन्न-सम्मत्तो ।

कुणइ तिकालं जिण-पडिम-पूयणं सेवए मुणिणो ॥२५२२॥

निसुणइ पवयण-सारं धण-बीयं ववइ सत्त-खित्तीए ।

साहम्मिएसु रज्जइ विहल-जणुद्धरणमायरइ ॥२५२३॥

अह अन्नया पयटो महु-समओ जणिय-तरुण-जण-पमओ ।
 नच्चंत-लय-निवहो व्व पवण-चल-किसलय-करेहिं ॥२५२४॥
 सहयार-मंजरीओ सहंति परिभमिर-भमर-सहियाओ ।
 मयणानल-जालाओ व्व जम्मि पसरंत-धूमाओ ॥२५२५॥
 उत्तर-दिसा-पसत्तं सूरं दट्ठण खेय-विहुराए ।
 दाहिण-दिसाइ पसरइ नीसारो इव मलय-पवणो ॥२५२६॥
 उदाम-काम-परवस-माणिणि-माणप्पवास-पडहो व्व ।
 सहयार-काणणेरुं वियंभिओ परहुया-सदो ॥२५२७॥
 जग्गविय-जोव्वण-मओ सुव्वइ सव्वत्थ चच्चरी-सदो ।
 रज्जाभिसेय-तूरं व कुसुमकोदंड-नरवइणो ॥२५२८॥
 एवंविहे वसंते मयण-महसव-पलोयण-निमित्तं ।
 उज्जाणे संपत्तो नयर-जणो परियण-समेओ ॥२५२९॥

देवदत्तो वि मित्त-विंद-परिगओ तत्थ पयटो विचित्त-कीलाहिं
 कीलिउं । कंदुग-कीलाहि कीलंतेण तेण सुओ पुरओ काए^१ वि कन्नगाए
 परियणरस हाहारवो जहा- अत्थि को वि सत्तसत्तमो सप्पुरिसो जो
 इमिणा दुट्ठ-विज्जाहरेण निज्जमाणिं अम्ह सामिणिं रक्खेइ ? । देवदत्तेण
 समुप्पन्न-कारुन्हेण कणय-कंदुगेणेव तहा पहओ मम्मप्पएसे खेयरो
 जहा तरस तव्वेयणा-विहत्थरस हत्थाओ निवडिया सरोवरोवरि कन्नगा ।
 बुड्ढंती बाहाए घेतूण कणय-सिलायल-विउलेण निय-हियएण
 नवुब्भिन्न-थण-मणहरं तीए हिययं संपीडंतेण देवदत्तेण उत्तारिया
 जलाओ । परितुट्ठो कन्नगा-परियणो । पुणो पुणो साहिलासं तीए
 पलोइज्जमाणो पच्चुवयार-भीरु-हियओ गओ अन्नत्थ देवदत्तो । यतः-

इयमुच्चधियां विजृंभते महती कापि कठोर-चित्तता ।

उपकृत्य भवंति निःस्पृहाः परतः प्रत्युपकारभीरवः ॥२५३०॥

कन्नगा वि णीया सयणेहिं सणिहं ।

नवरं सलिलुत्तारण-समए संपत्त^२-गाढ-जोगाण ।

हिययाण परावत्तो संजाओ ताण दोण्ह पि ॥२५३१॥

एगया उववणे कुसुम-सेज्जा-निसन्नरस तं चेव चंद-सुंदर-मुहि-
 कन्नगं चिंतयंतस्स वयंस-कय-कयलिदल-पवणरस देवदत्तरस

समीवमागया कन्नगाए पियसही पियमई । निसन्ना पुरओ भणिउं पवत्ता-
सेट्ठिपुत्त ! अत्थि एत्थ एक्खवीस-सुवन्न-कोडि-सामी सामदेवो सेट्ठी ।
गुणसिरी से भज्जा । ताणं च अपुत्ताणं एक्खा चेव गुणमई कन्ना । दुट्ठ-
विज्जाहरेण हीरमाणी रक्खिया तुमए । सा य गया निय-गेहं अणवरयं
दीण-मुक्क-नीसारसा । कत्थ वि रइमलभंती परिचत्तासेस-वावारा रहसि
मए संलत्ता- पियसहि ! संताव-कारणं किं ते ? । तीए वि कहियमेयं-
सहि ! मह हिययम्मि गुरु-दुक्खं ।

निय-जीविय-निरवेक्खं जं जीविय-दायगस्स गुणनिहिणो ।

तस्स अकयन्नुयाए पच्चुवयारो मए न कओ ॥२५३२॥

निय-कंठ-कंदलाओ वत्थाभरणाइं तस्स पट्ठविउं ।

कीरउ पच्चुवयारो संपयमवि भइणि ! किं नट्ठं ? ॥२५३३॥

तीए वुत्तं-जं मज्झ तेण सुहएण जीवियं दिन्नं ।

तं चेव तस्स दिज्जइ जइ तत्तो पडिकयं होइ ॥२५३४॥

हसिउण मए भणियं- पियसहि ! तं चेव देसु किमजुत्तं ? ।

तो इयरीए भणियं-दिन्नं चिय सहि ! मए एयं ॥२५३५॥

इमस्स अत्थस्स संवायणत्थं निय-कंठ-कंदलाओ उत्तारिउण इमं
पसरंत-कंति-कडप्प-कय-तिमिरावहारं समप्पिउण पेसिया तुम्ह पासं ।

ता सुहय ! गुणाहारं लोउत्तर-चित्त-मणहरं हारं ।

हिययं व मह सहीए निय-हियय-विभूषणं कुणसु ॥२५३६॥

घेत्तूण देवदत्तो वि तीस-वियसंत-माणसो हारं ।

भुय-जुयलं व पियाए आरोवइ अप्पणो कंठे ॥२५३७॥

जणइ चंद-चंदण-कयलीदल-कुसुमसत्थरेहिं न ।

जो संतावो उवसंतो इमिणा हारेण सो नट्ठो ॥२५३८॥

अप्पेइ पियमईए कंठाभरणं सुवन्न-रयणमयं ।

भणइ इय निय-सहीए समप्पियव्वं इमं तुमए ॥२५३९॥

कहियव्वं तह एयं जह- एस जणो दुहं गमइ दियहे ।

तुममलहंतो हंसो व्व नलिणिमुप्फुल्ल-कमल-मुहिं ॥२५४०॥

तओ पहिठ-हियया गया पियमई । कहिउण सव्वं गुणमईए
समप्पियं कंठाभरणं । परितुट्ठाए ठावियं कंठे इमीए । एवं अब्बुन्न-

पसत्थ-पयत्थ-पेसणेण पवड्डमाण-मण-पमोयाण ताण गएसु कइवय-
 दिणेसु सामदेवेण सयं गंतूण घरं भणिओ भद्द सिद्धी- अम्ह पुव्वं पि तुह
 सुयस्स निय-धूयं दाउं मणं आसि । संपयं पुण खयराओ रक्खंतेण
 इमिणा विक्खमेण किणीया एसा । ता पडिच्छ तुमं सुयस्स जुगं मे धूयं ।
 पडिच्छिया सा भद्द-सिद्धिणा । वत्तो वीवाहो । भुजए भोए गुणमईए समं
 देवदत्तो । कयाइ जिबुज्जाणे गाढप्पहार-विहुरो कंठ-गय-पाणो दिहो
 देवदत्तेण जोगी । सत्थीकओ भणिउं पवत्तो- जोगप्पा नाम जोगीऽहं ।
 जोगसिद्धी मे भज्जा । कायसिद्धि-निबंधणं आउवुद्धि-कारणं काल-
 वंचणा-पवणं पवण-निरोहाईयं जोग-मग्गं गुरूवइहं अणुचिट्ठं जाव
 चिट्ठामि ताव मिलिओ मे जोगसारो जोगी । कया तेण मए सह कवड-
 मिती । नत्थि जोगीणं अकज्जं अखज्जं अपेज्जं अगम्मं च किंचि ति
 भणंतेण कराविओ हं मज्जपाणं । ममं मज्ज-मत्तं गाढप्पहारेहिं
 पहणिऊण मओ ति मुत्तूण धित्तूण मे भज्जं जोगसिद्धिं पणहो
 जोगसारो । देवदत्तेण वुत्तं- भद्द ! अणुचियमिणं मज्ज-पाणं । जओ-

नच्चइ गायइ पहसइ पणमइ परिभमइ सुयइ वत्थम्मि ।

तूसइ रूसइ निक्कारणं पि मइरा-मउम्मत्तो ॥२५४१॥

जणणिं पि पिययमं पिययमं पि जणणिं जणो विभावंतो ।

मइरा-मएण मत्तो गम्मागम्मं न याणेइ ॥२५४२॥

न हु अप्प-पर-विसेसं वियाणए मज्जपाण-मूढ-मणो ।

बहुमन्नइ अप्पाणं पहुं पि निब्भच्छए जेण ॥२५४३॥

वयणे पसारिए साणया वि विब्भमेण मुत्तंति ।

पह-पडियस्स सव्वस्स दुरप्पणो मज्जमतस्स ॥२५४४॥

धम्मत्थ-काम-विग्घं विहणिय-^५मइ-किति-कंति-मज्जायं ।

मज्जं सव्वेसिं पि हु भवणं दोसाण किं बहुणा ? ॥२५४५॥

जा कायसिद्धि-बुद्धी जल-गय-ससि-बिंब-गहण-वंचा सा ।

पच्चक्खेण सरिरे विणस्सरे दीसमाणम्मि ॥२५४६॥

जं कयगं तमणिच्चं ति जुत्तिओ भंगुरत्तणे सिद्धे ।

कायस्स थिरीकरणं सुरचाव-सिरीकरण-तुल्लं ॥२५४७॥

ता ३३ मोत्तूण कुबुद्धिं जीवदया-सच्च-पमुह-गुण-पवरे ।
 सयल-सुह-हेउभूए जिणिंद-धम्म मइ कुणसु ॥२५४८॥
 इय सोउं पडिबुद्धो जिणिंद-धम्मं पवज्जए जोगी ।
 बहुमन्नइ धम्म-गुरु ति देवदत्तं गुरु-गुणहं ॥२५४९॥ भणियं च-
 जो जेण सुद्ध-धम्ममि ठाविओ संजएण गिहिणा वा ।
 सो चेव तरस्स भन्नइ धम्मगुरु धम्मदाणाओ ॥२५५०॥

वुत्तं च जोगप्पणा- अत्थि मे दुवे पडिय-सिद्धा मंता भूय-निग्गहो
 विस-घायणो य । महासत्त ! सत्ताणुकंपापरो तुमं इमेहिं पि परोवयारं
 करिस्ससि, ता गिणहाहि इमे । देवदत्तो वि तदुवरोहेण गिणहइ मंते ।
 अन्न-दिणे दिट्ठा विद्याण-वयणा गुणमई पुच्छिया देवदत्तेण- पिए !
 किमुव्वेय-कारणं ? । तीए भणियं- अज्जउत्त ! सुण, अत्थि एत्थेव
 एक्कवीस-सुवन्न-कोडि-सामी सोमिलो सेट्ठी । सोमा तरस्स भज्जा । ताणं
 अपुत्ताण एक्का पउमसिरी कन्ना । सा मे बालसही अज्ज पबल-भूय-
 वियारेण पीडिया पाण-संसए वट्ठइ । तेण वुत्तं- अत्थि मे भूय-निग्गह-
 मंतो, ता तुह वयणेण तं पउणीकरेमि । तीए वुत्तं-महा पसाओ । गंतूण
 तीए कहियं सोमिलस्स । सो वि देवदत्तं घेतूण गओ पउमसिरी-समीवे ।
 देवदत्तेणावि कया मंडलाइ-सामग्गी । धरिया मुदा । सुमरिओ मंतो ।
 आहयं सरिसवेहिं पत्तं । हसिउण जंपियं पत्तेण-जो हं सयल-नयर-
 मंतवाईहिं पि न सक्किओ मोयाविउं तं ममं मोयावेसि ? अहो ! ते
 मूढया । देवदत्तेण सुहुयरं सुमरिओ मंतो । तप्पभाव-पराभूएण भणियं
 भूएण-एवं बलामोडीए मोयावंतरस्स जं ते करेमि तं पेच्छेज्जसु ति ।
 जंपमाणं पवण-पहयं पायव-पक्क-पत्तं व कंपिउण पडियं पत्तं पुहवीए ।
 दिट्ठो इमीए साहिलासं पउम-दल-दीहराए दिट्ठीए देवदत्तो । तेणावि
 साणुरायं पलोइया इमा । अन्नोन्न-पिच्छंताण ताण कामग्गहो सरीरमि
 सो संकंतो जायाइ जेण दोन्नि वि परवसाइ । लक्खियमिणं सोमिलेण ।
 एयस्स कामग्गहरस्स निग्गहे अहं चेव समत्थो ति चिंतिउण देवदत्तरस्स
 मत्थए अक्खयक्खेवं कुणंतेण दिन्ना पउमसिरी, परिणीया इमिणा विभूईए
 य । वच्चए काली ।

कयाइ निसाए पसुत्तो पल्लंके, पच्छा पिच्छए अप्पाणं तरंतं गुरु-
 तरंगाए गंगाए । नूणं पुव्वावरद्ध-भूएण इह पक्खित्तो हं ति चिंतंतो

भवियव्वयावसेण लद्ध-फलहगो लग्गो वाणारसी-परिसरे । परिरस्समेण निच्चेयणो व्व चिट्ठइ । इओ य तत्थ अत्थि एक्कवीस-सुवन्न-कोडि-सामिणी कवड-कुलहरं धरण-सत्थवाह-घरिणी नागिला नाम । तीए पुत्तो सागरदत्तो जाणवत्त-भंगेण समुदे विवब्भो । समागया तरस्स मयरस्स वत्ता । चिंतियं नागिलाए तत्थुप्पन्न-बुद्धीए- पुत्त-भरण-वुत्तंतमपयासंती पुरिसंतरेणावि उप्पाईउण पुराण-सत्थ-पन्नत्ते खेत्तजे पुत्ते रत्ता घेप्पमाणं धणं रक्खेमि ति । तओ तदत्थं गंगार्तीरि परिभ्रमंतीए तीए दिट्ठो तदवत्थो देवदत्तो । रयणीए उप्पाडिउण आणिओ निय-गेहे । कंठे लग्गिउण रोयंती भणिउं पवत्ता- वच्छ सागरदत्त ! केरिसं अवत्थं पत्तो सि ? तुह जाणवत्त-भंगं सोउण सोय-विहुरा अहं रयणीए कुलदेवयाए वुत्ता-मा खेयमुव्वह । तुह पुत्तो सागरदत्तो गंगाए आगमिरस्सइ । तओ मए गंगार्तीरि गवेसंतीए तुमं दिट्ठो सि । भणिया सागरदत्त-भज्जा- पिच्छ वच्छे ! लच्छिमइ ! तुह पई । सलिल-संगेण अन्नारिसो व्व संजाओ, ता तुमए पुव्वं व निव्वियप्पं कायव्वा इमस्स सव्वं पडिवत्ती । अम्मो ! जं तुमं आणेवेसि ति भणंती पयट्ठा काउं तहेव लच्छिमई । देवदत्तो वि पेच्छामि इमं पि विहि-विलसियं ति चिंतंतो सरूवं अप्पणो अपयासंतो भुंजए भोए लच्छिमईए समं । ठिओ पच्छन्नो वरिस-तिगं । जाया दुन्नि पुत्ता लच्छिमईए । चिंतियं लोहंधलाए नागिलाए- एयम्मि पुरिसे विज्जमाणे न होइ ममायतं वित्तं, ता उवाएण वावाएमि एयं ति । तक्करो ति कओ कोलाहलो । आगया दंडवासिया । दंसिओ ताण देवदत्तो । नीओ अणेहि रायभवणं । दिट्ठो रत्ता । चिंतियं च- न होइ इमाए आगिईए चोरो ति । पुच्छिओ सायरं- भद ! को एस वुत्तंतो ? । कहं परदोसं पयासेमि ति पुणो पुणो पुच्छिओ वि न किंपि जंपए जाव देवदत्तो ताव आणत्तो वज्झो । विरस-डिंडिमेण वज्जंतेण निज्जए नयरमज्झेण ।

विसमो विहि-वावारो उव्वियणेज्जो न करस्स संसारो ।

जं एरिसा वि पुरिसा लहंति एयारिसं वसणं ॥२५५१॥

अविवेओ नरनाहो अवियारा मंतिणो पहाणा य ।

निब्भग्गमिणं नयरं जमेरिसा वि हु वहिज्जंति ॥२५५२॥

एवं पयंपमाणे नायर-जणे पत्तो वज्झ-ट्ठाणं देवदत्तो । एत्थंतरे

डक्को उक्कडविस-विसहरेण मेहरहो नाम रायपुत्तो । आहुया बहवे मंतवाइणो । पउत्ताओ तेहिं किरियाओ । न जाओ कोवि विसेसो । तओ 'जो मह पुत्तं सप्प-दहं जीवावेइ तस्स निय-धूयं कणयसिरिं अद्ध-रज्जं च देमि' ति उग्घोसणा-पुव्वं दवाविओ रत्ता पडहगो, वज्जंतो य समागओ तं पएसं । तं सोऊण चितियं देवदत्तेण-

काउं परोवथारं जसं च पुन्नं च पाविउं विउलं ।

जइ परलोयं वच्चांमि एस ता किंन्न पज्जतं ॥२५३॥

तओ भणिअं-भद्दा ! अत्थि ताव मे विसावहार-मंतो, डक्को य एसो रायपुत्तो भुयंगमेण । तो एयं अहं जीवावेमि जेण मे परलोय-पत्थियस्स इमं चेव संबलं होइ । भणियं अणेहिं- जइ एवं ता छिवेसु पडहगं । छित्तोऽणेण सो । नीओ रायपासं । जीवाविओ रायपुत्तो । परितुहो राया सपुर-जणवओ । रत्ता भणियं- भद्द ! पुव्वं आगिइए संपयं पुण गुणेहिं विन्नाओ मए महापुरिसो तुमं, ता परिणेषु मे धूयं । मंतीहिं वुत्तं-कहं अविन्नाय-कुलक्कमस्स रायकन्ना दिज्जई ? ति ।

एत्थंतरे 'सप्पडक्कं रायपुत्तं जीवावियं' सोऊण संभरिय-देवया-वयणो पत्तो दत्त-सेट्ठी । देवदत्तावहार-समणंतरमेव भद्द-सेट्ठी वि भद्दसाल-नयराओ निग्गओ । सव्वत्थ गवेसंतो समागओ तत्थ । देवदत्तं पडुच्च मम नंदणो ति भणियं दुवेहिं पि । रत्ता वुत्तं- अहो ! अयं कहं तुमह दोणहं एक्को नंदणो ? दत्तेण वुत्तं- देव ! जायमित्तो इमो अवहडो केणावि । देवया-कहिएण अहिडक्क-रायपुत्त-जीवावणाहिन्नाणेण विन्नाओ मए वीसइम-वरिसाओ । भद्देण भणियं- देव ! संवयइ एयं, जओ न मे घरिणी-जाओ इमो, किंतु कुलदेवयाए बालओ चेव समप्पिओ । सत्तरस-वरिसाई वसिओ मह घरे, पच्छा कत्थ वि गओ ति गवेसंतेण वरिस-तिग-पज्जंते अज्ज दिहो ।

एत्थंतरे समागया पुत्त-दुग-समेया लच्छिमई । विन्नत्तो राया-देव ! एस मे भत्ता सागरदत्तो नाम समुद्द-परतीरं पत्थिओ बोहित्थ-भंगे लद्ध-फलगो गंगाए आगओ सासुयाए दिहो । जाव इमं इमिणा पुत्त-दुगं । अज्ज उण अहं निसाए पिईहरे पसुत्ता । पच्छा न याणामि किंपि संपन्नं । दिहो य एसो वज्झाट्ठाणं निज्जमाणो । इओ य तं पुत्त-दुगं विप्फारिय-लोयण-जुयं पसारिय-भुयं देवदत्तस्स उच्छंगमारुदं । भद्देण

ભણિયં-ભદે ! ન એસ સાગરદત્તો કિંતુ દેવદત્તો । રજ્ઞા વુત્તં- કહમેયં ? ।
 દેવદત્તેણ કહિઓ ભૂયાવહારાહો ચોરંકાર-પજ્જંતો સવ્વો વિ નિય-
 વુત્તંતો । રજ્ઞા વિજ્ઞાય-કુલ-સીલેણ 'અહો ! પુબ્બનિહિ' તિ પસંસિઝ્ઞ
 દિજ્ઞા નિય-ધૂયા કણયસિરી, સમપ્પિયં કરિ-તુરય-રહ-વત્થાહરણ-
 સંગયં અદ્ધ-રજ્જં, ભણિયા ય દત્ત-ભદ-સેટ્ઠીણો-

એકેણ દેવદત્તો જાઓ અવરેણ વહ્ધિઓ एसो ।
 તા દોણં પિ હુ પુત્તો ન વિવાઓ એત્થ કાયવ્વો ॥૨૫૫૪॥
 ભણિયા લચ્છિમઈ વિ હુ તુજ્ઞા પઈ સાસુયાએ જો દિજ્ઞો ।
 સો સાગરદત્તો વિય દદ્ધવ્વો દેવદત્તો વિ ॥૨૫૫૫॥
 જા એરિસે વિ પુરિસે ચોરંકારં ચઢાવે ચંડા ।
 સા તુમે કાયવ્વા ભવણાઓ નાગિલા બાહિં ॥૨૫૫૬॥
 તહ સામદેવ-સોમિલ-વણિણો વિજ્ઞાય-વઈયસ તત્થ ।
 યેત્તું નિય-ધૂયાઓ સંપત્તા ધણ-કુડુંબ-જુયા ॥૨૫૫૭॥
 એવં સ દેવદત્તો દદ્ધાણુરત્તાહિં ચઢહિં ભજ્જાહિં ।
 ઇંદો વ્વ અચ્છરાહિં અણિંદિએ ભુંજે ભોએ ॥૨૫૫૮॥
 તત્તો કમેણ ભદ્દો સુવન્ન-કોડીઓ એક્કવીસં પિ ॥
 દાઝણ દેવદત્તસ્સ ગુરુ-સમીવમ્મિ પવ્વઈઓ ॥૨૫૫૯॥
 પુવ્વુત્ત-કણય-કોડી-સહિયાઓ સમપ્પિઝ્ઞ ધૂયાઓ ।
 જે સામદેવ-સોમિલ-સિદ્ધિવરા તે વિ પવ્વઈયા ॥૨૫૬૦॥

એવં દત્ત-ભદ્દ-સામદેવ-સોમિલ-સાગરદત્તાણં પત્તેયં એક્કવીસ-
 સુવન્ન-કોડીઓ સંજાયાઓ । સવ્વ-સંઘાએ પંચુત્તર-કોડિ-સયસ્સ
 અદ્ધ-રજ્જરસ ય સામી દેવદત્તો કારવેઈ પુરે પુરે સુકય-લચ્છિ-
 લીલાવળાઈં જિણ-ભવળાઈં । પઠ્ઠાવે તેસુ અપ્પડિમાઓ કણય-રયણ-
 પડિમાઓ । પૂયએ તાઓ ભુવણચ્છરિયભૂયાહિં અદ્ધપ્પયાર-પૂયાહિં ।
 વિરેઈ વિહિય-પાવ-વિરહ-જુત્તાઓ રહજત્તાઓ । વિયરેઈ સાહૂણ
 કમ્મવાહિ-વિઝડણસહાઈં^{૪૪} પવર-વસહિ-વત્થ-^{૪૫}ભત્ત-પાણોસહાઈં ।
 લિહાવે વિહણિય-મોહધંતં સિદ્ધંતં । નિમ્મવેઈ નિમ્મહિય-પાવસલ્લં
 સાહમ્મિય-વચ્છલ્લં । પયટ્ટેઈ પયડિય-સમ્મવુબ્ભાવળાઓ પવયણ-
 પભાવળાઓ । સમ્માણેઈ મણપ્પમોય-જણે જણિ-જણે । વિહેઈ

दुत्थिए सुत्थिए । संपाडेइ निरुवयारं परोवयारं । सेदए मणोरहाणं पि
अविसए पंचप्पयार-विसए । एवं तिवग्गसारं मणुय-जम्म-फलं
उवभुजंतस्स अइक्कतो कोइ कालो ।

अह पाव-पसर-पसमण-समण-समेओ समानओ सूरी ।

नामेण विजयसिंहो परमय-मयगल-विजय-सिंहो ॥२५६१॥

सुअनाणं सम्मत्तं चरित्तमट्ठप्पयारमेक्केक्कं ।

बारसविह-तव-जुत्तं इह छत्तीसं गुणे धरइ ॥२५६२॥

जं निज्जिओ अणंगो सव्वंगोवंग-संगएण जए ।

लीलाए तेण गुरुणा मन्नेमि न किंपि तं चोज्जं ॥२५६३॥

पत्तो य देवदत्तो जणेहिं सम्मं नमंसए सूरी ।

तत्तो पुरो निसब्बो पारद्धा देसणा गुरुणा ॥२५६४॥

जिनेन्द्र-पूजा गुरु-पर्युपास्तिः सत्त्वानुकंपा प्रशमानुरागः ।

सुपात्र-दानं श्रुतिरागमस्य नृजन्म-वृक्षस्य फलान्यमूनि ॥२५६५॥

पत्थावे पुढं दत्तेण- भयवं ! किं कारणं जं अम्हेहिं सुअ-विओग-
दुहं पावियं ? । गुरुणा भणियं- सोम ! सुण,

आसि आसापुरे नयरे जिणधम्म-भावियमई चंदो गहवई । रेवई से
भज्जा । ताणं च चंदणो नाम नंदणो । ताणि कयाइ वसंते कीलणत्थं
गयाणि उज्जाणे । तत्थ कीलंतेहिं तेहिं तरुनिकुंज-मज्झाओ भएण
पलायमाणं अहिणवुप्पन्न-हरिण-पोयगेण समं दिट्ठं हरिण-मिहुणं ।
भणियं भज्जाए- अज्जउत्त ! बालस्स मम* सुयस्स कीलणकए गिन्हाहि
मणहरं हरिण-बालयं । तेणावि धाविउण पलाइउमचयंतं गहिउण तं
समप्पियं पियाए । हरिण-मिहुणं पि तव्विओग-विहुरं महंत-दुक्खमावन्नं
अवच्च-सिणेहेण । पासेसु परिभ्रमंतं पेच्छिउण वीस-पाणी-पल-
पज्जंते करुणाए मुक्खो तेहिं हरिण-डिंभो मिलिओ जणणि-जणयाण ।
एय-दुच्चरिय-पच्चयं बद्धं तेहिं अवच्च-विओग-फलं असुह-कम्मं । सो
य चंदणो पत्तो जोव्वणं ।

कईया वि काणणे मुणिवरो ज्ञाणवावडो दिट्ठो ।

धम्मो व मुत्तिमंतो विउल-सिलावट्ट-विणिविट्ठो ॥२५६६॥

तो वंदिउण विहिणा पुरओ होउण पंजिलउडेण ।

भणियं- भयवं ! वेरुग-कारणं तुम्ह किं जायं ? ॥२५६७॥
 मुणिणा भणियं- सुण सोम ! अत्थि एत्थेव भरहवासम्मि ।
 धम्म-धण-कोसभूया कोसंबी नाम वर-नयरी ॥२५६८॥
 तीए य आसि सिद्धी तावस नामो ति भूरि-विभवभरो ।
 निच्चं पमाय-बहुलो विवेय-वियलो अकय-धम्मो ॥२५६९॥
 धण-कण-कणय-कुडंबय-भवणाइ-परिगहम्मि गिद्धमणो ।
 विहलं नर-जम्मं गमइ किंचि दाणाइ-निरओ सो ॥२५७०॥
 अट्टज्झाणोवगओ मरिऊणं सूयरो समुप्पन्नो ।
 नियए च्चिय गेहे तम्मि तरस्स चंक्कम्ममाणस्स ॥२५७१॥
 पुव्वाणुभूय-सयणप्पएस-दंसणवसेण संजायं ।
 जाईसरणं पत्तो य पियर-कज्जम्मि पारद्धे ॥२५७२॥
 रद्धप्पायाए रसवईए परिवेसणे समासन्ने ।
 मज्जारीए मंसं हरियं तो सूवयारीए ॥२५७३॥
 गहवइ-भएण वेला-वइक्कमं तत्थ रक्खमाणीए ।
 मंस-निमित्तं पच्छन्नमेव निहओ वराहो सो ॥२५७४॥
 मरिऊण तहाविह-कोव-परिगओ तम्मि चेव गेहम्मि ।
 जाओ भुयंगमो गवल-भसल-ताविच्छ-सच्छाओ ॥२५७५॥
 तत्थ वि तं चेव गिहं दट्ठं भय-संभमाभिभूयस्स ।
 परिणाम-विसेसेणं जाईसरणं समुप्पन्नं ॥२५७६॥
 कम्म-विवागरस्स विचित्तयाए गहिओ न सो कसाएहिं ।
 अणुतप्पियं च तेणं पुणो पुणो नियय-हिययम्मि ॥२५७७॥
 दिट्ठो घर-दारीए सप्पो सप्पो ति कलयलो विहिओ ।
 मुग्गर-वावड-हत्था समागया तयणु कम्मयरा ॥२५७८॥
 वावाईओ य तेहिं तहाविहाकाम-निज्जरा-वसओ ।
 मरिऊण नियय-पुत्तरस्स नागदत्ताभिहाणस्स ॥२५७९॥
 बंधुमई-नामाए पियाए गब्भे सुओ समुप्पन्नो ।
 जाओ समए विहियं असोगदत्तो ति से नामं ॥२५८०॥

दहूण जणय-जणणिं परियण-भवणाइ वरिस-पज्जाओ ।
भवियव्वया-वसेणं पुव्व-भवे सुमरए एसो ॥२५८१॥

चित्तियमणेण चित्ते- सुण्हा जणणीं सुओ पिया जत्थ ।
तं संसार-सरूवं धिरत्थु नड-पिच्छण-सरिच्छं ॥२५८२॥
ता बहुयं वि य जणणिं सुयं च तायं कहं पयंपेमि ? ।
एएण कारणेणं पडिवन्नं तेण मूयत्तं ॥२५८३॥

जाओ य लोगवाओ अहो ! इमो मूयगो ति सव्वत्थ ।
एवं तरस्स दुवालसमइक्कंताइं वासाइं ॥२५८४॥

तत्थ चउनाणजुत्तो समागओ समणवंद-परियरिओ ।
पाव-दवानल-मेहो मुणिनाहो मेहनाह ति ॥२५८५॥

इमिणा मुणिऊण मणं असोगदत्तस्स पेसिओ पासे ।
गेहम्मि नागदेवस्स वयणे कुसलो रिसी एक्को ॥२५८६॥

भणिओ य रिसी गुरुणा असोगदत्तो घरंगण-निविट्ठो ।
तुमए पयंपियव्वो- कुमार ! सुण गुरु-वयणमेयं ॥२५८७॥

तावस ! किमि[मि?]णा मोणव्वएण ? पडिवज्ज जाणिउं धम्मं ।
मरिऊण सूयरोरग जाओ पुत्तस्स पुत्तो ति ॥२५८८॥

गंतूण तेण रिसिणा गुरु-संदेसो निवेइओ तरस्स ।
नमिउं इमिणा भणियं- कत्थ गुरु ? तो मुणी भणइ ॥२५८९॥

चिट्ठइ कुमार ! सक्खावयार-चेइयहरे गुरू धम्मं ।

*वागरमाणा तो भणइ मूयगो एह गच्छम्ह ॥२५९०॥

दहूण मूयगं जंपमाणमेयस्स विम्हिया सयणा ।
चित्तियमिमेहिं-गरूओ अहो ! पभावो मुणिवरस्स ॥२५९१॥

ता वच्चउ गुरु-पासे कइया सोहणतंर भवे तत्थ ।
गंतूण मूयगो तं नमइ गुरुं पुच्छए तत्तो ॥२५९२॥

भयवं ! कहं पुण तुमं मह वुत्तंतं मुणिसि ? तो गुरुणा ।
भणियं- नाणबलेणं तत्तो विम्हय-रसं पत्तो ॥२५९३॥

जंपइ असोगदत्तो नाणाइसओ अहो ! तुह अउव्वो ।
तो मेहनाह-गुरुणा कहिओ जिण-देसिओ धम्मो ॥२५९४॥

सो हं असोगदत्तो पडिबुद्धो सावगतणं पत्तो ।

इय निय-चरियं वेरग्ग-कारणं ताव मह एयं ॥२५९५॥

अन्नं च दुल्लहबोहि ति बोहियव्वो अहं तए एवं ।

सुर-भव-कय-संकेओ लहु-भाया मज्झ संजाओ ॥२५९६॥

सो कहवि न पडिबुद्धो बहुप्पयारं पि बुज्झवंतस्स ।

तत्तो निव्विज्जो हं पडिवज्जो संजमं एसो ॥२५९७॥

चंदणेण भणियं- भयवं ! अवगयं वेरग्ग-कारणं । जइ परिग्गह-
गिद्धाणं एवंविहाओ विडंबणाओ हुंति, ता मए परिमिय-परिग्गहेण
होयव्वं । अओ कहसु कइविहो परिग्गहो हवइ ति ? । कहिओ
गुरुणा-धण-धन्न-खेत्त-वत्थु-रुप्प-सुवन्न-दुपय-चउप्पय-कुप्प-
भेएहिं नव-विहो परिग्गहो हवइ ति । चंदणेण पडिवज्जं असोगदत्त-
मुणि-पासे परिग्गह-परिमाणं । पालए निरईयारं । इओ य
अणिच्चयाए जीव-लोगस्स चंदो रेवई य काऊण जिण-धम्मं गयाणि
सोहम्मं । चंदणो वि धण-भवन-सयणाइ-परिग्गहे अगिद्धो संतुद्ध-
चित्तो कुडुंब-वत्तणाइरित्तं वित्तं जिण-मुणि-जणाइ-धम्महाणेषु वियरंतो
समाहिणा मरिऊण तत्थेव गओ । चंदजीवो य देवलोगाओ चविऊण तुमं
दत्तो समुप्पज्जो । रेवई-जीवो य सुजसा जाया, चंदणो पुण तुम्ह नंदणो
देवदत्तो जाओ । जं हरिण-मिहुणस्स हरिण-पोयगो वीस-पल-मित्तं
कालं विजोजिओ तेण तुम्हं पि वीस-वासाइं पुत्त-विओगो जाओ ।
देवदत्तो वि अभग्ग-परिग्गह-परिमाण-फलेण किलेसं विणा वि
विउल-रिद्धि-भायणं जाओ । एवं सोऊण तिण्हं पि दत्त-सुजसा-
देवदत्ताणं जायं जाईसरणं । दत्तेण भणियं-

जइ एत्तियमेत्तरस्स वि संजायं दुक्कडस्स फलमेयं ।

ता गखय-दुक्कडाणं परिणामो केरिसो होही ? ॥२५९८॥

गुरुणा वुत्तं-गुरु दुक्कडाण जीवा तिरिक्ख-नरएसु ।

पावंति फलं विउलं चिरकालं तिक्ख-दुक्ख-हया ॥२५९९॥

तो दत्तेणं वुत्तं- बहु-दुक्कड-संकडं घरावासं ।

वज्जिता पडिवज्जे पव्वज्जं तुज्झ पयमूले ॥२६००॥

अह भणइ देवदत्तो-परिग्गहो देसओ मए चत्तो ।
 पुव्व-भवे संपइ पुण चयामि तं सव्वओ वि अहं ॥२६०१॥
 गुरुणा वुत्तं-जुत्तं तत्तो ठविउण निय-पए पुत्तं ।
 गिणहेइ देवदत्तो दिक्खं सह-जणणि-जणएहिं ॥२६०२॥
 काउण तवं तिव्वं तिन्नि वि पत्ताइ लंतयं कप्पं ।
 तत्तो सुमाणुसत्तं लद्धूण गयाइं मोक्खं पि ॥२६०३॥

• • •

पाठांतर :

१. अलमित्थ ल. रा. ॥ २. नट्टदिट्ठा द. पा. ॥ ३. पढमं ल. रा. ॥ ४. बिय
 गंधा द. पा. ॥ ५. एसो ल. रा. ॥ ६. अकज्जं जइ द. पा. ॥ ७. ठवियम्मि पा.;
 पवियम्मि रा. ॥ ८. सिरिकंत-विसए द. पा. ॥ ९. पारद्धिट्ठाणं ल. रा. ॥ १०. लावन्न
 ल. रा. ॥ ११. सीलवईए द. पा. ॥ १२. इहं सो ल. रा. ॥ १३. जेण ल. रा. ॥
 १४. विच्छिओ ल. रा. ॥ १५. उ ल. रा. ॥ १६. अतो ल. रा. ॥ १७. एआए ल. रा. ॥
 १८. पढहुहुओ द. पा. ॥ १९. पायार-सिहर ल. रा. ॥ २०. ओलंबिओ ल. ॥ २१.
 रणवीरो ल. रा. ॥ २२. वीरसोहा ल. रा. ॥ २३. पि ल. रा. ॥ २४. वित्थारिओ ल.
 रा. ॥ २५. इमाए द. पा. ॥ २६. उवदंसिउं ल. रा. ॥ २७. निउरं पा. ॥ २८. महावइण
 द. पा. ॥ २९. मिल्हेमि ल. रा. ॥ ३०. मेल्हइ ल. रा. ॥ ३१. मेल्हइ ल. रा. ॥ ३२.
 मुणहिं ल. रा. ॥ ३३. वियारलवो द. पा. ॥ ३४. गणधरो ल. ॥ ३५. रज्जो ल. रा. ॥
 ३६. अद्धट्ठम द. पा. ॥ ३७. निक्खित्त ल. रा. ३८. सिसिरोदयारेसु द. पा ॥ ३९. कीए
 ल. रा. ॥ ४०. संपन्न ल. रा. ॥ ४१. नइ- ल. रा. ॥ ४२. मुत्तूण ल. रा. ॥ ४३.
 सप्पदइं द. पा. ॥ ४४. विउट्ठणसहाई पा. ॥ ४८. पत्त- ल. रा. ॥ ४६. मे द. पा. ॥
 ४७. वागरमाणो पा. रा. ॥

• • •

नवमो पत्थावो

विष्फुरइ परिग्गह-विरमणम्मि मणुयरस्स माणसं जरस्स ।
संतोस-रस-निमित्तं सिद्धंतो तेण सोयव्वो ॥२६०४॥
जेसिं न मोह-तिमिरं जिण-वयण-रसंजणेण अवहरियं ।
मोक्ख-पहं सम्ममसम्मदिट्ठिणो ते न पेच्छंति ॥२६०५॥
बुद्धंति भव-समुदे जम्म-जरा-मरण-जलभर-रउदे ।
जीवा गुण-परिणद्धं जिण-पवयण-पोयमलहंता ॥२६०६॥
अजरामरत्त-जणगं जिण-वयण-रसायणं न जा पीयं ।
ताऽकम्म-वाहि-विगमेण निव्वुई जायए कत्तो ? ॥२६०७॥
मिच्छत्त-तमच्छन्ने भुवणे जिण-मइ-पईव-परिहीणा ।
जीवा अदिट्ठ-मग्गा दुग्गइ-गड्डाइ निवडंति ॥२६०८॥
लद्धं जिणिंद-वयणं चिंता-रयणं व चितियत्थकरं ।
न लहंति जंतु-निवहा कयावि दोगच्च-दुक्खाइ ॥२६०९॥
न देवं नादेवं न गुरुमकलंकं न कुगुरुं,
न धम्मं नाधम्मं न गुण-परिणद्धं न विगुणं ।
न कृत्यं नाकृत्यं न हितमहितं नापि निपुणं ।
विलोकंते लोका जिनवचन-चक्षुर्विरहिताः ॥२६१०॥
सिद्धंत-मंतमायन्निउण सवन्नु-देसियं जीवो ।
नरसुंदरो व्व जायइ विगय-महा-मोह-विस-पसरो ॥२६११॥ तहाहि-

[१. आगम-विराधनाराधनायां नरसुंदरराज-कथा]

अत्थि इह जंबुदीवे भारहखेत्तम्मि धरणि-रमणीए ।
कंचण-कंची-तुल्ला कंचण-नामेण अत्थि पुरी ॥२६१२॥
तत्थ नरसुंदरो मंदरो व्व राया महीहर-पहाणो ।
परबल-जलहिं महिउण जेण आयट्ठिया लच्छी ॥२६१३॥
सो नाहियवाई बंध-मोक्ख-गुरु-देव-पुन्न-पावाई ।
जीवं च न मन्नइ परभवाणुगं भूय-वइरित्तं ॥२६१४॥

तरस्स य पुरंदरस्स वसुललिय-लायन्न-लच्छि-पडिहत्था ।

कमल-दल-लच्छी सुरसुंदरि व्व रइसुंदरी देवी ॥२६१७॥

सुमइ ति तरस्स मंती निय-मइ-माहप्प-विजिय-सुरमंती ।

जिणवयण-भाविय-मणो समणोह-निसेवणप्पवणो ॥२६१८॥

इओ य अत्थि चंडउरे नयरे चंडसेणो नाम सामंतो । तरस्स मंत-तंत-
कुसलो बाल-मित्तो अत्थि एक्को जोगी । कयाइ नरसुंदर-नरिंद-सेवा-
निव्विन्नेण तेण भणिओ जोगी जहा- मे हियय-सल्ल-तुल्लं नरसुंदरं
वावाएहि । जोगिणा वुत्तं- एवं करेमि । तओ तुद्वेण तेण दिन्नं
नियंगलग्गमाभरणं । सो य जोगी आगओ कंचीपुरी, ठिओ एगत्थ मदे ।
अणेण कोउगप्पओगेहिं जणेइ जणरस्स विम्हयं । पत्तो पसिद्धिं ।
सद्दाविओ रत्ता, उचियारण-निसन्नो य पुच्छिओ सविणयं- जोगिंद ! कत्तो
तुमं ? । जोगिणा वुत्तं-सिरि-पव्वयाओ । तुह जोगि-जणे भत्ति सोऊण
इहागओ । पुणो वि भणियं रत्ता- अत्थि का वि दिव्व-सत्ती ? । जोगिणा
वुत्तं- बाढं । तहाहि-

रतीए वि दिणं दिणे वि रयणिं दंसेमि सेलेऽखिले,

उप्पाडेमि नहंगणे गहगणं पाडेमि भूमीयले ।

पारावारमहं तरेमि जलणं थंभेमि रंभेमि वा,

दुव्वारं परचक्कमत्थि न जए तं मज्झा जं दुक्करं ॥२६१७॥

एत्थंतरे नम्म-सचिवेण भणियं- जोगिंद ! गरुयं गलगज्जिं
करेसि । किं गह-पव्वयप्पमुहेहिं पाडिएहिं उप्पाडिएहिं वा ? । मह
बंभणी रूसिऊण गामंतरं गया । जं विणा न केवलं भवणं, भुवणं पि
मे सुन्नं । तो जइ तं आणेसि ता ते सव्वं सद्देमि । जोगिणा सुमरिओ
आगिट्ठि-मंतो । आणीया मंडए कुणंती कणिका-लित्त-हत्था बंभणी ।
अहो ! जोगिणो दिव्वा सत्ति ति पयंपमाणो पणच्चिओ नम्मसचिवो ।
जाय-विम्हएण भणियं रत्ता- अत्थि कालवंचणोवाओ ? । जोगिणा
वुत्तं- मिण्ह दिवखं जेण तं देमि । पडिवन्ना रत्ता दिवखा । दिन्नो उवएसो
जोगिणा जहा- नियदेहे बारस-अंगुलाइ नीहरइ पविसइ दसेव पवणो ।
तं विवरीयं जो कुणइ स वंचए कालो ।

इय कूडब्भम-मोहिय-मणरस्स नरसुंदरस्स नरवइणो ।

पाणिवह-प्पमुहासवपरस्स परलोय-विमुहरस्स ॥२६१८॥

वच्चंतेसु दिणेरुं विसंभगयस्स मज्ज-मज्झमि ।
 दाउण विसं विसमं इति पण्हो सयं जोगी ॥२६१९॥
 राया वि विस-वियारेण पीडिओ विगय-चेयणो जाओ ।
 हाहारवं कुणंता मिलिया सब्बे पहाण-जणा ॥२६२०॥
 हक्कारिया अणेहिं सपच्चया मंतवाइणो बहवे ।
 विस-निग्गहोवयारो सवित्थरं तेहिं पारद्धो ॥२६२१॥
 नवरि संजाओ विहलो उरसर-खित्तमि बीय-निवहो व्व ।
 पुरिसमि वीयरगे तरुणीण कडक्ख-नियरो व्व ॥२६२२॥

विसन्ना मंतिणो । अक्कद-सद-गब्भिणं करयल-पहय-थणवट्ट-
 तुट्ठंत-हार-दंतुरिय-भूमियलं मिलियमंतेउरं । मओ ति करिणी-
 खंधमारोविउण निओ मसाणं राया । ठविओ जाव चंदणागुरु-कट्ट-
 निचियाए चियाए ताव उम्मिल्लिय-लोयणो तदखणुप्पन्न-चेयणो चईउण
 चियं जंपिउं पवत्तो-किमेयं ? ति । पणमिउण भणियं सुमइ-मंतिणा-
 देव ! तुम्ह उग्ग-विसं दाउण [नट्टो] दुट्ट-जोगी, बहुप्पयारे विस-
 निग्गहोवयारे कुणंताणं पि अम्ह न जाया तुब्भे सचेयणा, ता अओ परं
 जं कीरइ तं काउमादत्तं । रत्ता वुत्तं- संपयं वण-पवण-संगेणावि कहं
 अहं निव्विसो जाओ ? । सुमइणा वुत्तं-देव ! दिव्वो जाणइ, किंतु मए
 एयं सुयं आसि जहा- तिव्व-तव-बलुप्पन्न-विविह-लद्धीणं मुणीणं
 अंग-लग्ग-पवण-संगेणावि निव्विसा हुंति जंतुणो ति । रत्ता वुत्तं-
 उवरिभाए पलोएह, अत्थि किं केवि मुणिणो ? । निउत्त-पुरिसेहिं
 गवेसिउण कहियं जहा- देव ! पुप्फागरुज्जाणे संपयं चेव चंदो व्व
 तारएहिं, रायहंसो व्व कलहंसेहिं, सुरकुंजरो व्व कुंजरेहिं, मुणीहिं
 परियरिओ पवित्त-चरिओ दिव्व-नाणलच्छि-वरिओ समोसरिओ
 ससिप्पहायरिओ । रत्ता वुत्तं- तप्पभावो संभाविज्जइ जं अहं निव्विसो
 जाओ, ता वच्चांमि तस्स पासं । गओ सपरिवारो राया, वंदिउण निसन्नो
 पुरओ । पारद्धा गुरुणा देसणा-

स्वर्ण-स्थाले क्षिपति स रजः पादशौचं विधत्ते,
 पीयूषेण त्रिदशकरिणं वाहयत्येन्धभारम् ।
 चिन्तारत्नं विकिरति कशाढ्यासोऽङ्गायनार्थं,
 यो दुष्प्रापं गमयति मुधा मर्त्यं जन्म प्रमत्तः ॥२६२३॥

राज्ञोक्तं-भगवन् ! इदं न मे चित्त-चमत्कारमारचयति भूत-चतुष्टयाऽतिरिक्तस्य परलोकयायिनो जीवस्याऽसत्त्वात् । तथाहि-जीवो नास्ति प्रत्यक्ष-गोचरातीतत्वात् आकाशकुसुमवत् । यच्चास्ति, न तत् प्रत्यक्षगोचरातीतं, यथा-भूतचतुष्टयम् ।

गुरुणोक्तम्-भद्र ! किमयं जीवो भवतः प्रत्यक्षं गोचरातीत उत सर्वेषाम् । तत्र यदि भवत् प्रत्यक्षा-गोचरातीतत्वान्नास्ति तदा देश-काल-स्वभाव-विप्रकृष्टानां प्रभूत-भू-भूधरादीनामप्यभाव-प्रसंगस्तेषामपि भवत् प्रत्यक्षेणाग्रहणात् । अथ सर्व-जन-प्रत्यक्षगोचरातीतत्वान्नास्ति इत्युच्यते तदसिद्धम् । सर्व-जनप्रत्यक्षाणां भवद् प्रत्यक्षत्वात् । अथ तान्यपि ते प्रत्यक्षाणि तदा तवैव सर्वज्ञजीवस्य प्रसंगः । किं चेदं चैतन्यं किं भूतानां स्वभाव उत कार्यं ? न तावत् स्वभावस्तेषाम् चेतनत्वात् । न च कार्यं भूतानुरूपऽभावात् । अथ समुदितेभ्यो भूतेभ्यश्चैतन्यमुत्पद्यते यथा मद्याङ्गेभ्यो मदशक्तिस्तदप्ययुक्तम् । यतो यद्येषु प्रत्येकं नास्ति तत्र तेभ्यः समुदितेभ्योपि स्याद्यथासिकताकणेभ्यः तैलं मद्याङ्गेषु च प्रत्येकमपि मदशक्ति-सद्भावात् । सर्वानुभवसिद्धं चेदं चैतन्यं यस्य कस्य चित्-स्वभावः । स भूत-चतुष्टय-व्यतिरिक्तः परलोकयायी जीवः ॥

रत्ना भणियं-जइ परलोयं जाइ जीवो, अत्थि ता मे पिया पाणिवहप्पमुह-महापाव-निरओ नरए समुप्पन्नो तुम्ह मएणं, सो कहं मम पावाओ न नियत्तेइ ? ।

गुरुणा वुत्तं-जहा कोइ महावराहकारी गुत्तीए खित्तो न निय-बंधवे पिच्छिउं पि पावइ, किं पुण जंपिउं ? । एवं नारया वि कम्म-परतंता नरगाओ निग्गंतुं पि न लहंति ।

रत्ना वुत्तं- जइ एवं ता मे जणणी जिण-धम्मपरा जीवदया-निरया सग्गं गया, सा कहं ममं न पडिबोहेइ ? ।

गुरुणा वुत्तं- सग्गे निसग्ग-सुंदर-सुरंगणा-पेम्म-परवसा गरुय-रिद्धि-अविखित्त-चित्ता असमत्त-प्पओयणा मणुयाण हीणकज्जा दुग्गंधयाए य तिरियलोयस्स जिण-पंचकल्लाण-समीसरणाइ-वज्जं नेच्छंति अवयरणं सुरा ।

रत्ना भणियं- मए एगो चोरो खयरो व्व सुहुम-खंडीकओ, न य दिहो तत्थ कोइ भूय-वइरित्तो जीवो ।

गुरुणा वुत्तं- केणावि अरणि-कट्टं खंडीकयं, न दिहो तत्थ अग्गी । अवरेण महणप्पओगेण उट्ठविओ । जइ मुत्ता वि पयत्था संता वि न दीसंति, ता अमुत्तरस्स जीवरस्स अदंसणे को विरोहो ? ।

रत्ना भणियं- एगो चोरो मए जीवंतओ चेव लोह-मंजूसाए पविस्सित्तो, । ढक्खियं मंजूसा, जउसारिया पयत्तेण । अइक्खंतो कोइ कालो जाव सो तत्थेव विवज्जो, किमिपुंजो जाओ, तत्थ देहे चेव विणट्ठो । जइ पुण कोइ जीवो घड-वडग-तुल्लो तओ निग्गओ पविट्ठो वा होज्ज, तओ लोह-मंजूसाए तदणुखवं छिड्डं हवेज्ज^३ । न य तं दिहं । ता नज्जइ न भूय-वइरित्तो जीवो ।

गुरुणा वुत्तं- एगम्मि नयरे कोइ संखिगो संखं धमेइ । तस्स एरिसो विन्नाणाइसओ जेण अगोयरगयाणं कब्बे चिय धमेइ । अन्नया रत्नो वच्चहरकाले धमिओ संखो । कब्बे चिय धमेइ त्ति आसंकाए वच्चनिरोहेण रुद्धो सो राया । वज्झो सो आणत्तो । तेण भणियं- देव ! दूरे धमेमि, परं कन्नमूले चिय पडिहाइ । विसिट्ठा खलु मे लद्धी अत्थि । जइ न पच्चओ ता विन्नासेउ देवो । तओ रत्ना खित्तो कुंभीए संखिगो, ढक्खिउण जउसारिया एसा । पच्छा धमाविओ, सुओ संख-सद्दो सव्वेहिं । निरुविया कुंभी, न दिहं निग्गमण-छिड्डं । तहा लोह-पिंडे धमिए केण छिड्डेण अग्गी पविट्ठो जेण सो अग्गिवज्जो जाओ ? । एवमिहावि सदाओ अग्गीओ य सुहुमस्स जीवरस्स निग्गमे पवेसे वा न विरोहो ।

रत्ना भणियं- अन्नो चोरो वावायण-काले तोलिओ, पच्छा गल-करमोडणेण वावाईओ । पुणो वि तहेव तोलिओ । जाव जत्तिओ पुव्वं तत्तिओ पच्छा वि, अओ नज्जइ न तत्थ घडचडगोवमो कोइ गओ त्ति ।

गुरुणा वुत्तं- एगेण गोवालेण कोउगेण एगो दिइपुडो वायस्स भरिउण तोलाविओ, पच्छा विरिक्खो पुणो वि तोलाविओ, जाव जत्तिओ विरिक्खो वि तेत्तिओ । जइ फासिंदिय-गब्भत्तणेण मुत्तरस्स पवणस्स सव्वभावो सव्वभावेसु न तोल्ल-विसेसो ता अमुत्तरस्स जीवरस्स तुल्लविसेस-विरहे को विरोहो ? । तम्हा सव्व पाणिणं सरीराइरित्तो ससंवेयणाणुभव-पच्चक्खो चेयन्नख्वो गमणाइ-चिट्ठा-लिंगो पवणो ।

पडागमो पयलणलिंगो अत्थि जीवो त्ति सदहियव्वं ।

रत्ना वुत्तं - भयव्वं ! मोह-पिसाओ मह नहो तुह वयण-मंतेहिं ।
नवरं नाहियवायं कमागयं कहं विवज्जेमि ? ।

गुरुणा वुत्तं-एयं न किंचि नरनाह ! सइ विवेगम्मि ।

वाही दालिदं वा कमागयं मुच्चए किं न ? ॥२६२४॥

तहा-

केइ पुरिसा भमंता धणत्थिणो अणुकमेण दहूण ।

लोहं तओ रुप-कणए पुव्वग्गहिए वि मुत्तूण ॥२६२५॥

रयणाइं गिण्हिऊण य एगे संपत्तिभायणं जाया ।

अवरे तहा अकाऊण दुत्थिया सोयमणुपत्ता ॥२६२६॥

एवं तुमं पि नरवर ! कमागयं कुग्गहं अमिल्लंतो ।

पुव्वं व संपयं पि हु मा दुग्गइ-दुक्खमणुहवसु ॥२६२७॥

रत्ना भणियं-पुव्वं दुग्गइ-दुक्खं कहं मए पत्तं ? ।

गुरुणा वुत्तं-सुण सोम ! एत्थ भरहम्मि 'नवगामे ॥२६२८॥

आसि कुलपुत्तओ अज्जुणो त्ति मित्तो सुहंकरो तस्स ।

सो सावओ कयावि हु समागया साहुणो तत्थ ॥२६२९॥

भणिओ सुहंकरेणवमज्जुणो मित्त ! मुणि-सयासम्मि ।

वच्चाओ निसुणामो जिण-भणियं आगमं तत्थ ॥२६३०॥

तो अज्जुणेण भणियं-मित्त ! मे मुणियमागम-सरूव्वं ।

धुत्तेहिं कया कव्वा कालेण य आगमा जाया ॥२६३१॥

एवं पयंपमाणेण तेण असुहं समज्जियं कम्मं ।

आउवखएण मरिऊण अज्जुणो बुक्कडो जाओ ॥२६३२॥

निययम्मि चेव भवणे अज्जुण-पुत्तेण पियर-कज्जम्मि ।

हणिऊण माहणाणं दिब्बो तो रासहो जाओ ॥२६३३॥

भारं वाहिज्जंतो खुहा-पिवासाउलो कुलालेण ।

विट्ठा-भवखण-निरओ गमेइ सो दुत्थिओ कालो ॥२६३४॥

कइया वि गुरुभरेणं पडिओ सो भंडएसु भग्गेसु ।

कुविण कुलालेणं तहा हओ लउड-घाएहिं ॥२६३५॥

जह पत्तो पंचत्तं तो गङ्गा-सूयरो समुप्पन्नो ।
 भक्खंतो असुइं चिय लोहंतो असुइ-पंकम्मि ॥२६३६॥
 आहेड्य-सुणहेहिं निहओ दद-दसण-धरिय-कन्न-जुओ ।
 सो विरसमारसंतो मरिउं करहो समुप्पन्नो ॥२६३७॥
 गुरु-भार-वहण-खित्तो नइ-दुत्तडि-पडण-दलिय-सव्वंगो ।
 कन्न-कडुयं रडंतो दुस्सह-पीडाए मरिउण ॥२६३८॥
 जाओ गोब्बर-गामे गोधण-वणियस्स मूयगो पुत्तो ।
 बहुसो वि नडिज्जंतो अणेय-अविवेय-लोएहिं ॥२६३९॥
 निय-जीविय-निव्विन्नो कूवे पडिउण मरणमणुपत्तो ।
 जाओ नंदिग्गामे ठक्कुर-गेहम्मि दास-सुओ ॥२६४०॥
 कइया वि मज्ज-विवसो अमुणंतो अप्प-पर-विसेसमिमो ।
 निय-ठक्कुरमुक्कोसइ असब्भ-वयणेहिं पुणरुत्तं ॥२६४१॥
 कुविएण ठक्कुरेणं छिन्ना जीहा इमस्स दासस्स ।
 अह पीडा-विहुरंगो सो अइसयनाणिणा मुणिणा ॥२६४२॥
 दहूण महु-वयणेहिं भासिओ भद ! कुणसि किं खेयं ? ।
 जम्हा कयं तए च्चिय जं कम्मं तस्स फलमेयं ॥२६४३॥
 तहाहि-
 अज्जुण-जम्म-विणिम्मिय-आगम-निंदा-फलेण जाओ सि ।
 छागो खरो वराहो करहो तह [य] मूयगो दासो ॥२६४४॥
 एवं सोच्या सो जाय-जाईसरणो मुणिं पणमिउण ।
 पच्छायाव-परिणओ अप्पाणं निंदए बहुसो ॥२६४५॥
 पंच-परमिट्ठि-मंतं मुणिणा दिन्नं मणम्मि धरमाणो ।
 मरिउण एस जाओ तुममिह नरसुंदरो राया ॥२६४६॥
 पुत्त्व-भवब्भआसेणं नाहियवाओ इहावि तुह जाओ ।
 एयं सोउं जायं जाईसरणं नरवइस्स ॥२६४७॥
 भणियं अणेण-भयवं ! अवितहमेयं तए जमुवइहं ।
 ता मुत्तुं रज्जमिणं चरेमि चरणं तुह समीवे ॥२६४८॥

विन्नाय-दुक्कय-फलो जिणागमाराहणं च्विय करिरस्सं ।
 को मुणिय-विस-विवागो अमयं पाउं न वंछेइ ? ॥२६४९॥
 तो निय-रज्जे ठविओ नरवइणा नंदणो अमरसेणो ।
 विहिणा गहिया दिक्खा ससिप्पहायरिय-पासम्मि ॥२६५०॥
 जयं चरे जयं चिट्ठे जयमासे जयं सए ।
 जयं भुजंतो भासंतो पावं कम्मं न बंधई ॥२६५१॥
 इय आगमाणुसारेण सव्व-कज्जे जयं पयट्ठंतो ।
 पढइ गुणेइ सुणेइ य निच्चं चिय आगमं एसो ॥२६५२॥
 नरसुंदर-रायरिसी सुय-पारावार-पारगो जाओ ।
 गुरुणा गुरुगुण-कलिओ त्ति जाणिउं निय-पए ठविओ ॥२६५३॥
 मिच्छत्त-तिमिर-मंडल-संहरण-परायणो दिणमणि व्व ।
 अविरइ-रयणि-विवक्खो पडिबोहइ भविय-कमलाई ॥२६५४॥
 निप्पाईउण सीसे वर-सीसं निय-पयम्मि ठविउण ।
 तुलिउण य अप्पाणं तुलणाए पंचभेयाए ॥२६५५॥
 जिणकप्पं पडिवन्नी सरीरमत्ते वि निम्ममो भयवं ।
 गामम्मि एगराइ नगरे पुण पंचरायं च ॥२६५६॥
 भुवणम्मि विहरिउणं पज्जंते पायवोवगमणेण ।
 कय-काय-परिच्चाओ सव्वद्विमाणमणुपत्तो ॥२६५७॥
 आगममणुसीलंतो वि सीलवंताण उत्तम-जणाणं ।
 संगं न परिहरेज्जा उत्तम-गुण-लाभमिच्छंती ॥२६५८॥
 उत्तम-जण-संसग्गं मुत्तुं जो अत्तणो महइ कुसलं ।
 मूढो सलिलेण विणा सो वंछइ सरस्स-निप्फत्तिं ॥२६५९॥
 गुणि-संसग्गपरेणं गुण-बहुमाणो धुवं कओ होइ ।
 जेण गुणिणो गुणाण य एगत्तं भासियं समए ॥२६६०॥
 गुणलाभ-लालसेणं गुणि-संसग्गो सया वि कायव्वो ।
 जं संकमंति लोए संगेण गुणा य अगुणा य ॥२६६१॥
 जो जारिसेण मित्तिं करेइ अचिरा स तारिसो होइ ।
 कुसुमेहिं सह वसंता तिला वि तग्गंधिणो जाया ॥२६६२॥

अंबस्स य लिंबस्स य दोण्हं पि समागयाइं मूलाइं ।
 संसग्गीय विणट्ठो अंबो लिंबत्तणं पत्तो ॥२६६३॥
 इय जाणिउण निउणेण परिहरंतेण नीय-संसग्गं ।
 आमलगमाहणेण व उत्तम-संगो विहेयव्वो ॥२६६४॥
 तहाहि-

[२. उत्तम-सेवायां दिवाकर-कथा]

अत्थित्थ भरहवासे बंगा नामेण जणवओ विउलो ।
 तस्स पुरी विस्सपुरी चउळ्ळुओ माहणो तीए ॥२६६५॥
 तस्स य दिवायरो नाम नंदणो तेण विमलमईणा वि ।
 तरुणत्तणे न सम्मं पढिया विज्जा अणज्जेण ॥२६६६॥
 मरण-समयम्मि पिउणा भणिओ सो-वच्छ ! उअयभव-सुहया ।
 विज्जा सयल-जणाणं विप्पाण पुणो विसेसेण ॥२६६७॥
 वरं गर्भ-सावो वरमृतुषु नैवाभिगमनं,
 वरं जातः प्रेतो वरमपि च कन्यैव जनिता ।
 वरं वन्ध्या भार्या वरमगृहवासे प्रयतितं,
 न चाऽविद्वान् रूप-द्रविण-बल-युक्तीऽपि तनयः ॥२६६८॥
 विज्जारहिओ य तुमं परस्स सेवाए वड्ढिहसि नूणं ।
 ता उत्तमस्स संगं करेज्ज मुत्तूण नीय-जणं ॥२६६९॥
 तेण पडिस्सुयमेयं चित्तियमह नीय-संगमे दोसं ।
 पेच्छामि जेण पच्छा निच्चल-चित्तो अहं होमि ॥२६७०॥
 तत्तो इमो पयट्ठो भइह जरठक्कुरस्स सेवाए ।
 घडिया तदासेणं पिगल-नामेण सह मित्ती ॥२६७१॥
 विहिओ तहा सिणेहो तग्घरदासीए मित्तसेणाए ।
 सो रायचारिगो ठक्कुरेण ठविओ वियट्ठो ति ॥२६७२॥
 जयनयर-नयरपहुणो वियारधवलस्स निच्च-सन्निहिओ ।
 रंजवइ वयण-विज्जास-कीसलेणं इमो लोयं ॥२६७३॥

अन्यदा- 'समान-शील-व्यसनेषु सख्यं' ।
 एयस्स पुव्व-पाया पुट्ठा रत्ता सहाए दिव्व-वसा ।
 केणइ न तत्थ पढिया पढिया य दिवायरेण इमे ॥२६७४॥
 मृगा मृगैः सङ्गमनुव्रजन्ति, गावश्च गोभिस्तुरगारस्तुरङ्गैः ।
 मूर्खाश्च मूर्खैः सुधीयः सुधीभिः [समानशीलव्यसनेषु सरव्यम्] ॥२६७५॥
 एवं पढिए तुट्ठेण राइणा जंपिओ इमो-मग्ग ।
 किं ते देमि ? दिओ वि हु जंपइ पहु-कज्ज-सज्ज-मणो ॥२६७६॥
 देव ! मह सामिणो नत्थि जीवणं तस्स जीवणं देसु ।
 साहंति हि सप्पुरिसा पहु-कज्जं अभणयंता वि ॥२६७७॥
 चुलसीइ-गाम-जोग्गस्स तस्स रत्ता लिहावणेण विणा ।
 अट्ठम-गाम-सएहिं संगयं सिरिउरं दिन्नं ॥२६७८॥
 तो ठक्कुरस्स पासे भट्ठो गामं इमस्स सो देइ ।
 जंपइ य-तुह अहं पि हु एक्कं कज्जं करिस्सामि ॥२६७९॥
 तेण भणियं-पसाओ ति मज्जमत्तस्स पिगलस्स ददं ।
 गालि-पयाणपरस्स य कयाइं कोवं गओ राया ॥२६८०॥
 आढत्तो से जीहा-छेयं काउं दिवायरेण तओ ।
 भणियपसाएण इमो विमोइओ मित्त-नेहेण ॥२६८१॥
 अह जाया गब्भवई दासी तीसे मउर-मंसम्मि ।
 संपत्तो दोहलओ दियस्स अक्कोसिउं कहिओ ॥२६८२॥
 सो भणइ-नत्थि अन्नो रत्तो कीलाकलाविणं मुत्तुं ।
 तो तं चिय गिह-पत्तं निहणिस्सं तुह सिणेहेण ॥२६८३॥
 भवणंगणे भमंतं पुरओ दासीए गिण्हिउं मोरं ।
 बाहिं गंतूण इमं दिवायरो ठवइ देवउले ॥२६८४॥
 अन्नं मंसं दासीए देइ सा पुन्नदोहला तुट्ठा ।
 एत्तो य गवेसिज्जइ मोरो लब्भइ न जा ताव ॥२६८५॥
 कुविण दाविओ ठक्कुरेण पडहो मउर-वुत्तंतं ।
 जो कहइ तस्स दिज्जइ दम्मट्ठसयं च अभयं च ॥२६८६॥

अह न कहइ सो पच्छा नायमि सरीर-निग्गहो दंडो ।
 सोऊण इमं चित्तमि चितए मित्तसेणा वि ॥२६८७॥
 संपइ कहिज्जमाणे लाभो पच्छा उ निग्गहो होही ।
 ततो वरं इयाणिं कहेमि तो कहियमेईए ॥२६८८॥
 रुद्धो य ठक्कुरो माहणस्स तो पडहगम्मि वज्जंते ।
 कहियं सब्भावं पिगलस्स गेहम्मि स निलुक्खो ॥२६८९॥
 तो ठक्कुरेण भणियं-को तं लहु लहइ ? जंपए दासो ।
 देव ! लहेमि अहं तो दिवायरो तेण आणीओ ॥२६९०॥
 अणुवकए उवयारं कुणंति जे ते जए सलाहिज्जा ।
 उवयारिणि अवयारीण *पुणो न नामं पि घेत्थव्वं ॥२६९१॥
 अह ठक्कुरो पयंपइ कयग्घतिलओ दिवायरस्स लहुं ।
 उप्पाडह नयणाइं छिंदह हत्थे य पाए य ॥२६९२॥
 जं आणवेइ देवो तं कीरइ इय पयंपए दासो ।
 लग्गो य परियणो देव ! खमसु से एक्खमवराहं ॥२६९३॥
 न खमेइ ठक्कुरो परियणेण भणिओ* पुणो वि करुणाए ।
 जं आणवेइ देवो दंडं अवरं तं करेमो ॥२६९४॥
 तो ठक्कुरेण भणियं-न इमा वत्ता वि तरस्स निब्बंधे ।
 भणइ इमो-जइ एवं ता तं चिय मोरमाणेउ ॥२६९५॥
 तो मोरमप्पिओ ठक्कुरस्स पाएसु निवडिउं भट्ठो ।
 भणिओ य ठक्कुरेणं तुह अवराहो इमो खमिओ ॥२६९६॥
 मा पुण एवं काहिसि पडिवन्नमिणं दिवायर-दिएण ।
 दिट्ठो दोसो नीयाण संगमतो गओ ततो ॥२६९७॥
 पत्तो य मंगलउरे समग्ग-मंगल-समग्गले जत्थ ।
 देहावयवं मोत्तुं बाहं लोया न याणंति ॥२६९८॥
 तत्थत्थि पुन्नचंदो राया चंदो व्व कय-जणाणंदो ।
 वर-नीईलया-कंदो पडिवक्ख-पयाव-दव-कंदो ॥२६९९॥
 गुणचंदो नामेणं तरस्स सुओ विस्सुओ बहुसुओ वि ।
 उत्तमगुणो ति *तमिमं दिवायरो सेवए कुमरं ॥२७००॥

तेण मणोरहदत्तो सिद्धीं मितीकओ विसिद्धो ति ।

विहिया वसंतसेणा विलासिणीए य सह मिती ॥२७०१॥

अह अन्नया कुमारो हरिओ विवरीयसिक्ख-तुरण ।

तरसाणुमग्ग-लग्गो दिवायरो धाविओ रत्ने ॥२७०२॥

वच्चंतेण दिवायरेण एक्कामलगीए गहियाणि तिन्नि आमलगाणि, मुक्कवग्गो य ठिओ आसो । मिलिओ कुमारस्स दिवायरो वच्चति सणिय-सणियं । तण्हाभिभूएण भणिओ दिवायरो रायपुत्तेण-कहिं चि अत्थि पाणियं ? ति । निरुविउण साहियं दिवायरेण-देव ! न ताव दीसइ । सुकुट्ठतालुगरस्स कुमारस्स दिन्नमेगमामलगं । आसायंतो गओ थेव-भूमि कुमारो । पुणो वि पुच्छिए पुणो वि दिन्नं बीयं । पुणो वि तईयं । उत्तिन्ना कंतारं । रायपुत्तेण चितियं-नत्थि एयाण आमलगाण अग्घो, मा विस्सरहि ति तिसंझं सुमरेइ । कमेण जाओ राया रायपुत्तो । कओ णेण दिवायरो मंती । अइक्कंतो कोइ कालो । परूढा पीई सह सिद्धिणा विलासिणीए य । संपन्नाइं दोण्हं पि अंतेउराइं । जाओ पुत्तो नरवइस्स । सो मंति-गेहे बहुसो कीलइ । दिट्ठो आवन्नसत्ताए मंतिघरिणीए । गळ्ळ-दोसेण जाओ कुमार-मंसे दोहलो इमीए । न साहिओ दिवायरस्स । दुब्बलीभूया एसा । पुट्ठाए साहिओ तरस्स । तेण भणियं-कित्तियमेयं ? । वीसत्था चिट्ठसु ति । तीए पिच्छंतीए गहिओ रायपुत्तो । संगोविओ पयत्तेणं । दिन्नं अन्नं मंसं । संतुट्ठा भट्टिणी । पुन्नो से दोहलो । कया पच्छन्न-भूमिहरे जेण न किंचि वुत्तंतं जाणइ ।

इओ य रायभोयणवेलाए गवेसिज्जइ रायपुत्तो । निरुविओ मंति-गेहे । मंतिणा भणियं-आगओ आसि, गओ तयाणिं चेव । एवमेयं ति पडिवन्नं रत्ता । मूलसुद्धीए गवेसिज्जइ जाव । दिट्ठो मंति-गेहे पविसंतो न उण नीहरंतो ति जाओ पवाओ, मुणिओ मंतिणा । तओ गंतूण साहियं मणोरहदत्तरस्स जहा-‘भट्टिणीए दोहलय-कज्जे मए कुमारो वावाईओ’ति को एत्थ उवाओ ? । तेण भणियं-तुण्हिक्को अच्छसु । एवं वसंतसेणाए वि साहिओ । तीए वि इमं चेव भणियं । पयट्ठो पडहगो-‘जो कुमार-वुत्तंतं साहेइ तरस्स जं मग्गियं दिज्जइ । पच्छा नाए लेससंगेणावि सरीर-निग्गहो’ । सुओ सो वसंतसेणाए । चितियं तीए-गरुओ निबंधो देवरस्स । न इमं अजाणियं अच्छइ, तो छिवेमि पडहगं, जेण इओ चेव

समप्पइ कहा । मम पुण जं होइ तं होउ'ति छित्तो पडहगो । निवेइयं रत्नो-देव ! मए वावाईओ ति । सो पुण गहिओ कडीए पडिओ मओ य । गहिया वसंतसेण ति जाओ लोगप्पवाओ । सुओ मणोरहदत्तेण, चितियं च-आढतो भट्ट-परियणो ता किं इमिणा ? । अहमेयं पवज्जामि । जेण इओ चेव समप्पइ कह ति । मित्त-परिरक्खण-फलं मणुयाण जीवियं, जेण भणियं च-

निरर्थकाय चपलस्वभावा यास्यन्ति सद्यः स्वयमेव नाशं ।

त एव यान्ति क्रिययोपयोगं प्राणाः परार्थे यदि किं न लब्धं ? ॥ २७०३ ॥

तओ गंतूण निवेइयं रत्नो-देव ! मए वावाईओ ति । सोऊण ददर-पडणेणं ति । 'मिलियाणि परोप्परं । अन्नोन्नं दूंसंति । रत्ना सदाविओ मंती । कहियमेयस्स किमेवमेयं ? ति । तेण भणियं-देव ! विसिद्धाण विसिद्धत्तणं । रत्ना भणियं-कहं ? ति नावगच्छामि । मंतिणा भणियं-इमिणा वइयरेणं कुमारो मए वावाईओ । एएसिं पुण अनिमित्तो आरंभो ति । परियणेण खिसिओ मंती-अरे दुह ! एदहमित्तस्स कप्पस्स एयं तए ववसियं ? ति । रत्ना अंबाडिओ परियणो य-बंभणेण बंभण-परिरक्खणं न थेवं कज्जं । अरे ! मम सरीरदोहगो जो भट्टं किंचि वि भणइ । मणोरहदत्त-वसंतसेणाहिं भणियं-देव ! महापसाओ । रत्ना भणियं-पइहमेगमामलगं ति विसज्जिओ भट्टो ।

अन्नया उचिय-वेलाए नागच्छइ ति गओ तग्गिहं राया । कओ उचिओवयारो भट्टेण । पत्थावेण भणियं रत्ना-भट्ट ! जं अहं जाचेमि तं तए दायव्वं ति । भट्टेण भणियं-आणवेउ देवो । रत्ना भणियं-'तारिसी वीसत्थय ति । भट्टेण भणियं-देव ! उत्तमो तुमं । किमित्थ अवरं भणीयइ ? । साहिओ वुत्ततो । समप्पिओ दारगो । रत्ना भणियं-केरिसी अम उत्तमया जो एवं आमलग-संकित्तणेण अकंठे चेव बुलुबुलो ? । उत्तमो तुमं मणोरहदत्त-वसंतसेणा य । एवमइक्कंतो कोइ कालो । उत्तम-संबंधो हिओ ति परिणयं दिवायरस्स ।

अन्नया-

जाया इमस्स चिता-करेमि सव्वुत्तमस्स संबंधं ।

इय परिणामाओ गयं किलिहकम्मं खओवसमं ॥ २७०४ ॥

तस्स पडिबोह-समयं मुणितं मुणिविद-परिगओ पत्तो ।
कय-भविय-जणाणंदो आणंदो नाम आयरिओ ॥२७०७॥

सो वंदितं सबहुमाणमणेण पुट्ठो ।
सव्वुत्तमं कहसु मे गुरुणा वि सिट्ठो ।
माणुरस्स-खेत-कुल-जाइ-बलायु-बुद्धि-
आरुग्ग-रूव-सवणाइ कमेण धम्मो ॥२७०८॥

एयस्स सो परिणओ करुणापहाणो
तस्संतीए सविणयं इमिणा पवन्नो ।
राया वि तेण विहिओ पडिबोहिउण
सुस्सावगत पडिवंति पवित्तचित्तो ॥२७०९॥

एवं उत्तम-संगमेक्करसिओ सव्वन्नूणा वन्नियं,
धम्मं दुक्कय-कम्म-रोल-कुलिसं सव्वुत्तमं सेवियं ।
कल्लाणं लहिउं इहेव तिदिवं जम्मंतरे पाविउं,
पज्जायेण दिवायरो दियवरो पत्तो पयं सासयं ॥२७१०॥

सव्वुत्तमो य धम्मो जाणिज्जइ जेण गुरु-सयासाओ ।
तत्तो हियमिच्छंतो गुरु-पयसेवापरो होज्जा ॥२७११॥
गुरु-देसणावरत्तं वर-गुण-गुच्छं विणा गहीराओ ।
संसार-कूव-कुहराओ निग्गमो नत्थि जीवाण ॥२७१२॥

गुरुणो कारुन्न-घणस्स देसणा-पयभरेण सित्ताण ।
भविय-दुमाणं पसमेइ इति मिच्छत्त-दावग्गी ॥२७१३॥
भव-अडवि-निवडियाणं जाण गुरु मग्गदेसओ नत्थि ।
मोहदिस-मोहमूढा कह ते पावंति मोक्खपुरं ? ॥२७१४॥

गुरु-भत्तिं अकुणंता कुगइ जीवा लहंति पुणरुत्तं ।
तं च कुणंता सुगइ 'विमलमई एत्थ दिट्ठंतो ॥२७१५॥

[३. गुर्वाराधनयोर्विमलमति-कथा]

अत्थि इहेव जंबुदीवे वराड-विसयम्मि जयपुरं नयरं ।
जं सुरपुरं व बहु-विबुह-संकुलं केवलमणिंदं ॥२७१६॥

तत्थ निवो सिरिचूलो नरिद-चूलग्ग-लग्ग-पयमूलो ।
जण-अणूकूलो करिदंत-मुसल-वियलिय-जलहि-कूलो ॥२७१५॥
तस्स बहु-वज्जणिज्जो जिणदत्तो नाम अत्थि वर-सेट्ठी ।
जिण-समण-चलण-कमलो जो भसल-विलासमुव्वहइ ॥२७१६॥
तस्स वरुण ति घरिणी वर-सीलाभरण-भूसिय-सरीरा ।
ताण सुया विउलमई मइजिय-सुयदेवि-मइपसरा ॥२७१७॥
जिणदत्तस्स कयावि हु विहवो दिव्वाणुभावओ तुट्ठो ।
तो रज्जा तस्स पए धणमित्तो ठाविओ सेट्ठी ॥२७१८॥
जस्स पुरो वेसमणं समणं व अकिंचणं जणो भणइ ।
दट्ठण जस्स रूवं तणं व मयणं पयंपेइ ॥२७१९॥

अह कित्तियम्मि काले गयम्मि पत्तो कयाइ हेमंतो ।
अग्घविय-तिल्ल-कुंकुम-कामिणिधण-जलण-पावरणो ॥२७२०॥
अइ-सिसिर-पवण-कंपंत-गत्त पेवखेविणु भुवणि समत्त सत्त ।
वियसंत-कुंद-“कलियामिसेण जो हसइ गरुय-विम्हयवसेण ॥२७२१॥
हिम-पीडिय पंथिय जहिं असेस, भुयमंडल-पीडिय-हियय-देस ।
निय-कंत निच्चु मणि निवसमाण, पडिहासहि नं परिरंभमाण ॥२७२२॥
जहिं तरुणिहिं घण-घुसिणंगराओ, निम्मविय सीय-संगम-विघाओ ।
मणि मज्झिय मंतु पियाणुराओ, न निग्गओ बाहिरि निव्ववाओ ॥२७२३॥
संतावकरु वि जहिं जणह जलणु, हिम-पीड-हरो ति पमोय-जणणु ।
जं कहवि अणिट्ठु वि होइ इट्ठु, सियवाओ जिणिंदिहिं तेण दिट्ठु ॥२७२४॥
तम्मि हेमंते धणमित्तेण [सह] समागओ नगर-बाहिं जिणदत्तो ।
दिट्ठं हिम-पवण-सीयल-सलिल-निब्भरं सरोवरं । भणियं धणमित्तेण-
जो इह सरोवरे आकंठ-बुड्ढो रयणिं वसेइ तरसाहं दीणार-लवखं देमि ।
ततो धणलुद्ध-बुद्धिणा भणियं जिणदत्तेण-अहं वसिरसं । जओ-

अगणिय-सरीरपीडा अणविविखिय-सयल-लोय-वयणेज्जा ।

लच्छी-लव-लुद्ध-मणा मणुया न कुणंति किमकज्जं ? ॥२७२५॥

तओ निसाए तहेव ठिओ सरोवरे जिणदत्तो । पच्चूसे गंतूण भणइ
धणमित्तं-देसु मे दीणार-लवखं । ठिओ हं सरोवरे निसाए । धणमित्तेण

ભળિયં-કો હત્થ પચ્ચઓ ? । જિણદત્તેણ વુત્તં-તુહ ગિહ-ગવલ્લે જામિણી-જામ-ચઠ્ઠં પિ પજ્જલંતો પઈવો મ્મ દિટ્ઠો તિ પચ્ચઓ । ધણમિત્તેણ વુત્તં- પઈવ-પલોયણેણ તે સિયં પળદ્દં, અઓ ન દેમિ । જહ તુમં તં ન પલોયંતો તા અહં તે દીણાર-લલ્લકં દેમો । વિલલ્લકીભૂઓ જિણદત્તો ગઓ સ-ગિહં । કહિયમેયં નિય-ધૂયાએ । તીએ વુત્તં-મા કરેસુ સ્થેયં ।

અન્ન-દિણે સામગ્ગિં કાઠણ નિમંતિઓ ભોયણત્થં ધણમિત્તો । આદત્તો ભોત્તું । સિણિદ્ધ-સલલ્લ-ભોયણાઓ પિવાસિણેણ મગ્ગિયં અણેણ જલં । વિઝલમઈએ વુત્તં- સીયલ-સલિલ-સમગ્ગાઓ અગ્ગઓ ગગ્ગરીઓ ઇમાઓ પેચ્છિઠ્ઠણ વુચ્છિન્ન-તળ્લો હોસુ । ધણમિત્તેણ વુત્તં- કિમેયાસિં દંસણેણ પળસ્સઈ તન્હા ? । વિઝલમઈએ હસિઠ્ઠણ ભળિયં- જહ પઈવ-દંસણેણ સીયં પળસ્સઈ, તા યયાસિં દંસણેણ કિન્ન તુળ્લાવગમો હોઈ ? તિ । અહો ! ઇમીએ મહ-માહપ્પં ! । કયં કય- પડિકયં । તા પુણો વિ કાયલ્લં કિં પિ વિપ્પિયં મ્મ ઇમીએ । સંપયં તુ ન અન્નો ઉવાઓ તિ ચિંતિઠ્ઠણ ભળિયં ધણમિત્તેણ- ગિળ્લ લલ્લકં, પાએસુ પાળિયં । તહેય કયં વિઝલમઈએ । ભુત્તુત્તરં[દાઠણ] ધણં મગ્ગિઓ ધણમિત્તેણ જિણદત્તો- 'દેસુ મે પરિણયણત્થં ધૂયં ।' 'આલોવિઠ્ઠણ દેમિ' તિ ભળિઠ્ઠણ જિણદત્તેણ ભળિયા રહસિ ધૂયા-વચ્છે ! લલ્લક-ગહણ- વિલલ્લકો ઇમો તહ વિઠ્ઠલ્લકં કાઠમિચ્છંતો તુમં પરિણેઠં મગ્ગઈ તિ સંભાવેમિ, તા કિં કાયલ્લં ? । તીએ વુત્તં-દેસુ મમં । કરિસ્સં અહં સલ્લત્થ-સુત્થં । દિન્ના તેણ । પરિણીયા ઇયરેણ । વિવાહાણંતરં^{૧૨} ચેવ ચિત્તા ભવણભંતર-કએ કૂવએ, ભળિયા ય-ઈહ દિયા કંઠુ-કૂરમાણયં ચાયંતી કપ્પાસં કતંતી તાવ ચિદ્ધ જાવ તે પુત્તુપ્પત્તી હોઈ । પચ્છા નિગ્ગચ્છિજ્જા । સયં પુણ પત્થિઓ અત્થોવજ્જણત્થં, પત્તો તામલિત્તીએ અચ્છે । ઇયરીએ ધણમિત્ત-ચિત્તં નાઠણ અણાગયં ચણાવિયા પિઠ્ઠરાઓ સુરંગા । તીએ નિગ્ગંતૂણ ગયા સિગ્ગં તામલિત્તીએ । ધણમિત્તાવાસ-પાસે પાસાયં ઘેત્તૂણ ઠિયા વિઝલમઈ । પેસિયા સિલ્લિલ્લિઠ્ઠણ અણાએ નિઠ્ઠિયા નિય-ચેડી ધણમિત્ત-પાસં । ભળિઓ તીએ ઇમો- અમ્મ સામિણી કામલયા નામ ગુણાણુરાણી ન પુરિસ-મિત્તે ચલ્લકું પિ ચિલ્લક, અજ્જ પુણ તુમં દહ્મણ સાણુરાયા જાયા ।

ता सुहय ! तं मयच्छिं निय-संग-सुहारसेण निव्वसु ।
 जेण पर-पत्थणा-भंग-भूरुणो हुंति सप्पुरिसा ॥२७२६॥
 तो पत्तो धणमित्तो तग्गेहं गहिय-अवरवेसाए ।
 तीए वि रंजिओ तह एकचित्तो जहा जाओ ॥२७२७॥
 भुंजइ उदार-भोए अह जाओ ताण नंदणो एक्को ।
 पडिबोहिओ इमीए जिणिंद-धम्ममि धणमित्तो ॥२७२८॥
 तो संवेग-परिगओ जंपइ जं परिणिउण विउलमई ।
 कूव-कुहरम्मि खित्ता मए अकज्जं तमायरियं ॥२७२९॥
 ता तं कूवाओ कट्टिउण पुणरवि इहागमिस्सामि ।
 इय भणिउं संपत्तो जयउर-नयरम्मि धणमित्तो ॥२७३०॥
 आगंतूण पविट्ठा पुव्वं चिय कूवयम्मि विउलमई ।
 आयट्ठिया य इमिणा कूवाओ नरयरूवाओ ॥२७३१॥
 दिट्ठा पुत्त-जुया सा तो विम्हिय-माणसेण संलत्तं ।
 माइंदजाल-तुल्लं किमेयमवरुप्पर-विरुद्धं ? ॥२७३२॥
 विउलमईए कहिओ सव्वो निय-वइयरो तओ तुट्ठो ।
 धणमित्तो भणइ-अहो ! मइ-माहप्पं मह पियाए ॥२७३३॥
 घरसामिणिं विहेउं तं चिय भुंजइ अणुत्तरे भोए ।
 जिणपूया-गुरुसेवा-कउज्जमो गमइ दियहाइं ॥२७३४॥
 अह तत्थ दिव्वनाणोवलद्ध-भव-भावि-भाव-सब्भावो ।
 भवदेवो नाम गुरु नयरुज्जाणे समोसरिओ ॥२७३५॥
 पत्तो धणमित्तो तस्स वंदणत्थं कलत्त-संजुत्तो ।
 तं वंदिउं निसब्बो धम्मकहं सोउमाढत्तो ॥२७३६॥
 पुच्छइ समयं लहिउं-किं विहियं मह पियाए पुव्व-भवे ? ।
 जेण विसुद्धा बुद्धी भोगा विउला य संपत्ता ॥२७३७॥

गुरुणा वुत्तं-सोम ! सुण,

आसि कुरउरे नयरे भाणुदेवस्स सिद्धिणो अपुत्तस्स रोहिणी धूया ।
 सा य विहवा, ववहारे करेइ पिउणो साहिज्जं । कयाइ नव-जोव्वणे
 वट्टमाणो मयणो व्व रुवेणं समागओ गिहं देसंतराओ वणियपुत्तो । तं च

दहूण अविवेय-बहुलयाए जीवणस्स, चंचलयाए इंदियगामस्स,
तुच्छयाए इत्थी-सहावरस्स, अगणिय-गुरुयण-लज्जाए, अकलिय-
कुलकलंकाए, अविभाविय-उभय-भवदुहाए पेसिया साहिलासा दिट्ठी
रोहिणीए । निज्झाईओ सुइरं वणिय-पुत्तो । लक्खियमिणं भिक्खा-
निमित्तं तक्कालं गिहागएण सीलसार-मुणिणा । जओ-

जइ वि न समइ न जंपइ निहुयं झाएइ हियय-मज्झमि ।

मयणाउरस्स दिट्ठी लक्खिज्जइ तह वि लोएण ॥२७३८॥

जं सविलासा दिट्ठी जं सज्झसवस विसंतुला वाणी ।

सेय-जल-बिंदु-संदोह-दंतुरं जं नडालयलं ॥२७३९॥

जं दंसिय-थणवट्ठं पुणरुत्तं उत्तरिज्ज-संठवणं ।

जं मयण-केलि-वावी-सणाहि-नाहीइ पायडणं ॥२७४०॥

जं असिदिल-केसकलाव-बंधणं उल्लसंत-भुय-मूलं ।

तं लक्खिज्जइ रमणीण को वि चित्ते चहुटो ति ॥२७४१॥

अहो दुज्जओ मयण-पसरो ति चिंततो निग्गओ सीलसार-मुणी ।
कमेण अहिगय-समत्त-सुत्तत्थो ठविओ गुरुणा सूरिपए । गामागर-
नगरेसु विहरंतो आगओ कुसउरे । निग्गया नागरा । नमिऊण निसन्ना
पुरओ । पारद्धा धम्म-कहा गुरुणा । पडिबुद्धा बहवे जणा । पणमिऊण
भणियं रोहिणीए-भयवं ! देहि मे सम्मत्तं ।

गुरुणा भणियं पुब्बं अइयारालोयणं कुणसु भदे ॥

भवजलहि-पोयभूयं पच्छा पडिवज्ज सम्मत्तं ॥२७४२॥

जह सुविसुद्धे कुड्डे लिहियं चित्तं विहाइ रमणिज्जं ।

तह निरइयार-जीवे सम्मत्तं गुणकरं होइ ॥२७४३॥

जह लंघण-हणिय-रसस्स रोगिणो ओसहं गुणाय भवे ।

आलोयणा-विसुद्धस्स धम्म-कम्मं तहा सयलं ॥२७४४॥

एवं सोऊण इमा आलोयइ बालभावओ विहियं ।

सत्वं चिय अइयारं दिट्ठि-वियारं वि मोत्तूण ॥२७४५॥

गुरुणा वुत्तं-सम्मं आलोयसु तीइ जंपियं भयवं ।

किमसम्मं ?, भणइ गुरु-वीसरियं किं तयं भदे ॥२७४६॥

जं तइया वणिपुत्तो तुमए दिट्ठो दढाणुराएण ।
 मुणियं मए वि एयं भिक्खत्थं तुह गिह-गएण ॥२७४७॥
 'सा भणइ वणि-पुत्तो न मए मयणाउराइ सच्चविओ ।
 किं आलोएमि ? तओ भणइ गुरू-किं तए न सुया ? ॥२७४८॥
 मण-चितिय-अइयारं अकहेत्ता गारवेण गुरू-पुरओ ।
 तिब्ब-तवच्चरण-रया वि लक्खणज्जा गया कुगइ ॥२७४९॥
 तहाहि-

धरणिपइट्ठिय-नयरे आसि निवो जंबुदाडिमो नाम ।
 देवी य सिरिमई से बहु पुत्ता किंतु नत्थि सुया ॥२७५०॥
 कुलदेवय-उवाईय-सएहिं धूया कमेण संजाया ।
 सुलक्खण ति नामेणं लक्खणा तेहिं सा वुत्ता ॥२७५१॥
 अइ-वल्लह ति काउं तीए रत्ना सयंवरो विहिओ ।
 चउरी-मज्झमि मओ तब्भत्ता दिब्ब-जोएण ॥२७५२॥
 राया वि सोग-विहुरो भयमाणिं लक्खणं भणइ एवं ।
 वच्छे ! मच्चुमुवेतं सक्खो वि न सक्खए खलिउं ॥२७५३॥
 ता पुत्ति ! तुज्झ एयं पुव्वज्जिय-कम्म-परिणइ-वसेण ।
 विहवत्तं संजायं नीसेस-दुहाण जं ठाणं ॥२७५४॥
 चरसु तवं कुणसु दयं दाणं वियरेसु रयसु जिण-पूयं ।
 पढसु य वेरग्न-सुयं उब्भइ-वेसं विवज्जेसु ॥२७५५॥
 विहवाण छड्डियाण य पउत्थवईयाण तह य समणीणं ।
 धम्म-निरयाण दियहा जंता वि हु नेव नज्जंति ॥२७५६॥
 इय पन्नविया रत्ना धम्मपरा लक्खणा गमइ कालं ।
 अह तत्थ तित्थनाहो केवलनाणी समोसरिओ ॥२७५७॥

गओ राया जंबुदाडिमो वंदणत्थं सपरिवारो । वंदिउण निसक्को
 सट्ठाणे । पखुवियं भयवया संसारसारत्तणं । संविग्गो राया पवक्को सद्दारी
 सपुत्तो लक्खणाए समं दिक्खं । अप्पियाणि सव्वाणि थेराणं । तेहिं पि
 समणीओ पवत्तिणीए । पढंति सुत्तं कुणंति तिब्ब तवं । कयाइ पयट्ठाइं
 गणि-जोगेसु ।

અન્નયા તીએ અસજ્ઞાઇયં તિ કાઉં ન પેસિયા પવત્તિળીએ ઉદેસ-
સમુદેસ-મંડલીએ લવખળજ્ઞા । ઠિયા વસહિ-કોળે । એત્થંતરે તીએ
અસુહ-કમ્મ-રાસિ-આયઠ્ઠિયં પિવ આગયં ચડય-મિહુણયં । ઢિહં
વિવિહ-કીલાહિં કીલંતં । ચિંતિયં તીએ-ધન્નાણિ એયાણિ જાણિ સચ્છંદં
કીલંતિ કયત્થ-જીવિયં વ । દુલ્લલિયાએ જા એવં ચાડુએહિં લાલિજ્ઞા
નિય-પિણે । મમાવિ ઇમે દહૂણ જાયં પરમ-સુહં ।

એયાણં દંસળે પિ હુ પુરિસપરો(રિ) સો વ્વ જળાઇ મે હરિસં ।

જં પુળ સેવાએ સુહં ઇમાળ તમહં ન યાળામિ ॥૨૭૫૮॥

તા કિં જિળેળ એયાળ દંસળં વારિયં મુળિજળસ્સ ।

મન્નેમિ વીયરાળો મુળાઇ સરાગાળ ન હુ દુવખં ॥૨૭૫૯॥

અહવા અજુતં મએ ચિંતિયં । અહહ ! એયાળ દંસળેળાવિ ચલિયં મહ
ચિંતં, જાયા પુરિસ-વંછા, તા સુંદરં કયં જિળેહિં જં વારિયં ઇરિસાળ
દંસળં । પાદા અહં જં ઇમં પિ મહાપાવં બહુમન્નેમિ । આલોએમિ ગુરુ-પુરઓ
તિ ચિંતિઊળ ચલિયા, તાવ ખુત્તો પએ કંટઓ । ઠિયા એસા, ચિંતિઉં પવત્તા
ય-અહં ખુ રાયધૂયા અખંડિય-સીલા સવ્વત્થ વિવખાયા, તો જાઇ મે
જળળી-જળયા જાળિસ્સંતિ તા લજ્જિસ્સંતિ । અઓ ન જુત્તં કસ્સ વિ
પુરઓ [કહિઉં ?] । અઈયાર-ધરળે સ-સલ્લત્તળં, કહળે ય લાઘવં । તા
કિં કરેમિ ? । હું, પરવ્વવએસેળ પુછામિ ગુરું જહા-જો એવં ચિંતેઇ તસ્સ
કિં પાયચ્છિંતં ? । તં ચ સોઊળ કરેમિ સયમેવ તવચ્ચરળેળ સુદ્ધિં । તવો
એત્થ કારણં, કિં પાગડકરળેળં ? તિ । તહેવ પુચ્છિઊળ તવં
કાઉમારદ્ધા । જાવ પત્તા સંવચ્છરાણિ છહ્હડ્દમ-દસમ-દુવાલસેહિં
સોસિય-સરીરા । સચ્છંદ-પાયચ્છિત્તેળં સકલુસા મયા લવખળજ્ઞા ।
સમુપ્પન્ના એમ્મિ નયરે કુટ્ટિળી-ચેડાએ સુયા ખંડોદ્ધા નામ । પત્તા
જોવ્વળં । કયાઇ ચિંતિયં કુટ્ટિળીએ-ઇમા ચેડા રૂવ-લાયન્ન-સંપન્ના । મમ
ધૂયાએ જે રમળા આગચ્છંતિ તે ઇમં સાહિલાસં પલોયંતિ, ન મમ દારિયં,
તા ઇમીએ નાસં કન્નં ઉદ્ધં ચ છિંદેમિ જેળ ન ઇમં કામુય-જળા પલોયંતિ ।
અહવા ન જુત્તમેયં । મમ ધૂયા તુલ્લા એસા, તા નિજ્ઞાસેમિ । ઇમં પિ ન
જુત્તં, જઓ અન્નત્થ વિ સુરૂવ^{૧૪} તિ લહિસ્સઇ થામં । તા સીવેમિ ઇમીએ
જોણિં, નિયલાણિ ય દેમિ જેળ નિગડિયા ન સક્કઇ અન્નત્થ ગંતું । એવં
ચિંતિઊળ પસુત્તા કુટ્ટિળી । ઇમં ચ સઠવં ખુદ્ધાએ કરુળાએ કેળાઇ

वाणमंतरेण सुविणे सिद्धं । पहाए पणहा खंडुहा । भमंती छम्मासेण पत्ता
संखडं नाम खेडं । तत्थ दिहा एणेण महाधणेण रंडासुएणं । काऊण
निय-परिग्गहे नीया निय-घरं । तरस्स पुव्वभज्जा ईसाए चित्तेइ-

वरं कूवे झंपा वरमनलजाला-कवलणं,
वरं सूला-भेओ वरमरिण(मसणि)दंडस्स पडणं ।
वरं खग्गच्छेओ वरमुरग-तुंडेण डसणं,
रमतो मा दिहो तहवि अवराए सह वरो ॥२७६०॥

मग्गए छिदाणि । अन्नया निब्भर-पसुत्तं खंडुहिं दहूण चुडलिं दत्तं
च घेतूण धाविया । चुडुलिं गुज्झ-मज्झे घत्तिऊण दत्तेण फालेमाणी ताव
गया जाव हिययं तं फुरफुरंतिं दहूण पुणो वि तत्त-लोह-कुसीताए
जोणीए कुट्टिया मया दुक्खेण खंडोहा । तओ तीए सरीरगं खंडिऊण
पक्खिवइ^{१३} सा साणाईणं । एत्थंतरे समागओ रंडासुओ, तं च तारिसं
असमंजसं दहू ण संविग्गो पडिवन्नो जिण-दिवखं, कय-तिव्व-
तवच्चरणो गओ सुगइं । लक्खणा-जीवो वि भमिऊण चिरं संसारं
सहिऊण तिरिय-नरगाइसु तिव्व-दुक्खाइं सेणिय-^{१४}जीव-तित्थयर-
तित्थे सिज्झिरस्सइ ।

ता गुरु-पुरओ दोसं सम्ममणालोईउं भव-समुदे ।
मा निवडसु छेयगंथ-अक्खिया लक्खणज्ज व्व ॥२७६१॥
आलोयणा-परिणओ सम्मं संपट्ठिओ गुरु-सयासे ।
जइ अंतरा वि कालं करेज्ज आराहओ तहवि ॥२७६२॥
आगंतुं गुरु-मूले जो पुण पयडेज्ज अत्तणो दोसे ।
सो जइ न जाइ मोक्खं अवस्सममरत्तणं लहइ ॥२७६३॥
काऊण पाव-कम्मं सम्ममालोइऊण गुरु-पुरओ ।
पत्ता अणंत-जीवा सासय-सोक्खं च निव्वाणं ॥२७६४॥

ता मोत्तूण नियडिं आलोयसु दिट्ठि-वियारं । तओ पुणो पुणो मे
दोसमुग्गिरइ गुरु इमो ति कोवमावन्ना, कहं अहं अकयं कयं ति
जंपेमि ? ति भणित्ता गया सट्ठाणं रोहिणी । पइसमइ समुच्छलंत-मच्छरा
अपडिवन्न-सम्मत्ता गुरुजण-हीलापरा परिचत्त-धम्ममग्गा मरिऊण
समुप्पन्ना साणी । रिउ-काले विणहा तीए जोणी । तओ किमिकुलेण

खज्जमाणी गलंत-पूय-मिलिय-मच्छिया-मंडला 'सव्वत्थ-निच्छुब्भ-
माणा किच्छेण मया, समुप्पन्ना सप्पिणी । दवग्गि-दट्ठा मया गया
नरए । तओ वग्घी वाहेण हया गया पुणो नरए ।

इच्चाइ असंख-भवे सहमाणा तिव्व-दुक्ख-लक्खाइ ।

तिरिएसु नारएसु य परिभमिया रोहिणी एसा ॥२७६५॥

दोहग्ग-रोग-दालिद-सोग-पियविप्पओग-पमुहेहिं ।

दुक्खेहिं दुयं बहुसो इत्थी-जम्मम्मि संपत्ता ॥२७६६॥

कइयावि कुदेव-भवे परपेसत्तणकरे समुप्पन्ना ।

इय चउगइ-संसारं भमिउण अरसंखकालमिमा ॥२७६७॥

उप्पन्ना धन्नउरे गामे गोवद्धणस्स गिहवइणो ।

धूयताए एत्तो धन्निय ति नामं कयं तीए ॥२७६८॥

अह धन्निया पवन्ना तारुन्नं तरुण-लोय-मणहरणं ।

दिट्ठा मयहर-पुत्तेण मग्गिया तह य परिणीया ॥२७६९॥

तीए य अंग-संगम्मि तरस्स जाओ स को वि संतावो ।

जेणप्पा पजलिय-जलणकुंड-खित्तो व्व पडिहाइ ॥२७७०॥

तओ विस्तेण निव्वासिया सगेहाओ धन्निया 'रुयंती पत्ता पिईहरं ।
समासासिया पिउणा दिट्ठा निय-पिंडारस्स । भणिओ य सो-भइ ! घर-
जामाउओ तुमं, मा मम धूयाए पणय-खंडणं करेसु ति । सो वि तीए
सरीर-फरिस-मित्तेण जणिय-महत-संतावो गामं पि मोत्तूण पणहो ।
विसन्ना धन्निया । भणिया पिउणा- वच्छे ! तुह वच्छल्ल-तल्लिच्छेण
मए अकज्जं पि कयं । तं पि तुह पुव्व-कम्मवसओ विहलं जायं, अओ
खेयमकुणंती दाणाइ-धम्म-स्या मह घरे चिट्ठ । तहेव चिट्ठमाणीए वच्चाए
कालो । कयाइ गिहमागया साहुणो पुच्छिया इमीए-जाणह तुब्भे मंतं तंतं
वा जेण परो वसीहवइ ? । तेहिं वुत्तं-जाणंति अम्ह गुरुणो जेण तेलोक्कं
पि वसो होइ । धन्नियाए वुत्तं- कत्थ ते गुरुणो ? । मुणीहिं वुत्तं-
लीलागरुज्जाणे सीलागरा नाम समोसदा चिट्ठंति । भुत्तुत्तरं गया पिउणा
सह धन्निया । वंदिउण गुरुं निसन्ना पुरओ । भणियं अणाए- भयवं !
कहेह वसीयरण-विसयं मंतं तंतं वा । गुरुणा वुत्तं-

तइलोक्क-वसीकरणो समत्त मणि चितियत्थ-संजणणो ।
 जिण-पन्नत्तो धम्मो मंतो तंतो व न हु अन्नो ॥२७७१॥
 जेहिं विहिओ न धम्मो पुव्वं ते एत्थ दुत्थिया जीवा ।
 किं पसरइ दालिइं चितारयणे वि संपत्ते ? ॥२७७२॥
 गोवद्धणेण भणियं- पुव्व-भवे मह सूयाए किं विहियं ।
 जेणेसा एवंविह-दोहग्ग-कलंकिया जाया ? ॥२७७३॥
 भणइ गुरु-जमिमीए रोहिणि-जम्मे कया गुरु-अवन्ना ।
 तीए फलेण लहिउं असंख-जम्मेसु दुवखाइं ॥२७७४॥
 उप्पन्ना तव धूया इय सोउं जाय-जाइसरगाए ।
 नमिउण धन्धियाए अवितहमेयं ति संलत्तं ॥२७७५॥
 गुरुणा वुत्तं-
 इहलोईए वि कज्जे देवं गुरुं [च] नमंति जणा ।
 किं पुण परलोय-पहे धम्मायरियं पईव-समं ॥२७७६॥
 नाणस्स होइ भागी थिरयरओ दंसणे चरिते य ।
 धन्ना आवकहाए गुरुकुलवासं न मुंचंति ॥२७७७॥
 छट्ठम-दसम-दुवालसेहिं मासद्ध-मासखमणेहिं ।
 अकुणंतो गुरु-वयणं अणंत-संसारिओ होइ ॥२७७८॥
 इय सोउं पुव्वकयाईयारमालोईउण गुरुपुरओ ।
 गहिउं गिहत्थधम्मं च धन्धिया कुणइ तिव्व-तवं ॥२७७९॥
 वत्थं भत्तं पाणं पत्तं सेज्जं च जं जमणुकूलं ।
 तं तं गुरूण वियरेइ फासुयं एसणिज्जं च ॥२७८०॥
 अह उल्लसंत-सद्धा संवेगपरा पवज्जिउं दिवखं ।
 गुरुणो पवत्तिणीए य कुणइ आणं सबहुमाणं ॥२७८१॥
 किं बहुणा ? उस्सासाइ वज्जिउं अवर-सव्व-किच्चेसु ।
 ते पुच्छिउण सम्मं पयट्टए धन्धिया धन्ना ॥२७८२॥
 इय गुरुज्जण-आणाए विहिय-वया वीस-वरिस-लवखाइं ।
 मरिउण धन्धिया सा सोहम्म-सुरालयं पत्ता ॥२७८३॥

ततो चविउण इमा विउलमई तुज्झ पिययमा जाया ।
 गुरु-भत्ति-फलेणं विउल-बुद्धि-भोगेहिं संजुता ॥२७८४॥
 जो पुव्व-भवे गोवद्धणो ति जणओ इमीए कय-सुकओ ।
 सग्गं गंतूण चुओ तुमं पइ एत्थ सो जाओ ॥२७८५॥
 इय सोउं धणमित्तो विउलमई तह य दोवि चिंतति ।
 नडपिच्छणय-सरिच्छं धी ! संसारस्स रुवमिणं ॥२७८६॥
 जम्मि जणओ वि भत्ता सुया वि भज्जा य जायए एवं ।
 को तत्थ रमइ मइमं विडंबणा-भायणम्मि भवे ? ॥२७८७॥
 इय संविग्गमणाइं काउं जिण-मंदिरेसु महिमाओ ।
 कय-सव्व-संग-चागाइं ताइं दिवखं पवन्नाइं ॥२७८८॥
 गुरु-आणाए छट्ठहमाइं तिब्बं तवं विहेउण ।
 धणमित्तो विउलमई य दोवि पत्ताइं निव्वाणं ॥२७८९॥
 गुरु-सेवं कुणमाणो वि जो न कोहग्गि-निग्गहं कुज्जा ।
 दोगच्च-दलण-दच्छं धम्म-धणं दज्झाए तस्स ॥२७९०॥
 बहिरम्मि मंतणं पिव रक्खे रुक्खं व तमसि नट्टं व ।
 उवसम-रहिए जीवे धम्माणुहाणमिह विहलं ॥२७९१॥
 कज्जाकज्ज-वियारण-चेयन्नहरस्स विसहरस्सेव ।
 कोवरस्स कोऽवगासं मइमं मण-मंदिरे दिज्जा ? ॥२७९२॥
 सुद्ध जलणो जलंतो वि दहइ तं चेव जत्थ संलग्गो ।
 कोह-जलणो उ जलित्तं परमप्पाणं परभवं च ॥२७९३॥
 दुव्वयण-पूय-कलिओ कलुसज्झवसाय-किमिकुलाइन्नो ।
 कोहो कोहो व्व धुवं धम्म-सरीरं विणासेइ ॥२७९४॥
 जिण-पवयण-मेह-समुब्भवेण परमामएण कोव-दवं ।
 विज्झवइ जो नरो होइ सिव-फलं तस्स धम्म-वणं ॥२७९५॥
 कविलो व्व कोव-कलिओ इह-परलोए य लहइ दुक्खाइं ।
 उवसम-सहिओ पुण केसवो व्व पावेइ कल्लाणं ॥२७९६॥
 तहाहि-

[४. कोपोपशमयो कपिल-केशव-कथा]

इहेव जंबुद्वीवे भारहे वासे नाणामणि-खंड-मंडिय-परसंडि-पासाय-
संदब्भा विदब्भा नयरी । तत्थ सूरी वि न कमलोवयारओ, सोमो वि न
दोसायरो, वसुहानंदणो वि न वक्को विक्कमसेणो राया । तरस्स निरुवम-
रुव-लायन्नावगन्निय-सुरसुंदरी रइसुंदरी देवी । तीए सरयंद-कुंद-
सुंदर-गुणो गुणसेणो पुत्तो । लहुओ य तरस्स सावक्कओ *चंडसेणो
भाया ।

सरल-सहावत्तणओ गुणसेणो गुणइ तम्मि जह नेहं ।

गुणसेणे उण न तहा *चंडसेणो कुडिलचित्तो ॥२७९७॥

बालत्तणओ वि हु विसय-सोक्ख-विमुहो मणम्मि गुणसेणो ।

जणणि-जणय-उवरोहेण गेहवासम्मि संवसइ ॥२७९८॥

एगया उव्वग-विस-वियार-जणिय-तिव्व-वेयणो मुच्छा-
निमीलियच्छो निवडिओ धरणिवट्ठे गुणसेणो । कओ परियणेण महंतो
कोलाहलो । तं सोऊण 'हा ! किमेयं ?' ति संखुद्धचित्तो समागओ
राया । दिट्ठो तहाविहावत्थगओ गुणसेणो । लक्खिय-विस-वियारेण रत्ता
वाहरिया मंत-तंत-कुसला पहाण-विज्जा । कओ तेहिं
तन्नियत्तणोवयारो । कहवि जाओ सच्छ-सरीरो गुणसेणो । पहिट्ठ-
हियएण रत्ता वत्थाभरण-दाणेण तोसिऊण विसज्जिया विज्जा । केण
कयमकज्जं ? ति पयट्ठा परियणे गवेसणा । जाए ववहारे निच्छियमिणं
जहा- चंडसेणकुमार-कारियमेयं ति । गुणसेणो तप्पभिइ वियंभिय-
विसय-विराग-चित्तो चित्तिउं पवत्तो-

धी संसार-सरुवं जम्मि महामोह-तरलिया जीवा ।

विसयामिस-लुद्धमणा कज्जमकज्जं व न मुणंति ॥२७९९॥

मह संपइ पज्जत्तं किंपागफलोवभोग-तुल्लेहिं ।

मुहमहुरेहिं परिणाम-दुक्खहेऊहिं विसएहिं ॥२८००॥

जइ कहवि पुन्नवसओ सुगुरुणं दंसणं मह हविज्जा ।

तो तेसिं पयमूले पव्वज्जमहं पवज्जिरसं ॥२८०१॥

एवमइक्कंतेसुं कइवइ-दिणेसु समागओ तत्थ दिव्वनाण-मुणिय-
तिकालसरुवो व्व हरिय-वम्महो महंत-पुन्न-पब्भारु पावणिज्ज-

પાયરા(?) જીવો જીવાણંદો નામ ગણહરો । ગઓ તરસ વંદણત્થં
ગુણસેણો । દિદ્ધોઽણેણ ભયવં સુરકય-કમલ-નિસન્નો । નમિઠ્ઠણ તં
તક્કાલ-વિયંભમાણ-પમોયભર-નિભ્ભરો ભાલવદ્ધ-નિવિદ્ધ-કરસંપુડો
ભણિઠં પવત્તો-

ધન્નો હં મુણિનાહ ! લોયણ-જુયં જાયં કયત્થં ઇમં,
સંપત્તા મહ પાણિ-પંકય-તલે કલ્લાણમાલાઽખિલા ।

સંપન્નો મહ ગોપયંમિ વ સુહત્તારો ભવંભોનિહી,

જં દિદ્ધો સિ વિસિદ્ધ-પુન્નવસઓ ધમ્મો વ્વ મુત્તો મણે ॥૨૮૦૨॥

એવં થોઠ્ઠણ ગુરું પ્પણમિઠ્ઠણં સેસ-સાહુણો નિવિદ્ધો ગુણસેણો ।
પારદ્ધા ગુરુણા ભવપબંધ-વિદ્ધંસણી ધમ્મ-દેસણા । લદ્ધાવસરેણ પુદ્ધં
ગુણસેણેણ-ભયવં ! જં એસ લોઓ ચંડસેણં પડુચ્ચ વાગરહ તં તહેવ ન વ ?
તિ । ગુરુણા ભણિયં-તહેવ । ગુણસેણેણ ભણિયં-ભયવં ! અચ્ચંત-
કરુણાપરસસ વિ મમોવરિ કોવમુવ્વહહ એસો । કિમિત્થ કારણં ? । ગુરુણા
ભણિયં-પુઠ્ઠવભવભ્ભત્થા તુહ ઇમમ્મિ કરુણા ઇમસસ ય તુમમ્મિ
કોવોઽનિમિત્તં । ગુણસેણેણ વુત્તં-ભયવં ! કહમેયં ? । ગુરુણા વુત્તં-
સોમ ! સુણ,

इहेव जंबुद्वीवे अवर-विदेहे पुक्खलावइ-विजए मंगलउर-नयरं,
तत्थ हरि व्व विसाल-वच्छत्थल-निलीण-लच्छी वि सलालसो
हरिविक्कमो राया । तत्थ पसत्थ-सत्थ-पारगो पुरोहिओ सोमदत्तो । तस्स
सोमिला-कुच्छे-संभवा कविल-केसवाभिहाणा दुवे पुत्ता । समए
समप्पिया उवज्झायस्स । तत्थ कविलो मंद-मइत्तणेण बहु-कालेणावि
न किं पि सम्मं गेण्हइ । केसवो पुण निउण-बुद्धित्तणेण थेव-कालेणावि
सुसिखियं करेइ । तओ कविलो पए पए उवहसिज्जइ सेस-छत्तेहिं ।
दूमिज्जइ हियएणं । एसो ममं उवहसावेइ ति वहइ केसवं पइ पओसं ।
पउट्ठचित्तो नियत्तो पढणाओ । केसवो पुण अवगय-सव्वत्थ-परमत्थो
जाओ । अह कालगए जणए गुणाहिओ ति निवेसिओ पुरोहिय-पए
रत्ता । जाओ रायप्पमुह-महायण-सम्मओ एसो । गुणि ति विउसो ति
सुद्धबुद्धि ति परहिय-रओ ति कुसलाणुद्दाणपरु ति केसवो
कित्तिमणुपत्तो ।

जह जह जसवाओ केसवरस सव्वत्थ वित्थरइ ।
 गरुओ तह तह कविलस्स मणम्मि मच्छरो दूरमुच्छलइ ॥२८०३॥
 गुण-लद्ध-पूयमवलोईउं परं सिखए खलो न गुणो ।
 गुणवंतम्मि पउस्सइ अहह ! अउव्वो खल-सहावो ॥२८०४॥
 अन्नम्मि दिणे कविलो मच्छरवसगो विसिद्ध-जण-पुरओ ।
 जंपंतो दोसे केसवरस जणणीए संलत्तो ॥२८०५॥
 रे वच्छ कविल ! पुरिसेण अत्तणो कुसलमहिलसंतेण ।
 संतमसंतं व परस्स दूसनं नेव वत्तव्वं ॥२८०६॥
 परदोसग्गहणेणं सगुणो किं होइ निग्गुणो संतो ।
 जइ पुण गुणी सयं चिय ता किं परदोस-गहणेण ॥२८०७॥
 परदोस-जंपणेणं रिद्धी जा होइ तीए पज्जंतं ।
 सगुण-विदत्तं सुयणस्स भूसणं वक्खलं पि दढं ॥२८०८॥
 जं गुणनिहिणो निय-बंधवरस दोसे पयंपसि असंते ।
 तं कुणसि तुमं तणमिव लहुयं लोयम्मि अप्पाणं ॥२८०९॥
 एवं पन्नविओ वि हु नियय-सहावं अमुंचमाणो सो ।
 घय-सित्तो व्व हुयारो बाढं रोसेण पज्जलिओ ॥२८१०॥
 उवएस-सहस्सेण वि पिसुणो सुयणत्तणं न पावेइ ।
 परिकम्मिओ वि बहुसो काओ किं मरगओ होइ ? ॥२८११॥

तओ सिणेह-पेसलं पि केसवं पडुच्च पच्चवायं चिंतंतरस
 कविलस्स वच्चंति दियहा । केसवो उण थेवं पि संकिलेसं परिहरंतो कालं
 गमेइ । एगया गओ उज्जाणे कीलणत्थं विविह-कीलावक्खित्त-चित्तो य
 रयणीए पहओ छुरियाए केणावि । कओ परियणेण कोलाहलो ।
 किमेयं ति पहाविया विविह-पहरण-विहत्थ-हत्था रायपुरिसा । सो वि
 पलायमाणो अकज्जकरण-संखुद्ध-हिययत्तणेण खलंत-गइप्पसरो
 सरोस-मुक्कहक्कारव-रउदेहिं गहिओ रायपुरिसेहिं । समप्पिओ
 तलवरस्स । कविलो ति उवलक्खिओ तेण । निवेइओ रन्नो । तओ
 चित्तियं रन्ना-अहो ! उभयलोग-विरुद्धमायरणं महाकुलप्पसूयस्स वि
 इमस्स । केसवो वि नीओ नियघरं । परियणेण पारद्धा वण-
 ॥तिगिच्छा । समागओ घरं राया । पुट्ठो केसवो सरीर-पउत्ति । महंतं

संतावमुव्वहंतेण रत्ना भणियं- जमेरिसे पुरिसे सयल-सत्त-संतोसकारए
पर-पीडा-परम्महे कविलस्स दुरप्पणी इमं विरुद्धायरणं ति तं
महंतमच्छरियं ।

अहवा किं अच्छेरं ? समत्त-जियलोय-लोयण-सुहरस्स ।
हरिणंकरस्स कवलं गहकल्लोलो कुणइ किं न ? ॥२८१२॥
तो केसवेण वुत्तं- तेण नराहिव ! न किंचि अवरद्धं ।
केवलमिणं पुराकय-कडुकम्म-वियंभियं मज्झा ॥२८१३॥
जं ११पुव्वे दुक्खम्मं कयं मए किंपि परिणयं तमिमं ।
कहमन्नहा न कुज्जा पीडमिमो सयल-लोयस्स ? ॥२८१४॥
जं जेण पुव्व-जम्मे सुहमसुहं वा समज्जियं किं पि ।
तं चेव सोऽणुभुंजइ निमित्तमेत्तं परो होइ ॥२८१५॥
ता न हु इमस्स दोसो दोसो मह चेव पुव्व-पावस्स ।
जेण इमं कारविओ १२ एसो नरनाह ! परमत्थो ॥२८१६॥

पहट्ट-मुहपंकएण भणियं रत्ना-अहो ! मे फुरंत-पसमावेणो
केसवरस्स विवेणो, विसुद्धा बुद्धी, अच्छब्भुयं चरियं जमेवंविहावराह-
कारणे वि ईसिं पि न पओसो । अहवा,

सुयणो न याणइ चिय कोवं काउं परे विरुद्धे वि ।
किं मुयइ कथाइ मयंक-मंडलं जलण-कण-वुट्ठि ? ॥२८१७॥
दूमिज्जंतो वि हु दुज्जणेहिं सुयणो न जंपए कडुयं ।
निप्पीलिओ वि उच्छू महर-रसं चिय समुग्गिरइ ॥२८१८॥

एवं खणमेक्खं ठाऊण गओ राया सगिहं । केसवो वि जाओ पउण-
सरीरो । कविलो वि अकज्जकारि ति निव्वासिओ नयराओ रत्ना ।
परिब्भमंतो पत्तो महाडविं । तत्थ ससिकला-कुडिल-दाढा-कडप्प-
दुप्पेच्छ-मुह-कु हरेण पाविओ पंचत्तं पंचाणणेण । १३मरिउण
रुद्धज्झाणोवगओ गओ रयणप्पहाए पुढवीए । ददूण निय-बंधवरस्स
चरिय-पावासवं केसवो संवेणोवगओ गुणट्ट-गुरुणो पासे गिहत्थोचियं
धम्मं संपडिवज्जिउण विहिणा तं पालिउणं चिरं पंचत्तं लहिउं समाहि-
सहिओ सोहम्मकप्पं गओ ।

अह जंबुदीव-भरहे नयरी नामेण अत्थि मायंदी ।
 मायंद-पमुह-पायव-सोहिय-सव्वोउय-धणद्धा ॥२८१९॥
 सरयब्भ-विब्भमादब्भ-भवण-पंतिप्पहा-समूहेण ।
 निय-रिद्धीए जा सुरपुरं पि रेहइ हसंति व्व ॥२८२०॥
 तत्थऽअत्थि पवर-सेट्ठी विसिट्ठ-निय-विहव-हसिय-वेसमणो ।
 समण-पय-पज्जुवासण-विहिय-मणो माणिभदो ति ॥२८२१॥
 तरस्स घरिणीए दक्खिवन्न-दाण-विणयाइ-गुण-कलावेण ।
 भुवणम्मि लद्ध-निम्मल-जसाइ सुजसाइ गब्भम्मि ॥२८२२॥
 सोहम्माओ चविउं केसव-जीवो सुओ समुप्पन्नो ।
 जाए वद्धावणयं विहियं रिद्धिप्पबंधेण ॥२८२३॥
 अह वट्ठिउमादत्तो कुबेरदत्तो ति विहिय-नामो सो ।
 चंदो व्व सयल-जियलोय-लोयणाणं कयाणंदो ॥२८२४॥
 समए समप्पिओ सो कलोवज्झायस्स तो कलग्गहणं ।
 थेव-दियहेहिं तेणं विहियं अह जोव्वणं पत्तो ॥२८२५॥
 एत्तो य कविल-जीवो नरगाओव्वट्ठिउं भरहवासे ।
 वासवपुरग्गलाए कयंगलाए वर-पुरीए ॥२८२६॥
 धणसार-धणसिरीणं वर-धूया देविल ति संजाया ।
 जोव्वणभरम्मि पत्ता कुबेरदत्तेण परिणीया ॥२८२७॥
 पुव्वभवब्भारसेणं अत्थि मई तीए कुबेरदत्तरस्स ।
 जह देविलाए उवरि कुबेरदत्ते न तह तीए ॥२८२८॥

अन्नया पिउ-घरे चिट्ठंतीए देविलाए आणयण-निमित्तं कयंगलाए
 गओ कइवय-पुरिस-सहाओ कुबेरदत्तो । कय-सक्कारो ठिओ तत्थ
 कइवय-दिणाणि नाणाविह-विणोएहिं । आणंदिओ गुण-कलावेण
 ससुर-वग्गो, नवरं दूमिया मणम्मि देविला । पत्थिओ पसत्थ-दियहे
 कुबेरदत्तो सनयरं । न गंतुमिच्छए देविला । भणिया अम्मा-पिउहिं-
 वच्छ ! धन्ना तुमं जीए उदग्ग-सोहग्ग-गुणनिही सयल-कला-
 कोसल्ल-कोसो वल्लहो लद्धो, ता कीस विसायमुव्वहसि ? । वच्च
 भत्तुणा समं ससुरहरं, तत्थ गयाए य तुमए कायव्वा गुरुयणस्स
 सुस्सूसा, न लंघियव्वा सव्वत्थ उचिय-पडिवत्ती, मोत्तव्वा कुसील-

संसग्गी, परिहरियव्वं परघर-गमणं, न वत्तव्वं परस्स दूसणं, न
दूमियव्वो कडुय-वयणेहिं परियणो, न वट्ठियव्वं गरूयावराहे वि भत्तुणो
पडिकूल-वितीए, न खंडियव्वं पाण-संसए वि सीलं । तत्तो सोऊण इमं
पवन्नमाणा अणिच्छमाणी वि सद्धिं कुबेरदत्तेण पत्थिया देविला ।

मग्गे वच्चंतीए मज्झइण्हे गामदुग-विचालम्मि ।

भणिओ कुबेरदत्तो-नाह ! ममं बाहए तण्हा ॥२८२९॥

जइ कहवि संपयं पिय ! पावेमि न पाणिउं तओ पाणा ।

वच्चंति मज्झ नूणं कुबेरदत्तेण तो धरिउं ॥२८३०॥

निय-वाहणं सहाया पयंपिया-पाणिउं गवेसेह

तो सव्वे वि पयट्ठा गवेसिउं रन्न-मज्झम्मि ॥२८३१॥

ते वि हु परिब्भंता जलत्थिणो दूर-देसमणुपत्ता ।

सयमवि कुबेरदत्तो पिया-समेओ समुत्तरिउं ॥२८३२॥

सगडाओ परियडंता मग्गतडे वग्गडे वियडमयडं ।

पेच्छइ तण-संछन्नं तो एवं पिययमं भणइ ॥२८३३॥

अत्थत्थि अंध-कूवे नीरं नवरं न तीए घेतुं ।

तो तीए संलत्तं मह मोयग-गग्गरि रित्तं ॥२८३४॥

काऊण उत्तरिज्जेहिं बंधिउं खिवसु कूव-मज्झम्मि ।

कट्ठेसु जलं तह वि हु विहुरा तण्हाए जेणाहं ॥२८३५॥

तं सो तहेव काउं जा कूवे खिवइ गग्गरि गरूयं ।

तो तीए पविखत्तो कुबेरदत्तो तहिं कूवे ॥२८३६॥

पच्छाहुत्तं चलिया संपत्ता पिउहरं रुयंती सा ।

अम्मा-पिऊहिं पुट्ठा विसाय-भर-निब्भर-मणेहिं ॥२८३७॥

वच्छे ! रुयसि किमेवं ? कुसलं जामाउयस्स गुणनिहिणो ? ।

वच्चंताणं मग्गे किं को वि उवद्वो जाओ ? ॥२८३८॥

तो तीए अलिय-विसाय-वस-विसट्ठंत-बाह-सलिलाए ।

संलत्तमिणं-हा हा ! हयम्हि विहिणा विणासेण ॥२८३९॥

वच्चंताण म्हा पहे सुन्नारत्ते गवेसिउं सलिलं ।

दूरं गएसु वंठेसु तो समुग्गीरिय-किवाणा ॥२८४०॥

चोरा समागया इति अज्जउत्तो चउदिसं तेहिं ।
 पहरिउमारद्धो तो अहं पि भय-संभमुब्भंता ॥२८४१॥
 नट्टा कट्टेण इहं समागया अहं समग्ग-सयण-गणो ।
 सोउं इमं महंतं संपत्तो सोग-संतावं ॥२८४२॥
 विलवइ कुबेरदत्तरस गुण-गणं निय-मणम्मि सुमरंतो ।
 सुपुरिस-चूडामणिणो पिच्छ अहं ! केरिसं जायं ? ॥२८४३॥
 हयविहि हयास निग्घिण कीस तए तरस कयमिणं वसणं ।
 एसा वि कित्तिणिज्जा अभग्गवंताण धूरि वंछा ॥२८४४॥
 इच्चाइ विलविउणं संठविउं देविला मिउ-गिराहिं ।
 खित्ता रसोइहरए बोडित्ता मत्थयं तीए ॥२८४५॥
 तो खिन्न-सव्व-गत्ता मसिमलिणिय-वत्थ-हत्थ-पायतला ।
 कालं गमेइ दुक्खत्त-माणसा देविला बाढं ॥२८४६॥

इओ य पडिनियत्ता ते वंठा विसंतुलं कुबेरदत्त-सुन्नं सगडं
 पेच्छिउण 'अहो ! चोर-विलसियमेयं' ति विसन्नचित्ता गया सनयरं, सिद्धं
 जहाइदं सिद्धिणो । विसन्नो सो । कुबेरदत्तो वि अंधकूवे पक्खित्तो पंच-
 नमोक्कार-प्पभावेण अक्खय-सरीरो निवडिओ नीर-मज्झे । उत्तरिउण
 ठिओ तरस एग-देसे । बीय-दिणे समागओ तत्थ सुगुत्त-सत्थवाहो ।
 आवासिओ तत्थ पएसे । तओ कूवाओ सलिलमागरिसिउं पवत्ता सत्थ-
 पुरिसा भणिया कुबेरदत्तेण-भो भो ! नित्थारह मम इमाओ कूवाओ ।
 नायवुत्तंतो समागओ तत्थ सत्थवाहो । नित्थारिओ तेण, नीओ नियावासं,
 पुट्ठो य सायरं-भद्द ! संसारे व्व दुत्तरे क्हं अंध-कूवे निवडिओ तुमं ? ।
 तेण वुत्तं- तण्हाभिभूओ जलमायद्धंतो निवडिओऽहमित्थ । पडिवन्नो
 पुत्तो ति सत्थवाहेण, काराविओ न्हाण-भोयणाईयं, नियंसाविओ
 महामुल्ल-दुगुल्ल-जुयलं, धरिओ अप्पणो पासे ।

अन्नया कुबेरदत्तेण भणिओ सत्थवाहो- जइवि तुह ताय-
 निव्विसेसरस समीवे वट्टमाणस्स मे मण-निव्वुइ तहा वि मह विरहे
 अम्मा-पियरो दुक्खं जीवंति ति । ता विसज्जेसु मं । विसज्जिओ
 सत्थवाहेण गओ स-नयरं । आणंदियाणि जणणि-जणया । कयं
 वद्धावणयं । मिलिया सयण-वग्गा । कमेण समागओ निय-धूयं गहाय

ससुरो । वद्धाविओ कुबेरदत्तो वत्थाभरणप्पयाणेण, पुट्ठो य कुसलोदंतं ।
 तेणावि देविला-चरियं निगूहंतेण कहियं किंपि । गओ सो स-नयरं ।
 ठिया देविला । कवड-नेहप्पयंसणेण आवज्जिओ कुबेरदत्तो । कयाइ
 कुसव्व-लव्व-जलबिंदु-चंचलत्तणेणं जीवियव्वरस सुरासुरेहिं पि
 अप्पडिहय-प्पसरत्तणेणं मच्चुणो पंच-नमोक्कार-सुमरणपरो परलोय-
 मव्वं पवव्वो माणिभद्द-सेट्ठी । कमेण सुजसा वि जससेसा जाया ।
 कुबेरदत्तो वि सुविणिंदयाल-विब्वमं जीवलोयमवलोयंतो विसं व
 विवाग-विसमं विसय-वासंग-सोवखमवगच्छंतो तप्पभिइ-वियंभिय-
 सविसेस-संवेग-वासणो सुगुरु-समीवे पडिवन्न-देसविरई उवासग-
 पडिमाराहण-कओज्जमो कालं गमेइ । देविला वि कसाय-कलुसिय-
 मणा मणागं पि अणियत्त-विसयाहिलास-पसरा सराग-हियया
 हियाहिय-वियार-वज्जिया जिइंदिय-मुणिजणासायणपरा परलोय-भय-
 विप्पहीणा हीणायार-निरया निरंकुसा कुसीलजण-संसव्वं च
 अहिलसमाणा समाण-सीलम्मि दुग्गिलाभिहाण-कुलपुत्तगम्मि संपलव्वं
 चिट्ठइ । अइक्कंतो कोइ कालो ।

एगया गख्यावराह-कुविएण रत्ता उब्वंधाविओ दुग्गिलो ।
 कुबेरदत्तो वि तम्मि दिवसे चउट्ठसि ति पडिमं पडिवज्जिउण निय-
 घरासन्न-सुन्नघर-कोणम्मि ठिओ धम्मज्झाण-परायणो । इयरी वि
 रयणीए गहिउण फुल्ल-विलेवणाईणि निग्गया गेहाओ वच्चंती य दिट्ठा
 तलवरेण । कहिं एसा वच्चइ ? ति चिंतंतो लव्वो तीए पिट्ठओ । इयरी
 वि गया तं परसं जत्थ सो दुग्गिलो उब्वद्धो चिट्ठइ । आरुहिउण
 रुवख-साहाए अलंकरिउण तं फुल्लाईहिं अच्चंताणुरत्तचित्ता चुंबिउं
 पवत्ता । एत्थंतरे केलिप्पिय-वंतरेण मय-सरीरमणुपविसिउण खंडियं
 दंतव्वेहिं नासव्वं तीए । इयरी वि विरसमारसंती नियत्ता, पत्ता निय-
 गेहं । दिट्ठं च सव्वमेयं तलवरेण । पहायप्पायाए रयणीए पोक्करंती गया
 राउलं । पुट्ठा रत्ता-किमेसा पुक्करइ ? ति । वागरियमणाए- मह दुरप्पा
 पई एक्क-पल्लंक-पसुत्ताए अज्ज निसाए नासियं छिंदिउण कहिं पि
 पणट्ठो । आणत्तो रत्ता तलवरो-गवेसेहि तं । आएसो ति भणिता पयत्तो
 तं गवेसिउं । दिट्ठो तेण तहेव पडिमापवव्वो कुबेरदत्तो । आणीओ भुयाए
 घेतूण रत्तो समीवं । भणिओ रत्ता-किं तुमए निरवराहाए नासा छिन्न ?
 ति । कुबेरदत्तेण चितियं- 'अहो ! पावाए वियंभियं ! ।

जं अप्पणा कएणं पावेणं पाविउं अणत्थमिणं ।
 अप्पणं निदोसं कुणइ तमारोवइ ममं पि ॥२८४७॥
 ता मह अलं इमीए कहाए पावाए पाव-जणणीए' ।
 इय चित्तिउण चित्ते कुबेरदत्तो तहेव ठिओ ॥२८४८॥
 रत्ता पुणो वि पुटो जाव पयंपइ न किं पि स महप्पा ।
 तो तीए पलत्तमिणं-किमुत्तरं कुणइ कयपावो ? ॥२८४९॥
 एसो देवस्स पुरो कवडेण ठिओ अवलंबिउं मोणं ।
 ता देव ! निव्वियारं इमं अकज्जं कयं इमिणा ॥२८५०॥
 तो रत्ता वागरियं- तलवर ! एयस्स निग्गहं कुणसु ।
 जेण विणा अवराहं पावेण विडंबिया बाला ॥२८५१॥
 तो तलवरेण वुत्तं- इमस्स गुणरयण-रोहणगिरिस्स ।
 न वहंति वहत्थं पत्थिविद ! हत्था मह विहत्था ॥२८५२॥
 तो नरवरेण वुत्तं-किं कारणमित्थ तलवर ! कहेसु ।
 तो तलवरेण सव्वं कहियं रत्तो रयणि-वित्तं ॥२८५३॥
 भणियं पुणो वि तेणं एत्थत्थे देव ! पच्चयं काही ।
 मयग-मुहे चिट्ठंतं अज्ज वि तं नासिया सयलं ॥२८५४॥

तओ रत्ता पेसिओ पच्चइय-पुरिसो, दिट्ठं च तं मयग-मुहे
 नासग्गं । सिट्ठं तेण जहादिट्ठं रत्तो । कुद्धेण रत्ता निव्वासिया स-
 नयराओ देविला । कुबेरदत्तो उण 'अहो ! परदोस-पयंपण-परम्मुहो
 एस'ति संतुह-हियएण संपूर्इओ रत्ता । पत्तो सगेहं परिभाविउं पवत्तो-
 धिद्धी ! भवरस्सरुवं जम्मि महामोह-परवसा संता ।
 पीयमइर व्व जीवा कज्जमकज्जं न मुणंति ॥२८५५॥
 गिरि-सरि-पय-पूरं पिव समूलमुम्मूलयंति धम्म-वणं ।
 उम्मिंठ-मत्त-करिणो व्व उप्पहेणं पयट्ठंति ॥२८५६॥
 पेक्खंति समुक्खय-चक्खुणो व्व सग्गापवग्ग-मग्गं नो ।
 विसवेग-विहुरिया विव हिओवएसं पि न सुणंति ॥२८५७॥
 अगणिय-जण-वयणेज्जा तं किं पि समायरंति किं बहुणा ? ।
 इह-परलोए य हवंति भायणं जेण दुक्खाण ॥२८५८॥

किञ्च,

खलमेति व्व खणेणं विहडइ चुडलि व्व जणइ संतावं ।
 मइर व्व कुणइ मोहं नइ व्व नीयं सरइ लच्छी ॥२८५९॥
 जाण कए कुणसि तुमं रे ! जीव ! बहुप्पार-पावाइं ।
 सयणा सिणेहहीणा खणेण ते सत्तूणो हुंति ॥२८६०॥
 जं पुण सरीरमेयं वरवत्थाहरण-भूसणाईहिं ।
 अणवरयमुवयरिज्जइ तं पि असासयमसारं च ॥२८६१॥
 एगत्थ कहवि परिमोइया वि अन्नत्थ लग्गइ खणेण ।
 दूरेण होइ सुहया महिला कंधारि-साह व्व ॥२८६२॥
 विसया विसं व परिणाम-दुक्ख-जणगा अवस्स मोत्तव्वा ।
 ते उण सयं विमुक्खा न कुणंति मणस्स संतावं ॥२८६३॥
 ता भव-निबंध्यणेणं धण-सयण-सरीर-जुवइ-विसयाणं ।
 पडिबंध्येणं इमिणा न किञ्चि कज्जं ममेयाणिं ॥२८६४॥
 एवं विरत्तचित्तो कुबेरदत्तो समुल्लसिय-सत्तो ।
 दाउण दविण-निचयं चेईहराइसु ठाणेसु ॥२८६५॥
 चारित्त-रयण-रोहणगिरीण सिरिभुवण-भूसण-गुरूणो ।
 पयमूले पडिवन्नो पव्वज्जं पावगिरि-वज्जं ॥२८६६॥
 अहिगय-समत्त-सुत्तो गीयत्थो गुरूयणं अणुन्नविउं ।
 जिणकप्पं कुणमाणो पत्तो पच्चंत-गामम्मि ॥२८६७॥
 तो देविलाए दिट्ठो परिब्भमंतीए तत्थ दिव्ववसा ।
 काउसग्गेण ठिओ बाहिं गामस्स जवखहरे ॥२८६८॥
 तो विस-धूम-पओगं काउं कुवियाए तीए रयणीए ।
 मुणिणो विणासणत्थं जवखहरं सव्वओ पिहियं ॥२८६९॥
 विसधूव-धूम-संसग्ग-जाय-गुरू-वेयणो स मुणि-सिंहो ।
 नाउणमप्पणो मरण-समयमुल्लसिय-सुह-भावो ॥२८७०॥
 सिद्ध-समवख-समुद्धरिय-सव्व-सल्लो महव्वउच्चारं ।
 काउं सो पच्चवखइ सयमेव चउव्विहाहारं ॥२८७१॥

भावेइं इमं रे जीव । सव्व-सत्तेसु तं कुणसु मितिं ।
 मा कत्थ वि रोसं वहसु देविलाए विसेसेण ॥२८७२॥
 उवयारिणी तुहेसा जं नरयाइसु अवस्स-खवणिज्जं ।
 तं कम्ममुइरुं इहावि निह्ववइ किर एसा ॥२८७३॥
 जइ उण इमाइ उवरि करेसि रोसं चिरं तवं तविउं ।
 ता हारिहिसि सुवन्नं धम्मिय पिहु एक्क-फुक्काए ॥२८७४॥
 संसारम्मि अणंते अणंतसो नारएसु तिरिएसु ।
 जाएण तए सहियाइं जाइं तिक्खाइं दुक्खाइं ॥२८७५॥
 तयविक्खाए दुक्खं धोवमिणं धीरिमं तओ धरिउं ।
 सहसु सयं कडु-कम्मं ललियमेयं विचिंतंतो ॥२८७६॥
 एवं समाहिपत्तो कुबेरदत्तो महामुणी मरिउं ।
 जाओ सणकुमारे कप्पम्मि महहिओ देवो ॥२८७७॥
 अह देविला कयत्थं अप्पाणं मुणिवहेण मन्नंती ।
 भयवेविरी पलाणा रत्ते तत्थेव रयणीए ॥२८७८॥
 इक्का भुयंगमेणं मया समाणी किलिह-परिणामा ।
 तो वालुयप्पभाए उप्पन्ना नरय-पुढवीए ॥२८७९॥
 अत्थि इह जंबुदीवे भारहवासे विसिह-सुरभवणं ।
 कंचणपुरं सुरपुरं व सुरयणालंकियं नयरं ॥२८८०॥
 तत्थत्थि सूरराओ जय-लच्छि-विलासिणी-विलास-रओ ।
 सरय-सरि-किरण-निम्मल-जस-धवलिय-सयल-दिस-वलओ ॥२८८१॥
 जइ होज्ज न सत्तासो करचंडो वा न होज्ज जइ सूरौ ।
 गुणओ वि होज्ज तुल्लो तत्तो सो सूररायस्स ॥२८८२॥
 तस्स नरिदस्स दुवे दइयाओ दिव्व-रूय-रम्माओ ।
 रइ-पीइउ व मयणस्स गउरि-गंगाउ व हरस्स ॥२८८३॥
 पढमा तत्थ कमलिणी अवरा नामेण कुमुइणी देवी ।
 दो वि उवरोह-साराओ सूररायस्स दईयाओ ॥२८८४॥
 एत्तो सणकुमाराकप्पाउ चूओ कुबेरदत्त-जिओ ।
 गढभम्मि कमलिणीए सुह-सुविणय-सूइओ संतो ॥२८८५॥

उप्पन्नो पुत्तत्तेण तो सुहं हरिस-निब्भरा देवी ।
 गब्भं परिवहइ वहंति सयल-लोया वि आणंदं ॥२८८६॥
 अह पडिपुन्ने समए पसत्थ-दियहम्मि पसवए देवी ।
 जाओ तणओ निय-तणु-पहा-पहणिय-भवण-तिमिरो ॥२८८७॥
 तो वद्धावइ चेडी तुट्ठिदाणं निवेण तं दिन्नं ।
 आसत्तम-वेणीए भुज्जंतं जं न निट्ठाइ ॥२८८८॥
 तो आणत्तो मंती नयरे वद्धावणं करावेहि ।
 गुरु-रिद्धि-पबंधेणं तेणावि करावियं तं पि ॥२८८९॥
 तं जहा-
 काराहराइं सोहावियाइं, बंदिआइं सयल मोयावियाइं ।
 सव्वत्थ पयट्ठिय हट्ठसोह, सम्माणिय दाणिय मग्गणोह ॥२८९०॥
 सुव्वंति निरंतर तूर-घोस, नच्चंति तरुणि-जण जणिय-तोस ।
 निव्वत्तिय घरि घरि तोरणाइं, कय निब्भर-रत्था-सोहणाइं ॥२८९१॥
 पुर-मग्ग सित्त चंदण-जलेण, घण-घुसिण-श्यण-मय-पेसलेण ।
 पविसंति निरंतर अक्खवत्त, रंजिज्जहि कुंकुमि लोय-गत्त ॥२८९२॥
 तिय-चच्चर-नच्चर-वामणयं, मय-घुम्मिर-कंचुइ-हासणयं ।
 गुण-कित्तण-वावड-बंदिगणं, परिपूइय-नायर-वुट्ठजणं ॥२८९३॥
 गुरु-देवय-पूयण-पत्तजसं, जण-भुत्त-मणिच्छिय-भोज्जरसं ।
 जिय-लोयह विम्हय-संजणणं, हुयमेरिसयं सुय-जम्म-दिणं ॥२८९४॥
 एसो नीसेस-गुणे धरइ त्ति गुणंधरो त्ति तो नामं ।
 कुमरस्स तरस्स समए पइट्ठियं गुरु-विभूर्इए ॥२८९५॥
 देहेण गुणोहेण य जह जह कुमरो पवट्ठए कमसो ।
 तह तह मणोरहा वि हु वट्ठंति मणे पिउ-जणस्स ॥२८९६॥
 समए समप्पिओ सो कलोवज्झायस्स सुह-मुहुत्तम्मि ।
 तेण य सव्व-कलाओ गहियाओ थेव-दियहेहिं ॥२८९७॥
 अह जोव्वणम्मि पत्तस्स तरस्स सो अंगचंगिमो जाओ ।
 जेण कओ नरनारी-गणाण चित्ते चमक्कारो ॥२८९८॥

जो कुमर-गुण-कित्तण-वावारेणं दिणाइं न गमेइ ।
 सो नत्थि तम्मि नयरे बालो तरुणो तहा बुद्धो ॥२८९९॥
 खयर-सुर-सुंदरीओ विक्कम-सोहग्ग-चाव-चंगाइं ।
 भरियाइं चंद-कर-निम्मलाइं गायंति कुमरस्स ॥२९००॥
 अह देविलाए जीवो तत्तो उव्वट्ठिउण नरगाओ ।
 परिभमिओ संसारं दुक्खत्तो हीण-जोणीसु ॥२९०१॥
 काउण पुव्व-जम्मे तहाविहं किं पि सुकय-लेसमिमो ।
 जाओ कुमार-धावीए नंदणो जोणगो नाम ॥२९०२॥
 सो वि कुमरेण समं पवट्ठिओ जोव्वणम्मि संपत्तो ।
 पुव्व-भवब्भासेणं तम्मि सिणेहो कुमारस्स ॥२९०३॥
 कुमरम्मि पउसो जोणगरस्स सो को वि माणसे वसइ ।
 जव्वसओ सो चिंतइ कुमरस्स विणासणोवाए ॥२९०४॥
 एत्तो य अपडुदेहा संपन्ना किंचि कुमुइणी देवी ।
 नाउं इमं वइयरं विगप्पियं किंपि समईए ॥२९०५॥
 अंसु-जलाविल-नयणो साम-मुहो जोणगो विसब्बो व्व ।
 दीहं नीससिउणं एगंते जंपए कुमरं ॥२९०६॥
 किं कुमर ! करेमि अहं ? कत्थ व वच्चामि मंदभग्गोहं ? ।
 अहह ! अइ-निंदणेज्जं हय-विहिणो विलसियं विसमं ॥२९०७॥
 तो कुमरेणं वुत्तं-वयंस ! विहिणा किमेयमवरद्धं ? ।
 कहसु ममावि हु तो जोणणेण वुत्तं-कह कहेमि ? ॥२९०८॥
 जं कहिउं पि न तीरइ एयं कहियं पि को व सदहिही ? ।
 तो कुमरेणं भणियं किमेरिसं जंपसि वयंस ? ॥२९०९॥
 एत्तिय-दिणाइं किं कयमसद्दहाणं कयावि तुह वयणे ? ।
 तो जोणगो पयंपइ जइ एवं कुमर ! तो सुणसु ॥२९१०॥
 अज्ज गिलाण-सरीरा भणिया देवेण कुमुइणी देवी ।
 किं तुह देहम्मि दुहं ? सा जंपइ किंपि न दुहं मे ॥२९११॥
 तत्तो निब्बंथेणं रत्ता पुट्ठाइ तीइ परिकहियं ।
 सवण-विसयं पि पत्तो कुमरो दूमेइ मह हिययं ॥२९१२॥

जह जह सुणेमि नामं इमस्स तह तह स मज्झा संतावो ।
 संभवइ जो न तीरई कहियं पि किमंग पुण सहितं ॥२९१३॥
 एयम्मि पुणो दिहे जाइ तं किं पि मह मणे दुक्खं ।
 मन्नामि जं न नरएसु नारयाणं पि संभवइ ॥२९१४॥
 जइ जीवियाए कज्जं मए तुमं ता करेसु कुमरस्स ।
 नामं पि जहा न सुव्वइ अन्नह मम^{२६} जीवियं नत्थि ॥२९१५॥
 एवं देवीए जंपियंमि देवेण पभणिआ देवी- ।
 मा कुणसु देवि ! खेयं तहा जइस्सं जहा न तुमं ॥२९१६॥
 नामं पि सुणसि कुमरस्स तस्स हक्कारिओ अहं तत्तो ।
 देवेण पणय-पुव्वं एगंते पभणिओ एवं ॥२९१७॥
 एएण कारणेणं कुमरो देसंतरं जहा कुणइ ।
 तं तह तुमं पयंपसु अम्हे पुण नियय-जीहाए ॥२९१८॥
 न चएमो वोत्तुमिमं कुमराभिमुहं भणिज्जसि तुमं तो ।
 आएसो^{२७} ति भणिता समागओ कुमर ! तुह पासं ॥२९१९॥
 तत्तो जमित्थ जुत्तं तं कुणसु तओ विचितए कुमरो ।
 नूणं महिलाओ इमाओ गरुय-दुच्चरिय-भरियाओ ॥२९२०॥
 जे के वि अणत्थपयं दोसा सुव्वंति सव्व-लोयम्मि ।
 तेसिं निवारसभूमी सव्वेसिमिमाओ महिलाओ ॥२९२१॥
 अन्नो होज्ज न होज्ज व कयाइ दोसो सहावतुच्छणं ।
 महिलाण मच्छरो उण निच्चं पि न मुंचए चित्तं ॥२९२२॥
 अहवा किं एएणं ? सच्चिय परमोवयारिणी मज्झा ।
 जं देस-दंसणे मह पुव्वं पि कुउहलं आसि ॥२९२३॥
 जओ-
 निय-पुन्न-परिक्खा देसभास नाणं संसत्त-माहप्पं ।
 नव-नव-कुउहलाइं न विणा देसंतरगमेण ॥२९२४॥
 तत्तो न इमा जइ पन्नवेज्ज एवं कमेण मह तायं ।
 ता नेह-निब्भर-मणो ताओ कह मं विसज्जेज्ज ? ॥२९२५॥

एवं विचिंतिऊणं कस्स वि अनिवेइऊण नयराओ ।
 खग्गसहाओ कुमरो विणिग्गओ जोणगेण समं ॥२९२६॥
 वच्चंतो य कमेणं पहे परिव्वायगस्स तो मिलिओ ।
 अन्नन्न-संकह-खित्त-माणसा जंति ते सव्वे ॥२९२७॥

पत्ता एगम्मि सन्निवेसे । ठिओ बाहिं गुणधरो । गया परिव्वायग-
 जोणगा मज्झभाए भोयणत्थं । गहियं जोणगेण भोयणं, दोल्लि मोयगा
 य इमं गुणंधरस्स दाहामि ति चिंतिऊण पक्खित्तमेगम्मि मोयगे विसं ।
 समागओ गुणंधर-सयासं । मइब्भमेणं दिब्बो निव्विसो मोयगो
 गुणंधरस्स, भुत्तो य अप्पणा सविसो । तव्वसेण मुच्छा-समुच्छिन्न-
 चेयणो निमीलिय-लोयणो निवडिओ महीए जोणगो । हा ! किमेयं ? ति
 पज्जाउलो जाव चिट्ठइ गुणधरो ताव काऊण भोयणं पत्तो परिव्वायगो ।
 दिट्ठो तेण तहावत्थो जोणगो । लक्खिय-विसवियारेण करुणाए कओ
 तन्नियत्तणोवयारो । जाओ सो समासत्थो । जं तेण गुणंधरस्स चिंतियं तं
 तस्सेव जायं । जओ-

चित्तेइ जो मूढमई दुरप्पा अपावचित्तस्स परस्स पावं ।

तेणेव पावेण हयस्स तरस्स तं अप्पणो चेव पडेइ पायं ॥२९२८॥

तिन्नि वि पयट्ठा गंतुं । कमेण पत्ता समंतओ भमंत-मत्त-मायंग-
 वग्घ-सिंघ-संघाय-संकुलं महाडविं । तत्थ पुरओ वच्चंतं परिव्वायगं
 पडुच्च कुविय-कयंतो व्व उद्धाइओ करचवेडा-भीएण घणेण
 उवाइणीकएहिं वज्जंततूहिं व कडारेहिं केसरेहिं करालकंधरो निय-
 हरिण-विणास-संकिएण हरिणकेण पणामियाहिं कलाहिं व कुडिलाहिं
 दाढाहिं दुप्पेच्छो, अतुच्छ-पुच्छच्छड-छोडणुत्तट्ठाए पुहवीए समप्पिएण
 पिय-पुत्तेण पडिवन्नो, भयमुत्तिणा मंगलेणं व फुलिंगपिंगलेण नयण-
 जुगलेण भीमाणणो पंचाणणो । 'भद गुणंधर ! परित्तायसु मम' ति
 अक्खंदियं परिव्वायगेण । तओ निसियग्ग-खग्गमुग्गीरिऊण गरूय-
 सत्तयाए 'भद ! मा बीहसु' ति बित्तेण गुणंधरेण हक्किओ केसरी । सो वि
 रोसवस-विवसो पहाविओ गुणंधराभिमुहं । दिट्ठो जोणगेण । अहो !
 सोहणं संवुत्तं जमेस केसरिणा संरुद्धो । सो एस ओसहं विणा वाहि-
 विगमो ति चिंतिऊण पणट्ठो जोणगो । गरूय-सत्तयाए अचिंत-
 सामत्थयाए पुब्बोदयस्स खग्गेण दुहा काऊण कुमारेण पंचत्तमुवणीओ

पंचाणणो । खेमेण चलिया कुमार-परिवायणा । पत्ता दोवि वसिमं ।
भणिओ परिवायणेण कुमरो- भद । रंजिओ हं इमिणा तुह सच्चरिएण ।
जओ-

संसय-तुलाए आरोविऊण निय-जीवियं पि सप्पुरिसा ।

कुव्वंति तुमं व परस्स पाण-संरक्खणं के वि ॥२९२९॥

ता महासत्त ! भणामि किं पि तुमं । कुमरेण जंपियं-आइसउ
अज्जो जं किंपि करणिज्जं । परिवायणेण वुत्तं- अत्थि मे दोन्नि
विज्जाओ पढियसिद्धाओ, एक्का विस-निग्घायणी अवरा जल-थंभणी
य । ताओ गिण्ह तुमं जेण सुपत्त-निक्खेवेण कयत्थमप्पाणं मन्नेमि ।
'अलंघणीय वयणा गुरुणो' ति भणंतेण दो वि विज्जाओ विहाणपुव्वं
गहियाओ कुमरेण । गओ परिवायणो अन्नत्थ । कुमरो वि पत्तो जयपुरं
नयरं ।

जं कामिणी-मुहं पिव सुदीहरच्छं सुहालय-सणाहं ।

रयण-समिद्धं जं पुण अनासडंडं तमच्छरियं ॥२९३०॥

पडिवक्ख-नराहिव-तरुणि-नयण-नीरप्पवाह-सित व्व ।

सव्वत्थ वित्थरिया भुवण-वणे जस्स कित्तिलया ॥२९३१॥

सो य जसेण नरिंदो परिपालइ तम्मि जयपुरे रज्जं ।

देवी जयावली मणसिहंडि-जलयावली तरस ॥२९३२॥

ताए धूया तइलोक्क-तिलयभूया अणन्नसमरूया ।

नामेणं ससिलेहा जण-नयणाणंदकर-देहा ॥२९३३॥

सा माहवी-पमुह-सहियणेण सद्धिं मणोरमुज्जाणे ।

कुसुमुच्चयं कुणंती दहुं चंपाहिवस्स सुयं ॥२९३४॥

जणगावमाण-वसओ समागयं तत्थ कणयसिह-नामं ।

मयणसर-ताडियंगी कहकहवि नियत्तिउं सगिहे ॥२९३५॥

सेज्जाए निवडिया नीसहेहिं अंगेहिं सयणलोएण ।

पुट्टा सरीर-वुत्तं मोणं काउं ठिया तत्तो ॥२९३६॥

अह माहवीए भणिया रहसि-असब्भाविणी सहि ! किमेवं ।

जाया तुमं ममावि हु जं कहसि पुरो न सब्भावं ॥२९३७॥

तह वि सरीराऽसत्थ-कारणं तुज्झ सहि ! मए नायं ।
जं रायसुय-पलोयण-कुउहलक्खित्त-चित्ताए ॥२९३८॥
कुसुमसर-पूयणत्थं न कओ कुसुमुच्चओ तए नूणं ।
तेण तुह कमलवयणे कुविओ कुसुमाउहो भयवं ॥२९३९॥
तेणावि ताडिया निय-सरेहिं जाया सि तो असत्थ-तणू ।
एइए लक्खियाहं ति लज्जिया चित्ताए कुमरी ॥२९४०॥
अद्धच्छि-पिच्छियाइं दूरे चिट्ठंतु वंक-भणियाइं ।
ऊसरियं पि मुणिज्जइ वियह-जण-संकुले गामे ॥२९४१॥
तो भणिया रायसुयाए माहवी-सहि ! तुमं वियह्हा सि ।
मुणसि सयं चिय ता नत्थि ते रहस्सं अओ सुणसु ॥२९४२॥
एगत्तो अणुराओ पेलइ लज्जा खलेइ अन्नत्तो ।
इय वग्घ-दुत्तडी-नाय-निवडिया किं करेमि अहं ? ॥२९४३॥
तो माहवीइ भणियं-धीरत्तं रायउत्ति ! मा मुयसु ।
तह कहवि जइस्समहं जइ झत्ति समीहियं लहसि ॥२९४४॥
इय जंपिऊण एसा रायसुय-समीवमुवगया सिग्घं ।
दिट्ठो सो अच्चत्थं मयणावत्थाए अणुरागो ॥२९४५॥
रायसुयाए सख्वं सव्वं तीए निवेइयं तस्स ।
तस्स विय सख्वं सव्वमक्खियं रायधूयाए ॥२९४६॥
अह माहवीइ तेषिं काल-विलंबाऽखमत्तणं नाउं ।
कामभवणे निसीहे विहिओ परिणयण-संकेओ ॥२९४७॥

तओ जायाए रयणीए केणइ अमुणिज्जंती अविन्नाय-रयणि-
विभागा अपत्ते वि मज्झ-रत्ते परिणयणाणुखवोवगरण-हत्थाए माहवीए
अणुगम्ममाणा मंदमंदुमुक्क-चलणा समागया कामाययणे ससिलेहा ।
कया कुसुमाउहस्स पूया । माहवीए वि भवणभंतरं करेण परामुसंतीए
पत्तो पुव्व-पसुत्तो तत्थ गुणंधरो । पुव्वुत्त-रायउत्त-संकियाए य सवण-
मूले ठाविऊण“ भणिओ-अहो ! किमेवं विलंबेसि ? । अवच्छमइ एस
हत्थग्गह-मुहुत्तो । एयं च सुच्चा गुणंधरेण चित्तिं- मज्जे एसा वराई
पुव्वकय-संकेय-पुरिस-बुद्धीए ममं समुल्लवइ । ता जावऽज्ज वि सो न
आगच्छइ ताव करेमि एय-वयणं ति चित्तिऊण उट्ठिओ एसो ।

समप्पियाइं पवर-वत्थाभरणाइणि माहवीए कुमरस्स । तेण वि
 'पुव्वभवारीविय-सुकय-कप्पदुमरस्स को वि कुसुमुग्गमो इमो' ति
 मंतिउिण नियत्थाइं ताइं । नीओ तीए एस कुसुमाउह-समीवं । कारिओ
 रायकन्नाए करग्गहणं । कओ सव्वो वि तच्छालोचिय-विही । भणियं
 माहवीए-रायउत्त ! जइ वि अविस्सुद्धो एस मग्गो तहावि गुरयण-
 अणाउच्छाए सयं कीरंतो न 'संतोसं जणइ ति, ता संपयमिहा-
 वत्थाणमणुचियं । तओ निग्गओ रायउत्तो ताहिं समं । वच्चंताणं पहे
 पहाया रायणी । समुग्गओ कमलबंधवो । सम्मं निरुविओ निरुवम-
 खव-लावण-सुन्नियामर-मरट्टो गुणंधरो रायकन्नाए । किमेयं ? ति
 पलोईयं मुहं माहवीए । 'असमिक्खियं कयं'ति विसन्ना माहवी । भणिया
 रायधूयाए- भदे !

मा कुणसु किं पि खेयं कायमणिं पइ पसारिए हत्थे ।

जइ चडइ मरगय-मणी पुन्नवसा किं तओ न्हं ? ॥२९४८॥

भोत्तुं गुड-मोयगमुज्जयाइ जइ खंड-मोयगो लद्धो ।

ता किं हरिसावसरे कायव्वो होइ मणखेओ ? ॥२९४९॥

गुणंधरेण निरुविया अहरिय-रइ-रंभा-खव-सरंभा रायधूया ।
 चित्तियं- अहो ! अणब्भा वुट्ठि ति । एवं अन्नोन्न-दंसण-खित्त-चित्ताइं
 पत्ताइं तामलित्तिं । ठियाइं तत्थ । परुद्धो परोप्परं पणओ । एगया
 मिलिओ जोणगो रायउत्तस्स । तेणावि नीओ नीयावासं पुट्ठो- भद !
 कुसलं ? । तओ 'हा ! तहाविहं वसणमणुपत्तो वि जीवइ इमो !' ति
 अंतोदूमिय-मणेण बाहिं कवड-नेहं पयासंतेण भणियमणेण-रायउत्त !
 कुसलं संपयं तुह दंसणेण । जओ-

एत्तिय-कालं तुह विरह-जलण-जाला-पलित्त-हियएण ।

पत्तं दुहं मए जं तं मा रिउणो वि पावंतु ॥२९५०॥

तुह सुद्धिकए रत्नं भमिओ गामाइएसु भमिरेण ।

कहवि पुरा-कय-पुन्नोदएण दिट्ठो सि अज्ज तुमं ॥२९५१॥

गुणंधरेणाऽवि सिट्ठो निय-वुत्तंतो जोणगरस्स । एवं वच्चंतेसु दिणेसु
 जोणगेण समं गओ गुणंधरो मयण-महूसवं पलोईउं । परिब्भमंतेण दिट्ठा
 सहयार-वीहियाए विबुद्धारविद-सुंदर-मुही कुम्मुन्नय-कमा कमलदल-
 विसालच्छी लच्छी विव मणोरमा नाम राय-कन्नगा । तीए अ तप्पइं

पेसिया पीऊस-वुट्ठि व्व दिट्ठी साहिलासं । ठिओ सो तत्थ वाजेण ।
भणिओऽणेण जोणगो- मित्त ।

नूणमिमीए निरग्गल-निसग्ग-सोहग्ग-भग्ग-गव्वाओ ।

लज्जाइ सुर-वहूओ अदिस्सभावं पवन्नाओ ॥२९५२॥

जोणगेण वुत्तं- तुमं महिला-लंपडो संवुत्तो ता एवं मन्नेसि ।
पेसियमिमीए कुमरस्स कविजलाए हत्थे तंबोलं । गहियं गुणंधरेण ।
किमेत्थ जुत्तं ति जाव चित्तइ ताव उम्भूलिऊण खंभं वियरिओ मत्त हत्थी ।
कयमणेण असमंजसं । आउलीहूओ जणो । समागओ सहयार-वीहिमुद्देसं
भउब्भंत-लोयणो पलाणो कन्नगा-परियणो । न पलाणा रायकन्ना ।
धाविओ तं पइ हत्थी । अद्धगहिया इमा । तेण धाहावियं परियणेण-
अत्थि को वि महासत्तो सप्पुरिस-चूडामणी चउदसी-जाओ जो अम्ह
सामिपिं कयंत-विब्भमाओ इमाओ रक्खेइ ? ।

तो धाविऊण हत्थी पच्छिम-भागम्मि रायपुत्तेण ।

मुट्ठीइ तहा पहओ तयभिमुहं सो जहा चलिओ ॥२९५३॥

तं वंचिऊण तत्तो नीया अन्नत्थ तेण रायसुया ।

नित्थारिया कयंताणुगारि-करिसंभमाहिं तो ॥२९५४॥

मुंचइ न मुंचमाणो वि रायकन्ना गुणंधर-कुमारं ।

आणंद-सुंदरेहिं पुणरुत्तं नियइ नयणेहिं ॥२९५५॥

तत्तो अन्नत्थ-गए गयम्मि मिलिओ अ परियणो तीए ।

तेणावि सखवं किंचि लक्खियं ताण दोणहं पि ॥२९५६॥

तम्मि समयम्मि पढियं केणावि हु मागहेण जह एसो ।

जयइ गुणंधर-कुमरो सूर-नरिदस्स वर-पुत्तो ॥२९५७॥

एत्थंतरे तरुण-पउरेहिं पारद्धं परुप्पर-विइन्न-सिंगय-जलप्पहार-
मुक्क-सिक्कार-मणहरं हरिणमय-घुसिण-घणसार-घणचंदणुम्मिरस-
सलिलेहिं छंटणं । गओ दिसोदिसं सव्व-लीगो । गुणंधरो वि पत्तो
नियावासं । अन्न-दियहे पेसिओ गुणंधरेण रायकन्ना-पउत्ति-निमित्तं
जोणगो रायसुयावासस्स पेरंते परिसक्खंतो दिट्ठो कविजलाए । तओ सो एस
तरस्स सुहय-सेहरस्स सहयरो ति बहुमाणपुव्वं हव्वारिऊण नीओ
रायकन्ना-समीवं । दिट्ठं सगोरवमासणं । दिट्ठा तेण रायकन्ना । केरिसी ?

पल्लव-सयणेज्ज-गया मुणाल-वलया मुणालमय-हारा ।
कय-कयलिदलावाया चंदण-रस-सित्त-सव्वंगी ॥२९५८॥

दीहं नीससमाणा अलद्ध-लवखं खणं निरिक्खंती ।
परिचत्त-कलब्भासा परिहरिआहरण-तंबोला ॥२९५९॥

परियणमणालवंती अट्टाण-विइन्न-सुन्न-हुंकारा ।
विरह-विहुरा सदीणा दिण-धूसर-ससि-विवन्न-मुही ॥२९६०॥

निदा-सुहं निसासु वि अपावमाणा दिणाइं गमयंती ।
कहवि गुणंधर-गुण-संकहासु कय-पहरिसुक्करिसा ॥२९६१॥

भणिया कविजलाए- सामिणि ! तरस्स सुभग्ग-चूडामणिणो मित्तो पेसणेणागओ । एयमायन्निऊण वलिय-कंधरं साणंदं पलोईऊण भणियं रायकन्नाए- भद्द ! सागयं ते, कुसलं ते मित्तरस्स ? तहा को एस तुह मित्तरस्स ववहारो ? जं एक्कसो दंसणं दाऊण पुणरुत्तं अणुरत्त-जणस्स वत्ता वि न पुच्छीयइ ? । इसिं हसिऊण कविजलाए भणियं-

जं सामिणि ! तुम्हाणं मणमवहरियं ति तेण सो सुहओ ।
अवराहिणमप्पाणं मुणिऊण अदंसणीहुओ ॥२९६२॥

रायसुयाए वुत्तं-अवराहपयं कहं न सो होज्जा ? ।
जेणाहं अइ-दुसहे विरह-हुयासम्मि पक्खित्ता ॥२९६३॥

तो जइ तं पेक्खिस्संतो भुयपासेण बंधिउं निबिडं ।
काहं तहा जहा सो मणभवणाओ न नीहरइ ॥२९६४॥

जोणगेण वुत्तं- देसंतरागओ मह मित्तो तेण अपरिचिय-रायकुलेसु पवेसं नो सक्खइ ति अवनमुणा(?) दंसणं कयं । कविजलाए भणियं- तुम्ह गवेसणत्थं सव्वत्थ नयरे पेसिओ परियणो मए, परं पउत्ति-मित्तं पि नोवलद्धं । ता कहेसु कया समित्तेण मम सामिणीए दंसणं कारविरसामि ? । जोणगेण वुत्तं-कल्लं कुसुमागरुज्जाणे मित्तमहं नइस्सं । तुमए मयणपूया-ववएसेण सामिणी नेयव्वा, जेण दंसणं दोणहं पि होइ ।

एत्थंतरे कंचुइणा आगंतूण विन्नत्तं-कुमरि ! देवी तुह अस्सत्थं सरीरं सोऊण अधिईए वत्तं पुच्छिउमणा आगच्छइ एसा । तओ विसज्जिओ जोणगो निग्गओ तओ ठाणाओ । वित्तियमणेण-अहो ! विसमं विहिणो

विलसियं ति ।

जह जह अहं उवाए चिंतेमि गुणंधरस्स वसणकए ।
तह तह दिव्वो वि इमो अहिययरं कुणइ कल्लाणं ॥२९६५॥
किं ववसाएण न किंचि विक्कमेणं मईए पज्जतं ।
एकं चिय देहीणं सुहमसुहं वा कुणइ दिव्वं ॥२९६६॥

तहावि न तरामि इमस्स महब्भुदयं दद्धं, एसा य रायधूया इमस्स अच्चंताणुरत्ता । इमीए सयासाओ महंतो अब्भुदओ संभाविज्जइ, ता अब्भहा तुग्गाहेमि एयं । तओ कित्तिंयं पि वेलं विलंबिउण बाहिं, अत्थमिए मायंडमंडले विसंभमाणे भुवणभंतरम्मि तमालमाला-सामले तिमिर-मंडले मलिणमुहो पत्थिओ आवासं । इओ य नागओ जोणगो ति संभंतो आवासाओ निग्गओ गुणंधरो । मिलिओ जोणगरस्स । पुट्ठो कुमरेण सो मित्त ! किमत्तिअ-वेलं ठिओसि बाहिं ? । कुविणए व जोणगेण वुत्तं-कीस जाणसि तुमं ? । दुब्बया वि तुज्झ अज्ज वि फलंति । अहं पुण अकय-पावो पावेमि वसणं । संभंतेण भणियं गुणंधरेण- मित्त ! वीसत्थो होउ, कहेसु किं संवुत्तं ? । जोणगेण भणियं- इओ गओहं तुहाएसेण, रायसुया-वास-पेरंते, परिसक्कंतो दिट्ठो रायपुरिस्सेहिं, तओ अरे ! सो एस रायविरुद्धकारिणो पुरिसस्स सहयरो, ता धरेमो इमं, पच्छा तं पि लहिस्सामो ति भणंतेहि कयंत-भडेहि व्व भिउडि-भीम-भालवहेहिं बद्धोऽहं तेहिं पुट्ठो य कत्थ सो तुज्झ नायगो जेण करि-संभम-मोयणा-ववएसेण चिरं परिरंभिया राय-धूया ? । तओ न याणेमि ति जंपियं मए । बाढं कयत्थिओ हं तेहिं तहावि मए न किंचि वुत्तं । संपयं सकज्ज-पज्जाउलाण तेसिं दिट्ठिं वंचिउण निग्गओहं । ता कुमर ! सच्चं कहेमि-

जयसेण-रायधूयं हरिउं वसणं न जं तुमं पत्तो ।
तं पाणिणए दीवो पज्जलिओ किं न चिंतेसि ? ॥२९६७॥

जइ जीविणए कज्जं ता वच्चसु पवहणं समारुहिउं ।
दीवंतरम्मि संपइ अब्भह ते जीवियं नत्थि ॥२९६८॥

सरल-हिययत्तणेण पडिवज्जिउण तव्वयणं गओ गुणंधरो जोणगेण समं वेलाउलं । आरुढा दोवि अचल-सत्थवाह-संतिए तक्काल-मुक्के पवहणे ।

वच्चंति जाव दीवंतरम्मि ते दो वि तत्थ आसुढा ।

ता जोणगेण दुहाभिसंधिणा मज्झरत्तम्मि ॥२९६९॥

पवहण-तडे निविट्ठो सरीरचिंता-कए विकरुणेण ।

खित्तो गुणंधरो धीरमाणसो जलहि-मज्झाम्मि ॥२९७०॥

तो खणमेव्वं ठाउं महंत-कोलाहलो कओ तेण ।

भाया गुणंधरो मे अहह ! कहं सायरे पडिओ ? ॥२९७१॥

ता किं करेमि ? कस्स व कहेमि ? कं वा उपालभामि अहं ? ।

इय किंचि विलविउणं तुट्ठमणो जोणगो चलिओ ॥२९७२॥

अह अन्न-दिणे दुज्जण-वयण व्व सज्जण-गुणेहिं सामलीकयं
गयणं घणेहिं, कुविय-कयंत-जीहाहिं व विप्फुरियं विज्जूहिं, तुच्छ-
पुरिसो व्व कहवि दाणं दाउण गलगज्जिं काउं पयट्ठो जलहरो, खलो
व्व लद्धप्पसरो समुच्छलिओ कालियावाओ, पीयमइरो व्व जाओ
जलही विसंतुल-पयप्पयारो । तओ तड ति फुटं महिला-हिअय-गय-
गुज्झं पिव पवहणं । जोणगो वि भवियव्वया-निओगेण लद्ध-फलगो
सत्त-रत्तेण समुत्तरिउण जलहिं लग्गो तीरि, चित्तिउं पवत्तो य-

गरूया वि आवया मह दूमेइ इमा न माणसं किं पि ।

जं पक्खित्तो खिप्पं गुणंधरो सायरम्मि मए ॥२९७३॥

खिवियं गुणंधरं जलनिहिम्मि मन्नइ कयत्थमप्पाणं ।

अह कुणइ दमगवित्तिं रज्जं व पहिट्ठ-चित्तो सो ॥२९७४॥

जओ-

पयइ खलस्स एसा सहिउण सयं किलेसजायं पि ।

हणिउं अप्पाणं पि हु परस्स जं कीरए दुक्खं ॥२९७५॥

सिहिप्पवेसं घण-घाय-कुट्टणं सराण-संगं दढ-मुट्ठि-पीडणं ।

खलो किवाणो पर-मारणुज्जओ सहेइ नूणं वसणं न कित्तियं ? ॥२९७६॥

इओ य गुणंधरेण सुमरिया जलथंभिणी विज्जा । तप्पभावेण
जलोवरि तरंतो दिट्ठो पहाय-समए दोहिं विज्जाहरेहिं उप्पाडिओ, नीओ
सुवेल-पव्वयं ।

घण-निद्ध-पत्तलाइं जम्मि विरायंति तरु-निउंजाइं ।

सूर-भएण व तिमिराइं मिलिय-दुग्गं पवन्नाइं ॥२९७७॥

मरगय-सिलायलुल्लसिय-किरण-जालाई गयण-लग्गाई ।

जम्मि रवि-रह-तुरंगा लिहंति हरियंकुर-भमेण ॥२९७८॥

तत्थ वित्थिन्न-रयण-खंड-खचिय-खंभ-संभव-पहा-पहयंधयार-
पसरं पसंडि-पासायं आरोविऊण 'सामि ! एस अम्हेहिं सलिलोवरि तरंतो
पत्तो महाभागो'ति भणंतेहिं मुक्खो अणेग-विज्जाहर-परिगयस्स पुरओ
वाउवेग-विज्जाहरस्स । तेणावि ससमंभममब्भुट्टिऊण आलिंमिओ गाढं,
निवेसिओ पवरासणे भणिओ य- भद ! गुणंधर ! सागयं ते । तओ
कहमेसो ममं जाणइं ति विम्हय-खित्त-चित्तेण वुत्तं गुणंधरेण- सागयं
तुम्ह दंसणेण । आणत्तो निय-परियणो खयरसरेण-करेह न्हाण-
भोयणोवयारमेयस्स । कमल-कोमल-करयलेहिं खयरगणेहिं गुणंधरो
अब्भंमिओ गंध-तिल्लेहिं सुगंध-दठवेहिं उठ्वट्टिऊण, पहविओ
कणग-भिंमार-मुह-विणिग्गय-गंधोदएहिं । नियत्थ-पसत्थ-वत्थो
वित्थिन्न-मंडवे वाउवेग-विज्जाहरेण सह दिव्व-रसवईए भोत्तुमादत्तो ।

एत्थंतरे तिरिच्छच्छि-विच्छोहेहिं समुच्छलंत-मच्छरिछोलि-छाइयं
पिव दिसिचक्कं गुणंती समागया गयण-गामिणी मणिमयालंकार-
किरण-करंबिय-भवणब्भंतरा तत्थ विज्जुलेहा कन्नगा । सा य भुजंतस्स
निय-बंधुणो वाउवेगस्स समीवे हत्थ-साडयं गहिऊण ठिया । दिट्ठो तीए
गुणंधरो अच्चंत सुंदरागारो ति गरुय-विम्हिय-खित्त-चित्ताए पुणरुत्तं
पलोईउं साहिलासाए दिट्ठीए चित्तिं च-

तइल्लोक्क-तिलय-भूयं खयं दट्ठं इमस्स मयणो वि ।

लज्जाए विलीण-तणू नूणमणंगत्तणं पत्तो ॥२९७९॥ .

गुणंधरो वि विज्जुलेहा-लावन्नावलोयण-परठवसो मयणसर-
सल्लिय-मणो चित्तिउं पवत्तो- अहो ! चंगिमा अंग-सन्निवेसस्स ।
अहो ! महुरिमा मुहकमलस्स । अहो ! लवणिमा लोयणाणं ।

चिट्ठइ सइ सन्निहिया किं विज्जादेवया इमा का वि ? ।

विज्जाहरेण इमिणा सत्तेण वसीकया संती ? ॥२९८०॥

जइ पुण अणन्न-सरिसं खवमिणं होज्ज माणुसीणं पि ।

ता सुरलोय-निमित्तं मुहा किलिस्संति मूढमणा ॥२९८१॥

इच्चाइ चिंतयंतो कय-भोयणो कर-कलिय-तंबोलो खयरें समं

निसन्नो महल्ल-पल्लंके । विविह-विणोएहि गमिउण खणं भणिओ
वाउवेगेण- भइ ! अत्थि किंचि वत्तव्वं ? गुणधरेण वुत्तं- सम्मं भणसु
निव्वियग्घं ।

विज्जाहरेण वुत्तं- वेयट्ठो नाम पव्वओ अत्थि ।

नवरयण-कूड-सिहरग्ग-भग्ग-रवि-रह-तुरंग-पहो ॥२९८२॥

तत्थऽत्थि रयणसालं नयरं नय-रम्म-खयर-रमणीयं ।

रमणीयण-रयणाहरण-किरण-निम्मविय-सुर-चावं ॥२९८३॥

साहिय-समग्ग-विज्जो विज्जाहर-मउलि-मिलिय-पयकमलो ।

धम्मत्थ-काम-निरओ जलणसिंहो तत्थ खयरिदो ॥२९८४॥

तरस्सत्थि चंदकंता कंता सयलावरोह-कयसोहा ।

सोहग्ग-रयणखाणी ताण सुओ वाउवेगो हं ॥२९८५॥

किंच मह लहुय-बहिणी लहूकयाऽमर-पुरंधि-खवमया ।

मयणरस्स हत्थि भल्लि ठ्व विज्जुलेह ति नामेण ॥२९८६॥

संपत्त-जोव्वणा सा पत्थिज्जइ पउर-तरुण-खयरेहिं ।

ताएण चितियं तो जरस्स न दिज्जइ इमा बाला ॥२९८७॥

सो वि करिस्सइ कोवं ति रोहिणी देवया तओ पुट्ठा ।

साहेसु देवि ! होही को एत्थ वरो मह सुयाए ? ॥२९८८॥

तो देवयाए कहियं- सुवेल-पव्वय-समीव-देसम्मि ।

१०० पेच्छसि जं नररयणं समुद्द-सलिलोवरि तरंतं ॥२९८९॥

होही गुणंधरो नाम सो वरो नूण विज्जुलेहाए ।

तो ताएणाणसो इहागओ हं सपरिवारो ॥२९९०॥

गहिउण विज्जुलेहं तो एत्थ विउव्विउण पासायं ।

चिट्ठंतेण मए खलु चउदिसं पेसिया पुरिसा ॥२९९१॥

जलनिहि-गवेसणत्थं तेहिं भमंतेहिं तो तुमं दिट्ठो ।

सलिलोवरि तरंतो समप्पिओ मह इहाणेउ ॥२९९२॥

ता मज्झ पत्थणाए करग्गहं कुणसु विज्जुलेहाए ।

जेणऽम्ह जणयलोओ लहेइ मण-निव्वुई सव्वो ॥२९९३॥

ततो गुणंधरेणं वुत्तं वियसंत-वयण-कमलेण ।
 भो ! सव्वहाणुकूले कज्जमि किमित्थ वत्तव्वं ? ॥२९९४॥
 एक्कं ता कज्जमिणं मण-इहं तुम्ह पत्थणा दुईया ।
 तं भुविखाए^१ सयमवि निमंतणेणं समं जायं ॥२९९५॥
 ता भद ! जणो एसो करिस्सई नूण जं तुमं भणसि ।
 जं पुण जुताऽजुत्तं तमेत्थ जाणसि तुमं चेव ॥२९९६॥
 तो खयरेणं वुत्तं- जुत्तमिणं सव्वहा जओ भद ॥
 कहिओ सि देवयाए एक्कं अन्नं बहुगुणो सि ॥२९९७॥
 वर-रूव-संपयालोयणाओ नायं तुमं बहुगुणो ति ।
 जत्थागिई गुणा तत्थ हुंति जम्हा इअ पसिद्धी ॥२९९८॥
 दहुं विणयमउव्वं विसुद्ध-कुल-संभवो ति नायमिणं ।
 जम्हा अकुलीणाणं न होइ विणओ ति जणवाओ ॥२९९९॥
 ततो गुणंधरेणं लज्जोणय-कंधरेण संलत्तं ।
 का रूव-संपया मह को वा विणओ गुणा के वा ? ॥३०००॥
 किंतु गुण-रयण-रोहण-सुयणाण सिरोमणी तुमं जेण ।
 तेणुव्वहसि महायस ! विगुणे वि परमि परिओसं ॥३००१॥
 किंच तुमं विमलगुणो मुणसि तओ जंपिउं पियं चेव ।
 न कयाइ अमयकिरणो अन्नं अमयाउ पज्झरइ ॥३००२॥

इच्चाइ सुह-संकहाहिं गमिऊण खणमेक्कं वाउवेगेण आणतो
 निय-परियणो जहा-‘करेह सिग्घं विवाह-सामग्गिं, जेण अज्जेव संझाए
 सोहणं लग्गं ति कीरइ करग्गहण-मंगलं’ । तओ लग्गो समग्गो
 परियणो निय-निय-वावारेसु ।

इओ य भोयण-मंडवाओ विज्जुलेहा गुणंधराओ हीण-गुणमप्पाणं
 मन्नमाणी किंचि विसन्न-माणसा पत्ता पासाउवरिमत्तलं, तत्थ य संताव-
 नीसहेहिं अंगेहिं दीहुणह-नीसास-विसोसियाहरा निसन्ना सिज्जाए ।
 दिट्ठा तहट्ठिया निउणियाए भणिया-‘सामिणि ! किमेवमुव्विग्गा विव
 लवखीयसि ? । तओ वामयाए मयणस्स विज्जुलेहाए भणियं-‘न
 याणामि किंपि, केवलं भोयण-मंडवं गयाए मम सो को वि महंतो संतावो
 संजाओ जो कहिउं पि न तीरइ’ । तओ तीए कया कयलिदल-पवण-

जलदाइ सिसिरोवयारा । पुणो चलणेसु लग्गिऊण भणियं निउणियाए-
सामिणि ! कहेह को एत्थ परमत्थो ? । निब्बंधे कए कहियमणाए जहा-
सुयं मए अज्ज समुदे तरंतो को वि सप्पुरिसो लद्धो । देवयाए कहिओ ति
पारद्धो मह बंधुणा महंतो तस्स उवयारो । भोयण-मंडवं गयाए अ मए
मयणबभहिय-रूवाइ-गुणो पच्चवखीकओ नयणेहिं । तं अप्पणो
अबभहिय-गुणं पेच्छमाणीए मणम्मि जाया मे चिंता किमेस मं
पडिवज्जिस्सइ न व ? ति । तमेयं मे विसाय-कारणं । निउणियाए
भणियं-सामिणि ! मुंच विसायं जओ-

जइ गिरिसुयं गिरीसो नेच्छइ सिरिवच्छलंछणो लच्छिं ।

मयरद्धओ रइ तो तुमं पि नायरइ सो सुहओ ॥३००३॥

किं च भोयण-मंडवे तुह समीवट्टियाए मयण-परवसत्तणं तस्स तुमं
पेच्छमाणस्स सक्खा वेअलक्खित्तं । एत्थंतरे आगंतूण चउरियाहिहाणाए
चेडीए भणियं-सामिणि ! जुवराओ आणवेइ-‘अज्जेव संझाए
पाणिग्गहण-लग्गं, ता संपयं कीरंतु सरीर-सक्कार-मंगलाइं । विज्जुलेहा
तहेव काउमाढत्ता । लग्ग-समए समागए महाविभूईए परिणीया
गुणंधरेण । दिङ्गं वाउवेगेण तीए गुणंधरस्स य सुवन्न-रयणालंकार-
वत्था य वित्थिण्ण-वत्थुजायं । ठिओ तत्थेव कयवइ(कइवय)-दिणाइं ।
अन्नया गुणंधरेण वुत्तो वाउवेगो-तामलितीए नयरीए ममं पराणेहि । तओ
तेण तक्खणा विउन्वियं विउल-मणि-दिप्पमाणं महप्पमाणं विमाणं ।
आरोविओ गुणंधरो निउणिया-चउरियाहिं चेडीहिं समं विज्जुलेहा,
सुवन्न-रयणाइयं च आणिऊण तामलितीए कुसुमागरुज्जाणे मुक्काइं
सव्वाइं । तओ वाउवेगो विओग-विगलंतसुजलाविल-लोयणो गुणंधर-
विसज्जिओ संतो पत्तो सठाणं । गुणंधरो वि वाउवेग-गुणावज्जिय-
हियओ तव्विरहे सुन्नं व अप्पाणं मन्नए । अरइ-विणोयणत्थं वण-पेरंतसु
परिबभ्रमंतेण तेण दिहं पिह्ललग्ग-सिर-पिट्ट-कुट्टण-पयट्ट-खयमाण-
रमणि-चक्कं । अक्कंद-सद-रउद-पुरिस-परंपरा-परिगयं मयगं, तूरसद-
सवणाओ जीवमाणं निज्जइ ति नाऊण पुट्ठो गुणंधरेण पासवत्ती
पुरिसो-भद ! को एवं कयंतातिही संवुत्तो ? , केण वा निमित्तेण ? ।

तेणावि नाय-वुत्तंतेण वुत्तं-सोम ! सुण, अत्थि एत्थ रिद्धि-
वित्थरावहत्थिय-वेसमणो समग्ग-मग्गण-मणोरहाइरित्त-वित्तप्पयाण-

पत्त-कित्ति-पढभार-भरिय-भुवणळभंतरो निरंतर-दया-दविखन्नाइ-
गुण-रयण-रयणायरो रयणायरो^{१२} सेट्ठी । तरस चउण्हं पुत्ताणं उवरि
मणोरह-सएहि समुप्पन्ना संपुञ्ज-ससि-निम्मलेणं निय-गुण-कलावेणं
सयल-रमणि-चक्क-चूडामणी मणिप्पभा कण्णगा, जीए निरुवम-खवं
पेच्छंता अणिमिसेहिं नयणेहिं अणिमिसनयणि(णा) ति पसिद्धिमुवगया
सुरवरा नूणं । सा य संपयं कुसुमाउह-महाराय-लीलावणे जोव्वणे
वट्टमाणी निय-घरासन्नुज्जाण-मज्झा-गया नाणाकीलाहिं कीलमाणी
डक्का उक्कड-विस-विसहरेण । तव्वियार-वस-नट्ट-चेयणा परसु-
निक्कत्त-चंपयलय व्व धस ति निवडिया धरणीए । कओ परियणेण
हाहारवो । तं सोऊण ससंभमो समागओ सेट्ठी । मिलिओ समग्ग-
सयण-वग्गो । दिट्ठा तयवत्था कन्नगा । समाहूया पहाण-गारुडिया ।
विहिपुव्वं पढियाइं तेहिं गारुडाइ, पउत्ताओ विविहोसहीओ, बद्धाओ
मणीओ, कओ जल-जंतप्पओगो । परं सव्वं पि नीराग-पुरिस-पउत्तं
सकाम-कामिणी-कडविखयं व, नीरस-जण-पुरओ पढियं सुभासियं व
ऊसर-खित्ते निविखत्तं बीयं व, निप्फलं संपन्नं । पुणो वि सिट्ठिणा
पडहग-दाण-पुव्वं उग्घोसावियं नयरीए जहा-जो सेट्ठि-धूयं जीवावेइ
तरस सेट्ठी जं मग्गियं पयच्छेइ । अवि य,

जो वरडिं पि न याणइ आहुओ सो वि सिट्ठिणा तत्थ ।

नेहाउराण अहवा केत्तियमेत्तं मणुरसाणं ? ॥३००४॥

तेहिं पि जं कायव्वं तं कयं सव्वं । तहावि न जाओ को वि
विसेसो । तओ पच्चवखाया सव्वेहिं । वियलियासा बंधुणो । हा मच्चो
मुद्धो ति भणंतो घरिणीए रयणवईए समं मुच्छा-निमीलयिच्छो निवडिओ
महीए रयणसारो । परियण-कओवयार-लद्ध-चेयणो सोम-संगलंतंसु-
जल-पज्जाउल-कवोलो - 'हा वच्छे ! चंद-चारु-वयणे ! हा विसट्ट-
कंदोददल-दीह-नयणे ! नयणेहिं इमेहिं कत्थ पुणरुत्तं पलोइयव्वा सि'
ति पलवमाणो खणं मुच्छिओ खणं सत्थो तं धूया-सरीरगं अग्गिणा
सक्कारिउमणिच्छंतो भणिओ सयण-वुट्ठेहिं - 'महाभाग ! परिच्चयसु
^{११}विओय-सोयं । अवलंबेहि धीरियं ।

तुम्हारिसावि पुरिसा जइ विहरिज्जंति दट्ट-सोएणं ।

ता कत्थ धिरं होही धीरत्तमणिदियं भुवणे ॥३००५॥

किंच सुरासुरेहिं पि अप्पडिहयप्पसरो मच्चू ता संठवेसु अप्पयं,
 मुंचसु नेह-कायरत्तणं । करेसु धूया-सरीरगरस्स सक्कारं । इच्चाइ-
 पन्नविओ संतो कहवि तमेयं काउं ववसिओ सेट्ठी । गुणंधरेण वुत्तं-तूर-
 सइ-सवणाओ नायं मए जहा-‘सजीवमेयं’ति । तओ जो एयं जाणइ सो
 कयाइ जीवणोवायं पि जाणिरसइ ति चिंतिउण भणियं पुरिसेण-
 महारत्त ! अत्थि किं कोवि जीवणोवाओ ? । गुणंधरेण वुत्तं-अत्थि ताव
 मंतो, कज्ज-सिद्धीए पुण दिव्वो पमाणं, ता पउंजेमि मंतं जइ धरावेसि
 मयगं । पुरिसेण सिग्घं गंतूण चियाए आरोविज्जमाणं धरावियं, भणिओ
 य सेट्ठी-अत्थि एवो सप्पुरिसो जो इमं जीवावेइ । पच्चुज्जीविणेव
 भणियं सेट्ठिणा-कहिं सो ? । पुरिसेण वुत्तं-एसो एइ ।

एत्थंतरे पत्तो तत्थ गुणंधरो, दिट्ठो लोएण । ‘अहो ! भद्दागिइ’ ति
 विम्हिओ एसो । नूणं जीविया मणिप्पभ ति । जाओ समासत्थो सव्व-
 लोओ । करावियं मंडलं गुणंधरेण । ठाविया तत्थ कन्ना । कओ सयं
 सिहा-बंधो । सुमरिउण मंतं भणिया एसा- उट्ठेहि, जणणीए मुहसोहं
 देहि ति । उट्ठिया एसा, गहिया सुवन्न-वालगा, तीए दिन्नं मुह-सोहणं,
 हरिसिओ सव्व-लोओ, वायावियं तूरं । तं च वारावियं गुणंधरेण । नणु
 किमणेण ? । अज्जवि सविसा एसा, इमं पुण मए मंत-सामत्थं दंसियं,
 न उण किंपि कम्मं करेमि । लोएण भणियं- महापभावो तुमं ति । ता
 जीवावेहि इमं । पाडिया पुणो उत्तरिज्जाहरण-विस-संकामणेण दंसियं
 कंचि वेलं जणाण खेडुं । जीवाविया सा परमत्थेण । हरिसुप्फुल्ल-
 लोयणाए अणाए पलोईओ साहिलासं कुमारो, तेणावि विम्हिय-मणेण
 मणिप्पभा ।

अवरोप्परं नियंताण ताण फुरिओ सको वि मयणाही ।

इक्काइं जेण जायाइं दोवि सुन्नाइं सहस ति ॥३००६॥

जायं महावद्धावणयं ।

चलिओ गुणंधरो सट्ठाणं । जओ-

अच्छरियगरा गरुया उवयारं जं परस्स काउण ।

पच्चुवयार-भएणं दूरं तत्तो पलायंति ॥३००७॥

पडिबोहए दिणिंदो कमलाइं किंपि निच्छए तत्तो ।

वरिसंति जए जलया न किंचि तत्तो समीहंति ॥३००८॥

तम्हा न सामन्नपुरिसो एसो ति चित्तिऊण सिद्धिणा भूयाए घेतूण
भणिओ गुणंधरो-‘महासत्त ! पवित्तेसु निय-पय-पंकएहिं मज्झ
भवणं । एतिएणावि कयत्थमप्पाणमहं मन्नामि । गुणंधरेण वुत्तं-अत्थि
एवं, किंतु सकज्ज-वावडत्तणेण गंतव्वं मए । सेट्ठिणा वज्जरियं- परत्थ-
संपाडणं चेव तुम्हारिसाण सकज्जं ति निब्बंथं काऊण सेट्ठिणा नीओ
पुरिसेण समं सघरं गुणंधरो । काराविओ ण्हाण-भोअणाइयं । तदवसाणे
भणिओ-

जं अन्नो न सक्कइ मह एकं तं पियं कयं तुमए ।

अन्नं पि कुणसु सुयणा कुणंति नहि पत्थणा-भंगं ॥३००९॥

कुमरो जंपइ सज्जोमिहि तत्थ एसो कहेसु जं ^{११}किच्चं ।

सिद्धी साहइ सुपुरिस ! एयं परिणेषु मह धूयं ॥३०१०॥

गुणंधरेय पलोइयं पुरिस-मुहं । पुरिसेण वुत्तं-महाभाग ! सव्वस्स
अलंघणीय-वयणो सेट्ठी रयणायरो गुणागरो गरुओ य तुमं । ता कीरउ
जमेस वागरइ । गुणंधरेण वुत्तं- जइ एवं तो तुमं जं किं पि जाणसि
त्ति । पहिह-हियएण सेट्ठिणा महंतो अम्हाणमणुग्गहो ति भणंतेण
हक्काराविओ नेमितिओ । कहियं च तेण- तम्मि चेव दिणे संज्ञाए सोहणं
लग्गं । तम्मि महा-विभूर्इए मणिप्पभाए पाणिग्गहणं कराविओ
गुणंधरो । सेट्ठिणा पयट्ठाविओ महूसवो । दिज्जंति महादाणाइं । किज्जंति
सयण-सम्माणाइं । नच्चंति चारु-तरुणीओ । गिज्जंति मंगलाइं ।
रइज्जंति गुरु-देवया-पूयाओ । एवं पमोय-पगरिसं पत्ते विवाह-महूसवे
दुईय-दिवसे विसिह-नेवच्छ-विच्छाईय-सुरकुमारो दिट्ठो गुणंधरो कहिंचि
तत्थ सपओअणाऽऽगयाए माहवीए । विम्हयवसुप्फुल्ल-लोयणाए गंतूण
साहियं जहादिहं ससिलेहाए । सा विय पवट्ठंत-हरिस-मच्छरा माहवीए
समं समागंतूण ममेस भत्तारो ति भणंती घेतूण भूयाए गुणंधरं पत्थिया
सभवणं । ममेस जामाउगो ति भणंतो निय-धूयाए मणिप्पभाए समेओ
लग्गो पिहओ सेट्ठी ।

इओ य विज्जुलेहा निउणियाए समं गुणंधरं गवेसमाणी समागया
तत्थ । सा वि तं दट्ठण ममेस भत्तारो ति भणंती लग्गा अवर-भूयाए ।
परोप्परं च विवयमाणाइं दिट्ठाइं ताइं तलारेण । नियाणि रायउलं ।
दंसियाणि रन्नो । पणमिओ अणेहिं राया । रन्ना पुट्ठो सेट्ठी- भद !

કિમેયં ? તિ । તેણ વુત્તં-દેવ ! મહ ધૂયા મણિપ્પમા એસા સપ્પેણ ડક્કા પચ્ચવચ્ચાયા સઠવ-નારુડિએહિં મય તિ નીયા મસાણે, જીવાવિયા ઇમિણા મહાસત્તેણ । પરમોવચારિ તિ પરિણાવિઓ એસો મે મહંત-પત્થણાએ એયં ચેવ ધૂયં । પુઠ્ઠા રાહણા સસિલેહા । સા વિ લજ્જાભરોણય-મુહી જાવ ન કિં પિ જંપઈ તાવ ભણિયં માહવીએ- મહારાય ! એસા મહ સામિણી મહારાય-જણયસેણ-ધૂયા, ઇમરસ ભજ્જા, ઇમિણા સદ્ધિં ઇહાગયા । ઠિઓ ય એત્થ એસો કહવચ-દિનાણિ, ગઓ ય પચ્છા કહિંચિ તિ ન નાઓ । એય-વિરહે ય મહ સામિણીએ તં કિંપિ દુક્ખમણુભૂયં જં કહિંચં પિ ન તીરહ । અજ્જ પુણ બહૂય-કાલાઓ પુણ્ણોદ્દણ એસ દિઠ્ઠો । પુઠ્ઠા વિજ્જુલેહા । તીએ વિ લજ્જાવસેણ સયં મોણમવલંબિડુણ દિઠ્ઠિસન્નાએ નિડત્તા નિડણિયા । તીએ જહા- વેયહ્મ-પવ્વએ રયણસાલનયર-સામિણો રયણ-ખેયરિદ્દસ^{૩૩} ધૂયા ઇમા, જહા દેવચાએ કહિઓ ઇમીએ સ વરો, જહા વાડવેગેણ બંધુણા સમં સુવેલ-પવ્વએ સંપત્તા, જહા સમુદ્દે તરંતો એસ લદ્ધો, જહા ઇમિણા પરિણીયા ઇમા, જહા વાડવેગેણ વિમાણમારોવિડુણ કલ્લં કુસુમાગરુજ્જાણે આણિડુણ મુક્કાઈ દોવિ, જહા અકહિડુણ ગઓ ગવેસંતીએ અજ્જ દિઠ્ઠો તહા સવ્વમાવેહયં ।

તઓ રાયા વિમ્હયરસાવહિય-હિયઓ ચિંતિતં પવત્તો- અહો ! એયસ્સ અચ્ચબ્ભુયં ચરિયં । અહો ! અચ્ચંત-ચારુત્તણ-તણીકયાણંગ-ચંચિમા તણુલયા । અહો ! અણન્નસરિસો પુન્ન-પગરિસો, તા નૂણં ઇમિણા મહાસત્તેણ કેણાવિ મહગ્ઘ-ગુણમણિ-મહલ્લવેણ ^{૩૪}વિસાલકુલ-સંભવેણ હોયવ્વં તિ ચિંતયંતરસ રત્તો સમીવમાગયા કવિંજલા, દિઠ્ઠો અણાએ ગુણંધરો, પચ્ચભિજાણિડુણ હરિસવસ-વિસદ્દંત-વચણ-કમલાએ ભણિયમણાએ-દેવ ! સો એસો સૂર-નરેસરસ તણઓ ગુણંધરો નામ નીસેસ-કલા-કુસલો સોહગ્ગ-મહોઅહીં ધીરો જેણ કરિ-સંભમ-મોયણાઓ કુમરીએ જીવિયં દિન્નં । તં નિક્કયત્થમિવ હિયયમપ્પિયં તીએ વ ઇમરસ ।

જમ્મિ સુહયમ્મિ કુમરી ચિટ્ઠઈ અણુરાય-નિબ્ભરા નિચ્ચં ।

સા જસ્સ ચરિય-સંકિત્તણેણ વોલેહ દિયહાઈ ॥૩૦૧૧॥

જસ્સ ગુણ-રયણનિહિણો વિરહ-હયાસેણ પલિત્ત-સવ્વંગી ।

જલણ-પલિત્તાઈં વ દિસમુહાઈં મણ્ણઈ મણે કુમરી ॥૩૦૧૨॥

पत्थिज्जन्ती वि महानरिद-तणएहिं गुण-महग्घेहिं ।
 निप्पडिम-देहसुंदेर^{१०}-दलिय-कंदप्प-दप्पेहिं ॥३०१३॥
 तप्परिनयण-निमित्तं जणणीहिं सहीहिं परियणेणं च ।
 देवस्साएसेणं बहुयं पि भणिज्जभाणा वि ॥३०१४॥
 मोत्तूण जं सररि मह जलणो चेव लग्गइ न अन्नो ।
 इय निच्छियं विहेउं एत्तिय-कालं ठिया कुमरी ॥३०१५॥
^{११}एयं च निच्छयं जाणिऊण कणगप्पभाइ देवेण ।
 जस्स गवेसण-हेउं चउदिसं पेसिया पुरिसा ॥३०१६॥
 संपइ सयमेव समागओ इहं अज्ज दिव्व-जोएण ।
 एसो सो रायसुओ, जं जुत्तं तं कुणउ देवो ॥३०१७॥
 एक्कं अहियं पि कपिजलाए परिओस-निब्भरो राया ।
 जंपइ ^{१२}कविजले साहु साहु तुमए इमं कहियं ॥३०१८॥
 जओ-

जं सिरि-सूर-नरिदस्स परम-मित्तस्स निद्धचित्तस्स ।
 पुत्तो समागओ इह अम्हेहिं न याणिओ पुत्विं ॥३०१९॥
 तं पि मणे अम्हाणं अज्जवि सल्लं व सल्लए बाढं ।
 जं च करि-संभमाओ विमोइयाऽणेण मह धूया ॥३०२०॥
 तस्स सुकयस्स उचियं अम्हेहिं न किंचि जं कयमिमस्स ।
 तं सामन्नजणाण वि मग्गेण न वट्टिया अम्हे ॥३०२१॥
 अणुवकए वि परेसिं कुव्वंति उवयारमुत्तमा लोए ।
 उवयारे उवयारो चरियमिणं पागयजणस्स ॥३०२२॥

तं पि पमाय-परव्वस-माणसेहिं अम्हेहिं नायरियं ति । अहो !
 अकयन्नुत्तणं । कुमरेण वुत्तं-देव ! तुम्हाण व तुमेयं न जुज्जए ॥ जओ-
 गरुयाण मणपसायं विओसमेत्तं ति गरुय-सम्माणं ।
 दाणाइ-पयारेण उ रंजिज्जइ पागओ लोओ ॥३०२३॥
 सुद्धाण सुद्ध-भावो सुद्धस्स परस्स कुणइ परिओसं ।
 चंदम्मि अदितम्मि वि दिहे वियसंति कुमुयाइं ॥३०२४॥

सोऊण मण-पसाओ तुम्ह ममोवरि न विहडए चेव ।

न कयावि नियय-मेरं लंघइ रयणायरो नूणं ॥३०२५॥

रत्ना भणियं- कुमार ! संपयं इणमेव पत्तयालं जहा कणगप्पहाए कुमरीए कीरउ करग्गहणं । कविजलाए भणियं- सोहणं भणइ देवो । कुमरेण वुत्तं- जुत्तमेव जाणंति वोत्तुं महापुरिसा । केवलं ससिलेहा-पमुहाओ पुच्छसु इमाओ । रत्ना भणियं- कविजले ! उच्चियमाह कुमारे जओ पुव्वं पि कलहंतीओ दीसंति, ता इमाओ पुच्छमरिहंति । कविजलाए समीवमुवसप्पिऊण भणिया ससिलेहा- भदे ! पढम-घरिणी तुमं कुमारस्स, ता अणुमन्नसु रायधूयं । तीए भणियं- किमहं निवारेमि ? । किं वा ममं पुच्छिऊण एयाओ वि परिणीयाओ, ता किंपि जं मणस्स रोयइ तं करेउ ति ।

ततो भणिया विज्जुलेहा । तीए भणियं- जं अज्जउत्तस्स बहुमयं तं ममावि बहुमयं चेव । नाहं अज्जउत्तस्स पडिक्कलभासिणी । तओ पुट्ठा सेट्ठिधूया । तीए लज्जावस-खलंतवखराए वुत्तं अव्वत्त-सदं- किमहं जाणामि ? केवलं जं इमाण दोणहं पि अणुमयं तं मे मत्थयस्सोवरि ति । पहट्ट-मुहपंकयाए कविजलाए भणिओ राया- देव ! सव्वाहिं पि बहुमन्नियं कणगप्पहाए कुमरीए करग्गहणं । ततो हरिसियमणेणं तहा सव्वासिं पि तुम्हाण साहारणी एस भत्ता, अओ परोप्परं परिचत्त-चित्त-संतावाहिं तुब्भेहिं -पिया विव वट्ठियव्वं ।

अन्नं च अओ उट्ठं तुम्हे सव्वाओ मज्झ धूयाओ ।

होउ चउत्थी बहिणी एसा कणगप्पहा तुम्ह ॥३०२६॥

एवं जंपतेणं गुणंधरो पूइओ नरिंदेणं ।

ताओ चिय सव्वाओ वत्थाभरणाइ-दाणेण ॥३०२७॥

रत्ना विसज्जिओ सो गओ सभज्जो गुणंधर-कुमारे ।

कणयमय-खंभ-कलिए राय-समप्पिय-वरावासे ॥३०२८॥

संवच्छरिय-विणिच्छिय-पहाण-लग्गे गुणंधरो रत्ना ।

परिणाविओ महा-वित्थरेण कणगप्पहं धूयं ॥३०२९॥

दिन्नं च रत्ना तीए पसत्थ-वत्थ-कणग-रयणालंकाराइ पभूयं, कुमारस्स वि दिन्नं सहरस्सं करिवराणं सहरस्सं रहाणं अणेग-गामागर-

नगर-संकुलो पसाईकओ विसओ । तओ चउहिं पत्तीहिं समं पंचप्पयारं
विसयसुहं सेवंतरस वच्चंति वासरा । कयाइ कणगप्पहाए भणिओ कुमारो
जहा- कल्लं कुसुमागरुज्जाणे तुम्ह कुमार-दंसणं कारविरसं ति
पडिवज्जिऊण गओ तथा जोणगो । बीय-दिणे तत्थगयाए मए न दिह्ता
तुब्भे न य जोणगो, ता को एत्थ परमत्थो ? ।

तओ कवडप्पहाणय-जोणगरस मन्ने कुमुइणी देवी कोविएण
ताएण देसंतरं कराविओहं ति तंपि कवडमेव काऊण परदेसं
गहाविओ । एत्थ वि अलियमेव वोत्तूण पवहणं आरोहाविओ पच्छा
जलहिम्मि पक्खित्तो । ता तरस दुरप्पणो पज्जत्तं कहाए । कहा वि
पाविट्ठाणं पावहेउ ति चिंतिऊण भणियं कुमारेण- तेण अलियवाइणा मह
पुरो तं किंपि जंपियं जेणाहं पि तेण समं दीवंतरं पत्थिओ । कणगप्पहाए
भणियं- संपयं सो वराओ कहिं ? ति । कुमारेण वुत्तं-तरस नामं पि न
गहियव्वं ।

अह अन्नया निसब्भो अत्थाणे सुहड-कोडि-संकिब्भो ।
विज्जत्तो पडिहारेण भू-नमिय-मउलिणा कुमरो ॥३०३०॥
देव ! दुवारे चिह्णइ सिरि-सूरनरिद-पेसिओ पुरिसो ।
कुसलमई नामेणं को आएसो हवइ तरस ? ॥३०३१॥
मुंच तुरियं ति वुत्ते तेण स मुक्खो समागओ तत्थ ।
उवलदिखिऊण कुमारेण तोस-परितोसमुवगूढो ॥३०३२॥
उचियासणे निसब्भो पुट्ठो कुमारेण सो कुसलवत्तं ।
सिरि-सूरराय-कमलिणिदेवी-पमुहस्स लोयस्स ॥३०३३॥
पुट्ठेण तेण कहियं कुसलं सव्वं पि कुमर ! तुह रज्जे ।
एयं चेव अकुसलं दीससि नयणेहिं जं न तुमं ॥३०३४॥
नूणं नयराओ तओ पुरोहियं तुज्झ निग्गयं सोवखं ।
अब्बह सुही कह तुमं नयरं च दुहेण अक्कंतं ? ॥३०३५॥
तुह विरहे रुयमाणीए कमलिणीए कुमार ! देवीए ।
घोरंसुएहिं घण-निवडिरेहिं हाराइयं हियए ! ॥३०३६॥
बाहजल-भरिय-नयणो सुन्न-मणो मुक्क-दीह-नीसासो ।
तुह विरह-दुक्खमेयं दिव्ववसा सहइ देवो वि ॥३०३७॥

तं नत्थि किं पि ठाणं जए गवेसाविओ न जत्थ तुमं ।
 निय-पुरिसे पेसेउं तह वि पउत्ती न तुह पत्ता ॥३०३८॥
 संपइ सागरदत्तेण सत्थवाहेण एय नयरीए ।
 पत्तेण तत्थ कहिया तुज्झ पउत्ती इमा सव्वा ॥३०३९॥
 तो तुज्झ आणणत्थं कुमर ! अहं पेसिओ नरिंदेण ।
 ता काऊण पसायं तत्थ पहुच्चह *लहुं तुब्भे ॥३०४०॥
 अह कइवय-दिवसब्भंतरम्मि पत्तो सि तत्थ जइ न तुमं ।
 ता मन्ने जीवन्ते अम्मा-पिउणो न पेच्छिहसि ॥३०४१॥
 एवं सोउं वज्जाहउ व्व विमणो विचिंतए कुमरो ।
 पेच्छ मए केरिसयं सुखं जणयाण संजणियं ॥३०४२॥
 जइ जीवियं पि दिज्जइ पच्चुवयारो न जाण तह वि भवे ।
 ताण पियराण दुखं मए कयं ही ! अपरिमाणं ॥३०४३॥
 एवं विचित्तिउणं भूयाए घेतूण कुसलमइ-दूयं ।
 पत्तो इति कुमारो महसेण-नरिंद-पासम्मि ॥३०४४॥
 कहियं च सव्वमेयं सो पुरिसो दंसिओ य पच्चवखं ।
 ता नाउमुचिय-समयं काऊण महंत-सम्माणं ॥३०४५॥
 कणगप्पभा-समेओ अणेग-करि-तुरय-रहप्पयाइ-जुओ ।
 अइ-नेह-निब्भरेण वि विसज्जिओ राइणा कुमरो ॥३०४६॥
 पइदियह-पयाणेहिं कुमरो निय-नयर-पासमणुपत्तो ।
 कुसलमइणा वि पुरओ गंतुं वद्धाविओ राया ॥३०४७॥
 तो हरिस-वियसियच्छो सव्व-समिद्धीए निग्गओभिमुहो ।
 चउ-पणइणी-समेओ पणओ कुमरो नरिंदरस ॥३०४८॥
 आलिंगिउण रत्ता तत्तो आणंद-निब्भर-मणेण ।
 आरोविओ गइंदे कुमरो सहिओ पणइणीहिं ॥३०४९॥
 सिर-धरिय-धवल-छत्तो दलंत-सिर-चारु-चामरुप्पीलो ।
 नयरीए पविसंतो पियाहिं सह गयवराखढो ॥३०५०॥
 सलहिज्जंतो नायर-जणेण सो विविह-वयणेहिं । तं जहा-

कहं कुमरो एगागी वि निग्गओ एरिसिं सिरि पत्तो ।
 अहवा पुव्व-भवज्जिय-सुकयाणं कित्तियं एयं ? ॥३०५१॥
 जम्मंतर-समुवज्जिय-पुब्ब-गुणागरिसिया खणं लच्छी ।
 भवणे वणे^{५१} विदेसे न मुयइ पट्ठिं सुपुरिसाण ॥३०५२॥
 एयाउ सउब्बाओ पत्ताउ जाउ कुमर-घरिणित्तं ।
 दिणयर-समागमे कमलिणीउ पावंति परभाणं ॥३०५३॥
 कुमरो वि कयत्थो च्चिय इमाउ जायाओ जरस जायाओ ।
 मुत्ताहि परिगओ जह सहइ मणी केवलो न तहा ॥३०५४॥
 एवं सलहिज्जंतो पत्तो कुमरो घरम्मि मिलिओ य ।
 हरिसिय-मणेण सयणाण कमलिणीदेवि-पमुहाण ॥३०५५॥
 पियराण कहियमेयं भमिओ हं देस-दंसण-निमित्तं ।
 जं च तहिं अणुभूयं कुमरेण निवेइयं तं पि ॥३०५६॥
 इय तोसिय-सयल-जणो कुमरो चिट्ठइ पणिट्ठ-विसय-सुहं ।
 भुंजंतो ताहिं समं ससिलेहा-पमुह-भज्जाहिं ॥३०५७॥
 इअ बहु-कालम्मि गए उज्जाणे तुरय-वाहणं काउं ।
 निवइ-कुमराण सहयार-तरुतले वीसमंताण ॥३०५८॥
 दुंदुहि-झुणी पयट्ठो सुयंधि-सिसिरो पवाइओ पवणो ।
 गंधोदएण सिता भूमी खित्ताइं कुसुमाइं ॥३०५९॥
 विहियं सुवन्न-कमलं तो सुर-नर-निवह-नमिय-कम-कमलो ।
 कल्लाणकोस-नामो उवविट्ठो केवली तत्थ ॥३०६०॥
 नाउमिणं निव-कुमरा गंतुं हरिसभर-निब्भरा तत्तो ।
 तं पणमिउं निसब्बा अन्ने य नरामरा बहवे ॥३०६१॥
 तो केवलिणा सिय-दंतपंति-किरिणोह-दलिय-तिमिरेण ।
 पारद्धा धम्म-कहा संसार-विराय-संजणणी ॥३०६२॥
 भो भो भव्वा ! संसार-साथरे दुक्ख-सलिल-संपुब्बे ।
 जम्म-जरा-मरण-समुल्लसंत-कल्लोल-लल्लक्खे ॥३०६३॥
 कोह-वडवग्गि-दुग्गे मोह-महावत्त-भीसण-सरुवे ।
 माण-गिरि-दुग्गामम्मी घण-माया-वल्लि-दुल्लंघे ॥३०६४॥

धण-मुच्छ-मच्छरिछोलिच्छाईए पावपंक-पडिहतथे ।^{५५}
 राग-महोरग-रुद्धे विविहामय-मयर-दुप्पेच्छे ॥३०६५॥
 अणवरय-पडंत-महंत-आवया-सयसहरस-संकिञ्जे ।
 दुद्धर-विसय-पिवासुच्छलंत-वेला-पसर-विसमे ॥३०६६॥
 किच्छेण परिभमंता धम्मं लद्धूण जाणवत्तं व ।
 आयरह किञ्च तुब्भे जेण लहुं लहह सिव-पासं ॥३०६७॥
^{५६}एयं सोउं संविग्गमाणसो नरवरो भणइ कुमरं ।
 पुव्वं पि याऽऽसि भवचारयाउ चित्तं विरत्तं मे ॥३०६८॥
 संपइ केवलिणो पुण वयणं सोउं दढं अहं मञ्जे ।
 पासं व गेहवासं विसं व विसमं विसय-सोक्खं ॥३०६९॥
 रज्जं गलरज्जुं पिव बंधं पिव निद्ध-बंधु-संबंधं ।
 ता कुणसु तुमं रज्जं अहं तु दिक्खं गहिस्सामि ॥३०७०॥
 कुमरेण तओ वुत्तं-ताय ! विरत्तो अहं पि गिण्हिस्सं ।
 दिक्खं गुरु-पय-मूले पालसु रज्जं तुमं चेव ॥३०७१॥
 रत्ना भणियं- पढमं वय-गहणं काउमुचियममहाणं ।
 पच्छा तुमं पि कुज्जा कुमर ! तुमं को निवारेही ? ॥३०७२॥
 धम्मो वि कीरमाणो कमेण सोहं समुव्वहइ लोए ।
 कुमरेण तो पलत्तं- सुहु तए जंपियं ताय ! ॥३०७३॥
 किंतु-
 पिउणा अकए धम्मे कुणइ सुओ तं न नत्थि इय नियमो ।
 लग्गे पलीवणे किं पलायमाणो को वि कमो ? ॥३०७४॥
 ता पसिउण विसज्जसु ताय ! ममं संजमग्गहण-हेउं ।
 तो गहिउण भुयाए रत्ना भणिओ इमं कुमरो ॥३०७५॥
 वच्छ ! परिणय-वओ हं वय-गहणे होसु तं मह सहाओ ।
 दुप्पडियारा पिउणो ति एयमत्थं जइ मुणेसि ॥३०७६॥
 रज्जभर-समुव्वहणे नत्थि समत्थो तुमं विणा अन्नो ।
 कह मुच्चंति पयाओ कमागयाओ अणाहाओ ? ॥३०७७॥

एवं जुत्तीहिं पयंपियम्मि रत्ता पयंपए कुमरो ।
 जइ एवं ताय ! तओ कुणसु तुमं जं मणोभिमयं ॥३०७८॥
 तो हरिस-निब्भरेणं रत्ता कुमरो निवेसिओ रज्जे ।
 विहिणा सयं पवत्ता दिक्खा केवलि-चलण-मूले ॥३०७९॥
 सम्मत्तमूल-सावयधम्मं गहिउं^५ गुणंधर-नरिदो ।
 नमिउण य केवलिणं संपत्तो नयरि-मज्झम्मि ॥३०८०॥
 तो केवली वि अन्नत्थ विहरिओ सूररायरिसि-सहिओ ।
 अह काउं तिब्ब-तवं सूररिसी सग्गमणुपत्तो ॥३०८१॥
 अह विच्छाईकय-रायमंडलो फुरिय-दसदिसि-पयावो ।
 परिपालइ हयदोसो सूरु व्व गुणंधरो रज्जं ॥३०८२॥
 नव-नव-जिणभवणाइं कारवइ समुद्धरेइ जिन्नाइं ।
 सव्वत्थ-वित्थरेणं रहजत्ताओ पयट्टेइ ॥३०८३॥
 पूएइ साहु-वग्गं पव्व-दिणे पोसहं कुणइ सम्मं ।
 जिणधम्मम्मि परं पिहुजणं पयट्टावए बहुयं ॥३०८४॥
 एवं जिणिंद-धम्मं कुणमाणेणं महापयत्तेणं ।
 रत्ता गुणंधरेणं केसिं न कओ चमक्कारो ? ॥३०८५॥
 अह चिरकालं परिपालिउण रज्जं गुणंधर-नरिदो ।
 ससिलेहा-अंगरुहं जसोहरं ठाविउं रज्जे ॥३०८६॥
 कल्लाणकोस-केवलि-पासे पडिवज्जिउण पव्वज्जं ।
 जाओ गीयत्थ-मुणी सम्मं गुरुणा अणुत्ताओ ॥३०८७॥
 जिणकप्पं पडिवज्जो विहरंतो बहुविहेसु देसेसु ।
 पत्तो कुसग्ग-गामे काउस्सग्गे ठिओ बाहिं ॥३०८८॥
 एत्तो य जोणगेणं परिब्भमंतेण दमगवित्तीए ।
 दिट्ठो सो अज्ज वि ^५जीवइ ति रोसं वहंतेणं ॥३०८९॥
 अह अत्थमिओ भाणू वियंभिओ भसल-सामलच्छाओ ।
 गयणंगणे तमोहो तह मोहो जोणगरस्स मणे ॥३०९०॥
 लउडेण हओ सो जोणगेण तो भग्गमुत्तिमंगं सो ।
 अह वेयणा सररि संजाया जीवियंतकरी ॥३०९१॥

सो मरण-समयमालोइऊण कय-तयणुखव-कायव्वो ।
 अवलंबिय-गुरुस्सत्तो चित्तिउमेवं समाढतो ॥३०९२॥
 मा कुणसु जीव ! खेयं दीणत्तं दूरओ परिच्चयसु ।
 तरस्स च्चिय फलमेयं तए कयं जं पुरा पावं ॥३०९३॥
 एत्तो अणंतगुणियं नरएसु निरंतरं महादुक्खं ।
 छेयण-भेयण-पमुहं सहियं तुमए अकामेण ॥३०९४॥
 तिरियत्तणेऽणुभूयं अणंतसो जं तए दुहं दुसहं ।
 तेण न कोवि गुणो तुह संजाओ परवसत्तणओ ॥३०९५॥
 इण्हिं जिण-वयणाभय-संपन्न-विवेय-वियलिय-कसाओ ।
 सम्ममहियासमाणो अणंत-गुण-निज्जरं लहसि ॥३०९६॥
 कम्मं कुणइ सयं चिय तरस्स फलं भुंजए सयं जीवो ।
 तो किं परे पओसो विवेगिणो जुज्झए काउं ॥३०९७॥
 रे जीव ! तए पुब्बिं समज्जियं किंपि जं असुह-कम्मं ।
 तं निहवइ इमो तुह अगणंतो अप्पणो बंधं ॥३०९८॥
 एस परमोवयारी ता जोग्गो गरुय-तुह्निदाणस्स ।
 एयम्मि जइ पउस्ससि ता लहसि कयग्घ-धुरि-लीहं ॥३०९९॥
 इय तत्त-भावणाए गुरु-वेयण-विहुरिओ वि सुहझाणो ।
 मंदरगिरि-थिर-चित्तो सरीरमेत्ते वि अममत्तो ॥३१००॥
 हा कम्मबंध-हेउ इमस्स जाओ अहं वरायस्स ।
 उवसग्गकारए वि हु इय अणुकंपं परिवहंतो ॥३१०१॥
 मुत्तूण पूइ-देहं समाहिणा सो गुणंधरो समणो ।
 तेत्तीस-सागराउ सव्वहविमाणमणुपत्तो ॥३१०२॥
 अह जोणगो तहाविह-अकज्ज-करणा सयं पि संखुद्धो ।
 तुरियं पलायमाणो विसम-नई-दुत्तडीहिंतो ॥३१०३॥
 तह निवडिओ दुरप्पा नईइ मज्झो जहा हियय-देसे ।
 चिक्खल्ल-खुत्त-तिक्खग्ग-खयर-बेर-खाणुणा भिन्नो ॥३१०४॥
 अह तिक्ख-वेयणं सो वि सहंतो जीविऊण तिन्नि दिणे ।
 मरिऊण नारओ छट्ट-नरय-पुढवीए संजाओ ॥३१०५॥

अह सो गुणंधर-जिओ सव्वद्वाओ तुमं समुप्पन्नो ।
 उव्वट्ठिऊण तत्तो नरगाओ जोणगस्स जिओ ॥३१०६॥
 भमिऊणं संसारं पुव्व-भवे किंचि कय-सुकय-लेसो ।
 जाओ कुमर ! तुह इमो लहुओ सावक्कओ भाया ॥३१०७॥
 पुव्व-भवेसु बहूसु कओ पओसो तुमम्मि जं इमिणा ।
 तेणेवब्भासेणं इमस्स सो इह भवे जाओ ॥३१०८॥
 जं पुण तएऽणुकंपा विहिया एयम्मि पुव्व-जम्मेसु ।
 तेणेव हेउणा तुह स च्चिय इण्हिं पि विप्फुरिया ॥३१०९॥
 जओ-

एव्वं पि भवे जीवे गुणं च दोसं च जो जमायरइ ।
 जम्मंतरम्मि नूणं रमइ मणो तस्स तत्थेव ॥३११०॥
 पढमं थोवं थोवं गुणो व दोसो व होज्ज जो जरस्स ।
 पइजम्मब्भासेणं पगरिस-पत्तो स तस्स भवो ॥३१११॥
 एएण कारणेणं दूरं मोत्तूण दोसलेसं पि ।
 कायव्वो बुद्धिमया गुणेसु पइसमयमब्भासो ॥३११२॥
 एवं सोउं संजाय-जाइसरणो भणइ गुणसेणो ।
 भयवं जं तुब्भेहिं कहियं तं अवितहं सव्वं ॥३११३॥
 पुव्वं पि विसय-वासंग-सुह-परम्मुह-मणो अहं आसि ।
 पुव्वब्भवस्सवणाओ इण्हिं तु विसेसओ भयवं ॥३११४॥
 तत्तो जणणी-जणए सविणयमापुच्छिऊण गुणसेणो ।
 सव्वविरइ पवन्नो जीवाणंदायरिय-पासे ॥३११५॥
 पडिबन्न-दुविह-सिक्खो परीसहे दुस्सहे वि सहमाणो ।
 तिव्व-तवच्चरण-रओ अहिगय-नीसेस-सुत्तत्थो ॥३११६॥
 उभय-भव-दुक्ख-हेउं कोव-विवागं मणे वि भावंतो ।
 उवसग्गकारए वि हु परम्मि करुणं चिय कुणंतो ॥३११७॥
 सिवपासायारोहण-निस्सेणिं खवगसेणिमारुढो ।
 खविय-चउधाइकम्मो उप्पाडइ केवलं नाणं ॥३११८॥

तियस-कय-कणय-कमले उवविट्ठो धम्मदेसणं कुणइ ।
 भाणु व्व भविय-कमलाण मोह-निदं वि निदलइ ॥३११॥
 विहरइ भुवणम्मि चिरं कमेण सेलेसिकरणमणुपत्तो ।
 चत्तारि भवोवग्गहकराणि कम्माणि निम्महइ ॥३१२०॥
 तुट्टेसु कम्मलेवेसु सो मुणी सयल-लोय-सिरि-भूयं ।
 निव्वाण-पयं पावइ तुंबं व जलस्स उवरितलं ॥३१२१॥
 अह चंडसेण-कुमरो अविणयसीलो पलोयए जं जं ।
 रमणीय-वयर-मणिमय-वत्थ-सुवन्नाइ अन्नेसिं ॥३१२२॥
 तं तं सव्वं गिण्हइ तो पिउणा वारिओ रिउ व्व तओ ।
 कुवियमणो खग्गेणं सीसं छिंदेइ जणयस्स ॥३१२३॥
 रज्जे सयं निविट्ठो पाविट्ठो कुनयवारण-पहाणे ।
 हणइ पहाणे तत्तो सो तेहिं उवेक्खिओ संतो ॥३१२४॥
 गहिउण वइरिएहिं कुंभीपागेण पाविओ निहणं ।
 रुद्वज्झाणोवगओ सत्तम-नरयम्मि संपत्तो ॥३१२५॥
 कोवं परिहरमाणो वि माणवो माण-वज्जणे सज्जो ।
 जइ होज्ज तो लब्धिज्जा इह-परलोए य कत्ताणं ॥३१२६॥
 माणत्थद्धो अंतोनिविट्ठ-संकु व्व कुणइ पणिवायं ।
 न हु जणणी-जणयाणं न गुरुण न देवयाणं पि ॥३१२७॥
 माण्हो उट्टमुहो गयणम्मि गणंतओ व्व रिक्खाइं ।
 अनिरिक्खिय-सुह-मग्गो भवावडे पडइ किं चोज्जं ? ॥३१२८॥
 पुत्तं पि य विणयपरं परं व गणिउण जणणि-जणया वि ।
 चिरगोवियत्थ-वित्थार-भायणं कहवि न कुणंति ॥३१२९॥
 गुरुणो विज्जं सिप्पाइं सिप्पिणो नट्टसूरिणो नट्टं ।
 गीयाइं गायणा वि हु न माणिणं सिक्खवंति नरं ॥३१३०॥
 रायाऽमच्चाईणं पि सेवओ माणवज्जिओ चेव ।
 लहइ मणवंछियत्थं पुरिसो इयरो पुण अणत्थं ॥३१३१॥
 माणी उव्वेवकरो न पावए कामिणीण कामसुहं ।
 इत्थीण कामसत्थेसु संकमणं मदवं जम्हा ॥३१३२॥

मोक्खतरु-बीयभूओ माणथहुस्स नत्थि धम्मो वि ।
 धम्मस्स जओ समए विणओ च्चिय वन्निओ मूलं ॥३१३३॥
 जाइ-कुल-रुव-बल-सुय-तव-लाभिरस्सरिय-अट्ठमय-मत्तो ।
 तव्विवरीयं कम्मं बंधइ लीलावइ व्व जीओ ॥३१३४॥ तहाहि-

[५. मान-विपाके लीलावती-कथा]

अत्थि इह जंबुदीवे कासी-नामेण जणवओ जत्थ^{५८} ।
 उल्लंघयंति निय-वइमुच्छलियाओ न निवलयाओ ॥३१३५॥
 विस्सपुरी तत्थ पुरी जत्थुज्जाणेसु कुसुमिय-तरुणं ।
 परिमल-हरण-प्पवणो पवणोच्चिय वुच्चए चोरो ॥३१३६॥
 तत्थ नरसुंदरो नरवई [अत्थि] जरस्स भोग-दुल्ललिओ ।
 उव्वहइ भूमिभारं मुयंगराय व्व भुयदंडो ॥३१३७॥
 वेरि-पयावानल-पसम-पच्चले^{५९} जरस्स असिलया-सलिले ।
 जस-शयहंस-सहिया विलसइ हंसि व्व जयलच्छी ॥३१३८॥
 मयणस्स व भुवणमणोरमस्स पाणाप्पिया पिया तरस्स ।
 अणुरुव-रुवलीला रइ व्व लीलावई देवी ॥३१३९॥
 तीए सह विसय-सुहं उवभुजंतरस्स तरस्स संपत्तो ।
 सत्तच्छय-परिमल-मिलिय-भसल-विसओ सरय-समओ ॥३१४०॥
 हंसउलाइं विलसंति जत्थ गयणे तमाल-दल-नीले ।
 कुमुयाइं सरवरम्मि व फेण-पडलाइं जलहिम्मि ॥३१४१॥
 जत्थ ससी सविसेसं जोण्हं लद्धूण जणइ जय-हरिसं ।
 विमला रिद्धिं पत्ता कस्स व न कुणंति उवयारं ॥३१४२॥
 जं लद्धुं रयरहिउं गुरुं व हिययाइं पंक-कलुसाइं ।
 सहसा जायाइ जलासयाण सलिलाइं विमलाइं ॥३१४३॥

तम्मि सरए गओ राया रायवाडियाए । दिहं अणेण परिसुस्समाणं
 चिचियंतेण मंडुक्क-वंद्रेण संगयं पल्ललं । जाया से करुणा 'अहो ! एए
 पइदिणं मच्चुणो आसन्नीभवन्ति । न केवलं एए अम्हे वि एवमेव ति
 नियाविया ते पयत्तेण विउल-जलासयं । सुत्तविउद्धस्स जाया से चिंता-

पल्लल-समाणो जीवलोगो, सुरस्सइ इह पइदिणं आउ-सलिलं । को पुण एवं ववत्थिए उवाओ ? गहिओ तत्त-जिन्नासाए ।

एत्थंतरे समागओ तत्थ चउनाणी भयवं युगंधरायरिओ, ठिओ सहसंबवणे चेइए । निवेइओ से पुरोहिण । गओ तत्थ राया वंदिऊण गुरुं निसब्बो पुरओ । कहिओ गुरुणा धम्मो । परिणओ पुव्वप्पओगेण रब्बो । तओ पुत्तं रज्जे ठविऊण समं लीलावईए पंचहिय-पत्थिव-सएहिं पव्वइओ एसो । अहिगय-समग्ग-सुत्तत्थो जाओ महायरिओ । अणुजाणियाणि गुरुणा से पंच-विसयाणि सिरसाणं । लीलावई वि जाया पवत्तिणी । रायपत्ति ति समुव्वहइ गव्वं, बंधइ नीयागोयं । एवं अइक्कंतो कोइ कालो ।

उज्जुय-विहारि ति विन्नत्तो गुरु सीसेहिं-भयवं ! वट्टमाण-जोगेहिं जम्मंतरे वि अम्हे तए पडिबोहियव्व ति । अणंतराएण पडिवन्नं गुरुणा । उचिय-कालेण गयाइं सव्वाइं सुरलोगं । तओ इहेव भरहे संपज्जमाण-मणवच्छिय-विसए^{१०} अत्थि अत्थि-जण-पीणणत्थं अत्थवइ-वित्थारिय-कणय-कोसा कोसंबी नयरी । तत्थ निय-जस-पसरोवहसिय-सरय-चंदो देवचंदो नाम नरिदो । तस्स बहु-कज्ज-करण-सायरो बुद्धिसायरो मंती । तस्स कणयकंतिमई संतिमई भज्जा । सुरलोयाउ चविऊण तीए उयरे सरोरुहे रायहंसो व्व अवयरियो आयरिय-जीवो जाओ । कालक्कमेणं कयं से नामं संखायणो ति । इयरे वि समुप्पन्ना वाणारसीए नयरीए माहण-कुलेसु । लीलावई वि जाया उसभपुरे नीया-गोय-कम्म-वसेण माणिभद-सिद्धिणो गेह-दासीए सुया मयणमंजरी नाम ।

अइक्कंतो कोइ कालो । बालभावे चेव संखायणरस मओ बुद्धिसायरो । अहिट्ठियं मंतिपयं अन्नेण । कयाइ सो मच्छमाणो महारिद्धीए दिट्ठो संतिमईए । परुइया एसा भणिया संखायणेण- अंब ! कीस रोयसि ? । तीए भणियं- पुत्त ! एसा तुह पिउ-संतिगा रिद्धी अन्नेण गहिया । तेण भणियं- कहं एसा पुणो पाविज्जइ ? । तीए भणियं- पुत्त ! विज्जाए । तेण भणियं- अंब ! मा रोयसु, अहं विज्जमहिरसामि । तीए भणियं- पुत्त ! सुंदरमेयं । तेण भणियं- अंब ! एत्थ नयरे अहिणव-मंति-भएण न कोवि ममं पादेइ, ता वच्चा मि देसंतरं । न एत्थ अंबाए खेओ कायव्वो । तीए चितियं एवमेयं, भणियं

च-पुत्त ! जइ एवं ता वच्च तुमं उसभपुरं । तत्थ तुह पिइमित्तो वेयगब्भो माहणो परिवसइ । सो चउदस-विज्जाट्ठाण-पारगो, तरस पासं गच्छाहि । तत्थ ते विज्जा अयत्तेण भविरसइ । पडिसुयमणेण । गओ एसो उसभपुरं । दिट्ठो वेयगब्भो । निवेइओ तरस अप्पा । तेण चितियं-पुत्त-तुल्लो खु एसो विसिट्ठाहारोचिओ य चक्कधर-वित्ती य अहं, तो न एयस्स मह गेहे ठिई हवइ । अओ अब्भत्थेमि एय-भोयणकए सिरिमंत-सिरोमणिं माणिभदं । पाढेमि य सयं निब्बंधेण । अणुद्वियमिणं इमिणा । सबहुमाणं पडिवन्नं माणिभद्रेण । विणीय त्ति निरुवियासेसं चेव दासी मयणमंजरी-परियायावन्ना पुव्वजम्म-पत्ती लीलावई, जहा तए एयस्स अवखेवेण अणुकूलं कायव्वं । पडिस्सुयमिमीए । हरिसिया एसा तदंसणेण । जओ-

आयइं लीयह लोयणइं जाई सरइं न भंति ।

अप्पिइं दिट्ठइ मउलियहिं पिय दिट्ठइं विहसंति ॥३१४४॥

अइक्कंतो कोइ कालो । पढियप्पयोगं घत्था जाओ पयाणुसारी एसो । समुप्पन्नो संखायणस्स दासीए समं पणओ । गाढ-स्ता य तम्मि एसा न अन्नं पुरिसं कामेइ । अणुरागपरा इमीए जुवाणा उवणस्संति दविणजायं, न इच्छइ त्ति कुविया से जणणी । समागए वसंते भणिया इमीए- पुत्ती ! मुंच मम संतिगं आहरणाइं । मग्गेहि अन्नं निय-दईयस्स पासे, तप्पभावेण य सुवण्ण-लवख-दाणेणं जेउऊण गणियाओ आरुह वसंत-दोलं । मुक्कं मयणसुंदरीए आहरणं, एवं निबद्धो य सउण-गंठी । हसिया सहियाहिं, विसन्ना एसा । समागया रयणी । सुत्ता समं संखायणेण, न एइ से निदं त्ति लक्खिया संखायणेण, भणिया य-पिए ! किमेयं ? त्ति । तीए वुत्तं- न किंचि । निब्बंधेण पुच्छियाए साहिओ वईयरो । भणिया संखायणेणं-पिए ! थेवमिणं कज्जं । आहरेमि तुमं थेव-कालेणेव सव्वुत्तमाभरणेहिं, पूरेमि य गुरुजण-मणोरहं । तीए वुत्तं-आहरिया चेव तए भत्तरेण, गुरुजण-मणोरहापूरणे उण दिव्वो पमाणं ।

एवं सोउऊण चितियं संखायणेण- को पुण इहोवाओ ? अच्छासन्नो दोला-दिवसो । सव्वहा गुरु-देवाणुभावेण सोहणं भविस्सइ । पसुत्तो एसो । दिट्ठो अणेण रयणीए चरम-जामे सुविणओ-‘किल कुंजरेण चडाविउण नियवखंधे नीओ नयर-नंदणोज्जाणं । मुक्को तत्थ

कीलापव्वय-सिहरे । तओ गुलुगुलियं अणेण । समागया तत्थ सव्वाभरण-संगया मयणमंजरी । तओ वेइयमणेण । सुओ *विचित्तमंगलुग्गार-महुरो नयर-देवया-पहाउय तूर-रवो, हरिसिओ चित्तेण । थेव वेलाए य पहाया रयणी । कयं गोसकिच्चं । निग्गओ नयराओ । गओ उज्जाणंतरं । दिट्ठो अणेण नग्गोह-हिट्ठओ तुट्ठ-पास-पडिओ मूढाए वेयणाए कंठगय-पाणो बंभसिद्धी नाम साहग-परिव्वायगो, संवाहिओ अणेण, वेईयं बंभसिद्धिणा, उट्ठिओ एसो, भणिओ संखायणेण- भयवं ! किमेयं ? ति । तेण भणियं- भद्द ! महापाव-विलसियं । सुण कहमेयं -

सेविओ मए सुगहिय-नामो दुवालय-संवच्छरे अणेण-संसिद्ध-विज्जो पवणसिद्धी नाम गुरू । कओ य मे तेणाणुग्गहो, दिग्गा तेलोक्क-चिंतामणी विज्जा, अट्ठविहेस्सरी य साहणी । साहिओ साहणोवाओ । पारद्धो य एत्थ गंगा-महानई-तीरे जाव तत्थ समुप्पन्नं विग्घं । विसुमरियं तीए एक्कं पयं, कालगओ य भगवं गुरू । तओ अकल्लाण-भायणो म्हि निव्वेएण मए एवमुल्लंबिओ अप्पा । तुट्ठो य मे पासओ । नाहिलसिय-मरणसंपत्ती वि ति महा-पाव-विलसियं । संखायणेण भणियं- भयवं ! किं तं विज्जं अन्नो न कोइ जाणइ ? तेण भणियं- एवं, अओ चेव मरणमिट्ठं ति । संखायणेण भणियं- एवं पि जुत्तो पुरिसकारी, न पुण मरणं । तेण भणियं- महापाव-संगयाणं न एसो फलइ, महापाव-संगओ य अहं । अन्नहा कहं विज्जा-पय-नासो । मयसमाणो य पुरिसो अहिलसिय-फलहीणो, ता गच्छ तुमं । अहं पुणो वावाएमि अत्ताणं । संखायणेण भणियं- भयवं ! न जुत्तमेयं । अन्नं च विन्नवेमि भगवंतं-किं अत्थि एस कप्पो जं सा विज्जा अन्न-समवखं पडिज्जइ ? । तेण भणियं-अत्थि, किंतु को गुणो एएण ? । संखायणेण भणियं- भयवं ! जइ एवं ता पढसु एक्कसिं, महंतो मे पमोओ भवइ । गुणो य एसो भगवओ, पमोयहेऊ महापुरिसा, एवं ति । पढिया परिव्वायणेण, लद्धं पयं संखायणेण, सुमरावियं परिव्वायगरस्स, तुट्ठो एसो, भणियं अणेण-भो महापुरिस ! गुरूओ तुमं मम । एरिसो य एत्थ कप्पो नादिग्गाए गुरू-दक्खिणाए एसा अब्भसिज्जइ, सिद्धाइ^{१२} मे धाउव्वायाइणो खुट्ठप्पओगा । ता भण किं ते संपाडेमि ? ।

संखायणेण चित्तियं-चित्तव्वं किंचि एत्थ, अन्नहा अलद्धसममेव एयं पयं पत्थावो य एस दक्खिणा-गहणस्स, न अन्नहा मे पियाए आहरणाइं होइ । ता जुत्तमेव एयस्स निय-वुत्तंत-साहणं ति चित्तिउण्ण साहिओ वुत्तंतो । परितुट्ठो परिव्वायगो । भणियं अणेण-सिद्धो मे रसिंदप्पओगो । अत्थि इहासन्नमेव तं खेतं, ता पभाए संपाडेमि ते दस-सुवन्न-लक्खे । अत्थि य मे जक्खिणी-दिङ्गो दिव्वालंकारो, तं पुण इयाणिं चेव गिण्ह तुमं पि । समप्पिओ अलंकारो । गहिओ संखायणेण । भणिओ य एसो परिव्वायणेण- गच्छ, समप्पेहि एवं ताव घरिणीए, पभाए कम्मयरे घेत्तूण लहुं आगच्छेज्जसु ति । एवं ति पडिवन्नं संखायणेण, गओ एस, समप्पिओ मयणमंजरीए अलंकारो । भणिया य एसा-पिए ! गुरुजणाणुभावेणेव पुन्नप्पाओ ते गुरुजण-मणोरहो वि । एवमवगच्छिय न संतप्पियव्वं पियाए । परितुट्ठा मयणमंजरी वि ।

न तहा वित्त-लाभेण जहेट्ठ-भत्तार-गुण-पयडणाए ।

उवणीयं आहरणं जणणीए विम्हिया एसा ॥३१४५॥

न एस सामन्न-माणुसो ति चित्तियमिमीए । विभूसिया मयणमंजरी । अइक्कंतो वासरो । बीय-दियहे गओ परिव्वायग-समीवं । उवणीयं परिव्वायणेण जहुत्तं सुवन्नं । गहियं संखायणेण । नेयावियं मयणमंजरी-गिहं । समप्पियमिमीए, इमीए वि जणणीए । परितुट्ठा एसा । मयण-तेरसीए दाऊण सुवन्न-लक्खं आरोहाविया वसंतदोलं मयणमंजरी इमीए । अहो ! धन्ना एस ति जाओ लोगप्पवाओ । तन्नेहेण अणायरो विज्जागहणे संखायणस्स । एवमइक्कंतो कोइ कालो विसय-सुहमणुहवंतस्स । पसूया मयणमंजरी । जाओ से पुत्तो ।

इओ य कोसंबीए कोडिन्नायरिय-पासे पडिबुद्धा संखायण-जणणी संतिमई । पडिवन्ना अणाए विणयमइ-पवत्तिणि-समीवे पव्वज्जा । पवत्तिणीए सह विहरमाणी समागया सा उसहपुरं । गोयर-विणिग्गया दिट्ठा संखायणेण । 'हंत ! अंबा एस'ति जायसंवेगो लज्जिओ निय-वुत्तंतेण 'अहो ! अकज्जं मए अणुत्थियं, न संपाडिया गुरुजणाण संपयं पि, जमेसा आणवेही तमहं करिस्सं'ति चित्तिउण्ण वंदियाऽणेण, धम्मलाभिओ संतिमईए । विन्नत्ता संखायणेण एसा- अंब ! पमाई अहं इत्तियं कालं आसि, संपयं समाइस जमहं करेमि । संतिमईए वुत्तं-पुत्त !

करेहि सफलं मणुय-जम्मं-संखायणेण 'किं पुण एयरस फलं ?' ऊहापोहप्पहाणेण जाणियं सव्वहा अत्थाइवानेण धम्मो, तं च अकुणमाणस्स माणुसत्तणं विहलं । धम्मो य सव्वुत्तमो पुरिसत्थो । अहह ! उज्झिओ मए विसय-परवसेणं ति गहिओ महंतेण पच्छायावेण, विसोहिया कम्माणुबंधा, समुप्पन्नं अपुव्वकरणं, उल्लसिया खवगसेदी, जायं केवलज्जाणं, कया केवलि-महिमा अहासन्निहिय-देवेहिं । तुह्हा से जणणी । इमं सोऊण समागया मयणमंजरी, पडिबोहिया य पुंव्व-भव-कहणेण । जाया समणोवासिगा । माण-विवागं सोऊण संविग्गो लोओ ।

इओ य ते वाणारसि-माहणा परित्तसंसारयाए संजाय-संवेग-परिणामा धम्माऽरब्बे आरसमपए जाया तावसा, चिट्ठंति महातव-विहाणेण संसयमावज्जा य महापयत्थेसु । आभोईयमिणं केवल-नाणेण संखायणेण । तप्पडिबोहणत्थं पुव्व-सिंगारेण पयट्ठो एस पत्तो धम्मारब्बं । दिट्ठो भगवं तावसेहिं-‘महाणुभावो’ति वंदिओ सहरिसेहिं । सूरकय-कणय-कमल-निसब्बो पुच्छिओ सविणयं- भयवं ! जीवाण का माया ? को वा पिया ? तहा को मरिउं वियाणइ ? । अन्नं च किं जीवियं सेयं किं वा मरणं ति ? । भयवया वुत्तं- देवाणुप्पिया ! जीवाणं परमत्थओ माया निद्दा, पिया हंकारो । तेहिं जाया माया-कोह-कामाइणो धावि बालहार-तुल्ला ।

तहा, जो जीवियं वियाणइ सो मरिउं पि । जओ जो जीवमाणो धम्मं करेइ तरस सुहो मरण-समओ ति ॥ जीविय-मरणाण उ मरणं सेयं । जीवताण नियमा संसारो, मयाण पुण मोक्खो ॥

एयं सोऊण पडिबुद्धा तावसा, दिक्खिया केवलिणा, कम्मवखयं काऊण गया सव्वे वि मोक्खं ति ।

अह मयणमंजरी वि हु कमेण पुत्तम्मि जोव्वणं पत्ते ।

मुणित्तं माण-विवागं थेवं पि हु गुरु अणत्थ-फलं ॥३१४६॥

सव्वविरइं पवज्जा तिव्व-तवच्चरण-खविय-कम्म-मला ।

केवलजाणं उप्पाडिऊण परमं पयं पत्ता ॥३१४७॥

कोवरहिओ वि माणुज्झीओ वि मायाए जइ न वट्टेज्जा ।

होज्ज सिवमग्ग-संदण-समग्ग-धम्मस्स तो जोग्गो ॥३१४८॥

धम्मवण-जलण-जाला मोह-महा-मयगला गलण-साला ।
 कुणइ-वहू-वरमाला माया सुहमइ-हरण-हाला ॥३१४९॥
 अविवेय-शयहाणी माया मण-तणु-समुत्थ-दुह-खाणी ।
 किति-कयली-किवाणी करुणा-कमलिणिवण-हिमाणी ॥३१५०॥
 माया-परिणामपरा परवंचणमायरंति जे मूढा ।
 ते वंचयंति सग्गाऽपवग्ग-सुक्खाणमप्पाणं ॥३१५१॥
 थेवकए कवडपरो निबिडं निवडंतमावयालवखं ।
 पिक्खइ न सिरे लगुडं पयं पिबंतो बिडालो व्व ॥३१५२॥
 उदयं लहंति लीलाए अणुसरंता सरं व सरलत्तं ।
 खिज्जंति निदयं पुण कवडं अवडं व सेवंता ॥३१५३॥
 धणलव-लुद्धा कवडेण मुद्धजण-विप्पयारण-प्पहाणा ।
 पावंति पावमइणो संखो व्व असंख-दुक्खाइं ॥३१५४॥
 तहाहि-

[६. मायायामनिब्रह्मनिब्रह्मयोः शंख-कथा]

इत्थेव भरहवासे विस्सपुं नयरमत्थि वित्थिज्जं ।
 मेरुतणय व्व रेहंति जत्थ सोवन्न-पासाया ॥३१५५॥
 कंपिल्लो तत्थ दिओ नंदा से भारिया सुओ ताण ।
 संखो व्व कुडिल-हियओ संखो नीसंख-दोस-गिहं ॥३१५६॥

सो बालगो चेव मायावी तेहिं तेहिं पयारेहिं परवंचणेक्क-चित्तो पत्तो
 जोव्वणं । किंपि धाउव्वायाइ-पओगं सिक्खिऊण भमंतो गओ गयउरं ।
 दिट्ठोऽणेण तत्थ चंदण वणिओ, भणिओ य-भइ ! इमिणा वाणिज्ज-
 किलेसेण बहुणा वि न होइ दालिदच्छेओ । जइ पुण मह वयणे पयट्टसि
 ता अलं किलेसेणेव, तुमं महिड्ढिओ होसि । चंदणेण वुत्तं- जं तुमं
 आणवेसि तं करेमि । संखेण वुत्तं- अत्थि मे सुवन्न-सिद्धी, ता पच्चयत्थं
 आणेसु एक्कं सुवन्न-गदियाणयं जेण तं दुगुणं काऊण दंसेमि ।
 आणिओ अणेण सो । कया सामग्गी । संखेणाऽवि हत्थ-लाघवेण

निय-कणनं खिविऊण दंसिया दुङ्गि गदियाणगा । विम्हिओ चंदणो,
आदत्तो अणेण य संखरस आयरो ।

पुणो वि वुत्तो संखेण एसो- दिहं तए ओसह-सामत्थं ? इति एणेव
किलेसेण "बहुयं पि सुवन्नं होइ । चंदणेण आपियं सुवन्न-सयं । धम्मियं
चंदण-समक्खं सयलं पि रत्तिं, चरम-जामे य निदा-विलुत्त-चेयणे चंदणे
घित्तूण सुवन्नं पणहो संखो, वच्चंतो य पउमाडवीए पत्तो, चोरेहिं गहिऊण
सुवन्नं विणासिओ । उप्पन्नो तीए चेव ससगो । चंदणो वि निग्गओ
निव्वेएण निय-नयराओ । कयाइ भमंतो पत्तो तमुद्देसं । बुभुक्खा-
परिगओ निसन्नो कुरवय-तले दिहो ससगेण । ईहापोह-मग्गणाए जायं
से जाईसरणं । मओ सो माणस-दुक्खेण । पईऊण खद्धो चंदणेण ।
उववन्नो एसो गंगातडे नउलो । अइक्कंतो कोइ कालो । अन्नया तमुद्देसं
आगओ चंदणो । दिहो तहाविह-फल-भवखण-पवणेण नउलेण । जायं
जाईसरणं, समागया वेयणा । विहुणियं वयणं । पडियाओ दाढाओ,
गहियाओ चंदणेण । कयाइ अहिदहो, ताहिं जियाविओ एसो मग्ग-
मिलिएण खसदेसुब्भवेण वाईएण । तव्वेयणाए मओ नउलो, समुप्पन्नो
हिमवंत-पव्वए चमरो । अइक्कंतो कोइ कालो ।

अन्नया दारिदाभिभूओ आगओ तमुद्देसं चंदणो । दिहो
महाखयंकिय-पुच्छ-भागेण चमरेण । जायं जाईसरणं । संखोहेण
विहुयाइ अंगाइ । पडियं पुच्छं चमरस्स । गहियं चंदणेण । तहाविह-
ठक्कुरस्स तप्पयाणेण निच्छूढा आवया । तव्वेयणाए मओ चमरो । उप्पन्नो
गिद्धकूड-गिरिम्मि कणगमिगो । अइक्कंतो, कोइ कालो । अन्नया
खयवाहि-गहिओ गओ तत्थं चंदणो, दिहो कणगमिगेण । "जाय-
जाईसरणो मिगो वीसत्थो वावाईओ सवरेण, उप्पन्नो मलयपव्वए
मणिसप्पो । सबरेण वि दिङ्गं कणगमिग-चम्मं चंदणस्स । पउणो य सो
तेण जाओ । अइक्कंतो कोइ कालो । अन्नया अत्थत्थी गओ तत्थं चंदणो,
दिहो वाहि-पीडिएण मरण-समए सप्पेण, जायं जाईसरणं,
उव्वेल्लियमओ सप्पो उप्पन्नो सो पीलाडवीए चित्तगो । गहिओ मणी-
चंदणेण, विक्किओ, लद्धा अत्थमत्ता । अन्नया गुरु-नियोगेण चित्तगो
खल्ला-निमित्तं गओ । तत्थं चंदणो दिहो जंत-गहिएणं चित्तगेणं,
संजायं जाईसरणं, संखोभेण गाढयरं पडिओ पासगे, मओ गलग्गह-

पीडाए, उप्पन्नो चंपाए सउलणो । भिल्लेहिं तो गहियं चित्तग-चम्मं चंदणेण । कयाइ महिलाए सुवन्नाभरणं मग्गिओ । तयत्थी परिभ्रमंतो पत्तो चंपं चंदणो ठिओ नगरज्जाणे । इओ य पुव्वुत्त-सउलणेण दिट्ठा नरिंद-पत्ती मुक्केण कणय-कडि-सुत्तणेण पहायंती, गहिउण कडि-सुत्तगं वच्चंतेण दिट्ठो चंदणो, जायं से जाईसरणं, उप्पन्नो ईसि संवेगो, पडियं कडिसुत्तयं संभंतरस, गओ स-नीडं, निसन्नो तहिं, डक्को पुव्वागएण पन्नगेण, मरिउण उप्पन्नो चंपाए चेव कत्तियस्स माहणस्स भदाए भारियाए पुत्तत्तणेण । गहियं चंदणेण कडिसुत्तगं, समप्पियं पिययमाए ।

कयाइ पडिबुद्धो विणीय-देवगुरु-समीवे चंदणो पठवईओ य पडियसुत्तो पत्तो सूरिपयं जाओ चउनाणी । इओ य सउलण-जीव-बडुगो जाओ जोठवणत्थो । एत्थंतरे जाणिउण परिवाग-समयं समागओ चंपं चंदणायरिओ । निग्गओ वंदणत्थं नरिंदो चंदवाहणो, तेण समं सउलण-बडुगो य । सुओ तदंतिगे धम्मो, संविग्गो ईसि राया बडुगो य । अइसयनाणि ति पुच्छिओ राइणा-भयवं ! एत्थ समरू-वाइगुणजुयाओ वि गरूय-रायधूयाओ न वल्लहाओ, तहाविह-खवरहिया वि कीस वल्लहा किराएसर-धूया गुंजावली, हत्थी य जयमंगलो ? अवेयदुक्खाणि य एयाणि हवंति मम दंसणेण, किं पुण एत्थ कारणं ? । एवं पुच्छिण भणियं चंदणायरिण- महाराय ! सुण एत्थ कारणं । गुंजावलीए नेहाणुबंधो इयरस्स मायाए ओघसन्ना । तहाहि-

आसि कालावल्लहे गामे कालसेणो चंडालो, कयाइ दिट्ठा तेण कालमुह-चंडालस्स संकरी जाया । जायाणुरागेण कालसेणेण हडेण हरिउण घरिणी कया सा । सहाव-मद्वज्जव-जुओ उचिय-कागाइ-बलि-दाण-संपउत्तो तहाविहं अवरं पावं अकाउण मओ कालसेणो समुप्पन्नो सीहगुहाए पल्लीए मोरुओ नाम सबर-दारओ सहावओ सच्चवाई । तत्थ य पल्लीवइस्स परोप्परं असहमाणा दुवे पहाणा सबरा चंडीसरो चंडिगो य । संकरी वि समुप्पन्ना चंडीसरस्स हंसिया नाम धूया, जोव्वणत्था दिन्ना मोरुयरस, पुव्व-भवब्भासेण जाया अच्चंत-वल्लहा ।

अह अन्नया कयाई चितइ चंडीसरो मणे एवं ।

चंडं चंडिगमेयं हणेमि केणइ उवाएण ॥३१७७॥

एगपय-बद्धराओ सव्वत्थ वि कुणइ पाडिसिद्धिं जो ।

तं हियइ सल्लभूयं माणधणा पेक्खिउं न खमा ॥३१५८॥

तेण भणिओ मोरुओ जहा-पल्लीवइस्स पुरओ अहं इमं भणिरस्सं जहेस चंडिगो तुह वेरिणा सह संबंधं करेइ । इत्थत्थे तए सखेजं(साहेज्जं) कायव्वं । मोरुएणावि सच्चवाइत्तणेण न पडिवन्नं तं । तओ कुविएण चंडीसरेण उद्दालिया निय-दुहिया हंसिया । मोरुओ वि तव्विरहे महंतं संतावमावन्नो मरिउण समुप्पन्नो एगसिंग-गिरि-समीवे पाणइज्ज-पल्लीए दंगिक-सुओ वीरसेणो नाम । हंसिया वि तहा मोरुयस्स मरणं सोउण उळ्ळबंधणेण मया समाणी समुप्पन्ना अन्न-दंगिक-दुहिया सारसिगा नाम, पिउणा दिन्ना धाडिगाभिहाणस्स पिउच्छासुयस्स । कयाइ दिहो इमीए वीरसेणो । पुव्वभवळभासेण" जायाणुरागा धाडिगं मोत्तूण पविट्ठा वीरसेण-घरे । वीरसेणस्स य मित्तो कुरवो नाम । सो मायावी अणुज्जुओ उजुयं वीरसेणं अइसंधइ तेहिं तेहिं प्पगारेहिं ।

अन्नया सारसिगाए समं गहण-पठवे पहाणत्थं गओ तित्थं वीरसेणो । आगच्छंतस्स उट्ठिओ सीहो, वावाईओ सो तेण । तओ छुरियं उप्पाडिउण ठिओ सारसिगाए पुरो, भणिया य एसा-‘वावाएमि तुमं जइ करस्सइ अग्गओ बोल्लिहिसि एयं सिंह-विणास-वईयरं’ । तीए भणियं-‘न बोल्लेस्सं’ । चिंतियं अणाए-अहो ! महाणुभावो एसो । अन्नया हट्ठेण हरिया सा, धाडिगेण कयं वद्धावणयं । भज्जा आणीय सि पवत्तमावाणगं । फुरंतो धाडिगेण दूरओ कंडेण भिन्नो मूसगो । तओ तं घेतूण नच्चिउं पवत्तो दंसैइ सारसिगाइ, चिंतियं अणाए- अहो पुरिसाणमंतरं ।

एगे सिंहं पि विणासिउण निय-पोरिसेण लज्जंति ।

अवरे हणिउं पुण मूसगं पि हरिसेण नच्चंति ॥३१५९॥

विरत्ता धाडिगस्स । हट्ठेण घेप्पमाणी तेण तदत्थं जलणं साहिउण मया सारसिगा उववन्ना वंतरेसु । सुयमिणं वीरसेणेण । तओ घेतूण तीए अट्ठिगाइं गओ गंगं वीरसेणो, जायं तत्थ साहु-दंसणं, अणुसासिओ तेणेसो । अहाउयवखएण मओ गंगातीरे उववन्नो वंतरेसु । कुरवो वि कुट्टवाहिघत्थो जलणं पविसिउण मओ समुप्पन्नो वंतरेसु । पालिउं

अहाऊयकालो तओ चविऊण वीरसेण-जीओ जाओ तुमं राया,
सारसिगा-जीवो वि किराएसर-धूया गुंजावली, कुरव-जीवो वि
जयमंगलो हत्थी । ता एवं गुंजावलीए नेहाणुबंधो । इयरस्स वि मायाए
ओघसन्ना एत्थ कारणं ।

जं कालसेण-जम्मे हटेण हरिऊण संकरिं घरणिं ।
नरवर ! तुमए खित्तो विओग-दुक्खम्मि कालमुहो ॥३१६०॥
तं दोसु भवेसु तए वि पावियं पिययमा-विरह-दुक्खं ।
जं कीरइ सुहमसुहं व तरस्स लब्भइ फलं नूणं ॥३१६१॥
जं च तुमं पुव्वं वंचिऊण कुरवेण भविष्यं दव्वं ।
तेणेस वाहणं तुह जाओ जयमंगलो हत्थी ॥३१६२॥
इय सोउं संविग्गो राया बडुगो य जंपियं रत्ता ।
भयवं ! किमित्थ जुत्तं ? अह जंपइ चंदणायरिओ ॥३१६३॥
कहिऊण पुव्व-वइयरमेसिं कुसलप्पवत्तणं कुणसु ।
एवं ति जंपिऊणं गुरु-भणियमणुद्धियं रत्ता ॥३१६४॥
एत्थंतरम्मि जायं जाईसरणं इमस्स बडुगस्स ।
सो संविग्गो नमिउं निय-वुत्तंत कहइ गुरुणो ॥३१६५॥
गुरुणा वुत्तं-जाणामि अहमिणं, आगओ अओ चेव ।
तुज्झ पडिबोहणत्थं तं सोउं विम्हिओ राया ॥३१६६॥
पडिबुद्धो बडुगो वि हु जंपइ- भयवं ! किमित्थ मह जुत्तं ? ।
भणइ गुरु- माया-निग्गहेण जिण-धम्म-पडिवत्ती ॥३१६७॥
एवं ति अब्भुवगयं इमिणा तो सावगतणं गहियं ।
तं पालिऊण विहिणा मरिउं सोहम्ममणुपत्तो ॥३१६८॥
तत्तो चविओ लहिउं^५ सुनरत्तं नियडि-निग्गह-पहाणो ।
काऊण वयं कम्मक्खएण मोक्खं गओ एसो ॥३१६९॥
इय कोह-माण-माया-रहिओ वि हु जइ न वज्जए लोहं ।
लोहं व जले जीवो तो बुइइ दुत्तरम्मि भवे ॥३१७०॥
दुल्लय-फारफणेणं विवेय-जीविय-विणास-दक्खेणं ।
लोह-भुयगेण डक्का न मुणंति हियाहियं जीवा ॥३१७१॥

ससिकर-धवला वि गुणा निययासय-दाहकारए लोहे ।
 आवट्ठंति जलकणा लोहम्मि व जलण-संतत्ते ॥३१७२॥
 लोह-तिमिरोह-उवहय-विवेय-नयणा अदिट्ठ-सुहमग्गा ।
 निवडंति नरा नरयंधकूव-कुहरम्मि किं चोज्जं ? ॥३१७३॥
 जह इंधणेहिं जलणो जलेहिं जलही न जायए तित्तो ।
 तह जीवो बहुएहिं वि धणेहिं संतोस-परिचत्तो ॥३१७४॥
 दुरिय-दविण-कोसं सोग-धूयप्पओसं
 सुकय-हियय-सूलं आवया-वल्लि-मूलं ।
 नय-नलिण-तुसारं दुग्गई-गेहदारं
 भवविडवि-जलोहं सूरिणो बिंति लोहं ॥३१७५॥
 जीवा लोहालिद्धा लहंति तिक्खाइं दुक्ख-लक्खाइं ।
 लोह-विहीणा य सुरासुर व्व सुरसिद्धि-सोक्खाइं ॥३१७६॥
 तहाहि-

[७. लोभ-विपाकस्य जयाजये च सुरासुर-कथा]

अत्थित्थ कत्तियपुरं पुरं पुरंधीण पीण-थणवट्ठं ।
 मोत्तूण जत्थ न परो पावइ करपीडणं को वि ॥३१७७॥
 तत्थत्थि *नंदसेणो विप्पो छक्कम्म-करण-तल्लिच्छो ।
 तस्स पिआ अणुरत्ता गोरी गोरि व्व गिरिसस्स ॥३१७८॥
 पुत्ता सुरो य असुरो ताण अह ते गया पढण-हेउं ।
 कोल्लाग-सन्निवेसे पढंति सम्मं गुरु-समीवे ॥३१७९॥

तत्थ अरिमदणो राया । तस्स सिरिया देवी भज्जा । सा य चउत्था(?)
 अदिट्ठ-रिद्धि-साहण-फलं अदिट्ठ-वयगं । तत्थ एस कप्पो-

अदिट्ठ-पुव्वा बडुगा अदिट्ठ-स्यणा य भरिय-कच्चोला ।

उवरि-दिब्बेण आहार-जाएण पसिज्जंति कयमिमीए ॥३१८०॥

एएसिं निग्गयाए कच्चोले गहिउण अंगुलि-पक्खेवेण नायमिणं
 सुरेण । चित्तियं अणेणं-‘असुरस्स वि कच्चोलं रयणगब्भं’ ति । ता तं
 गेण्हिय एयं वावाइस्सं । पेच्छामि ताव केरिसं तदीयं ति मग्गिओ असुरो

कच्चोलं, समप्पियं असुरेण । चिंतियं अणेण-वीसासेमि ताव एयं कच्चोल-समप्पणेणं जेण एसो वि मे निय-कच्चोलं समप्पेइ । तओ घेत्तूण वावाइ(य)स्सं सुरं ति । एवं दूसिय-चित्ता गया दुवे वि आरामं । न जाओ वावाइणप्पओगो । जंपियं असुरेण-भुंजामो ति । न एत्थ अन्नो उवाओ ता इमं एत्थ पत्तकालं ति भणियं सुरेण- अरे ! भुत्तमम्हेहिं मदीए कच्चोले अन्नं चेव हेट्ठओ ता तुमं पि निरुवेहि । निरुवियं हरिसिएण असुरेण, दिट्ठाणि रयणाणि, गहिओ अहियं संकिलेसेण । दूसियचित्तेहिं चेव अन्नोन्न-वावायण-निमित्तं मायाए आलोचियमिमेहिं एत्थेव निहाणीकरेमि, ताव इमाणि कच्चोलाणि रयणाणि य तओ जहाजुत्तं अणुचिट्ठिस्सम्ह एवं ति अणुचिट्ठियमिमेहिं निरुवन्ति अन्नोन्नं वावायणप्पगारे ।

अन्नया हिंइमाणा गया अंधकूव-समीवं । तं पलोयंतो पेल्लिओ सुरेण असुरो, पडिओ असुरो, घेत्तूण सुरं, मया दुवे वि अट्ठज्जाणेण समुप्पन्ना एत्थेव सप्पा, परिग्गहियं ओहसन्नाए दुवेहिं पि दव्वं, रमंति तत्थुदेसे धिईए । अन्नया जायं परोप्परं दंसणं । कुविया लोह-सन्नाए । महा-कलहेण वावन्ना परोप्परं, उप्पन्ना तत्थेव मूसगा । परिग्गहियं ओह-सन्नाए दुवेहिं पि दव्वं । अभिरमइ तत्थ दुण्हं पि । कालेण जायं दंसणं । मोह-वासणाए कलहिऊण परोप्परं विवन्ना, जाया तस्ससन्न-पुक्खरिणीए मंडुक्का । तओ सन्नाए रमंति निहाण-देसे, अन्नया जायं दुण्हं[ओह-] पि दंसणं, पुव्व-वासणाए रुद्धा परोप्परं, कलहिऊण मया, सम्मोहेण जाया तदासन्ने संखणगा, ओह-सन्नाए समागया दव्व-देसं, चिट्ठंति सुहेण । कयाइ मिलिया कुब्बा, ओह-सन्नाए मया, कायपीडाए उववन्ना तदासन्ने कुंथुगा, तहेव समागया दव्व-देसं । इच्चाइ समाणं *पुव्वेण, नवरं उववन्ना तत्थेव कोल्लुगा । ते वि एवं चेव मया । नवरं उप्पन्ना एए तत्थेव पउमाछोडा, ओह-सन्नाए ओइण्णा दीण्हं पि पायसा । अन्नया अणाभोगेण उक्खया मालिगेण, मया अहाऊयक्खएण, उववन्ना तस्सेव पुत्ता जाया । कालक्कमेणं पत्ता वय-विसेसं, समागच्छंति आरामं, तूसंति निहाणुदेसे, तदेसकए कलहंति परोप्परं, न विरमंति पिइवयणेणावि । एवमइक्कंतो कोइ कालो । अन्नया समागओ तत्थ मयंकसेणो नाम केवली रायरिसि-कुमरो, ठिओ तदारामभूसणस्स बउल-

तरुणो तले । सूर-कय-कणय-कमल-निविद्धो मालिगेण समं पुत्तेहि
 गओ तरस्संतियं एसो, वंदिऊण केवलिनं निसब्बो पुरओ चित्तिउं पवत्तो य-
 अहो ! भयवओ निरुवम-रुवसंपया । अहो ! सव्व-लवखणालंकिया
 कायलच्छी । अहो ! पसम-पीउस्स-फण-पेसला दिट्ठी । अहो ! कायर-
 नरुक्कंपकारओ दुक्कर-किरिया-कलाव करण-परक्कमो । अहो ! सयल-
 सत्त-साहारणं धम्म-वागरणं । तं विसाल-भूवाल-कुल-संभवेण
 भवियव्वं भयवयं ति । भणियं अणेण- भयवं ! सामब्बेणावगओ
 निगुणो एस संसारो । जं तुब्भे मुत्तूण इमं सयल तइलोक्कालंकारकप्पा
 कुसुमाउह-महाराय-लीलावणे नल-जोववणे वि पवब्बा दुरणुचरं
 चारित्तभरं, विसेसओ पुण किं निव्वेय-कारणं ? ति । गुरुणा
 वागरियं- भद्द ! संसारम्मि निव्वेयकारणं पुच्छसि । जओ-

दव-दहण-पलित्ते काणणे व्व भवणे व सप्प-सय-किब्बे ।

संसारे दुवख-सहस्स-संकुले को न निव्विब्बो ? ॥३१८१॥

जम्म-जराऽऽमय-मरण-प्पमुहेहिं दुहेहिं विद्विज्जंति ।

जत्थ जणा तम्मि भवे कस्स सयन्नस्स रमइ मई ? ॥३१८२॥

तो मालिगेण भणियं-जइ वि हु एवं तहावि पाएण ।

न विसेस-कारणेणं विणा इमं वज्जए को वि ? ॥३१८३॥

गुरुणा भणियं-जइ इत्तिओ महाभाग तुज्झ निब्बंथो ।

तो तं पि समारोणं कहिज्जमाणं निसामेसु ॥३१८४॥

तहाहि-

समतड-विसए वसुहा-वहुए विउले नडालपट्टे व ।

पट्टिक्खेरं पुरमत्थि टिक्कणं पिव सुवन्न-जुयं ॥३१८५॥

तत्थत्थि सूरसेणो राया सूरौ व्व पसरिय-पयावो ।

संवरइ अणह-मग्गे जं एसो तं महच्छरियं ॥३१८६॥

तरस्सत्थि पिया ललिया जीसे नयणेहिं निज्जियाइं व ।

कमलाणि मयकुलाणि य निच्चं सेवंति वणवासं ॥३१८७॥

दुब्धि सुया जाया ताण अमरसेणो मयंकसेणो य ।

अह संविग्गमणाइं ठविउं रज्जे अमरसेणं ॥३१८८॥

राया ललियादेवी य दीवि संजमभरं पवन्नाइ ।
 सो हं मयंकसेणो संसार-विरत्त-चित्तो वि ॥३१८९॥
 चिह्नामि अमरसेणस्स भाउणो नेह-निगडिओ गेहे ।
 अन्न-दियहम्मि रन्ना महानिहाणं सुयं तत्थ ॥३१९०॥
 तेण खणावियमेयं न य लद्धं दूमिओ मणे एसो ।
 पडहं पुरे दवावेइ लेउ जो सक्कए को वि ॥३१९१॥
 तरस्सेव निहाणमिणं ति तो मए राइणो अभिप्पायं ।
 सविसायमसत्तीए इणमाणत्तं ति नाउण ॥३१९२॥

ता गिण्हिउण उवणेमि एयमेयस्स ति पारद्धो उवाओ । खित्ता
 संखणगा तेसिं ठाणेण । महातिल्ल-दीवग-पडणेण य लद्धं निहाणं ।
 मए उवणीयं रन्नो । न गहियं अणेण, तुज्झ चेव एयं ति जंपियं सासूयं,
 न लक्खिओ मए भावो । पसाओ ति दिङ्गं तं दीणार्इण । कुविओ राया
 चित्तेण । जाया ममोवरि वावायणिच्छा । लक्खिया मे परियणेण ।
 निवेइया हियबुद्धीए । न सदहियं मए । पेसिओ अह आडविगरस्स
 दुग्गरन्नो उवरि विक्खेवेण भणिओ महंतगेहिं पसत्ते वावायणप्पओगी
 अवहीरियं तं मए, गओ दुग्गरन्नो उवरि वसीकओ मए । आगच्छंतेण
 गिरिगुहाए दिट्ठो केवलि-रिसी । सुओ तदंतिगे धम्मो । अइसय-नाणि
 ति पुच्छिओ रिसी-भयवं ! ममं पइ रन्नो मारणाभिलासो ति किं सच्चं ?
 रिसिणा वुत्तं-सच्चं । संविग्गो अहं चित्तेण । न जाओ तदुवरिं कोवो ।
 पुच्छिओ पुणो वि रिसी- भयवं ! किमित्थ कारणं न मे पओसो
 एयम्मि ? संपयं पि गुरु-भत्ती चेव । रिसिणा वुत्तं- लोभाणुबंधो एयस्स
 कारणं, तुज्झ उण निल्लोभस्स एयम्मि भत्ती चेव । तहा हि-

अत्थि अत्थि-जण-सुलह-समग्गाहारो अणिंदिय-दियवग्गाहारो
 महसित्थं नाम अग्गाहारो । तत्थ तुब्भे खंदिल-सोमिला नाम सहोदर-
 भाउणो वेयपाढिणो दरिदा य निव्वेण गया उत्तरावहं, चउव्वेय ति तत्थ
 पूइया जणेणं । पयट्टा निय-देसमागंतुं । तद्व-लोभेण विणहं
 खंदिलस्स चित्तं । चित्तियमणेण-‘वावाएमि सोमिलं, गिण्हेमि केवलो
 दव्वं ।’ तओ गिलाणस्स ते पिज्जाए छूढं घयं, वाउजरो ति जाओ तुमं
 तेण पउणो मओ य । एसो पहे पुरओ पयट्टो पडिउण ”तण-छिन्नरूवे
 कूवे पाव-परिणामेण समुप्पन्नो रयणप्पहाए । इमं च दइण वेरग्गिओ

तुमं विरओ असुहाणुट्ठाणाओ, तदुद्देसेण दाऊण दाणं मओ
अहाऊयक्खएणं उप्पन्नो सोहम्मे । पालितं अहाऊयं चुओ देवलोगाओ,
उप्पन्नो लाडविसए भस्सयच्छे पट्ठणेब्भ-सिद्धदत्तरस्स नाइत्तगरस्स नम्मयाए
भारियाए पुत्तो । पइट्ठावियं ते नामं मणोरहदत्तो ति ।

एत्थंतरे एसो वि नरगाओ उव्वट्ठिऊण उप्पन्नो तत्थेव कुंडलगस्स
वाणियगरस्स टंकीसरीए भारियाए पुत्तो, कयं दोणगो ति से नामं । पत्ता
दोवि जोव्वणं, जाया परोप्परं पीई । संते वि विहवे अहिमाणमेत्तेण वि
दविण-निमित्तं गया सिंहलदीवं । कम्म-धम्म-संजोएण विदत्ताणि
रयणाणि, पयट्ठा निय-देसमागतुं । रयण-लोहेण विण्हं दोणगरस्स
चित्तं । चित्तियमणेण-‘वावाएमि मणोरहदत्तं, गेण्हामि केवलो रयणाणि ।’
गओ कम्मणिज्जे भोयण-निमित्तं । कारावियाओ तेण संभियक-
मोदिगाओ, छूढमेगाए विसं । ताओ गिण्हिय आगओ आरामं ।
सुत्ताहिदट्ठरस्स दिन्ना ते विसकमोदिगा । ‘विषस्य विषमौषधमिति’ न
मओ तुमं तीए, मओ य एसो तदजिन्नविसूईयाए । असुहज्झवसाएण
उप्पन्नो सक्करप्पभाए । वेरग्गिओ तुमं एय-वईयरेण विरओ भोग-
सुहाओ । कयमेयरस्स उद्धदेहियं । मओ कालक्कमेण, उप्पन्नो सणकुमारे,
पालिय-महाऊयं चुओ देवलोगाओ, उप्पन्नो दक्खिणावहे काबेरीनयरीए
सोमिलरस्स माहणरस्स गंगाए भारियाए पुत्तो । कयं से नामं आइच्चदत्तो
ति ।

एत्थंतरे इयरो वि नरगाओ उव्वट्ठिय उप्पन्नो एत्थ चेव देवदत्तरस्स
माहणरस्स संवुक्काए भारियाए पुत्तो । ठावियं से नामं धणंजओ ति ।
उवज्झाय-पुत्तो एसो ति गोरवेसि तुममेयं । एवमइक्कंतो कोइ कालो ।
एत्थंतरे पडिबुद्धो तुमं संगयायरिय-समीवे, जाओ सावगो तुह
पीइवाजेण एसो वि । अन्नया फुसाइ-निमित्तं गया अडविं । तं गहाय
आगच्छमाणा वीसमिया निग्गोह-हिट्ठओ । तत्थ अकम्हा सुवन्न-भरिय-
गोणि-संगया समागया वेसरी । खिविऊण गोणिं पलाणा । दिट्ठमिणं
तुब्भेहिं । चलंत निही एसो ति तुट्ठा तुब्भे, रत्तिं नरसामो ति संपहारिऊण
संगोविया करमद-जालीए, पयट्ठा नयरिहुत्तं ।

एत्थंतरे विण्हं चित्तं धणंजयरस्स, चित्तियमणेण-वावाईऊण
आइच्चदत्तं केवलो^{६०} गिण्हिरस्सं ति रुद्धज्झाण-दूसियरस्स वोलिओ दियहो,

पयट्टा दोवि रयणीए, एत्थुदेसे वावाइरसं ति आसारिया कुंठी धणंजएण ।
 एत्थंतरे उब्बविसेण डक्को सप्पेण इमो । दहो दहो ति जंपियमणेण ।
 विसङ्को तुमं । मओ एस, थेव वेलाए उप्पन्नो वालुगप्पभाए । गहिओ तुमं
 संवेणेण, अहो अहो ! असारो ति चत्तो विसय-संगो । विणिजोजियं ढव्वं
 धम्मट्ठाणेसु । पव्वईओ गुरु-समीवे । पालिय-महाऊयं मओ
 सिद्धंतविहिणा, उप्पन्नो माहिदे । आउक्खएण चुओ देवलोगाओ, उप्पन्नो
 मरहट्ठ-विसए एलउरे पट्टणे सूरधम्मस्स सिट्ठिणो सिरीए भारियाए पुत्तो ।
 कयं चंदवम्मो ति ते नामं । सावग-कुलुप्पत्तीए लहुं चेव पाविओ तए
 जिण-धम्मो ।

एत्थंतरे इयरो वि उव्वट्ठिऊण नरगाओ एत्थेव पट्टणे समुप्पन्नो
 वाणियग-पुत्तो, कयं से नामं कडुगो ति । जाया पीई लेहसालाए । पत्ता
 दोवि जोव्वणं । कयाइ गया बोहित्थेण परतीरं । विदत्तं दविणजायं ।
 तदंसणेण विणहं कडुगरस चित्तं । चिंतियमणेण-रयणीए पक्खिवामि
 समुदे चंदवम्मं तं । एक्खिगा-कए उट्ठियं मुण्डिऊण भवियव्वयावसेण
 तरसच्छायं चेव संरंभेण पेल्लंतो पडिओ सयं समुदे कडुगो, मरिऊण
 समुप्पन्नो पंकप्पभाए । एय-वईयरेण संविग्गो तुमं, परिचत्ता विसया,
 पव्वहंत-संवेगो, काऊण उचिय-किच्चं पव्वईओ तुमं । अहाऊयं
 पालिऊण मओ समुप्पन्नो बंभलोए । आउक्खएण चुओ तत्तो, उप्पन्नो
 दक्खिणावहे पइट्ठाणे पट्टणे रुद्धदेवरस माहणरस चंदजसाए पुत्तो । कयं
 पउमदेवो ति ते नामं । सावगकुलुप्पत्तीए पडिबुद्धो बालभावे ।

एत्थंतरे इयरो वि नरगाओ उव्वट्ठिऊण एत्थेव पट्टणे उप्पन्नो
 माहण-सुओ । कयं से नामं दत्तगो ति । अभिजाय-सुओ ति गारवेसि
 एयं । अन्नया पाविओ मडग-साहण-मंतो तुब्भेहिं साहिओ, किण्ह-
 चउदसीए कट्ठिऊण मंतो मडगं, जायं सुवन्नं । संपयं पहायं ति
 संगोविऊण पविट्ठा दोवि नगरं । एत्थंतरे विणहं चित्तं दत्तगरस ।
 चिंतियमणेण-वावाएमि पउमदेवं तओ केवलो गिण्हिरसं । ठिओ
 संकिलिहो दियहं । अमुगत्थामे रयणीए मिलिरसामो ति संपहारिऊण
 बद्धा रयणीए वट्टा, वीसत्थ-वावायण-तल्लिच्छो सकुं टिगो चेव
 वावाईओ असणीए, उप्पन्नो धूमप्पभाए । तदंसणेण संविग्गो तुमं पुव्वं
 व पव्वईओ, उप्पन्नो महासुक्के, आउक्खएण चुओ देवलोगाउ, उव्वन्नो

पुव्वदेसे कन्नसुवन्नए नयरे धणदेवरस इब्भरस लच्छिकंताए पुतो । कयं रिद्धिदेवो ति ते नामं । सावग-कुलुप्पत्तीए बालगरस चेव जाया धम्म-परिणई ।

एत्थंतरे इयरो वि नरगाओ उव्वट्टिऊण समुप्पन्नो एत्थेव नयरे वाणियग-सुओ, कयं से नामं खलुगो ति । जाया तुम्हाण पीई, कुलग्गओ ति गारवेसि तुममेयं । एसो वि तुह पीईए देइ किंचि समणाईणं । अन्नया गया तुब्भे ववहारपडियाए कामखवं । विद्धं तत्थ दविणजायं । तं पभूयं दहूण विणहं खलुगरस चित्तं, चित्तियमणेण-वावाएमि रिद्धिदेवं, तओ केवलो चेव गिण्हिरसामि दव्वं ति । तहा संकिलिह-चित्तेण चिंताए चेव कया बहवे वहोवाया । अन्नया निप्पिंडता कामखवाओ आख्खा डुंगरं, दिट्ठा तत्थ महंती टंकछिन्न-दुत्तडी, खलुगेण चित्तियं- इओ पाडइस्सामि गत्ताए रिद्धिदेवं । तप्पाडणत्थं गत्तं पलोयंतो भमणीए निवडिओ खलुगो, मओमहा-रुद्धज्जाणेण, उववन्नो तमप्पभाए पुढवीए । तुमं पि तन्निमित्तं गहिओ संवेगेण, परिचत्ता विसया, विणिओजियं दविणजायं, पव्वइओ निय-थामे, अहाउयमणुपालिऊण मओ समाणो उववन्नो अच्युए । आउवखएण तओ देवलोगाओ चविऊण तुमं मयंकसेणो, खलुगो वि उव्वट्टिऊण नरगाओ जाओ अमरसेणो । एवं एयस्स एवंविहा लोह-सन्ना पओसरस कारणं, तुज्झं पि अमरसेणोवरि भतीए एवंविहो कुसलब्भासो ति ।

एवं सोऊण मए संविग्ग-मणेण केवली पुट्ठो ।

भयवं ! कहेसु एवं ववत्थिए मज्झ किं जुत्तं ? ॥३१९३॥

केवलिणा वागरियं- अप्पहियं धम्ममेव सेवेसु ।

भणियं मए- मुणीसर ! रन्नो सेवा न किं जुत्ता ? ॥३१९४॥

केवलिणा संलत्तं- पज्जत्तं नरवइस्स सेवाए ।

जेणेस संकिलिस्सइ अहियं सेविज्जमाणो वि ॥३१९५॥

तुह वहहेउं आरोग्गसिद्धि-विज्जो अणेण पट्टविओ ।

सो वि हु विसिद्ध-धम्माणुवत्तगो तावसो जाओ ॥३१९६॥

मिलिही तुज्झ पभाए स तावसो तो गुरु मए पुट्ठो ।

कत्थ गमिस्सइ राया ? भणइ गुरु-सत्तम महीए ॥३१९७॥

भणियं मए- अहं पुण कत्थ गमिस्सामि ? सामिणा भणियं- ।
 अट्ठविह-कम्म-मुक्को तुमं गमिस्ससि पयं परमं ॥३१९८॥
 तो संविग्गेण मए काउण सभग्गमुचिय-करणिज्जं ।
 परलोग-हिया गहिया गुरु-पयमूलम्मि पव्वज्जा ॥३१९९॥
 तं एयं संजायं निव्वेय-विसेस-कारणं मज्झ ।
 गुरु-चरियमिणं सोउं सव्वे संवेगमावज्जा ॥३२००॥
 तो मालिगेण भगवं निय-नंदण-कलह-कारणं पुट्ठो ।
 कहियं च तेण निहि-दंसणेण सव्वे वि पडिबुद्धा ॥३२०१॥
 भणियं अणेहिं- भयवं ! किं जुत्तं अम्ह ? भगवया वुत्तं- ।
 सव्वाणत्थनिबंधण-लोभच्चागेण धम्मो ति ॥३२०२॥
 एयं सोउं सुगुरु-वयणं मालिगो पुत्तजुत्तो,
 लोभच्चायावहिय-हियओ गिण्हए सावगतं ।
 ते उज्जुत्ता जिणमुणिगणाराहणे जीवियंते,
 जाया सव्वे पवर-विबुहा बंभलोयम्मि कप्पे ॥३२०३॥
 मुक्क-कसाय-चउक्को वि पंच-परमेट्ठि-सुमरणं मणुओ ।
 जो कुणइ भत्तिमंतो पावइ सो चेव कल्लाणं ॥३२०४॥
 तेसिं न प्पहवंति भूय-पमुहा सक्कंति सीहाइणो,
 काउं किंपि न विप्पियं पहरिउं पच्चत्थिणो न वखमा ।
 संपज्जंति न वाहिणो दवजलुप्पीला न दाउं दुहं ।
 दक्खा जे परमेट्ठि-मंतमणिसं ज्ञायंति सुद्धासया ॥३२०५॥
 पंच-परमेट्ठि-पंचाणणस्स संभरणमेत्तओ चोज्जं ।
 पंचत्तं जंति दुरओ दुरिय-दोघट्ट-थट्टाइं ॥३२०६॥
 निवडंति आवया-निवह-भीसणं भवसमुदमुद्दामं ।
 सोसइ न परो परमेट्ठिमंत-वडवानलं मुत्तुं ॥३२०७॥
 मुत्तूण खविय-नीसेस-पाव-संगं दुवालसंगं पि ।
 सरइ परमेट्ठि-मंतं चोदसपुव्वी वि पज्जंते ॥३२०८॥
 पंच-परमेट्ठि-मंतं सरमाणो माणवो मणे निच्चं ।
 नर-सुर-मोक्ख-सुहाइं पावेइ पुलिंद-मिहुणं व ॥३२०९॥

तहाहि-

[८. नमस्कार-विषये पुलिन्द्र-मिथुन-कथा]

अत्थि मही-महिला-केलि-पुवखरे पुवखरद्ध-भरहद्धे ।
 रिद्धि-समिद्धो सिद्धावडु त्ति गामो जय-पसिद्धो ॥३२१०॥
 तत्थागओ निरंकुस-कसाय-दावानलेण डज्झंतं ।
 मेहो व्व निव्ववंतो भुवण-वणं वयण-धाराहिं ॥३२११॥
 देस-कुल-जाइखवी संघयणी धिई-जुओ अणासंसी ।
 अविकत्थणो अमाई थिर-परिवाडी-गहिय-वक्खो ॥३२१२॥
 जिय-परिसो जिय-निदो मज्झत्थो देस-काल-भावणू ।
 आसन्न-लद्ध-पइभो नाणाविह-देसभासन्नू ॥३२१३॥
 पंचविहे आयारे जुत्तो सुत्तत्थ-तदुभय-विहिन्नू ।
 आहरण-हेउ-उवणय-नय-निउणो गाहणा-कुसलो ॥३२१४॥
 ससमय-परसमय-विऊ गंभीरो दित्तिमं सिवो सोमो ।
 इय छत्तीस-गुण-जुओ सूरी सिरि-अजियदेवो त्ति ॥३२१५॥
 तम्मि समयम्मि पत्तो वासारत्तो विउत्त-मण-दमणो ।
 नव-केयग-कुडय-कयंबुब्बु-विरोलं व निउरंबो ॥३२१६॥
 जम्मि पटु-पवण-पिडार-पिल्लियाओ भमंति गयण-वणे ।
 पयदाण-पहाणाओ महीसीओ व मेहमालाओ ॥३२१७॥
 तडि-छुरियं घण-माणाइं तेजयंतीइ पाउससिरीए ।
 खज्जोथा गयणयले फुरंति फारा फुलिंण व्व ॥३२१८॥
 विलसंत-विज्जुलेहा हेमाहरणाइ मेहमालाए ।
 गयणम्मि बलायाओ सहंति मुत्तावलीओ व्व ॥३२१९॥
 आयट्ठि(ट्टि)य-सुरचावो धारा-सर-धोरणीहिं अणवरयं ।
 पहणेइ विरहि-हरिणे वाहजुवाणो व्व जलवाहो ॥३२२०॥
 महि-महिला मेह-पिएण सरल-धारा-करेहिं छिप्पंती ।
 उब्भिन्न-‘नव-वणंकुर-मिसेण रोमंचमुव्वहइ ॥३२२१॥

तत्तो सूरी संजम-विराहणं पिच्छिऊण मग्गम्मि ।
 मग्गइ वसहिं गामम्मि तम्मि गामाहिव-सगासे ॥३२२२॥
 गामवई जंपइ- साहु वसहि-दाणम्मि किं फलं होइ ? ।
 वागरइ गुरु- गरुयं दाणाणमिणं वसहि-दाणं ॥३२२३॥ जओ-
 असणाइ देइ बहुओ मुणीण गेहंगणम्मि पत्ताणं ।
 अंगीकय-सयलभरो वसहिं पुण वियरए विरलो ॥३२२४॥
 तक्कर-सीयायव-वाय-वुद्धि-रोगाइ-विद्वेहिंतो ।
 साहूण कुणइ रक्खं वसहिं निरुवदवं दितो ॥३२२५॥
 जं तत्थ ठिया मुणिणो पढंति सुत्तं कुणंति धम्मकहं ।
 संजमजोगेहिं निरंतरेहिं साहंति परलोयं ॥३२२६॥
 जं तत्थ मुणि-समीवे संमत्तं सावगतणं चरणं ।
 अन्नं अभिग्गहं वा भवियगणो गिण्हए गरुयं ॥३२२७॥
 जं तत्थ ठियाणं मुणिवराण अन्ने वि भावओ भविया ।
 पत्तं भत्तं पाणं वदथं तह ओसहं दिति ॥३२२८॥
 पुन्नस्स तस्स हेऊ सेज्जाए दाइगो इमेण इमो ।
 संसार-सायरं तरइ तेण सिज्जायरो वुत्तो ॥३२२९॥
 एवं सोउं गामाहिवेण वसही समप्पिया गुरुणो ।
 बहु-साहु-जुओ सो तत्थ पाउसं काउमाढत्तो ॥३२३०॥
 मासोववासु केवि मुणि कुणंति,
 केवि दुब्बिमास निरसणं गमंति ।
 केवि तिब्बि केवि चत्तारि मास,
 चिट्ठंति विसय-सुह-निप्पिवास ॥३२३१॥
 तह मज्झि साहु दमसार-नामु,
 गिरि-गुहहिं जाइ परिहरिवि गामु ।
 चउमासं तहिं ठिओ असण-मुक्कु,
 सज्झायज्झाणपरु गुह-निलुक्कु ॥३२३२॥
 अह तत्थ पुलिंदय-मिहुण पत्तु,
 तिण दिट्ठु साहु सो पवरसत्तु ।

मुणि-दंसणि तक्खणि गलिउ पावु तसु.
 मिहुणह मणि हुयउ सुह-भावु ॥३२३३॥
 मुणिणा वि मुणिवि तं भत्तिमंतु.
 उवइद्दु पंच-परमेहि-मंतु ।
 सो लग्गु पुलिंदय-मिहुण-चित्ति
 अमओ व्व पवंचिय-परम-तित्ति ॥३२३४॥
 मुणिणा पुणो वि वुत्तं इमो तिकालं मणम्मि सरियव्वो ।
 जेण चिरंतण-पावक्खएण पावेह कल्लाणं ॥३२३५॥
 एयं सोउण पुलिंद-मिहुणयं किंचि जाय-सुहभावं ।
 पंच-परमेहि-मंतं सरइ ति-संझं सबहुमाणं ॥३२३६॥
 तस्स प्पभावओ च्चिय पावमकाउं तहाविहं तिब्बं ।
 कालेण मयं एयं मुणि-उवयारं सुमरमाणं ॥३२३७॥
 इह चेव भरहवासे नयरं मणिमंदिरं पवरमत्थि ।
 वित्थिन्न-कूव-वावी-सरोवराराम-रमणिज्जं ॥३२३८॥
 जत्थत्थि जणो वसणी दाणे भीरु अकज्ज-करणम्मि ।
 गुण-विढवणे अतितो निम्मल-जस-अज्जणे लुद्धो ॥३२३९॥
 पर-पत्थणे अयाणो परमहिला-दंसणम्मि जच्चंधो ।
 परधण-हरणे पंगू परदोस-पयासणे मूओ ॥३२४०॥
 तं परिपालइ राया रायमयंको मयंक-समकिती ।
 सरभस-नमत-पत्थिव-मत्थय-मणि-लीढ-पयवीढो ॥३२४१॥
 पल्लविय व्व असिलया अरि-करि-कुंभत्थलीण रुहिरेण ।
 मुत्तिय-नियरेणं कुसुमिय व्व रेहइ रणे जरस्स ॥३२४२॥
 विजय ति तस्स भज्जा जीए हसंतीए उणयमुहीए ।
 दुगुणेइ दंत-कंती थणवढे हारलट्ठीओ ॥३२४३॥
 तीए गळ्ळे गिरिकंदरे व्व सीहो पुलिंद-जीवो सो ।
 सीहसुविणय-पयासिय-गुणमाहप्पो समप्पन्नो ॥३२४४॥
 जायरस्स तस्स विहियं वद्धावणयं महाविभूर्इए ।
 नामं च कयं सुविणाणुसारओ रायसीहो ति ॥३२४५॥

लिवि-गणिय-प्पमुहाओ सउणखयं ताओ तेण गुरुपासे ।
बावत्तरी कलाओ अकिलेसेणेव गहियाओ ॥३२४६॥

मइसार-मंति-पुत्तो सुमई नामेण तरस्स पिय-मित्तो ।
नीसेस-कला-कुसलो बालत्तणओ वि संजाओ ॥३२४७॥

संपत्तो तारुन्नं कुमरो लायन्न-लच्छि-परिपुन्नं ।
जं तरुणी-लोयण-छप्पयाण पंकेरुह-वणं व ॥३२४८॥

तदंसणूसुयाओ मग्गं रमणीओ पेच्छमाणीओ ।
नयणेहिं कुणंति निहित-नील-नलिणोवहारं व ॥३२४९॥

तरस्स भमिरस्स दंसण-सतण्ह-तरुणीण सहइ वयणेहिं ।
गयणं गदवख-निवखंतएहिं ससि-लवख-निचियं व ॥३२५०॥

गायंति थुणंति निहालयंति ज्ञायंति तं मइच्छीओ ।
तहवि मणागं पि मणं मुणि व्व न कुणइ इमो तासु ॥३२५१॥

अन्न-दिणम्मि कुमारो मित्तेण समं विणिग्गओ बाहिं ।
वाहिय-विविह-तुरंगो सहयार-तलम्मि वीसंतो ॥३२५२॥

दहुं पहियं पुच्छइ कत्तो वा कत्थ वा तुमं चलिओ ।
भमिरेण तए दिट्ठं सुयं व अच्छेरयं किंचि ? ॥३२५३॥

पहिओ पणामपुव्वं उवविसिउणं पुरो पयंपेइ ।
पसरंत-दंत-किरणेहिं हार-नियरं व विकिरंतो ॥३२५४॥

कुमार ! श्रूयतां । अस्ति प्रशस्त-समस्त-वस्तु-वास्तुभूतं
भूतलालङ्कार-कल्पं कल्पद्रुमोपमान-मानवं नवयौवनाभिराम-रमणी-
रमणीयं मणीयमान-कनककलश-भूषणैः फणैरिव शेषस्याशेष-विशेष-
विलोकन-कुतूहलेन भुवनमूलाद्धिनिर्गतैः सहस्रसङ्ख्येर्देवकुलैः संकुलं
कुलभवनं सकल-पद्मानां पद्मपुरं नाम नगरं ।

असमलवलिराजीराजिता मन्दमन्दा-
निलवल-दल-कान्ताः सम्भृतालीहितार्थाः ।
पृथुल-कुच-मनोज्ञाः कस्य लोकरस्य न स्यु-
र्वनभुव इव भूरि प्रीतये यत्र नार्यः ॥३२५५॥

चैत्यान्यप्रतिमानि यत्र यतयः सूत्रार्थबद्धादराः ।

क्षमापालः परलोक-भीलुकमति वेलात्कुचेष्टाः स्त्रियः ।

श्रीमन्तो बहुधा विपत्तिकलिता विप्रा न यज्ञक्रिया-

निष्णाताः सदनानि भोगिनिचितान्यन्यत्किमत्र स्तुमः ॥३२५६॥

ततः पुरात्परमेश्वर-श्रीयुगादिदेवादिगणधरस्य कषाय-करि-
खंडनैक-पुण्डरीकस्य निर्वाणपद-प्राप्त्या पवित्रितं श्रीशत्रुञ्जय-तीर्थं
प्रस्थितोऽस्मि यत्पुनराश्चर्यं किंचिदृष्टमिति पृष्टं तदप्याकर्णयतु कुमारः ।
तत्रैव पुरे प्रणत-नरपति-शत-मुकुट-मरकत-मरीचि-वीचि-चंचरीक-
चुम्बित-चरणपद्मः पद्मो राजा,

विजृम्भितसयं ति यस्य कोपः सकोप-दुर्वात-इवातिचण्डः ।

येनारि नारीजन-यौवनानां जज्ञे वनानामिव निष्फलत्वं ॥३२५७॥

तस्य हृदय-कुशेशय-शायिनी विशुद्धोभयपक्ष-राजिनी राजहंसीव
हंसी देवी ।

क्रीडत्यनङ्गद्विरदस्तदङ्गे लावण्यसिन्धाविति तर्कयामि ।

उन्मज्जती भाति यदेतदीया कुम्भस्थली स्थूल-कुचस्थलेन ॥३२५८॥

तयो भुञ्जानयो भोगान् विश्वविश्वातिशायिनः ।

यज्ञे सर्वाङ्गनाचूडारत्नं रत्नवती सुता ॥३२५९॥

यस्याः शरीर-सौदूर्यं विभाव्य भुवनाद्भुतम् ।

लज्जयेव न निर्यान्ति पातालाङ्गागकन्यकाः ॥३२६०॥

भ्रमन्ति शक्तिमत्यो पि खे न विद्याधराङ्गनाः ।

दर्शनं न प्रयच्छन्ति कस्यापि सुर्योषितः ॥३२६१॥

कलाकलापे सकले कलयामास कौशलम् ।

सा क्रमान्मदनक्रीडावनं यौवनमापद ॥३२६२॥

अन्यदा वरयोग्येति सा मात्रा प्रेषिता सती ।

पितुः सभानिविष्टस्य प्रणिपातार्थमागमत् ॥३२६३॥

प्रणम्य पितरं तस्य पादान्ते निषसाद सा ।

तां लोकीत्तर-लावण्यां हृष्ट्वाऽमात्यमुवाच सः ॥३२६४॥

किं रूपेणानुरूपः स्याद्विधिना क्वापि निर्मितः ।

अस्या योग्यो वरः कश्चिदिति ताम्यति मे मनः ॥३२६५॥

मन्त्रिणोक्तं- महाराज ! योग्यं यद्यस्य तस्य तत् ।
 विधाय दूराच्चानीय विधिरर्प्पयति स्वयं ॥३२६६॥
 अत्रान्तरे नृपस्याग्रे प्रेक्षणीयं व्यधाद्भटः ।
 बाला पुलिन्द्रवेषेण तं नृत्यन्तं व्यलोकयत् ॥३२६७॥
 ततो मूर्च्छामगात्पुत्री पपात पृथिवीतले ।
 स्वस्थीचकार तां राजा चन्दन-व्यजनानिलैः ॥३२६८॥
 साऽवोचत्तात ! सञ्जातं जातिस्मरणमद्य मे ।
 अहमासं महाटव्यां पुलिन्द्रीं पूर्व-जन्मनि ॥३२६९॥
 अभूद्भर्ता पुलिन्द्रो मे जीवितादपि वल्लभः ।
 लेभे तं चेत्प्रियं पाणिग्रहं कर्तास्मि नाऽन्यथा ॥३२७०॥
 इति पथिक-वचस्सु श्रोत्र-पात्रीकृतेषु,
 प्रशिथिल-सकलाङ्गः प्राप मूर्च्छां कुमारः ।
 शिशिर-पवन-योगात् स्वास्थ्यमासाद्य सद्यः,
 करजुषमिवमुक्तां पूर्वजातिं ददर्श ॥३२७१॥
 अथैक-प्रीति-सम्पन्नः पथिकं प्रत्यभाषत ।
 अद्यतः किमभूत्तत्र पथिकोप्युक्तवानिदम् ॥३२७२॥
 प्रतिज्ञां दुहितुः श्रुत्वा तादृशीं पद्म-पार्थिवः ।
 कथं ज्ञेयः पुलिन्द्रोऽसाविति चिन्तापरोऽभवत् ॥३२७३॥
 अमुं वृत्तान्तमाकर्ण्य तल्लोभेन नृपात्मजाः ।
 दूरादेत्याऽब्रुवन् पूर्व-भवे स्वस्य पुलिन्द्रताम् ॥३२७४॥
 पप्रच्छ राजपुत्री तान् कुमारान् कुटिलाङ्गिति ।
 केन पुण्येन युष्माभिलेभे सम्पत्तिरीदृशी ॥३२७५॥
 तत्तेनाज्ञासिषुः सम्यक् पूर्वजन्म-पुलिन्द्रताम् ।
 तेषां निश्चित्य तन्वङ्या कुतोऽपेक्षा पुलिन्द्रवत् ॥३२७६॥
 ततोऽलीकगिरोमर्त्या एवं सञ्चिन्त्य चेतसि ।
 मर्त्यविद्वेषणी जज्ञे केवल-स्त्रीवृता च सा ॥३२७७॥
 सा तत्र विदधे धात्रा रमणीनां शिरोमणिः ।
 कल्याणमूर्तिरत्र त्वं कुमार ! तिलको नृणाम् ॥३२७८॥

यद्येषयोगं युवयोः कथञ्चि-

दन्योन्य सादृश्यवतो विदिध्यात् ।

तदाक्षणेनाऽननुरूपवस्तु.

सम्बन्धं जं मार्ष्टि निजं कलङ्कम् ॥३२७९॥

इत्यदभुतं वस्तु निवेद्य पान्थः कुमार ! गच्छाम्यहमित्युवाच ।

विद्वानपूर्वार्थ-निवेदकं श्वेत्यस्मै निजाङ्गाभरणान्यदात्सः ॥३२८०॥

विसृज्य पथिकं प्राप कुमारो निज-मंदिरं ।

द्रष्टुं रत्नवतीं बालामुपायं पर्यचिन्तयत् ॥३२८१॥

अथ पौरैः रहस्येवं विज्ञप्तं भूपतेः पुरः ।

यत्र यत्र कुमारोयं भ्राम्यति क्रीडया पुरे ॥३२८२॥

उपेक्ष्याऽपरकार्याणि संत्यज्य रुदतः शिशून् ।

अनावृत्य गृह-द्वाराण्यकृत्वा करयचित् त्रपाम् ॥३२८३॥

कुमार-रूप-लावण्य-सौभाग्य-हृतचेतसः ।

धावंति विहितोन्मादास्तत्र तत्र पुरस्त्रियः ॥३२८४॥

तेनाऽसमंजसं जज्ञे सर्वत्र नगरेऽधुना ।

अतः केनाप्युपायेन कुमारो वार्यतां भ्रमन् ॥३२८५॥

ततोऽवादीत्प्रतीहारं कृतलोककृपो नृपः ।

राजसिंह-कुमारस्य पुरतः कथ्यतामिदं ॥३२८६॥

गृहान्तरेऽवस्थातव्यं कलाऽभ्यासकृता त्वया ।

बहिर्विहरतः पुंसो गलन्ति सकलाः कलाः ॥३२८७॥

इत्यादेशं प्रतीहारः कुमारस्य न्यवेदयत् ।

तातः किमिदमादिक्षन्मामेत्येष व्यचिन्तयत् ॥३२८८॥

ततोऽस्य पौरवृत्तान्तं सुमतिः प्रत्यपीपदत् ।

अवाप्त निर्गमोपायः कुमारस्तमभाषत ॥३२८९॥

गृहान्तरेऽवतिष्ठेति तातादेशश्च दुष्करः ।

कौतुकं च मम द्रष्टुं कन्यां पांथ-निवेदिताम् ॥३२९०॥

पुण्यमानं गुणस्फूर्तिं नानाभाषासु कौशलम् ।

स्वान्ययोरन्तरज्ञानं न च देशान्तरं विना ॥३२९१॥

ततो देशान्तरं यामीत्युक्तः सुमतिरब्रवीत् ।
 अस्मिन्नर्थे सहायोस्मि कुमार ! कुरु वाञ्छितम् ॥३२९२॥
 अनिवेद्यैव कस्यापि निशितासिकरो निशि ।
 पुरात्सुमतिना सार्द्धं राजपुत्रो विनिर्ययौ ॥३२९३॥
 क्रमेण पृथिवीं क्रामन्नटव्यां देवतागृहे ।
 प्रसुप्ता निशि शुश्राव साधकस्यार्त्तमारवम् ॥३२९४॥
 विभ्रत्कृपां कृपाणं च कुमारस्तं प्रतिव्रजन् ।
 साक्षाद्वाक्षसमद्वाक्षीत्कक्षा-निक्षिप्त-साधकम् ॥३२९५॥
 तमूचे तिष्ठ शिष्टात्मन्नमुं च मुञ्च साधकम् ।
 साधकेनापराद्धं किं वराकेणामुना तव ? ॥३२९६॥
 राक्षसः स्माह- भद्रैष मां वशीकर्तुमुद्यतः ।
 अयाचिषं महामांसं सप्तरात्रमुपोषितः ॥३२९७॥
 तदेतन्नक्षमो दातुं महं चातिबुभुक्षितः ।
 ततः कथममुं मुञ्चे त्वमेव परिभावय ॥३२९८॥
 अवीचद्वाजपुत्रस्तं- यद्येवं मुञ्च साधकम् ।
 वितरामि महामांसं महात्मन्नहमेव ते ॥३२९९॥
 इत्युक्तः साधकं त्यक्त्वा प्रीतः प्रोवाच राक्षसः ।
 देहि त्वमेव तद्यो गा निवर्त्तयति सोऽर्जुनः ॥३३००॥
 कुमारः खड्गदण्डेन छित्त्वा सत्त्वमहोदधिः ।
 निजाङ्गाज्जाङ्गलं यावत् प्रदातुमुपचक्रमे ॥३३०१॥
 तावज्जगाद सानन्दं राक्षसो नृपनन्दनम् ।
 तुष्टोस्मि तव सत्त्वेन परप्राण-प्रदायिना ॥३३०२॥
 वरं वृणु ततोऽवीचत् कुमारो राक्षसं प्रति ।
 तुष्टो सि यदि मेऽभीष्टं साधकस्य तदा कुरु ॥३३०३॥
 करिष्यामीत्यसौ जल्पन् अमोघं देवदर्शनम् ।
 इत्यस्मै राक्षसश्चिन्तारत्नं दत्त्वा तिरोदधे ॥३३०४॥
 निवृत्य राजपुत्रोपि तत्रैवायतने ययौ ।
 अतिवाह्य निशाशेषं समित्रश्चलितोऽग्रतः ॥३३०५॥

चिन्तारत्न-प्रभावेण सम्पन्नाशेषवाञ्छितः ।
 स्वराज्य इव सर्वत्र विलसन्विजहार सः ॥३३०६॥
 पुरं रत्नपुरं प्राप रत्नप्रासाद-सुन्दरम् ।
 राजरोहणशैलो यस्याऽवकरकूटवत् ॥३३०७॥
 ददर्श सर्व सौवर्णं तत्र मन्दिरमर्हतः ।
 रत्नोत्कर्ष-गुणं दृष्ट्वा मेरोः शृङ्गमिवागतम् ॥३३०८॥
 तत्र गर्भगृहे जैनीं प्रतिमां रत्ननिर्मिताम् ।
 भून्यस्त-मस्तको नत्वा तुष्टुवे तुष्टमानसः ॥३३०९॥
 प्रशमरस-निमग्नं दृष्टि-युग्मं प्रसन्नं,
 वदन-कमलमङ्कः कामिनी-सङ्ग-शून्यः ।
 करयुगमपि यत्ते शस्त्र-सम्बन्ध-वन्ध्यं,
 तदसि जगति देवो वीतरागस्त्वमेव ॥३३१०॥
 ततस्तच्चैत्यमालोक्य कौतुकाक्षितलोचनम् ।
 श्रावकं पृष्ठवानेकं केनेदं भद्र ! कारितम् ? ॥३३११॥
 सो वा दीन्मणिपीठेऽस्मिन् निविश्य श्रूयतामिदम् ।
 आसीदिह यशोभद्रः श्रेष्ठी श्रावकपुङ्गवः ॥३३१२॥
 तस्य सैनुः शिवो नाम गुरुभिः शिक्षितोऽप्यसौ ।
 घृतादिव्यसनारक्तो धर्मं न प्रतिपन्नवान् ॥३३१३॥
 सपित्रोक्तो यदाभ्येति विपत्तिस्तव द्रुतरा !
 तदा त्वं तद्विधातार्थं नमस्कारममुं स्मरेः ॥३३१४॥
 ततः पित्रनुरोधात् सनमस्कारमधीतवान् ।
 पिताऽपि तस्य कालेन स्वर्गलोकमुपागमत् ॥३३१५॥
 शिवो दुर्ललितैः पुंभिः सङ्गतो मधुपैरिव ।
 धनं विनाशयामास वनं मत्त इव द्विपः ॥३३१६॥
 अन्यदा तद्गृहासन्ने त्रिदण्डी विदधे स्थितिम् ।
 स शिवं निर्द्धनं दृष्ट्वा कृपापर इवावदत् ॥३३१७॥
 भद्र ! त्वं हेतुना केन विषन्न इव दृश्यसे ?
 शिवः प्रोवाच संतोष-साधनं नास्ति मे धनं ॥३३१८॥

तं परिव्राजकोऽवादीत् करोषि यदि मे वचः ।
 विदधे ते तदा वश्यां गृहदासीमिव श्रियम् ॥३३१॥
 शिवोऽवोचत्तवादेशं करिष्याम्येष निश्चितम् ।
 दारिद्र्यं मे प्रयातु त्वत्प्रसाद-गलहस्तितम् ॥३३२॥
 परिव्राडवदद्धच्छ यद्येवं शवमक्षतम् ।
 लभस्व क्वापि स प्रापदुद्धद्धं पुरुषं द्रुमे ॥३३२॥
 तस्मै न्यवेदयत्सोऽपि त्रिदण्डी शिवमब्रवीत् ।
 अद्य कृष्ण-चतुर्दश्यां स्मशानं नय तं शवम् ॥३३२॥
 बलि-प्रदीप-पुष्पादि-पूजोपकरणं तथा ।
 नीतं सर्वं शिवेनापि ययौ तत्र त्रिदण्ड्यपि ॥३३२॥
 यत् क्वचित् शरदभौघ शुभादभास्थिदंतुरम् ।
 क्वचित् स्थितानलज्वाला-जाल-पल्लविताम्बरम् ॥३३२॥
 क्वचित्कलित-कंकाल-काल-वेताल-भीषणम् ।
 क्वचित्क्रीडद्गताशङ्क-शाकिनी-कुल-सङ्कुलम् ॥३३२॥
 क्वचिद्वाक्षसदुर्वीक्ष्यं क्वचिद्भूतभयानकम् ।
 क्वचिन्मधूक-पूतकारं क्वचिद् घोर-शिवारवम् ॥३३२॥
 चक्रेऽस्मिन् मण्डलं दत्त दीप-दीपक-मण्डलम् ।
 तस्मिन्निवेशितरतीक्ष्ण-करवाल-करः शवः ॥३३२॥
 शव-पादतलाभ्यङ्गकर्मण्यादिश्य तं शिवम् ।
 मन्त्रं संस्मर्तुमारेभे त्रिदंडी ध्याननिश्चलः ॥३३२॥
 स्मशानं प्रचुरापायं निशितासिकरः शवः ।
 त्रिदण्डी क्रूरकर्मा घेत्येवमालोचयत् शिवः ॥३३२॥
 ततः पित्रा समादिष्टामनिष्टहननक्षमाम् ।
 सोऽस्मरं तत्परः पञ्च-परमेष्टि-नमस्कियाम् ॥३३३॥
 क्षणान्तरे परिव्राजः प्रौढमन्त्र-प्रभावतः ।
 चचाल किञ्चिदुत्तरथौ तथैवन्यपतच्छवः ॥३३३॥
 शवस्य पतने किञ्चिद्विचिन्त्य क्षणमात्मनः ।
 त्रिदंडी स्मर्तुमारेभे मन्त्रमेष विशेषतः ॥३३३॥

जपान्ते पुनरुत्थाय निपपात पुनः शवः ।
परिव्राट् शिवमप्राक्षीत् मन्त्रं कञ्चन वेत्सि किं ? ॥३३३३॥
शिवोऽजानन्नमस्कार-माहात्म्यमिदमब्रवीत् ।
नवेद्गीति ततोऽन्यर्थं त्रिदण्डी मन्त्रमस्मरत् ॥३३३४॥
शिवस्याशिवमाधातुं नमस्कार-प्रभावतः ।
नाशकत्किमपि क्रुद्ध-वेतालो वेष्टितः शवः ॥३३३५॥
ततोऽसौ खड्गदण्डेन क्षणात् मुण्डं त्रिदण्डिनः ।
छित्त्वाधःपातयामास फलं तालतरोरिव ॥३३३६॥
परिव्राजक-देहोऽथ सुवर्णपुरुषोऽभवत् ।
तमादाय गृहं प्राप शिवः शव-समन्वितः ॥३३३७॥
तस्याङ्गैरन्वहं कृत्यैः प्रातः प्रातर्पुनर्नवैः ।
दानं भोगांश्च कुर्वन् सचैत्यमेतदकारयत् ॥३३३८॥
राजपुत्रोऽवदत्पञ्चनमस्कार-प्रभावतः ।
मुक्तं विघ्नविघातेन शिवः प्राप परां श्रियम् ॥३३३९॥
ततोऽसौ राजपुत्रोऽगात्पुरं क्षितिप्रतिष्ठितम् ।
तदानन्दमयं दृष्ट्वा मर्त्यं कञ्चन पृष्ठवान् ॥३३४०॥
किं कारणमिदं प्रोद्यत्पताकं प्रतिमन्दिरम् ।
दृश्यते कनकस्तम्भ-निबद्ध-मणितोरणम् ॥३३४१॥
तेनोचे श्रूयतामस्मिन् पुरेऽस्ति नृपतिर्बलः ।
बलाभुज इवाऽशेष-विपक्ष-दलनक्षमः ॥३३४२॥
तस्यैकदा पुरारक्षः पुरासङ्गसरिज्जलैः ।
ऊह्यमान-महामानं मातुलिङ्गं व्यलोकयतः ॥३३४३॥
प्रविश्यातस्तदादाय सोऽर्पयामास भूभुजे ।
वर्ण-गन्ध-रसोत्कृष्टं तत् दृष्ट्वा मुमुदे नृपः ॥३३४४॥
सदत्वाऽमै श्रियं प्राप्तं कुत्रेदमिति पृष्ठवान् ।
नयामित्युक्तवानेष ततोऽमुं पार्थिवोऽवदत् ॥३३४५॥
अन्वेषय वनं मौलं यत्रेदमुदपद्यते ।
ऊर्ध्वभागे व्रजन्नेष नद्यास्तीरे ददर्श तत् ॥३३४६॥

प्रविश्य तत्र गृह्णाति यः फलं मृत्युमेति सः ।
 इत्याचख्यौ पुरा रक्षः पुरतः पृथिवीपतेः ॥३३४७॥
 राज्ञो चेऽवश्यमानेयमेकैकं प्रत्यहं त्वया ।
 प्रवेश्य तत्र वारेण पुरस्यैकैकमानुषम् ॥३३४८॥
 फलादानेऽन्वहं तस्मिन् एकैको म्रियते पुमान् ।
 कियत्यपि गते काले पुरलोके विधीदति ॥३३४९॥
 वारको जिनदासस्य श्रावकस्य समाययौ ।
 ययौ तत्र विवेशान्तः सनमस्कारमुद्गृणात् ॥३३५०॥
 तन्निशम्य स्मरन् पूर्वभव-व्रतविराधनम् ।
 वनाधिष्टायक क्षुद्र व्यन्तरः प्रतिबुद्धवान् ॥३३५१॥
 प्रत्यक्षीभूय नत्वा च श्रावकं स मुदाऽवदत् ।
 दास्यामि फलमेकैकं स्थानस्थस्यैव तेऽन्वहं ॥३३५२॥
 असौ व्यावृत्य वृत्तान्तं नृपस्य च न्यवेदयत् ।
 प्राप्नोत्युच्छीर्षके शश्वदेकैकं व्यन्तरात् फलम् ॥३३५३॥
 तदर्पयति राज्ञे स तुष्टेनाऽनेन पूजितः ।
 अकालमृत्यु-विश्रान्त्या कारितश्चोत्सवः पुरे ॥३३५४॥
 इति निशम्य महोत्सव-कारणं,
 नृपसुतो निजगाद जगत्यहो ।
 इह भवे पि विपादित-विप्लवं,
 स्फुरति पञ्च-नमस्कृति-वैभवम् ॥३३५५॥
 ततो राजसुतो प्राप वसंतपुर-पत्तनम् ।
 तत्राऽपश्यज्जनं सर्वं नमस्कार-परायणम् ॥३३५६॥
 सोऽवोचत्सुमतिर्मित्र लोकः पञ्चनमस्क्रियाम् ।
 निःशेषोऽपि पठत्यत्र तत्रार्थे विद्धि कारणम् ॥३३५७॥
 सो पि सम्यक् परिज्ञाय कुतो पि पुरुषादिदम् ।
 रूपनिर्जितमारस्य कुमारस्य पुरोवदत् ॥३३५८॥
 इहासीन्नृपतिर्नाम्ना जितशत्रु गुणैरपि ।
 तस्य भद्रा महादेवी नामतो गुणतोऽप्यभूत् ॥३३५९॥

पुरे त्रैवाऽभवच्चौरः प्रचण्डश्वण्डपिङ्गलः ।
 सोन्यदाऽप्रविशदिभित्वा भांडागारं महीभुजः ॥३३६०॥
 हत्वा तस्मादसौहारं नक्षत्रश्रेणिसोदरम् ।
 गणिकायाः कलावत्याः प्रविवेश निवेशनम् ॥३३६१॥
 सा श्राविका तया सार्द्धं भेजे भोगान् स तस्करः ।
 अथाऽऽययौ कृतातीघमातङ्गानङ्ग-त्रयोदशी ॥३३६२॥
 तस्यां विनिर्ययुर्वेश्याः सर्वाः संभृतमूर्तयः ।
 दिवचक्रे शक्रचापालीस्तत्रान्यैर्मणिभूषणैः ॥३३६३॥
 पुष्पदामेव कामस्य तं हारं हृदि बिभ्रती ।
 जेतुं कामापराः सर्वाः कलावत्यपि निर्ययो ॥३३६४॥
 हारं दृष्ट्वा महादेव्याः दासी तस्यैन्यवेदयत् ।
 सा राज्ञः कथयामास प्रतीहारमुवाच सः ॥३३६५॥
 केन सार्द्धं वसत्येषा तद्विज्ञाय जगाद सः ।
 चण्डपिङ्गल-चौरेण ग्राहयामास तं नृपः ॥३३६६॥
 शूलया भेदयामास ततो दध्यौ कलावती ।
 मम दोषेण शूलायां रोपितश्वण्डपिङ्गलः ॥३३६७॥
 अतो मे परिहृत्यै तमपरैः पुरुषैरलम् ।
 साम्प्रतं साम्प्रतं दातुमस्य पञ्च-नमस्क्रियाम् ॥३३६८॥
 तां ददौ सा निदानं च कारयामास तस्करम् ।
 नमस्कारवशादस्य स्यात्पुत्रो नृपतेरिति ॥३३६९॥
 ततो ऽस्यैव नरेन्द्रस्य महादेव्याः सुतोऽभवत् ।
 तस्य चक्रे प्रबन्धेन पिता जन्म-महोत्सवम् ॥३३७०॥
 नामं च प्रथितानन्दं पुरन्दर इति व्यधात् ।
 कलावत्यपि बालस्य यस्य क्रीडनधात्र्यऽभूत् ॥३३७१॥
 दध्यौसाऽस्य समःकालो मृत्योः गर्भस्य वाऽभवत् ।
 ततः कदाचिदेषः स्यात् स एव मम वल्लभः ॥३३७२॥
 रामयन्ती जगादैषा मा रुदश्वण्डपिङ्गल ! ।
 इति श्रुत्वा मुहुर्वाचं जातिस्मरणमाप सः ॥३३७३॥

अथ गते जितशत्रु-नृपे दिवं,
 नृपतिरत्र बभूव पुरन्दरः ।
 परिहृताऽन्य-मनुष्य-समागमा,
 मयमवेत्यबभाज कलावतीम् ॥३३७४॥
 फलमिदं परमेष्टि-नमस्कृतेः,
 क्षितिपतिर्यदभूवमहं महान् ।
 इति वदन् जिनधर्म-कृतोद्यमः,
 पठति तामनुवेलमयं नृपः ॥३३७५॥
 पुरजनोऽपि ततः परमेष्ठिनां,
 स्तुतिमयं पठति प्रथितादरः ।
 शुभमथाशुभमाचरति ध्रुवं,
 यदवनेरधिपस्तदपि प्रजाः ॥३३७६॥
 इति निशम्य जगाद नृपात्मजः,
 शुभमिदं सुमते कुरुते जनः ।
 इह भवेऽन्यभवे च महोदयं,
 दिशति पञ्च-नमस्कृतिरङ्गिनां ॥३३७७॥
 यथैष चौरः परमेष्टिमन्त्र-
 प्रभावतो भूमिपतिर्बभूव ।
 पुरा पुलिन्द्रोऽपि तथाधुनाहं
 जातोस्मि भूपाल-कुले विशाले ॥३३७८॥
 कुमारमूचे सुमतिः कथं ते,
 पुलिन्द्रभावः समजायते ति ।
 सोऽस्याचक्षे परमेष्टिमन्त्र-
 लाभान्वितं पूर्व-भवं समग्रम् ॥३३७९॥
 उवाच सुमतिः सत्यं चलितो मतिपूर्वकम् ।
 परिणेतुं पूराजन्म-पत्नीं रत्नमतीं भवान् ॥३३८०॥
 परं पुरुषरूपेण पुरुषद्वेषिणीं कथम् ।
 द्रष्टुं रत्नवतीं लभ्या कुमार परिभावय ॥३३८१॥

कुमारोऽवोचदत्रार्थं दैवमेव कृतोद्यमम् ।
 प्रार्थने दुर्लभार्थस्य चिन्ता हि विफला नृणाम् ॥३३८२॥
 ततः प्रचलितो राजसिंहः सुमतिना समम् ।
 महादर्शमिवाटव्याः प्रापदेकं सरोवरम् ॥३३८३॥
 विराजयति यदुत्फुल्ल-पङ्कजाकर-मण्डितम् ।
 व्योमेव तारकाकीर्णं विश्रान्तं पृथिवी-तले ॥३३८४॥
 ऊर्ज्या संभाव्य शुष्यन्तमब्धिं पूरयितुं पुनः ।
 मन्ये यन्निर्ममे धात्रा पृथुलः पाथसानिधिः ॥३३८५॥
 तत्र^{६२} कृत्वा जलक्रीडां तीरि चूततरोस्तले ।
 विश्रान्तस्तत्क्षणाब्निद्वां प्राप भूपालनन्दनः ॥३३८६॥
 कुसुमस्तोम मुञ्चित्वं न लतान्तरित-विग्रहः ।
 सुमतिः पुनरद्वाक्षीत्तत्र खेचरमागतम् ॥३३८७॥
 सुकुमारं समालोक्य लोक-लोचन-रोचनम् ।
 चिन्तयामास चेत्कान्ता ममानुपदमागता ॥३३८८॥
 द्रक्ष्यत्येनं तदेतस्मिन्ननुरागं करिष्यति ।
 अतस्तत्प्रतिषेधार्थं नारीरूपं करोम्यमुम् ॥३३८९॥
 ततस्तटलतागुल्मात्समादायौषधीमसौ ।
 घृष्ट्वोपले जलेनाऽस्याः छट्या तं स्त्रियं व्यधात् ॥३३९०॥
 गते विद्याधरे प्राप तत्कान्ता साऽपि वीक्ष्य ताम् ।
 स्त्रीरूपां निज-सौन्दर्य-निर्जितामरयोषिताम् ॥३३९१॥
 निवृत्तो वर्त्मनानेन दृष्ट्वैतां मम वल्लभः ।
 एतस्यामनुरक्तौ मां मात्याक्षीदिति खेचरी ॥३३९२॥
 तथैवान्यौषधीयोगेन कृत्वा स्त्रीं पुरुषं ययौ ।
 दृष्ट्वैतत्सुमतिः सन्ध्यक् तज्जग्राहौषधिद्वयम् ॥३३९३॥
 कुमारस्य प्रबुद्धस्य दर्शयन्तौषधीयुगम् ।
 तं विद्याधर-वृत्तान्तं मन्त्रिपुत्रोव्यजिज्ञापत् ॥३३९४॥
 ततः पद्मपुरं प्राप तत्राऽस्याद्धास्तिकाञ्चने ।
 चिन्तारत्नानुभावेन जातः सर्व मनोरथः ॥३३९५॥

एकदा केवल स्त्रीभिः विविधायुधपाणिभिः ।
 दूरादुत्सार्यमाणेषु नृषु लोचनगोचरात् ॥३३९६॥
 सुखासन-समासीना चैत्यं रत्नवती ययौ ।
 स्त्रीरूपौ तावुभौ तत्र गत्वा पूर्वमवस्थितौ ॥३३९७॥
 जिनेन्द्र-बिम्बमानर्च्य पुष्प-धूपाक्षतादिभिः ।
 कुमारममरीतुल्य-दर्शनं व ददर्श सा ॥३३९८॥
 चिरं निरूप्य सानन्दं निजगाढ नृपात्मजा ।
 कुमारस्त्रीमपूर्वव भवती प्रतिभाति मे ॥३३९९॥
 किं सदैवाप्रवास्तव्या समायाताऽथवान्यतः ।
 मित्रस्त्री निजगादैषा स्थानादत्रागताऽन्यतः ॥३४००॥
 रत्नवत्यवदद्भृष्टे त्वत्सखी मम सम्मुदम् ।
 दृष्ट्वापि तनुते तेन सञ्चन्यैतु मया समम् ॥३४०१॥
 रत्नवत्या सहावासे जग्मतुः कृत्रिम-स्त्रियौ ।
 तथा रचित-सन्माने चिरं तत्रैव तस्थतुः ॥३४०२॥
 अथैकदा कुमारस्त्री राजकन्यामभाषत ।
 न ज्ञायते पुलिन्द्रः स तव पूर्वभव-प्रियः ॥३४०३॥
 प्रते कञ्चन-भर्तारं कन्यका कान्तिमत्यपि ।
 विना सुवर्ण-सम्बन्धं मणीव न विराजते ॥३४०४॥
 ततः कंचिज्जगन्नेत्रा नन्दनं नृपनन्दनम् ।
 विशाल-कुल-संभूतं परिणेतुं त्वमर्हसि ॥३४०५॥
 राजकन्या जगादैवं मुक्त्वा पूर्वभव-प्रियम् ।
 न शक्नोमपि भर्तारं करोमीत्येष निश्चयः ॥३४०६॥
 उवाचैवं कुमारस्त्री यद्येवं यौवनं वृथा ।
 भोगशून्यं तवारण्ये मालत्या मुकुलं यथा ॥३४०७॥
 राजकन्याऽवदच्चित्तविश्रान्तौ क्रियते प्रियः ।
 सामेत्वद्यैव संजज्ञे किमन्येन प्रयोजनम् ॥३४०८॥
 अभाविष्ट कुमारस्त्री तव पूर्वभव-प्रियः ।
 अभिज्ञानेन केनैष विज्ञेय ? इति कथ्यताम् ॥३४०९॥

सावोचयेन पुण्येन जाताहं राजकन्यका ।
 तद्यो वेत्ति स विज्ञेयो मम पूर्वभव-प्रियः ॥३४१०॥
 आचक्षे कुमारस्त्री मृगाक्षि मुनि-भाषितम् ।
 स्मृत्वा पञ्च-नमस्कारं त्वं राजदुहिताऽभवः ॥३४११॥
 ततो रत्नवती बाढं विस्मय-स्मेर-लोचना ।
 चन्द्रलेखां सखीं प्रोचे पश्याश्चर्यमिदं महत् ॥३४१२॥
 मद्वृत्तान्तमयं^{३३} वेत्ति किं स्वतः परतोऽथवा ? ।
 सखी जगाद वेत्त्येषा स्वत एवेति मे मतिः ॥३४१३॥
 यदस्यां चित्त-विश्रान्तिर्वर्तते तेऽतिशायिनी ।
 यदस्याः पुरुषस्यैव वचनादि-विचेष्टितम् ॥३४१४॥
 यदस्याः निकटे कामविकारास्तु स्फुरन्ति ते ।
 ये प्रोक्ताः^{३४} कामशास्त्रेषु स्त्रीणां दयित-सङ्गमे ॥३४१५॥
 तथाहि-
 स्त्री कान्तं वीक्ष्य नाभीं प्रकटयति मुहुर्विक्षिपन्ती कटाक्षान्,
 दोर्मूलं दर्शयन्ती रचयति कुसुमापीडमुत्क्षिप्तपाणिः ।
 रोमाञ्च-स्वेद-जृम्भाः श्रयति कुच-तट-शंसि वस्त्रं विधत्ते,
 सोत्कण्ठं वक्ति नीवीं शिथिलयति दशत्योष्टमङ्गं भनक्ति ॥३४१६॥
 तत्कारणेन केनापि तव पूर्वभव-प्रियः ।
 सोयं पुंस्त्वं तिरोधाय स्त्री-रूपं कृत्रिमं व्यधात् ॥३४१७॥
 सलज्जं रत्नवत्याथ संज्ञिता प्राञ्जलिः सखी ।
 व्यजिज्ञपदमुं नाथ स्वं रूपं दर्शयाद्यमे ॥३४१८॥
 द्वितीयौषधि-योगेन स्त्रीत्वं संत्यज्य कृत्रिमम् ।
 नटाविव प्रपन्नौ तौ रम्यं स्वाभाविकं वपुः ॥३४१९॥
 वीक्ष्यामरकुमाराभं कुमारं राजकन्यका ।
 आनन्दं प्राप तं यस्य त्रैलोक्यमपि संकटम् ॥३४२०॥
 चन्द्रलेखाऽवदद्यद्बन्नाथ रूपं प्रकाशितम् ।
 विधायानुग्रहं तद्धत् कुलाद्यपि निवेद्यताम् ॥३४२१॥

कुमारादेशतो देश-पुर-जाति-कुलादिकम् ।
 पान्थ-वृत्तान्त-संयुक्तं सर्वं सुमतिरब्रवीत् ॥३४२२॥
 अमुं वृत्तान्तमाकर्ण्य भूपतिस्तुष्टमानसः ।
 ददौ कन्यां कुमाराय कुमारोऽप्युदवाह ताम् ॥३४२३॥
 भूभुजा कृत-सत्कारः करीन्द्रादि-प्रदानतः ।
 रत्नवत्या समं भोगान् बुभुजे भूप-नन्दनः ॥३४२४॥
 अन्यदा प्रहितः पित्रा प्रतीहारः कृतानतिः ।
 कुमारस्यार्पयामास लेखं तं सोऽप्यवाचयत् ॥३४२५॥
 स्वस्ति श्री मणिमन्दिरात् पुरवरात् प्रालेय शैलोज्जत-
 प्राकाराद्य-निषन्न-खेचरवधू निध्यात सौधादभूतान् ।
 श्रीमान् राजमृगाङ्क-भूपतिरति-प्रोत्तुङ्ग-देवाश्रये,
 श्रीमत्पद्मपुरे कुमारतिलकं श्रीराजसिंहं मुदा ॥३४२६॥
 सोत्कण्ठं परिरभ्य जल्पति यथाऽस्माकं समुज्जृम्भते,
 क्षेमः किन्तु भवद्वियोग-विधुरा कष्टेन चेष्टामहे ।
 वल्गव्दार्ढक-वर्द्धितोज्ज्वलधियः संप्रत्यसंगस्थितिं
 वान्च्छा मोचयमेत्य सत्त्वरमतस्त्वंराज्यमङ्गीकुरु ॥३४२७॥
 तो रायसिंह-कुमरो सविणयमापुच्छिऊण पउम-निवं ।
 करि-रह-तुरंग-पायक्क-चक्क-टिविडिक्किओ चलिओ ॥३४२८॥
 पत्तो पुरं पविहो सहरयणवईए गयगओ तत्थ ।
 इंद व्व सईए सुरपुरम्मि एरावणारूढो ॥३४२९॥
 पणमइ गुरुण चलणे सिर-चुंबिय-महियलो वहू-सहिओ ।
 अहिणंदिओ य तेहिं आसीसादाणपुव्वमिमो ॥३४३०॥
 राया रायमयंको चितइ कुमरं निवेसिउं रज्जे ।
 ववगय-सयल-वियप्पो संपइ धम्मुज्जमं काहं ॥३४३१॥
 अह पणमिऊण उज्जाणपालओ विन्नवेइ नरनाहं ।
 उज्जाणे संपत्तो सूरी गुणसायरो नाम ॥३४३२॥
 मज्झा अहो अणुकूलं दिव्वं जं आगओ गुरू समए ।
 इय चित्तिऊण रज्जम्मि रायसिंहं सुयं ठवइ ॥३४३३॥

दाऊण महादाणं काउं जिणमंदिरेसु पूयाओ ।
 करि-कंध-गओ रत्ता समन्निओ रायसीहेण ॥३४३४॥
 उज्जाणे संपत्तो दहुं गुरुं गयाओ ओइत्तो ।
 नमिऊण विणयपुव्वं रायमयंको इमं भणइ ॥३४३५॥
 भयवं भवन्नवाओ जम्म-जरा-मरण-लहरि-हीरंतं ।
 नित्थारसु झत्ति ममं वय-बोहित्थ-प्पयाणेणं ॥३४३६॥
 गुरुणा वि वयं दिन्नं रायमयंकस्स राइणो विहिणा ।
 तह साहु-वग्ग-जोग्गा पइदिण-किरिया समुवइहा ॥३४३७॥
 अह सम्मत्त-पवित्तो गिहत्थ-धम्मो गुरुण पयमूले ।
 रयणवई-सहिणं पडिवत्तो रायसीहेण ॥३४३८॥
 भणियं च तेण- भयवं ! निच्चं सावगजणोच्चियं किच्चं ।
 अमहं पि कहसु ततो मुणिनाहो कहिउमादत्तो ॥३४३९॥
 पुव्विं पुलिंद-जम्मेजं संभरिऊण पिययमा-सहिओ ।
 कय-भवण-चमक्कारं संपइ पत्तो सि रज्जसिरि ॥३४४०॥
 पंचपरमेट्ठि-मंतं सुत्तविउद्धो सरेज्जं तं सट्ठो ।
 उभय-भवेसुं कत्लाण-कारणं जो विणिदिट्ठो ॥३४४१॥
 को हं ? किं मज्झा कुलं ? को देवो ? को गुरु ? य को धम्मो ? ।
 काइं च अणुव्वयाइं ? इय अणुसरणं मणे कुज्जा ॥३४४२॥
 सुइभूओ निय-घर-चेईयाइ निमज्जिऊण पूइज्जा ।
 सुरहि-कुसुमेहिं ततो विहिणा चिइवदणं कुज्जा ॥३४४३॥
 काउं पच्चदखाणं सत्तीए जिणालयम्मि वच्चेज्जा ।
 पविसिज्ज तत्थ विहिणा वियरेज्ज पयाहिणा-तियगं ॥३४४४॥
 अट्ठप्पयार-पूयाए जिणवरं पूईऊण वंदेज्ज ।
 वच्चेज्ज गुरु-समीवे करेज्ज तेसिं इमं विणयं ॥३४४५॥
 दहुं अब्भुट्ठाणं आगच्छंताण सम्मुहं जाणं ।
 सीसे अंजलिकरणं सयमासण-ढोयणं कुज्जा ॥३४४६॥
 निवसेज्ज निसन्नेसु गुरुसु वंदणमुवासणं ताण ।
 जं ताणं अणुगमणं इय विणयं अट्ठहा कुज्जा ॥३४४७॥

पच्चक्खाणं पयडेज्ज ताण पासे सुणिज्ज सिद्धंतं ।
 ततो करेज्ज वित्तिं गिहागओ धम्म-अविरुद्धं ॥३४४८॥
 मज्झण्हे पुण काउं जियपूयं अतिहिसंविभाग-वयं ।
 फासेज्ज तासु एसणिय-असण-दाणेण साहूण ॥३४४९॥
 पंचनमोक्कारं सुमरिऊण निरवज्ज-भोयणं कुज्जा ।
 कुसलेहिं समं सम्मं सत्थ-रहस्सं वियारिज्जा ॥३४५०॥
 संज्ञाए पुणरवि चेईयाइं संपूईऊण वंदिज्जा ।
 विहियावरसय-कम्मो करेज्ज सज्झायमेगमणो ॥३४५१॥
 समयम्मि पंचपरमेहि-मंत-सुमरण-परायणो निदं ।
 थेवं सेवेज्ज अबंभचेर-परिवज्जओ पायं ॥३४५२॥
 चम्मट्ठि-मंस-वसं-मज्ज-सुक्क-सोणिय-पुरीस-मुत्त-हरं ।
 जुवइ-सरीर-सखवं निदा-विगमे वि चितिज्जा ॥३४५३॥
 बालत्तणओ वि पवन्न-बंभचेराण विजिय-मयणाण ।
 वज्जिय-महिलाणं महरिसीण सीलं सलाहिज्जा ॥३४५४॥
 दोसेण जेण जेणेस जिप्पए तस्स तरस पडियारं ।
 चित्तेज्ज कयपमोओ मुणीसु तदोसमुक्केसु ॥३४५५॥ तहा,
 अरिहतो च्चिय देवो मुणिणो च्चिय सीलसंगया गुरुणो ।
 जीवदय च्चिय धम्मो जम्मे जम्मे मह हवेज्ज ॥३४५६॥
 सम्मत्त-पवित्त-मणो हवेज्ज चेडो वि तह दरिदो वि ।
 मिच्छत्त-छन्न-मई मा राया चक्कवटी वि ॥३४५७॥
 को सो हवेज्ज दियहो जम्मि अहं सव्व-संग-परिहारं ।
 काउं पडिवज्जिस्सं गुरु-पयमूलम्मि पव्वज्जं ? ॥३४५८॥
 कईया दुवालसंगं गिणिहस्समहं गुरुण वयणाओ ।
 कमलाओ महुयरं महुयरो व्व मयरद-संदोहं ? ॥३४५९॥
 दुव्वयणाइं सुणंतो घरे घरे फुरिय-असम-पसम-रसो ।
 भिक्खागओ सहिस्सं बावीस परीसहे कईया ? ॥३४६०॥
 बाहु व्व कया काहं उवग्गहं भत्त-पाण-दाणेण ? ।
 साहूण कया वीसामणं च काउं सुबाहु व्व ? ॥३४६१॥

कईया ममम्मि निसिकय-काउरसग्गे थिरम्मि थंभे व्व ।
 पुर-परिसरे करेस्संति कंध-कंडूयणं वसहा ? ॥३४६२॥
 सम-सुह-दुक्खो सम-कणय-पत्थरो सम-सपत्तख-पडिवक्खो ।
 सम-तरुणि-तणुक्केरो सम-मोक्ख-भवो कया होहं ? ॥३४६३॥
 गुण-पगरिसमारोद्धं पसम-सुहाराम-अमय-वुट्ठि-समं ।
 इय सिवपुर-गमण-रहे मणोरहे माणसे कुज्जा ॥३४६४॥
 एवं अहोरत्त विहिं कुणंतो पलित्त-गेहं व भवं मुणंतो ।
 लद्धूण सुद्धिं खविऊण दुक्खं गिही वि पावेइ कमेण मोक्खं ॥३४६५॥
 एवं गुरुवएसं कुणमाणो रायसिंह-नरनाहो ।
 अप्पडिहय-प्पयावो चिरकालं पालए रज्जं ॥३४६६॥
 पंचपरमेट्ठि-मंताणुभावओ दुज्जया वि नरवइणो ।
 लीलाए तस्स आणं वहंति सेसं व सीसेण ॥३४६७॥
 कुसुमेहि वणं व सरं व पंकएहिं नहं व रिक्खेहिं ।
 भुवणं जिणभुवणेहिं विभूसियं कारए एसो ॥३४६८॥
 पाविय-वय-परिणामो कयाइ एसो गओ गिलाणत्तं ।
 मरणावसरं मुणिऊण अप्पणो रायसिंह-निवो ॥३४६९॥
 रयणवई-अंगरुहं पयावसीहं निवेसए रज्जे ।
 परलोय-मग्ग-आराहणत्थमह वाहरेइ गुरु ॥३४७०॥
 नमिऊण भणइ एवं- भयवं ! समओचियं ममाइससु ।
 ततो वागरइ गुरु पज्जंताराहणं एयं ॥३४७१॥
 आलोयसु अईयारे वयाइं उच्चरसु खमसु जीवेसु ।
 वोसिरसु भावियप्पा अट्टारस-पावठाणाइं ॥३४७२॥
 चउसरणं दुक्कड-गरिहणं च सुकडाणुमोयणं कुणसु ।
 सुह-भावणं अणसणं पंचनमोक्कार-सरणं च ॥३४७३॥
 नाणम्मि दंसणम्मि य चरणम्मि तवम्मि तह य विरियम्मि ।
 पंचविहे आयारे अइयारालोयणं कुणसु ॥३४७४॥
 काल-विणयाइ-अट्ठप्पयार-आयार-विरहियं नाणं ।
 जं किं पि मए पढियं मिच्छा मे दुक्कडं तस्स ॥३४७५॥

नाणीण जं न दिन्नं सइ सामत्थम्मि वत्थ-असणाई ।
 जं च विहिया अवन्ना मिच्छा मे दुक्कडं तरस्स ॥३४७६॥
 जं पंचभेय-नाणस्स निंदणं जं इमस्स उवहासो ।
 जं च कओ उवघाओ मिच्छा मे दुक्कडं तरस्स ॥३४७७॥
 नाणोवगरणभूयाण कवलिया-फलय-पुच्छयाईण ।
 आसायणा कया जं मिच्छा मे दुक्कडं तरस्स ॥३४७८॥
 जं सम्मत्तं निस्संक्रियाइ अट्ठविह-गुण-समाउत्तं ।
 धरियं मए न सम्मं मिच्छा मे दुक्कडं तरस्स ॥३४७९॥
 जं न जणिया जिणाणं जिण-पडिमाणं च भावओ पूया ।
 जं च अभत्ती विहिया मिच्छा मे दुक्कडं तरस्स ॥३४८०॥
 जं विरइओ विणासो चेइयदव्वस्स तं विणासंतो ।
 अन्नो उवेत्थिओ जं मिच्छा मे दुक्कडं तरस्स ॥३४८१॥
 आसायणं कुणंतो जं कहवि जिणिंद-मंदिराईसु ।
 सत्तीए न निस्सिद्धो मिच्छा मे दुक्कडं तरस्स ॥३४८२॥
 जं पंचहिं समिईहिं गुत्तीहिं तीहिं संगयं सययं ।
 परिपालियं न चरणं मिच्छा मे दुक्कडं तरस्स ॥३४८३॥
 एगिंदियाण जं कहवि पुढवि-जल-जलण-मारुय-तरुणं ।
 जीवाण वहो विहिओ मिच्छा मे दुक्कडं तरस्स ॥३४८४॥
 किमि-संख-सुत्ति-पूयर-जलूय-गंडोलया-ऽलसप्पमुहा ।
 हणिया बिइंदिया जं मिच्छा मे दुक्कडं तरस्स ॥३४८५॥
 गदहय-कुंथू-जुया-मंकुण-मक्कोड-कीडियाईया ।
 निहया तिइंदिया जं मिच्छा मे दुक्कडं तरस्स ॥३४८६॥
 कोलियय-कुत्तिया-तिट्ठ-मच्छिया-सलह-छप्पयप्पमुहा ।
 चउरिंदिया हया जं मिच्छा मे दुक्कडं तरस्स ॥३४८७॥
 जलयर-थलयर-खयरा आउट्टि-पमाय-दप्पकप्पेहिं ।
 पंचिंदिया हया जं मिच्छा मे दुक्कडं तरस्स ॥३४८८॥
 जं कोह-लोह-भय-हास-परवसेणं मए विमूढेण ।
 भासियमसच्च-वयणं मिच्छा मे दुक्कडं तरस्स ॥३४८९॥

जं कवडवावडेहिं मए परं वंचिउण्ण थेवं पि ।
 गहियं धणं अदिन्नं मिच्छा मे दुक्कडं तरस्स ॥३४९०॥
 दिव्वं व माणुसं वा तेरिच्छं वा सरागहियएणं ।
 जं मेहुणमायरियं मिच्छा मे दुक्कडं तरस्स ॥३४९१॥
 जं धण-धन्न-सुवन्न-प्पमुहम्मि परिग्गहे नवविहे ति ।
 विहियं मए ममत्तं मिच्छा मे दुक्कडं तरस्स ॥३४९२॥
 जं राईभोयण-विरमणाइ-नियमेसु विविहस्सवेसु ।
 खलियं मह संजायं मिच्छा मे दुक्कडं तरस्स ॥३४९३॥
 बाहिरमब्भितरयं तवं दुवालसविहं जिणुदिट्ठं ।
 जं सत्तीए न कयं मिच्छा मे दुक्कडं तरस्स ॥३४९४॥
 जोगेसु भोक्खपय-साहगेसु जं वीरियं न य पउत्तं ।
 मण-वाया-काएहिं मिच्छा मे दुक्कडं तरस्स ॥३४९५॥
 पाणाइवायविरमण-पमुहाइं तुमं दुवालस-वयाइं ।
 सम्मं परिभावंतो भणसु जहागहिय-भंगाइं ॥३४९६॥
 खामेसु सव्व-सत्ते खमेसु तेसिं तुमं वि गयकोवो ।
 परिहरिय-पुव्ववेरो सव्वे मित्ते ति चित्तेसु ॥३४९७॥
 पाणाइवायमलियं चोरिक्कं मेहुणं दविण-मुच्छं ।
 कोहं माणं मायं लोहं पेज्जं तहा दोसं ॥३४९८॥
 कलहं अब्भक्खाणं पेसुब्बं अरइ-रइ-समाउत्तं ।
 पर-परिवायं माया-मोसं मिच्छत्त-सल्लं च ॥३४९९॥
 वोसिरसु इमाइं भोक्ख-मग्ग-संसग्ग-विग्घभूयाइं ।
 दुग्गइ-निबंधणाइं अट्टारस-पावट्टाणाइं ॥३५००॥
 चउतीस-अइसय-जुया जे केवलनाण-मुणिय-परमत्था ।
 सुरविहिय-समोसरणा अरहंता मज्झ ते सरणं ॥३५०१॥
 चउविह-कसाय-चत्ता चउवयणा चउप्पयार-धम्मकहा ।
 जे चउगइ-दुह-दलणा अरहंता मज्झ ते सरणं ॥३५०२॥
 जे अट्ट-कम्म-रहिया अट्ट-महापाडिहेर-पडिपुब्बा ।
 अट्ट-मयट्टाण-विरया अरहंता मज्झ ते सरणं ॥३५०३॥

भवखेत्ते अरुहंता भावारि-प्पहणणेण अरिहंता ।
 जे तिजय-पुयणिज्जा अरुहंता मज्झ ते सरणं ॥३९०४॥
 तरिउण भवसमुदं रउद-दुह-लहरि-लवख-दुल्लंघं ।
 जे सिद्धि-सुहं पत्ता ते सिद्धा हुंतु मह सरणं ॥३९०५॥
 जे भंजिउण तव-मुग्गरेण निबिडाइं कम्म-नियलाइं ।
 संपत्ता मोक्ख-सुहं ते सिद्धा हुंतु मह सरणं ॥३९०६॥
 झाणानल-जोगेण जाओ निदुह-सयल-कम्म-मलो ।
 कणगं व जाण अप्पा ते सिद्धा हुंतु मह सरणं ॥३९०७॥
 जाण न जम्मो न जरा न वाहिणो न मरणं न वाऽऽबाहा ।
 न य कोहाइ कसाया ते सिद्धा हुंतु मह सरणं ॥३९०८॥
 काउं महुयर-वित्तिं जे बायालीस-दोस-परिसुद्धं ।
 भुंजंति भत्तपाणं ते मुणिणो हुंतु मह सरणं ॥३९०९॥
 पंचिंदिय-दमणपरा निज्जिय-कंदप्प-दप्प-सर-पसरा ।
 धारंति बंभचेरं ते मुणिणो हुंतु मह सरणं ॥३९१०॥
 जे पंचसमिइ-समिया पंचमहव्वय-भरुव्वहण-वसहा ।
 पंचमगइ-अणुरत्ता ते मुणिणो हुंतु मह सरणं ॥३९११॥
 जे चत्त-सयल-संगा सम-मणि-तण-मित्त-सत्तुणो धीरा ।
 साहंति मुख-मग्गं ते मुणिणो हुंतु मह सरणं ॥३९१२॥
 जो केवलनाण-दिवायरेहिं तित्थंकरेहिं पन्नतो ।
 सव्व-जगज्जीव-हियओ सो धम्मो होउ मह सरणं ॥३९१३॥
 कल्लाण-कोडि-जणणी जत्थ अणत्थप्पबंध-निदलणी ।
 वन्निज्जइ जीवदया सो धम्मो होउ मह सरणं ॥३९१४॥
 जो पावभरुक्कंतं जीवं भीमम्मि कुगइ-कूवम्मि ।
 धारेइ निवडमाणं सो धम्मो होउ मह सरणं ॥३९१५॥
 सग्गापवग्ग-पुर-मग्ग-लग्ग-लोयाण सत्थवाहो जो ।
 भवअडवि-लंघणखमो सो धम्मो होउ मह सरणं ॥३९१६॥
 एवं चउण्हं सरणं पवन्नो.
 निव्विन्न-चित्तो भवचारयाओ ।

जं दुक्कडं किं पि समवखमेमि.

निंदामि सव्वं पि अहं तमिण्हिं ॥३५१७॥

जं एत्थ मिच्छत्त-विमोहिण्ण,

मए भमंतेण कयं कुत्तिथं ।

मणेण वायाइ^{५५} कलेवरेणं,

निंदामि सव्वं पि अहं तमिण्हिं ॥३५१८॥

पच्छाईओ जं जिणधम्म-मग्गो,

मए कुमग्गो पयडीकओ जं ।

जाओ अहं जं परं-पावहेऊ,

निंदामि सव्वं पि अहं तमिण्हिं ॥३५१९॥

जंताणि जं जंतुवहावहाइं,

हलुवखलाईणि मए कयाइं ।

जं पोसियं पाव-कुंडुंबयं च,

निंदामि सव्वं पि अहं तमिण्हिं ॥३५२०॥

जिणभवण-बिंब-पुत्थय-संघ-सख्खाए सत्त-खितीए ।

जं ववियं धण-बीयं तमहं अणुमोयए सुकयं^{५६} ॥३५२१॥

जं सुद्ध-नाण-दंसण-चरणाइं भवन्न-वप्पवहणाइं ।

आराहियाइं सम्मं तमहं अणुमोयए सुकयं ॥३५२२॥

जिण-सिद्ध-सूरि-उवज्झाय-साहु-साहम्मिय-पवयणेसु ।

जं विहिओ बहुमाणो तमहं अणुमोयए सुकयं ॥३५२३॥

सामाइय-चउवीसत्थयाइं आवरसयम्मि छब्भेए ।

जं उज्जमियं सम्मं तमहं अणुमोयए सुकयं ॥३५२४॥

पुव्वकय-पुन्न-पावाण सुवख-दुवखाण कारणं लोए ।

न य अन्नो को वि जणो इय मुणिय कुणसु सुहभावं ॥३५२५॥

पुव्वं दुच्चिन्नाणं कम्माणं वेइयाण जं मोवखा ।

न पुणो अवेइयाणं इय मुणिउं कुणसु सुहभावं ॥३५२६॥

जं तुमए नरए नारएण दुवखं तित्तिक्खियं तिवखं ।

ततो कत्तियमेत्तं इय मुणिउं कुणसु सुहभावं ॥३५२७॥

जेण विणा चारितं सुयं तवं दाण-सीलमवि सव्वं ॥
 कासकुसुमं व विहलं इय मुणितं कुणसु सुहभावं ॥३५२८॥
 जं भुजिउण बहुयं सुरपव्वय-पमुह-पव्वएहिंतो ।
 तिति तए न पत्ता तं चयसु चउव्विहाहारं ॥३५२९॥
 जं सुलहो जीवाणं सुर-नर-तिरि-नरय-गइचउक्के वि ।
 मुणितं दुल्लह-विरइं तं चयसु चउव्विहाहारं ॥३५३०॥
 छज्जीवनिकाय-वहे अकयम्मि कहं पि जो न संभवइ ।
 भवभमण-दुहाहारं तं चयसु चउव्विहाहारं ॥३५३१॥
 *चत्तम्मि जम्मि जीवाण होइ करयल-गयं सुरिदत्तं ।
 सिद्धि-सुहं पि हु सुलहं तं चयसु चउव्विहाहारं ॥३५३२॥
 नाणाविह-पावपरायणो वि जं पाविउण अवसाणे ।
 जीवो लहइ सुरत्तं तं सरसु मणे नमोक्कारं ॥३५३३॥
 जेण सहाएण गयाण परभवे संभवन्ति भवियाण ।
 मणवच्छिय-“सोक्खाइं तं सरसु मणे नमोक्कारं ॥३५३४॥
 सुलहाओ रमणीओ सुलहं रज्जं सुरत्तणं सुलहं ।
 *एक्खो च्चिय जो दुलहो तं सरसु मणे नमोक्कारं ॥३५३५॥
 लद्धम्मि जम्मि जीवाण जायए गोपयं व भवजलही ।
 सिवसुह-सच्चंकारं तं सुरसु मणे नमोक्कारं ॥३५३६॥
 एवं गुखवइडं पज्जंताराहणं निसुणिउण ।
 वोसह-सव्व-पावो तहेव आसेवए एसो ॥३५३७॥
 पंचपरमेहि-सुमरण-परायणो पाविउण पंचत्तं ।
 पत्तो पंचमकप्पम्मि रायसिंहो सुरिदत्तं ॥३५३८॥
 रयणवई वि हु तेण कमेण तेणेव सह मया रत्ता ।
 अत्थंगयम्मि चंदे कयावि किं चिट्ठए जोण्हा ? ॥३५३९॥
 एसा वि तत्थ कप्पम्मि तरस्स सामाणियत्तणं पत्ता ।
 तत्तो चुयाइं दोम्भि वि कमेण मोवखं लहिस्सन्ति ॥३५४०॥

पाठांतर :

१. तरस सचिवो ल. ॥ २. हविज्ज ल. रा. ॥ ३. निवगामे द. ॥ ४. जरठकुर
 पासे ल. ॥ ५. परं न. ल. रा. ॥ ६. भणियं ल. रा. ॥ ७. जगिमं द. पा. ॥ ८.
 निलियाणि ल. रा. ॥ ९. तारिसा पा. ॥ १०. विपुलमई-विउलमई द. पा. ॥ ११.
 कंदलियामिसेण द. पा. ॥ १२. विवाहाणंतरे ल. रा. ॥ १३. भासइ वणिद्य-पुतो ल.
 रा. ॥ १४. सरुव ल. ॥ १५. परिखिवइ ल. रा. ॥ १६. जीव-तित्थे द. पा. ॥ १७.
 सव्व निच्छुभमाणा ल. ॥ १८. रोयंती ल. रा. ॥ १९. पडिवज्जिउं ल. रा. ॥ २०-२१
 चंदसेणो ल. रा. ॥ २२. चिगिच्छा द. पा. ॥ २३. पुव्वं द. पा. रा. ॥ २४. कारविउं
 रा. ॥ २५. मरिउण नरयं गओ । केसवो पुण गुरुणो पासे... ल. रा. ॥ २६. मे द.
 पा. ॥ २७. आएसु ल. रा. ॥ २८. ठाउण द. पा. ॥ २९. संतसंतोसं द. पा. रा. ॥
 ३०. पिच्छसि ल. रा. ॥ ३१. भुविख्याइ ल. रा. ॥ ३२. कथामां आगळ 'रयणसारो'
 पाठ आवे छे. ३३. परिच्चयसु सोयं । ल. रा. ॥ ३४. कज्जं ल. रा. ॥ ३५. रयण कहि
 पि एस सिह खेयरिदरसं द. पा. ३६. विमल ल. रा. ॥ ३७. सुंदेरु द. ल. रा. ॥ ३८.
 एयं ल. ॥ ३९. कदिजलाए राहु तुमए ल. रा. ॥ ४०. सहाविओ ल. रा. ॥ ४१. दुयं
 ल. रा. ॥ ४२. 'अलिंणिउण..... मणेण' आटलो पाठ ल. रा मां नथी. ४३.
 भवणवाम्मि ल. ॥ ४४. पडिहच्छे ल. रा. ॥ ४५. एवं ल. ॥ ४६. गहिउण ल. ॥
 ४७. जीइ द. ॥ ४८. तत्थ ल. रा. ॥ ४९. पब्बले द. पा. ॥ ५०. मणमंछयित्थ-विसए
 द. पा. ॥ ५१. चित्तमंगलुं० ल. रा. ॥ ५२. सिद्धाओ ल. रा. ॥ ५३. बहुयं पि सुवन्नं ।
 एवं सोउण तेणावि नीयं अइ-बहुय-सुवन्नं । कया सामग्गी । केणावि पयारेण चंदणं
 वंचिउं गहिउण सुवन्नं पणट्ठो ल. रा. ॥ ५४. जायं जाईसरण द. पा. ॥ ५५.
 पूव्वभासेण ल. रा. ॥ ५६. लहिउण ल. ॥ ५७. भइसेणो रा. ॥ ५८. पुव्वेणमेव रत्ते
 उववन्ना ल. रा. ॥ ५९. तत्थ जिन्नरुवे ल. रा. ॥ ६०. केवलगो ल. रा. ॥ ६१.
 वसणंकुर ल. रा. ॥ ६२. ततः ल. रा. ॥ ६३. मद्द्वत्तान्तमियं द. पा. ॥ ६४. यथोक्ताः
 रा. ॥ ६५. वायाए द. पा. ॥ ६६. गाथा ३५२१-३५३१ सुधी द. पा. मां नथी. ६७.
 जेण कएण जीवाण द. पा. ॥ ६८. सुक्खाइ पा. ॥ ६९. एसो च्चिय ल. रा. ॥

• • •

दसमो पत्थावो

एवं अट्टारस-पय-मयं मोक्ख-सोवाण-पंति,
मोक्खत्थीणं कुणइ चमरो देसणं जाव सम्मं ।

पत्तो सूरु पडिहय-तमो ताव वोमस्स मज्झां,
को मज्झत्थो नहवइ जए तारिसे देसगम्मि ? ॥३५४१॥

पुन्नाए य बीय पोरिसीए विरए धम्म-कहणाओ चमर-गणहरे
सुराऽसुरा गया नंदीसरं । तत्थ सासय-जिण-पडिमाणं महिमं काऊण
पत्ता सद्धाणं । भयवं पि आगासगएणं पुरओ चक्कमंतेणं धम्मचक्केणं,
आगासगएणं धवलायवत्तेणं, आगासगएणं फलिहमएणं सपायवीढेणं
सिंहासणेणं, आगासगएहिं सेय-वर-चामरेहिं, अणेग-सुर-कोडि-
समुक्खित्तेणं पुरओ पयट्टेणं पवण-पणच्चंत-महापडाएणं पडाईया-
सहरस्स-परियरिएणं रयणज्झाएणं बहु-समण-समणी-संघेण चंदो व्व
नक्खत्त-ताराचक्केण परिवुडो विहरिओ तओ ठाणाओ । विहरंतस्स य
तरस्स बहुमाणेण व नमंति मग्ग-पायवा । अंतरंग-कंटय-
समुच्छेयच्छेयस्स भयवओ भएण व अहोमुहा चिट्ठंति कंटया । सगुण-
सिरोमणिणो सामिणो सेवय व्व पयाहिणा संपज्जंति सउणा । कंदप्प-
परिपंथिणो पहुणो सयल-काल-कय-कंदप्प-साहेज्जा वराह-विहुर व्व
सेवत्थं निय-निय-समय-समुब्भव-पुप्फ-फल-पाहुड-पयाण-पुव्वं
जुगवं पि उवट्ठिया उउणो । तिजय-रक्खणुज्जयस्स जय-गुरुणो पुव्व-
कय-तिजग-जगडण-दोस-खामणत्थं व अणुकूलत्तणं पवन्ना सद-
खव-गंध-रस-फासा । परमेसरस्स सुरहि-वयण-परिमल-लुद्धो व
धावए पिट्ठओ पवणो । अणहवुट्ठि-संगयस्स अबालभावस्स य भयवओ
जुत्तं चेव न वट्ठंति नहा वाला य । गंधसिंधुरस्स व गंधेण सेस-सिंधुरा
नासंति अरहओ पभावेण ईइवेरामय(?) मारिय-वुट्ठि-अइवुट्ठि-
दुब्बिक्ख-डमर-पमुहा उवट्ठवा । उच्चिट्ठ-सुरलोय-सुलह-
चिरंतणामयस्स-पाण-लालसा जहन्नओ वि कोडि-संखा समीवं न
मेल्लंति अमयभोइणो ।

इय चउतीसाए अइसएहिं सहिओ हिओवएसपरो ।

पर-उवयार-विहाणेण जंगमो कप्परुक्खो व्व ॥३५४२॥

केरल-कलिंग-कुंतल-तिलंग-कन्नाड-लाड-भोडेसु ।
 बंगंग-मगह-मालव-मरहट्ट-सुरट्ट-गउडेसु ॥३५४३॥
 अन्नेसु वि विविहेसुं देसेसु सुहावहो विहरमाणो ।
 केसिं पि सव्वविरइं निहि व्व रयणासयं दितो ॥३५४४॥
 पंचाणुव्वय-साहं गुण-सिक्खा-कुसुमममल-मोक्ख-फलं ।
 केसिं पि देसविरइं कप्पलयं पि समप्पंतो ॥३५४५॥
 पायडिय-विसुद्ध-पहं दुरंत-दोगच्च-दुक्ख-निदलणं ।
 केसिं पि महारयणं वियरमाणो य सम्मत्तं ॥३५४६॥

इय भविय-समूहं धम्ममग्गे ठवंतो,
 तियस-कय-पसंसो संसउच्छेयच्छेओ ।
 कुसमय-परचक्कं अक्कमंतो कमेणं,
 गमइ सुमइनाहो वास-लक्खे बहूए ॥३५४७॥
 अह अत्थि एत्थ भरहे कोसलदेसम्मि कुसलकोसम्मि ।
 साकेयं नाम पुरं रिद्धीए पुरंदरपुरं व ॥३५४८॥
 तत्थ समरसीहो राया ।

समरम्मि जो समग्गे विवक्ख-वग्गे पलायमाणम्मि ।
 संमुहमप्पाणं चिय पेक्खइ करवाल-संकंतं ॥३५४९॥
 तरस दमयंती देवी-

पसुवइणो सुर-सरि-जल-संसित्तो भाल-नयण-सिहि-तत्तो ।
 जल-जलण-वयं कुणइ व्व ससहरो जीए मुह-विजिओ ॥३५५०॥

तरस रत्नो तीए सह विसय-सुहं सेवंतरस वच्चंति वासरा । अन्नया
 देवीए सुहपसुत्ताए सुविणए किरण-कलाव-कवलिय-तिमिर-मंडलं दिहं
 मणि-कुंडलं, पडिबुद्धाए साहियं रत्नो । तेण वुत्तं- देवि ! मणि-कुंडलं
 व महि-महिला-मंडलं पुत्तो ते भविरसइ । तीए वि देव-गुरुप्पसाएण
 एवं होउ त्ति बहुमन्नियं रत्नो वयणं । पाउब्भूओ गब्भो । समए य
 देहप्पहा-पूरेण तिमिर-द्वारओ जाओ तीए द्वारओ । इमस्स नाल-
 निक्खिक्खणत्थं खणिज्जंते खोणीयले निग्गओ महग्घ-रयण-संगओ
 निही । सुविणय-निहि-लाभाणुसारेण कयं से निहिकुंडलो त्ति नामं ।
 वड्ढिओ सो देहोवचएण कलाकलावेण य, पत्तो तरुणी-नयण-कुरंग-

कीलावणं जोव्वणं ।

तणु-तेय-तुलिय-तवणेज्ज-पुंज-कंतीसु तह वि तरुणीसु ।
चक्खुं पि खिवइ न मुहा मुणि व्व निहिकुंडल-कुमारो ॥३५९१॥
सो बालकाल-परिसीलियं पि सयले कलाकलावम्मि ।
कुणमाणो अब्भासं मयणस्स न देइ अवयासं ॥३५९२॥

अन्नया दिव्वाणुभावेण दिव्व-कन्नयं सुविणए दहण तदणुरत्तो पत्तो
रणरणयं न पावए कत्थ वि रइं । मुणियमिणं पिउणा । पहाण-
रायकन्ना-पडिच्छंदाण आणयत्थं पेसिया सब्वत्थ पुरिसा । आणिऊण
दंसिया तेहिं ते कुमारस्स । न जाओ कत्थ वि सुविण-दिह-कन्नगा-
संवाओ । कयाइ भवणुज्जाण-कयलीवणे निसन्नस्स कुमारस्स आगओ
पुरिसो । पणमिऊण निविट्ठो पुरओ, दंसिया अणेण चित्तवट्ठिया । दिहं
तत्थ कुमारेण सुविण-दिह-कन्नगाणुरूवं रूवं । भणियं च
विम्वहओफुल्ल-लोयणेण- अहो ! चित्तकला-कोसल्लं चित्तयरस्स, जेण
सयल-भुवणच्छरियभुयं लिहियमेयं रूवं । पुरिसेण वुत्तं- कुमार !

चित्तयरस्स न किंचि विचित्तकरं चित्तकम्म-चउरत्तं ।
दहुम्मि पडिच्छंदं सम्मं लिहियं न जेण इमं ॥३५९३॥
एकरस्स पयावइणो वन्नसु विन्नाण-कोसलं एत्थ ।
जेण पडिच्छंदयमंतरेण बाला विणिम्मविया ॥३५९४॥

कुमारेण वुत्तं- कुविय-सुरवइ-साव-पबभट्ट किं अच्छर ? किं
खयरि गलियविज्ज गयणाओ निवडिय ? पायालह नीहरिय नागकन्न
किं नाग-विनडिय ?

मह आगरसइ एह मणु तं लोहु व अयकंतु ।
अवर-रमणि पवर विनिइवि जं किल आसि पसंतु ॥३५९५॥

ता भइ ! कहेसु का एस ? ति ।

पुरिसेण वुत्तं-कुमार ! सुण, महाराय-समरसीहाएसेण रायधूयाए
पडिच्छंदाणयणत्थं गओ अहं कुणाल-विसए सावत्थीए नयरीए । तत्थ
अरिचक्क-चडयसेणो हरिसेणो राया, तस्स कणय-कमणिज्ज-काय-कंती
कंतिमई कंता । ताणं धूया पुरंदरजसा । सा य अहिगय-कलाकलावा
पत्त-जोव्वणा । जणाओ कुमार ! तुह कित्ति सोऊण पुरिसंतरस्स नामं

पि न सहइ । न य निय-मणोगयं करस वि कहइ । जाया जणयस्स चिंता । भणिया अणेण मंतिणो-एत्थत्थे चित्तेह किंपि उवायं । मंतीहिं वुत्तं-देव ! दंसिज्जंतु इमीए रायकुमाराण पडिच्छंदया जइ कत्थ वि रागं करेज्ज । पेसिऊण पुरिसे आणाविया ते, दंसिया इमीए, न कत्थ वि वीसंता दिट्ठी । तुह पुण पडिच्छंदए दिट्ठे थंभिय व्व ठिया, समुल्लसिओ सव्वंगं पुलओ, जायं सेय-जल-बिंदु-संदोह-सुंदरं भालवट्ठं, विचंभिओ चंदण-जलदाइ-सिसिरोवयाराणं पि असज्झो देह-दाहो ।

तुममेव चिंतयंती तुज्झ गुण-कित्तणं चिय कुणंती ।

तुममेव आलिहंती गमेइ दियहाइ सा बाला ॥३९५६॥

दिट्ठा य मए सा तदवत्था, तप्पडिच्छंदं च लिहिऊण समागओहं ति । तव्विसयं अणुरागं मुणिऊण कुमारस्स रत्ना मग्गिऊण वरिया पुरंदरजसा । विवाहत्थं महासामग्गीए चलिओ निहिकुंडलो । वच्चंतो रत्न-मज्झो अवहरिओ तुरएण, पिच्छए गिरि-निकुंजे पज्जलंतं जलणं । गओ तत्थ कोउगेणं, दिट्ठो चउकोण-दिन्न-दीवए दिप्पंत-जलण-कुंड-सणाहे मंडले निविट्ठो कावालिगो, तस्स पुरओ भय-कंपंत-गत्ता एगा जुवई । चित्तियं कुमारेण-

किमिमा बाला स च्चिय सुविणे द्विते य जा मए दिट्ठा ।

अन्ना वा ? नवधूयत्तणेण तीए असंभवओ ॥३९५७॥

विहिविलसियाण चित्तत्तणेण संभवइ सा वि किं अहवा ।

रक्खेमि रक्खसाओ व एयाओ तं च अन्नं वा ॥३९५८॥

इओ य कत्तियं कट्ठिऊण भणियं कावालिगेण-‘कुणसु दिहं जीवलीयं, सरसु इहदेवयं । एय-पज्जवसाणो ते जीवलीओ’ ति । सा वि हा ताय ! हरिसेण महाराय ! हा पाणनाह ! निहिकुंडल कुमार ! एसा असरणा अहं विवज्जामि ति जंपंती परुत्ता । तओ सा चेव एसा हरिसेण-धूया ते(मे) पिययमेति निच्छिऊण खग्गवग्गकरो हक्कारव-भयंकरो रे रे अणज्ज ! किमेयमकज्जमारद्धं ?’ति भणंतो धाविओ कुमारो । तं च दइण मरण-भीओ पणट्ठो कावालिगो । पुरंदरजसा वि कहिऊण निय-वुत्तंतं आसासिया कुमारेण । पुच्छिया य- भदे ! कहमेयमवत्थं पत्ता सि ? । तीए वुत्तं-कुमार ! रयणीए सुहपसुत्ता अहं कहं पि हरिया इमिणा । पडिबुद्धाए य दिट्ठो एत्थ एसो, पुव्वं पि तुह गुणे

सोउण समप्पिओ मए अप्पा । संपयं पुण तए विक्कमेण किणीया अहं
ति । कुमारो वि तं घेत्तूण आगओ आवासं, कमेण पत्तो सावत्थीए ।
संजाय-दुगुण-हरिसेण रण्णा परिणाविओ पुरंदरजसं । सक्कारिओ करि-
तुरय-रह-सुवब्बाइ-दाणेण । आगओ स-नगरं । सेवए तीए सह
विसयं । कयाइ समर-वावारेण परलोयं पवन्ने समरसीहि निसब्बो रज्जे
निहिकुंडलो ।

जे न पवब्बा सेवं कउज्जमाणं पि पुव्वनिवईणं ।

ते वि हु पयावमेत्तेण तस्स आणापरा जाया ॥३५५९॥

अन्नया नंदिवद्धणायरिय-समीवे धम्मदेसणं सुणिउण सहकंताए
पवब्बो सावगत्तणं । कारेइ जिणाययणे, ठावेइ तेसु जिण-पडिमाओ,
कारवेइ रहजत्ताओ, पूएइ चउव्विह-संघं, करेइ जिणसासण-प्पभावणं ।
जाओ य तस्स सुओ पुन्नजसो ।

अह तत्थ तित्थनाहो सुमई निम्महिय-सयल-जण-कुमई ।

विहरंतो संपत्तो पडिबोहंतो भविय-वग्गं ॥३५६०॥

कयं देवेहिं समोसरणं, उवविट्ठो भयवं पयाहिणा-पुव्वं सिंहासणे,
वद्धाविओ निउत्त-पुरिसेण राया । दाउण तस्स तुट्ठिदाणं
गयकंधराधिरुद्धो गओ भयवओ वंदणत्थं । पंचविहाभिगमेण पविट्ठो
समोसरणे, ति-पयाहिणा-पुव्वं पणमिउण निविट्ठो स-ठाणे । निसब्बाए
दुवालसविहाए परिसाए पुरओ पारद्धा भयवया देसणा-

ते धत्तूर-तरुं वपंति भवने प्रोन्मूल्य कल्पद्रुमं,

चिन्तारत्नमपास्य काच-शकलं स्वीकुर्वन्ति ते जवात् ।

विक्रीय त्रिदशाधिराज-करिणं क्रीणन्ति ते रासभं,

ये लब्धं परिहृत्य धर्ममधमा धावन्ति भोगाशया ॥३५६१॥

तो रज्जा निहिकुंडलेण समयं लद्धूण पुट्ठो इमं-

सामी किं सुकयं कयं पिययमा-जुत्तेण पुव्वं मए ? ।

जेणाऽसेस-नरिद-मत्थय-मणी-लीढ-क्कमांभोरुहं,

पत्तं रज्जसुहं पुरंदरजसा जाया य मे वल्लहा ॥३५६२॥

सामिणा वुत्तं-अत्थि महाधणं नाम वणं । तत्थ जिण-
पणमणत्थमागयाहिं अछराहिं व मणि-सालिभंजियाहिं रेहंत-कणयखंभं

नाहि-नरिद-नंदण-जिणचंद-पडिमाए मणोहर-चेईहरं । तस्स उववण-
मज्झे आसि एगं कीर-मिहुणं । तं च कयाइ जिणिंद-पडिमं दहूण
पहिद्व-मणं माणुस-भासाए परोप्परं जंपिउं पवत्तं-

अव्वो अपुव्वमेयं खवं नयणाण अमयवुट्ठिसमं ।

अम्हेहिं जेहिं दिहं सहलं चिय जीवियं तेसिं ॥३५६३॥

ता निच्चं पि पिच्छिस्समाणो इमं ति । पिच्छंताण पिच्छंताण
गलिओ मोह-गंठी ।

फुरियं मणे- 'कस्सइ देवाहिदेवस्स पडिमा इम' ति ।

पत्ते य वसंते चंचूहिं चूयमंजरीओ घेतूण तेहिं दिन्नाओ पडिमा-
मत्थए । एवं तणु-कसायाण ताण अइक्कंतो कोइ कालो । कयाइ कीरो
मरिउण जाओ तुमं, कीरी वि जाया पुरंदरजसा । एयं सोऊण जायं
दोणहं पि जाईसरणं । रत्ता वुत्तं- तहाविह-विवेय-वियलत्तणेण अप्पमिणं
नियाणं फलं पुण विउल-रज्ज-रिद्धि-लक्खणं महंतं ति । सामिणा वुत्तं-

अज्ज वि थोवं पत्तं तए फलं वीयराय-पूयाए ।

पुब्बाणुबंधि-पुब्बाणुभावओ पाविहिसि बहुयं ॥३५६४॥

तहाहि-

एत्तो पिया-समेओ सोहम्मं वच्चिउं तओ चविओ ।

पुव्वविदेहे पुंडरिगिणीए निवचंद-निवइस्स ॥३५६५॥

सिरिचंदाए पियाए होहिसि ललियंगओ तुमं पुत्तो ।

देवी वि एत्थ विजए मणिनिहि-नयरम्मि रम्मम्मि ॥३५६६॥

सिव-राइणो सिवाए देवीए सुंदरा सुया होही ।

नामेणुम्मायंती उम्मायंती तरुणलोयं ॥३५६७॥

मयरद्धय-निहि-कलसायमाण-थणमुल्लसंत-लायन्नं ।

सा तारुन्नं पत्ता तो जणणी-जणिय-सिंगारा ॥३५६८॥

पिउ-पाय-पणमणत्थं वच्चिस्सइ सो वि तीए ख्वसिरिं ॥

सयल-जयब्भहियं पिच्छिउण चित्तिस्सए एयं ॥३५६९॥

मब्बे न को वि उचिओ वरो इमीए नरिद-तणएसु ।

जुत्तो सयंवरो ता वरउ वरं तत्थ इच्छाए ॥३५७०॥

एवंकए न दोसो अणुचिय-वर-दाणओ मह हवेज्ज ।

तत्तो निवचंद-निवो सयंवरांमंडवं काही ॥३५७१॥

मिलिस्संति तत्थ बहवे रायपुत्ता, तेसिं मज्झे चत्तारि- चउसु विज्जासु कुसला- जोइसे सीहो, विमाण-निम्माणे पुहइपालो, गारुडे अजो, धणुव्वेए ललियंगओ । उम्मायंती वि कयसिंगार-तिरच्छच्छ-विच्छोहेहिं समुच्छलंत-मच्छरिछेलि-संछन्ना लायन्न-जलहि-लहरि व्व तत्थागया वागरिस्सइ- जोइस-विमाण-गारुड-धणुव्वेय-विज्जाण मज्झे जो एगाए वि विज्जाए कुसलो सो मम वरो होउ ति । तओ ललियंगो राहावेहं काउण धणुव्वेय-कोसल्लं दंसिही ।

तस्स खिविस्सइ कंठे एसा गंधंध-महुयर-स्वेण ।

ललियंग-धणुव्वेयं सलाहमाणिं व वरमालं ॥३५७२॥

एत्थंतरे काम-परव्वसो कामंकुरो नाम खेयरो उम्मायंतिं अवहरिस्सइ । तओ तीए जणगलोगो ललियंगय-पमुहा य रायपुत्ता परिहूयमत्ताणं मज्जंता विसायं गमिस्संति । तत्थ जोइसिओ जेण जत्थ वा सा नीया तं कहिस्सइ । विमाणकारी विमाणं करिस्सइ । जोइसिय-कहिय-मग्गो विमाणारूढो ललियंगओ गमिस्सइ, वच्चंतो य हिमवंत-पव्वए पेक्खिस्सइ सखेयं खेयरेण पायवडिएण पसाइज्जमणिं उम्मायंतिं । तओ धणुदंडहत्थो ललियंगो भणिस्सइ एयं-‘अरे दुरायार ! परकलत्तं हरिउण मणुस्सो होसु ।’ कामंकुरो करवालकरो भविस्सइ संमुहो ।

मिलिस्सइ ललियंगो तहा सरं खेयरं पइ सरोसो ।

जह भिंदिउण सो तं सहस ति परेण नीहरिही ॥३५७३॥

तेणेव बाण-मग्गेण तस्स पाणा वि निक्खमिस्संति ।

को वा सदोस-ठाणाओ लद्धछिद्दो न नीहरइ ? ॥३५७४॥

ललियंगो वि उम्मायंतिं विमाणारूढमाणिउण समप्पिस्सइ पिउणो । तं च रयणीए भुयंग-डक्खं जीवाविस्सइ गारुडिओ । एत्थंतरे कओवयारा चत्तारि वि रायसुया तीए विवाह-कए विवायं करिस्संति । ‘कस्सेसा दिज्जउ ?’ति चिंताउरे गुरुयणे भणिस्सइ उम्मायंती-‘जो मए समं परलोयमणुसंधइ सो मे पइ होउ ।’ति । तओ ललियंगओ पुव्वभवारूढ-सिणेहो इमं पि पडिवज्जिउण पविसिस्सइ तीए सह चियाए । पज्जालिए जलणे पुव्वकय-सुरंगादारेण दो वि नीहरिस्संति ।

इयरे वि 'मया सयधुय' ति कयनिच्छया गमिस्संति सठाणं । परिणिस्सइ ललियंगओ उम्मायंति । तीए सह समागयं ललियंगयं निय-नयरे निवचंद राया सयं दिक्खा-गहणेण कओज्जमो ठविस्सइ निय-रज्जे । ललियंगो वि उम्मायंतीए सह विसए सेवंतो चिरं रज्जं पालिऊण सरयब्भ-पडलं पढमं पवड्डमाणं पच्छा पवणाहयं तक्खण-विणहं च पेच्छंतो विरत्तो चित्तिस्सइ जहा-

घण-पडलमिणं जह वड्डिऊण पवणाहयं गयं विलयं ।

तह चेव रूव-जोव्वण-सिरीओ सहसा पणस्संति ॥३५७५॥

ता सुकयं चेव काउं जुज्जइ ति चिंतापरस्स तस्स आगमिस्सइ सिरिहर-नाम तित्थयरो । तस्संतिए देसणं सोऊण नियपुत्त-दिङ्ग-रज्जो भज्जाए समं ललियंगो दिक्खं गिण्हस्सइ । तिब्ब-तव-च्चरणपराणि मरिऊण ईसाणदेवलोए दोवि देवत्तं लहिस्संति । तओ चुओ ललियंगय-जीवो धाईसंडे पुव्व-विदेहे रयणावईए पुरीए रयणनाह-रज्जो कमलावईए देवीए देवसेणो नंदणो । निरुवमेणं रूवेणं ललिएणं लायज्जेणं उदग्गेणं सोहग्गेणं महल्लेणं कलाकोसल्लेणं तोसियत्थि-संघाएणं चाएणं गुरुयणाणंद-जणाएणं विणाएणं अलद्धहीलेणं सीलेणं सयल-सुर-नर-खेयराणं पि सलाहणिज्जो भविस्सइ । उम्मायंती-जीवो य वेयड्ड-पव्वए उत्तर-सेढीए मणिकुंडल-नयरे मणिवइणो रज्जो मणिमालाए देवीए चंदकंता कन्ना होही । सा य विज्जाहर-मुहाओ देवसेणस्स गुणे सोऊण अणुराग-परवसा खेयराणं नामं पि न सहिस्सइ । भूगोयर-अणुरत्त ति निदिस्संति तं खेयरा । पन्नविस्संति सयणा जहा- असरिसगुणो ते देवसेणो ति । तहावि न विरमिस्सइ तदणुबंधाओ । तओ चित्तिस्सइ गुरुजणो- अत्थि ताव चंदकंताए देवसेणे पेम्मं । जइ तस्स वि एयं पइ हवेज्ज ता सुंदरं ।

प्रेमरम्यमुभयोः समं दिशोर्जायते यदिह चाषपिच्छवत् ।

एकतरु न चकास्ति साध्वपि ध्यामपृष्टमिव बर्हिणच्छदम् ॥३५७६॥

तओ तस्स पेम्म-परिक्खण-पुव्वं आणयणत्थं पेसिस्सइ चित्तमायं नाम खेयरं । सो वि चंदकंताए पडिच्छंदयं घेतूण गमिस्सइ रयणावईए नयरीए । दंसिस्सइ देवसेणस्स पडिच्छंदयं । सो वि तं दइण विम्हिय-मणो भणिस्सइ इमं- भइ ! अच्चब्भूयं रूवमेयं कीए संतियं ? ति ।

चित्तमाओ भणिस्सइ- मायंगीए । वियक्खिऊण भणिस्सइ देवसेणो-

नूणं कावि विसुद्ध-वंस-पभवा पंकेरुहच्छी इमा ?

मायंगि ति कहेसि जं पुण तुमं मायं ति मन्नेमि तं ।

मायंगी जइ होज्ज ता मह कहं एसा पमोयं मणे ?

उल्लासेइ जओ हरेइ हिययं हंसस्स किं वायसी ? ॥३५७७॥

एवं सोऊण मुणिय-देवसेण-चित्तो चित्तमाओ विउव्विय-तालतरु-
दीहदेहो देवसेणं उक्खिविस्सइ, नइस्सइ मणिकुंडल-नयरे । तओ
खेयरिदो गरुय-रिद्धीए चंदकंताए करग्गहणं कारविस्सइ महासक्कारेण ।
कित्तियं पि कालं धरिऊण, गुरुयण-दंसणूसुयं सुयाए चंदकंताए समं
विमाणारूढं नियपुरीए पराणिस्सइ ।

तीए सह देवसेणो विसय-सुहं सेविही विहिय-नेहो ।

अह सग्ग-गए जणए रज्जं परिपालिही सुइरं ॥३५७८॥

पिउ-पेसिएहिं वर-गंध-कुसुम-पमुहेहिं चंदकंताए ।

भोगो होही समए कुल-कप्पतरु ति तुह पुत्तो ॥३५७९॥

कयाइ किं कर-खयर-पमाय-दोसओ अहिणव-भोगंगाणं
कुसुमाईणं असंपत्तीए वासिएहिं पि तेहिं चंदकंता करिस्सइ सिंगारं । सो
य अच्चंत-मणहरो न भविस्सइ । तओ सहीजणो परिहासं विहिस्सइ
जहा-देवि ! न वल्लहा तुमं पिउणो जमेवं भोगंगाण परिहाणी । चंदकंता
वि तवखणेण वेरग्गं वच्चिहीही पिया वि मे मंद-नेहो जाओ ।

जत्थ सिणेहाभावं नियय-अवच्चेसु वच्चइ पिया वि ।

निय-कज्ज-नेहलाणं का गणणा तत्थ सेसाणं ? ॥३५८०॥

एवं भव-विरत्त-चित्तं चंदकंतं पेच्छिऊण राया वि विसय-विमुहो
होही । एत्थंतरे विउलजसो तत्थ तित्थयरो समागमिस्सइ । तओ पुत्तं
रज्जे ठविऊण देवसेणो देवी-सहिओ तरसंतीए वयं गेप्पिहस्सइ ।

कय-तिव्व-तवच्चरणो वेयावच्चम्मि निच्चमुज्जुत्तो ।

सो देवसेण-समणो अज्जिस्सइ चक्खिणो भोए ॥३५८१॥

सो जीवियावसाणे पाविस्सइ बंभलीय-इंदत्तं ।

देवी वि चंदकंता होही सामाणिओ तरस्स ॥३५८२॥

भोतूण तत्थ अक्खंड-सोक्खमाउक्खए तओ चविउं ।
 धाईसंडे पुव्विल्ल-मंदरासन्न-विजयम्मि ॥३५८३॥
 अमरावईपुरीए सिरिसेण-निवस्स सुजस-भज्जाए ।
 गय-वसहाइ-चउइस-सुविणय-पायडिय-चक्खिपओ ॥३५८४॥
 सो देवसेण-देवो पियंकरो नाम नंदणो होही ।
 देवी-जीवो पुण सुमइ-मंति-पुत्तो य पियमित्तो ॥३५८५॥
 पुव्व-भवब्भासवसेण ताण होही परोप्परं पीई ।
 अह सिरिसेणो ढहुं जरा-विचारं निय-सरीरि ॥३५८६॥
 चित्तिस्सइ जस्स कए विवेय-वियलेहिं कीरए पावं ।
 तं पि अधुवं सरीरं तम्हा धम्मो धुवो सरणं ॥३५८७॥
 तत्तो रज्जे ठविउं पियंकरं गेण्हिही सयं दिक्खं ।
 कय-तिव्व-तवच्चरणो लहिही कालेण निव्वाणं ॥३५८८॥
 होही कमेण चक्खी पियंकरो विजिय-विजय-छक्खंडो ।
 पियमित्तो मंति-सुओ इमस्स मंतित्तणं काही ॥३५८९॥
 सेणावइ गाहावइ पुरोहिय गय तुरय वहुइ इत्थी ।
 चक्खं छत्तं चम्मं मणिकागिणि खग्ग दंडो य ॥३५९०॥

पुव्विल्लाणं सत्तण्हं पंचिदियाणं पच्छिमाणं सत्तण्हं एगिंदियाणं
 रयणाणं-

नेसप्प पंडुए पिंगले य सव्व-रयणे य महापउमे ।
 काले य महाकाले माणवग महानिही संखे ॥३५९१॥

इमाणं नवण्हं निहीणं, सोलसण्हं अंगरक्ख-सहस्साणं, बत्तीसाए
 मउडबद्ध-रायसहस्साणं, बत्तीसाए रायकन्ना-सहस्साणं, बत्तीसाए
 जणवयधूया-सहस्साणं, बत्तीसाए नाडय-सहस्साणं, तिण्हं तेसट्ठाणं
 सूवयार-सयाणं, अट्टारसण्हं सेणिप्पसेणीणं, पत्तेयं चउरासीए करि-
 तुरय-रह-लक्खाणं, छन्नवईए पायक्क-कोडीणं, बत्तीसाए जणवय-
 सहस्साणं, नवनवईए दोणमुह-सहस्साणं, अडयालीसाए पट्टण-
 सहस्साणं, चउवीसाए कवड्ड-सहस्साणं, चउवीसाए मडंब-सहस्साणं,
 चउवीसाए आगर-सहस्साणं, सोलसण्हं खेड-सहस्साणं, चउइसण्हं
 संवाह-सहस्साणं, छन्नवईए गाम-कोडीणं, छप्पन्नाए अंतरोदगाणं,

एगूणपन्नासाए कुरुज्जाणं च । सामी चिरं चक्कवट्टि-भोए भुंजिस्सइ
पियंकरो ।

अन्नया तित्थयर-पउत्ति-निउत्त-पुरिसा विन्नविस्संति तं-देव ।
कुसुमसारुज्जाणे सयल-सुरासुरिंदविंद-वंदिज्जमाण-चलणारविंदो
सिवंकरो अरहा समोसदो । तेसिं तोसभर-निब्भरो चक्की अद्ध-तेरस-
कोडीओ तुट्ठिदाणं दाऊण सपरिवारो जिणिंद-वंदणत्थं वच्चिही ।

नमिऊण तित्थनाहं पुरो निसब्भो य पुच्छिही चक्की ।
चक्कित्तं कह पत्तं कहं च मे वल्लहो मंती ? ॥३५९२॥
तो जिणवरो कहिस्सइ तुमए कीरीजुएण करिण ।
विहिया जिणिंद-पूया इच्चाई पुव्वभव-चरियं ॥३५९३॥
किच्च,

पुव्वं पुन्न-दुमो दुवेहिं वविओ तुब्भेहिं काऊण जं,
पूयं तित्थयरस्स चूय-कुसुमुक्खेरेण कीरत्तणे ।
तरस्सेमं कुसुमं नरामर-सुहं चक्कित्त-मंतिस्सिरी,
पजलंतं लहिउं लहिस्सह धुवं निव्वाण-सुखं फलं ॥३५९४॥

तयणु जिण-समीवे चक्कवट्ठी खणेणं,
विसयसुह-विरत्तो पुत्त-निक्खित्त-रज्जो ।
सह निय-सचिवेणं गिण्हिउं साहु-दिक्खं,
गलिय-सयल-पावो पाविही मोक्ख-सोक्खं ॥३५९५॥

इय भूय-भाव-चरियं निययं निहिकुंडलो सह पियाए ।
सोऊण विसय-विमुहो निय-सुय-संठविय-रज्जभरो ॥३५९६॥
सुमइ-जिण-चलण-मूले गिण्हइ दिक्खं भवुक्खणण-दक्खं ।
कय-तिव्व-तवो समए मरिउं सोहम्ममणुपत्तो ॥३५९७॥

तत्तो साकेयाओ पुराओ अन्नत्थ विहरिओ भयवं ।
तियस-कय-कणय-कमलेसु नवसु संठविय-कम-कमलो ॥३५९८॥

सव्वत्तो पसरिय-गुरु-कसाय-दावानलेण डज्झंतं ।
भुवणं वणं व निव्वइ-वयण-धाराहि मेहो व्व ॥३५९९॥

एणेण दाहिणेणं करेण वरदो परेण सत्तिधरो ।
वामेण गाणमेयं पासं अवरेण वहमाणो ॥३६००॥

तुंबरु नामा जवखो धवलंगो गरुडवाहणो निच्चं ।
 कुणइ सिरि-सुमइ-तित्थंकरस्स तित्थम्मि सन्नज्झं ॥३६०१॥
 वरदा एगेण करेण दाहिणेणं परेण पासधरा ।
 वज्जउरंकुस-कलिएहिं वाम-हत्थेहिं रेहंती ॥३६०२॥
 नामेण महाकाली कमल-निसन्ना सुवन्नवन्न-तणू ।
 सासणदेवी सिरि-सुमइ-नाह-तित्थम्मि संजाया ॥३६०३॥
 विहरंतस्स भयवओ वीस-सहस्साहियाइं साहूण ।
 मोखपय-बद्ध-लक्खाइं तिन्नि-लक्खाइं जायाइं ॥३६०४॥
 सीलवईणं मत्थय-मणीण समणीण मोहसमणाणं ।
 जायाइ पंचलक्खा तीस-सहस्सेहिं संजुत्ता ॥३६०५॥
 केवलनाणीण गुणोह-रयण-खाणीण महुरवाणीणं ।
 जणिय-जण-पावहाणीण हुंति तेरस-सहस्साइं ॥३६०६॥
 मणपज्जवनाणीणं चारित्तनरिद-रायहाणीणं ।
 जायाइं दस-सहस्साइं अद्ध-पंचम-सयाइं च ॥३६०७॥
 एक्कारस-सहस्साइं पुन्निक्कनिहीण ओहिनाणीणं ।
 चउसयजुया चउदसपुव्वीण दुवे तह सहस्सा ॥३६०८॥
 वेउव्वियलद्धीणं विलसंत-महंत-पसमरिद्धीणं ।
 वरबुद्धीणं चउसय-सहिया अट्टारस-सहस्सा ॥३६०९॥
 परवाइ-पराजय-जाय-जयपसिद्धीण वायलद्धीणं ।
 पंचास-अहिय-चउसय-सहियाइं दस-सहस्साइं ॥३६१०॥
 एक्कासीई-सहस्साहियाइं लक्खाइं सावयाण दुवे ।
 पंचेव य लक्खा सावियाण सोलस-सहस्सजुया ॥३६११॥
 केवलनाणुप्पत्तीए पुव्वलक्खं दुवालसं गूणं ।
 वीसाए वरिसेहिं य रहियं विहरइ पहू भुवणे ॥३६१२॥
 निव्वाण-गमण-समयं निययं नाउण सुमइ तित्थयरो ।
 निय-परिवार-समेओ सम्मेय-गिरिम्मि संपत्तो ॥३६१३॥
 जो पवणाहय-बहु-विडविविडव-निवडंत-कुसुम-नियरेण ।
 सोहइ पहुणो भत्तीए पाय-पूयं व विरयंतो ॥३६१४॥

रयणमय-सिहर-दूरुच्छलंत-निज्झरण-नीर-पूरेण ।
 हरिसेण सहइ सामिरस्स मज्जणं काउकामो व्व ॥३६१५॥
 वर-पउमराय-फलिहिंदनील-किरणेहिं रेहइ जिणरस्स ।
 घुसिण-सिरिखंडमय-मयविलेवणं विरयमाणो व्व ॥३६१६॥
 रवि-किरणाहय-रविमणि-समुत्थ-जलणेण डज्झमाणेहिं ।
 कप्पूरागरु-दारुहिं धूवमुग्गाहयंतो व्व ॥३६१७॥
 पवणुव्वेल्लिर-पल्लव-करेहिं नट्टं पयासयंतो व्व ।
 गायंतओ व्व कुसुमावसत्त-भसलावलि-रवेण ॥३६१८॥
 तं सम्मेय-महीहरमारूढो जिणवरो तओ तत्थ ।
 सुर-जोइसियासुर-वंतरेहिं विहियं समोसरणं ॥३६१९॥
 तत्थ निसम्भो सिंहासणम्मि सूरुो व्व उदय-सेलम्मि ।
 वयण-किरणेहिं पयडइ भावाणं अवितहं रूवं ॥३६२०॥ तथाहि-
 स्वाम्यं स्वप्नसमं समागम-सुखं सन्ध्याभलेखा-मुखम्,
 तारुण्यं करि-कर्ण-ताल-तरलं लक्ष्मीं तडिद्दंगुरीम् ।
 आयुर्वायुचलं बलं कुसलता-लव्णाम्बु-बिन्दूपमम्,
 मत्वा विश्वमशाश्वतं वितनुत क्षेमाय धम्मोद्यमम् ॥३६२१॥
 इय धम्मदेसणामयरसेण संपीणिऊण भविय-गणं ।
 आरुहइ पहू तुंगं सिगं सम्मेय-सेलस्स ॥३६२२॥
 तत्थ पसत्थ-सिलाए समं सहस्सेण केवलि-मुणीणं ।
 पउमासणोवविट्ठो सुमइ-जिणो अणसणं कुणइ ॥३६२३॥
 अह बत्तीस सुरिदा सामाणिय-पमुह-देव-परियरिया ।
 निय-तणू-पहा-पयासिय-गयणयला तत्थ संपत्ता ॥३६२४॥
 सह अच्छराहिं वंदंति सामिणं संथुणंति गायंति ।
 नच्चंति पुरो बहुमाण-निब्भरा पज्जुवासंति ॥३६२५॥
 इंतेहिं नियत्तेहिं देव-देवी-गणेहिं संछन्नं ।
 सम्मेय-सेल-सग्गंतरालमुव्वहइ सग्ग-सिरि ॥३६२६॥
 मासंते ज्झायंतो सुक्खज्झाणस्स चरम-भेयमिमो ।
 लहु-पंचवखर-भणणप्पमाण-सेलेसिमारूढो ॥३६२७॥

चित्तस्स सुद्ध-नवमीए रयणिनाहे पुणव्वसु-गयम्मि ।
 लद्धण नाण-दंसण-सुह-विरिय-चउक्कयमणंतं ॥३६२८॥
 निह्विय-भवोवग्गाहिय-कम्म-वेयणिय-नाम-गोत्ताऊ ।
 सह साहु-सहस्सेणं सुमइ-जिणिंदो सिवं पत्तो ॥३६२९॥
 सिद्धिगइ-नामधेयं सिद्धंतधरेहिं जं समक्खायं ।
 हिमहार-धवल-वन्नं उत्ताणिय-छत्त-संठाणं ॥३६३०॥
 पणयालीसा जोयण-लक्ख-पमाणं च जं विणिदिहं ।
 जं अट्ट-जोयणाइं बाहल्लं वहइ मज्झम्मि ॥३६३१॥
 कमसो हायंते तम्मि मच्छिया-पत्त-तणुयरं अंते ।
 जम्म-जरा-रोग-विओग-सोग-मरणेहिं रहियं जं ॥३६३२॥
 जं कोह-माण-माया-लोहुब्भव-दुक्खलक्ख-परिचत्तं ।
 ईसा-विसाय-भय-मयण-मोह-रइ-अरइ-परिहरियं ॥३६३३॥
 निदा-खुहा-पिवासा-विसयासाणिहजोग-मुक्कं जं ।
 तस्संतिम-अट्टम-जोयणस्स पज्जंत-कोसो जो ॥३६३४॥
 तस्स वि छट्ठे भागे भणियमवट्ठाणमखिल-सिद्धाणं ।
 जेसिं न इंदियाइं न इंदियत्था न य सरीरं ॥३६३५॥
 भवतणु-तिभागहीणावगाहणो नाणदंसण-सरुवो ।
 तेसिं मज्झे भयवं जाओ जीवप्पएस-घणो ॥३६३६॥
 तत्तो निव्वाणगयं मुणिउण जिणेसरं सुमइनाहं ।
 बत्तीसा वि सुरिदा समन्निया देवदेवीहिं ॥३६३७॥
 हिययब्भंतर-पसरिय-सोयानल-इज्झमाण-सव्वंगा ।
 मिल्लंति अद्ध-कट्टं व बाह-संदोह-नीसंदं ॥३६३८॥
 वेउव्विय-बाह-जलप्पवाह-संसित्त-सयल-महिवलया ।
 गरूय-सरेण रूयंता सदेक्कमयं कुणंति जयं ॥३६३९॥ तहा
 एत्तिय-कालं ति-जयं आसि सणाहं तुमम्मि विहरंते ।
 संपइ सिवपय-पत्ते नाह अणाहं इमं जायं ॥३६४०॥
 तइं तइलोक्क-पईवे निव्वाण-गयम्मि नाह भविय-गणो ।
 कह मोह-तमोह-घणे संचरिही मोक्ख-मग्गम्मि ? ॥३६४१॥

तइं अत्थमिं सूरुं व्व केवलालोय-पयडिय-पयत्थे ।
 मोहंधयार-रुद्धं तिहुयणमेयं कहं होही ? ॥३६४२॥
 भीम-भवाडवि-मज्झे कसाय-तक्करगणेण अम्हाणं ।
 लूडिज्जंताण तुमं मुत्तुं को रक्खणं काही ? ॥३६४३॥
 उद्धरणखमो वि तुमं भुवणं भव-कूव-निवडियं मोत्तुं ।
 जं पत्तो मोक्खे तुह तं किं जुत्तं दयानिहिणो ? ॥३६४४॥
 मोह-नरिद-निरुद्धे कुवासणा-लोहसंकला-बद्धे ।
 भवचारयाउ तुममंतरेण को कट्ठिही अम्हे ? ॥३६४५॥
 नाह ! तुमं कप्पतरु संसार-मरुत्थलम्मि जाओ वि ।
 संपइ गओ सि कत्थ वि अहह अहन्ना इमे अम्हे ॥३६४६॥
 निरसंख-दुक्खलहरी-भीमे भवसायरम्मि बुद्धंतं ।
 जं छड्डिऊण भुवणं पत्तो सि सिवं न तं जुत्तं ॥३६४७॥
 एवं चउव्विह सुरा खयरा मणुया य सह निय-पियाहिं ।
 सिरि-सुमहनाह-विरेहे विलवन्ति महंत-सोएण ॥३६४८॥
 मोक्खपयं संपत्ते पहुम्मि धम्मोवएसमलहंते ।
 विलवइ सव्वो वि जणो निय-कज्जं वल्लहं जेण ॥३६४९॥
 तत्तो सुरेसरेहिं खीरोयप्पमुह-नीरपूरेण ।
 घण-घुसिण-गंध-मीसेण सामिणो देहमहिसित्तं ॥३६५०॥
 मयणाहि-सणाहेणं लित्तं हरियंदणेण सव्वत्तो ।
 सोरब्भ-गुण-निवासेहिं वासियं पवर-वासेहि ॥३६५१॥
 धूवेहिं धूवियं देवदारु-कप्पूर-अगुरु-पमुहेहिं ।
 संछाइयं अदूसेण सव्वओ देवदूसेण ॥३६५२॥
 मंदार-पारियाय-संताणय-पमुह-कुसुममालाहिं ।
 संपूईऊण ठवियं देवच्छंदम्मि रयणमए ॥३६५३॥
 तं उक्खिवित्तं इंदा किंकरसुर-पहय-तूर-सदेण ।
 गोसीस-चंदणागुरु-निचियाए चियाए ठावन्ति ॥३६५४॥
 एवं असेस-किच्चं काउं सामाणिएहिं देवेहिं ।
 चियगासु ठावियाइं सेस-जईणं सरीराइं ॥३६५५॥

तो अग्गिकुमारेहिं सुहेण जलणो चियासु पव्विखत्तो ।
 पज्जालियाओ एयाओ वाउणा वाउकुमारेहिं ॥३६५६॥
 अह सुमइनाह-देहस्स मंस-रुहिरम्मि झामिए मुत्तुं ।
 मेहकुमारेहिं जलं सुरेहिं विज्झाविया चियगा ॥३६५७॥
 तत्तो गिण्हइ पहुणो उवरिल्लं दाहिणं हणुं सक्को ।
 चमरिदो हेट्ठिल्लं व गिण्हए दाहिणं हणुगं ॥३६५८॥
 वामं ईसाणिंदो उवरिल्लं हिट्ठिमं बली लेइ ।
 सेसट्ठवीस-दंते कप्पेण गिण्हंति सेसिंदा ॥३६५९॥
 सेसऽट्ठियाणि देवा रक्खं पुण खेयरा नरा लिति ।
 अहमहमिगाए उवसग्ग-वग्ग-निग्घायण-निमित्तं ॥३६६०॥
 माणवग्ग-खंभ गयदंत-निहिय-सक्कय-समुग्गयगणेसु ।
 वयरमएसु सुरिदा ठवंति जत्तेण सकहाओ ॥३६६१॥
 पूयंति ताओ निच्चं जइ तेसिं कोइ परिभवं कुज्जा ।
 तो तन्हवण-जलेणं कुणंति ते अप्पणो रक्खं ॥३६६२॥
 लोए वि कप्परक्खो संकप्पियमप्पए वणसई वि ।
 चितारयणं उवलो वि वियरए चितियं वत्थुं ॥३६६३॥
 संजणइ तवखणेणं कामियमत्थं पसू वि कामदुहा ।
 ददुर-सप्पाइ-मणी अट्ठि-सखवो वि हणइ विसं ॥३६६४॥
 तणरूवाओ वि हु ओसहीओ साहेति हत्थबद्धाओ ।
 जरहरण-वसीयरण-प्पमुहाइं महंत-कज्जाइं ॥३६६५॥
 इय जइ वि चेयणाण वि विसिद्ध-गुण-लेस-वज्जियाणं पि ।
 साइसय-कज्ज-करणप्पवण विप्फुरइ माहप्पं ॥३६६६॥
 ता केवलनाणधराण जइ जिणिंदाण तव-समिद्धाण ।
 देहावयवा साहंति वंछियं तत्थ किं चोज्जं ? ॥३६६७॥
 पहु-सक्खारट्ठाणे तियसा थूभं कुणंति रयणमयं ।
 रयणमयं पहु-पडिमं तदुवरि ठविउण पुज्जंति ॥३६६८॥
 उक्कीरइ मोक्ख-सिलायलम्मि नामं च लक्खणाइं च ।
 वज्जेणावज्जहरस्स वज्जपाणी-जिणिंदस्स ॥३६६९॥

तत्तो य जंति नंदीसरम्मि दीवे सुरासुरा सव्वे ।
 सासय-जिणभवणेषुं कुणंति अद्दाहिया-महिमं ॥३६७०॥
 अह चित्तम्मि धरंता टंकुक्किन्नं व सुमइ-जिणनाहं ।
 निय-निय-परिवारजुया निय-निय-ठाणेषु वच्चंति ॥३६७१॥
 कुमरत्ते दसलवखा पुव्वाणं सुमइ-सामिणा गमिया ।
 एगूणतीस लवखा रज्जम्मि दुवालसंगजुया ॥३६७२॥
 एगं च पुव्वलवखं कयं चरित्तं दुवालसंगूणं ।
 चालीस पुव्वलवखा सव्वाओ भयवओ एवं ॥३६७३॥
 अभिनंदण-निव्वाणाउ सुमइनाहस्स निव्वुई जाया ।
 इह सागरोवमाणं गएसु नवकोडि-लवखेसु ॥३६७४॥
 अह सामि-विरह-विहुरिय-चित्तस्स चउव्विहस्स संघस्स ।
 चमरो पदम-गणहरो एवं अणुसासनं कुणइ ॥३६७५॥
 कम्म-नियलाइं छित्तूण भीम-भव-चारयाओ निवखंतो ।
 संपत्तो जत्थ पहू सासयमाणंदमय-सोवखं ॥३६७६॥
 तम्मि पहु-परम-पय-गमण-वासरे गरुय-मंगलप्पसरे ।
 पडिहय-सोयावसरे किं न पमोयं मणे कुणह ॥३६७७॥
 तत्तो पुच्छइ संघो- परम-पए केरिसं सुहं भयवं ? ।
 चमरो पयंपए- सुणह इत्थ अत्थम्मि दिट्ठंतो ॥३६७८॥
 को वि नरिदो निय-पट्टणाओ विवरीय-सिक्ख-तुरएण ।
 अडवीए पक्खित्तो खुहा-तिसा-पीडिओ संतो ॥३६७९॥
 पायव-तलम्मि पडिओ केणावि पुलिंदएण करुणाए ।
 विहिओ पउणसरीरो वर-सलिल-फलप्पयाणेण ॥३६८०॥
 मिलियम्मि नियय-सेन्ने नेइ कयञ्चु त्ति तं निवो नयरे ।
 ठावइ मणिपासाए परिहावइ पट्टवत्थाइं ॥३६८१॥
 वर-मोयग-पमुहेहिं दिव्वाहारेहिं पीणइ पुलिंदं ।
 तह वि न सो लहइ रइं निय-जम्मसुवं सुमरमाणो ॥३६८२॥
 मुणिऊण इमं रत्ता विसज्जिओ सो नियं गओ अडवि ।
 मिलिओ सयणाण इमेहिं पुच्छिओ-‘कत्थ पत्तो सि ?’ ॥३६८३॥

सो कहइ-‘नरवरेणं नयरे नीओ म्हि’ ते पयंपंति-।
 ‘केरिसयं तं नयरं ?’ सो बुल्लइ-‘पल्लितुल्लं ति’ ॥३६८४॥
 ते बिति-‘कत्थ वसिओ ?’ सो जंपइ-‘मणिमयम्मि पासाए !’
 ते बिति-‘केरिसो सो ?’ सो जंपइ-‘उडव-सारिच्छो’ ॥३६८५॥
 ते बिति-‘किं परिहियं तुमए ?’ सो भणइ-‘पट्टवत्थाइं’ ।
 ते बिति-‘केरिसाई ?’ सो जंपइ ।-‘वक्खल-समाईं’ ॥३६८६॥
 ते बिति-‘किं चि भुत्तं ?’ सो जंपइ-‘मोयगा’ भणंति इमे-।
 ‘ते केरिसा ?’ पुलिंदो जंपइ-‘परिपक्क-बिल्ल-समा’ ॥३६८७॥
 इय अडवि-पसिद्धेहिं दिहंतेहिं अदिह-नयराणं ।
 अह सो सयणाण पुरो नयर-सरूवं परूवेइ ॥३६८८॥
 तह अमुणिय-सिद्ध-सुहाण सिद्धि-सुखं पि अणुवमत्तेण ।
 वुत्तुमसक्कं पि कहेमि किंपि जयपयड-नाएण ॥३६८९॥
 सयलाऽऽहि-वाहि-रहिओ महुहाहारेहिं पीणिय-ससरीरो ।
 तरुणो कलासु कुसलो वियह-मित्तेहिं परियरिओ ॥३६९०॥
 सुणमाणो संपीणिय-कन्नं किन्नर-कयं सरस-गेयं ।
 पेच्छंतो बहुविह-हावभाव-रम्मं रमणि-नटं ॥३६९१॥
 कुसुम-मयणाहि-घणसार-चंदणामोय-मोइयप्पाणो ।
 कप्पूर-पारिपरिणय-पगिह-तंबोल-सुरहि-सुहो ॥३६९२॥
 पट्टसुय-पच्छाईय-महल्ल-पल्लंक-हंसतूलि-गओ ।
 पेसलए सन्निहिय-कामिणी-विहिय-चडुकम्मे ॥३६९३॥
 इय अणुकूले विसए सेवंतो जं सुहं जणो लहइ ।
 तं एक्क-सिद्ध-सुखस्स होइ नाणंतभागो वि ॥३६९४॥
 भणियं च-

जं च कामसुहं लोए जं च दिव्वं महासुहं ।
 वीयराय-सुहरसेहाणंतभागे न अग्घई ॥३६९५॥
 एवं निम्मिय-निक्कलंक-भुवणालोयम्मि अत्थंगए,
 सव्वब्बुम्मि दिणेसरे व्व चमरो चारित्त-चूडामणी ।
 तत्तेयं लहिउण मोक्ख-पयवी पज्जोयणो पच्चलो,
 लोए मोह-महंधयार-नियरं दीवो व्व विद्धंसए ॥३६९६॥

कत्थाहं जड-बुद्धि धाम-चरियं ? सव्वञ्जुणो कत्थ वा ?
 नाउणं पि इमं इमं विरईयं हासावहं जं मए ।
 तं एयस्स पभावओ च्चिय जणे सोहं परं पाविही,
 लद्धं सिप्पउडं न किं जललवो मुत्ताहलं जायए ? ॥३६९७॥
 एयं पंचम-तित्थनाह-चरियं संवेय-संजीवणं,
 संसारण्णव-लंघण-प्पवहणं कल्लाण-वल्ली-घणं ।
 जो वक्खाणइ जो सुणेइ तह जो वाएइ जो ज्झायए,
 भुत्तूणं मणुयामरे सुरसुहं सिद्धिं पि सो पावए ॥३६९८॥

* * *

चन्द्राकौ गुरुवृद्धगच्छनभसः कर्णावतंसौ क्षिते-
 धुर्यौ धर्मरथस्य सर्वजगतस्तत्त्वावलोक्य दृशौ ।
 निर्वाणावसथस्य तोरणमहास्तम्भावभूतामुभा-
 वेकः श्रीमुनिचन्द्रसूरिपरः श्रीमानदेवप्रभुः ॥३६९९॥
 शिष्यस्तयोरजितदेव इति प्रसिद्धः
 सूरिः समस्तगुणरत्ननिधिर्बभूव ।
 प्रीतिं यदङ्घ्रिकमले मुनिभृङ्गराजि-
 रास्वादितश्रुतरसा तरसा बबन्ध ॥३७००॥
 श्रीदेवसूरिप्रमुखा बभूवुरन्येऽपि तत्पादपयोजहंसाः ।
 येषामबाधारचितस्थितीनां नालीकमैत्रीमुदमाततान ॥३७०१॥
 विशारदशिरोमणेरजितदेवसूरिप्रभो-
 र्विनेयतिलकोऽभवद्विजयसिंहसूरिगुरुः ।
 जगत्त्रयविजेतृभिर्विमलशीलवर्मावृतं
 व्यभेदि न कदाचन स्मरशरैर्यदीयं मनः ॥३७०२॥
 गुरोस्तस्य पदाम्भोजप्रसादान्मन्दधीरपि ।
 श्रीमान्सोमप्रभाचार्यश्चचरित्रं सुमतेर्व्यधात् ॥३७०३॥
 प्राग्वाटान्वयसागरेन्दुरसमप्रज्ञः कृतज्ञः क्षमी
 वाग्मी सूक्तिसुधानिधानमजनि श्रीपालनामा पुमान् ।
 यं लोकोत्तरकाव्यरञ्जितमतिः साहित्यविद्यारतिः
 श्रीसिद्धाधिपतिः कवीन्द्र-तिलकं भ्रातेति च व्याहरत् ॥३७०४॥

सूनुस्तस्य कुमारपालनृपतिप्रीतेः पदं धीमता-

मुत्तंसः कविचक्रमस्तकमणिः श्री सिद्धपालोऽभवत् ।

यं व्यालोक्य परोपकारकरुणासौजन्यसत्यक्षमा-

दाक्षिण्यैः कलितं कलौ कृतयुगारम्भो जनो मन्यते ॥३७०५॥

तस्य पौषधशालायां पुरेऽणहिलपाटके ।

निष्प्रत्युहमिदं प्रोक्तं पदार्थान्त (?)..... ॥३७०६॥

अनाभोगात्किञ्चित्किमपि मतिवैकल्यवशतः

किमत्यौत्सुक्येन स्मृतिविरहदोषेण किमपि ।

मयोत्सूत्रं शास्त्रे यदिह किमपि प्रोक्तमखिलं

क्षमन्तां धीमन्तस्तदसमदयापूर्णहृदयाः ॥३७०७॥

* * *

